

ਬੀਰ ਬਾਹ ਬੀਲ

চাণক্য সেন | ধীরে বহে নীল



নবভারতী

৮ শ্যামাচরণ দে স্ট্রীট : কলিকাতা-১২

“ধীরে বহে নীল” ১৯৫৭ সালের জুন থেকে ডিসেম্বর পর্যন্ত ধারাবাহিকরূপে “দেশ” পত্রিকায় প্রকাশিত হয়েছিল। পুস্তক-বেশে পাঠক সমাজে উপস্থিত হবার জন্যে সাজ-পোশাক কিছু বদলেছে। অগাভরণ ছাড়াও, কয়েকটি নতুন অধ্যায় সংযুক্ত হয়েছে, প্রায় সব পুরানো অধ্যায়গুলি পরিমার্জিত, পরিবর্ধিত হয়েছে।

“ধীরে বহে নীল” ভ্রমণ-কাহিনী নয়। বিংশবোত্তর মিশরকে কেন্দ্র করে সমগ্র মধ্য-প্রাচ্য-সমস্যার বাংলা ভাষায় প্রথম প্রামাণিক আলোচনা।

আরব-প্রাঙ্গণে মনুষ্য-সভ্যতার অন্যতম আদি বিকাশ। ইতিহাসের গোড়া থেকে এ-প্রাঙ্গণ ঘটনাবাহুল্যে পরিপূর্ণ। বিংশ শতাব্দীর মধ্যভাগে এ-প্রাঙ্গণে এসে ভিড় করেছে পৃথিবীর জটিলতম সমস্যা। শূন্য দশকেটি মানুষের স্বরাজ্য-বানুল শেষ-সংগ্রাম-সংকল্পই নয়, পৃথিবীর দুটি শ্রেষ্ঠ প্রতিদ্বন্দ্বী এখানে প্রভুত্বের দাবি নিয়ে মল্লভূমিতে মুখোমুখি দাঁড়িয়ে। সাবেকী সাম্রাজ্যবাদের অনিচ্ছুক প্রস্থান ভেঙ্গে দিচ্ছে বহুদিনের সমাজ-কাঠামো। আরবভূমি আজ “জটিল-গহন-পথ-সংকট-সংশয়-উদ্ভ্রান্ত”।

আরব ভারতের পশ্চিম প্রতিবেশী। বহু শতাব্দী পূর্বে, তখনো যুরোপীয় সভ্যতার ভ্রম হয় নি, আরব ও ভারতবাসীর মধ্যে মিত্রতাব সংলাপ শুরু হয়েছিল। যুরোপকে ভারত ও দূর-প্রাচ্যের সঙ্গে পরিচিত করেছিল আরব। ভারতীয় সংস্কৃতির কয়েকটি শ্রেষ্ঠ অবদান আরবের হাত থেকে পেয়েছিল যুরোপ। আজও ভারতের সঙ্গে পশ্চিমের সংযোগ-পথ আরবভূমি। এখানকার সংকট ও সমস্যার সঙ্গে তথ্যানুগে পরিচয় প্রত্যেক ভারতবাসীর পক্ষে অপরিহার্য। “দেশ” পত্রিকায় প্রকাশিত হবার সময় “ধীরে বহে নীল” পাঠক-সমাজে উৎসাহের সৃষ্টি করেছিল। ভাবতবর্ষের নানা শহর থেকে বহু পাঠক পত্রে লেখককে তার কিছুটা পরিচয় দিয়েছিলেন। তাতে বোকা গিয়েছিল বাঙালী পাঠক বিশ্বপরিচয়ের আগ্রহে অদীল। পরিবর্তনশীল পৃথিবীর প্রামাণিক পরিচয় সে পেতে চায়। অথচ বহু-সম্ভারে পরিপূর্ণ বাংলা-সাহিত্যের বিস্তীর্ণ আঙিনায় রজনীতি-সাহিত্যের অভাব একান্ত। বর্তমান প্রচেষ্টা যদি এ-দাবিদ্বা বিদ্যমাত্র ও দূর করতে সক্ষম হয়, তাহলে সে হয়তো শ্রেয়তর, যোগ্যতর লেখকের উদ্যোগকে সজাগ করবে।

এ ধরনের বই যাবা লিখেছেন তাঁরা জানেন নতুন গ্রন্থকার কত সূত্রে পল্লভন ও সমকালীন সহকর্মীদের কাছে ঋণী। তাব একমাত্র আশা ভবিষ্যতের লেখক তার সঙ্গে কোনো-না-কোনো ক্ষীণ সূত্রে বাঁধা পড়বেন। বহুব শূভেচ্ছা, উৎসাহ ও সহযোগিতায় নতুন লেখকের প্রচেষ্টা সার্থকতা পায়। তাবা কৃতজ্ঞতা স্বীকারের মামূল ভদ্রতার উদ্দেশ্যে।

তথ্যটি বর্তমান উদ্যোগে হাত-মেলানো কয়েকজনের নাম উল্লেখ করতেই হবে। সবার আগে শ্রীসাগরময় ঘোষ। তিনি “দেশ”-পত্রিকায় না ছাপলে “ধীরে বহে নীল” লেখা হত না। দিল্লীর সুখ্যাত শিক্ষণী শ্রীচন্দ্ররজন পাকড়াশী শূন্য লেখা-পড়ে-ভাল-লাগা-র মতো নিরাবয়ব প্রেরণায় প্রচ্ছদপট আঁকার দাবিত্ব নিয়েছিলেন। মিশরের প্রাচীনতম সংস্কৃতির কয়েকটি বিশেষকর প্রতীক তাঁর অঙ্কনে মূর্ত হয়ে উঠেছে। এ বই-এ যে তিনটি বিশ্লেষক চিত্র রয়েছে, তাও তাঁর তৈরী। প্রকাশক শ্রীসুনীল দাশগুপ্ত “ধীরে বহে নীল”-কে অঙ্গ-শযায় সর্বাঙ্গসুন্দর কবতে কার্পণ্য করেন নি। দিল্লীর মিশরী দত্তাবাস ও কাইরোর মিশর সরকারের সংস্কৃতি-বিভাগও লেখককে অনেক সাহায্য করেছেন।

নয়া দেহলী,

শ্রীচাপক সেন।

২৬শে জানুয়ারী, ১৯৫৮

বাবার স্মরণে,

মা-কে শ্রদ্ধায়

প্রথম প্রকাশ

জুলাই—১৯৫৮

প্রকাশক

সুনীল দাশগুপ্ত

নবভাবতী

৮, শ্যামাচরণ দে স্ট্রীট

কলিকাতা ১২

মুদ্রণ

রবীন্দ্রনাথ ডটচাৰ্ভ

মেক্সোপলিটান প্রিন্টিং অ্যান্ড পাবলিশিং হাউস প্রাইভেট লিমিটেড,

১৪১, সুরেন্দ্রনাথ বানার্জী রোড,

কলিকাতা-১৩

প্রচ্ছদ

চিত্তরঞ্জন পাকড়াশী

দাম—সাত টাকা



গামাল আব্দুল নাসের



এই অপূর্ব প্রস্তরমূর্তি প্রাচীন মিশরের ফারোয়া রামজেসের।



রাষ্ট্রপতি রাজেন্দ্রপ্রসাদ ও নাসের । ১৯৫৫ সালের এপ্রিলে বাতঃ যাত্রার
প্রাকালে নাসের নিউ দিল্লীতে এসেছিলেন ।



নাসের প্রধানমন্ত্রী শ্রীনেহরু ও উপরাষ্ট্রপতি ডাঃ রাধাকৃষ্ণণ ।



নতুন মিশরের ভিত্তি গড়া হচ্ছে বৈজ্ঞানিক সভ্যতার উপর। আল্লাইট
বোধ, উচ্চতর মিশরের অন্ততম প্রধান।




রাজঘাটে মহাত্মা গান্ধীর সমাধিস্থলে নাসের আরব শ্রদ্ধার্ঘ্য দান করছেন।





নাসের ও টিটো

১৯৫৬ সালের দৈনিক উৎপাদন: ১৬.৬ মিলি: গ্যাসেন
আঞ্চলিক হিসাব (মি: গ্যাস)




ভূগর্ভে অবস্থিত তেল : ২৩১ বিলিয়ন গ্যাস
আঞ্চলিক পরিমাণ (মি: গ্যাস)





মধ্য প্রাচ্যের রাজনৈতিক ও সামরিক চেহারা

(প্রত্যেক প্রদেশের সৈন্য সংখ্যা সমেত)



“যা’মরা প্রত্যেকে, আমাদের নিজস্ব পথে, অসাধ্যসাধন করতে পারি”—গামাল
নাসের

ইতিহাসের গোড়া থেকে বহু আশ্চর্য নাটকের মঞ্চভূমি সভ্যতার জনক, নীল
নদের উভয় তীরবর্তী প্রাচীন মিশর।

কত নায়ক অধিনায়ক আবির্ভূত হয়েছেন এই রণক্ষেত্র : সীজর, দারামুস,
অলেকজান্ডার, ক্রিয়োপাত্রা, নেপোলিয়ন! কত সভ্যতার সৌধচূড়া আজ
এবে বাবে নিশ্চিহ্ন।

ইতিহাসের প্রায় সমস্ত বিজয়ী বাহিনীর জয়যাত্রায় উড়েছে নীল উপত্যকার
এই ধূনি, কত নৃশংসতা ও পাশবিকতা গাত মিলিয়েছে কত শ্রী ও
সৌন্দর্যের সঙ্গে। কত মানুষের কত স্বপ্ন বিলীন হয়ে আছে এখানকার
প্রাচীন বাতাসে! গত কয়েকশত বছরের মধ্যেই লুপ্ত হয়ে গেছে নেপোলি-
নের সিংহ প্রাচীরের জ্যেব স্বপ্ন, মুহম্মদ আলীর স্বাধীন মিশরের স্বপ্ন।

আজ নতুন করে নিশ্চিহ্ন হয়েছে আর একটি নিপুণ সাম্রাজ্যের গর্ভিত সৌধ,
যা গড়ে উঠেছিল বড় বড় সাম্রাজ্য-নির্মাণীদের যত্নে, কৌশলে ও কূটনীতিতে
—প্যারিসেটান ডিজবেইলী, প্ল্যাডস্টোন, কজান, এ্যালেনবী ও উইনস্টন
চার্চিল। চরম ন দার্শনিক নীটশে একদা বলেছিলেন, “ফরোপের শক্তিগুলি
সাম্রাজ্য গড়েছে তাদের চরিত্রেরই অনুরূপে—এদের চরিত্র হল শিকারী জন্তুর
চরিত্র।” মিশর থেকে এই সাম্রাজ্যের শেষ ছায়া অপসারণ আমাদের যুগের
এক বিরাটতম কীর্তি।

ইতিহাসের পাণ্ডা ওলটালে এই সফলের স্বরূপ বোঝা যায়। আড়াই
হাজার বছর ধরে মিশর পরাধীনতার জ্বালা বয়ে এসেছে। তার শত্রু হয়
৫২৫ খ্রীঃ পূর্বাংশে পারসিক বিজয়ের সঙ্গে। পারসিকদের পরে আসে
ম্যাসিডোনীয়ানরা, এরপর রোমান, তুর্কী, আরব। তারপর আবার তুর্কী,
তার পেছনে ফতেমী, কুর্দ, মামেলুক, আলবেনীয়ান, ইংরেজ। রাজশক্তি
চালিত হয়েছে পারস্য থেকে; রোম, কনস্টান্টিনোপল, ডামাস্কাস, বাগদাদ
অথবা আলেকজান্দ্রিয়া বা কাইরো থেকে। কিন্তু রাজক্ষমতা, শাসকশ্রেণী,
সেনাপতি ও উচ্চপদস্থ রাজকর্মচারী সবাই বিদেশী। মিশরের মানুষ রয়ে
গেছে দূরে—পেয়েছে কঠিন শাসন ও শোষণ, বর্বর অত্যাচার, বেঁচে থেকেছে
ক্বীতদাসের মতো। এক একটি পিরামিডতলে চাপা পড়েছে হাজার হাজার

মিশরী মেহনতীর চোখের জল, বৃকের রক্ত। টোলেমী শাসকরা এবং তারপর রোমানরা পুরাতন ফারোয়াদেরই পদাঙ্ক অনুসরণ করেছে; আরব খলিফারাও মিশরকে শোষণ করতে বিপদমাত্র করুণা করেন নি।* তারপর তুর্কী সাম্রাজ্যবাদীরা, দাসবংশীয় মামেলুকরা, মহম্মদ আলী বংশের শেষতম রাজা ফারুক পর্যন্ত কোনো রাজশাস্তিধারকই মিশরের জনসাধারণকে বাঁচবার অধিকার দিতে রাজী হয়নি। তাই, অন্যান্য দেশের মতো, মিশরের উৎপীড়িত, ক্ষুধার্ত গরিব চাষীর এমন কোনো গৌরবময় অতীত নেই, যার দিকে ফিরে তাকিয়ে সে পায় তৃপ্তি ও শান্তি; মিশরের গ্রামে গ্রামে এমন কোনো রূপকথা বা কিংবদন্তী পর্যন্ত নেই, যা এক প্রাচুর্যপূর্ণ পুরাতনের স্মৃতিমিত কান্দি বহন করে।

মিশরের এই পুরাতন সাধারণ মানুষ, ইতিহাসের বিচিত্র শোভাযাত্রা যে আপন চোখে দেখে এসেছে সভ্যতার প্রভাত থেকে, অথচ এত দীর্ঘ সহস্র সহস্র বছর এই ইতিহাসের গঠনে যার কোনো সক্রিয় অংশ নেই, আজ সেই সাধারণ মানুষ জেগে উঠেছে এক নতুন যুগের আহবানে। তার গৌরব করবার মতো অতীত নেই; কিন্তু গৌরব করবার মতো বর্তমান ও ভবিষ্যৎ আজ তৈরী হতে চলেছে। এই নতুন নির্মাণে তার অংশ সক্রিয়, সতেজ, সজ্জান।

গামাল আব্দুল নাসের মিশরের সাধারণ মানুষকে দিয়েছেন এক গৌরবদীপ্ত বর্তমান এবং উজ্জ্বলতর ভবিষ্যতের পথ। হঠাৎ তাঁর নেতৃত্বে মিশর জেগে উঠেছে বহু যুগের স্মৃতি থেকে বিরাট আত্মশক্তি নিয়ে। হঠাৎ সে বৃদ্ধিতে পেরেছে ইতিহাসের সম্পদসম্ভারে তার দান অনেক; সে-দানের বিনিময়ে আজ সে আত্মপ্রতিষ্ঠার অধিকারী। হঠাৎ সে জানতে পেরেছে সে ক্ষীণবল ও হীন নয়; তাকে ছাড়া পৃথিবী অচল। সে নির্বান্ধব নয়; তার সঙ্গে হাত মিলিয়েছে পৃথিবীর অর্ধেক মানুষ। তার অতীত শুদ্ধ অত্যাচার, শোষণ আর পরাজয়ের কাহিনী নয়; মানুষের দুহাত ভরে সে দিয়েছেও অনেক। আজ এই বিংশ শতকের শেষার্ধের প্রথম দশকে জাগ্রত মিশর মানুষের দরবারে নতুন এক শক্তি, আত্মবিশ্বাস ও বলিষ্ঠ স্বপ্ন নিয়ে দাঁড়িয়েছে।

গামাল নাসের ইতিহাসের একজন “সেরা মানুষ” শুদ্ধ মিশরকে এভাবে জাগিয়ে দেবার কৃতিত্বে। তাঁর আগে বহু দেশে বহু সামরিক অফিসার রাজশক্তি অধিকার করেছেন; অনেক দেশে অনেক জননেতা বাজমুদুট কেড়ে নিয়ে রাজাকে নির্বাসন দিয়েছেন, রাজসিংহাসন ভেঙ্গে টুকরো টুকরো করেছেন। নাসেরের কৃতিত্ব মিশরকে ফারুকের দুঃশাসন থেকে উদ্ধার করাই শুদ্ধ নয়। শুদ্ধ এও নয় যে, তিনি ইংরাজ সাম্রাজ্যের জগদ্দল পাথরের শ্বাসরোধকারী চাপ থেকে মিশরকে মুক্ত করেছেন। তাঁর প্রধান কৃতিত্ব এই যে তিনি মিশরের সাধারণ মানুষের বুকে এবং সমগ্র আরব জাতির হৃদয়ে নতুন আশা এনেছেন। তাদের শির আজ উন্নত, বাহুতে নতুন বল, অন্তরে নতুন স্বপ্ন। প্রায় দেড় শ বছর আগে নেপোলিয়ন য়ুরোপে যা করেছিলেন, নাসের আজ তা করেছেন আরব-ভূমিতে। নেপোলিয়ন ফ্রান্সে বিপ্লব এনে সারা য়ুরোপে যে নতুন

* “And where the Arabs used whips, the Turks and Mamelukes used scorpions”—Egypt; *An Economic and Social Analysis*, Prof. Charles Issawi, London, Page 6.

প্রাণের সাজা জাগিয়েছিলেন, একদিন নিজেই তিনি তাকে নষ্ট ও ব্যর্থ করেন। নাসেরের ভবিষ্যৎ কী আজ কেউ বলতে পারে না। তিনি এখনো তরুণ—মাত্র চল্লিশ বছর তাঁর বয়স। যদি তিনি মিশরের বিপ্লবকে ঠিকপথে চালিত করে রাজশক্তি জনসম্মতির উপর সুস্থির কোনো এক সংগঠনের মধ্যে পরিচালিত করতে পারেন, ক্ষমতা যদি তাঁর আজকের বিনয় আত্মজিজ্ঞাসাকে পরাজিত না করতে পারে, যদি তিনি তাঁর বিপ্লবের আদর্শকে সত্যি বাস্তবে পরিণত করতে পারেন, তবে এশিয়া-আফ্রিকার জাগরণের ইতিহাসে তিনি পাবেন এক মহা নাযবেব সম্মান।

“সব চেয়ে বড় রণক্ষেত্র হচ্ছে মিশর”—গামাল নাসের

৯

আবব বিদ্রোহ ও প্রথম বিশ্বযুদ্ধান্তর আবব হতাশাব মধ্যে গামাল অল্-অল্ নাসেরের জন্ম। অথোমান সাম্রাজ্য-শৃঙ্খল থেকে মুক্তি পেতে আরব জাতিকে সাহায্যের প্রতিশ্রুতি দেয় ইংরেজ, আর সেই প্রতিশ্রুতির উপর নির্ভর করে বর্তমান সৌদী আরবে প্রথম বিদ্রোহের আগনে জ্বলে ওঠে শেরিফ হুসেনের নেতৃত্বে। কিন্তু যুদ্ধ থামবাব আগেই বোকা বান্ন বিরাট আরব-ভূমিতে স্বাধীন এক আরব রাষ্ট্র গঠনের বদলে বৃটেন ও ফ্রান্স চাইছে নতুন এক সাম্রাজ্যের ভিত্তি স্থাপন করতে। প্যারিস শান্তি সম্মেলনীতে মুক্তি-কামী আবব জাতির আশা চূর্ণ-বিচূর্ণ করে যে নতুন আরবভূমির সৃষ্টি হয়, সেখানে স্বাধীনতার বদলে প্রতিষ্ঠা পেল কতগুলি প্রায়-পরায়ণ বা পূর্ণ-অধীন আরব দেশ। আবব জাগরণের প্রথম প্রভাতেই সাম্রাজ্যবাদেব কালো মেঘ মধ্য প্রাচ্যের আকাশ ছেয়ে ফেলল। পুরাতন অথোমান সাম্রাট ছিলেন অন্তত মুসলমান, তাঁর শাসন ছিল দুরস্ত, শিথিল। নতুন সাম্রাজ্যবাদ পাশ্চাত্যের বহুমুখী শোষণযন্ত্র নিয়ে আরবভূমির উপর জাঁকিয়ে বসল।

এই সময় ১৯১৮ সালের ১৫ই জানুয়ারী মিশরের আসিউট প্রদেশে বেনি মোর নামক একটি ছোট শহরে নাসের জন্মগ্রহণ করেন। সচ্ছল মধ্যবিত্ত পরিবার। আট বছর বয়সে তাঁর পিতা তাঁকে কাইরোতে পাঠান লেখা-পড়ার জন্য, কাইরোর প্রাকৃতিক সৌন্দর্য বালক গামালকে বিমুগ্ধ করে। ঐ বছরই গামালের মা মারা যান। মাতৃহীন বালক ছোটবেলা থেকে নিঃসঙ্গ, চিন্তাশীল এবং ভারিঙ্গী হবে ওঠে। স্কুলে পড়বার সময় থেকেই নাসেরের মধ্যে রাজনৈতিক চেতনা দেখা দেয়; পরাধীনতা তখন থেকেই তাঁর কিশোর বৃকে আগুন জ্বালাতে থাকে। তখন মিশরের বাতাসে আশা-নিরাশার এক বিচিত্র খেলা চলছে। ১৯২২ সালে জগদল পাশা ইংরেজেব কাছ থেকে “স্বাধীনতা” আদায় করতে সক্ষম হন; মিশরে এই “ওয়ারফ্‌ড” দলের সাফল্যে নতুন আশার সঞ্চার হয়। কিন্তু কয়েক বছরের মধ্যেই বোকা বান্ন, ইংরেজের আসল প্রভুত্বের কিছুই হানি হয় নি; আসলে “ওয়ারফ্‌ড বিপ্লবই” ব্যর্থ হয়েছে।

রাজনৈতিক অসন্তোষ শূন্য এবং কিশোরদের মধ্যেও ছড়িয়ে পড়ে। ছাত্ররা দলে দলে শোভাযাত্রা এবং পিকেটিং করতে আরম্ভ করে। এই না-বোঝা না-জানা সংগ্রামের এক বিশেষ সক্রিয় নেতৃত্ব কিশোর গামালকে কেন্দ্র করে গড়ে ওঠে ১৯৩৪ সনের আগেই, তখনো তিনি উচ্চ মাধ্যমিক শিক্ষা সমাপ্ত করেন নি।

গামাল নাসের তাঁর পৃথিবী-বিখ্যাত পুস্তকে* বাল্যকাল বিষয়ে এক-অধটু ইঙ্গিত দিয়েছেন। এক জায়গায় তিনি বলেছেন, “১৯৩৬ সালে আমি যোগ দিতাম সেই সব শোভাযাত্রায়, যারা দাবী করত ১৯২৩ সালের সংবিধান পুনরায় চালু করা হোক। আমাদের দাবীতে তা চালু হবেও ছিল। ছাত্র প্রতিনিধিদের সঙ্গে মিশরের নেতাদের বাড়ি বাড়ি গিয়ে আমরা ধরনা দিতাম শৃঙ্খল এই অবৈধন নিয়ে যে, তাঁরা মিশরের মংগলের জন্য একত্র হোন। এই সব প্রচেষ্টার ফলেই ১৯৩৬ সালে নাশনাল ফ্রন্ট গঠিত হয়। এ-সময় আমি আমার একটি বন্ধুকে এক পত্রে লিখেছিলাম, ‘আজ্ঞা বলেছেন : সমস্ত শক্তি দিয়ে প্রতিরোধ করো; কিন্তু কোথায় আমাদের সেই শক্তি যা আজ প্রতিরোধের জন্য তৈরী থাকা উচিত ছিল? আজকাল অবস্থা সংগীন; মিশরের অবস্থা আরো খারাপ। আমরা মৃত্যুর মধ্যে দাঁড়িয়ে। হত্যাশার মন্দিরের খামগুলি যেন বড় শক্ত। তাদের চূর্ণ করবে কে?’”

নাসের বলেছেন, “কবে আমি আমার মধ্যে বিপ্লবের বীজ দেখতে পেলাম? আসল কথা এর বীজ একা আমারই মধ্যে ছিল না; ছিল আরো অনেকে মধ্যে যারা তার সঠিক খবর রাখত না। এই বীজ ছিল আমাদের মধ্যে জন্ম থেকে, আমাদের অবচেতন মনের মধ্যে এক একটা আশার অংকুর হয়ে। এ বীজ আমরা পেয়েছিলাম আমাদের পূর্বপুরুষদের কাছ থেকে।”

অন্য এক জায়গায় : “ছোটবেলা কোনো এরোস্টেন দেখলেই আমি সুর করে বলতে শুরু করতাম : ‘হে সর্বশক্তিমান ঈশ্বর; ইংরেজের সর্বনাশ করো।’ একদিন এর অর্থ খুঁজতে লাগলাম। পরে জানতে পাবলাম এই ছড়াটা চলে এসেছে মামেলকদের যুগ থেকে। এখন ইংরেজ ছিল না, কিন্তু তুর্কী বা ছিল। তাদের লক্ষ্য করে আমাদের পূর্বপুরুষেরা বলতেন, ‘হে ঈশ্বর, তুর্কীদের ধ্বংস করো।’ আমি শৃঙ্খল সেই বহু পুরাতন কামনারই একটি নতুন ব্যক্তন দিয়েছি। অত্যাচার চলে এসেছে, পরিবর্তনহীন। শৃঙ্খল বদলেছে অত্যাচারী।”

১৯৩৬ সালে বুটেন এবং মিশরের সঙ্গে যে ‘চিরদিন মৈত্রীর’ চুক্তি হয় তাতে মিশরী জনতা, বিশেষ করে যুবকসমাজ, মোটেই সন্তুষ্ট হতে পারে নি। সুয়েজ-আলেকজান্দ্রিয়ায় ইংরেজ বিরূপ সামরিক ঘাঁটি প্রতিষ্ঠা করে; তার বিপুল সাম্রাজ্যশক্তির ছত্রছায়ায় কাইরোতে ‘স্বাধীন’ মিশরের রাজশক্তি স্থাপিত হয়। ইজরোল সম্বন্ধে ইংরেজ সরকারের পরস্পর-বিরোধী ঘোষণা এবং আরব প্রতিরোধ সত্ত্বেও ধীরে ধীরে প্যালাস্টাইনে একটি ইহুদী রাষ্ট্র স্থাপন মিশরের আবহাওয়াকে আরো দূষিত করে তোলে।

১৯৩৭ সালে গামাল নাসের মিলিটারী কলেজে ভরতি হন। তাঁর সুন্দর স্বভাব, স্বাবলম্বন এবং গম্ভীর মনোভাব সহজেই সবার দৃষ্টি আকর্ষণ করে।

* Egypt's Liberation : The Philosophy of the Revolution, Washington, 1955.

তখন থেকেই স্পষ্টবক্তা এবং সাম্রাজ্যবাদ বিরোধিতার জন্য তিনি সুবিদিত হয়ে পড়েন। এমন একটি কঠিন এবং আকর্ষণকারী ব্যক্তিত্ব তাঁর ছিল যাতে তিনি অন্যায়সে ছাত্রদের প্রধান নেতা হয়ে ওঠেন। সঙ্গে ছিল তাঁর বিনয় স্বভাব এবং নিজের ও সবার প্রতি সহজাত শ্রদ্ধা। স্বল্পবাক ছিলেন তিনি, কিন্তু একবার কোনো বিষয়ে মনস্থির করে ফেললে তাঁকে উলানো ছিল অসম্ভব। কিন্তু তাই বলে কোনদিন তিনি গোড়া বা অন্যায়ত অসহিষ্ণু ছিলেন না। কোনো কাজ করতেন না অগ্র-পশ্চাৎ ভালো করে না ভেবে, পরিকল্পনা পরিপূর্ণ তৈরী না কবে, কিন্তু একবার কাজে নামলে তাঁকে তৌকিষে রাখা ছিল দুঃসাধ্য।

মিলিটারী কলেজ থেকে পাশ কবাব পর গামাল নাসেবের দৈনিক-জীবন শুরু হয়। ১৯৩৮ সাল থেকে আজ যাঁরা তাঁর বিপ্লবের প্রধান সহকর্মী সেই সব সামরিক অফিসারদের সঙ্গে নাসেবের পরিচয় ও বন্ধুত্ব হয়।

এই সময় থেকে পরবর্তী দশ বছর আমাদের তড়িৎ পদক্ষেপে উত্তীর্ণ হতে হবে। তৃতীয় বিশ্বযুদ্ধের সময় দু-তিনটি বিশেষ ঘটনা মিশরবাসীদের চেতনাকে বিক্ষুব্ধ কবে তোলে। তারা বৃহত্তে পাবে রাজা ফারুক দেশপ্রেম বিসর্জন দিয়ে বিলাসে এবং অসং উপায়ে অর্থ উপার্জনে গা ঢেলে দিয়েছেন; তাঁর কাছ থেকে মিশরের পাওনা শুল্ক শোষণ এবং আত্মসংলান। একদা যে ওয়াকফ্ পার্টি ইংরেজকে আংশিক ক্ষমতা হস্তান্তরে বাধ্য করেছিল আজ সে বাড় শক্তি ভোগেব সব একমুখে বিবেচিত, বিপ্লবে বিশ্বাসঘাতকতা করে আজ সে সমাজকল্যাণ বিবোধী। আবার একটা কথা মিশরবাসী পরিষ্কার বৃহত্তে পাবে। ইংবেজ ক্ষমতার ভগ্নাংশ দিয়ে সমাজে যে নতুন এক তাঁবেদার শ্রেণী তৈরী কবেছে তাব বাইকে ক্ষমতা যাতে না পেঁছয় তা দেখতে সে বৃহত্পরিকর।

১৯৪৮ সালেব প্যালেস্টাইন যুদ্ধে নাসেব তাঁর বিপ্লবের প্রথম সূচনা দেখতে পান। মিশর যুদ্ধে যোগদান করাব আগেই তিনি সেনাবাহিনী থেকে পদত্যাগ কবে স্বেচ্ছাসেবক রূপে প্যালেস্টাইনে লড়তে চান, কিন্তু তাঁর পদ-ত্যাগ গৃহীত হয় নি। মিশর যখন যুদ্ধে নামল, নাসেব লড়তে গেলেন দেশ-সীমান্তেব বাইবে। আবাবদেব পক্ষে এ ছিল স্বাধীনতা ও ধর্ম দুইয়েরই যুদ্ধ। কিন্তু শত্রুসৈন্যবোদ্ধিত সেই ফাল্গুন রণক্ষেত্রে বসে নাসেব এবং তাঁর সহকর্মীরা বৃহত্তে পাবলেন মিশরবেব শাসকবা কত নীচে নেমে গেছেন। লুকিয়ে লুকিয়ে চোরাক রবার কবে মিশর থেকে অস্ত্র গোলাবারুদ চালান গিয়েছে শত্রু শিবিরে, আব মিশর বাহিনীগুড়ি পেয়েছে এমন গোলাবারুদ যা কোনো কাজেই আসবাব নয়। এই বিবোর্ড জঘন্য দেশদ্রোহী কাববাবে যাঁরা মেটা লাভ কবেছেন তাঁদের মধ্যে আছেন রাজা ফারুক, মন্ত্রিসভার অনেক সদস্য, এবং কতবোব সংগে উচ্চতম আসনে প্রতিষ্ঠিত অনেক মিশরী নেতা। নাসেব ও তাঁর সংগীরা বৃহত্তে পাবলেন মনুষ্যত্বহীনতার বিষ দেশেব দেহকে কলুষিত, জর্জবিত কবেছে। কোনো জোড়াতালি দিয়ে এ বিষজর্জবিত দেহকে বাঁচানো অসম্ভব।

নাসেব তাঁর পুস্তকে বলেছেন, “প্যালেস্টাইনের অভিজ্ঞতার কথা স্মরণ করলে দু-চারটে অশ্রুত অনুভূতি আমার মনে আসে: আমরা লড়াইলাম প্যালেস্টাইনে, কিন্তু আমাদের অন্তর পড়ে ছিল মিশরে। আমাদের বন্ধুকেব লক্ষ্য ছিল রণক্ষেত্রেব অপর দিকে শত্রুদের দ্রোণ, কিন্তু আমাদের প্রাণ উড়ে

বেত বহু দূরে ফেলে-আসা আমাদের মাতৃভূমিতে থাকে আমরা হিংস্র স্বাপদের জিম্মার রেখে এসেছি।

“প্যালেস্টাইনে স্বাধীন অফিসারদের সেলগালিতে* প্রায়ই আলাপ আলোচনা ও গবেষণা চলত। শাল্‌হা সালেমা† এবং জাকারিয়া মহীউদ্দিন‡ একদিন শত্রুবাহু এঁড়িয়ে আমার কাছে এসে হাজির। চতুর্দিকে অবরুদ্ধ আমাদের সেই ঘাঁটিতে বসে, যুদ্ধের পরিণাম কী হবে না জেনেও, আমরা আলোচনা করতাম শত্রু মিশরের কথা, যে-মিশরকে রক্ষা করাই আমাদের সৈনিক-জীবনের ধর্ম।.....

“প্যালেস্টাইনে আমার পরিচয় হয় সেই সব বন্দীদের সঙ্গে যারা মিশরের জন্য কর্মক্ষেত্রে পরে আমার সহকর্মী হয়েছেন। তা ছাড়া, প্যালেস্টাইনে আমার পথ আমি খুঁজে পাই। একদিনকার কথা মনে পড়ে। ট্রেনে বসে নানা সমস্যার কথা ভাবছিলাম। শত্রু ফালুজাকে চারদিক থেকে ঘিরে ফেলেছে। আকাশ ও মাটি থেকে অবিরত গোলাবর্ষণ হচ্ছে। তখন বার বার আমি নিজেকে বলতাম ‘এই তো এখানে আমরা লড়াই, চারদিকে আমাদের শত্রু; বিশ্বাসঘাতকতা করে আমাদের অপ্রস্তুত অবস্থায় এই লড়াই-এ ঠেলে দেওয়া হয়েছে; আমাদের জীবন লোভ, ষড়যন্ত্র এবং লালসার হাতে পড়ুল মাত্র, আর তাইতো আমরা আজ অস্ত্রহীন হয়ে এই জ্বলন্ত আগুনের নীচে পড়ে মরিছি।’

“এ-কথা মনে হতেই আমার মন বিস্তীর্ণ প্রান্তর উত্তীর্ণ হয়ে কঃ সীমান্ত পেরিয়ে চলে যেত মিশরে। মনে মনে বলতাম, ঐ তো দূরে আমাদের দেশ, ওখানে আরো বড় একটা ফালুজা রণক্ষেত্র! আজ আমাদের এখানে যা হচ্ছে মিশরেও তাই হচ্ছে আরো বৃহত্তর পটভূমিকায়। মিশরকেও ঘিরে রেখেছে তার শত্রুরা। মিশরও আজ নিষ্ঠুরভাবে প্রতারণিত। এমন এক সংগ্রামের মুখে তাকে ঠেলে দেওয়া হয়েছে যার জন্য সে তৈরী নয়। মিশরের ভাগ্যও লোভ, লালসা ও ষড়যন্ত্রের হাতের পড়ুল। মিশরও আজ অস্ত্রহীন, শত্রুর আগুনের নীচে রুদ্ধস্বাস।”

৩

“কি আমাদের লক্ষ্য? কোথায় আমাদের পথ?”—নাসের

বিদ্রোহ আর বিপ্লব এক কথা নয়। বিদ্রোহ ব্যক্তিগত বা গোষ্ঠীগত; বিপ্লব সর্বজনীন। বিদ্রোহ গোপন পথের অস্থকায়ে গা ঢাকা দিয়ে হঠাৎ আঘাত হানে। বিপ্লব আসে রাজপথ ধরে, সগৌরবে নিজেকে ঘোষণা করে।

* ১৯৫১ সনে কর্নেলজন স্বাধীনচেতা ও ফারুকবিরোধী “ফ্রী অফিসারস্” নামে একটি গোপন সংস্থা তৈরী করেন। নাসের ছিলেন তার নেতা।

† শাল্‌হা সালেমা। বিপ্লবের একজন নেতা, কিছুদিন মিনিষ্টার অফ ন্যাশনাল গাইডেন্স অফিস প্রচার সচিব ছিলেন। ‡ মহীউদ্দিনও অন্যতম নেতা।

বিদ্রোহ ক্ষুদ্র গণ্ডীর মধ্যে সীমাবদ্ধ; বিপ্লব বিস্তীর্ণ, সে কাঁপরে তোলে সমাজ-শাসনের ভিত্তিকে। নকুন করে গড়বার সংকল্প নিয়েই সে ছাঙ্গে।

প্যালেস্টাইনের রণক্ষেত্রে গাম্বাল নাসের বিদ্রোহী হলেন অন্তরে, মনে প্রাণে। কিন্তু তখনো বিপ্লবের পথে অগ্রসরের সূচনা হয় নি। দু' তিন বছর ধরে চলল পথের সন্ধান। নাসের সৈনিক; সৈনিকের স্থান সীমান্তে, দেশের স্বাধীনতা রক্ষা করবার জন্য প্রাণ ত্যাগ তার চরম গৌরব। তার স্থান নয় রাজধানীতে; পেশা নয় রাজনীতি। তবে কেন সেনাপতিদের উপরে রাজনৈতিক বিপ্লবের দায়িত্ব আসবে? মিশরে কি আর কোনো দল নেই যারা ইতিহাসকে এগিয়ে দিতে পারে? চিন্তাশীল নাসের চতুর্দিকে তাকিয়ে ক্ষমতালোভী, স্বার্থান্ধ, দেশদ্রোহী এবং অসং রাজনীতি-দুর্ভেদ্য তথাকথিত নেতাদের ছাড়া কাউকে দেখতে পেলেন না। মিশরের জনসাধারণ এঁদের মর্মে মর্মে চিনে নিয়েছে। স্বাধীনতার বুলি কপাচয়ে এঁরা সবাই নিজের ব্যক্তিগত ও শ্রেণীগত স্বার্থ গুছিয়ে নিয়েছেন। একদিকে ইংরেজ, অন্যদিকে রাজা ফারুক এবং তৃতীয় দিকে এই স্বার্থসর্বস্ব শ্রেণীর গ্রিভুজ-চক্রান্তের কল্যাণে মিশরবাসীর অতীত দীপ্তিহীন, বর্তমান নৈরাশ্যময়, ভবিষ্যৎ অন্ধকার। একমাত্র সেনাবাহিনীর মধ্যেই নাসের দেখতে পেলেন এমন অনেক তরুণ সেনাপতি, যাদের বৃকে স্বাধীনতার আগুন, যারা সং, সাহসী, কর্মবীর। তারা সবাই একমত যে দেশ ও জাতিকে বাঁচাতে গেলে তাদেরই এগিয়ে আসতে হবে; সমস্ত মিশরই যখন এক বিস্তীর্ণ রণক্ষেত্রে পরিণত হয়েছে তখন সৈনিকের কর্তব্য আর সীমান্তে সীমাবদ্ধ রাখা যায় না।

এই পরিবেশে নাসের তৈরি করেন “স্বাধীন অফিসারদের সমিতি”—জুবাং অল অফিসার, The Free Officers। নয়জন অফিসার নিয়ে এর কার্যকরী সমিতি গঠিত হয়; নাসের তার সভাপতি। সেনাবাহিনীর অনেক তরুণ এবং কয়েকজন প্রবীণ অফিসার ধীরে ধীরে নাসেরের দলে যোগদান করতে লাগলেন। অত্যন্ত গোপনে এঁদের কাজকর্ম করতে হত, কেননা সরকারের গৃহতত্বের ছাড়াও, ফারুকের নিজস্ব দেশজোড়া গৃহতত্বের বাহিনী ছিল; তাছাড়া সেনাবাহিনীর মধ্যে ভাবদারেরও কোনো অভাব নেই এবং সামান্যতম জানাজানি হয়ে গেলেই “স্বাধীন অফিসার”দের কোনো অস্তিত্বই থাকত না। নাসেরের আশ্চর্যজনক সংগঠন শক্তির অন্যতম প্রমাণ এই যে শেষ পর্যন্ত ফ্রী অফিসারদের একজনও বিশ্বাসঘাতকতা করেন নি। বিপ্লবের পরে নাগিব-নাসেরের মতবিরোধ ও নাগিবের পতনের সুযোগ নিয়ে সামান্য কয়েকজন নেতৃস্থানীয় মোসলেম ব্রাদার হুড এবং কম্যুনিষ্ট-পন্থী সেনাপতি একটা বিদ্রোহের সূচনা করেছিলেন, কিন্তু অতি সহজেই নাসের সে-বিদ্রোহের মূলোৎপাটন করতে সক্ষম হয়েছেন।

ফ্রী অফিসারদের সবাই তরুণ; সবাই জনসাধারণ, এমন কি, সমগ্র সেনাবাহিনীর নিকটেও সামান্য-পরিচিত। তাই তাঁদের এমন একজন প্রবীণ নেতার প্রয়োজন যিনি চরিত্রের নিষ্কলুষতার জন্য, স্বাধীনতাপ্রিয়তার জন্য এবং সামরিক দক্ষতার জন্য সর্বজনবিদিত। এমন প্রবীণ সেনাপতি খুব বেশি ছিলেন না, কিন্তু একজন অবশ্যই ছিলেন, যিনি বহুদিন ধরে ফারুকের ক্রোধভাজন, সবাই থাকে জানত চরিত্রের দৃঢ়তা, সত্যতা ও নিভীকতার

জন্ম। তিনি হলেন মহম্মদ নাগিব, যিনি নিজেকে বলেছেন “নীল নদের সন্তান”। ১৮৯৯ সনে সুদানের রাজধানী খার্তুমে নাগিবের জন্ম; বাপ মিশরী, মা সুদানের মেয়ে।

১৯৪৯ সালে নাগিব সিনিয়র অফিসারস্ স্কুলের প্রধান ছিলেন। অসাধারণ বীরত্ব ও কর্মদক্ষতার জন্য দুবার তিনি “ফৌদ স্টার” (Faud Star) পেয়েছেন, কিন্তু তথাপি রাজা ফারুকের অপপ্রীতিভাজন হবার অপরাধে তাঁকে মেজর-জেনারেল পদে উন্নীত করা হয় নি। এমনি সময়ে একদিন তাঁর কাছে এসে উপস্থিত হলেন একটি একগ্রিশ বছরের তরুণ সেনাপতি, যার নাম গামাল আব্দ অল্ নাসের। নাগিব তাঁর আত্মজীবনীতে* এই প্রথম ঐতিহাসিক সাক্ষাৎকারের কাহিনী বিস্তারিত লিপিবদ্ধ করেছেন।

“একদিন আমার (মিশরের বর্তমান প্রধান সেনাপতি) তাব একজন বন্ধুকে নিয়ে এল আমার সঙ্গে আলাপ করবার জন্যে। সে আব একজন মেজর, যাকে আমি ফালুজা বণক্ষেত্রে দেখেছি। নাম গামাল আব্দ অল্ নাসের। কেউ না বললেও আমি সহজেই বুঝতে পারলাম ওদের নতুন দলের সেই নেতা। সে এসেছে আমাকে যাচাই করে দেখতে। নাসেরের বয়স মাত্র একগ্রিশ; আমার তার চেয়েও দু বছরের ছোট।

“দুজন জুনিয়র অফিসার একজন সিনিয়রকে পরীক্ষা করছে এটা একটু অদ্ভুত বই কি! কিন্তু আমি অখুশী হলাম না। আমাদের মধ্যে সবচেয়ে সুদক্ষ সিনিয়র অফিসারদেরও সংকল্পেব দৃঢ়তা নেই। আর আমাদের সবচেয়ে বড় প্রয়োজন যৌবনের আগুন, যাকে একজন প্রবীণ কেউ সংযত রাখতে পারে।...অনেকবার দেখাসাক্ষাৎ আলাপ-আলোচনার পর বোঝা গেল, সব মৌলিক বিষয়েই আমরা একমত। নাসের আমাকে ফ্রী অফিসারদের সংগঠনে যোগ দিতে আহ্বান করলেন, যার তিনিই প্রতিষ্ঠাতা ও সভাপতি। আমি রাজী হলাম।...কোরান স্পর্শ করে আমি শপথ করলাম যে ফ্রী অফিসারদের শ্বেতপতাকার সম্মান আমি রাখব, দলের গোপনীয়তা রক্ষা দিয়ে আমি রক্ষা করব। অফিসাররা সবাই তাদের সম্মানিত পদ করে এই গোপনীয়তা রক্ষা করে এসেছেন; আমি বলতে গর্ব অনুভব করছি যে বিপ্লবের পূর্বে একজনও এই বিশ্বাসের অযোগ্য প্রতিপন্ন হন নি।”

কিন্তু নাসের তখনো বিপ্লবের পথ হাতড়ে বেড়িয়েছেন। কোন পথে গেলে জনসাধারণের সক্রিয় সাহায্য পাওয়া যাবে? সবচেয়ে কম রক্তপাত হবে? বিজয় সহজ হবে? পৃথিবীর বহুদেশে বহুবার সৈন্যবাহিনী নেতাবা হঠাৎ অক্রমণে রাজশক্তি দখল করেছেন। কিন্তু দেখা গেছে তারা নিজেরাই হয়ে উঠেছেন গণবিরোধী ক্ষমতা-মত্ত অত্যাচারী। এক শোষণের বদলে জনসাধারণ পেয়েছে আর এক শেষণ। নাসের তা চান না। তখনো রাজত্ব করার কোনো বাসনাই নেই তাঁর মনে। তিনি শুধু চান মিশরকে তার দুঃসহ অত্যাচার থেকে মুক্ত করে জনগণের নির্বাচিত নেতাদের হাতে রাজত্বভার তুলে দিয়ে সৈনিক-জীবনের কর্তব্যে প্রত্যাবর্তন করতে।

পৃথিবীর আর কোনো ‘ক্যু দি তা’-র (Coup d’etat) নেতা নিজের চিন্তা ও কর্মধারাকে এমন নিঃসংকোচ উন্মুক্ততার সঙ্গে সাধারণের কাছে উপস্থিত

* Egypt's Destiny by Mohammed Neguib, London, 1955.

করেন নি যেমন করেছেন নাসের তাঁর ছোট চিন্তাশীল পুস্তকে। এখনেই তাঁর সঙ্গে অন্য সবাকার প্রভেদ। পথ-সন্ধানের একটি হৃদয়স্পর্শী বিবরণ দিয়েছেন নাসের।

“কী আমাদের লক্ষ্য? কোথায় আমাদের পথ?”

“প্রথম প্রশ্নের জবাব প্রায়ই আমি জেনেছি। শব্দ আমি নয়, অনেকেই; কেননা, এই প্রশ্ন আমাদের সবাকার মনের স্বপ্ন ও আশা থেকে জেগে উঠেছে। কিন্তু দ্বিতীয় প্রশ্ন? আমার চিন্তাধারা এ-বিষয়ে সবচেয়ে বদলেছে সময়ের সঙ্গে সঙ্গে। এবং এ-বিষয়েই আমরা এখনো সবচেয়ে বেশি বিভক্ত।

“সন্দেহ নেই যে আমরা সবাই স্বপ্ন দেখছি স্বাধীন ও শক্তিমান মিশরের। এ-বিষয়ে মিশরীদের কোনো বিভেদ নেই। কিন্তু যতো মনশীল তা হচ্ছে একটি প্রশ্ন নিয়ে: কোন পথে?”

“১৯৫২ সালের ২৩শে জুলাই-র আগেই আমি এ-প্রশ্নের সম্মুখীন হয়েছি। তারপরেও এই প্রশ্নই আমার মনকে অধিকার করে আছে। তার ফলে, আবছা অন্ধকারে লুকিয়ে থাকা দিনগুলি আমার কাছে পরিষ্কার হয়েছে। বহু শতাব্দী ধরে যে-ভয়সা আমাদের দেশের আকাশকে ঘিরে রেখেছিল আমার চোখের সামনে থেকে তা দূর হয়ে গেছে। ভেবেছি, আমার মনে হয়েছে আমাদের চাই একটা গঠনমূলক কর্ম-পদ্ধতি।...

“কিন্তু কিসের কর্ম? গঠনমূলক কাজ’ কথাটা এক টুকরো কাগজে লেখা খুবই সহজ। কিন্তু আমাদের দেশের বর্তমান পরিস্থিতিতে, আমাদের সংকটের সামনে, শব্দ গঠনমূলক কাজ চাই এ-কথা তো যথেষ্ট নয়!

“কিছুদিন আমাব নিজের উৎসাহ ও উদ্দীপনকেই আমার মনে হত ‘পার্জিভ গ্যাকশান’। কিন্তু শীঘ্রই তা বদলে গেল। আমি বুদ্ধিলাম, আমাব নিজের প্রেরণা ও উৎসাহই যথেষ্ট নয়, তনা দেশের মধ্যেও প্রেরণা ও উদ্দীপনা জাগাতে হবে।

“ঐ ককম দিনগুলিতে আমি নাহদ’ মধ্যমিক স্কুলের ছাত্রদের নিয়ে শোভাযাত্রা কবে পূর্ণ স্বরাজের জন্য চৌচিৎ গলা ভেঙেছি, আমার সঙ্গে চাঁৎকাব কবেছে আরো অনেকে। কিন্তু আমাদের চাঁৎকাবে উড়েছে মাত্র পথের ধূলি, হাওয়া তাকে নিয়েছে উড়ছে। শব্দ শুনতে পেরেছি তার ক্ষণ প্রাধিকার। তাতে পাহাড় টলে নি, কোনো প্রস্তুতবস্ত্র চূর্ণ হয় নি।

“তখন আমার মনে হতে লাগল ‘পার্জিভ গ্যাকশান’ মনে হবে মিশরের স্বাধীনতার নেতাদের একত্র কবা। তাব অমনি আমরা দলে দলে, উত্তেজনা আর চাঁৎকার নিয়ে, তাদের দুয়ারে ধরল দিলাম। মিশরের দোহাই দিয়ে তাদের এক মত এক পথে মিলিত হবার জন্য মিনতি জানালাম। কিন্তু একমত তাঁরা যেদিন হলেন, দেখলাম আমাব সব আশা ধূলিসাৎ হয়ে গেছে। তাঁরা একমত হয়ে যা পেলেন তা হচ্ছে ১৯৩৬ সনের ইংগ-মিশর চুক্তি।

“দ্বিতীয় মহাযুদ্ধ এবং তারো আগের কয়েকটি বছরের প্রভাবে আমাদের কালের প্রায় সব তরুণের মনই হিংসায় দিকে ঝুঁকেছিল। আমার উত্তেজিত কল্পনাতেও (আশা করি পাবলিক প্রসিকিউটর এডনা আমায় শাস্তি দেবেন না) একদিন মনে হয়েছিল যে দেশের ভবিষ্যতকে উদ্ধার করতে হলে গদ্য-ত-

হত্যাই হবে একমাত্র পজিটিভ অ্যাকশন। অনেক প্রখ্যাত ব্যক্তিকেই হত্যা করবার কথা সেদিন আমি ভেবেছিলাম, যাঁরা আমার দেশের মহত্বের প্রধান অস্ত্ররায়। তাঁদের দৃষ্টিভঙ্গির হিসাব-নিকাশ করে তাঁরা কতটা মিশরের সর্বনাশ করেছেন তা বিচারের ভার আমি নিজেই দিয়েছিলাম।”

রাজা ফারুককে হত্যা করবার কথাও সেদিন নাসের ভেবেছিলেন। শত্রু তিনই নন, ফ্রী অফিসারদের প্রায় সবাই তখন এই পথে চিন্তা করতেন। রাজনৈতিক হত্যাকাণ্ডের জন্য তাঁদের গুরুত্ব সমিতি নানা সাংকেতিক উপায়ে কাজ শুরুর করল। অন্ধকারে গা ঢাকা দিয়ে, লোকচক্ষুর অন্তরাল থেকে গুলি বা হাত বোমা ছুঁড়ে একে একে দেশের বড় বড় শত্রুদের নিপাত কবার রোম হর্ষক কল্পনা নাসের ও তাঁর বন্ধুদের পেয়ে বসেছিল।

কিন্তু তবু নাসেরের মনে গভীর সন্দেহ ছিল। হত্যা ও বিপ্লব তো এক নয়! হিংসা বা হত্যার পথে কি মিশরের মুক্তি হতে পাবে? “আম্মেত আম্মেত আমি বুদ্ধিতে পারলাম যে রাজনৈতিক হত্যার পথ যা একদিন এমন লোভজনক মনে হত, সত্যিকারের কাজের পথ নয়।”

এক রাত্রির একটি বিশেষ ঘটনায় নাসেরের হত্যামূলক দৃষ্টিভঙ্গী সম্পূর্ণ বদলে গেল। তিনি এব একটি অতি সুন্দর বর্ণনা দিয়েছেন :

“এক রাত্রির কথা আমার বিশেষ করে মনে পড়ে, যেদিন আমার সমস্ত স্বপ্ন ও চিন্তা হত্যার পথ থেকে হঠাৎ অন্য পথে চালিত হয়ে গেল। আমবা ঠিক করেছিলাম যে একজন মানুষকে পৃথিবী থেকে সবিধে দিতে হবে।* আমরা সেই লোকটির চালচলন সব কিছু সযত্নে খোঁজ-খবর কবে আমাদের কাজের প্ল্যান নিখুঁতভাবে তৈরি কবলাম। ঠিক হল, সে যখন বাড়ি ফিরবে তখন আমরা তাকে গুলি করে শেষ কবব। একটি ছোট দলকে নিয়ন্ত্রণ করা হল গুলি চালাবার জন্যে, আর একটি দল তাদের বিপদ থেকে বাঁচাবার জন্য। কাজ সেবে পালাবার ব্যবস্থার ভাব পড়ল তৃতীয় একটি দলের ওপর।

“এল সেই রাত্রি। আমি আক্রমণকারী দলের সঙ্গে চললাম নির্দিষ্ট স্থানে। সব কিছু আমাদের প্ল্যান মারফত চলল। যেমন আমবা ভেবেছিলাম, রাস্তা পরিষ্কার। আমবা আমাদের শিকারের প্রতীক্ষা করতে লাগলাম। যেই তাকে দেখা গেল, আমরা এক ঝলক গুলি চালানো হল তাকে লক্ষ্য করে। তাড়াতাড়ি আমরা সবে পড়লাম। আমি গাড়িতে বসে চট করে স্টার্ট দিলাম।

“হঠাৎ আমার কানে এসে দাবুণ আঘাত কবল একটি কাতর চীৎকার। শুনতে পেলাম একটি স্ত্রীলোক কাঁদছে, একটি ভয়াবহ শিশুর আত্ননাদ আর বহুক্ষণ ধরে “রক্ষা করো” ‘বাঁচাও’ কাতর আহ্বান।

“গাড়ি চালাতে চালাতে এক বিচিত্র অনুভূতিতে আমার মন অধীর হয়ে গেল। একটা আশ্চর্য কিছু যেন ঘটল আমার জীবনে। সেই কাতর মিনতি, ভয়াবহ চীৎকার, সাহায্যের জন্য করুণ প্রার্থনা আমার কানে তখনো ভীষণ-

* নাসেরর আত্মজীবনী থেকে মনে হয় ইনি হলেন সিরী পাশা, তৎকালীন মধ্যমন্ত্রী, ফারুকের একজন প্রধান প্রিয়পাত্র।

ভাবে বাজছিল। আমি তখন অনেক দূরে চলে গেছি, তবু তারা আসছিল আমার পিছনে, আমাকে তাড়া করে।

“বাড়ি এসে বিছানায় শুয়ে শুয়ে পড়লাম—মন আমার উত্তেজিত, আমার অন্তর ও বিবেক বিক্ষিপ্ত। আমার কানে কেবলই বাজছে সেই কাতর ধ্বনি, যন্ত্রণার চীৎকার, করুণ শোক।

“সারা রাত আমার ঘুম এল না।

“অন্ধকারে বিছানায় শুয়ে শুয়ে একের পর এক সিগারেট জ্বালিয়ে আমি আমার চিন্তাগর্ভালিকে সংযত করতে চাইলাম, কিন্তু কেবলই তারা বিক্ষিপ্ত হয়ে যেতে লাগল।

“আমি কি ঠিক করেছি? এ প্রশ্নের জবাব দিতে যেন একটু বেশি জোর দিয়ে মনকে বোঝালাম, যা করেছি সে তো আমার দেশেরই মঙ্গলের জন্য।

“কিন্তু অন্য কোনো পথ কি নেই? এখনো আমি নিজেকে বোঝাতে চাইলাম, কিন্তু কেমন যেন একটা সন্দেহ আমার মনে এসে ঢুকল। অন্য কোনো উপায় কি ছিল না? শুধু কয়েকজন ব্যক্তিকে হত্যা করে কি দেশের ভাগ্য পরিকর্তন করা যায়?

“এ-প্রশ্ন যেন আমায় ঘাবড়ে দিল। আমার মনের মধ্যে থেকে কে যেন বলল, সমস্যা আমাদের অনেক বেশি গভীর। আমরা মিশরের গৌরবের স্বপ্ন দেখি। কিন্তু সে-গৌরবকে প্রতিষ্ঠা করতে কোন পথ শ্রেয়তর? যারা বাধা দেয় তাদের নির্মূল করা? না, যারা সাহায্য করতে এগিয়ে আসতে চায় তাদের এগিয়ে নিয়ে আসা?

“বিছানায় শুয়ে শুয়ে আমার অন্তরে নতুন একটা জ্ঞানের আলো অন্তর্ভব করলাম। হ্যাঁ, আরো জরুরী হচ্ছে যারা গড়বে নতুন মিশর তাদের আনা। আমরা মিশরের গৌরবের স্বপ্ন দেখি। সে-গৌরব কোথায় যদি তাকে না নির্মাণ করি?.....

“তবে?

“আমার অন্তর বললে, তবে কী? পথ বদলাতে হবে। যা আমরা করছি সেটাই আমাদের সত্যিকারের কাজ নয়। যে কাজের জন্য জীবন আমরা উৎসর্গ করেছি, তাতে আমাদের সমস্যা আরো গভীর; আমাদের সংকট এমনই মহান যে নেতি-বাচক পথে তার সমাধান নেই।

“এবার অন্তরে আমি শান্ত ও সংহত হলাম, কিন্তু তবু সেই রমণীর কাতর ধ্বনি, শিশুর ক্রন্দন এবং আর একটা মানুষের আত্ম চীৎকার আমাকে যন্ত্রণা দিতে লাগল, আমার হৃদয়ে আঘাত করতে লাগল।

“হঠাৎ আমি চাইলাম লোকটা যেন না মরে। আশ্চর্য! যে-লোকটার মৃত্যু মাত্র আগের দিন সন্ধ্যায় আমি প্ল্যান করেছিলাম, এখন তারই জীবন আমি কামনা করছি।

“সকালের খবরের কাগজের জন্যে উন্মত্ত হয়ে রইলাম। দেখলাম যাকে হত্যা করার চেষ্টা করেছিলাম, তার কোনো বিপদ হয়নি। বড় স্বস্তি পেলাম।

“কিন্তু আসল সমস্যা তো রয়ে গেল। আমাদের নতুন পথের সন্ধান জ্ঞানতে হবে। সেদিন থেকে আমরা খুঁজতে লাগলাম এমন একটি কর্মপথ

যার মূল আমাদের দেশের অন্তরে, যার আহ্বান বহুদূরে গিয়ে পৌঁছবে।

“এভাবে আমরা ধীরে ধীরে গড়ে তুললাম আমাদের কর্মপন্থা, যার পরিণতি হল ২৩শে জুলাই-র রাতে। আমরা বেছে নিলাম বিপ্লবের পথ, এমন এক বিপ্লব যার উৎপত্তি মিশরবাসীর হৃদয় থেকে, যা তাদের আশা-আকাঙ্ক্ষার প্রতীক, যা তাদের মহান লক্ষ্যে এগিয়ে চলবে ইতিহাসের রাজপথ দিয়ে।”

এমনি করে নাসের একটি ‘কু দি তাকে সত্যিকারের বিপ্লবে পবিত্র করেছেন। তাই তিনি শ্যামদেশের পিবল সংগ্রাম, ইরাকের নাবী এস্ সৈয়দ প্রমুখ সামরিক বাজনাটিকদের থেকে একান্ত আলাদা। তাই মিশরকে তিনি দীক্ষা দিতে পেরেছেন এক নতুন আত্মশক্তিতে, এক অভিনব সংঘত, সংহত গম্ভীর আত্মবিশ্বাসে।

৪

“আধুনিক মিশরের ইতিহাসের সব চেয়ে বড় ঘটনা ঘটেছে ২৩শে জুলাই, ১৯৫২।”—জন গাম্ভার

প্যালেস্টাইনের ব্যর্থ যুদ্ধ মিশরকে যেভাবে আঘাত করে অন্য কোনো আরব দেশকে সেভাবে নয়। অবশ্য জুডকাব ভাববৃত্তিম্ব বাজনাটিক চেহারার অনেকখানিই প্যালেস্টাইন যুদ্ধের সাক্ষাৎ-পরিণাম। কিন্তু মিশরে যেমনি রাজা ফারুক থেকে সমস্ত শাসকশ্রেণী দেশদ্রোহিতা ও কলঙ্কিত পথে প্যালেস্টাইন যুদ্ধে ব্যক্তি ও শ্রেণী স্বার্থকে দৃঢ়তর করবার প্রকাশ্য চেষ্টা লিপ্ত হয়েছিল, ততখানি কলঙ্ক না দেখা দিয়েছিল সিবিঘার ন ইয়াস বা জর্ডনে। একমাত্র ভবসা বইল ফ্রী অফিসারদের বর্ধমান গোষ্ঠী। ফারুক নানা উপায়ে সৈন্যবাহিনীর উপর কতক প্রতিষ্ঠা চেটে করতে লাগলেন। নারীস পাশার মন্ত্রিমণ্ডলী এবং আরো যে-সব ক্ষুদ্র ক্ষুদ্র গোষ্ঠীর নেতারা এ-সময়ে ফারুকের ইচ্ছানুযায়ী একেব পর এক গভর্নমেন্টের নেতৃত্ব করেছেন তারা সবাই মিশরের অর্থনৈতিক, রাজনৈতিক এবং মানবিক সমস্যার সমাধানে একান্ত ব্যর্থ হয়ে অপ্রস্তুত একটা জাতিতে ইংবাজের বিলুপ্তি ফেঁপিয়ে তুলে জাতীয় সমস্যাগুলি ধামাচাপা দিতে চাইলেন। কিন্তু ফ্রী অফিসাররা অন্যায়সে বুঝে ফেললেন রাজনৈতিক নেতাদের এই সর্বনাশা কৌশল। তারা মিশরের ভাগা নিয়ে নিষ্ঠুর এবং উদাসীন জুয়া খেলা বন্ধ করবার জন্য দৃঢ়-সঙ্কল্প হলেন।

১৯৫১ সালে সমস্ত যুদ্ধবাহিনীতে ফ্রী অফিসারদের প্রভাব ও প্রতিপত্তি স্থাপিত হল। অফিসাররা তাদের একটি জাতীয় ক্লাবের নির্বাচনে ফারুকের মনোনীত প্রার্থীদের পরাস্ত করে নিজদের মনোনীতদের নিযুক্ত করলেন। নাগিব হলেন ক্লাবের সভাপতি। তখনো নাসের-প্রতিষ্ঠিত গোপন দলের খবর জনসাধারণ বা রাজার ও গভর্নমেন্টের গুরুত্বচরিত্রের টের পায় নি। কিন্তু যুদ্ধবাহিনীতে এসে গেছে এক বিরাট রাজনৈতিক চেতনা, আর একটি স্বতন্ত্র-

প্রণোদিত বিশ্বাস যে সেনাবাহিনী ছাড়া মিশরকে বাঁচাতে পারে এমন কেউ নেই। ফারুক বদরুতে পারলেন যে সেনাবাহিনীতে তাঁর প্রতিশ্রুতি কমে আসছে। কিন্তু তিনি এ-কথা স্বপ্নেও ভাবতে পারলেন না যে তাঁর দিন ঘনিরে এসেছে এবং ঐ শেষের বীজ অশ্রুর হতে মহীরুহে পরিণত হয়েছে সেনাবাহিনীরই উর্বর হৃদয়ক্ষেত্রে।

নাগিব ও নাসের চেষ্টা করতে লাগলেন সৈন্যবাহিনীর বাইরে রাজ-নৈতিক নেতাদের সাহায্যে প্রয়োজনীয় পরিবর্তন আনতে মিশরের সমাজ ও রাষ্ট্রজীবনে। নাগিব তাঁর আত্মজীবনীতে বলেছেন: “আমার, নাসেরের এবং আমাদের সহকর্মীদের আশা ছিল যদি সময় থাকতে জাতীয় নেতারা নতুন নীতি অনুসরণ করতে পারেন তবে ফ্রী অফিসারদের আর বিদ্রোহ করতে হবে না। আমরা কাজে নামবার আগে যাতে শান্তিপূর্ণ উপায়ে দেশের অবস্থা বদলানো যায় সেজন্য আগ্রহ চেষ্টা করেছি। যে-সব ভয়ানক অনায়ে আমাদের সমাজজীবনকে কলুষিত করেছিল তাদের প্রতি সকলের দৃষ্টি আকর্ষণ করে আমরা অনেক গোপনে ছাপা পুস্তিকা বিতরণ করেছি। আমার লেখা একটা পুস্তিকার কপিও আমরা বিতরণ করলাম, এবং আমি নিজেই তা পৌঁছে দিলাম নহাস, সেরজুদ্দিন এবং যুদ্ধমন্ত্রী নুসরতকে। আমরা সব ২৭ ম চেষ্টাই করলাম—কিন্তু রাজা ফারুক এবং তাঁর ভাইদেরা আমাদের কোনো আমল দিলেন না। আমরা কে তাঁরা জানতেন না। তবু আমাদের তাঁরা ভাবতেন একদল শিশু। সবেশন করতেন আমরা রাজনীতি চণ্ডিগ্রহ-হাও-পাকানদের সিম্মায় ছেড়ে দিয়ে যেন আমাদের সৈনিক-বাহিনী আত্মনিয়োগ করি।”

১৯৫২ সনের ১৯শে জুলাই ফ্রী অফিসারদের কার্যকরী সমিতি কাইরোর উপশ্রেণী গণিতের গৃহে প্রত্যয়ে মিলিত হলেন বিপ্লবের কর্মপন্থা স্থির করার জন্য। ১৪ জন সভ্যের মধ্যে একমাত্র নাগিবের বয়স ৫১; সাদিক মনসুর ৪৬; নাসের ৩৪; আর সবার ছোট খালেদ মহীউদ্দিন মাত্র ২৯। একটি বৃদ্ধ আদর্শ-প্রবোধিত দৃঢ়সংকল্প দল। ফ্রী অফিসারদের সংখ্যা তখন ৫০০ ছাড়িয়ে গেছে। তারা সবাই তিন থেকে পাঁচজন নিরে গঠিত ছোট ছোট গোষ্ঠীতে বিভক্ত। প্রত্যেক গোষ্ঠীর মাত্র একজনের সঙ্গে কার্যকরী সমিতির একজন সদস্যের সংযোগ।

ঠিক হল; ২৩শে জুলাই-এর রাত্রি প্রথম ঘটিকায় ক্ষমতা দখলের কাজ শুরু হবে। কাইরো রাত-জাগা মানুষের শহর। গ্রীষ্মের উত্তাপে বিপর্যস্ত মানুষ মধ্যরাত কাটিয়ে দেয় ছোট বড় রাস্তার উপরে সংখ্যাহীন তাঁবু খাটান কাফে ও রেস্টোরাঁয়। রাত একটায় তারা সবাই ঘরে ঘিরে শয়্যা নেবে, শহর হবে নিস্তব্ধ। কিন্তু কোনো একজন অফিসার কেমন করে টের পেয়ে যান যে কাইরোর বাতাসে একটা বিপ্লবের ষড়যন্ত্র চলছে এবং তাঁর মারফত খবরটা গিয়ে পৌঁছয় মন্ত্রিসভার কোনো কোনো সদস্যের কাছে।

ভড়িৎগতিতে ফ্রী অফিসারদের কাজ করতে হয়। সামরিক হেডকোয়ার্টার্স দখল করা হল সর্বপ্রথম এবং এখানেই বিপ্লবী বাহিনী সামান্য প্রতিরোধের সম্মুখীন হয়। দুজন প্রতিরোধকারী সৈন্য মারা যায় আর দুজন হয় আহত। রাত পোনে দুটার GHQ দখল করে বিপ্লবী দল কাইরো

অধিকার শূন্য করল এবং রাত সাড়ে তিনটায় এ-কাজ সম্পূর্ণ হল।

প্রধানমন্ত্রী হিলালী ও রাজা ফারুক তখন আলেকজান্দ্রিয়ায়। ব্রিটিশ রাজদূত স্যার রাল্ফ স্টিফেন্সনও তখন সৌভাগ্যক্রমে ফ্রান্সে ছুটিতে গেছেন। বিপ্লবীদের ভয় ছিল ফারুককে নয়, মিশরের গভর্নমেন্টকেও নয়, কিন্তু ইংরাজ রাজদূতকে, যার পরামর্শে ইংরেজ সরকার সূয়েজে অবস্থিত বিরাট সামরিক বাহিনীকে আদেশ করতে পারতেন ফারুকের পক্ষে হস্তক্ষেপ করতে। আসলে রাজা ফারুকেরও এই ছিল একমাত্র ভরসা। কাইরোতে বিপ্লবের খবর পাবার সঙ্গে সঙ্গেই তিনি আবেদন করেন বৃটেন ও আমেরিকার কাছে ক্ষিপ্ত সামরিক সাহায্যের জন্যে। স্টিফেন্সন যদি মিশরে উপস্থিত থাকতেন তাহলে হয়তো ইংরেজ হস্তক্ষেপ করত, কিন্তু আমেরিকা তখন বিপ্লবীদের প্রতি সহানুভূতিশীল। মার্কিন রাষ্ট্রদূত জেফারসন কাফেরী ফারুকের সাহায্য প্রার্থনার উত্তরে জানালেন মিশরের আভ্যন্তরিক ব্যাপারে হস্তক্ষেপ করতে আমেরিকান সরকার অনিচ্ছুক। অবশ্য তিনি আশ্বাস দিলেন যে প্রয়োজন হলে তিনি ফারুক ও তাঁর পরিবারের জীবন রক্ষায় সাহায্য করবেন। হতাশ হয়ে ফারুক আবেদন করলেন মিশরে ইংরেজ সৈন্যবাহিনীর সেনাপতি জেনারেল স্যার উইলিয়ম স্মিথের কাছে, তাঁকে ও তাঁর পরিজনবর্গকে মিশর থেকে পলায়ন করতে সাহায্য করা হোক। জেনারেল স্মিথ ইতস্তত করতে লাগলেন। তখন ফারুক আবেদন করলেন, ইংরেজ বাহিনী কাইরো দখল করুক ও ইংরেজ নৌ-শক্তি আলেকজান্দ্রিয়া আক্রমণ করুক। জেঃ স্মিথ এই আবেদন পাঠালেন লন্ডনে পররাষ্ট্রমন্ত্রী ইডেনের কাছে। ইডেন জিজ্ঞাসা করলেন মার্কিন পররাষ্ট্র সচিব ডীন এচিসনকে। এচিসন প্রেসিডেন্ট ট্রুম্যানের সঙ্গে আলোচনা করে ইডেনকে জানালেন যে মিশরের ব্যাপারে হস্তক্ষেপ করা অত্যন্ত অন্যায্য হবে। ইংরেজ সরকার ফারুকের আবেদন প্রত্যাখ্যান করতে বাধ্য হলেন।

ইতিমধ্যে কাইরো দখল করে ফ্রাঁ অফিসাররা শাসন ক্ষমতা স্বহস্তে তুলে নিয়েছেন। ২৪শে জুলাই প্রভাতে নাগিব সেনাবাহিনীর প্রধান সেনাপতি হিলাবে কাইরো বেঁতারে বিপ্লবী যুগের প্রথম ঘোষণায় মিশরবাসীদের উদ্দেশ্য করে বললেন, “আপনারা জানেন আমাদের দেশ এক বিশেষ সংকটের মধ্য দিয়ে চলেছে। আপনারা দেখেছেন কীভাবে বিশ্বাসঘাতকদের হস্ত এখন পর্যন্ত সমস্ত জাতির ভাগ্য পরিচালনা করে এসেছে। এই বিশ্বাসঘাতকরা তাঁদের প্রভু সেনাবাহিনীর মধ্যে পর্যন্ত বিস্তার করতে চেয়েছিল—ভেবেছিল মিশরের সৈনিকেরা দেশপ্রেম হারিয়েছে।

“আমরা তাই আমাদের দেশকে কলঙ্কমুক্ত করতে সংগ্রাম করছি। বিশ্বাসঘাতক ও হীনবলদের দূর করে মিশরের ইতিহাসে আমরা এক নতুন ও গৌরবময় অধ্যায়ের সূচনা করতে চলেছি।”

‘ক্যু দি তা’র প্ল্যান তিন ভাগে ভাগ করা হয়েছিল। প্রথম, সমস্ত যুদ্ধ-বাহিনীর উপর কঠোর স্থাপন; দ্বিতীয়, কাইরো দখল করে রাজশক্তি হস্তগত করা, আর তৃতীয়ত, রাজা ফারুককে দেশত্যাগ করতে বাধ্য করা। বিপ্লবীরা কাইরো অধিকার করে নিজেরাই গভর্নমেন্টের দায়িত্ব নিতে চাইলেন না। নাসেরের তখনো ধারণা রাজশক্তি তাঁদের চালাতে হবে না।

এমন একদল দেশপ্রেমী এগিয়ে এসে নতুন মিশর গড়বার দায়িত্ব নেবেন যাদের উপর বিশ্বাসীরা নির্ভর করতো পারবেন। তাই নাসের ও নাগিব রাজনৈতিক সততার জন্য সুবিদিত আলি মেহেরকে প্রধান মন্ত্রীর আসনে বসালেন। মাত্র ২৩৬ জন বিরোধী নেতাকে গ্রেপ্তার করা হল; তার মধ্যেও ৩৪ জন বাদে সবাইকে সেদিনই মৃত্তি দেওয়া হয়। যাদের আটকে রাখা হয় তাদের মধ্যে কয়েকজন ছিলেন কম্যুনিস্ট।

এবার শব্দ হল তৃতীয় পর্যায়। রাজা ফারুকের সিংহাসনচ্যুতি।

পঠক ভেবে দেখুন, স্বর্ণযুগ দ্বারে কবায়ত করছে, অথচ বিশ্বাসঘাতকদের জন্য বাজাবে বৃষ্টি পর্যন্ত পাওয়া যাচ্ছে না! তাই যদি হয়, তবে কী ভয়ানক হিংস্রতাব সংগেই না মানুষ বিশ্বাসহস্তাদের আঘাত কববে।’

—কারলাইল

৫

১৭৯৯ সালে ত্রিশ বছরের আলবোনিয়ান যুবক মহম্মদ আলী সেনাপতি হয়ে অথোমান সুলতানের আদেশে আসেন মিশরে নেপোলিয়নের আক্রমণ প্রতিবোধ কবাব দায়িত্ব নিয়ে। নেপোলিয়নের সৈন্যদেব কাছে পরাজিত হয়েও এই আক্রমণেই সুযোগ নিয়ে মহম্মদ আলী মিশরে নিজের প্রভুত্ব স্থাপন কবেন। দু-বছর পরে বিরাট এক প্রাচ্য সাম্রাজ্যেব স্বপ্ন লোহিত সাগরে বিসর্জন দিখে নেপোলিয়ন যখন দেশে প্রত্যাবর্তন কবেন তখন সুশৃঙ্খল এবং যুদ্ধচতুর এক সৈন্যবাহিনী নিয়ে মিশরে মহম্মদ আলী সর্বোবর্ষ। ১৮০৫ সালেই তিনি মিশরের কতৃা হিসাবে তুর্কী সুলতানের স্বীকৃতি পেলেন।

এক বিস্তীর্ণ আরব রাষ্ট্র গড়ে তুলবাব স্বপ্ন দেখেছিলেন আলবানিয়ার সাহসী যোদ্ধা মহম্মদ আলী। সিরিয়া বিজয় করে এই স্বপ্নকে অনেকখানি বাস্তবতাও তিনি দিখেছিলেন। পশ্চিমী দেশগুলিব কারদায় নিজের সৈন্যবাহিনীকে তিনি সুশিক্ষিত এবং সংগঠিত করেছিলেন; মিশরের একটি নৌবাহিনীও তিনি চেয়েছিলেন গড়ে তুলতে। অথোমান সুলতান এবং যুরোপের শক্তিগুলি তাঁকে মিশরের অধিনায়ক বলে মেনে নিয়েছিলেন—যদিও সুলতানের নামমাত্র অধীনতা তিনি স্বীকার করতেন।

মহম্মদ আলীর স্বপ্ন সার্থক হয় নি। প্রধানত দু কারণে এ-স্বপ্ন ব্যর্থ হয়। এক, ইংরেজ প্রধানমন্ত্রী পামারস্টোনের বিরোধিতা, দুই, আরবভূমিতে মৃত্তিকামী জাতীয়তাবাদের অভাব। পামারস্টোন বাধা দেন বিশেষ করে দুই কারণে। তুর্কী সুলতানকে ঘাটোঘাটি করে রাশিয়ার প্রাচ্য-নিবন্ধ লোলুপ দৃষ্টিকে প্রভ্রয়ের সুযোগ তিনি দিতে চান না; আর স্বতীয়ত ইংরেজের বিরাট প্রাচ্য সাম্রাজ্যের রক্ষণের জন্য পরিচিত অথোমান শক্তিকেই তিনি বেশি নির্ভরযোগ্য মনে করেন অপরিচিত মহম্মদ আলীর চেয়ে। সার হেনরী বুলওয়ার পামারস্টোনের জীবনীতে এ-প্রসঙ্গে নাপেলস্‌এর (Naples) ব্রিটিশ রাষ্ট্রদূতকে লেখা পামারস্টোনের একখানা চিঠির উল্লেখ করেছেন। পামারস্টোন লিখেছিলেন, “মহম্মদ আলীর প্রকৃত উদ্দেশ্য সমস্ত আরবীভাষী দেশগুলিকে একত্র করে একটি আরব রাজ্য গঠন করা। হয়তো এই উদ্দেশ্য

ক্ষতিকর নয়। কিন্তু এর মানে হবে তুর্কী সাম্রাজ্যকে ভেঙ্গে দেওয়া। তাতে আমরা রাজ্যী হতে পারি না। তাছাড়া, রাশিয়ার ভারতবর্ষে যাবার পথ তুর্কী বেশ ভালোভাবেই আটকে রেখেছে। এর চেয়ে ভালোভাবে আটকানো একজন স্বাধীন আরব নৃপতি দ্বারা নাও হতে পারে।”*

তারপর ইতিহাসের পাতায় প্রায় দেড়শো বছর গত হয়েছে। সেই স্বপ্ন-বিলাসী বীর মহম্মদ আলীর বংশধর রাজা ফারুক। যে-রাজবংশের ভিত্তি মহম্মদ আলী স্থাপন করেছিলেন তার সর্বশেষ রাজা। দেড়শো বছর এই আলবেনিয়ান বংশ মিশরের উপর রাজত্ব করেছে; কিন্তু কোনোদিনই সম্পূর্ণ সার্বভৌম হতে পারে নি। প্রথম বিশ্বযুদ্ধের পূর্ব পর্যন্ত তাঁরা আইনত অধোমান সুলতানের অধীন ছিলেন; যদিও বস্তুতপক্ষে মিশরের বৃকের উপর যে রাজত্বের ছায়া পড়েছিল তা বৃটিশ। প্রথম যুদ্ধের পরে ফারুকেরই পিতা ফৌদ ইংরেজ কর্তৃক মিশরের ‘স্বাধীন’ নৃপতি বলে স্বীকৃতি পান। কিন্তু এ-‘স্বাধীনতা’ ইংরেজের সাম্রাজ্য ও বাণিজ্য স্বার্থের দ্বারা সংকুচিত ও সীমাবদ্ধ। ফারুক, তাঁর পূর্বপুরুষদের মতো, মিশরে প্রকৃতপক্ষে পবদেশী। মিশরের কল্যাণ ও শান্তিকে সম্পূর্ণ উপেক্ষা করে আপন সব চাব-পাশের একটি তাঁবেদর গোষ্ঠীর স্বার্থকে বড় করে দেখে, নিকৃষ্টতম ভোগ-বিলাসে আত্মসমর্পণ করে এবং একমাত্র যড়যন্ত্র ও বিশ্বাসভঞ্জেব আশ্রয়ে দেশের ভাগ্য নিয়ন্ত্রণ করতে গিয়ে ফারুক নিজের ও মিশরবাসীদের মধ্যে যে দূরত্ব ব্যবধান তৈরী করেছিলেন, যে ধূণী ও প্রতিহিংসার বীজ স্বেচ্ছত বপন করেছিলেন, ১৯৫২ সনের ২৬শে জুলাই তার ঐতিহাসিক হিসাবানবাস হল আলেকজান্দ্রিয়ার সুপ্রাচীন উটভূমিতে। ইংরেজ ফারুককে বন্ধ্যা করতে এগিয়ে এল না, অমেরিকা মিশরের ঘটনাবলি রংগমণ্ড থেকে তাঁর অগ্রহাণ প্রস্থান দাঁড়িয়ে দাঁড়িয়ে দেখল।

২৫শে জুলাই ফারুকের সিংহাসন ত্যাগ ও নির্বাসন পূর্বব অয়োজন করতে নাগিব দুই তিন জন সহকর্মীকে নিয়ে উপস্থিত হলেন জালেদ-জান্দ্রিয়ায়; নাসের বাইরোতে রইলেন বিপ্লবী যুগের সূচনার পৌরোহিত্য করতে। প্রধানমন্ত্রী আলী মেহেরকে দিয়ে ফারুককে আগেই জানানো হয়েছিল বিপ্লবীদের ন্যূনতম দাবী। কথা ছিল ঐ দিনই সকাল ছ টায় নাগিব ফারুকের হাতে পেঁছে দেবেন তাঁদের অজটিমেটাম। কিন্তু বিশেষ কতকগুলি কারণে বারো ঘণ্টার জন্য এ-প্রোগ্রাম পিছিয়ে দেওয়া হল।

এই সামান্য অবসরে নাগিব ও তাঁর সহকর্মীদের মধ্যে বিতর্কের শব্দ হয় ফারুকের ভবিষ্যৎ নিয়ে। নাগিব চান নির্বাসন, রাজকীয় সম্মানের সঙ্গে; শাহহ সালেম, আনোয়ার সাদাত এবং অন্যান্য বিপ্লবী নেতারা চান ফারুকের প্রকাশ্য বিচার। কিছুক্ষণ বিতর্কের পর বর্তমান সহকারী প্রধানমন্ত্রী গামাল সালেমকে নাগিব বললেন, ‘তুমি একখানা স্টেনে করে একদিন কাইরোতে চলে যাও নাসেরের মতামত জানবার জন্যে। তুমি ফারুকের বিচারের পক্ষপাতী; আমি মনে করি শত হলেও ফারুক রাজা, মহম্মদ আলীর বংশধর, তাঁর নির্বাসনই প্রের। আমি বিশ্বাস রাখি আমার সঙ্গে শ্বমত হয়েও তুমি নাসেরকে আমার মতামতের নিরপেক্ষ বিবরণ দিতে অপার্য্য করবে না।’

* Sir Henry Bulger, The Life of Palmerstone, Vol. 2.

কয়েক ঘণ্টার মধ্যেই গামাল সালেম কাইরো থেকে ফিরে এলেন নাসেরের স্বাক্ষরিত একটি পত্র নিয়ে। নাসের লিখেছেন :

“মুক্তি আন্দোলনের কর্তব্য যত তাড়াতাড়ি সম্ভব ফারুককে বিদায় করা। তার চেয়েও বড় কাজ হচ্ছে ফারুক যে বিরাট কলঙ্ক পেয়েছেন রেখে যাবে তার কালিমা থেকে মিশরকে মুক্ত করা। আমাদের এমন একটি ভবিষ্যৎ গড়তে হবে যেখানে জনগণ সার্বভৌম ক্ষমতা লাভ করতে পারে, বাঁচতে পারে সম্মান ও গৌরবের সঙ্গে। আমাদের লক্ষ্যের মধ্যে অন্যতম হচ্ছে সুবিচার। বিনা বিচারে ফারুককে আমরা হত্যা করতে পারি না। তাকে কারাগারে বেঁধে অন্য সব মহন্তর কাজ অবহেলা করে, তার ভবিষ্যৎ নিয়ে মামলা করার সময়ও আমাদের নেই। তাই আমরা ফারুককে নির্বাসনই দেব। ইতিহাস দেবে তাকে মৃত্যুদণ্ড।”

নাগিব তাঁর আত্মজীবনীতে বলেছেন, “এই চিঠি পড়ে নাসেরের প্রতি শ্রদ্ধায় আমার মন ভরে উঠল।”

বিকেল পাঁচটায় ফারুক-নির্বাসন পর্বের শুরুর হল। ফারুক কোথায়? আলেকজান্দ্রিয়ায় দুর্গে নেই এখনও নাগিব আগেই পেয়েছেন। বিলাস-প্রাসাদ বানিয়েছিলেন ফারুক অনেকগুলি। তার একটি মোন্‌তাজায় সেখানেই বিপ্লবী বাহিনী প্রথম আক্রমণ করে। বিনাপ্রতিরোধে রাজপ্রতি-রক্ষী বাহিনী আত্মসমর্পণ করে। কিন্তু ফারুক কই? তখন আক্রমণ করা হল ‘বাস্ এল্ তিন্’ প্রাসাদ; সামান্য প্রতিরোধের পর রক্ষীদল পরাজয় স্বীকার করে। এবার ফারুককে পাওয়া গেল। প্রধানমন্ত্রী এবং মিশরের প্রধান বিচারপতি উভয়ের সঙ্গে আলোচনা করে নাগিব ও নাসের যে আলীট-মোটাম টোণী করেছিলেন, ফারুকের হাতে তা সমর্পিত হল। সংক্ষিপ্ত একটি আদেশপত্র—প্রজাব আদেশ রাজাকে!

“মিশরের প্রধান সেনাপতি লেঃ জেঃ মহম্মদ নাগিব সম্বোধন করছেন রাজা ফারুককে : ‘বাব বাব সংবিধান ভঙ্গ করে আপনার রাজত্বে অন্যান্যকে আপনি উত্তবোত্তর প্রশ্রয় দিয়েছেন; জনগণের ইচ্ছাকে আপনি’ সম্পূর্ণ উপেক্ষা করেছেন; জনগণ আপনার কাছে সুবিচার, সম্মান এবং সংরক্ষণ পেতে পারে এ-বিশ্বাস হারাতে বাধ্য হয়েছে।

“বিশ্বের চোখে মিশরের খ্যাতি আপনি খর্ব করেছেন।

“প্যালেস্টাইন যুদ্ধে যে ঘৃণ্যখোর ও বিশ্বাসঘাতকদের পরিচয় পাওয়া গিয়েছিল আপনি তাদের অপরাধ গ্রহণ করেন নি।

“তাই আমি, মহম্মদ নাগিব, জনগণের আস্থাভাজন সেনাবাহিনীর পক্ষ হতে, দাবী জানাচ্ছি দুপুর বারোটার মধ্যে আপনি সিংহাসন ত্যাগ করুন আপনার পত্র আহমেদ ফৌদেব স্বপক্ষে। বিকাল ছ-টায় আগেই আপনাকে মিশর ত্যাগ করে চলে যেতে হবে।

“এই দাবী প্রত্যাখ্যান করলে যা ফল হবে তার সব দায়িত্ব আপনার।”

ফারুক শেষবারের মতো বৃটেন-আমেরিকার শরণাপন্ন হলেন। কিন্তু তাতেও ফল হল না। মার্কিন রাজদূত কাফেরী সাড়ে এগারোটায় ফারুককে জানালেন বিপ্লবী বাহিনীর থেকে ব্যক্তিগতভাবে ফারুকের কোনো ডর নেই। তখন

ফারুক নাগিবের আদেশপত্র মানতে রাজী হলেন চারটি শর্তে। তার মর্ম এই যে রাজকীয় সম্মানে তাঁকে বিদায় দিতে হবে। ‘মাহরুসা’ নাম্নী একথানা ছোট জাহাজে তিনি নাপোল্‌স্‌ যাবেন, তাঁর বিদায়ের সময় একশটি তোপের আওয়াজ হবে।

‘রাস্‌ এল তিন’ প্রাসাদের এক প্রশস্ত কক্ষে দুপুর একটার সময় ফারুক তাঁর রাজ্যত্যাগপত্র স্বাক্ষর করেন। ছোট একখানি কাগজে তাঁর কাম্পিত হস্তের হস্তাক্ষর মিশরের দেড়শো বছরের এক বিস্তৃত অধ্যায়ের উপর স্বনিকা টেনে দিল।

“আমি, শ্বিতীয় ফারুক ফৌদ, আমার দেশের মঙ্গল, সুখ ও উন্নতির জন্যে, তার বর্তমান জটিল পরিস্থিতিতে সাহায্য করবার ইচ্ছায়, এবং মিশরবাসীর অভিপ্রায় অনুযায়ী, আমার পুত্র আহমেদের স্বপক্ষে রাজত্ব ত্যাগ করছি।”

ফারুক দু তিনবার কাগজখানি পড়লেন। তাঁর বিশাল দেহ নিষ্পন্দ; কপালে ঘাম, হাত পা কাঁপছে। প্রধান বিচারপতিকে জিজ্ঞাসা করলেন, “এ-দলিল আইনত ঠিক?” যখন উত্তর হল, ঠিক, তখন ফারুক বললেন, “মিশরবাসীর অভিপ্রায় অনুযায়ী” এ-কথা ক-টি বাদ দেওয়া হোক। প্রধান বিচারপতি বললেন, “যা লেখা হয়েছে তার চেয়ে আপনার পক্ষে সম্মানজনক আর কিছু হতে পারে না। আপনি স্বাক্ষর করুন।”

ফারুক প্রথমবার সই করলেন। হাত এমনভাবে কেঁপে গেল যে সই বোকা গেল না। ফারুক একটু হাসবার চেষ্টা করে আবার কলম ধরলেন।

বিচারপতি বললেন, “এতেই হবে।”

তবু ফারুক পরিস্কার কবে আর একবার নাম সই কবলেন।

বিকেল পাঁচটায় মিশরের নৌবাহিনীর অ্যাডমিরালের বেশে সজ্জিত হবে আলেকজান্দ্রিয়ার জেটিতে ফারুক সপরিবার এসে উপস্থিত হলেন নির্বাসন যাবার জন্যে। প্রধানমন্ত্রী, অন্য কয়েকজন মন্ত্রী, মার্কিন দূত কাফেবী সেখানে উপস্থিত। প্রথমে জাহাজে উঠলেন রানী নারিম্যান, তারপরে এক বছরের রাজপুত্র আহমেদ এক-ইংরেজ ধাত্রীর কোলে। দুশো চাবখানা বাস্ক বোঝাই হয়ে এল রাজা-রানীর জিনিসপত্র। রাজপতাকা মাথা নত করল, প্রাসাদের বাদ্য বেজে উঠল বিদায়ের বাজনা; মিশরের প্রধানদুয়ায়ী রাজগৃহের কয়েকশত দাস-দাসী উচ্চ কলরবে কপট শোক জানাতে লাগল। একুশ বাব গর্জে উঠল কামান; মিশরবাসীর শেষ হুংকার।

বিশ্ববী দলের প্রতিনিধি নাগিব ফারুককে শেষ সেলাম জানালেন। বহু বৎসর দুজন দুজনকে ঘৃণা করে এসেছেন। তবু নাগিবের মন এই ঐতিহাসিক বিদায়ের মুহূর্তে ভারী হয়ে উঠেছে।

অন্য দু একটা কথাবার্তার পর নাগিব বললেন, “আপনি তো জানেন, আপনি নিজেই এ-কাজ করতে আমাদের বাধ্য করেছেন।”

“জানি। আপনারা আজ যা করেছেন, অনেকদিন আগেই আমি তা করতে চেয়েছিলাম।”

ফারুকের উত্তর শুনে সবাই স্তম্ভিত হয়ে গেল।

ফারুক আবার ধূললেন, “আপনারা আমাকে ওটার মধ্যে দেশত্যাগ করতে

বলোছিলেন। আমি আপনাদের কথা মেনে নিয়োঁছি।” একটু থেমে ঘোষণা করলেন “মিশরের সৈন্যবাহিনীর আপনারা যত্ন নেবেন। আমার ঠাকুরদা এর সৃষ্টি করেছিলেন!”

“মিশরের সেনাগণ আজ সুদক্ষ লোকদের হাতে এসেছে,” উত্তর করলেন নাগিব।

“আপনাদের কাজ সহজ হবে না। মিশর শাসন করা সহজ নয়।”

মিশরের মাটিতে দাঁড়িয়ে এই বোধ হয় রাজা ফারুকের শেষ কথা। তাঁর বর্ণিত বছরের জীবনের পনেরো বছর তিনি রাজত্ব করেছেন, যার প্রতিটি দিন তাঁকে অনুভব করতে হয়েছে মিশর শাসন করা সহজ নয়। ইংরেজ-আধিপত্যের ছায়ায় প্রতি মুহূর্তে ফারুক বুঝতে পেরেছেন সত্যিকারের শাসন ক্ষমতা তাঁর হাতের বাইরে; মিশরের মঙ্গল করতে হলে যে সাহস ও দৃঢ়তা প্রয়োজন তা থেকে তিনি বঞ্চিত। তাই প্রায়ই রসিকতা করে তিনি বলতেন, “কয়েক বছর পবে পৃথিবীতে মাত্র পাঁচজন রাজা থাকবে—ইংল্যান্ডের রাজা, আর তাসের চার রাজা!” মিশরের রাজার আয়, যে সংকীর্ণ ফারুক জ্ঞানতেন।

রাজা ফৌদের ছয়টি সন্তানের মধ্যে একমাত্র পুত্র ফারুক! ফৌদ বোধ হয় ‘ফ’ অক্ষরটির মধ্যে একান্ত রাজকীয় বা সৌভাগ্যসূচক কিছু দেখতে পেয়েছিলেন: তাই ফারুকেব বোনেদেব নাম ফৌকিয়া, ফয়জা, ফয়কা, ফখিয়া। ফারুকের প্রথম পত্নী নামও বিবাহের পর পরিবর্তিত হল ফরিদা। তাঁদের তিন কন্যা: ফেরিয়ান, ফয়জিয়া, ফাদিয়া। একমাত্র নরিমান, যাকে ফারুক জোব করে বিবাহ করেছিলেন, নাম বদলাতে রাজী হন নি। ফারুক তাঁর প্রথম পুত্রের নাম দিয়েছিলেন ‘স্বতীয় ফৌদ’।

১৯৩৬ সালে মিশর ইংরেজের সঙ্গে নতুন এক চুক্তি করে ‘স্বাধীনতা’ পেল। কিন্তু লর্ড কিলার্ন, যিনি হাই কমিশনার থেকে মিশরে প্রথম রাষ্ট্রদূত নিযুক্ত হলেন, এই নতুন সত্তাকে কোনোমতেই কার্যত স্বীকার করতে পারলেন না। ফারুককে তিনি শিশুর মতো করায়ত্ত রাখতে চাইতেন। এই কিলার্ন ১৯৪২ সালের ৪ঠা ফেব্রুয়ারী বৃটিশ ট্যাংক ও সাঁজোয়া বাহিনী দিয়ে রাজপ্রাসাদ পবিত্র কবিরে হিটলারমুখী ফারুককে বাধ্য করেন নাহাস পাশাকে প্রধানমন্ত্রী বানিয়ে মিশরশক্তির অনুকূল রাজনীতি অবলম্বন করতে! এ-ঘটনার পবে ফারুকেব মধ্যে নানা প্রকারের সমাজ-বিরোধী, অত্যাচারী এবং লালসাপূর্ণ প্রবৃত্তি দেখা যেতে লাগল। ক্রমে ক্রমে ফারুক অভ্যচারী, লুণ্ঠন-প্রমুখ, শোষণ-প্রিয়, ভোগ-সর্বস্ব হয়ে উঠলেন। রাজার লোভ থেকে মিশর-বাসীর ধন-সম্পত্তি, রমণী, এমন কি ব্যক্তিগত সম্পত্তিও আর নিরাপদ রইল না। রাজার চারদিকে এসে জড়ল দেশ বিদেশ থেকে জুয়াড়ী আর অর্থ-লিস্‌সু তাঁবেদারের দল—ক্রমে ক্রমে তারাই হয়ে উঠল মিশরের প্রকৃত শাসক। একদিকে ফারুক ও অন্যদিকে ইংরেজ—এই দুই বাধার মধ্যবর্তী হয়ে মিশরী নেতারা সবাই দেশের প্রকৃত পূর্ণ স্বাধীনতা অর্জন বা কল্যাণ সাধন করতে ব্যর্থ হলেন এবং ক্রমে ক্রমে তারিও হয়ে উঠলেন উৎকোচগ্রাহী, বড়সন্ত্রপারায়ণ, স্বার্থপর, প্রণীকেন্দ্রিক। মিশরের সমস্ত সমাজদেহ পচে উঠল।

বিশ্ববী পরিবর্তন ছাড়া এই সর্বগ্রাসী রোগের উপশমনেই এটা নেতারা সবাই জ্ঞানতেন। তাই ১৯৪৮ সনে কাইরোর জনতাকে ইংরাজের বিরুদ্ধে ক্ষেপিয়ে তুলে নাহাস পাশা এক দাবানলের সৃষ্টি করলেন। কিন্তু সে-আগুনে পড়ে মিশরবাসীর অগ্নিপরীক্ষা হয়ে গেল। অনেকেই বদ্বলে কেন রাজ-নৈতিক নেতারা এ বার্থ আগুন জেদলে কয়েকশত দেশবাসীকে শব্দ আহুতি দিলেন। এক নিরুপায়, লজ্জিত দুর্বলতায় মিশরের জনগণ শব্দ মাথা নত করে রইল।

তারপর এল প্যালেস্টাইনের যুদ্ধ। অপ্রস্তুত সেনাবাহিনীকে ঠেলে দিলেন যুদ্ধক্ষেত্রে রাজা ফারুক ও তাঁর গভর্নমেন্ট। দেশদ্রোহিতার চরম অপরাধ অগ্রাহ্য করে বড়ো অস্ত্র পাঠাতে লাগলেন নিজের সেনাদেব, আর আসল অস্ত্র চালান যেতে লাগল শহুশিবিরে। এবার বিবট এক ধাক্কা খেয়ে জেগে উঠল মিশরের তবুণ সেনাদল। রাজসিংহাসন টলল। প্যালেস্টাইনে ফারুক যে চরম দেশদ্রোহিতার নিদর্শন দেখিয়েছিলেন, ১৯৫২ সনের ২৫শে জুলাই-র বিষয় সম্বাঘ তার পরিণতি হল নির্বাসনে।

“ইজিপ্ট: মোটোদের জন্যে বড় বড় কেক, গরীবদের জন্যে এক টুকরো পে’মাজ” —বারমিট বুজভেন্ট

৬

“মিশরের জনসংখ্যার শতকরা পঁচালি জন ভূমিহীন। দ. হাজার ধনী পাশা অধিকার করে আছে বারো লক্ষ একর জমি।” —জন গান্ধার

“বৈজ্ঞানিক দমন ছাড়াও, মিশর চির্বাদন তাঁর অর্থনৈতিক ব্যাধিতে ভুগ এসে ছ। —ডঃ চার্লস ইসাফুই

বিশ্ববের পববর্তী প্রভাত চির্বাদিনই ভয়ংকর। ফবাসী বিশ্ববের পবিচয় দিতে গিয়ে কারলহিন এ-কথাটা বিশেষ করে দেখাতে চেয়েছিলেন। লেনিনও অস্বীকার করেন নি।

নাসের-নাগিবেব নেতৃত্বে মিশবেব বিশ্বব ছিল প্রায় সম্পূর্ণ বস্তহীন। এখানেই তার প্রকৃত প্রথম বিজয়। ফারুক রক্তপাত প্রার্থনা কর্বেছিলেন; সমাজ-জীবনে সুপ্রতিষ্ঠিত পাশাদেবও আশা ছিল, মারামারি, গোলমাল হলে ইংরেজ সুস্বেজ-এ অবস্থিত সৈন্যদল নিয়ে হস্তক্ষেপ করবে। কিন্তু কোনো কোনো বিশ্ববী নেতাব আপত্তি সত্ত্বেও নাসেব বস্তপাতেব ও অত্যাচাবেব পথ সম্পূর্ণ এড়িয়ে গেলেন। ২৩শে জুলাইয়ের বিশ্ববেব একটি সংক্ষিপ্ত নির্দেশে জন গান্ধার বলেছেন, “কোনো রক্তপাত বা গোলমাল হয় নি। বিদেশীদের বিরুদ্ধে একটি মিছিল পর্যন্ত না—কেননা, নাসেব চান নি ইংরেজকে কোনো হস্তক্ষেপের সুযোগ দিতে।”

কিন্তু বিশ্ববীরা পুরাতনকে টিকতে দেন নি। প্রথম থেকেই একটি স্বেগানকে তাঁরা প্রাধান্য দিয়েছিলেন—“সাব করো”, Clean Up। তিনজন সদস্য নিয়ে একটি বিশ্ববী আদালত গঠন করা হল—বিশ্ববের শব্দদের বিচারের

জন্যে। এর সঙ্গে ফরাসী বিপ্লবের কিছুটা সাদৃশ্য আছে; কিন্তু বিচারে বা দণ্ড দেওয়া হল, ফরাসী বিপ্লবের তুলনায় তা কিছুই নয়।

সমাজের প্রায় সমস্ত স্তর থেকেই শত্রুদের ধরা হয়েছিল। একটি বিচিত্র মানুষের দল বিপ্লবী আদালতের সম্মুখে হাজির। দণ্ডও আঁতনব। সমস্ত রাজনৈতিক দলের নেতারা, যারা ১৯৪২ থেকে ১৯৫২ পর্যন্ত ফারুকের অধীনে মন্ত্রিসভা গ্রহণ করেছিলেন, ১৯৬৪ পর্যন্ত তাদের সর্বপ্রকার রাজনৈতিক অধিকার থেকে বঞ্চিত করা হল। এই এক ধোপে মিশরের সামাজিক জীবন পুরাতনপন্থী রাজনৈতিক নেতাদের প্রভাব থেকে বারো বছরের জন্যে মুক্ত হয়ে গেল। সেনাদল থেকে, পররাষ্ট্র দপ্তর এবং বিশ্ববিদ্যালয় থেকে কয়েক ডজন সেনাপতি, কন্ট্রীতিবিদ এবং অধ্যাপকদের সরিয়ে নেওয়া হল। নাহাস পাশার হল কারাদণ্ড। তাঁর সুন্দরী তরুণী ভাৰ্যা জেইনাব, যিনি স্বামীর পিছনে থেকে শাসন-ক্ষমতা চালাতেন এবং গোপনে তুলোর বাজারে ফাটকা খেলে লক্ষ লক্ষ পাউন্ড আয়সাং করতেন, জািলিয়াতি ও ঘৃষ নেওয়ার অপরাধে দোষী সাব্যস্ত হলেন। তাঁর দশ লক্ষ পাউন্ড মূল্যের সম্পত্তি বাজেয়াপ্ত হল।

দুজন খাতনামা সাংবাদিককে দশ ও পনেরো বছরের কারাবাস দেওয়া হয়। অপরাধ ঘৃষ নেওয়া। ভূতপূৰ্ব প্রধান মন্ত্রী ইব্রাহিম অবদেল হাজী, প্যালেস্টাইন যুদ্ধে অস্ত্র-ব্যবসায়ে তিনি আখের গুঁড়িয়ে নিয়েছিলেন, দেশ-দ্রোহিতার অপরাধে প্রাণদণ্ডে দণ্ডিত হলেন। কিন্তু এ-দণ্ডাদেশ কমিয়ে কারাবাসে পরিণত করা হয়। কুখ্যাত সেরাগ-অল-দীন পনেরো বছরের কারাবাস পেলে। ফারুকের নিজস্ব কর্মচারীদের কয়েকজন, দু-চারজন প্রাক্তন মন্ত্রী, এবং আরো কেউ কেউ দীর্ঘ কারাবাসের দণ্ড পেলে। কিন্তু অচিরেই প্রায় সব দণ্ডাদেশই প্রত্যাহত হল, নয়তো অনেকটা কমিয়ে দেওয়া হল।

নাসের তাঁর পুস্তকে বলেছেন : এ-সময়ে বিপ্লবীদের আসল কাজ ছিল নতুন মিশর তৈরি করা। পুরাতনকে ভেঙে, পঞ্চা করে প্রতি-বিপ্লবের পথ বন্ধ করা খুবই দরকার। কিন্তু পুরাতন যেন নতুনের দৃষ্টিকে ঘোলাটে করে না দেয়। “চতুর্দিক থেকে ঝড় এসে আমাদের উপর আছড়ে পড়ছে। আমরা যে প্রান্তবে দাঁড়িয়ে, তার উপর ঝড়ের গর্জন, বিদ্রোহের ঝিলিক, মেঘের হুংকার। এ-সবের উপরে রক্তপাত ও রক্তমুখী শাসন যদি আমরা বেছে নিতাম, তাহলে সর্বনাশ হত।”

নাসের জানতেন যে, আরবী থেকে নাহাস পাশা পর্যন্ত মিশরের দীর্ঘ জাতীয়তাবাদী সংগ্রামের সর্বপ্রধান দুর্বলতা ছিল রাজনীতি থেকে নতুন সমাজ গড়বার আদর্শকে নির্বাসিত করা। ১৯১৯ সালের বিপ্লব এবং তার কিছু পরেই বিখ্যাত জগলদুল পাশার নেতৃত্বে মিশরের স্বাধীন সরকার, ১৯৩৬-এর আন্দোলন, নাহাস পাশার অভ্যুদয়—এ-সবই রাজনৈতিক জীবনে কম-বেশি আলোড়ন এনে সেখানেই থেমে গিয়েছিল। মিশরের আর্থিক ও সামাজিক জীবনে তাদের প্রতিধ্বনি পৌঁছয় নি। সেখানে সাধারণ জনতা দারিদ্র্যের নিম্নস্তরে ক্রমাগত নেমে গেছে, অনাদিকে ইংরেজ-রক্ষিত একটি শ্রেণী গড়ে উঠেছে, যার আয়স্বে এসে জমেছে ভূমি, অর্থ, ব্যবসা-বাণিজ্য, রাজশক্তি।

নাসের প্রথম থেকেই জানতেন যে, রাজনৈতিক বিপ্লব কোনোমতে সার্থক

হবে না, যদি-না তার সঙ্গে থাকে সামাজিক বিপ্লব। এখানেই তাঁর সঙ্গে নাগিবেস মতান্তর শুরু হয়, যার পরিণতি হয় নাগিবেসের পদত্যাগ ও গ্রেপ্তারে। তিন বছরের মধ্যে নাসের নিজেই বিপ্লবী মিশরের কর্ণধার হয়ে ওঠেন।

নাসেরের ভাষায় এই “শৈবত বিপ্লবের” আদর্শ অতি সুন্দরভাবে বর্ণিত হয়েছে।

“আমার মনে হয় আমাদের প্রকৃত সমস্যা হচ্ছে যে, আমরা দুটি বিপ্লবের মধ্য দিয়ে চলেছি, একটি নয়! পৃথিবীর প্রত্যেকটি জাতিকে শৈবত বিপ্লবের মধ্য দিয়ে যেতে হয়। প্রথম বিপ্লব রাজনৈতিক। দেশীয় অত্যাচার বা বিদেশী সেনাদলের শাসন থেকে জাতির মুক্তি ও সার্বভৌম অধিকার দখল করা তার উদ্দেশ্য। দ্বিতীয় বিপ্লব সামাজিক। তার রূপ শ্রেণী সংঘর্ষ। সমবেত জাতির প্রত্যেক মানুষের সুবিচার প্রাপ্তিতে এ-বিপ্লবের শেষ।

“আমাদের যুগের আগেও মানুষকে এ শৈবত বিপ্লবের মধ্য দিয়ে যেতে হয়েছে। কিন্তু তাদের দুটি বিপ্লবের একই সঙ্গে মোকাবিলা করতে হয়নি।কিন্তু আমাদের ভয়ংকর দায়িত্ব, যা আমরা এড়াতে পারি না, দুটি বিপ্লবকেই একসঙ্গে আমাদের সার্থক করতে হবে।

“সার্থক হতে হলে রাজনৈতিক বিপ্লবের মধ্য দিয়ে জাতির সমস্ত স্তরের মানুষকে ঐক্যবদ্ধ করতে হবে। তাদের দৃঢ় বন্ধনে বাঁধতে হবে। জাতিব কল্যাণের জন্য স্বার্থত্যাগের আদর্শে তাদের অন্তরকে জ্বালিয়ে দিতে হবে।

“কিন্তু সামাজিক বিপ্লবের চেহারা আলাদা। প্রথম থেকেই তা প্রতিষ্ঠিত মূল্যবোধ ও নীতিবোধকে নাড়া দেয়। শ্রেণীতে শ্রেণীতে যুদ্ধ বাধায়। অসদুপার্জ, সন্দেহ, ঘৃণা ও অহমিকায় বাতাস বিষাক্ত হয়ে ওঠে।

“আমরা এই শৈবত বিপ্লবের দুটি পাথরের মাঝখানে চাপা পড়ে গেছি। এ দুইরকম বিপ্লবের মধ্য দিয়েই আমাদের উত্তীর্ণ হতে হবে। একটি বিপ্লবের আদর্শ আমাদের একত্রিত করবে, পরস্পরকে ভালোবেসে, পাশাপাশি দাঁড়িয়ে শত্রুর সঙ্গে লড়াইয়ে বাধ্য করবে। অন্য বিপ্লবের ধাক্কায় আমরা বিভক্ত। ঘৃণা ও স্বার্থপরতা কলুষিত।”

বিপ্লবের অব্যবহিত পবেই নাসের নিভীকভাবে দৃঢ়তাব সঙ্গে সামাজিক বিপ্লবে হাত দিলেন। বড় বড় জমিদারীগুলি ভেঙে ভূমিহীন প্রজাদের মধ্যে বিতরণ করা হল। ফারুকের নিজস্ব বিস্তীর্ণ ভূসম্পত্তি দিয়ে এ-ভূদান পর্বের শুরু। বিপ্লবী কম্যান্ড একটি ছোট সমিতির উপর মিশর গঠনের এক নতুন পরিকল্পনা তৈরির দায়িত্ব দিলেন। মিশরের প্রধান সমস্যা ভূমি; তাই ভূমি সংস্কার নিয়েই নতুন সমাজ গঠনের গোড়াপত্তন করা হল।

বিপ্লবী কম্যান্ডের গোড়া থেকেই রীতি ছিল যে, প্রত্যেক প্রধান কর্ম সম্বন্ধিত সর্বসম্মতিক্রমে গ্রহণ ও কার্যে পরিণত করা হবে। সংখ্যাগরিষ্ঠ উপদলের স্ফুটন পথ এভাবে প্রথম থেকেই নষ্ট করে দেওয়া হয়। যতক্ষণ সর্বসম্মতিক্রমে সিদ্ধান্ত না হচ্ছে, ততক্ষণ কম্যান্ডের আধিবেশন চলবে; নাসের বা নাগিব একা কোনো কিছু করতে পারবেন না। এই প্রথাতে আপত্তি করে নাগিব সর্বপ্রথম তাঁর সহকর্মীদের বিরাগভাজন হন। নাগিব চেয়েছিলেন মিশরের সীড়াকারের প্রধান মন্ত্রী হতে—অন্যান্য দেশের প্রধান মন্ত্রীদের মতো ক্ষমতার

অধিকারী হতে। বিপ্লবী কম্যান্ড এতটা ক্ষমতা তাকে দিতে অস্বীকার করে। আগেই বলা হয়েছে, নাগিব আসলে ছিলেন বাইরের লোক। বিপ্লবের পুরো-ভাগে হলেও তিনি অন্তর্জাত নয়। জন গান্ধারের ভাষায়, “প্রথম বিপ্লবী কাউন্সিলে ছিলেন নয়জন সদস্য; ফ্রী অফিসারস কমিটি হতে তাঁদের উৎপত্তি। নাগিব তাদের মধ্যে ছিলেন না। তাঁকে আনতে হয়েছিল, কেননা ফ্রী অফিসাররা একজন প্রবীণ মানুষ, একজন প্রতিষ্ঠিত সেনাপতি চেয়েছিলেন তাঁদের মূখপাত্র হিসেবে, যাতে তাঁদের কার্য-পরিকল্পনাকে জনসাধারণ প্রস্তুত চোখে দেখে। নাসের বিপ্লবের পরিকল্পনা তৈরি করে নাগিবের কাছে ‘বিক্রী’ করেছিলেন।”*

নাগিব তাঁর আত্মজীবনীতে নাসের ও বিপ্লবী কম্যান্ডের সঙ্গে তাঁর মত-বিরোধের যে বর্ণনা দিয়েছেন, তাকে মোটামুটি নিরপেক্ষ বলা চলে। নিম্নের উদ্ধৃতি থেকে এ-বিরোধের চেহারা সঠিক বোঝা যাবে।

“আমি এল নাসের, যাকে আমি চিরদিন গভীর প্রশংসা ও প্রস্থা করে এসেছি, একটি বিশেষ শক্তিসম্পন্ন তরুণ। তাঁকে আমি অনুরোধ করলাম, আমাকে কয়েক বছরের জন্যে মিশরের ভাগ্য নিয়ন্ত্রণের ক্ষমতা দেওয়া হোক। তিনি আর একটু বয়স্ক হয়ে উপযুক্ত অভিজ্ঞতা অর্জন করলেই আমি পদত্যাগ করে শাসনভার তাঁকে ফিরিয়ে দেব। অন্যথায়, আমি তাঁকে বললাম, আমাকে অবিলম্বে পদত্যাগ করতে হবে, তাতে যদি কোনো সম্ভবত্বের সৃষ্টি হয়, তবুও। কারণ, ‘কমিটি-শাসন’ আমার অসহ্য। তার চেয়ে বরং তিনি নিজেই ইচ্ছামত রাজকার্য চালনা করুন। যে-সব কর্মপন্থা আমি অনুমোদন করি না, সর্ব-সম্মতির খাতিরে সে-সব মেনে নেওয়া আমার পক্ষে অসম্ভব।.....বিভক্ত দায়িত্বে আমার কোনো বিশ্বাস নেই।.....

“বিপ্লবী কাউন্সিলের সঙ্গে আমার বিশেষ বিশেষ বিরোধের কথা এখানে বলব না। এটুকু বললেই যথেষ্ট যে, তার অনেকখানিই নাসের-বর্নিত ‘বিপ্লব-দর্শন’ নিয়ে।একটি ছত্রিশ বৎসরের যুবকের উৎসাহ নিয়ে নাসের বিশ্বাস করতেন যে, আদর্শরক্ষার জন্য মিশর সমাজের উচ্চ স্তরের লোকদের শত্রুতাও বাঞ্ছনীয়। আমি তিপায় বছরের সাবধানতা নিয়ে, ভাবতাম যে, ঘটটা সম্ভব জনমতকে দক্ষিণে রেখে চলাই আমাদের কর্তব্য। তা ছাড়া, আমার মনে হত, কোনো কোনো উদ্দেশ্য সফল করবার জন্য অপর কতগুলি উদ্দেশ্য এখন দূরে সরিয়ে রাখা সমীচীন। এক কথায়, একেবারে রুটি না পাওয়ার চেয়ে আধখানা রুটি আমার কাছে লোভনীয় মনে হয়েছিল। পুরো রুটি পাওয়ার জন্যে নাসের এমন বেশি বিপদ ঘাড়ে করতে রাজী ছিলেন, যা আমি অনুচিত মনে করতাম। ইতিহাসই বিচার করবে আমাদের মধ্যে কে নির্ভুল। যদি আমার ভুল প্রমাণ হয় এবং সেদিন যদি আমি বেঁচে থাকি, তবে নাসেরকে তাঁর উচ্চতর বুদ্ধির জন্যে সবার আগে আমিই অভিনন্দন জানাব।”

নাগিব-নাসেরের বিরোধ মিশরের নতুন বিপ্লবের সবচেয়ে করুণাঙ্ক ঘটনা। নাগিব তাঁর অল্প কয়েক বছরের কর্মক্ষেত্রে অনেকখানি সাহায্য করেছিলেন, বিপ্লবের সার্থকতায়। স্বাধীনচেতা, নিষ্কলঙ্ক বোধ্য হিসাবে তাঁর খ্যাতি

সারা বিশ্বে বিদিত ছিল। তাঁর নেতৃত্বকে আমেরিকা এবং কিছুটা বৃটেনও, মধ্যপন্থীদের প্রাধান্য হিসাবে গ্রহণ করেছিল। সুদানে নাগিবের প্রাধান্য ছিল অনেকখানি; তাঁর পৌরোহিত্যে সুদান-মিশরের মৈত্রী অনেকখানি নতুন পথে এগিয়ে গিয়েছিল।

কিন্তু তথাপি এ-বিবোধ ছিল অবশ্যম্ভাবী। নাসেব বিপ্লবকে তার স্বাভাবিক পরিণতিতে এগিয়ে নিতে চেয়েছিলেন। নাগিব চেয়েছিলেন তাকে মাঝপথে রুদ্ধতে। নাগিব ছিলেন তুর্কীর আতাতুর্কের আদর্শে অনুপ্রাণিত। তিনি বুঝতে পাবেন নি আতাতুর্কের বিপ্লব বহুদিন আগেই প্রতি-বিপ্লবে পরিণত হয়েছে। তুর্কীর মতো 'ইয়ং বিপ্লব' কোনো দেশেই সার্থক হয় নি। ১৯১৫ সালেই লর্ড ক্রোমার বলেছিলেন, “ইয়ং তুর্কী সম্পূর্ণ ব্যর্থ হয়েছে। তারই অনুরূপ ব্যর্থ হয়েছে ইয়ং পারস্য, ইয়ং মিশর। ইয়ং চীনও বিশেষ সুবিধা করতে পেরেছে বলে মনে হয় না।”*

নাসের আব একটি 'ইয়ং ট্রিজস্ট' সৃষ্টি করতে চান নি। তাঁর বিপ্লবী কার্ডিন্সলে নানা মতের লোক ছিল, তাদের মধ্যে কয়েক জন সাম্যবাদীও। তাঁরা সবাই একত্র একই লক্ষ্যে উপনীত হবার আদর্শে অনুপ্রাণিত হয়ে চলতে শুরু করেছিলেন। নাসের জানতেন মিশরের ইতিহাস নতুন পথে মোড় ফিরেছে; এ-পথ আরবীর পথ নয়, কেমাল পাশার বা জগলুল বা নাহাসেব পথ নয়। হয়তো কিছুটা মহম্মদ আলীর পথ, যে-পথে একদিন প্রাচীন মিশর নবীন দীপ্তিতে জেগে উঠেছিল। কিন্তু বিংশ শতাব্দীর শ্বিতীয় অর্ধে বিপ্লব বহুমুখী; তাকে সমাজজীবনে রূপান্তরিত করতে না পারলে তার ব্যর্থতা অনিবার্য। নাসের হতে চান নি আব একজন মুসল্লি কামাল, বা বেজা খান, বা চিয়াং কাইশেক।

সবচেয়ে দুঃস্থের হচ্ছে এই যে, নাগিব-নাসেবের বিবোধের সংযোগ নিয়ে উগ্র ইসলামপন্থী 'মোসলেম ব্রাদারহুড' এবং কম্যুনিষ্টরা ক্ষমতা দখলের চেষ্টায় বিপ্লবকে হীনবল ও ব্যর্থ করে তুলতে চেষ্টিত হয়। ১৯৫৩ সালের ১৮ই জুলাই, অর্থাৎ বিপ্লবের প্রায় এক বছর পর, নাসের সহকারী প্রধান মন্ত্রী নিয়ুক্ত হয়ে জনসাধারণের গোচরে আসেন। তার আগে একমাত্র সেনাবিভাগ ছাড়া তাঁর পরিচয় ছিল অত্যন্ত সীমাবদ্ধ। দেশের লোকে তাঁর নাম পর্যন্ত জানতো না। নাসেরকে সহকারী প্রধান মন্ত্রী হতে হয় নাগিবের সঙ্গে বিপ্লবী কার্ডিন্সলের বিবোধের জন্যে। এ-বিবোধ ক্রমাগতই বাড়তে থাকে। ১৯৫৪ সালের ২৫শে ফেব্রুয়ারী, নাসেব প্রধান মন্ত্রী এবং বিপ্লবী কার্ডিন্সলের সভাপতি হন। নাগিবকে প্রায় সব ক্ষমতাপূর্ণ পদ থেকে সবিধে দেওয়া হয়। কিন্তু সঙ্গে সঙ্গে কাইরো ও অন্যান্য শহরে এবং সুদানে জনমতের তীব্র প্রতিবাদে নাসের নাগিবকে প্রেসিডেন্টের পদ দিতে বাধ্য হন। এ-প্রতিবাদ নাসেরের বিরুদ্ধে নয়—বিপ্লবী সংস্থা আভান্তরীণ বিরোধে হীনবল না হয়ে যায় জনসাধারণ প্রতিবাদের মধ্য দিয়ে সে দাবী জানান। ৮ই মার্চ নাগিবকে পুনরায় প্রধান মন্ত্রীর পদ দেওয়া হয়। কিন্তু বিপ্লবী কার্ডিন্সলের সভাপতির

* “Young Turkey has proved a complete failure. So has Young Persia. So has Young Egypt. And Young China does not appear to have been much more successful”—Lord Cromer, by Marquess of Zetland, Page 293.

পদ তিনি আর ফিরে পেলেন না। এই বিরোধের সুযোগ নিয়ে মার্চের ২৭-২৯ তারিখে স্বার্থপ্রণোদিত কয়েকটি দল কাইরোতে গোলমালের সৃষ্টি করে। ১৭ই এপ্রিল নাসের পুনরায় প্রধান মন্ত্রী হন। নাগিব রইলেন প্রেসিডেন্ট।

১৯৫৪ সনের অক্টোবরে নাসের আলেকজান্দ্রিয়ায় এক জনসভায় বক্তৃতা করছিলেন। বিরাট জনতা মহা উল্লাসে অভিনন্দিত করে নিশ্চুপ আগ্রহে তাঁর আবেগময় ভাষণ শুনছিল। এমন সময় পর পর আটটি গুলী তাঁর দেহ লক্ষ্য করে বর্ষিত হয়। আততায়ী মুসলিম ব্রাদারহুডের সভ্য। জনতা ক্ষিপ্ততার সঙ্গে তাকে ধরে ফেলে। নাসেরের গায়ে কোনো আঘাত লাগে নি। বিন্দুমাত্র বিচলিত না হয়ে তিনি তাঁর ভাষণ শেষ করেন। সে-সভায় উপস্থিত এক মার্কিং রিপোর্টার বলেন, “হঠাৎ জনতার নিম্নতম একাগ্রতা ভেদ করে পিস্তলের আওয়াজ! এক এক করে আটবার। সমস্ত জনতা ছত্রস্ত, বিচলিত, ক্রুদ্ধ হয়ে উঠল। কিন্তু গামাল অল নাসের সম্পূর্ণ অবিচলিত। এমন কি বক্তৃতা কালীন তাঁর শব্দ মুখের কাঠিন্য পর্যন্ত বদল হয় নি। ব্যক্তিগত সাহসের এই একটি চরম নিদর্শন!”

নাসেরকে এবার বাধা হয়ে কিছুটা কঠোর হতে হল। মুসলিম ব্রাদারহুডকে এমন ভাবে তিনি ভেঙ্গে দিলেন যে, তার পুনরুত্থান প্রায় অসম্ভব। নাসেরকে হত্যা করার ষড়যন্ত্রে লিপ্ত ছয়জনকে ফাঁস দেওয়া হল, একজনকে যাবজ্জীবন সশ্রম কারাদণ্ড। নভেম্বরে নাগিবকে সমস্ত ক্ষমতাচ্যুত ও গৃহবন্দী করে রাখা হল। জন গাম্ফার বলেছেন, “হয়তো নাসেরের বিরুদ্ধে ষড়যন্ত্রে নাগিবের কোনো হাত ছিল না। কিন্তু ব্রাদারহুডের সভ্যরা বলেছিলেন, তাঁরা নাগিবের নেতৃত্বে একটি নতুন বৈশ্বিক সরকার গঠন করতে চান। নাগিব তাঁদের মতলব জানতেন কি না কে জানে।”

এ সময়ে কয়েকজন কম্যুনিষ্ট নেতাকেও রাজদ্রোহিতার অপরাধে বিচার করে কঠিন শাস্তি দেওয়া হয়। তার মধ্যে ১৬ জন অশ্বারোহী বাহিনীর সেনাপতি। ইসমুফ সাদিক মনসুর ও খালেদ মহিউদ্দিন, বিপ্লবী কার্ডিনালের দুজন সদস্যকেও, সাম্যবাদী মনোভাবের জন্য ক্ষমতাচ্যুত করা হয়। নাগিব নিজেই উল্লেখ করেছেন তাঁর জীবনীতে যে, এদের বিরুদ্ধে অভিযোগ ছিল যে, নাসেরের সঙ্গে তাঁর বিরোধের সুযোগ নিয়ে এরা বিকল্প গভর্নমেন্ট গঠন করার ষড়যন্ত্র করেছিলেন।

বিপ্লবের এই স্বল্পস্থায়ী কলঙ্কময় অধ্যায়ের শেষ করা যাক নাগিবের পুস্তক থেকে আর একটি উদ্ধৃতি দিয়ে, যাতে আরো বোঝা যাবে এর প্রকৃত তাৎপর্য :

“আমার নাম জড়িত হয়েছে একটি সাম্যবাদী ষড়যন্ত্রের সঙ্গে। তাই আমার বলা উচিত যে, নাসেরের সঙ্গে আমার যে-বিরোধ তা মত নিয়ে নয়, পথ ও কৌশল নিয়ে। এর প্রকৃত চেহারাটা পারিবারিক কলহের মতো। মিশরের বিপ্লবের আদর্শ নিয়ে আমাদের কোনো মতভেদ হয়নি—এ-বিপ্লবের অন্যতম আদর্শ ছিল সাম্যবাদের কারণগুলিকে দূর করা। মতভেদ হয়েছিল কেবল কীভাবে সে-আদর্শ করায়ত্ত হতে পারে তাই নিয়ে। যদি সাম্যবাদী, বা ওয়াফদ দলের লোকেরা কিংবা মুসলিম ব্রাদারহুডের সদস্যরা এই সংকটে

আমার রাজপদের সুযোগ নিতে চেষ্টা করে থাকে, তবে তা আমার সম্পূর্ণ অগোচরে। তার জন্যে তাদের শাস্তি পেতেই হবে। এবং আমার কোনো সহানুভূতিই তারা দাবী করতে পারে না।”

৭

“প্রত্যেকটি অধিকারকে নিরাপদ করতে হয় অন্য একটি অধিকার বোগ করে। গণতন্ত্রকে রক্ষা করার একমাত্র উপায় তার সীমাস্তকে প্রসারিত করা।”

—আনিওরিন বেষ্টন

“প্রভাত এল, সেই নিদ্রাহীন জনতার চোখের উপর.....” —বাল্লরন

বিংশ শতকের শ্বিতীয় অর্ধে রাজনৈতিক বিবর্তনের রূপটাই যেন কেমন বদলে গিয়েছে। যেমন সাবেকী পুঁজিবাদও নেই, তেমন সাবেকী সাম্যবাদও নেই। আমেরিকাতেও এক বিপ্লব সমাজকল্যাণমূলক পরিকল্পনা সরকারী বাজেটের অন্যতম নিদর্শন। রুশিয়ায় এককেন্দ্রিক সমাজতন্ত্র ঢেলে সাজা হচ্ছে। কমুনিস্টরা পার্লামেন্টারী ডেমোক্রেসীতে হঠাৎ অনেকটা বিশ্বাসী হয়ে উঠেছে। নানা পথ ধরে সমাজতন্ত্র তার লক্ষ্যস্থলে এগোবার চেষ্টা করছে। মাও সে তুং বলেছেন, “শত শত ফুদ ফুটুক, শত শত মত জেগে উঠুক।”

সৈন্যদলের অধিনায়করা ইতিহাসের নানা পর্যায়ে রাজশাস্তি অধিকার করেছেন; কিন্তু তার ফল হয়েছে শ্বৈরাচারী শাসন, সামরিক শক্তিতে সুরক্ষিত ক্ষুদ্র এক গোষ্ঠীর প্রভুত্ব। ভূইফোড় বিপ্লব হয়েছে পৃথিবীতে অনেক; প্রগতির পথ ধরে এগিয়ে এসে বার বার এ-বিপ্লব জনগণের আস্থা ও সমর্থনকে বিশ্বাসঘাতকতার চূর্ণবিচূর্ণ করেছে।

মিশরে যারা ১৯৫২ সালে বিপ্লব আনেন, তাঁরা সবাই সৈন্যদলের লোক। তাই এ-বিপ্লবকে অনেকদিন সন্দেহের চোখে দেখেছেন অনেক দেশের লোক। কতদূর এ-বিপ্লবের শিকড় মিশরের প্রাচীন ভূমির গর্ভে? শুধু কি একটি ছোট সামরিক গোষ্ঠীর উচ্চাশার প্রতীক? না, বহু যুগ পরপদানত, শাসিত, শোষিত মিশরবাসীর মানুষের অধিকার নিয়ে বাঁচবার প্রাচীন কামনা এ-বিপ্লবে মূর্ত হয়ে উঠেছে? সেনাবাহিনীর কয়েক শত অফিসার কতখানি জনমতের প্রকৃত প্রতিনিধি? কতদূর তাঁরা জনমতের সম্মান দিতে প্রস্তুত?

নাসের তাঁর বিপ্লব-দর্শনে নিজেই বার বার এ-প্রশ্ন করেছেন। সৈন্যদলের স্থান তো দেশের সীমান্তে; দেশকে রক্ত দিয়ে, প্রাণ দিয়ে রক্ষা করা তার স্বভাব। তবে কেন সৈন্যদল নেবে পুরাতন সমাজ ভেঙ্গে নবতর সমাজ গঠনের ভার? কেন সে তুলে নেবে রাজদণ্ড?

“বাট হোয়াই দি আর্মি?—সৈন্যদলের উপর এ দায়িত্ব কেন? বার বার আর্মি নিজেকে এ প্রশ্ন করে আসিছে। ২৩শে জুলাইয়ের আগে, আশা, ভাবনা ও পরিকল্পনার বিভিন্ন প্রহরে, বার বার করেছি এ-প্রশ্ন। আজো, এই আমার অন্যতম প্রধান জিজ্ঞাসা।”

এখানে, একটু দেখে, মিশরের রাজনৈতিক ও সামাজিক পরিবেশে, সৈন্য-

বাহিনী, বিশেষ করে সেনাপতিদের স্থান কী প্রকারের তা বন্ধে নেওয়া দরকার। বহু শতাব্দী পরে মহম্মদ আলীই প্রথম মিশরের গ্রামজ সাধারণ মানুষকে সৈন্যদলে ডরতি করান। কিন্তু উচ্চপদে তখন কোনো মিশরীয় স্থান হত না। অসামরিক বড় পদেও হয় রুরোপীয়, নয় তুর্কীদের প্রাধান্য ছিল। মহম্মদ আলীর পুত্র আব্বাস এই নীতিকে আরো পাকা করে তোলেন।

তিনি তুর্কীদের সঙ্গে উল্লেখ্য জাতীয় লোক এবং পিতৃভূমি আলবেনিয়া থেকে আমদানী অফিসারদের দিয়ে সৈন্যদলের উপরিস্তরকে সৃষ্টি করেন। কিন্তু প্রথম সৌদের আমলে এ-নীতির ব্যাপক পরিবর্তন হয়। মিশরীয়দের অধিকার প্রতিষ্ঠা করার নীতি অনুসরণ করে তিনি অনেক মিশরবাসীকে সৈন্যদলে কর্নেল পদে উন্নীত করেন। এর পরে রাজা ইসমাইল যখন পুরাতন নীতিতে ফিরে যেতে চেষ্টা করেন, তখন মিশরীয়দের মধ্যে এক গভীর অসন্তোষের সৃষ্টি হয়। আরবী পাশার নেতৃত্বে যে-বিদ্রোহ এ-সময়ে দেখা দেয়, তুর্কী-বিরোধী মনোভাব ছিল তার অন্যতম প্রধান কারণ। পরবর্তীকালে, বৃটিশ ‘রক্ষিত’ মিশরে, স্থানীয় বাসিন্দাদের জন্য আবাব সৈন্যদলের দ্বার খুলে দেওয়া হয়। ভালো ভালো বংশের মেধাবী ছেলেরা সেনাপতির পদে নিযুক্ত হতে লাগল, অনেক মধ্যবিত্ত পরিবারের যুবকরাও সুযোগ পেল। রাজনৈতিক জীবনের বর্ধমান কলুষতা মোটামুটি সেনাবাহিনীর মধ্যে ব্যাপকভাবে প্রবেশ করতে পারে নি। অন্য পক্ষে, দেশের ভাগ্য ও সৈন্যদের জীবন নিয়ে যে নিষ্ঠুর জুয়া খেলার শয়তানি প্যালেস্টাইন যুদ্ধের সময় সেনাপতিদের কাছে ধরা পড়ে যায়, তাতে একদল তরুণ অফিসারের মনে গভীর বিতৃষ্ণা ও বিদ্রোহের আগুন জ্বলে ওঠে। আমরা আগেই জেনেছি যে, এ‘রাই ফ্রী অফিসারস্’ নামে গোপন কেন্দ্র গঠন করে কী উপায়ে মিশরের ভাগ্যকে এক চরিত্রহীন রাজা ও একদল দেশদ্রোহী রাজনৈতিক নেতার কবল হতে মুক্ত করা যায়, সে-পথ খুঁজতে শুরু করেন।

নাসের তাঁর পুস্তকে বলেছেন, ২০শে জুলাইয়ের পূর্বে অনেক কারণই ছিল সৈন্যদলকে জাতীয় জীবনের আমূল সংস্কারের জন্য হস্তক্ষেপ করতে বাধ্য করার। “আমরা বলাবলি করতাম, আর্মি যদি এ-কাজ না করে তবে করবে কে? এক অভ্যাচারী রাজা বহুদিন আমাদের ব্যবহার করে এসেছে জনসাধারণের মধ্যে ভীতি সঞ্চার করতে; আজ সেই ভয়ের অস্ত্রকেই ব্যবহার করতে হবে সেই স্বেচ্ছাচারীর ধ্বংসের জন্যে। আমরা অন্তরে অনুভব কবতাম যে, যদি আমরা এ-কাজে ব্যর্থ হই, তবে তা হবে আমাদের উপর দেশ-বাসীর এক গভীর আস্থা-ব্যার্থতা।”

১৯১৯ সাল থেকে মিশরের জাতীয় সংগ্রামের ইতিহাস খেঁটে নাসেরের দৃঢ় বিশ্বাস জন্মাল, সৈন্যদল ছাড়া মুক্তিযুদ্ধের পৌরোহিত্য করতে পারে এমন আর কেউ নেই। এমন একটি সুসংবদ্ধ শক্তির প্রয়োজন এ-দারিদ্রকে সার্থক করার জন্যে, যা ব্যক্তি ও শ্রেণী-সংগ্রাম থেকে দূরে; জনগণের অন্তর থেকে যার উৎপত্তি; যে-শক্তির নেতারা জনগণের আস্থা ও প্রমোদজনক; এবং যার হাতে এতটা বাস্তব বল আছে যে, কার্ণিসিধির জন্য তাকে অন্য কোনো শক্তির দ্বারস্থ হতে হবে না। “এমন একটি শক্তি একমাত্র সেনাবাহিনীর মধ্যে আমরা দেখতে পেয়েছিলাম।”

কিন্তু মাসের তাঁর স্বভাবসিদ্ধ সঙ্গলতার সঙ্গে বলেছেন, এ-কথা ঠিক নয় যে, বিপ্লবের আগে সঠিক ও সুসংবদ্ধ কর্তব্য বিষয়ে আমাদের মনে কোনো পাকা ও সুবিশ্লেষিত পরিকল্পনা ছিল। আমরা ভেবেছিলাম সমস্ত জমিত আমাদের নেতৃত্বের জন্যে তৈরী হয়ে বসে আছে; আমরা সোনার কাঠি রূপের কাঠি নিদ্রিত রাজকন্যার কপালে ছোঁয়ালেই তিনি জেগে উঠে বিপ্লবকে সার্থক করে তুলবেন। কিন্তু ২৩শে জুলাইয়ের পরেই আমরা দেখতে পেলাম যে, আমাদের ধারণা ভুল। বিপ্লবের গতি এবং তার কঠিন দাবীই আমাদের কর্তব্য ও দায়িত্বকে গড়ে তুলল। একবার শূন্য করে আমরা দায়িত্ব ছেড়ে অপসরণ করতে অস্বীকার করলাম।

“বিপ্লব-দর্শনের” যে কয়েকটি কথা পৃথিবীর নানা দেশে নানা ভাষায় বারংবার উদ্ধৃত হয়ে এসেছে, তার কিছুটাের তর্জমা থেকেই বোঝা যাবে কতখানি আত্মবিশ্বাস ও সরল মানসিক উন্মুক্ততা নিয়ে নাসের এ-সময়ে পথের সন্ধান করেছিলেন :

“২৫শে জুলাইয়ের আগে আমার মনে হত সমস্ত জাতিই প্রস্তুত হয়ে অপেক্ষা করছে শুধু একটি বলিষ্ঠ অগ্রগামী নেতৃত্বের জন্যে। এ-নেতৃত্ব পেলেই এক ঐক্যবদ্ধ সেনাবাহিনীর মতো সে খাঁপয়ে পড়বে লক্ষ্য আদর্শ অন্বেষণ করতে। আমার মনে হত শুধু এই নেতৃত্ব এনে দেওয়াই আমাদের দায়িত্ব; কয়েক ঘণ্টার মধ্যেই এ-দায়িত্ব শেষ হয়ে যাবে। তার পরে আমাদের পাশ্চাত্যবর্তী বিপ্লবী সেনা দর্পিত পদক্ষেপে লাইন করে এগিয়ে যাবে লক্ষ্য-স্থলে.....

“তারপর, হঠাৎ এল ২৩শে জুলাই। আমরা অগ্রগামীর দল এগিয়ে এসে অত্যাচারীর দৃগ্ আক্রমণ করলাম। ফারুককে আমরা তাড়ালাম। কিছুক্ষণ আমরা থেমে রইলাম এগিয়ে-আসা জনবাহিনীর জাগ্রত পদধ্বনির প্রতীক্ষায়।

“দীর্ঘ হল প্রতীক্ষা। জনতা এল—অন্তহীন জনতা। কিন্তু আমাদের সেই সবুজ স্বপ্নের কি এই বাস্তব চেহারা? জনতা এল—দুর্বল, কলহ বিভক্ত জনতা। আমাদের পবিত্র জয়যাত্রা থেমে গেল। চারদিকে নেমে এল জঙ্ঘকার। বিপদের সংকেত। আর তখনই আমার মনে হল অগ্রগামী নেতৃত্বের দায়িত্ব নিয়ে সৈনিক আমরা যারা এসেছি, আমাদের দায়িত্বের শেষ হয়নি। মাত্র হয়েছে শূন্য।

“আমরা চেয়েছিলাম শৃঙ্খলা; পেয়েছি বিশৃঙ্খল কোলাহল। আমরা চেয়েছিলাম ঐক্য; আমাদের পশ্চাতে দেখতে পেলাম কেবল বিরোধ। আমরা চেয়েছিলাম কাজ; পেলাম আলস্য, ঔদাসীনা.....

“কিন্তু আমরা নিজেরাই তো তৈরী ছিলাম না। তাই আমরা নেতৃস্থানীয় অভিজ্ঞ মানুষদের মতামত খুঁজতে লগলাম। কিন্তু হায়, বিশেষ কিছু জুটল না।

“আমরা যার কাছেই সাহায্য ও উপদেশের জন্য হাত পাতলাম, পরামর্শ পেলাম কোনো না কোনো একজন মিশরীকে হত্যা করো। প্রত্যেকটি আইডিয়ার বা আমরা পেলাম, তা হচ্ছে অন্য কোনো আইডিয়ার উপর আক্রমণ। যদি আমরা আমাদের দেশের বরোদাদের উপদেশমতো কাজ করতাম, তবে মিশরের প্রত্যেকটি মানুষকে আমাদের হত্যা করতে হত, প্রত্যেকটি ভাবধারাকে চেপে

মারতে হত। দেশব্যাপী এক মহাশ্মশানে, ধ্বংসস্থূপ ও শবদেহের মাঝখানে বসে, আমাদের দুর্ভাগ্যকে অভিশাপ দেওয়া ছাড়া আর কোনো কাজই আমাদের থাকত না।

“হাজার হাজার আবেদনপর আমাদের হাতে আসতে লাগল। আমরা এ-সব আবেদনের মর্ম বুঝতে পারতাম যদি তাদের দাবী হত পুরাতন অন্যায় ও অবিচার দূর করবার। কিন্তু বেশির ভাগ আবেদনই শৃঙ্খল প্রতীহিংসার দাবী। যেন বিপ্লব এসেছে প্রত্যেকের হাতে ঘৃণা ও প্রতীহিংসার অস্ত্র হয়ে।

“যদি তখন কেউ আমাকে জিজ্ঞেস করত, ‘সব চেয়ে বেশি আপনি কী চান?’ আমি উত্তর দিতাম, এমন একজন মিশরী, যে অন্য মিশরীদের একটু প্রশংসা করবে। এমন একজন মিশরী যার অন্তর দেশবাসীর জন্যে ক্ষমা, করুণা ও প্রেমে ভরে উঠেছে। এমন একজন মিশরী যে কেবল অন্য মিশরীদের মতামত টুকরো টুকরো করে ছিঁড়তেই আনন্দ পায় না।’

“এ-ছাড়াও চতুর্দিকে সে কী প্রচণ্ড অহমিকা! প্রত্যেক জিহ্বাগ্রে মাত্র একটি শব্দ: ‘আমি’। প্রত্যেক সমস্যার সমাধান ‘আমি’। আর কেউ তার অ-আ-ক-খ-ও জানে না। সব জানি, সব বুঝি শৃঙ্খল ‘আমি’। আলাপ আলোচনার সময় যখনই জিজ্ঞেস কবতাম কোনো না কোনো সমস্যার কী সমাধান? চটপট উত্তর হত, ‘আমি’।

“অর্থনৈতিক সমস্যা? শৃঙ্খল ‘আমিই’ তার সমাধান জানি; অন্য সবাই নেহাত শিশু। রাজনৈতিক প্রশ্ন? উত্তর দিতে পারি শৃঙ্খল ‘আমি’। এ-সব ‘বড় বড়’ লোকদের সঙ্গে কথাবার্তা করে অতি, দৃষ্টিতে আমি আমার সহকর্মীদের বলতাম, ‘কিচ্ছ, হবে না! যদি এদের জিজ্ঞেস করো হাওয়াই দ্বীপের মতস্য সমস্যার সমাধান কী? তা হলেও এ’বা সমস্বরে জবাব দেবেন, ‘আমি’!”

“এবাঁদন আমাদের একটি বিশ্ববিদ্যালয়ে গিয়ে তার অধ্যাপকদের এক সভায় আমি এঁদের অজিজ্ঞতা ও জ্ঞানের সহায়তা চাইলাম। অনেকেই লম্বা-চওড়া বক্তৃতা কবলেন। কিন্তু একজনও নতুন কোনো আইডিয়া দিতে পারলেন না। শৃঙ্খল প্রত্যেকে তাঁবেদারী মনোভাব নিয়ে এগিয়ে এলেন আমার কাছে, তাঁর যোগ্যতা ও জ্ঞানের বিজ্ঞাপন বহন করে। যেন প্রত্যেকেই অসাধ্য সাধন করতে পারেন। আর প্রত্যেকেই এমনভাবে আমার দিকে তাকাতে লাগলেন যেন স্বর্গ ও মর্ত্যের সকল ঐশ্বর্য হতেও আমি তাঁর কাছে প্রিয়তর।

“স্বীকার করছি, এ-সব দেখে-শুনে আমার যেন একটু মানসিক সংকট উপস্থিত হল। কিন্তু ধীরে আস্তে বিচার বিশ্লেষণ করে দেখতে দেখতে আমি এ-পরিবেশের প্রকৃত তাৎপর্য ধ্রুত্বতে পারলাম। মিশরের নিদারুণ বেদনাব ছবিও আমার চোখে স্পষ্ট হয়ে উঠল। আর এ-অনুভূতির সঙ্গে সঙ্গে বহুদিন ধরে যে প্রশ্ন আমার মনকে মথিত করেছে, তারও জবাব আমি পেলাম।

“২০শে জুলাই সেনাদল যে-বিপ্লব আনল, সে দায়িত্ব কি ছিল আমাদেরই?

“এ-প্রশ্নের উত্তর হচ্ছে: নিশ্চয়, সে দায়িত্ব আমাদেরই। আমাদের

কর্মধারা আমরা নিজেরা বেছে নিই নি। মিশরের ইতিহাস এ-কর্মধারা আমাদের হাতে ভুলে দিয়েছে।”

“[মিশরে এসে] আমি দেখেছি অত্যাচার, আমি দেখেছি অত্যাচার।”—মধ্য-যুগের জনৈক রাজা তাঁর পুত্রকে লিখিত পত্রে।

“প্রাকৃতিক সম্পদের চেয়েও মানসিক সম্পদ বিকাশ বেশি প্রয়োজন”

—আডলাই স্টিভেনসন

“এমন কোনো সীমা নেই যা আমরা উত্তীর্ণ হব না”—নাসের

১৯৫২ থেকে ১৯৫৪। এ তিন বছর মিশরের বিপ্লব স্থিতিশীলতার পথ খুঁজে বেড়িয়েছে। নাসের যে বৈতবিক্সবের কথা বলেছেন, প্রথম থেকেই তিনি দৃঢ়তার সঙ্গে বিপ্লবী কার্ডিন্সলের সামনে সে-লক্ষ্য স্থাপন করেন। কোনো সত্যিকার বিপ্লবই সম্পূর্ণ শান্তিতে এবং কোনো বাধা না পেয়ে এগোতে পারে না, বিশেষ করে প্রতিষ্ঠিত স্বার্থের মূলে আঘাত যদি হানে। মিশরের বিপ্লবের পথেও বাধা এসেছে অনেক, দেশজ স্বার্থ ও বিদেশী স্বার্থ উভয় পক্ষ থেকেই। রাজপ্রাসাদ ঘিরে অতি দূষিত ক্ষমতা-ভোগী যে-সমাজ গড়ে উঠেছিল তার কবল থেকে মিশরকে মুক্তি দেওয়া সহজ কাজ নয়। তা ছাড়া, উচ্চ আদর্শ, নিষ্কলঙ্ক দেশপ্রেম ও আত্মত্যাগের প্রস্তুতি ছাড়া নাসের ও তাঁর সহকর্মীদের অন্য কোনো পন্থা ছিল না। রাজনীতিতে তাঁরা ছিলেন একান্ত অনভিজ্ঞ। কোনো অর্থনৈতিক বা সামাজিক পরিকল্পনাই তাঁদের তৈরী ছিল না। ফ্রী অফিসরদের মধ্যে কিছু ছিলেন মোসলেম ব্রাদারহুডের সমর্থক, কয়েকজন কম্যুনিষ্ট। রাজকর্মচারীরা অনেকেই অসৎ। বিশ্ববিদ্যালয়গুলি গোড়ামির কেন্দ্র। ইংরেজ-শক্তি বিপ্লবকে প্রথম থেকেই সম্মেহেব চোখে দেখে এসেছে। সৌবিয়ত রাশিয়া ১৯৫৫ সালে বাস্তুং মহাসম্মেলনের আগে পর্যন্ত নাসেরকে অকথ্য ভাষায় গালাগাল করেছে। আভ্যন্তরীণ ও আন্তর্জাতিক কোনো অবস্থাই বিপ্লবের অনুকূল ছিল না।

বাধা আসে প্রধানত চার দিক থেকে। প্রথম, নাগিব। তিনি ফ্রী অফিসরদের অন্যতম না হওয়ায় তাঁর ইচ্ছা ছিল যত শীঘ্র রাজশক্তি বিপ্লবী কম্যান্ডের হাত থেকে একটি স্বাধীনভাবে নির্বাচিত গণপরিষদের হাতে চলে যায়। এই উদ্দেশ্য নিয়ে তিনি প্রথম থেকেই চাপ দিতে থাকেন গণপরিষদ নির্বাচনের। সামাজিক পটভূমিকার বিশেষ পরিবর্তনের তিনি ছিলেন বিরুদ্ধ। নাসেব কিছুদিনের জন্যে নাগিবের মতে প্রায় মত দিয়েছিলেন। ১৯৫৪ সালের প্রথম দিকে নাগিব, নাসেরের সম্মতি নিয়ে, গণপরিষদের পথ প্রায় পরিষ্কার করে এনেছিলেন। কিন্তু বিপ্লবী সংস্কার অধিকাংশ সদস্যরা নাসেরকে বোঝাতে সক্ষম হলেন যে দেশ তখনো ঐ জাতীয় রাজনৈতিক সংস্কারের জন্য তৈরী নয়। কারখানার শ্রমিকরা ও বিশ্ববিদ্যালয়ের ছাত্ররা বিপ্লবী নেতৃত্বের স্বপক্ষে আন্দোলন শূদ্ধ করে দেন। নাসের তখন বুদ্ধিতে পারেন যে, নাগিবের আপাত-নির্দোষ কর্মপন্থার পশ্চাতে এক গভীর বিপদ আত্মগোপন করে আছে।

শ্বিতীয় বিরোধ আসে রাজনৈতিক দলগুলি, বিশেষ করে, ওয়াফদ্ থেকে। রাজনৈতিক নেতারা ভেবেছিলেন নাসের আঁতি সহজেই তাঁদের সঙ্গে হাত মিলিয়ে ক্ষমতার একটা সূচায়, বাটোয়ান্না করে নেবেন। তাঁরা জানতেন যে নাসেরের রাজনৈতিক উচ্চাকাঙ্খা ছিল না; তাঁর আসল ইচ্ছা ছিল সৈনিকরা যত শীঘ্র সম্ভব অসামরিক নেতাদের হাতে ক্ষমতা তুলে দেবে। তাই, ফারুককে নির্বাসন দেওয়ার পরেই, যখন বিপ্লবী সরকার রাজনৈতিক দল-গুলিকে আত্মশুদ্ধির আহ্বান জানাল, তখন দু-দশজন শ্বিতীয় শ্রেণীর নেতাদের পার্টি থেকে বহিস্কার ছাড়া কোনো দলই বিশেষ সাড়া দিল না। বিপ্লবী সরকার রাজনৈতিক দলগুলির চিত্তশুদ্ধির জন্য যে নতুন আইন জারি করল তার প্রধান প্রধান নির্দেশ ছিল : (ক) কোনো পার্টি গঠন করবার আগে তার উদ্দেশ্য, আর্থিক অবস্থা ও সদস্যসংখ্যার একটি বিস্তৃত বিবরণ দাখিল করে স্ববাস্তবসিচিবের নিকট অনুমতির জন্য আবেদন করতে হবে, (খ) প্রত্যেক পার্টিতে তার অর্থ জমা রাখতে হবে কোনো এক প্রতিষ্ঠিত ব্যাঙ্ক এবং নিয়মিতভাবে অর্থের একটা হিসাব জনসাধারণের কাছে প্রকাশ করতে হবে; (গ) কোনো ব্যক্তি যদি আদালতে অসৎ কার্যের জন্য দোষী সাব্যস্ত হয়ে থাকে তবে সে কোনো রাজনৈতিক দলে যোগ দিতে পারবে না; এবং (ঘ) রাজনৈতিক দলের নেতারা কোনো ব্যবসা-বাণিজ্য-ফটকা-বাজার ইত্যাদি ব্যাপারে প্রত্যক্ষ-ভাবে যুক্ত থাকতে পারবেন না।

নাসের কিছুদিন অপেক্ষা করে দেখলেন কোনো দলেরই এ-আইন মানবার বিশেষ আগ্রহ নেই। তখন, ১৯৫২ সালের ১২ই আগস্ট, বিপ্লবী সরকার কয়েকটি পার্জ' কমিটি (বিশুদ্ধিকরণ কমিটি) নিয়োগ করলেন। এ-কমিটিগুলিকে বিচার করবার প্রচুর ক্ষমতা দেওয়া হয়। পার্বলিক প্রসিকিউটরের সম্মতি না নিয়েই এ-কমিটিগুলি যে-কোনো লোকের ঘর তল্লাসী করে তাকে গ্রেপ্তার ও তার বিরুদ্ধে মামলা বৃদ্ধি কবতে পারে। একটি কমিটিকে ভাব দেওয়া হয় তুলাব বাজারে যে-সব কেলেঙ্কারী চলেছে তার ব্যবস্থা কবাব, অন্য একটিকে প্যালেস্টাইন যুদ্ধে অস্ত্র-ব্যবসা নিয়ে যে দেশদ্রোহিতা চলেছিল তাব অনুসন্ধানের; তৃতীয় একটিকে ভূমি নিয়ে চোরাকাববাব বন্ধ করা।

২৬শে আগস্ট সরকার আদেশ করেন যে, কর্তমান ও প্রাক্তন প্রত্যেক প্রধান-মন্ত্রী ও অন্যান্য মন্ত্রীদের ব্যক্তিগত সম্পত্তির একটি তালিকা দাখিল করতে হবে।

সব রাজনৈতিক দলই এ-সব আইনে ঘাবড়ে গেল। কিন্তু সবচেয়ে বিপন্ন হল ওয়াফদ্—যে ওয়াফদ্ জগলুল পাশার নেতৃত্বে ১৯১৯ সালে মিশরে এক বিরাট বিদ্রোহেব দাপটে ইংরেজকে বাধ্য করেছিল অনেকখানি রাজনৈতিক ক্ষমতা হস্তান্তর করতে। দ্বিশ বছরের রাজক্ষমতাভোগ ওয়াফদ্ পার্টির সমস্ত দেহকে বিবাক্ত করে দিয়েছিল। এমন কোনো নেতাই ছিলেন না যার রাজনৈতিক জীবন ছিল নিষ্কলুষ।

ওয়াফদ্ তাই বিদ্রোহ করল। পার্জ' কমিটি মানতে অস্বীকার করল। সম্পত্তির তালিকা দিতে রাজী হল না। রাজনৈতিক দল গঠনের যে-সব শর্ত নতুন আরোপিত হয়েছিল তা উপেক্ষা করতে লাগল। ২৪শে আগস্ট, জগলুল পাশার ২৫তম মৃত্যু-বার্ষিকীতে, নাহাস পাশা এক জনালামরী বক্তৃতার

মিশরবাসীকে ইংরাজের বিরুদ্ধে ক্ষেপিয়ে তুলতে চাইলেন। তিনি প্রথম নাগিব-নাসেরের প্রশংসা করে পরে দাবী করলেন যে রাজনৈতিক নেতৃত্বের ঐতিহাসিক অধিকার সামরিক নেতাদের নয়, ওয়াফদ্‌ পার্টির।

নাসের আর চুপ করে থাকলেন না। নাগিবের বিরোধিতা অগ্রাহ্য করে সেপ্টেম্বরের ৬ এবং ৭ তারিখে বিভিন্ন রাজনৈতিক দলের পঞ্চাশ জন নেতাকে তাঁদের গৃহেই গ্রেপ্তার করা হল। গভর্নমেন্টের পক্ষ থেকে ঘোষণা করা হল যে এ-কাজ করতে হয়েছে রাজনৈতিক দলগুলির সরকারী আইন ও আদেশ অমান্য করার অপবাধে।

তৃতীয় বিরোধ এল কম্যুনিষ্টদের পক্ষ থেকে। নাগিব-নাসের ও নাসের-ওয়াফদ্‌ বিরোধের সুযোগ নিয়ে কম্যুনিষ্টরা করতে লাগল নতুন এক গণ-বিক্ষোভের আয়োজন। তারা হাত মেলাল ওয়াফদ্‌ পার্টির সঙ্গে।

১৯৫৪ সালের জানুয়ারী মাসের ১৬ই তারিখে নাসের সমস্ত রাজনৈতিক দল ভেঙে দেবার আদেশ জারি করলেন। কোনো নতুন দল গঠনেরও উপায় রইল না। ঘোষণা করা হল এই ব্যবস্থা চলবে তিন বছর; তারপর জনগণের নির্বাচিত গণপরিষদ গঠিত হবে।

তিন দিনের মধ্যে ২৩০ জন রাজনৈতিক ও সামরিক নেতা কারারুদ্ধ হলেন। নাসের ঘোষণা করলেন এরা বিপ্লবী সংস্থার বিরুদ্ধে এক গভীর বড়যন্ত্রে লিপ্ত।

মরিয়্যা হয়ে ওয়াফদ্‌ পার্টি, কম্যুনিষ্ট ও মোসলেম ব্রাদারহুড ফেডারেশনে বৃটিশ-বিরোধী গোলমাল সৃষ্টি করল কাইবো ও অন্যান্য শহরে। নাসের দৃঢ় হস্তে এ-গোলমাল দমন করলেন। ইংরেজদের যথেষ্ট পরিমাণে ক্ষতিপূরণ দেওয়া হল।

এবার নাসের প্রকৃত পথ খুঁজে পেলেন। সৈন্যদের দায়িত্বের শেষ হতে অনেক দেরি। কাজ হবে মাত্র শব্দ, হয়েছে। যে-বিপ্লবকে তাঁরা ডেকে এনেছেন, তাকে সফল করার দায়িত্ব তাঁদেরই। এ-দায়িত্ব নিতে পাবে মিশরে এমন আর কেউ নেই।

সামাজিক ও অর্থনৈতিক পরিবর্তনের কাজ আগেই শুরু হয়েছিল। বিপ্লবের পনেরো দিনের মধ্যে ভূমি সংস্কারের জন্য একটি যুগান্তকারী আইন জারী হয়।

মিশরের আসল সমস্যাই ভূমি। নীল নদের করদ্বার উপর মিশরবাসীর জীবন নির্ভরশীল। নীল নদের জল শরিকিয়ে গেলে মিশর মরুভূমি; ক্ষুধাব হাহাকারে মিশরবাসীর জীর্ণ কুটীর অস্থির হয়ে ওঠে।

জন গান্ধার বলেছেন মিশরের প্রথম ও প্রধান চিরস্থায়ী বাস্তব হল তার ভূমি। প্রায় চার বর্গমাইল নিয়ে মিশর। কিন্তু তার শতকরা ৯৬ই ভাগই মরুভূমি, বাসের অযোগ্য। সারা মিশরে মাত্র ষাট লক্ষ একর জমি চাষের যোগ্য। নীল নদের কৃপাবারি দিয়ে সিন্ধিত এই ক্ষুদ্র ভূমিই মিশরের সোয়া দুই কোটি মানুষের অধিকাংশকে কোনোপ্রকারে বাঁচিয়ে রাখে। এই জনসংখ্যার প্রায় সবটাই নীল নদের পার্শ্ববর্তী অঞ্চলে বাস করতে বাধ্য; তাই পৃথিবীর সব দেশের চেয়ে মিশরের জমির উপর মানুষের চাপ বেশি। প্রত্যেক বর্গ মাইল জমিতে ১৬০০ জন লোকের বাস! এর উপর জনসংখ্যা বেড়ে চলেছে

ভয়াবহ দ্রুততার; গত চতুর্দশ বছরে হয়েছে শ্বিগদূপ। প্রত্যেক বৎসর বাড়ছে সাড়ে তিন লক্ষ করে। একজন মিশরী অধ্যাপক গাম্বারকে বলেছিলেন, “একটিমাত্র জিনিস মিশরে বৃদ্ধি পায় আর মিশরেই থাকে : তারা মানুষ। আমরা নিজেদের ভারেই নিজেরা নিম্পেষিত। আমাদের চার হাজার গ্রামের অধিকাংশই বিজলীবাতি-বিহীন। সূর্যাস্তের পরে মানুষের আর কিছুই করার নেই : শুধু যৌন সম্প্রাণ ছাড়া।”*

বিস্মলী সরকারের কৃষি মন্ত্রী ডাঃ এমেরী এই সময়ে এক বিবৃতিতে বলেন যে, গড়ে প্রত্যেক মিশরবাসীর আছে মাত্র আধ একর জমি; যা থেকে দুবেলা দুমুঠো অন্নও তার জোটে না। অপরপক্ষে ভূস্বামীদের শতকরা ছ-জন অধিকার কবে আছে সমস্ত জমির শতকরা ৬৫ ভাগ। আর বাকী ৯৪ জনের ভাগ্যে জুটেছে শতকরা ৩৫ ভাগ! ডাঃ চার্লস্ ইসাউইর মতে ভূমি-নির্ভর জনসংখ্যার অর্ধেকই উন্মত্ত, অর্থাৎ অর্ধেককে অন্য জীবিকার সম্ভান দিতে হবে।

মহম্মদ আলী মিশরে এক ব্যাপক সেচব্যবস্থার প্রবর্তন করেন। ইংরেজ শক্তি এই সেচপ্রণালীর অনল-বদল কবে কৃষিকার্যের অনেকখানি ক্ষতি করলেও মিশরের সেচ বিভাগ প্রাচ্য দেশগুলির মধ্যে ব্যাপকতা ও স্থিতিশীলতার জন্য উল্লেখযোগ্য। তথাপি যে-দাবিদ্রা প্রাচীন ফারোয়দের আমল থেকে মিশরের ‘ফালাহিনকে’ পিষ্ট কবে এসেছে, অনেক সাম্রাজ্যের উত্থান-পতন, অনেক রাজশাস্ত্রের বিকাশবিলায়েও তার কোনো পরিবর্তন হয়নি।

বিস্মলী সরকারের প্রধান কর্তৃক ভূমি-সংস্কার। ১৯৫২ সালের ৯ই সেপ্টেম্বর নতুন ভূমি আইন ঘোষিত হয়। তার প্রধান ধারাগুলি এই : (ক) কৃষিভূমি কাবুর দশো একরের বেশি থাকতে পারবে না; (খ) উন্মত্ত ভূমি সবকাব কিনে নেবে ত্রিশ বছরের শতকরা তিন পাউন্ড সুদওয়ালা বন্ডে ক্ষতি-পূরণ দিয়ে, (গ) পাঁচ বছরের মধ্যে এই জমি ভূমিহীন চাষীদের কাছে সম্ভা দামে ও সহজ কিস্তিতে বিক্রয় করা হবে; (ঘ) প্রত্যেক প্লটের আয়তন হবে দুই থেকে পাঁচ একর, এবং চাষীদের সমবায় চাষ করতে উৎসাহ দেওয়া হবে; (ঙ) জমির দাম ও ভূমিহীন চাষীদের মজদুরী আইন কবে নির্ধারিত হবে; (চ) চাষীদের নিম্নতম বেতন নির্ধারণ করা হবে, (ছ) সব ছোট ছোট চাষীদের জন্যে একটি সমবায় কৃষি সমিতি গঠিত হবে প্রত্যেক গ্রামে; এ-সমিতি টাকা ধার শেঁবে, চাষের যন্ত্র সরবরাহ করবে, চাষের ও ফসল বিক্রয়ের বিষয়ে উন্নত-তর সাহায্য করবে, (জ) আইন কবে ভূমির খাজনা বেঁধে দেওয়া হবে।

এই সংস্কার পরিকল্পনা বর্তমান বছরে (১৯৫৭) পরিপূর্ণ হবার কথা। প্রায় চার লক্ষ একর জমি নতুন করে বাঁটোয়ারা হয়ে এক লক্ষ চাষীর নতুন জীবিকার ব্যবস্থা হবে। ১৯৫৩ সালেই প্রায় দু-লক্ষ একর জমি সরকার কিনে নেন, ১৯৫৪ সালের গ্রীষ্মকাল থেকে বাঁটোয়ারা শুরু হতে থাকে।

ভূমি-সমস্যার সমাধান করতে মিশর যে-পথ অনুসরণ করেছে ভারতবর্ষের পক্ষে তার সম্যক প্রণিধান কর্তব্য, কেননা আমরাও অনুরূপ সমস্যার সম্মুখীন। মোটামুটি উভয় দেশের ভূমি-সমস্যা এক রকম। ইসলামের কল্যাণে মিশরের সমাজ ব্যবস্থায় কোনো শ্রেণীগত বা বংশগত প্রাধান্য থাকার কথা নয়। আইনত,

* Inside Africa, by John Gunther pp. 190-191.

নেইও। কিন্তু বাস্তবক্ষেত্রে ভূমিদার শ্রেণীই সমাজ শাসন করে আসত। দূ-হাজার একর জমির মালিক যে ভূমিদার তার প্রভু ছিল অনেক। যারা তার জমি চাষ করত, জীবিকার জন্যে ছিল তার উপর নির্ভরশীল, তাকে অমান্য করার সাহস তাদের ছিল না। তার দাবী মতো খাজনা দিতে তারা ছিল বাধ্য, তার হুকুম মতো ফসল ফলাতে; আর জমিদার বৈ-রাজনৈতিক দলের পৃষ্ঠপোষক, নির্বাচনে তারই পক্ষে ভোট দিতে। বড় বড় ভূমিদার পরিবারগুলি সমস্ত প্রতিপত্তিশীল রাজনৈতিক দলেই সমান সংখ্যার সভ্য রেখে দিত। তাতে, যে-দলই ক্ষমতা পাক, তাদের স্বার্থ থাকত সুরক্ষিত। আর এ-জন্যেই, কোনো রাজনৈতিক দলই ভূমি সংস্কারের দিকে মন দিতে চাইত না। শৃঙ্খল তাই নয়, জমি কেনার জন্যে বিস্তারিত লোকেদের মধ্যে সর্বদাই একটা কাড়াকাড়ি দেখা যেত। জমির আয়তন স্বল্প হওয়ায় এই কাড়াকাড়ি হয়েছিল আরো প্রকট। দরিদ্র রায়ত তার সামান্য জমিতে কখনই নিরাপদ বোধ করত না; যে-কোনো সময়ে জমিদারের হস্ত কাঙালের সমস্ত ধন চুরি করে নিতে পারত। জমি নিয়ে কালোবাজার চলত অব্যাহত।

দূ-হাজার একরের বেশি আবাদী জমি আছে ১৯৫০ সালে মিশরের এমন মালিকের সংখ্যা ছিল মাত্র ৬১ জন। এরাই সমাজের শীর্ষে ছিলেন, ক্ষমতাব উচ্চতম আসনে। দেড় হাজার থেকে দূ-হাজার একরের মালিকের সংখ্যা ছিল ৪৮; এক হাজার থেকে দেড় হাজার একরের ৯৯; আট শো থেকে এক হাজার একরের ৯২; আব একশো থেকে দুশো একরের ৩,১৯৪। নিচের দিকে :

১০ থেকে ২০ একর : ৪৬,১২০

৫ থেকে ১০ একর : ৬,১৮,৮৬০

১ থেকে ৫ একর : ১২,৮১,০৪০

এই যে সবচেয়ে নীচের স্তরে প্রায় বিশ লক্ষ লোক, এদের গড়পড়তা জমি ছিল একের তিন অংশ একর!

রাজপরিবারেব ২০০ লোকের মোট ভূমির পবিমাণ ছিল দু লক্ষ একর।

বিস্তারী সরকার যে ভূমি-ব্যবস্থা করলেন তার প্রধান উদ্দেশ্য হল :

- (১) অধিকার জমিদারী তুলে দেওয়া; (২) এমন লোককে ভূমির অধিকার দেওয়া যার ভূমি প্রয়োজন এবং যে ভূমি চাষ করবে, (৩) ভূমির ভূনাংশ-করণ বন্ধ করা (৪) ছোট ছোট জমির মালিকদের সমবায় সমিতিতে একত্রিত করা (৫) ভূমির উৎপাদন বাড়ানো (৬) নতুন রাজস্ব বোঁধে দিয়ে উৎস্বত অর্থ শিল্পে নিয়োজিত করা ও (৭) অনাবাদী জমিকে আবাদী জমিতে পরিণত করা।

নতুন আইনে বৃহত্তম জমিদারীর আয়তন বোঁধে দেওয়া হল দুশো একর। এর উপরে যোঁধ পরিবারে দুই পুরুষে পণ্যশ একর করে একশ একর পর্যন্ত দান করার অনুমতি দেওয়া হল। বাকী জমি বেচে দিতে হবে, কিন্তু যে-কউ এসে কিনতে পারবে না। এমন লোকেদের কাছে বেচেতে হবে যারা চাষী, বাসের পাঁচ একরের বেশি জমি নেই, যারা বিত্তীয় জমির কাছেই বাস করে, কিংবা যারা কৃষিবিদ্যালয় থেকে কৃষিবিদ্যায় স্নাতক পরীক্ষার উত্তীর্ণ। কোনো ক্রেতা পাঁচ একরের বেশি ও দু একরের কম কিনতে পারবে না। সরকার নিজে জমি কিনবে না, কিন্তু বেচা-কেনার মধ্যস্থতা করবে; জমির দাম আদায় করে মালিককে দেবে।

এ-ব্যবস্থার কয়েকটা উদ্দেশ্যবোধ্য গুণ আছে। ভারতবর্ষের অনেক রাষ্ট্রে জমিদারী প্রথার লোপ হওয়া সত্ত্বেও বড় বড় জমিদার বর্তমান। মিশরে তিনশো একরের বেশি কোনো পরিবারের রাখবার উপায় নেই। দৃষ্টান্তে কেউ এসে জমি কিনতে পারবে না। এতে এক গ্রামের বা এলাকার জমির মালিক সে-গ্রাম বা এলাকার লোকেরদের মধ্যেই থেকে যাবে। সরকারের মারফত বেচা-কেনা করতে হবে এবং দামের অর্থও মালিককে সরকারের হাত থেকে নিতে হবে; তাই জমি নিয়ে চোরা কারবার বা মালিকের অনায়াসভাবে বেশি দাম নেওয়ার রাস্তা একেবারে বন্ধ।

উম্মত জমি বন্টনের আগে সরকারী কৃষি দপ্তর একটি ব্যাপক বৈজ্ঞানিক পরিকল্পনা তৈরি করেন। জমি কার চাই : এই হচ্ছে পরিকল্পনার উদ্দেশ্য। চাষীদের আর্থিক ও সামাজিক অবস্থা অনুসন্ধান করে এ-প্ল্যান তৈরি হয়। সিদ্ধান্ত করা হল জমি কিনতে পারবে শুধু তারা যারা সত্যিকারের চাষী। প্রত্যেক পরিবারকে মোটামুটি পাঁচ একর জমি কিনতে দেওয়া হবে—ক্ষেত্রবিশেষে বেশিও দেওয়া হতে পারে। জমির মালিক হবেন পরিবারের কর্তা। যদি পরিবার বড় হয়, তবে তাকে একাধিক “সাব-পরিবারে” ভাগ করা হবে। যেমন, প্রত্যেক পুত্র, তার পত্নী ও সন্তানদের নিয়ে তৈরী হবে এই “সাব-পরিবার”; একেও পাঁচ একর জমি কিনতে দেওয়া হবে। উদ্দেশ্য হল, কৃষিকে অর্থকরী করে তোলা; কৃষির উপর নির্ভর করে জীবন চালানো সম্ভবপর করা।

যে-সব চাষীদের পাঁচ একর বা তার কম জমি আছে, তাদের প্রত্যেক গ্রামে একটি করে সমবায় সমিতি প্রতিষ্ঠিত হবে। এর সভ্য হওয়া বাধ্যতামূলক। সমবায় সমিতি সরকারী অর্থ পাবে। চাষীদের দেবে উৎপাদন বাড়ানোর জন্য টাকা ধার, ভালো বীজ, সার ও কৃষি বিষয়ে বিজ্ঞানসম্মত নির্দেশ। উৎপাদন শস্য বিক্রী হবে সমবায় সমিতির মারফত। তাতে ছোট ছোট আবাদী জমিও বড় জমি চাষের উপকারিতা পেতে পারবে। ছোট চাষীকে কোনো কারণেই বড় জমিদারের উপর নির্ভরশীল হতে হবে না।

নতুন ভূমিব্যবস্থায় মিশরের আর্থিক ও সামাজিক উপকার হয়েছে অনেক। জমি কেনার জন্য কাড়াকাড়ি বন্ধ হওয়ায় যে-অর্থ ব্যয়িত হত, এখন তা নতুন শিল্প-প্রচেষ্টায় নিয়োজিত হচ্ছে। জমি নিয়ে চোরা কারবার বন্ধ হবারও ফল হয়েছে শিল্পায়নে নতুন মূলধন নিয়োগ। যে উম্মত জমি নতুন করে বন্টনের জন্যে পাওয়া যাবে তার সরকারী অনুমিত মূল্য বারো কোটি পাউন্ড। এ-অর্থ যাতে শিল্পগঠনে নিযুক্ত হয় সরকার সে-বিষয়ে তৎপর হয়েছেন। সামাজিক ক্ষেত্রে, নতুন ভূমি-ব্যবস্থা কৃষিকে একটি লাভবান জীবিকায় পরিণত করেছে। জমি থেকে একটি পরিবার এখন তার ভরণ-পোষণ অনায়াসেই চালিয়ে নিতে পারবে। মিশর সরকার মনে করেন এক লক্ষ বিশ হাজার পরিবার উম্মত জমি থেকে মোটামুটি ভালোভাবেই জীবিকা নির্বাহ করতে পারবে। চাষীর রাজস্ব কমে গিয়েছে, জমিদারের বেআইনী দাবী তাকে আর মেটাতে হবে না, সমবায় সমিতি থেকে সহজ শর্তে সে ঋণ পাবে; সুতরাং তার উৎপাদন ও উপার্জন দুইই বাড়বে। এই বাড়তি উপার্জন সরকার দুই ক্ষেত্রে নিযুক্ত করতে চেষ্টিত। প্রথম, শিল্পে। নানা ধরনের সরকারী ঋণ, ছোট ছোট অর্থ জম্যানো প্ল্যান ইত্যাদির জাল ফেলে চাষীর উম্মত আয়কে সরকার নতুন

মিশর নির্মাণে নিয়োজিত করতে চাইছেন। শ্বিভীয়, অনাবাদী জমি আবাদী-করণে। বর্তমানে মিশরের প্রায় সবটাই মরুপ্রান্তর। নতুন বৈজ্ঞানিক উপায়ে মরুভূমি সোনা ফলাতে না পারলে মিশরের বর্তমান জনসংখ্যার খাদ্যাভাব নিশ্চিত। সুতরাং বিপ্লবী সরকারকে এ-দিকেও বিশেষ মনোযোগ দিতে হয়েছে।

নাসেরের নেতৃত্বে বিপ্লবী কাউন্সিল ২৫ বৎসর ব্যাপী একটি বিরাট সংগঠন পরিকল্পনা তৈরি করে তাকে কার্যকরী করতে ব্যর্থপরিচর হয়েছেন। নিম্ন মিশরে পনেরো লক্ষ একর জমি কৃষির জন্য পুনরুদ্ধার করা, প্রায় আট লক্ষ একর জমিকে স্থায়ী সেচ প্রণালীতে আনয়ন করা, বিজলী উৎপাদন, শিল্প স্থাপন ইত্যাদি এই পরিকল্পনার প্রথম অধ্যায়ের অন্তর্গত। তাকে সার্থক করতে হলে প্রথম প্রযোজন জলের। এ-জন্যে বিষুব রেখা থেকে ভূমধ্যসাগর পর্যন্ত এক বিস্তৃত সেচ পরিকল্পনা তৈরি করা হয়েছে। লেক ভিক্টোরিয়া—যেখানে নীল নদের জন্ম—সেই অঞ্চলে একটি বিরাট রিজার্ভার তৈরি হবে, আওয়েন ফল্‌স্ (Owen Falls)-এ একটি বাঁধ বেঁধে তাকে শাসন করে, নীল নদের জলকে সারা বছর ধরে উপযুক্ত পরিমাণে মিশরীদের কাছে পৌঁছে দেওয়া পরিকল্পনার অন্যতম উদ্দেশ্য।

আসওয়ানে ইংরেজরা বিংশ শতাব্দীর প্রথম দিকে একটি বাঁধ তৈরি করেছিল। সেই বাঁধের কিছু উপরে নতুন এক বিরাট বাঁধ তৈরি করা নাসেরের সবচেয়ে প্রিয় নির্মাণ-স্বপ্ন। এই আসওয়ান বাঁধ নিয়েই সুয়েজ সমসার সৃষ্টি। আসওয়ান বাঁধের কাজ শুরু হয়েছে বেশ কিছুদিন, এ-বিষয়ে বিস্তারিত আলোচনা পরবর্তী অধ্যায়ে করা হবে।

মিশরের শতকরা ৯৬ ভাগ জুড়ে যে-মরুভূমি তাব কিছু কিছু শাসন উপযোগী না করতে পাবলে কেনো ভূমি পরিকল্পনাই সার্থক হতে পারে না। গ্রীক ও রোমান যুগে ভূমধ্যসাগরের সন্নিকট মরু অঞ্চল শস্য-শ্যামল ছিল। পশ্চিম মরুতে এবং সিনাই অঞ্চলে পরীক্ষামূলক কয়েকটি কেন্দ্রে এর মধ্যেই কাজ শুরু হয়েছে। সিনাইতে ছোট ছোট সেচ-কার্যে ব্যষ্টির জল ধরে রাখা হচ্ছে। মার্কিন সহায় নিয়ে পশ্চিম মরুতে বিশ লক্ষ একর জমি উদ্ধাবের কাজ শুরু হয়েছিল সুয়েজ সংকটের আগে। ১৯৫৩ সালের প্রথমে বিপ্লবী সরকার এক বনমহোৎসবের উদ্যোগ করে পাঁচ বছরে তিন কোটি বৃক্ষ রোপণের সংকল্প গ্রহণ করেন।

১৯৫৩ সালের ১৮ই জুন। মিশরের ইতিহাসে আর একটি স্মরণীয় দিন। এ-দিন মিশরের নতুন জন্ম প্রজাতন্ত্রের রূপ নিয়ে। সমস্ত রাজসিক খেতাব এ-দিন মিথ্যা হয়ে যায়। নাসের-নাগিব ঘোষণা করেন, জনগণের সমর্থন নিয়ে ঠিক করা হবে ভবিষ্যতে মিশরে কী ধরনের প্রজাতন্ত্র চালু হবে, প্রধান মন্ত্রী-শাসিত না রাষ্ট্রপতি-শাসিত। জনগণের নির্বাচিত পরিষদ রচনা করবে মিশরের স্থায়ী শাসনতন্ত্র।

একশো আট-চল্লিশ বছর পরে মহম্মদ আলী স্থাপিত বংশের রাজমুকুট এ-দিন নিশ্চয় হয়ে গেল। ১৮০৫ সালে তুর্কী সুলতান মহম্মদ আলীকে ‘পাশা’ খেতাব দিয়ে মিশরের গভর্নর করে পাঠিয়েছিলেন। ১৮৬৭ সালে তাঁর বংশধররা আরো উন্নত ‘খেদীব’ পদবী গ্রহণ করেন। ১৯১৪ সালে

ইংরেজ মিশরকে তুর্কীর প্রাধান্য থেকে মুক্ত করে খেদীবকে বানায় সুলতান। ১৯২২ সালে ইংগ-মিশর, চুক্তিতে 'স্বাধীন' মিশরের সুলতান ফৌদ হলেন প্রথম 'রাজা'। তার পুত্র ফারুক সিংহাসনে আসেন ১৯৩৬ সালে—নতুন এক ইংগ-মিশর চুক্তির বছরে। ফারুকের নির্বাসনের পর ১৯৫২ সালের ২৬শে জুলাই তার এক বছরের শিশুপুত্র আইমদ ফৌদকে 'রাজা' বানানো হয়। প্রায় একবছর পবে এই শিশুরাজার 'রাজত্বের' অবসানের সঙ্গে সঙ্গে ঐতিহাসিক যুগে মিশর সর্বপ্রথম একটি প্রজাতন্ত্রে পরিণত হয়।

১৫১৭ সালে প্রথম সেলিম মিশর বিজয় করে তুর্কী আধিপত্য স্থাপন করেন। তার দু বছর আগে পারস্যের শাহকে পরাস্ত করে তিনি মধ্যপ্রাচ্যে তুর্কী সাম্রাজ্যের স্ভার উদ্ঘাটন করেছিলেন। সেই থেকে চলে আসাছিল মিশরের উপর অথোমান সাম্রাজ্যের প্রাধান্য। পরে, অল্প কিছুদিনের জন্যে, কাইরোর রাজপ্রাসাদে বসে মহম্মদ আলী এক বিস্তীর্ণ আরব সাম্রাজ্যের স্বপ্ন দেখেছিলেন এবং তাকে অনেকটা সাফল্যের পথে এনেও ফেলেছিলেন। কিন্তু তখন যুরোপে নতুন সাম্রাজ্যশক্তির উত্থান হয়েছে। ইংলন্ড, ফ্রান্স, জার্মানী, রাশিয়া লোভাতুর্ক দৃষ্টি নিক্ষেপ করছে প্রাচ্যের অতুলনীয় ঐশ্বর্যের দিকে। যুরোপেব ক্ষমতাদ্রুত সাম্রাজ্যবাদেব ধাক্কায় মহম্মদ আলীর আরব সাম্রাজ্যের স্বপ্ন এক মুহূর্তে ধূলিসাৎ হয়ে গেল। "যুরোপের স্বপ্ন ব্যক্তি" তুর্কীর হাত থেকে, ফ্রান্স, জার্মানী ও রাশিয়াকে কুটনীতি ও সাম্রাজ্যনীতিতে পরাস্ত করে, ইংবেজ মিশর ও প্রায় সমস্ত মধ্যপ্রাচ্যে নিজের প্রভুত্ব স্থাপন করে। ১৯৫৩ সালেব ১৮ই জুন দেশজ রাজমুকুট চিবনির্বাসন দিয়ে নবীন মিশর এক বিবাত ঐতিহাসিক অধ্যায়েব উপর যবনিকা টেনে দিল।

'দারিদ্র্যপীড়িত সমস্ত মধ্যপ্রাচ্যে আসওয়ান বাঁধ একটি নতুন আশার প্রতীক'—নাসেব

'মিশর নীল নদেব দান'—হেবোভোটাস



নীল নদেব তীরবর্তী আসওয়ান শহর মিশরেব ইতিহাসে এক গর্বিত স্থান অধিকার বেবে আছে। পূর্বেই বলা হয়েছে ইংবেজ এখানে ১৯০২ সালে একটি বাঁধ নির্মাণ করে। পাঁচ-সাত বছর পবে বাঁধটিকে আবে উঁচু করা হয়। কাছাকাছি দূটে ব্যাবাজ নির্মাণ কবে উচ্চতর মিশরেব জল-সরববাহের ব্যবস্থা কবা হয়। এই সেচ ব্যবস্থাব ফলে দ্বিশ বছরে মিশরেব সেচিত জমির পরিমাণ বেড়ে যায় লক্ষাধিক একব।

মব্গাসিত মিশরকে শস্যশ্যামল কববাব স্বপ্ন নাসেবকে উদ্বুদ্ধ করে আসওয়ানে এক বিবাত বহুমুখী পরিকল্পনা তৈরি কবতে। এ-পরিকল্পনার নম আসওয়ান বাঁধ হলেও, বাঁধ এব একটি অংশ মাত্র। বিজলী উৎপাদন, শিল্প সৃষ্টি এবং মিশরেব প্রাচীন মাটির নীচে লুক্কায়িত ঐশ্বর্যকে মানুষের সেবায় নিয়োগ কবা এ-পরিকল্পনার অন্তর্গত অন্যান্য উদ্দেশ্য।

আসওয়ান বাঁধের ভিত্তির উপর নাসের গড়তে চান নতুন মিশরেব জল-সৌধ। নাসেব নিজেই আমেরিকা থেকে প্রকাশিত অভিজাত পত্রিকা "ফরেন

এফেরাস^{*}—এ একটি প্রবন্ধে আসওয়ান বাঁধের গুরুত্ব ব্যাখ্যা করেছেন।* এই বাঁধ বিশ লক্ষ জমিকে জলসিঞ্চিত করবে; চার লক্ষ একর জমিকে ধান চাষের উপযোগী করবে এবং উচ্চতর মিশরে আগের সাত লক্ষ একর জমিতে সারা বছর ধরে সেচবারি সরবরাহ করবে। জাতীয় উৎপাদন বাড়বে পশ্চিমাংশ কোটি মিশরী পাউন্ড; জাতীয় আয়ে যোগান দেবে প্রতি বছর আড়াই কোটি পাউন্ড। জল থেকে উৎপন্ন বিদ্যুৎ চালাবে বিরাট এক ভূমি-সার কারখানা; বিস্তৃত এক ক্ষেত্র ঢেকে যাবে ছোট বড় শিল্পজালে।

প্রধান বাঁধটির উচ্চতা ৩৫৬ ফিট, দৈর্ঘ্য তিন মাইল। তৈরী হবে পৃথিবীর বৃহত্তম মানুষ-গড়া লেক, আয়তনে ৭৫০ বর্গ মাইল। বিদ্যুৎ-কারখানায় সৃষ্টি হবে প্রতি বছর দশ মিলার্ড কিলোওয়াট বিজলী। আসওয়ানে যে লৌহ সম্পদ আছে তা উঁচু দরের; মিশরের ইস্পাত শিল্পকে পাঁচশ বছর বাঁচিয়ে রাখার মতো। এই বিরাট খনিজ সম্পদের উপর নির্ভর করে কাইরোর সন্নিকটে জার্মান সাহায্যে মিশরের প্রথম লৌহ ও ইস্পাত কারখানা গড়ে উঠেছে। তার বাৎসরিক উৎপাদন-লক্ষ্য দু লক্ষ চট্রিশ হাজার টন ইস্পাত। শিল্প-পরিকল্পনার অন্তর্গত উল্লেখযোগ্য অন্যান্য প্রজেক্ট হচ্ছে একটি কাগজ ও নিউজ প্রিন্ট কারখানা, চিনি উৎপাদন, একটি বিরাট টায়ার ফ্যাক্টরী ও একটি পাটের কল।

নাসের তাঁর প্রবন্ধে বলেছেন—“নতুন মিশর গড়ে উঠছে ত্রিধারা গঠন-নীতির ভিত্তিতে : ভূমি-সংস্কার, শিল্প-গঠন, বাণিজ্যের প্রসার। তিনটি ধারারই উদ্দেশ্য সাধারণ মানুষের জীবনমান উন্নয়ন।” মিশরের চাষী আজ আর অন্য কারুর দাস নয়। নিজেই সে নিজের প্রভু। ভূমি-সংস্কাবে তার রাজস্বের অনেকখানি বেড়েছে। কারখানার শ্রমিকও নতুন জীবন পেয়েছে। বহুক্ষেত্রে শ্রমিক, মালিক ও সরকারের প্রতিনিধি নিয়ে গঠিত কমিটি তার বেতন নির্ধারণ করে দেয়।

“জনকল্যাণের জন্যে মিশরের সবকার এক বিরাট পরিকল্পনা তৈরি করেছেন। এ-বছরই (১৯৫৫) বিশ কোটি টাকা সমাজ-সংস্কারের জন্য বাজেটে খরচ করা হয়েছে। পনেরো হাজার লোক বাস করে এমন প্রত্যেকটি গ্রামে স্থাপিত হচ্ছে একটি সমাজকল্যাণ কেন্দ্র, তার অধীনে থাকবে একটি স্কুল, একটি হাসপাতাল এবং একটি সমাজ-ও-কৃষি প্রসারক সংস্থা। ১৯৫৪ সালে এ-ধরনের ২০০ কেন্দ্র খোলা হয়েছে। পাঁচ বছরে সমস্ত মিশর এ-রকম কেন্দ্রে ছেয়ে যাবে।” নাসের তাঁর প্রবন্ধে বলেছেন—“দশ বছরে আমরা আসওয়ান পরিকল্পনা নির্মাণ করতে চাই। তখন মিশরের জাতীয় আয় স্বিগ্ধ হবে, জীবনমানও উন্নত হবে অনূর্দ্বাপ। মিশরের সমাজকে পবম্পর-বিরোধী শ্রেণীতে বিভক্ত করে তার অগ্রগতির পথ বন্ধ করতে যে রাজপরিবার ও রাজার করুণাপুষ্ট আভিজাত্যবর্গের সৃষ্টি হয়েছিল, আমরা তা ইতিমধ্যেই লুপ্ত করছি।

“আমাদের বিপ্লবের লক্ষ্য : মানুষের শোষণের শেষ, জাতির বহুদলগের আশা আকাঙ্ক্ষা পূরণ, সত্যিকারের গণতন্ত্রের যোগ্য রাজনৈতিক চেতনা সৃষ্টি।

* The Egyptian Revolution by Gamel Abdel Nasser, Foreign Affairs, January, 1955.

বিশ্ববের আর একটি উদ্দেশ্য সমাজের বিভিন্ন শ্রেণীর মধ্যে বিশ্বাস ও সহ-
যোগিতার সেতু নির্মাণ করা; প্রত্যেক ব্যক্তি ও সমগ্র সমাজের মনে এনে দেওয়া
আদর্শবাদের আলো। আমরা চাই মিশরে একটি খাঁটি গণতন্ত্রের সৃষ্টি করতে
—যে বড়ো গণতন্ত্র রাজপ্রাসাদ ও ধনী লোকেরা শোষণের অন্য হিসাবে সাধারণ
মানুষের উপর চাপিয়ে দিয়েছিল তা থেকে সম্পূর্ণ আলাদা। সে ছিল
পার্লামেন্টের নামে স্বৈরাচার। এতদিন পার্লামেন্ট সামাজিক প্রগতির পথ
অবরোধ করে রেখেছে। আমরা নিশ্চিত হতে চাই যে ভবিষ্যতে পার্লামেন্টের
সদস্যরা বহুদূর কল্যাণের জন্য কাজ করবে, মুষ্টিমেয় ধনীশ্রেণীর জন্য নয়।”

এখানে বর্তমান থেকে ছুটি নিয়ে, একটুখানি দেখে নেওয়া যাক গত মহা-
যুদ্ধের আগে মিশরের সামাজিক ও আর্থিক অবস্থাটা কেমন ছিল। তাহলে
বিশ্ববের সাফল্য মেপে দেখা অনেক সহজ হবে।

বিংশ শতাব্দীর প্রথমে দেখতে পাই ইংরেজ প্রতিনিধি লর্ড ক্রোমার উঠে-
পড়ে লেগেছেন মিশরের বাজেটকে আয়-ব্যয়ের মধ্যে সমান রাখতে। তাঁর
প্রকৃত উদ্দেশ্য তৎকালীন সমাজ-ব্যবস্থাকে অটুট রাখা। ১৯০২ সালের
বাজেটের মোট আয় ২২ কোটি পাউন্ড, ব্যয় একুশ কোটি। ব্যয়ের অর্ধেক
ইংরেজকে সেলামী ও ইংরেজ এবং ফরাসী মহাজনদের সুদ দিতেই নিঃশেষ।
বাকী অর্ধেকের বেশীভাগই শাসনব্যবস্থার দাবী। শিক্ষা ও স্বাস্থ্য পেয়েছে
শতকরা দেড় পাউন্ড। এর পবেও বহু বছর পর্যন্ত বাজেটের বিরাটতম
অংশ বিদেশীর ঋণ শোধেই চলে যেত।

লর্ড ক্রোমার তাঁর “আধুনিক মিশর” (Modern Egypt) পুস্তকে দু-
প্রকারের সংস্কারের উল্লেখ করেছেন: প্রথম, যা শাসন ব্যবস্থার মধ্য দিয়ে
করা যায়, যেমন রাস্তা বানানো, সেচকার্য তৈরি করা; আর, দ্বিতীয়, যা
সামাজিক, যেমন শিক্ষানীতির সংস্কার। ১৯২০ সাল পর্যন্ত ইংরেজ মিশরে
যা-কিছু কবেছে, তা শুধু প্রথম পর্যায়ের। সমাজ, শিক্ষা, স্ত্রীজাতির উন্নতি
ইত্যাদি কোনোদিকেই সে নজর দেয় নি। মিশরে মেয়েদের জন্য প্রথম মাধ্যমিক
বিদ্যালয় স্থাপিত হয় ১৯২৫ সালে, মিশর স্বাধীন হবার পর। ইংরেজ
আমলে মাত্র একটি প্রাইমারী স্কুল স্থাপিত হয় মেয়েদের জন্য, ১৮৯৫ সালে।
বাজেটের শতকরা তিনভাগের বেশি কোনোদিন শিক্ষাব্যয় ব্যয়িত হয় নি।*

স্বাধীনতার পবে শিক্ষার কিছুটা প্রসার হয় এবং ১৯৩৩ সালে সাত থেকে
বাবো পর্যন্ত ছেলেমেয়েদের জন্য শিক্ষাকে করা হয় বাধ্যতামূলক। কিন্তু
কার্যত তাব ফল কতখানি হয়েছে বোঝা যায় মিশরের বর্তমান জনসংখ্যার
শতকরা পঁচাত্তর জনের অশিক্ষার অঙ্ক থেকে। ১৯৪১-৪২ সালের বাজেটে
প্রায় পাঁচ কোটি পাউন্ড ব্যয়ের মধ্যে শিক্ষার জন্য বরাদ্দ মাত্র ৫৫,০০০ পাউন্ড।
কোনো জনকল্যাণমূলক ব্যবস্থার উল্লেখ নেই—কেবল জিনিসপত্রের দাম বিশেষ
বেড়ে যাবার জন্যে সামান্য বোনাস ছাড়া।†

আসওয়ান বাঁধের জন্য দরকার দশ থেকে পনেরো বছরের মধ্যে এক শ ত্রিশ
কোটি ডলার। অন্য দেশের সাহায্য ছাড়া মিশরের পক্ষে এই বিরাট
পরিকল্পনা কার্যকরী করা কঠিনসাধ্য। তাই নাসের পুঁজিওয়ালার দেশগুলির

* Egypt at Mid-century, by Issawi, London, Chapter Three.

† The Statesman's Year Book, London, 1946.

সাহায্য চাইলেন। কিন্তু আর্থিক বা টেকনলজিক্যাল সাহায্যের বিনিময়ে মিশরের বহু-কন্স্টে-ফিরে-পাওয়া স্বাধীনতাকে খর্ব করতে তিনি রাজী হলেন না।

সুয়েজ থেকে অপসৃত সামরিক শক্তিকে নতুন সাজে সাজিয়ে সারা মধ্য-প্রাচ্যব্যাপী এক সামরিক 'মৈত্রীর' জন্য বৃটেন, আমেরিকার সাহায্য ও সমর্থন নিয়ে ১৯৫০ সাল থেকেই চেষ্টা করে আসছিল। নাসের এ-মৈত্রীতে যোগ দিতে অস্বীকার করে সিরিয়া ও সৌদী আরবের সঙ্গে মিলিত হয়ে এক নিরপেক্ষ স্বাধীন আরব গোষ্ঠী প্রতিষ্ঠা করতে বন্ধপরিকর হলেন। জর্ডনে ইংরেজ-প্রণোদিত ষড়যন্ত্র ব্যর্থ হল; জর্ডনের প্রধান সেনাপতি গ্লাব পাশাকে রাজা হুসেন বরখাস্ত করলেন। জর্ডন মিলিত হল মিশর-সিরিয়া-সৌদী আরব গোষ্ঠীতে। ১৯৫৫ সালের সেপ্টেম্বর মাসে নাসের সোভিয়েট সরকারের সাহায্যে চেকোশ্লেভাকিয়ার সঙ্গে অস্ত্র-সরববাহের চুক্তি স্বাক্ষর করে মধ্য-প্রাচ্যের চিরাচরিত রাজনীতির গতি একেবারে বদলে দিলেন।*

এর পরে শত্রু হল মিশর নিয়ে দুই দৈত্যের শীতল-যুদ্ধ। রাশিয়া হঠাৎ মধ্যপ্রাচ্যে নাট্যমঞ্চে প্রবেশ করে বৃটেনের চিণ্ডে নিদারুণ ভয়েব সন্ত্রাস করল। আমেরিকা ডাবল আসওয়ান বাঁধের জন্য অর্থ সাহায্য দিয়ে নাসেরকে তাঁর স্বাধীন পররাষ্ট্রনীতি থেকে নিরস্ত করা যাবে।

১৯৫৫ সালের ১৭ই ডিসেম্বর বৃটেন ও আমেরিকা এক যুক্ত বিবৃতিতে আসওয়ান বাঁধের জন্য সাহায্য করার প্রস্তুতি ঘোষণা করে। বিশ্ব ব্যাংকের সঙ্গে যৌথভাবে এরা আসওয়ান পবিকম্পনার প্রথম পর্যায়ের জন্য অর্থ সাহায্য করতে রাজী হয়। আমেরিকা দিতে বাজী হয় পাঁচ কোটি ষাট লক্ষ ডলার, বৃটেন এক কোটি চল্লিশ লক্ষ ডলার এবং বিশ্ব ব্যাংক বিশ কোটি ডলার। সবটাই কজ্জ। যুক্ত বিবৃতিতে বলা হয় যে বৃটেন ও আমেরিকা ভবিষ্যৎ পরিস্থিতি অনুকূল হলে, বিশ্ব ব্যাংকের সঙ্গে সহযোগিতা করবে আসওয়ান পরিকম্পনার দ্বিতীয় পর্যায় কার্যকরী করতে।

এই ঘোষণার ঠিক তিন মাস আগে ওয়াশিংটনস্থ মিশরী বাজদুত ঘোষণা করলেন যে অক্টোবরের ১৭ তারিখে রাশিয়া আসওয়ান বাঁধের জন্য বিশ কোটি ডলার ধার দিতে রাজী হয়েছে, যা মিশরকে ত্রিশ বছরে শোধ কবতে হবে ডুলা এবং চাল রপ্তানি করে। সুদ মাত্র শতকবা দুই ডলার। সোবিয়তে সবকালের এই প্রস্তাবই আমেরিকাকে সাহায্য নিয়ে এঁগিয়ে আসতে প্রণোদিত করছিল।

কিন্তু মধ্যপ্রাচ্যের ঘটনাপ্রবাহ উত্তরোত্তর পশ্চিমী দেশগুলির প্রতিকূল হতে থাকে। নাসের নতুন মিশর গড়তে পুরাতন চেনা পথে চলতে অস্বীকার করেন। তিনি জানতেন, বিপ্লবকে পাকা করতে হলে অবিলম্বে তাঁকে জন-সাধারণের জীবন-মান উন্নত করতে হবে। মিশরকে শিল্পসমৃদ্ধ করতে তিনি বৃটেন ও আমেরিকার কৃপণ করে উপর নির্ভর না করে যে-কোনো দেশ থেকে সাহায্য নিতে প্রস্তুত, যদি-না এ-সাহায্য মিশরের পূর্ণ স্বাধীনতাকে খর্ব করে। রাশিয়া ও পূর্ব যুরোপের রাষ্ট্রগুলির কাছে উদার সাহায্যের প্রতি-শ্রুতি পেয়ে নাসের এক বিস্মৃত শিল্প-পরিকল্পনা তৈরি করেন। রাশিয়ার সাহায্য নিয়ে আলেকজান্দ্রিয়ায় একটি নতুন ড্রাই ডক, হাঙ্গারীর সহায়তায়

* এমন ঘটনার বিবৃতি আলোচনা পরে করা হয়েছে।

অনেকখানি নতুন রেল লাইন, পূর্ব জার্মানীর সহযোগিতায় একটি মোটর কারখানা এই নতুন শিল্পায়নের কয়েকটি প্রধান অংশ।

কয়েকটি শক্তিশালী মার্কিন সংস্থা, বৃটেন এবং বাগদাদ চুক্তির অন্তর্গত একমাত্র আরব দেশ ইরাক, আমেরিকান গভর্নমেন্টের উপর চাপ দিতে আরম্ভ করে আসওয়ান বাঁধের জন্য সাহায্য প্রস্তাব প্রত্যাহার করতে। এ-সাহায্য দেবার প্রস্তুতি ঘোষিত হবার আগেই মার্কিন সেনেটের পররাষ্ট্র কমিটি ডাল্লেস সাহেবকে হুকুম করেন যে, পারস্পরিক প্রতিরক্ষা ফান্ড (Mutual Security Fund) থেকে সেন আসওয়ান বাঁধের জন্য টাকা দেওয়া না হয়। আমেরিকার যে-সব অঞ্চলে তুলা উৎপন্ন হয়, সেখানকার নির্বাচিত কংগ্রেসম্যানেরা ভয় পেলেন মিশরের সঙ্গে তুলার বাজারে তীব্রতর প্রতিযোগিতার। প্রভাবশালী ইহুদীরা ইজরেইল ও মিশরের শত্রুতার সুযোগ নিয়ে গভর্নমেন্টকে চাপ দিতে লাগলেন মিশরকে সাহায্য না করতে। বৃটেন, নাসেরের দৃঢ় স্বাধৈশিকতায় ভয় পেয়ে এবং বাগদাদ চুক্তিতে তাঁর যোগদান করতে দৃঢ় অসম্মতিতে বিরক্ত ও হতাশ হয়ে আমেরিকাকে অনুরোধ করে, নাসেরকে যেন সে না 'গড়ে তোলে'। মিশরের পুরাতন প্রতিদ্বন্দ্বী ইরাক ভয় পেয়ে যায় পাছে নাসেরের নেতৃত্বে মিশর আরব সমাজের স্থায়ী নেতার আসন দখল করে নেয়। উত্তর আফ্রিকার জাতীয়তাবাদী আববদের সাম্রাজ্যবাদবিবোধী সংগ্রামে নাসেরের সহযোগিতায় চ্যুটে গিয়ে ফ্রান্সও আমেরিকাকে জানিয়ে দেয় যে, নাসের-সমর্থক নীতিতে তার ঘোর আপত্তি।

১৯৫৬ সালের জুন মাসে আমেরিকা জানতে পারে যে, সোবিয়ত সরকার আসওয়ান বাঁধের জন্য সাহায্যের সত্যিকার কোনো প্রস্তাব তখনো করেন নি। বস্তুতঃপক্ষে সোবিয়তের ঐ ধরনের বিরাট সাহায্য দেওয়ার ক্ষমতা বা ইচ্ছা আদৌ আছে কিনা, সেটাই আমেরিকার কাছে সন্দেহজনক মনে হতে থাকে। মার্কিন সরকার ভাবলেন, সোবিয়ত সাহায্য প্রস্তাবটা নাসেরের এক বিশুদ্ধ চাল—আমেরিকাকে সাহায্য দিতে বাধ্য করার জন্য। যেহেতু আসওয়ান পরিকল্পনা ছাড়া বিপ্লব দীর্ঘস্থায়ী হতে পারে না, মিশরের নিজস্ব শক্তি নেই এ-পরিকল্পনাকে কার্যে পরিণত করার, যেহেতু রাশিয়া সাহায্য দিতে সত্যিকারের প্রস্তুত নয়, তাই, মার্কিন সরকার ভাবলেন, নাসেরের উপর চাপ দেবার, তাঁকে একটু উচিত শিক্ষা দেবার একমাত্র উপায় হচ্ছে সাহায্য-প্রস্তাব প্রত্যাহার করা।

১৯৫৬ সালের ১৯শে জুলাই। যদুগোশলাভিয়ার ব্রিয়োনী স্বেপে মার্শাল টিটো, জওহরলাল নেহরু ও গমাল আব্দুল নাসের এক ঐতিহাসিক আলাপ-আলোচনায় যত্ন। জওহরলাল রাশিয়া ও পূর্ব যুরোপ ভ্রমণ করে ভারতের দিকে ফিরে আসছেন। তাঁর ও টিটোব আমন্ত্রণে নাসের গিরেছেন গুরুত্বপূর্ণ আলোচনায় যোগ দিতে।

এদিকে ওয়াশিংটনে মিশরের রাজদূত ডাল্লেস সাহেবের সঙ্গে সাক্ষাৎপ্রার্থী আসওয়ান পরিকল্পনার জন্য মার্কিন সাহায্য প্রস্তাবকে পাকা করতে। তাঁকে জানাতে যে, নাসের পশ্চিমী দেশগুলির সাহায্য নিতে মনঃস্থির করেছেন। সম্পূর্ণ অপ্রত্যাশিতভাবে তিনি শুনতে পেলেন যে, মার্কিন সরকার সাহায্য প্রস্তাব প্রত্যাহার করেছেন। যদুগপৎ বৃটেন ও বিশ্ব ব্যাংকও তাঁদের সাহায্য

প্রস্তাব ফিরিয়ে নিয়েছে। কারণ? আসওয়ান বাঁধ পরিকল্পনা ঠিক অর্থকরী ও বাস্তব নয়। সাহায্য করবার জন্য এ'রা তৈরী ছিলেন রাজনৈতিক কারণে। সে রাজনৈতিক অবস্থাও আজ আর অনুকূল নেই।

ব্রিসেন্সন থেকে ফিরে এসে প্রথমেই নাসের পেলেন আমেরিকার রাজধানী থেকে মিশরের রাষ্ট্রদূতের জরুরী 'তার'; মার্কিন সাহায্য প্রস্তাব প্রত্যাহারের সংবাদ। তার আগেই ব্যাপারটা পৃথিবীর সর্বত্র রটে গেছে। ক্রোধে ও হতাশায় মদুহতের জন্য তিনি বিহ্বল হয়ে পড়লেন। পরক্ষণেই তাঁর চোখে মদুখে গভীর সঙ্কল্পের দৃঢ়তা ফুটে উঠল। তিনি তাঁর পার্শ্বচরদের বললেন—“আসওয়ান বাঁধ গড়তেই হবে! কোনো সাহায্য না পেলেও নতুন মিশর নির্মাণ হবেই। এই প্রত্যাহারের জবাব মিশরের হাতেই আছে।”

জবাব এল এক সপ্তাহের মধ্যে। সুয়েজ খাল নাসের মিশরের হাতে তুলে দিলেন!! মিশরের ইতিহাস মদুহতের মধ্যে এক অভিনব অধ্যায়ে প্রবেশ করল!!!

মার্কিন সরকারের নতুন যুক্তি—অর্থাৎ আসওয়ান বাঁধ গড়তে পারার মতো আর্থিক স্থিতি ও শক্তি মিশরের নেই, গড়তে গিয়ে মিশর নিজেই ভেঙে পড়বে—মিথ্যা প্রমাণিত হল নিউ ইয়র্ক টাইমস কাগজের কাইরো-প্রতিনিধি অসগুড কারুথার্স (Osgood Caruthers) লিখিত একটি প্রবন্ধে। মিশরের অর্থনৈতিক অবস্থা আলোচনা কবে তিনি লিখলেন, “মিশরের জাতীয় আয় প্রায় নব্বই কোটি পাউন্ড। ১৯৫৩ সালে এই অয়ের শতকরা আটভাগ গঠনমূলক কাজে নিযুক্ত হয়েছে। সেই হিসাবে ১৯৫৬ সালে সাত কোটি পাউন্ড পাওয়া যাবে গঠনমূলক কাজের জন্য। তাব সঙ্গে যুক্ত হবে বাজেটের শিল্প-গঠন খাতে বরাদ্দ প্রায় ছয় কোটি পাউন্ড। সুতরাং মিশরের গঠনমূলক আয়ের পরিমাণ হবে সাত কোটি পাউন্ডেরও বেশি, আর ব্যয়, আট কোটি পাউন্ড। বাৎসরিক ঘাটতি মাত্র এক কোটি পাউন্ড।

“মিশরের অর্থনৈতিক অবস্থা অসুস্থ, একথা বলা ঠিক হবে না।”

বিস্ময়ের প্রিয়তম সন্তান আসওয়ান। আসওয়ান থেকে সুয়েজ। সুয়েজ থেকে নতুন, স্বাধীন অগ্নি-দীক্ষিত মিশর। ইতিহাস দ্রুততম বেগে এগিয়ে চলেছে সঙ্কট-সঙ্কুল পথে নতুন উজ্জ্বল ভবিষ্যতের দিকে। প্রভাতের পথে রজনীর অন্ধকারের বৃক চিরে।

১০

“আমি একজন পারসিক। পারস্যের শক্তি নিয়ে মিশরকে আমি পদানত করেছি। মিশরের বৃক কেটে বয়ে-সাগরা পিরামিড (নীল) নদ থেকে পাবসা থেকে আগত (লোহিত) সমুদ্র পর্যন্ত একটি খাল কাটবার আদেশ আমি দিয়েছি। আমার আদেশ মতো এই খাল কাটা হয়েছে।”—সারামুদস

প্রাচ্য ও প্রতীচ্যের স্ৱারপথ মিশর। শূন্য, আজ নয়, ইতিহাসের গোড়া থেকে। চার হাজার বছর ধরে ভূমধ্য ও লোহিত সাগর সংযোগ করতে পারে এমন একটি জলপথের গুরুত্ব মানুষ অনন্ডব করে এসেছে। আজ যদি প্রথম

ফারোয়ার আমলের একজন বণিক বর্তমান যুগের একজন বণিকের সঙ্গে কথা-বার্তা বলতে পারত, এই জলপথের বিশেষ গুরুত্ব সম্বন্ধে একমত হতে তাঁদের মনোভেদের বেশি সময় লাগত না।

সভ্যতার প্রথম থেকে সমস্ত বিশ্বের বাণিজ্য মিশরের দ্বারা দিয়ে অতিক্রম করেছে এশিয়া, যুরোপ বা আফ্রিকা মহাদেশে। মিশরের প্রাচীন সমৃদ্ধ শহরে বিক্রী হত নানা দেশের সেরা সম্পদ। সুদূর প্রাচ্য থেকে, পারস্য, ব্যাবিলোন, আরেবিয়া, সোমালিল্যান্ড, সুদান, গ্রীস, রোম, স্পেন ও উত্তর আফ্রিকা থেকে নানা বাণিজ্যপথে আসত সে-সব সম্পদ মিশরের শহরে শহরে।

মিশরের পূর্বাচলে সুয়েজ-নামক ছোট্ট এক টুকরো মাটিতে আফ্রিকা ও এশিয়া হাত মিলিয়েছে। লোহিত সাগর তার জিহ্বা দিয়ে ভূমধ্যসাগরকে স্পর্শ করবার জন্যে যেন এগিয়ে এসেছে। সামান্য পশ্চিমে, প্রায় সমান্তরাল রেখায়, প্রবাহিত নীল নদ। দুই সমুদ্রকে সংযুক্ত করতে উদ্ভূত।

চার হাজার বছর আগের সভ্য মানুষের মনেও সহজেই একথা স্পষ্ট হয়েছিল যে, প্রাকৃতিক এই চাতুৰ্যকে মানুষের কাজে লাগাতে হলে সুয়েজ-স্থল-ভূমির মাটি কেটে একটি জলপথ তৈরি করতে হবে।

প্রবাদ আছে যে প্রায় চার হাজার বছর পূর্বে এই জলপথ নির্মাণ শুরু হয়। অন্তত তিন হাজার বছর আগে যে সুয়েজখাল জাতীয় একটি জলপথে নানা দেশের বাণিজ্য চলাচল করত তাব ঐতিহাসিক প্রমাণ পাওয়া যায়। রাজনৈতিক কারণে পরবর্তীকালে এই জলপথের ব্যবহার ত্যাগ করা হয় এবং অনেক অংশ শূন্য হয়ে যায়। খ্রীঃ পূঃ ৬১২ সালে ফারোয়া নেকো এক লক্ষ বিশ হাজার ক্রীতদাসের পরিশ্রমে এই জলপথ পুনরায় কাটানোর ব্যবস্থা করেন, কিন্তু তিনি তাঁর পরিকল্পনা কার্যে পরিণত করবার আগেই মিশরের এক মন্দিরে ভবিষ্যৎ বাণী হল যে, এ-জলপথে মিশরের বকের উপর হামলা করতে আসবে বর্বর বিদেশী অত্যাচারীর দল! নেকো তাঁর সংকল্প পরিত্যাগ করেন।

তারপর যিনি সুয়েজ জলপথ কাটিয়ে, বাড়িয়ে চালু করলেন তিনি সীতাই এক বিদেশী বিজয়ী। পারস্যের দারাবুদস। তাঁর পুত্রও এই জলপথের উন্নতি করেন। বোমানরা তাকে অংশত নতুন করে তৈরি করে। আরব শাসকদের সময়ে ৭৭৬ খ্রীষ্টাব্দে খালিফ আব্বাসিদের হুকুমে, বিদ্রোহী মক্কা ও মদিনাকে শাস্তি দেবার জন্য, এই জলপথ বন্ধ করে দেওয়া হয়। তারপর থেকে পূর্ব-পশ্চিমের বাণিজ্য মিশর-পথে ক্রমশ কমে আসতে শুরু করে। মার্কো পোলো ও অন্যান্য পথিকৃতেরা চীন ও ভারতের মধ্যে স্থলপথ আবিষ্কার করেন—যদিও পরবর্তী যুগে তুর্কী অত্যাচারে এই বাণিজ্য প্রায়ই ব্যাহত হয়। কলম্বাস পশ্চিমে এবং ভাস্কা ডা গামা দক্ষিণ দিকে নতুন পথের সন্ধানে বেরিয়ে পড়লেন। ১৪৯৮ সালের ২০শে মে উত্তরাংশে অন্তরীপ অতিক্রম করে ভাস্কা ডা গামা ভারতের পশ্চিম প্রান্তে মলাবারে পদার্পণ করেন। এই দিন থেকে সমস্ত প্রাচ্যে যে নতুন যুগ শুরু হল প্রসিদ্ধ ঐতিহাসিক পাণিকড় তাকে 'ভাস্কা ডা গামা যুগ' নাম দিয়েছেন। ছ মাস মলাবারে কাটিয়ে ডা গামা মলাবার-অধিপতির কাছ থেকে পতঙ্গাল রাজের নিকট একখানা পত্র নিয়ে দেশে ফিরে যান।

“আপনার রাজদরকারের একজন প্রধান, ভাস্কো ডা গামা, আমার রাজ্যে উপস্থিত হয়ে আমাকে খুব আনন্দ দিয়েছেন। আমার রাজ্যে প্রচুর পরিমাণে মূল্যবান পাথর ও নানাবিধ মশলা আছে। তার পরিবর্তে আপনার দেশ থেকে আমি চাই সোনা, রূপা, প্রবাল ইত্যাদি।”

এই পটখানার গুরুত্ব চারশো বছরের ইতিহাসের পাতায়। যুরোপের সঙ্গে ভারত ও সমগ্র পূর্ব এশিয়ার যে নতুন বাণিজ্য ও রাজনৈতিক সম্পর্ক স্থাপিত হয় গত চারশত বছর ধরে পৃথিবীর চেহারা তারই প্রভাবে গঠিত হয়ে এসেছে। ভেনিস, আর্ভিসিনিয়া, জেনোয়া প্রভৃতি একদা সজীব বাণিজ্য কেন্দ্রগুলি ধীরে ধীরে নিস্তেজ হয়ে আসে; সমগ্র মধ্যপ্রাচ্য দারিদ্র্যের মলিন-তায় স্তিমিত হয়ে যায়। প্রাচ্যের বিপুল ঐশ্বর্য জমা হতে থাকে য়ুরোপের নোশস্তিসম্পন্ন দেশগুলির ভান্ডারে।

এর পরে ষোড়শ শতাব্দীর প্রথমে ভেনিশিয়ান বণিকরা তাঁদের বাণিজ্য পুনরায় চালু করবার প্রয়াসে সুয়েজ জলপথকে ব্যবহারের উপযুক্ত করে তুলবার এক ব্যর্থ প্রস্তাব করেন। প্রায় একশ বছর পরে পরবর্তী প্রস্তাব আসে তুর্কী সুলতানের মিশরস্থ প্রতিনিধির কাছ থেকে।

য়ুরোপের একটি শক্তি এ-প্রস্তাবে প্রথম থেকেই গভীর উৎসাহ দেখাতে শুরু করে—সে হচ্ছে ফ্রান্স। মধ্যপ্রাচ্যের ভূমধ্যসাগরের নিকটবর্তী অঞ্চলে তখন ফরাসী প্রভুত্ব; সুতরাং মিশরের উপর দিয়ে প্রাচ্যের সঙ্গে বাণিজ্যপথ পুনরুদ্ধার করে প্রতিদ্বন্দ্বী য়ুরোপীয় শক্তিগুলিকে, বিশেষ করে বৃটেনকে, জয় করার সম্ভাবনা ফরাসী সরকার ও বণিকদের প্রথম থেকেই প্রেরণা দিতে থাকে।

এ-সময় থেকে ১৮৫৯ সালের ২৫শে এপ্রিল পর্যন্ত (যেদিন বর্তমান সুয়েজ খাল কাটা শুরু হয়) মিশরের এই জলপথ নিয়ে বৃটেন ও ফ্রান্সের মধ্যে চলতে থাকে নানাপ্রকার সংঘর্ষ, কূটনৈতিক প্রতিযোগিতা ও আর্থিক লড়াই। অন্যান্য সংশ্লিষ্ট শক্তিগুলি—তুর্কী, রাশিয়া ও জার্মানী—কখনো এদিকে কখনো ওদিকে যোগ দিয়ে এক বিরাট সুয়েজ সমস্যা সৃষ্টি করে—তার গালভরা নাম দেওয়া হয় “প্রাচ্যের প্রশ্ন”—the Eastern Question. শিল্প-বিস্তারের প্রারম্ভ থেকে য়ুরোপের জাতিগুলি পরস্পরের সঙ্গে লড়ে আসছে—আজও সে লড়াই-এর অবসান হয় নি। অন্তঃপক্ষে উনিবিংশ শতাব্দীতে “য়ুরোপে যে-কোনো চমকে দেওয়া বিজয়ই ব্যর্থ হত, যদি না তা সঙ্গে আসত প্রাচ্যের দেশগুলিকে শোষণ করবার নতুন কোনো সংযোগ।”*

সপ্তদশ শতকে জ্যাকিস সাভারী নামে একজন ফরাসীনেতা তাঁর তৎকালীন বহুল-প্রচারিত একখানা পুস্তকে সুয়েজ জলপথকে পুনরায় চালু করবার জন্য বিশেষ আবেদন জানান।** তিনি বলেন যে, সুয়েজ জলপথ উত্তমাশা অস্তরীপকে বাণিজ্য-প্রতিযোগিতায় সহজেই পরাস্ত করবে। সাভারীর সময় থেকে সুয়েজ জলপথের প্রশ্ন য়ুরোপের রাজনৈতিক ও আর্থিক নেতাদের এবং বড় বড় ইঞ্জিনিয়ারদের কল্পনাকে অল্প-বিস্তর অধিকার করে বসে।

* The Suez Canal in the World Affairs, by Hugh J. Schonfield, New York.

** The Complete Merchant, by Jacques Savary, London.

ফরাসী-নেপ্লেস সন্মুক্ত খাল চ্যাম্প হলে বৃটেনের যে সমুদ্র বিপদ হবে ইংরেজরা প্রথম থেকেই তা জানত। অষ্টাদশ শতাব্দীতে বৃটিশ লেফট কোম্পানীর জনৈক কর্মচারী, জর্জ বলডুইন, লন্ডনে ডিরেক্টরদের এক বিপোর্টে সাবধান করে দেন :

“মিশর অধিকার করতে পারলে, ফ্রান্স পৃথিবীর সমস্ত বাণিজ্যকেন্দ্রের চাবি পেয়ে যাবে। আজকের দুনিয়ার উন্নত বাণিজ্য-প্রথা অবলম্বন করে মিশরকে সে পৃথিবীর শ্রেষ্ঠ বিপণি করে তুলবে। অর্চাকতে বিরাট সৈন্য চলাচলের সুবিধা পেয়ে মিশর থেকে সমস্ত প্রাচ্যকে ফ্রান্স ভর দেখাতে পারবে। তখন ইংলণ্ড ভাবতে তার উপনিবেশের জন্য ফ্রান্সের করদূগাপ্রার্থী হতে বাধ্য হবে।”

অষ্টাদশ শতকের শেষভাগে ফরাসী প্রধানমন্ত্রী তালেবান্দ সন্মুক্ত জলপথ নির্মাণের সংকল্প গ্রহণ করেন। তাঁকে বিশেষ করে উদ্বেগ করেন মিশরে ফ্রান্সের রাজদূত। তাঁর একটি বিপোর্টে সন্মুক্ত খাল থেকে ফ্রান্স কী কী উপকার পেতে পারে তার একটি লোভনীয় বর্ণনা আছে :

“মিশরে যদি ফ্রান্স নিজের প্রভু প্রতিষ্ঠিত করতে পারে তবে সমস্ত য়ুবোপের বাণিজ্য এক বিরাট বিপ্লব আসবে। সবচেয়ে আহত হবে ইংরেজ। এ-প্রভু য়ুবোপে ইংবেজ গৌরবে একমাত্র মূল যে ভাবত সাম্রাজ্য, তার গোড়ায় আঘাত কববে। সন্মুক্ত জলপথের পুনরুদ্ধার ইংরেজকে ততটাই আঘাত কববে যতটা অঘাৎ কববে যে দশ শতকে উত্তমাশা অন্তরীপের বাণিজ্য-পথ জেনোয়া ও ভেনিসকে। এই বিপ্লব থেকে সবচেয়ে লাভবান হবে ফ্রান্স। একথা ভুলে চলে না যে প্রাচীন বা বর্তমান যে-কোনো জাতি ভাবতের সঙ্গে বাণিজ্যের প্রভু পেয়েছে সেই হয়েছে বিরাট বিপ্লবালী। ফ্রান্স যখন কাইরো ও সন্মুক্তের কর্তা হবে, তখন উত্তমাশা অন্তরীপ কার দপ্পলে বইল না বইল তাই কিছুই আসে যাবে না।”

১৭৯৮ সালের ১২ই এপ্রিল নেপোলিয়ন বোনাপার্টকে মিশর অভিযানের দায়িত্ব দেওয়া হয়। ফরাসী গভর্নমেন্ট তাঁকে আদেশ দেন :

‘প্রাচ্যে পাঠানো হচ্ছে যে সেনাদল তা মিশর অধিকার করবে। প্রধান সেনাপতি সন্মুক্ত স্থলভূমি কাটিয়ে, লোহিত সাগরে ফরাসী আধিপত্য প্রতিষ্ঠিত করবেন।’

ইংবেজকে সম্পূর্ণ অবাধ বলে নেপোলিয়ন আলেকজান্দ্রিয়ায় নেমে ফরাসী পতাকা উড়িয়ে দিলেন। Sphinx-এর গর্বোন্মত্ত বাজসিক প্রস্তরমূর্তির সামনে অধঃপাশে সমাসীন নেপোলিয়ন সন্মুক্ত প্রাচ্যে বিস্তৃত ফরাসী সাম্রাজ্যের স্বপ্নে মগ্নহৃৎ জন্যে আত্মহারা হয়ে গেলেন। কল্পনাবিলাসী নেপোলিয়ন-এব কর্তৃ-মনে ইঠাৎ যেন ক্রিয়োপাত্তির হাসি বজলক খেলে গেল। যেন সীজবের ছায়া দেখতে পেলেন নীলতীরের রূপালি বালুকাধ।

নেপোলিয়নের নির্দেশে ফ্রান্স থেকে আনা বড় বড় ইঞ্জিনিয়াররা সন্মুক্ত জলপথ নির্মাণের কাজে লেগে যান। কিন্তু পরিকল্পনায় কয়েকটি গুরুত্ব ভুলের জন্য তাঁরা নেপোলিয়নকে জানান যে দশ হাজার শ্রমিক চার বছর কাজ করলে এবং পনেরো লক্ষ পাউন্ড খরচ করতে পারলে জলপথ নির্মাণ সম্ভব। ইংবেজের কাছে যুদ্ধে পরাজিত হয়ে নেপোলিয়নকে মিশর ত্যাগ করতে হয়।

স্বাধীন আশে তিনি সুয়েজের দিকে তাকিয়ে দীর্ঘনিশ্বাসের সঙ্গে বলে বান,
“কিছুট এই কাজ। আমার শ্বারা হল না। কিন্তু তুকে একদিন এই গোরব
বোধহয় অর্জন করবে।”

নেপোলিয়নের ভুল হয়েছিল। গোরব অর্জন করেছিল তাঁরই মাতৃভূমি,
ফ্রান্স।

পরাজিত নেপোলিয়নের অপসারণ পথ করে দিল মহম্মদ আলীর উত্থানের।
ইংরেজ তখন মিশরের অর্থনৈতিক জীবনে অনেকখানি প্রভাব বিস্তার করেছে।
ভারতের সঙ্গে দ্রুততর ডাকপথ প্রবর্তনের গরজে ইংরেজ মহম্মদ আলীকে
চাপ দিতে থাকে সুয়েজ অঞ্চলে একটি রেলপথ স্থাপন করতে। ফ্রান্স জল-
পথের বিশেষ উপকার দেখিয়ে মহম্মদ আলীকে প্রভাবিত করতে চেষ্টা
হল।

এমনি ইংগ-ফরাসী প্রতিদ্বন্দ্বিতায় কেটে যায় আরো অনেক বছর। মহম্মদ
আলী মারা গেলেন, তাঁর পুত্র আব্বাসও মারা গেলেন। মিশরের ‘পাশা’ হয়ে
গদীতে বসলেন অলস, বিপুলদেহ, বদ্বিমান মহম্মদ সৌদ।

ফার্দিনান্দ দ’লাসেপ্‌স্‌, যিনি সুয়েজ খাল নির্মাণ করে বিশ্ববিখ্যাত,
তিনি ছিলেন মহম্মদ সৌদের প্রথম যৌবনের বন্ধু। তাঁর বাবা কায়রোতে
ফরাসী দূতাবাসে বড় কর্মচারী ছিলেন; মহম্মদ সৌদকে প্রথম যৌবনে
প্যারিসের বিলাসবাসনে দীক্ষা দিয়ে দ’লাসেপ্‌স্‌ তাঁর একান্ত প্রিয়পাত্র হয়ে
ওঠেন। সুয়েজ খালের পরিকল্পনা অনেক দিন ধরেই তাঁকে পেয়ে বসেছিল।
যখন তিনি খবর পেলেন আব্বাসের মৃত্যুর পর মহম্মদ সৌদ মিশরের খেদীব
হয়েছেন, তাঁর মন আশায় ভরে উঠল। পুরাতন বন্ধুকে তিনি তৎক্ষণাৎ পত্র
লিখে অভিনন্দন জানালেন এবং উত্তরে আলেকজান্দ্রিয়াতে মিলিত হবার
আহ্বান পেলেন। পশ্চিমে প্রকাশিত বইপত্রে লাসেপ্‌স্‌কে একজন অসাধারণ
কুতূহী পুরুষ বলে নির্মাণ করা হয়েছে। আরো দেখানো হয়েছে তিনি ছিলেন
মিশরের অকৃত্রিম বন্ধু। মিশরবাসীরা তা মোটেই স্বীকার করেন না।
ডালাহোসী ভারতে রেল লাইন, ‘তার’ ও আরো অনেক কিছু এনেছিলেন।
কিন্তু তাই বলে তাকে ভারতের অকৃত্রিম সুহৃদ বলে আমরা মেনে নি না।
লাসেপ্‌স্‌ ছিলেন অতি বিচক্ষণ, ধূর্ত ও বিবেকহীন। তাঁর সব চেয়ে বড়
মূলধন ছিল মহম্মদ সৌদের আস্থা। প্রাচ্য মনের এই নিশ্চিত নিভরের
প্রকৃত মূল্য পশ্চিমের বণিক-চিন্তা ঠিক বুঝতে পারে না। অলস, বদখেয়ালী,
বিলাসমগ্ন মহম্মদ সৌদের নিশ্চিত নিভর বন্ধুত্বের সুযোগ নিয়ে লাসেপ্‌স্‌
অনেক বেআইনী সুবিধা আদায় করেছিলেন। তাঁর বন্ধুকে চাপ দিয়ে, ক্ষুণ্ণ
করে, ভুলিয়ে এবং মাঝে মাঝে অসত্য হিসাব দিয়ে লাসেপ্‌স্‌ নিজের ও ফ্রান্সের
স্বার্থ গৃহীয়ে নিয়েছিলেন। সুয়েজ খাল কোম্পানীকে তিনি যে মিশরী
আইনের সীমানায় মিশরী সংস্থা হিসাবে গড়ে তুলেছিলেন তারও কারণ
মিশর প্রীতি নয়। যুরোপের রাজনীতি, ফরাসী দেশের আভ্যন্তরীণ অবস্থা,
বুটেনকে সাম্রাজ্য-লাভ না দেখানো এবং যথেষ্ট লাভ অর্জন : এই ছিল প্রকৃত
কারণ।

১৮৫৪ সালের ১৫ই নভেম্বর মহম্মদ সৌদের সঙ্গে দ’লাসেপ্‌স্‌-এর

সাক্ষাৎকার হয়। 'দ' লাসেপ্‌স্‌' নিজেই এই ঐতিহাসিক ঘটনার একটি সন্দেহ বিবরণ দিয়েছেন :

“পাঁচটার সময় ঘোড়ায় চড়ে আমি ভাইসরয়ের শিবিরে এলাম। ‘তাকে উল্জুদুল ও হাসি-খুশী দেখাচ্ছিল। আমার হাত ধরে তিনি একটি ডিভানের উপরে আমাকে নিজের পাশে বসালেন। আর কেউ সেখানে ছিল না। তাঁবুর দরজা দিয়ে অস্তগামী সূর্য দেখা যাচ্ছে।.....আমি ভাইসরয়কে আমার (সুয়েজ) পরিকল্পনা বোঝাতে শুরুর করলাম। কোনো বিস্তৃত বিবরণের মধ্যে না গিয়ে আমি বড় বড় বিষয়গুলি তাঁর কাছে পেশ করলাম। বিশেষ মনোযোগের সঙ্গে মহম্মদ সৌদ আমার কথা শুনলেন.....তাঁর দৃষ্টিতে বুদ্ধিমান প্রশ্নের জবাব দিয়ে আমি তাঁকে খুশী করলাম। পরিশেষে তিনি বললেন, ‘ঠিক আছে। তোমার প্ল্যান আমি গ্রহণ করছি। কী করে একে কাজে লাগানো যায় তাই আলোচনা করা যাক। ব্যাপারটা এখানেই ঠিক হয়ে গেল তুমি আমাকে বিশ্বাস করতে পার।’ তিনি তাঁর সেনাপতিদের ডেকে পাঠালেন। সবাইকে কাছে বসিয়ে, আমার সঙ্গে কথাবার্তার উল্লেখ করে বললেন, ‘আমার বন্ধুর এ-প্রস্তাব সম্বন্ধে আপনাদের অভিমত কী?’ এসব ইষ্ঠাৎ-গজ্ঞানো পরামর্শদাতাদের সুয়েজ পরিকল্পনা বোঝবার কতটুকুই বা যোগ্যতা! তাঁরা তাঁদের প্রভুর ‘বন্ধু’, অর্থাৎ আমার দিকে তাকালেন এমনভাবে যে আমার পক্ষে কোনো ভুল করাই সম্ভব নয়। তাঁরা কেবল সম্মতিসূচক সেলাম করে গেলেন।”

মহম্মদ সৌদ 'দ' লাসেপ্‌স্‌-এর প্ল্যান তাঁর মন্ত্রীদেব দেখিয়ে আলাপ-আলোচনা করেছিলেন এমন কোনো প্রমাণ পাওয়া যায় না। একজন ইংরেজ লেখকের মতে তিনি কোনো মন্ত্রীকেই এই প্রস্তাব দেখান নি। প্রথম যৌবনের বন্ধু ফার্দিনান্দ, তাঁর তৈরী প্ল্যান, তাতে মিশরের উপকার হবে, জলপথের বিরাট লাভের শতকরা চৌদ্দভাগ পাবে মিশর, এর উপরে আর কি কোনো কথা থাকতে পারে? লাসেপ্‌স্‌ যদি মিশরের প্রকৃত মিত্র হতেন, তা হলে সুয়েজ খাল নির্মাণে মিশরের অবদানকে তিনি মিথ্যা করে অতর্কিতে দেখাতেন না। মিশরের বিপ্লবী সরকার এ-অবদানের যে-হিসাব তৈরী করেছেন গত সুয়েজ সংকটের দিনে পশ্চিমী নেতারা তার প্রতিবাদ করেন নি। মহম্মদ সৌদ প্রাথমিক কাজের জন্য সব খরচ দিয়েছিলেন; বিনা বেতনে হাজার হাজার মিশরী খাল কেটেছিল; কোম্পানীকে ষাট হাজার হেক্টর জমি বিনা শুল্কে দেওয়া হয়েছিল; কলকল আনবার জন্য কোনো আমদানী শুল্ক নেওয়া হয় নি; বিস্তীর্ণ এলাকায় নানা প্রকারের খনিজ সম্পদের মালিকানাও কোম্পানীকে বিনা ব্যয়ে অর্পিত হয়েছিল। এ-সব হিসাব করে মিশরী সরকার দেখিয়েছেন খাল কাটার যাবতীয় খরচের শত করা ষাট ভাগই বহন করেছে মিশর। ফ্রান্স সমেত অন্যান্য দেশগুলি যা দিয়েছিল, মিশর থেকে লাসেপ্‌স্‌ পেয়েছিলেন তার দেড় গুণ। লাসেপ্‌স্‌-এর দাবী মেটাবার অর্থ মহম্মদ সৌদের রাজ-কোষে ছিল না; তাই ফরাসী ব্যাঙ্ক থেকে তাঁকে প্রায় তিন কোটি ফ্রাং ধার করতে হয়েছিল। এই ধারই মিশরের অর্থনৈতিক সর্বনাশের শুরুর; এরই জন্যে পরবর্তী যুগে মিশরকে দেউলিয়া হতে হয়। তা ছাড়া ১৯৩৭ পর্যন্ত কোম্পানীর বিরাট লাভের কিছুই মিশর পায় নি; অধিকন্তু, অন্যান্য দেশের

মতো একই হারে মিশরী জাহাজকেও সূয়েজ ব্যবহারের জন্য শুল্ক দিতে হয়েছে।

ইংরেজের প্রবল প্রতিরোধ অতিক্রম করে সূয়েজ খাল কর্তন শুরুর হয় ১৮৬৯ সালের ২৫শে এপ্রিল। ভূমধ্যসাগরের তীরবর্তী খালের উত্তর প্রান্তে, ঐদিন লাসেপ্‌স্‌ এক কোদাল বালুকাময় মাটি কেটে নির্মাণ কার্য উদ্‌ঘাটন করেন। প্রাথমিক কাজকর্মের জন্য বারো হাজার পাউন্ড মহম্মদ সৌদ নিজেই দিয়েছিলেন। বৃটেনের প্রধানমন্ত্রী পামারস্টোনের বিরুদ্ধতার ফলে ইংল্যান্ডের গভর্নমেন্ট বা ব্যবসায়ীরা লাসেপ্‌স্‌ প্রতিষ্ঠিত সূয়েজ খাল কোম্পানীর শেয়ার কিনতে রাজী হলেন না। সবচেয়ে বেশি শেয়ার—২,০৭,১৬০—কিনল ফ্রান্স; তারপরেই—১,৭৭,৬৪২—মিশরের গভর্নমেন্ট। স্পেন কিনল চার হাজারের কিছু বেশি, ইতালী প্রায় দশ হাজার আট শো, হল্যান্ড দশ হাজার ছশো পনেরো, মিশরের ব্যবসায়ীরা প্রায় হাজার, তুর্কী সাত শো পঞ্চাশ, টিউনিসিয়া প্রায় এক হাজার আটশো, রাশিয়া মাত্র একশ চুয়াত্তর, জার্মানী পাঁচ, বৃটেন ও আমেরিকা একখানাও নয়। মিশরের উৎসাহপূর্ণ সহযোগিতা না পেলে লাসেপ্‌স্‌ তাঁর কোম্পানী দাঁড় করাতেই পারতেন না।

মিশর কোম্পানীর প্রায় অর্ধেক শেয়ারই শুল্ক কেনে নি। এক লক্ষ বিশ হাজার ক্রীতদাস-শ্রমিক, বিস্তীর্ণ ভূমির উপর নিষ্কর অধিকার বহু গ্রাম্য পরিবারের উৎসাহ—এসবও মিশরের অংশ বলে ধরে নিতে হবে।

বহু শ্রমিকের অনাহার-অর্ধাহারে ক্লিষ্ট দেহের পাবিত্রমে সূয়েজ খাল নির্মিত হল দশ বছর পরে, ১৮৬৯ সালের ১৭ই নভেম্বর। সাব ফ্রেডারিক আরো—যিনি সেদিন এই ঐতিহাসিক ঘটনায় উপস্থিত ছিলেন, বিমূগ্ধ বিস্ময়ে লিখে ফেললেন, “মরুভূমি আজ একটি গোলাপের মতো ফুটে উঠল।”*

সূয়েজ জলপথ তৈরী হল ইংরেজের তীর বিবোধিতায়। কিন্তু চালু হবার সঙ্গে সঙ্গেই ইংরেজ বৃত্তে পরল তার ভয়ংকর ভুল। ভাবত সাম্রাজ্যের প্রধান শব্দপথের উপর কর্তৃত্ব স্থাপনের জন্যে একা সো উঠে-পড়ে লাগল। ইংবেজ ও ফরাসী উপদেশে চালিত হয়ে মিশরের খেদিব মহম্মদ সৌদের পুত্র ইসমাইল, ইতিমধ্যে সম্পূর্ণ নিঃশব্দ হয়ে এসেছিলেন। রাজ-কোষে অর্থ ছিল না, ধার বেড়ে পর্বতপ্রমাণ। খেদিবের হাতে প্রায় এক লক্ষ আশি হাজার সূয়েজ কোম্পানীর শেয়ার, এগুলো হস্তগত করবাব জন্যে ইংবেজ ও ফ্রান্সের মধ্যে এক তীর ও তিস্ত প্রতিযোগিতা শুরুর হয়ে গেল। বিদেশী ‘উপদেষ্টারা’ মিশরের শাসনকে ক্রমাগত আর্থিক সর্বনাশের দিকে এগিয়ে নিয়ে যেতে লাগলেন। তারপর সময় এল যখন সূয়েজের শেয়ার বিক্রী না করে সম্মান বাঁচাবার অন্য কোনো উপায় মিশরের রইল না।

ইংল্যান্ডের প্রধানমন্ত্রী তখন ডিজরেইলী। পামারস্টোনের সূয়েজনীতির মারাত্মক ভুল তিনি সহজেই বুঝতে পেরেছিলেন; রানী ভিক্টোরিয়াকে দিয়ে দ’লাসেপ্‌স্‌কে সম্মানিত করে এবং অন্যান্য উপায়ে তিনি সূয়েজ জলপথের গুরুত্ব বিষয়ে ইংরেজ যে সম্পূর্ণ সচেতন তা বোঝাতে চেষ্টা করছিলেন। এখন তাঁর একমাত্র লক্ষ্য হল খেদিবের এক লক্ষ আশি হাজার শেয়ার হস্তগত

* Sir Frederick Arrow, “A Fortnight at the Opening of the Suez Canal”, London.

করা। কাইরো থেকে তিনি গোপন সর্বোদ্যোগে ফরাসীরা এই শেয়ার কেনবার চেষ্টা করছে। নিত্যন্ত সংগোপনে তিনি ইংরেজ শ্রীতির্নধিকে শেয়ারগুলো যোগাড় করবার নির্দেশ দিলেন।

পশ্চিমের সাম্রাজ্যগঠন নাটকে অনেক অংশ আছে বা বিবেকী মানুষের মাথা লজ্জায় আনত করে। ক্রাইভ আর ওয়ারেন হেস্টিংস কী ভাবে পরের বিস্তৃত আত্মসাৎ করেছিলেন ভারতের ইতিহাস তার সাক্ষ্য বহন করছে। কিন্তু ইংরেজ যে-ভাবে মিশরের সুয়েজ-শেয়ার কেড়ে নিয়েছে তার নজর বোধহয় আর নেই।

পাপের দুয়ারে পাপের মতো ঋণের দুয়ারেও ঋণ সহায় মানে। ইসমাইল বিলাস বাসনে এমন মেতে গেলেন যে রাজকোষে তার অর্থ জমবার সর্বোদ্যোগই হত না। ইংরাজ ও ফরাসী “বন্ধুরা” লন্ডন ও প্যারীসের ব্যাংক থেকে ধার যোগার করতেন, তার সদ মতোতে নতুন ধারের প্রয়োজন হত। এই অবস্থায় ইসমাইল ইংল্যান্ডের কাছে মাত্র ৪০ লক্ষ পাউন্ড মিশরের সুয়েজ শেয়ার—সব শেয়ারের চুরাংশ ভাগ—বিক্রী করতে বাধ্য হন। এ-শেয়ারগুলিও কোম্পানীর কাছে বন্ধক ছিল। তার ইতিহাসও করুণ। ইসমাইল কোম্পানীকে যে সনদ দিয়েছিলেন তাতে কোম্পানীর কলকল্লা ও অন্যান্য জিনিষপত্র আমদানী করতে শুল্ক দিতে হত না। পরে এ নিয়ে বিবাদ ওঠে। সালিশী কবেন ফরাসী সবকার! তাদের নির্দেশে ইসমাইল কোম্পানীকে তিন কোটি ফ্রাংক “ক্ষতিপূরণ” দিতে বাধ্য হন, পারিবার্তে কোম্পানী ঘাটতি হাবে শুল্ক দিতে রাজী হয়। ইসমাইল অত অর্থ কোথায় পাবেন? তাই, তাঁকে সুয়েজ শেয়ারগুলি কোম্পানীর কাছে পাঁচশ বছরের জন্য “বন্ধক” রাখতে হয়, যার লাভ থেকে কোম্পানী নিজের পাওনা আদায় করে নেবেন।

ডিজবেইলী ইসমাইলের কাছ থেকে মিশরের শেয়ার তো কিনলেন? কিন্তু শেয়ার থেকে লাভ কোথায়? সুতরাং ইংরেজ দাবী করল “ক্ষতিপূরণ” দাও। ইসমাইল রাজী হলেন বাৎসরিক পঞ্চাশ লক্ষ ফ্রাংক হিসাবে ১৯ বছর ধরে “ক্ষতিপূরণ” দিতে। ফলে বুটেন যে-অর্থ দিবে শেয়ার কিনেছিল তার প্রায় সবটাই ফেরত পেল। বুটেন দাম দিয়েছিল ৪০ লক্ষ পাউন্ড। ১৯১০ সালে এ-শেয়ারের বাজার-দর ছিল ১৬ কোটি পাউন্ড, ১৯২৯ সালে ৩৬ কোটি পাউন্ড?

শেয়ার বেঁচে ইসমাইল যে-অর্থ পেলেন বিলাস বাসনেই তা ব্যয়িত হল। সামান্য একটা ধারের বিনিময়ে মিশর কোম্পানীর কাছ থেকে যে শতকরা ১৫ ভাগ রয়ালটি পেত, তা তিনি বন্ধক রাখতে আগেই বাধ্য হয়েছিলেন। ১৮৮০ সালে ইসমাইলের পুত্র তিউফিক এই রয়ালটিও একটি ফরাসী ব্যাংকের কাছে বেঁচে দিলেন।

সুয়েজ খালের বিরাট সম্পদে মিশরের অংশ নিঃশেষ হল। রাজা আকস্ট ধারে নিমজ্জিত। মিশরের আর্থিক দুরবস্থাকে “নিরাময়” করতে এবার চেষ্টা বসল ইংগ-ফরাসী বৈত-শাসন। স্বভাবতই, তার প্রধান লক্ষ্য হল নিজের পাওনা আগে কড়ার-গন্ডায় বুঝে নেওয়া।

মিশরবাসীরা কিন্তু বিদেশী শক্তির শাসনকে নীরবে গ্রহণ করে নি। সেনাবাহিনীর মধ্যে গভীর অসন্তোষ দেখা দিল, তার সশা হাত মেলাল

জনসাধারণের অসন্তোষ। জর্জ মিল রুরোপীয় সাম্রাজ্যবাদের বিরুদ্ধে প্রথম সংগঠিত আরব বিদ্রোহ। নেতা তার কর্নেল আব্রাহাম আরবী। একদিকে আরবীর নেতৃত্বে মিশরের সেনাবাহিনীর উত্তরাংশ ও বিক্ষুব্ধ জনতা, অন্য দিকে ইংরেজ ফ্রান্স এবং মহম্মদ আলীর বংশধর খেদিব তিউর্কিক।

১৮৮২ সালের ১১ই জুন। আলেকজান্দ্রিয়ায় বেধে গেল দাঙ্গা। পঞ্চাশ জনেরও বেশি রুরোপীয়ের মৃত্যু হল। তুর্কী সুলতান—খান তখনও আইনত মিশরের সম্রাট, সৈন্য পাঠাতে অস্বীকার করলেন। ইংলন্ড ও ফ্রান্সকে ইচ্ছামত বিদ্রোহ দমনের দায়িত্ব দিয়েই তিনি নিশ্চিন্ত। আরবী বন্ধতে পারলেন তাঁকে ভূমধ্যসাগরের পথে বিরাট বিদেশী আক্রমণের সম্মুখীন হতে হবে। আলেকজান্দ্রিয়ায় তিনি আত্মরক্ষার ঘাটি তৈরি করতে লাগলেন, ইংরেজ ও ফরাসী সেনাপাতিদের হুকুমার অগ্রাহ্য করে।

ফার্দিনান্দ দ'লাসেপ্‌স্ ও অন্যান্য ফরাসীরা তাঁদের সরকারকে সৈন্য পাঠাবার জন্য বারংবার অনুরোধ করতে লাগলেন। লাসেপ্‌স্ 'তার' করলেন : "ইংরেজদের সৈন্য নিয়ে কিছুতেই সূয়েজ খালে প্রবেশ করতে দেওয়া হবে না। আমার খালকে এমানি করে বিদেশীর হাতে তুলে দেবেন না। প্রত্যেক ইংরেজ সৈন্যের সঙ্গে যেন একজন ফরাসী সৈন্য আসে।"

কিন্তু ফ্রান্স তখন বিশেষ গোলমাল। সৈন্য পাঠানো কোনো মতেই সম্ভব নয়। তাই আরবী-বিদ্রোহের হাত থেকে সূয়েজ জলপথকে ছিনিয়ে নিয়ে রুরোপীয় প্রভুত্ব কয়েম করবার দায়িত্ব এসে পড়ল ইংরেজের উপর।

এই সামরিক বিজয়ের প্রধান প্রধান ফল হল তিনটি : ইংবেজ সূয়েজ-খালের প্রধান কর্তা হয়ে উঠল, এর পরে আর ফ্রান্সের সঙ্গে "বন্ধু শাসনের" প্রশ্ন রইল না; সূয়েজ কোম্পানীর ডিরেক্টর বোর্ডের বহিঃজন সদস্যের মধ্যে দশ জন হলেন ইংরেজ; সূয়েজ খালের সামরিক অভিভাবক্য চলে গেল ইংরেজের হাতে।

ইংরেজ সরকার একটি আন্তর্জাতিক চুক্তি অনুযায়ী এই জলপথে সকল জাতির বাণিজ্য জাহাজ যাত্রায়াতের অধিকার স্বীকার করতে সম্মত হলেন, যতক্ষণ সাম্রাজ্য-স্বার্থের জন্য সামরিক প্রতিরক্ষার অধিকার তার থাকে অক্ষুণ্ণ।

আন্তর্জাতিক চুক্তির প্রয়োজন ছিল বিশেষ। রুরোপের অন্যান্য শক্তি-গুদিলও সূয়েজ জলপথ সম্বন্ধে বিশেষ সচেতন হয়ে উঠেছিল। রাশিয়া, জার্মানী, প্রুশিয়া, তুর্কী, ফ্রান্স, স্পেন, ইতালী—সবারই নজর সূয়েজ উত্তীর্ণ হয়ে প্রাচ্যের দিকে। ছ-বছর আলাপ আলোচনার পর তৈরি হয় ১৮৮৮ সালের কনষ্টান্টিনোপল্ কনভেনশন, অক্টোবরের ২৯ তারিখে, তুর্কীর এই শহরে। তাতে স্বাক্ষর করেন আটটি রুরোপীয় দেশের ও তুর্কীর প্রতিনিধিরা।

হালে সূয়েজ জলপথ সমস্যায় বারংবার এই কনভেনশনের কথা আমরা শুনতে পেরেছি।

অথচ আশ্চর্যের কথা হচ্ছে এই যে ইংরেজ সরকার এই কনভেনশন কোনো-দিনই আইনত স্বীকার করেন নি। ১৯০৪ সালের আগে ইংরেজ সরকার কানুনমাফিক এই কনভেনশন গ্রহণই করেন নি। আর, গ্রহণ করলেও, ইংরেজ বিশেষ লজ্জা আরোপ করে।

কনভেনশনের প্রথম দুইটি সূত্র ইংরেজ দ্বারা রাজী হয় না। এই সূত্র দুটিতে বলা হয়েছিল :

সুয়েজ জলপথ চিরদিন থাকবে স্বাধীন ও উন্মুক্ত; যুদ্ধ বা শান্তিতে সমস্ত দেশের বাণিজ্য-তরণী এই জলপথ ব্যবহার করতে পারবে।

আমরা একমত যে, কি যুদ্ধে কি শান্তিতে, জলপথের এই স্বাধীন ব্যবহারে আমরা কোনো বাধা দেব না। জলপথকে কেউ কোনোদিন অবরোধ করতে পারবে না।.....

এই জলপথের নিরাপত্তা আমরা কেউ কোনো অবস্থাতেই লঙ্ঘন করব না। এর নির্মাণ বা উন্নয়ন কার্কেও বাধা দেব না।

এই আসল সূত্রগুলিই ইংরেজ সরকার কোনোদিন পরিষ্কার করে মেনে নেন নি। অথচ, প্রথম মহাযুদ্ধের শেষে, ১৮৮৮ সালের কনভেনশনে তুর্কীকে যে বিশেষ (অবশ্য নামেই) অধিকার দেওয়া হয়; শান্তি চুক্তির কল্যাণে সে অধিকার ইংরেজ স্বহস্তে নিয়ে নিল।

এমনি করে ১৯১৮ সালে বৃটেন মিশর ও সুয়েজ জলপথের প্রকৃত পূর্ণ অধিকার প্রাপ্ত হয়ে সমস্ত মধ্যপ্রাচ্যে, ফরাসী শক্তির গোণ সাহায্য নিয়ে, নিজের সাম্রাজ্য ও বাণিজ্য স্বার্থের অনুকূল এক রাজনৈতিক ব্যবস্থার সৃষ্টি করতে সক্ষম হয়।

“সুয়েজ খাল মিশরের; কিন্তু সমস্ত মনুষ্যজাতিরও”—হিউ জে শনফিল্ড
 “সুয়েজ জলপথকে জাতীয়করণ মিশরের ইতিহাসে এক বিরাট ঘটনা। তিন হাজার বছরের ইতিহাসে এই প্রথম মিশর সমস্ত দুনিয়ার কাছে দৃশ্য সাহসে স্বাধিকার ঘোষণা করতে পেরেছে।”—ডন প্যাসোস

১১

ফার্দিনান্দ দ' লাসেপ্‌স্ সুয়েজ খাল কাটবার জন্য অনুমতি চেয়ে ছিলেন মিশরের ভাইসরয় মহম্মদ সৌদের কাছে। মিশর তখন তুর্কীর অধীন হলেও কার্যত তুর্কীর ক্ষমতা স্তিমিত। এককালের প্রচণ্ড অগ্নিশিখা নির্বাণিতপ্রায়। মিশরও দুর্বল, স্বাধীনতার জর্জরিত। মিশরের কাছে অনুরোধ দাবী পূর্ণ হবার আশা বেশি। তাছাড়া, মিশরে এবং সমস্ত লেভান্টে ফরাসী প্রতিপত্তি সুপ্রতিষ্ঠিত। ইংরেজ তখনো এ-বিষয়ে সজাগ হয় নি। সতরাং মিশরের সার্বভৌম অধিকার স্বীকার করার মধ্যে একটা কূটনৈতিক চাল ছিল। প্রথমত, তুর্কীকে এ-অধিকার থেকে দূরে রাখা; দ্বিতীয়ত, ফ্রান্স যে মিশরে সাম্রাজ্য-প্রার্থী বৃটেনকে এমন কিছু ভাববার সুযোগ না দেওয়া; তৃতীয়ত, মিশর ও অন্যান্য আরব দেশগুলিকে বৃষ্টিয়ে দেওয়া যে ফ্রান্স চাল বাণিজ্য, আর কিছু নয়।

১৮৫৪ সালের ৩০শে নভেম্বর মহম্মদ সৌদ পাশা লাসেপ্‌স্‌কে সুয়েজ জলপথ নির্মাণের জন্য সর্বজনীন কোম্পানী গঠনের সনদ দেন। তাতে মিশরের সার্বভৌম অধিকার পরিষ্কার ভাবে স্বীকৃত হয়। সুয়েজ কানাল কোম্পানীকে রেজিস্টার করা হয় মিশরী আইন অনুসারে একটি মিশরী কোম্পানী হিসাবে। নিরানব্বই বছরের এই সনদে ঘোষিত হয় যে, কোম্পানীর

প্রধান কর্মকর্তাকে নিয়োগ করবে মিশরের সরকার। “সনদের মেয়াদ শেষ হলে, কোম্পানীর ব্যবসায়ী অধিকার ফিরে আসবে মিশরের আয়ত্রে; দুই সাগরের এই খাল, তার সমস্ত সম্পত্তি ও নির্মিত বাড়ি-ঘর ইত্যাদি ফিরে আসবে মিশরের অধিকারে। এজন্য যে ক্ষতিপূরণ দেওয়া হবে তার মান নির্ধারিত হবে হয় বন্দুতপূর্ণ আলাপ-আলোচনায়, নয়তো সালিশীতে।”

১৮৮৮ সালের কনভেনশনে তুর্কীর নামমাত্র অধিকার স্বীকৃত হলেও কনভেনশনকে কার্যে পরিণত করবার দায়িত্ব দেওয়া হয় মিশরকে।

১৯২৫ সালে সুরেজ কোম্পানীর তরফ থেকে সনদের মেয়াদ আরো চা্লিশ বছর বাড়িয়ে দেবার দাবী তোলা হতেই মিশরের সরকার তা দৃঢ়ভাবে প্রত্যাখ্যান করেন। ১৯৩৬ সালের ইঙ্গ-মিশর চুক্তিতে সুরেজ খালকে মিশরের একটি “অবিচ্ছেদ্য অংশ” বলে স্বীকার করা হয়। ১৯৫৪ সালের নতুন চুক্তিতেও এই স্বীকৃতি অপরিবর্তিত থাকে। তার আগেই নাসের স্বরাষ্ট্র দপ্তরে একটি নতুন বিভাগ সৃষ্টি করেন সুরেজ খালের সনদ শেষ হবার পরে জাতীয়করণের আয়োজন করতে। ১৯৫৮ সালে মিশরের সুরেজ জলপথ স্বাধিকারে আনবার সংকল্প নিয়ে কেউ কখনও আপত্তি করে নি।

সুরেজ পৃথিবীর সব প্রধান আন্তর্জাতিক জলপথ।

১৮৮৮-এর কনভেনশনে সকল জাতির জাহাজ বিনা বাধায় এই জলপথে যাতায়াতের অধিকার স্বীকৃত হলেও বৃটেন কার্যত তাকে মেনে চলে নি।

প্রথম মহাযুদ্ধ শব্দ হবার কয়েকদিন পরেই, ১৯১৪ সালের ৫ই আগস্ট, বৃটিশ সরকার সুরেজ থেকে সব জাহাজ সবিয়ে দেন। দ্বিতীয় মহাযুদ্ধের দ্বারতম দুর্দিনে চার্চিল নির্দেশ দেন যে পরাজিত হলে বৃটেন সুরেজ জলপথ ধ্বংস করে দেবে। ১৯৪২ সালে জার্মান সেনাপতি বোমেল মধ্যপ্রাচ্যে মিত্রশক্তিকে বিপর্যস্ত করে তোলেন। ঐ বছরের ৩০শে জুন প্রেসিডেন্ট রুজভেল্ট নির্দেশ দেন যে, নীল নদের উপত্যকা যদি বিপন্ন হয়, “সুরেজ জলপথকে পূর্ণ অবরোধ করা হবে।”

হিউ শর্নাফল্ড তাঁর সুরেজ বিষয়ক প্রামাণ্য পুস্তকে বলেছেন, “দ্বিতীয় মহাযুদ্ধে প্রধান দেশগুলির সুরেজ নীতি বেশ পরিষ্কার হয়ে ওঠে। প্রয়োজনের মুহূর্তে প্রভুত্বের জন্য লড়াই-এর কাছে আর সব কিছই গোণ হয়ে যায়। যুদ্ধ যতদিন চলল, ততদিন ১৮৮৮ সালের কনভেনশন ছিল এক টুকরো বাজে কাগজের মতোই মূল্যহীন।”

নাসের সুরেজ জলপথ জাতীয়করণে বাধ্য হন আমেরিকার আসওয়ান বাঁধ পরিকল্পনার জন্য বিজ্ঞপিত সাহায্য প্রত্যাহারে। রাজনৈতিক দিক ছেড়ে দিলেও, আর্থিক দিক থেকে এ-ছাড়া অন্য উপায় ছিল না। মিশরের এমন কোনো শক্তি নেই যে আসওয়ান বাঁধের প্রয়োজনীয় অর্থ টাক্স বাড়িয়ে সংগ্রহ করে। সোবিয়েত রাশিয়া বা আমেরিকা উভয়েরই সাহায্য ছাড়া এই বিরাট বিপ্লবী পরিকল্পনা কাজে পরিণত করতে হলে সুরেজ খালের উপার্জিত অর্থে হাত না দিয়ে কোনো উপায় নেই। প্রত্যেক বৎসর এ-খাল থেকে আর হয় সাড়ে তিন কোটি পাউন্ড—প্রায় দশ কোটি ডলার অথবা ৫২ কোটি টাকা। এই বিরাট অঙ্কের সামান্যই মিশরের হাতে পৌঁছত। নাসের বিরোনী থেকে কাইরোতে ফিরে এসে দেখলেন সুরেজ-উপার্জিত অর্থ না পেলে আসওয়ান

পরিকল্পনা বন্ধ হয়ে যায়, আর নয়তো বিদেশী সাহায্যের বিনিময়ে খর্ব করতে হয় মিশরের স্বাধীনতা।

মনস্বির করতে নাসেরের বিশেষ সময় লাগল না। বিপ্লবী কার্ডিন্সলে এই সম্ভাবনা আগেই আলোচিত হয়েছিল। এবং ঠিক হয়েছিল যদি বিদেশী সাহায্য না পাওয়া যায় তাহলে সুয়েজ খালের মনোফার ব্যবহার করা হবে বিপ্লবকে সার্থক ও সফল করার জন্য।

১৯৫৬ সালের ২৬শে জুলাই। সুপ্রাচীন আলেকজান্দ্রিয়া শহরে বিরাত জনসন্মাবেশ। আসওয়ান বাঁধ নির্মাণে আমেরিকা সাহায্য প্রত্যাখ্যান করতে মিশরী জাতি, ব্যথিত, ক্রুদ্ধ ও উদ্ভিষ্ট। হাজার হাজার মিশরবাসী এসেছে নাসেরের কাছ থেকে শুনতে নতুন এক আশার বাণী।

দীর্ঘ তিনঘণ্টা বক্তৃত্তর নাসের মিশরের অতীত ইতিহাসের শিক্ষা, সাম্রাজ্যবাদের বিরুদ্ধে তার সুদীর্ঘ সংগ্রাম, বিপ্লবের উদ্দেশ্য ও আদর্শ ব্যাখ্যা করলেন। জ্বালাময়ী, উদ্দীপনাময়ী তাঁর ভাষা সমবেত জনতার মধ্যে গভীর আলোড়নের সৃষ্টি করল। ভাষণের উপসংহারে নাসের ঘোষণা করলেন মিশর সুয়েজ খালের কর্তৃত্ব গ্রহণ করেছে। সুয়েজ কানাল কোম্পানীকে তাঁর আক্ৰমণ করে তিনি বললেন, দীর্ঘকাল এই বিদেশী স্বার্থ-গোষ্ঠী মিশরের আভ্যন্তরীণ জীবনে হস্তক্ষেপ করে এসেছে; মিশরের মধ্যে একটি স্বতন্ত্র ‘রাষ্ট্র’ গড়ে তুলেছে (“a state within a state”)। আজ “সমগ্র জাতির নামে” মিশ্রবের বিপ্লবী সরকার এই কোম্পানীকে জাতীয়করণের সংকল্প করেছে। নাসের বললেন,—

“সুয়েজখাল কাটতে গিয়ে যে এক লক্ষ বিশ হাজার মিশরী শ্রমিক প্রাণ দিযেছিল তাদের পবিত্র অস্থির উপর আমরা আজ আসওয়ান বাঁধ নির্মাণ করব। মিশরকে শিল্পপ্রধান করে আমরা যুরোপের সঙ্গে প্রতিযোগিতা করব। সুয়েজ খালের উপার্জিত অর্থ পেলে বৃটেন ও আমেরিকাকে সাত লক্ষ ডলারের জন্যে আমাদের আর অনুরোধ করতে হবে না।...এ-অর্থ আমাদের! সুয়েজ খাল মিশরের। মিশরবাসীরাই নির্মাণ করেছে এই খাল, আর নির্মাণ করতে গিয়ে সোয়া-লক্ষ মিশরী প্রাণ দিয়েছে। প্রত্যেক বছর সুয়েজ কানাল কোম্পানী আমাদের কাছ থেকে দশ কোটি ডলার নিয়ে নিচ্ছে। সে-অর্থ আজ আমরা আসওয়ান বাঁধের জন্য ব্যয় করব। আমরা নির্ভর করব আমাদের শক্তি ও আমাদের সম্পদের উপর।”

বিরাত জনসমুদ্রের পানে তাকিয়ে নাসের গলা উঁচিয়ে বললেন, “সুয়েজ এখন থেকে চালাবে মিশরবাসী! মিশরবাসী! মিশরবাসী!”

বিরাত জনতা উদ্ভিষ্ট আনন্দে ভেঙ্গে পড়ল।

ভাঙংগতিতে নাসের কাজে হাত দিলেন। তাঁর যুগান্তকারী ঘোষণা সমস্ত পৃথিবীতে এক বিশেষ চাঞ্চল্যের সৃষ্টি করল। পশ্চিম দেশগুলিতে, বিশেষ করে, ইংলন্ড ও ফ্রান্সে সাম্রাজ্য-চেতনা উঠল ক্রুদ্ধ হয়ে। যুদ্ধের প্রস্তুতি শুরুর হয়ে গেল রাতারাতি।

এদিকে নাসের নিজের সই করা এক ঘোষণাপত্রে সুয়েজ খালকে মিশরের কর্তৃত্ব নিয়ে নিলেন। প্যারিস ফাটকা-বাক্সের চলতি হারে পুরাতন কোম্পানীর অংশীদারদের ক্ষতিপূরণ দেওয়া হবে জানিয়ে দিয়ে এই ঘোষণা-

পথ সূয়েজ কোম্পানীর স্বাধীনতা ও অস্বাধীনতা সম্পত্তি মিশরের কবজার নিয়ে এল। সঙ্গে সঙ্গে সূয়েজ জলপথকে সুচারুরূপে চালনা করবার জন্য, আধুনিকতম উন্নীত বিধানের জন্য একটি সার্বভৌম সংস্থা গঠিত হল।

৩১শে জুলাই নাসের কাইরোতে, অবস্থিত সম্মেলন দূতাবাসে একটি বিজ্ঞপ্তি পাঠিয়ে ঘোষণা করলেন :

“২৬শে জুলাই সূয়েজ কানালা কোম্পানী মিশরের অধীনে চলে এসেছে। কিন্তু মিশর সরকারের এই স্বাধিকারচর্চা কোনো কোনো দেশে, বিশেষ করে বৃটেন ও ফ্রান্সে, কিছু কিছু বিরোধিতার সৃষ্টি করেছে। এ-বিরোধিতার কোনো সঙ্গত কারণ নেই। সূয়েজ কানালা কোম্পানী প্রথম থেকেই একটি মিশরী কোম্পানী হিসাবে কাজ করে এসেছে; অন্যান্য মিশরী কোম্পানীর মতো জাতীয়করণেও কোনো বাধা নেই। জাতীয়করণের জন্য মিশরের আন্তর্জাতিক দায়িত্ব কোনোমতেই ব্যাহত হবে না।

“আমরা আমাদের আন্তর্জাতিক দায়িত্ব সূচনুভাবে পালন করব। ১৮৮৮ সালের কনভেনশন এবং ১৯৫৪ সালের ইঙ্গ-মিশর চুক্তিতে আমরা বে-সব আশ্বাস দিয়েছি তার প্রতিটি অক্ষর আমরা পালন করব। সূয়েজ জলপথ ব্যবহারের স্বাধীনতা সব দেশেরই থাকবে; তাকে কোনোমতে খর্ব করা হবে না। এই স্বাধীনতায় মিশরের যতটা স্বার্থ, ততটা আর কারুর নয়।

“সূয়েজ খালে আগামী দু-চার বছরে জাহাজ যাতায়াতের বর্ধমান তৎপব-তাই আমাদের সিদ্ধান্তের হবে প্রধান সমর্থক। মিশর তার কার্যের যথার্থ সম্বন্ধে নিঃশংসর। কোনোমতেই সে তার নির্ধারিত পথ থেকে বিচ্যুত হবে না। নিজের ও মানবজাতির মঙ্গলের জন্য দুঢ়াচিন্তে সে কাজ করে যাবে।”

২৬শে জুলাই বে নাটকেব পট-উন্মোচন হল তব যবানকা নামল ১৯৫৭ সালের ৮ই মার্চ। এর মধ্যে নানা অঙ্কে দেখা গেল লন্ডনে উদ্ভোজিত আন্তর্জাতিক বৈঠক, বৃটিশ পার্লামেন্টে বাবংবার জুমুল বিতর্ক, অস্ট্রেলিয়ার প্রধানমন্ত্রী মিঃ মোঞ্জিসের নেতৃত্বে নাসেরকে হুমকি দিয়ে অবনিমিত কববান ব্যর্থ প্রয়াস; পুনরায় লন্ডন বৈঠক; ভারত-প্রতিনিধি কৃষ্ণ মেনন কর্তৃক মিশরের অধিকারের দুঢ় সমর্থন ও তাঁর ব্যর্থ আপস চেষ্টা, জাতিপুঞ্জের কাউন্সিলে বাকবিতণ্ডা এবং পবে ছয়টি মূল-নীতি সমেত গৃহীত আপস প্রস্তাব; আপসের পথে না গিয়ে অক্টোবরের শেষদিনে ইস্তরেল-ফ্রান্স ও বৃটেনের সমবেত আক্রমণ মিশরের উপর, কাইরোতে বৃটিশ বিমানের হানা; সেনাই অঞ্চল ইস্তরেইলের সামরিক প্রবেশ; বৃটিশ ও ফরাসী বাহিনীর অবতরণ ও পোর্ট সৈয়দ অধিকার; নিউ দিল্লীতে ভারত, সিংহল, বর্মণ ও ইন্দোনেশিয়ার প্রধান মন্ত্রীদের সম্মিলিত আবেদন; জাতিপুঞ্জে বারংবার ইংলন্ড ও ফ্রান্সের পরাজয়; আমেরিকার মধ্যপ্রাচ্যনীতিতে গভীর পরিবর্তন, বৃটেন ও ফ্রান্সের প্রতি রাশিয়ার সামরিক হস্তক্ষেপের হুমকি; সমগ্র মধ্যপ্রাচ্যে গভীরতম বিক্ষোভ; সিরিয়ায়, ইরাকে, লেবাননে, এমনিতে ইরানেও মিশরের সমর্থনে জনমতের অভূতপূর্ব দাবী; ইংলন্ডের রাজনীতি থেকে প্রধান মন্ত্রী এ্যান্টনী ইডেনের অপসরণ; আক্রমণকারী সৈন্যদের প্রস্থান, জাতিপুঞ্জবাহিনী কর্তৃক আক্রান্ত অঞ্চল পুনরুদ্ধার এবং মিশর ও তার নেতা গামাল অল নাসেরের সম্মান ও স্বাধিকারের পূর্ণ প্রতিষ্ঠা।

একদিন উপস্থিত কালের নৈকট্য থেকে দূরে, যখন এই ছ মাসের বিস্তৃত ইতিহাস রচিত হবে তখন দেখা যাবে যে বিংশ শতকের শ্বিত্ত্বীয়ার্ধ্বে ও তথা-কথিত সভ্যজাতির বড়বন্দ ও হীনতার কতখানি গভীর অন্ধকারে নেমে যেতে পেরেছিল। আরো দেখা যাবে বৃহৎ শক্তি স্বারাও পুরাতন সামরিক আক্রমণের পথ ছোট ছোট স্বল্প-শক্তি জাতিদের বোধ প্রতিরোধের নিকট কীভাবে অবরুদ্ধ হতে বাধ্য হয়েছিল।

১৯৫৭ সালের ৮ই মার্চ। ইজরেইল ও মিশরের অন্তর্বর্তী ছোট্ট এক টুকরো ভূমি; যার নাম গাজা। ১৯৪৮ সালের প্যালেস্টাইন যুদ্ধের পর থেকে এই ছোট্ট ভূখণ্ড মিশরের অধীন; হাজার হাজার আরব, যারা ইজরেইল ত্যাগ করতে বাধ্য হয়েছে, এখানে নরিত-জীবন যাপন করে।

সেদিন বৃষ্টি নেমেছে। পাগলা হাওয়ার উড়ছে মরুবাণি। বৃষ্টির শেষে নেমে এসেছে শীতল রাত্রির গাঢ় অন্ধকার। এক পা এক পা করে এগিয়ে যাচ্ছে অন্ধকার ভেদ করে জাতিপুঞ্জের শান্তিবাহিনী। অদূরে কামান দাগিয়ে দাগিয়ে ইজরেইলে ফিরে যাচ্ছে ইহুদী সৈন্য।

প্রভাতের আগেই মিশরের ক্ষতিবিক্ষত অঙ্গ থেকে আক্রমণকারী শেষ সৈন্য অপসারণ করল। প্রত্যেক মিশরবাসী প্রভাতের প্রথম নমাজে আল্লার কাছে প্রার্থনা জানাল : 'হে প্রভু, এরা যেন আর কোনোদিন আমাদের পবিত্র মাতৃ-ভূমিতে হামলা করতে না আসে।'

এপ্রিল মাসে সুয়েজ জলপথ খুলল। বন্দরে বন্দরে উড়ছে মিশরের গর্বিত পতাকা। একে একে জাহাজ পার হতে লগল এই একশ-ছ মাইল দীর্ঘ পৃথিবীর বিশ্বাত্তম জলপথে। ধীরে ধীরে বৃটেন, আমেরিকা এবং ফ্রান্সও পাঠাতে শুরু করল তাদের বাণিজ্যপোত।

ষট্টিশ নেমি এল সুদীর্ঘ এক ঘটনাবহুল নাটকের উপর। ১৮৭৫ সালের ১৭ই নভেম্বর হয়েছিল তার আরম্ভ।

বৃটেনের প্রধানমন্ত্রী ডিজরেইলী তাঁর আপিস-ঘরে বসে নিজের হাতে একখানা অতি গোপনীয় পত্র লিখছেন রানী ভিক্টোরিয়াকে। পত্রখানা ফার্দিনান্দ দ'লাসেপুস্ নির্মিত ছ বছরের পুরানো সুয়েজ খাল সম্পর্কে। পামাবস্টোনের বিরাট ভুল ডিজরেইলী সংশোধন করতে চান। সুয়েজ জল-পথ পৃথিবীর রাজনৈতিক ও বাণিজ্যিক চেহারা বদলে দিয়েছে। অথচ বৃটেনের এতে কোনো অংশ নেই! প্রাচ্যে তার বিরাট সাম্রাজ্যের স্বারপথ ফরাসীরা দখল করে নিয়েছে। ডিজরেইলী গোপনে গোপনে সব ব্যবস্থা ঠিক করে এনেছেন। ইংরেজ ও ফরাসী উপদেষ্টাদের কল্যাণে মিশরের খেদীব দেউলিয়া।... ভেবে-চিন্তে ডিজরেইলী তাঁর সম্রাজ্ঞীকে লিখলেন :

"দেউলিয়ার প্রান্তে এসে খেদীব তাঁর সুয়েজ খাল কোম্পানীর অংশগুলি বিক্রী করতে চান।.....এ মাসের ৩০শে তারিখের মধ্যেই তাঁর চক্ৰিশ লক্ষ পাউন্ড চাই। নিঃস্বাস ফেলবারও সময় নেই। অথচ এ-কাজ করতেই হবে।"

ভিক্টোরিয়া সম্মত হলেন। পার্লামেন্টকে এড়িয়ে গিয়ে ডিজরেইলী রথচাইল্ডদের কাছ থেকে চক্ৰিশ লক্ষ পাউন্ড ধার করে রাতারাতি মিশরের নিকট থেকে সুয়েজ কানাল কোম্পানীর শতকরা চুরাশিটি শেয়ার কিনে ফেললেন। এত গোপনে ব্যাপারটা চুকে গেল যে, ফরাসী কর্তৃপক্ষেরা জানতেও

পাশের নী। সদুয়েজ খালের উপর কর্তৃক স্থাপন করে বৃটেন সমগ্র মধ্যপ্রাচ্যের উপর প্রভুত্ব বিস্তার করতে সক্ষম হল। স্থায়ী মহাসমুদ্রের আগে বৃটেনের সমস্ত মধ্যপ্রাচ্যবাসী সামরিক ব্যবস্থার কেন্দ্রস্থল হয়ে উঠল সদুয়েজ। একশো কোটি ডলার ব্যয় করে সদুয়েজে বৃটেন নির্মাণ করল বিরাট এক সামরিক ঘাঁটি; আশি হাজার ইংরেজ সৈন্য এই ঘাঁটি রক্ষা করার নামে মিশর এবং সমগ্র মধ্য-প্রাচ্যে ইংরাজ-প্রভুত্ব কয়েমী করে রাখল।

এই বিরাট নাটকের সমাপ্তিবক্তের পুরোহিত হলেন নাসের। মিশরের বহু-প্রাচীন ইতিহাসে এ-গৌরব আর কেউ অর্জন করতে পারেন নি। বিদেশী প্রভুত্ব থেকে মিশরকে মুক্ত করার গৌরবই নাসেরকে চিরস্মরণীয় করে রাখবে।

১২

“মিশরের ভাগ্যবিধাতাই তাকে পৃথিবীর সংযোগস্থল করে সৃষ্টি করেছে”

—নাসের

“ইংরেজ, তার প্রিয় ভারত সাম্রাজ্যের দিকে এগিয়ে যেতে, নীল নদের তীরে দৃঢ়ভাবে তার পদচিহ্ন রেখে যাবে”—কিংলেক

মিশরের ভৌগোলিক অবস্থিতি তাকে চিরদিন দুনিয়াদারীর মধ্যে টেনে এনেছে। পৃথিবীর কোলাহলের বাইরে, অন্যান্য দেশের রীতিনীতি থেকে তফাতে কোনোদিন সে থাকতে পারে নি। বাইরের প্রভাব এড়িয়ে চলা চিরদিন মিশরের পক্ষে অসম্ভব হয়ে এসেছে। ইতিহাসের গোড়া থেকে বার বার বহিঃশক্তির প্রভুত্ব বা প্রভাব মিশরের জীবনধারাকে নানাভাবে আলোড়িত করেছে! দক্ষিণ আমেরিকাকে মনরো নীতি যেমন বাইরের পৃথিবীর প্রভাব থেকে বহুদিন বাঁচিয়ে রেখেছিল মিশরের সে-রকম কোনো নীতি কোনোদিন চালু হতে পারে নি। চীনের মতো রুরোপ থেকে ভৌগোলিক দূরত্ব হতেও মিশর বঞ্চিত।

তুর্কী যেমন বহুদিন রুরোপীয় শক্তিগুলির এককে অন্যের বিরুদ্ধে ক্ষেপিয়ে তুলে নিজের স্বাধীনতা রক্ষা করতে পেরেছিল, মিশর তাও পারে নি, কেননা, তাকে নিয়ে বিশেষ কোনো আন্তর্জাতিক সংঘর্ষ বর্তমান যুগের আগে জোট পাকিয়ে ওঠে নি। ১৮৭০ সাল পর্যন্ত তুর্কী ও ফ্রান্সের প্রভাব মোটা-মুটি অক্ষর থেকে গেছে; তারপর ব্রিটিশ প্রভাব পেয়েছে উত্তরোত্তর বৃদ্ধি, বস্তুতপক্ষে বিনা বাধায়। সবার উপরে সদুয়েজ জলপথ মিশরকে পৃথিবীর শক্তি-সংগ্রামের উন্মুক্ত প্রাঙ্গণে নিয়ে এসেছে। কিংলেকের যে বচনটির তর্জমা এই পরিচ্ছেদের শীর্ষে উদ্ধৃত হয়েছে, তাতেই দেখা যায়, প্রাচ্য সাম্রাজ্য রক্ষার জন্য ইংরেজের পক্ষে মিশরের উপর আধিপত্য অপরিহার্য হয়ে উঠেছিল। আজও মধ্যপ্রাচ্যের বিপুল তৈলসম্পদ এবং যে-কোনো যুদ্ধে তিনটি মহাদেশের সংযোগস্থল এই দুর্বল ও বহুবিভক্ত অঞ্চলের বিশেষ গুরুত্ব মিশরকে টেনে এনেছে দুনিয়াবাসী ‘শীতল যুদ্ধের’ একেবারে মধ্যস্থলে।

নাসেরের অন্যতম প্রধান সাফল্য এই যে, তিনিই সর্বপ্রথম মিশরকে

জাতীয় সম্মান ও আন্তর্জাতিক একটি বিশিষ্ট ব্যক্তিত্ব দিতে পেরেছেন। তার আগে মিশরের পররাষ্ট্রনীতি আন্তর্জাতিক দোর্বল্য এবং ভেদাভেদের জন্য কোনোদিনই দৃঢ়ভাবে গড়ে উঠতে পারে নি। মোটামুটি আরব জাতিগুলির সংহতি ও স্বার্থ এবং সাধারণভাবে সাম্রাজ্যবাদের বিরুদ্ধে সংগ্রামশীল মানবের প্রতি আন্তরিক সহানুভূতি এরই মধ্যে ১৯২২ সাল থেকে 'স্বাধীন' মিশরের ভীরা, আত্মবিশ্বাসহীন পররাষ্ট্রনীতি দুর্বল অস্তিত্ব রক্ষা করে এসেছে।

নাসের মিশরকে দিয়েছেন একটা বলিষ্ঠ আন্তর্জাতিক দৃষ্টি। তার ভিত্তি মিশরের জাতীয় ঐক্য, আত্মবিশ্বাস এবং উন্নততর জীবনমান নির্মাণে দৃঢ়সংকল্প।

বিস্ফোরকের অব্যবহিত পরেই নাসের তার বৈদেশিক নীতির বাস্তব রূপ দিতে শুরু করেন।

এডমান্ড বার্ক বহুদিন আগে বলেছিলেন, যে-জাতি পরিবর্তনের বীজ বহন করে না, সে মৃত। তেমনি যে-নেতা সময়ের পরিবর্তনের সঙ্গে সঙ্গে শিথিল ও ভুল সংশোধন করতে রাজী নন তিনিও কালান্তরে পশ্চাৎগতি হতে বাধ্য। নাসেরের বিশ্বদৃষ্টি গত সাত বছরে বহুলাংশে পরিবর্তিত ও পরিবর্ধিত হয়েছে। তার বিস্ফোরক-দর্শনে একটা পান-ঐসলামিক মনোভাবের প্রচ্ছন্ন ইঙ্গিত আছে। মিশরের এবং পৃথিবীর অন্য ঘটনাপ্রবাহের সঙ্গে সঙ্গে এই ধর্মীয় দৃষ্টিভঙ্গীর অনেকখানি পরিবর্তন হয়েছে দেখতে পাওয়া যায়।

বিস্ফোরক-দর্শনে নাসের বলেছেন, “মিশরের ভাগ্যবিধাতাই তাকে পৃথিবীর সংযোগস্থল করে তৈরি করেছেন। কতবার আমরা আক্রমণকারীর বিজয়-যাত্রার রাজপথরূপে ব্যবহৃত হয়েছি। কতবার আমরা হয়েছি বিজয়ীর গলার মালা, তার বীরত্বের পুরস্কার।” ফারোয়া-যুগ থেকে যুরোপীয় আধিপত্য পর্যন্ত বিস্তীর্ণ ইতিহাসের উপর চোখ বুলিয়ে নাসের দেখতে পেয়েছেন যার বার অসহায় ও দুর্বল মিশরের উপর বিদেশী অত্যাচারীর হামলা, তার সম্পদ লুণ্ঠিত। মিশরবাসীর জীবন দারিদ্র্য ও দাসত্বে দরিদ্রবহ। সেই সুপ্রাচীন অতীতে এসেছিল গ্রীক বিজয়ীরা, তারপর রোমানরা, তারপর ইসলামের পতাকা বহন করে আরবরা। মধ্যযুগে যুরোপের নবজাগৃত শক্তিগুলো পাঠাতে লাগল ‘ক্রুজেড’—“আমাদের দেশবাসীরাই ক্রুজেডের সমস্ত অত্যাচার বহন করল, পেল আরো দারিদ্র্য, হয়ে গেল সর্বস্ব হারা নিস্তেজ”। তবু তারা নিস্তার পেল না। তারপরেও তাদের উপর এসে ক্রীপিয়ে পড়ল মঙ্গোলীয়ানরা, ককেশীয়ানরা, ম্যামেলুকরা।

“যখন আমি মিশরের ইতিহাস পড়ি, মাঝে মাঝে আমার অন্তর ঐ-সব দিনের কথা স্মরণ করে তাঁর বাথায় ভরে ওঠে। অত্যাচারী সামন্ততন্ত্র বার বার আমাদের পদানত করেছে। আমাদের শিরা-উপশিরা থেকে রক্ত চুষে খাওয়া ছাড়া আমাদের জন্য তারা কিছুই করে নি। শুধু কি তাই? তারা আমাদের সমস্ত শক্তি আর সবটুকু সম্মান নিয়ে নিয়েছে। এতদিনের অত্যাচার আমাদের মনে এমন একটা নীচু-ভাবের সৃষ্টি করেছে যা অপনোদন করতে অনেক সময় লাগবে।”

নাসেরের আত্মবিশ্বাস সাম্রাজ্যবাদ-বিরোধিতার মূল এখানে। মিশরের

ইতিহাস পড়লে বিদেশী প্রভুত্বের প্রতি ঘোঁরা বিশেষ ও বিরোধ এড়ানো অসম্ভব। হাজার হাজার বছর একটি জাতিকে বিদেশীরা শাসিত্তে, বিনা অত্যাচারে, বিনা শাসনে বেঁচে থাকবার ও গড়ে ওঠবার অধিকার দিতে অস্বীকার করেছে। স্বভাবতই আজ নে বিদেশী প্রভুত্বের কোনো চেহারাই বরদাস্ত করতে রাজী নয়।

ইংরেজদের কথাই ধরা যাক। জন কীমচে তাঁর একখানা পুস্তকে বলেছেন, “১৯১১ সালেই একজন ইংরেজ গ্রন্থকার মিশরের নিকট বৃটেনের রাজনৈতিক প্রতিশ্রুতিগুলির একটা তালিকা নির্মাণ করেছিলেন। তখনই তিনি দেখিয়েছিলেন যে, বৃটেন পঁচাত্তরবার পূর্ণ স্বাধীনতার প্রতিশ্রুতি দিয়ে কোনোটিই রক্ষা করে নি। পরবর্তী বছরগুলিতে আরো ডজন-খানেক অনদ্রূপ প্রতিশ্রুতি দেওয়া হয়েছিল। .. প্রত্যেকবারই মিশরীরা তাদের চেতনার দৃঢ় আঘাত পেয়েছে। তারা ৮৬বার বোকা বনতে রাজী হয়েছিল কিন্তু ৮৭বার নয়।”*

ইংরেজ ৭২ বছর মিশরের উপর আংশিক বা পূর্ণ প্রভুত্ব চালু রেখেছে। তার মধ্যে স্বাধীনতা দানের প্রতিশ্রুতি ভঙ্গ করেছে ৮৬বার!!

পরলোকগত ভাইকাউন্ট নরউইচ (মিঃ ডাফ কুপার) সত্যি বলেছেন, “বৃটেনের রাজনীতির অনেক ব্যর্থতার কারণ তার মন্ত্রীরা যতদিন কোনো একটা সমস্যাকে ধামাচাপা দিয়ে রাখা যায় ততদিন তার সমাধানে মন দেন নি। প্রায়ই আমাদের শেষ পর্যন্ত অসন্তোষজনক, এমন কি অপমানকর, সমাধান মেনে নিতে হয়েছে, কেননা, সময়মতো আমবা সন্তোষজনক সমাধান মানতে রাজী হই নি। আজ অপর পক্ষ খুশী হয়ে কৃতজ্ঞভাবে যা গ্রহণ কবত তা না দেওয়ার ফলে আমাদের অখুশী মনে এবং বড় দেরি কবে তার চেয়ে অনেক বেশি দিতে হয়েছে।”**

৭২ বছরের ইংগ-মিশর সম্পর্কের শেষ দিন পর্যন্ত এই উক্তির যথার্থ্য আমবা দেখতে পেরেছি।

ইংরেজের এই বার বার প্রতিশ্রুতি ভঙ্গের কারণ সূয়েজে অবস্থিত সামরিক ঘাঁটি সম্বন্ধে নতুন দৃষ্টিভঙ্গীর অভাব।

১৯৫৪ সালের চুক্তিতে ইংরেজ সর্বপ্রথম নতুন দৃষ্টিতে মধ্যপ্রাচ্যের সামরিক সমস্যা দেখাবার প্রয়াস পায়। ঊনবিংশ শতাব্দীর দৃষ্টি নিয়ে তৈরী এই সামরিক ঘাঁটি অ্যাটম ও হাইড্রোজেন বোমার যুগে একেবারেই অচল একথাটা মেনে নিতে ইংরেজের অনেক সময় লাগে। এই চুক্তির স্বপক্ষে তৎকালীন প্রধান মন্ত্রী চার্চিল হাউস অব কমন্স-এ যে বক্তৃতা করেন দু বছর পরে সূয়েজ আক্রমণের সময় স্যার অ্যাষ্টন ইডেন তা বোধ হয় একেবারে ভুলে গিয়েছিলেন। চার্চিল বলেছিলেন, “দৃষ্টতা দিয়ে সম্মান বজায় রাখা যায় না। .. আজ আমাদের কল্পনায় যুদ্ধের যে অতি ভয়াবহ চেহারা ভেসে ওঠে, তার কাছে সূয়েজে আমাদের ঘাঁটি ও মিশরে আমাদের অবস্থাকে আমরা অনেক বড় করে দেখতে অভ্যস্ত হয়ে এসেছি। যদি আপনাদের কাছে আমি ভবিষ্যৎ যুদ্ধের প্রথম কয়েকটা দিনের অতি সাধারণ চিত্রণ পেশ করি, তবেই বৃকতে পারবেন এই ঘাঁটি কতটা সেকেলে হয়ে গেছে। আজকের দিনে সবচেয়ে

* Seven Fallen Pillars, by John Kimche, New York, P. 78

** Old Men Forget, by Viscount, Norwich, London, p. 99-100

বেশি দরকার দু'টিই ভারসাম্য বৃদ্ধির জন্যও বটে, অন্যান্য জাতির সঙ্গে সাময়িক সম্পর্ক স্থাপনের জন্যও বটে।”

নাসেরের পররাষ্ট্র নীতির প্রথম মূল কথা মিশরকে যে-কোনো শক্তিশালী বিদেশী জাতির প্রভুত্ব বা প্রভাব থেকে মুক্ত রাখা। যেহেতু সাম্রাজ্যবাদ আন্তর্জাতিক, সাম্রাজ্যবাদ-বিরোধিতাও আন্তর্জাতিক হওয়া চাই। তাই নাসের মিশরকে মিলিয়েছেন অন্যান্য সাম্রাজ্যবাদবিরোধী জাতিগুলির সঙ্গে।

নাসের তাঁর বিশ্লেষণ-দর্শনে মিশরের ভৌগোলিক সত্তার উপর বিশেষ গুরুত্ব আরোপ করেছেন। এই ভৌগোলিক সত্তার প্রথম আঙ্গিক হল আরবগোষ্ঠীর সঙ্গে মিশরের পারিবারিক একত্ব। “আমরা কি না দেখে পারি যে, আমাদের চতুর্দিক ঘিরে আছে এক আরব বৃত্ত, যে বৃত্ত আমাদের অংশ, আমরা যার অংশ, আমাদের উভয়ের ইতিহাস কেমন কঠিনভাবে জড়ানো?” এই আরব-বৃত্তের পরেই মিশরের ভৌগোলিক সম্পর্ক আফ্রিকার সঙ্গে। “আমরা কি উপেক্ষা করতে পারি যে, ভাগের নির্দেশে আমরা আফ্রিকা মহাদেশের অংশ, যে মহাদেশের ভবিষ্যতের জন্য বর্তমানে চলেছে এক তীব্র সংগ্রাম। এ-সংগ্রামের ফলাফলের উপর আমরা চাই কি না চাই, আমাদের ভবিষ্যৎ অনেক-খানি নির্ভর করবে।” আরবগোষ্ঠী ও আফ্রিকার পরে নাসের উল্লেখ করেছেন ইসলাম। “আমরা কি ভুলতে পারি যে, দুনিয়ার এক বিরাট অংশের সঙ্গে ধর্ম ও ইতিহাসের বন্ধনে আমরা আবদ্ধ?”

প্রথমত “আরব বৃত্তের” কথাই নাসের বিস্তারিত ব্যাখ্যা করেছেন। আরব জাতির কথা ভাবতে গেলে তাঁর ইতালিয়ান লেখক লুই পিরান্দেলোর “Six Characters in Search of an Author” নামক নাটকের কথা মনে পড়ে। তিনি দেখতে পান যে, এই আরব-বৃত্তের মধ্যে “লক্ষ্যহীনভাবে ঘুরে বেড়াচ্ছে একটা ভূমিকা যোগ্য কেমনা অভিনেতার অব্যবধে।”* তাঁর এও মনে হয় যে, খুঁজে খুঁজে হয়রান হয়ে এই ভূমিকা এসে ভিড়েছে মিশরেরই সীমান্তের কাছাকাছি। “সে আমাদের ডাকছে তার পথে চলার জন্যে, উপযুক্ত বেশ পরিধান করে তাকে গ্রহণ করার জন্যে।”

নাসেরের এই উক্তি একটা কদর্য ব্যাখ্যা গত বছর যুরোপের কোনো কোনো দেশে, বিশেষ করে ফ্রান্সে, দেওয়া হয়েছিল। হিটলারের আত্মজীবনীসঙ্গে তুলনা করে ফরাসী নেতারা এই উক্তিতে দেখতে পেয়েছিলেন দাঁপিত নাসেরের সমগ্র আরব জাতির ডিক্টেটর হবার উচ্চাভিলাষ। ফরাসী নেতারা এই “হাস্য-কর উচ্চাকাঙ্ক্ষার” জন্য নাসেরকে হিটলারের চেয়েও বিপজ্জনক বলে প্রমাণ করতে চেয়েছেন।

অথচ নাসেরের নিবন্ধটি মনোযোগ দিয়ে পড়লে তিনি সমবেত আরব জাতির নেতৃত্বের স্বপ্নে অনুপ্রাণিত এমন যুক্তি খুঁজে পাওয়া কঠিন। আরবদের একজাতিত্ব প্রথম বিশ্বযুদ্ধের সময় মিত্রশক্তির স্বীকার করে নিয়েছিল। বিস্তীর্ণ আরবভূমিকে একটি ঐক্যবদ্ধ দেশ গঠনের প্রতিশ্রুতি যুদ্ধের পরে তারা রক্ষা করে নি। এই ভূখণ্ডকে টুকরো টুকরো করে কয়েকটি দুর্বল

* “For some reason it seems to me that within the Arab circle there is a role, wandering aimlessly in search of a hero.” Egypt's Liberation, by Nasser, Page 87-88.

এ বিদেশী-প্রভাবিত রাষ্ট্র সৃষ্টি করে গ্রিন বন্ধুরের মধ্যে বিভেদ, কলহ, হিংসা ও বিরোধে আরব-মানসকে তারা কলুষিত করে দিয়েছে।

কিন্তু তথাপি প্রত্যেক আরব দেশেই এমন অনেক মানুষ জীবিত থেকেছেন, নেতাই হোন বা সাধারণ লোকই হোন, যারা আরব-এককের স্বপ্ন দেখেছেন, এই স্বপ্নে অন্যদের অন্তর আলোকিত করতে চেয়েছেন। “আরববৃত্ত” কথাটা নাসেরের মৌলিক আবিষ্কার নয়। কিন্তু সুস্থ ও বলিষ্ঠ নেতৃত্বের অভাবে আরব-মানসে ঐক্যবন্ধ জাতীয়তার স্বপ্ন বাস্তবে কণী রূপে নিতে পারে নি। নাসের শূন্য বলতে চেয়েছেন যে, মিশর যদি সুস্থ ও সবল, নিষ্কলঙ্ক ও আত্ম-নির্ভর, সুবিচার ও জনকল্যাণমূলক একটি রাষ্ট্রে পরিণত হতে পারে, যদি বিদেশী প্রভাব থেকে সম্পূর্ণ মুক্ত হয়ে নিষ্কলুষ স্বাধীনতা নিয়ে দুর্নিযাব মানব সমাজে সে আপনাব আসন প্রতিষ্ঠিত করতে পারে তাহলে আরব-গোষ্ঠীর চলার পথ সে নির্ধারণ করে দিতে পারবে।

তাই নাসের বলেছেন, “আমি যে-ভূমিকার কথা বলেছি তার মানে নেতৃত্ব নয়।.. এই চরিত্রের কাজ হল সমগ্র আরবভূমিতে যে প্রচ্ছন্ন মনীষা আছে, তাকে প্রজ্জ্বলিত করা। তার কাজ হল নতুন এক পরীক্ষামূলক দায়িত্ব হাতে নেওয়া, যার লক্ষ্য হবে এমন একটি বিবট আবব শক্তির সৃষ্টি, যা মানুষের ভবিষ্যৎ গঠনে সক্রিয় অংশ নিতে পারবে।”

আরব-বৃত্তের উপর নাসের সবচেয়ে বেশি জোর দিয়েছেন, কেননা, “তব সঙ্গেই মিশরের ঘনিষ্ঠতম সম্পর্ক। “এই বৃত্তের মানুষ ইতিহাসের গ্রন্থিতে আমাদের সঙ্গে আবদ্ধ। আমরা একই সঙ্গে দুঃখভোগ করছি। একই সংকটের চাপে পড়েছি। আমরা যখন আক্রমণকারীর পায়ের তলায় পড়ে আতর্নাদ করছি, আমাদের সঙ্গে তাবাও আতর্নাদ কবেছে। এই বৃত্তের সঙ্গে ধর্মের বন্ধনেও আমরা আবদ্ধ। এই বৃত্তের মধ্যেই ইসলামিক পাণ্ডিত্যের কেন্দ্র দেশ হতে দেশান্তরে নানা রাজধানীতে ঘুরে বেড়িয়েছে- মক্কা থেকে কুফা, সেখান থেকে ডামাস্কাস, তারপরে বাগদাদ এবং সর্বশেষে কাইরো।”

এই আরব-বৃত্তের শক্তি ও দুর্বলতা উভয় সম্বন্ধেই নাসের পূর্ণ সচেতন। সবচেয়ে বড় দুর্বলতা তার বিভেদ, আভ্যন্তরীণ কলহ, পারিবারিক বিদ্বেষ। এ-দুর্বলতার উৎপত্তি বিদেশী প্রভু বা সাম্রাজ্যবাদ থেকে। সাম্রাজ্যবাদ আবব জাতিগুলিকে বিভক্ত করেছে, ভেদনীতির চতুর প্রয়োগে তাদের পরস্পর-বিরোধী, পরস্পর-অবিশ্বাসী করে তুলেছে। সাম্রাজ্যবাদ নিজের স্বার্থ রক্ষা করার জন্য তাবদারী শ্রেণীর হাতে শাসনভার তুলে দিয়ে নিজের সৈন্য ও অস্ত্রের হুমকিতে এই দেশদ্রোহী, জাতিদ্রোহী স্বার্থকে জাগৃত জনমত থেকে রক্ষা করে আসছে। সাম্রাজ্যবাদের মিত্র ইজরেইলকে জন্ম দিয়ে আরবভূমির এক প্রান্তে তাকে প্রহরীর মতো দাঁড় করিয়ে বেখেছে।

“সাম্রাজ্যবাদ সমস্ত আরবভূমিকে মারাত্মক এক অবরোধে আমাদের অলক্ষ্যে ঘিরে রেখেছে।” এই অবরোধ দূর করতে হলে চাই সম্মিলিত, ঐক্যবন্ধ সংগ্রাম। এই সংগ্রামের আয়োজন সহজাত নয়। নাসেরের ভাষায় “আমাদের এই সমবেত সংগ্রামের জন্য একতা গড়ে তোলার পথে যে অনেক বাধা তা আমি অস্বীকার করছি না।...কিন্তু আমার কোনে সন্দেহ নেই যে, এক সঙ্গে কাজ

করতে পারলে আমাদের সমগ্র আরব জাতির আকাঙ্ক্ষাকে বাস্তবে রূপ দিতে আমরা সক্ষম হব। আমি সবদাই বলব যে আমাদের শক্তি আছে। আমাদের একমাত্র দুর্বলতা আমাদের শক্তি যে কতখানি তা আমরা জানি না।”

কোথায় এই শক্তি?

নাসের বলেছেন, শক্তির সংজ্ঞা ভুল করলে চলেবে না। গলা ফাটিয়ে চিৎকার করার নাম শক্তি নয়। বা-কিছু সহায় সম্বল আছে তা নিয়ে গঠন-মূলক কাজ করার নামই শক্তি। আরব দেশগুলির সহায়-সম্বল আলোচনা করতে গেলে তিনটি বিশেষ শক্তির উৎস তিনি দেখতে পান।

“প্রথম উৎস হচ্ছে আমরা পাশাপাশি কয়েকটি প্রতিবেশী দেশ, নৈতিক ও বৈষয়িক বন্ধনে দৃঢ়ভাবে আবদ্ধ। আমাদের এমন বল ও এমন একটি সভ্যতা আছে যা পৃথিবীকে তিনটি মহান ধর্ম দান করেছে; শান্তিপূর্ণ নিরাপদ পৃথিবী নির্মাণে আমাদের এই দান সামান্য নয়।”*

দ্বিতীয় উৎস বিশ্বের সামরিক ও অর্থনৈতিক ক্ষেত্রে আরবভূমির বিশেষ গুরুত্ব। তিনটি মহাদেশের এই মিলনক্ষেত্র বিশ্ববাণিজ্যের রাজপথ। বিশ্ব-যুদ্ধবাহিনীকে এ-পথ অতিক্রম করতেই হবে জয়ে অথবা পরাজয়ে।

তৃতীয় উৎস হচ্ছে তেল। বর্তমান সভ্যতার কল এই তেলের অভাবে অচল। নাসের বলেছেন: “বড় বড় কলকাবখানা যা নানা রকম জিনিস উৎপাদন করেছে; জল, স্থল ও আকাশচারী যানবাহন; এরোগেন থেকে সবমেরিন পর্যন্ত যাবতীয় যুদ্ধের অস্ত্র; এ-সব কিছুই তেলের অভাবে নশন ধাতুতে পরিণত হবে, মবচে পড়ে মলিন হয়ে যাবে। এক তিল নড়তে পারবে না।”

মধ্যপ্রাচ্যের তেল-সম্পদের উপর অধিক গুরুত্ব দেওয়া নিঃস্পরোজ্ঞ। পশ্চিম য়ুবোপীয় দেশগুলি, এই তেলের উপর সম্পূর্ণ নির্ভরশীল। মধ্য-প্রাচ্য থেকে চব্বিশ লক্ষ সত্তর হাজার ব্যাবেল তেল রোজ রপ্তানি হচ্ছে। তার অর্ধেক যায় পশ্চিম য়ুরোপে। বাকীটা আমেরিকা, প্রাচ্যের অন্যত্র, দক্ষিণ আমেরিকা ও কানাডায়।

সমস্ত পৃথিবীতে প্রত্যেক দিন দেড় কোটি ব্যারেল তেল উৎপন্ন হয়; তার শতকরা ২২ ভাগ আসে মধ্যপ্রাচ্য থেকে। কিন্তু সোবিয়েট-রুকের অন্তর্গত দেশগুলিকে বাদ দিয়ে পৃথিবীতে যে তিন হাজার কোটি ব্যারেল তেল রোজ উৎপন্ন হতে পব্বার মতো বিজার্ড রয়েছে, তার শতকরা ৭৫ ভাগই মধ্যপ্রাচ্যে, অন্যত্র—আমেরিকা নিয়েও—মাত্র পঁচিশ ভাগ। অর্থাৎ আমেরিকার তেল সম্পদ যেদিন নিঃশেষিতপ্রায় হবে তখন অ-কম্যুনিষ্ট পৃথিবী একান্ত-ভাবেই নির্ভরশীল হয়ে পড়বে মধ্যপ্রাচ্যের তেলের উপর।

মধ্যপ্রাচ্যের তেল একদিকে যেমন আবব দেশগুলির একটি প্রধানতম শক্তি-উৎস, অন্যদিকে তার শোষণ ও অধিকার নিয়ে চলেছে পাশ্চাত্য জাতিগুলির মধ্যে সূত্রীয় সংঘাত। বিশেষ করে আমেরিকা ও বৃটেনের মধ্যে। সৌদী আরবের তেলে আমেরিকার পূর্ণ অধিকার। পারশিয়ান গালফের তীরকর্ত্রী বুরেমী মরুদ্যান নিয়ে বৃটেনের সঙ্গে সৌদী আরবের যে-বিরোধ চলেছে, তাতে উস্কানি দিচ্ছে বুরেমীর তেললোভী মার্কিন পুঁজিবাদীদের স্বার্থ।

* তিনটি ধর্ম বা আরবভূমিতে জন্ম নিয়েছে, তা হচ্ছে, জুডাইজম, খ্রিস্টানিটি ও ইসলাম।

কাইরোটো বৃটেন ও আমেরিকার সম্মান তেল অংশ; ইরাক, জর্ডান, যুগোস্লাভিয়া, ওমান ও আরজেনে ইরাকের তেলস্বার্থ এখনো আমেরিকান স্বার্থের ক্ষেত্রে প্রধান। ইরানের তেলখনি জাতীয়করণ নিয়ে সংকটের পর থেকে ওখানেও মার্কিনী স্বার্থ সুপ্রতিষ্ঠিত।*

আরব জাতির শক্তি-উৎসের সংজ্ঞা নির্দেশ করতে গিয়ে নাসের আরব জাতীয়তাবাদের উপরেই জোর দিয়েছেন। আবব সভ্যতার দান “ভিত্তি ধর্মের” উল্লেখ করে আরবভূমির ক্রীশ্চিয়ান ও অন্যান্য সংখ্যালঘু সম্প্রদায়কেও তিনি এই জাতীয়তার মধ্যে টেনে এনেছেন।

আবব-বৃন্তের পর নাসের আফ্রিকা মহাদেশেব ক্রমবিকাশমান জাতীয়তার উল্লেখ করেছেন। বিশ কোটি নিগ্রো আর পঞ্চাশ লক্ষ শ্বেতাঙ্গের মধ্যে যে সংঘর্ষ এই মহাদেশে চলছে, মিশর তা থেকে বিচ্ছিন্ন থাকতে পারে না। কেননা, মিশর আফ্রিকারই অংশ। আফ্রিকার উত্তরস্বাবে মিশর প্রহরী। এই স্বরপথ দিয়ে আফ্রিকার সঙ্গে বৃহত্তম পৃথিবীর যোগাযোগ। “আফ্রিকাব জঙ্গলের দৃকভঙ্গ ক্ষেত্রে আলো ও জাগরণ বিস্তার কবতে প্রাণপণ সাহায্য করতে আমরা কোনোমতেই নিরস্ত হব না।”

তা ছাড়া, যে নীল নদ মিশরের প্রাণ, সে আফ্রিকার হৃদয়জাত। নাসেব বলছেন, “এই অশ্বকার মহাদেশে এখন এক বিচিত্র ও গভীর উত্তেজনা হাওয়া বইছে। রুরোপের নানাদেশের শ্বেতাঙ্গরা আবার আফ্রিকাব মানচিত্র বদলাতে শুরু করেছে। কোনোমতেই এই সংগ্রামেব মুখে আমবা অলস হলে থাকব না.....

“আমি স্বপ্ন দেখি একটি দিনেব। সেদিন কাইরোতে নির্মিত হবে বিবাত এক আফ্রিকান শিক্ষাকেন্দ্র। আমাদের চোখের সামনে খুলে ধবে এই মহাদেশের লুকানো সম্পদ। আমাদের মনে জাগিয়ে তুলবে অলোকপ্রাপ্ত এক আফ্রিকার চেতনা। দুনিয়ার অন্যান্য লোকেদের সঙ্গে অংশ নেবে আফ্রিকার মঙ্গল বৃন্দব বিরাট প্রয়াস।”

নাসের বিখ্যাত পুস্তকেব উপসংহাব করেছেন একটি ইসলামিক পার্লামেন্টের স্বপ্ন নিয়ে। সৌদী আববে মুসলমানদের পবিত্রতম তীর্থক্ষেত্র কাবায় এই পার্লামেন্ট গড়ে উঠুক, এই নাসেরের ইচ্ছা। এখানে পৃথিবীর নানাদেশের মুসলমানরা শ্রদ্ধা তীর্থযাত্রাব পুণ্য অর্জনেব জন্যই আসবে না, এখানে আসবে সমস্ত মুসলমানসমাজ থেকে সেরা লেখক, সেরা গুণী, জ্ঞানী ও মানী, বড় বড় ব্যবসায়ী, যুবকসমাজের নেতারা, রাজনীতিবিদগণ। এখানে তৈরী হবে সশ্মিলিত আরবনীতির মূলমন্ত্র। আরব সহযোগিতা।

আরব বৃন্তের মধ্যেই নাসেব তাঁর পররাষ্ট্রনীতিব সূচনা কবেন। এই নীতির লক্ষ্য প্রধানত দুটি : বিদেশী প্রভুত্বের অবসান; ঐক্যবন্ধ একটি আরব-গোষ্ঠীর সৃষ্টি।

শ্বিতীয় মহাবৃন্তের পরেই সুরেজ ঘটিত ত্যাগ করতে হবে ইংরেজ তা বৃকতে পারে। বিনিময়ে একটি বৃহত্তম মধ্যপ্রাচ্য সামরিক সংস্থার সৃষ্টি করতে ইংরেজ সরকার তৎপর হয়ে ওঠে। ১৯৫০ সালে মিশরকে আমন্ত্রণ

* দুই ও তিন মাসের চার্ট দেখুন।

করা হয় এই সংস্থার একটি সমকক্ষ অংশীদার হিসাবে খেলা দিতে। সূয়েজ খাঁটিকে এই সংস্থার অন্তর্ভুক্ত করে একটি মধ্যপ্রাচ্য কম্যাণ্ডে একজন মিশরী সেনাপাঁতিকে উপযুক্ত বোণা আসন্ন দিয়ে যে-প্রস্তাব লন্ডন থেকে কাইরোতে পাঠানো হয়, তৎকালীন প্রধানমন্ত্রী নাহাস তা অগ্রাহ্য করেন।

১৯৫৪ সালের চুক্তিতে নাসের সূয়েজ থেকে ইংরেজের অপসারণের প্রীতি-প্রদান আদায় করেন। মিশর এই বিদেশী প্রভাব-মুক্তির নতুন আনন্দে সমস্ত আরবভূমিতে অনুরূপ অবস্থার স্বপ্ন দেখতে শুরু করে।

কিন্তু ১৯৫৫ সালের ফেব্রুয়ারী মাসে তুর্কী ও ইরাকের মধ্যে বাগদাদ চুক্তি স্বাক্ষরিত হয়। ক্রমে ক্রমে বৃটেন, ইরান ও পাকিস্তানও এসে বোণা দেয় এই চুক্তিতে। জর্ডনকে টেনে আনবার প্রথম প্রচেষ্টা ব্যর্থ হয় ১৯৫৬ সালে। মধ্যপ্রাচ্যে নতুন এক বিদেশী প্রভাবজাত সামরিক সংকটের চেহারা সুস্পষ্ট হয়ে ওঠে।

শীতল-যুদ্ধের সুযোগ নিয়ে সমগ্র মধ্যপ্রাচ্যে পাশ্চাত্য সামরিক প্রভুত্ব কতখানি পাকা হয়ে উঠেছে তার পরিচয় মিলবে সামরিক ঘাঁটব বহর থেকে। বৃটেন ও আমেরিকার ১৭টি সামরিক ঘাঁট রয়েছে মধ্যপ্রাচ্যে—৯টি আমেরিকার, ৮টি বৃটেনের। আমেরিকার ঘাঁটগুলি তৈরী হয়েছে তুর্কীতে দুটি, সৌদী আরবে একটি, মরোক্কোতে চারটি, লিবিয়ায় একটি, মাল্টায় একটি। ইংরেজ-ঘাঁট রয়েছে—ইরাকে তিনটি, জর্ডনে দুটি, লিবিয়া, সাইপ্রাস ও ক্রীটে একটি করে।

মধ্যপ্রাচ্য নিয়ে বর্তমানের আন্তর্জাতিক রেষারেষির বিস্তৃত বিবরণ পরে দেওয়া হয়েছে। মনে রাখতে হবে যে, নাসের যে বিদেশী প্রভাব মুক্ত একটি আববগোষ্ঠী তৈরী কবতে চেয়েছেন, তার সাফল্য এখনও অনেক দূরে। বাগদাদ চুক্তি এবং আইসেনহাওয়ার ডকট্রিনের আওতায় এসে অনেক আরব দেশ পুনরায় বিদেশী প্রভুত্বের কাছে মাথা নত করেছে বা করছে। সূয়েজ আক্রমণের পূর্বে নাসের মিশর, সৌদী আরব, সিরিয়া, এমেন ও জর্ডনকে নিয়ে একটি নিরপেক্ষ আরবগোষ্ঠী নির্মাণে অনেকখানি সফলকাম হয়ে-ছিলেন। মিশর, সৌদী আরব, সিরিয়া ও জর্ডনকে নিয়ে একটি ঐক্যবন্ধ সামরিক কম্যাণ্ডও গঠিত হয়েছিল। সূয়েজ সংকটের দুর্দিনে সমগ্র আরব-ভূমিতে মিশরের প্রতি যে সক্রিয় সহানুভূতি দেখা দিয়েছিল আরব ইতিহাসে তার নজির নেই। সিরিয়ার ভূগর্ভে পাইপ লাইন ধরে ইরাকের তেল যায় ভূমধ্যসাগরের বন্দরে। এই পাইপ লাইন কেটে দিয়ে তেল চলাচল বন্ধ করে দেওয়া হয়েছিল। সৌদী আরবের নৃপতি দুর্দিনে মিশরকে অর্থ দিয়ে সাহায্য করেছেন—সৈন্য পাঠাতেও প্রস্তুত ছিলেন। অনুরূপ সামরিক সাহায্য দিতে তৈরী ছিল জর্ডন এবং সিরিয়া।

কিন্তু সূয়েজ-উত্তর আরবভূমিতে অন্য রকমের এক সংকট দেখা দিয়েছে। আরব জনতা নতুন রাজনৈতিক চেতনায় জাগ্রত। এই জাগরণের ভয়ে সামন্ত-যুগের প্রতিনিধি নৃপতিসকল নিজেদের স্বার্থরক্ষার জন্যে তৎপর হয়ে উঠবেন তাতে কোনো আশ্চর্য নেই। জর্ডনে কয়েক মাস আগে এই নতুন সংঘর্ষের প্রথম অঙ্কের অভিনয় হয়ে গেছে। ঐতিহাসিক ও বংশগত ঈর্ষা ও রেষারেষি চাপা দিয়ে ইরাক, সৌদী আরব এবং জর্ডনের রাজারা সহযোগিতার এক নতুন

ক্ষেত্র খুঁজে বের করেন। অন্য দিকে মিশর ও সিরিয়া দৃঢ়ভাবে আমাদের স্বাধীন ও নিরপেক্ষ বৈদেশিক নীতি ও উন্নততর সমাজনীতির পথ আঁকড়ে ধরেছে। উত্তর দেশের মধ্যে একটা ইরুনিয়ন গঠনের প্রস্তাবও অনেকখানি আগ্রহের হয়েছিল।

বাগদাদ চুক্তি স্বাক্ষরিত হবার অব্যবহিত পরেই নাসেরের বৈদেশিক নীতিতে একটা বিশেষ পরিবর্তন দেখা যায়। ১৯৫৬ সালের ফেব্রুয়ারীর মাকামাখি গ্রী নেরু, কাইরোতে নাসেরের সঙ্গে পৃথিবীর নানা সমস্যা আলোচনা করেন। তাঁদের যুক্ত বিবৃতিতে বলা হয় বড় বড় সমস্যাগুলির চরিত্র ও সমাধান বিষয়ে তাঁরা একমত। নাসেরের সঙ্গে নেহরু মধ্যপ্রাচ্য ছাড়াও এশিয়ার পূর্ব ও দক্ষিণপূর্ব অঞ্চলের সমস্যার আলোচনা করেন। এই আলোচনার ফলেই, অনুমান করা যায় নাসেরের দৃষ্টি এশিয়া-আফ্রিকার সমবেত প্রচেষ্টার দিকে প্রসারিত হয়। নেহরু ও নাসের যুদ্ধের তীব্র নিন্দা করে ঘোষণা করেন : “শান্তির আবহাওয়া সৃষ্টির জন্য প্রত্যেকের সব রকম চেষ্টা করতে হবে। আন্তর্জাতিক বিরোধের সমাধান করতে হবে শান্তিপূর্ণ আলাপ-আলোচনায়। সামরিক চুক্তি কিংবা শক্তিশালী সঙ্গে জড়িয়ে পড়া শব্দ সংকটই বাড়ায় রণসজ্জার গতিকে করে তীব্রতর। কে নো জাতিকেই নিরাপদ করতে পারে না।”

নাসের ও নেহরু পৃথিবীর সর্বত্র স্বাধীনতাপ্রয়াসী মানুষের জন্য তাঁদের “পূর্ণ সহানুভূতি” ঘোষণা করেন।

৬ই এপ্রিল কাইরোতে ভাৰত-মিশরের মধ্যে বন্ধুত্ব ও মৈত্রীর চুক্তি স্বাক্ষরিত হয়। তার এক সপ্তাহের মধ্যে নাসের দিল্লী আসেন, বান্দুংএর পথে। ভারতীয় পার্লামেন্টের সদস্যদের সম্ভাষণ করে তিনি বলেন, “এশিয়া ও আফ্রিকার দেশগুলিকে একত্র দাঁড়াতে হবে। এভাবেই বিশ্বসভায় তারা গৌরবের আসন অর্জন করতে পারবে; এগিয়ে আনতে পারবে শান্তি ও মৈত্রীর যুগ। আমি আপনাদের নিশ্চয় করে বলছি শান্তিরক্ষার জন্য মিশর ভারত ও অন্যান্য দেশগুলির সঙ্গে সহযোগিতা করবে।”

বান্দুংএ নাসের এশিয়া-আফ্রিকা সম্মেলনে একটি নতুন পৃথিবীর সন্ধান পান। দুনিয়ার দুই-তৃতীয়াংশ মানুষের প্রতিনিধিরা ইতিহাসে এই প্রথম একত্রিত হয়ে অন্য একাংশের মনে এক বিচিত্র আলোড়ন এনে দিল। নাসের দেখতে পেলেন, তাঁর আরব-বৃত্ত ও ইসলাম-বৃত্তের চেয়েও বৃহত্তর এই এশিয়া-আফ্রিকা-বৃত্তে ভারত, সিংহল, বর্মণ ও ইন্দোনেশিয়ার সঙ্গে হাত মিলিয়ে মিশর নতুন এক মহান শক্তি আয়ত্ত্ব করতে পারে। বান্দুংএ সমবেত দেশ-নেতারাও এই ৩৭ বছরের তরুণ দেশপ্রেমিকের মধ্যে মিশরের জাগ্রত চেতনা ও আত্মবিশ্বাসের পরিচয় পেয়ে মুগ্ধ হন।

বান্দুং বিশ্বরাজনীতির উপর ধীরে ধীরে অসামান্য বিস্তার করে। চীন দেশের সঙ্গে সমগ্র এশিয়া ও আফ্রিকার সহানুভূতিশীল নতুন পরিচয় হয় বান্দুংএ। যুরোপ এবং আমেরিকা বান্দুংএ এশিয়া-আফ্রিকার এক নতুন চেহারা দেখতে পায়। সোবিয়েত রাশিয়া বান্দুংএর পর গভীর তৎপরতার সঙ্গে তার এশিয়া নীতির পরিবর্তন ও নিরপেক্ষতাকে স্বীকার করতে শব্দ করে। জাতিপুঞ্জ এশিয়া-আফ্রিকার প্রতিনিধিরা সমবেত প্রচেষ্টার নানা

সমস্যা, বিশেষ করে ঔপনিবেশিক সমস্যাদুলির আলোচনার একটা সম্পূর্ণ নতুন প্রভাব বিস্তার করতে সক্ষম হয়। বান্দুং থেকে সু-অবস্থানের যে আহ্বান প্রচারিত হয় অচিরেই পশ্চিম যুরোপে তার প্রতিধ্বনি শুনতে পাওয়া যায়। বান্দুংএর ছায়া দেখতে পাওয়া যায় গ্রীষ্মশেষে জেনিভাতে চতুঃশক্তির রাষ্ট্রনায়কদের বৈঠকে।

বান্দুং থেকে ব্রিয়োনী। ১৯৫৬ সালের গ্রীষ্মকালে নেহরু সোবিয়ত রাশিয়া, পূর্বযুরোপ এবং ইতালি ভ্রমণ করে ব্রিয়োনীতে মিলিত হন যুগো-স্লাভিয়ার রাষ্ট্রপতি মার্শাল টিটোর সঙ্গে আলাপ-আলোচনার জন্য। তাঁদের সঙ্গে যোগ দিলেন নাসের। নিরপেক্ষ পৃথিবীর এই তিন প্রেম্য নেতর কথোপকথন সব দেশের রাজধানীতেই বিশেষ ঔৎসুক্যের সৃষ্টি করে। পৃথিবীর নানা গুরুতর সমস্যার বিশ্লেষণ করে এই তিন দেশনেতা একটি যুক্ত বিবৃতিতে নিজেদের মতামত ঘোষণা করেন। তার কয়েকটি অনূচ্ছেদ উল্লেখযোগ্য।

“আজকের পৃথিবীতে তিনটি সংকট-সংকুল ও সংঘর্ষ-সম্ভব স্থান হচ্ছে মধ্য যুরোপ, পূর্ব এশিয়া এবং মধ্যপ্রাচ্য। পূর্ব এশিয়ার সমস্যার সমাধান সম্ভব নয় চীনের সহযোগিতা ছাড়া। আমরা বিশ্বাস করি যে, চীনকে জাতিপুঞ্জ স্থান দেওয়া অবশ্য কর্তব্য। জাতিপুঞ্জে প্রবেশপ্রার্থী অন্যান্য দেশ-গুলোকেও প্রবেশাধিকার দেওয়া উচিত।

“মধ্যপ্রাচ্যের সমস্যা বেড়ে গিয়েছে বৃহৎ শক্তিগুলির স্বার্থ-সংঘাতে। এ-সব সমস্যার সমাধান করতে হবে প্রত্যেকটির গুণাগুণ বিবেচনা করে। প্রত্যেকের ন্যায্য অর্থনৈতিক স্বার্থ সংরক্ষিত হবে। কিন্তু সমাধানের আসল ভিত্তি হবে মধ্যপ্রাচ্যের দেশগুলির স্বাধীনতা। শুধু শান্তির জন্যই নয়, বিদেশীদের অর্থনৈতিক স্বার্থ রক্ষার জন্যও, আরব জাতিগুলির পূর্ণ স্বাধীনতা ও শূভেচ্ছা অপরিহার্য।”

আজ মধ্যপ্রাচ্য নিয়ে দুইটি শক্তিগোষ্ঠীর মধ্যে ভরষা প্রত্যাশাগ্রস্তা শব্দ হযেছে। আসলে মিত্র রাশিয়া ও আমেরিকার মধ্যে। সুদূর-অভিযানের পর মধ্যপ্রাচ্যে বৃটিশ প্রভুত্বের একদা-প্রোজ্জ্বল অগ্নিশিখা নির্বাপিত-প্রায়। রাশিয়া-আমেরিকার এই সংঘর্ষের পরিণতি কোথায় কেউ বলতে পারে না। যদি তৃতীয় বিশ্বযুদ্ধ পৃথিবীকে গ্রাস করে তবে কোনো অণুই বাদ যাবে না, মধ্যপ্রাচ্য তো নয়ই। বিশ্বযুদ্ধ ছাড়াও, ছোটখাট সীমাবদ্ধ সংঘর্ষ মধ্যপ্রাচ্য নিয়েই বাধতে পারে, এমন সম্ভাবনাও রয়েছে। মনীষী অধ্যাপক আরনল্ড টয়েনবী বিশ্বব্যাপী ‘শীতল-যুদ্ধের’ বিশ্লেষণ করতে গিয়ে বলেছেন;

“রাশিয়া ও আমেরিকার নির্দিষ্ট কোনো স্বার্থ-সংঘাত থেকে এই শীতল-যুদ্ধের উৎপত্তি হয় নি। কারণ দ্বিতীয় মহাযুদ্ধের পরে রাশিয়া বা আমেরিকা কোনোমতেই নিজেদের ‘বাণ্ডত’ মনে করতে পারত না, যেমন মনে করেছিল দুই মহাযুদ্ধের অন্তর্বর্তীকালে জার্মানী, ইতালি ও জাপান।..... এই সংঘাতের কারণ লোভ নয়, ভয়। যুদ্ধোত্তর পৃথিবীতে এত বড় দুই প্রতিদ্বন্দ্বীর মধ্যেও অর্থনৈতিক সহবাসের যথেষ্ট সম্ভাবনা ছিল। কিন্তু অ্যাটম বোমা আবিষ্কারের পর সামরিক বিচারে পৃথিবীটা এত ছোট হয়ে

গেছে যে দুই দৈত্য পরস্পরের বড় বেশি সাম্রাজ্য থেকে একে অন্যকে সরাসরি আঘাত করতে পারে। সামরিক নীতিতে এই বিপ্লব এখন দিয়েছে পারস্পরিক এক বিরূপ ভীতি। ভয় রাশিয়ার মতটা আমেরিকারও ভুক্তটাই। আর এই ভয়েরই ফলে উভয়েই উঠে-পড়ে লেগেছে বাকী পৃথিবীর বৃহত্তম অংশকে নিজের দলে টেনে আনতে। যে-পৃথিবী হঠাৎ সংকুচিত হয়ে একটা ক্ষয়ক্ষতি প্রাপ্তে পরিণত, তাতে এক শক্তি যে অন্যের প্রসারিত বাহুর বাইরে পাল্লাবে তার সম্ভাবনা আর নেই। তাই চেষ্টা চলেছে সামান্য এক টুকরো জমি এখানে ওখানে দখল করে এই আসন্ন সংঘাতের কেন্দ্রস্থল নিজের কাছ থেকে এক-আধটু সরিয়ে রাখার। এই উদ্দেশ্যের পথেই রাশিয়া ও আমেরিকার বৈদেশিক নীতি এখন চলে আসছে। এর প্রভাব আমরা দেখতে পাচ্ছি পৃথিবীর সর্বত্র—এমনকি এককালের একান্ত বিচ্ছিন্ন দ্বীপ তিব্বত ও গ্রীনল্যান্ডেও।”*

এই যে বিশ্বব্যাপী ভয় সমগ্র মানবজাতিকে গ্রাস করতে চলেছে তার মধ্যে উল্লেখ্য যে-কয়টি মুষ্টিমেয় দেশ, মিশর তাদের অন্যতম। ভারতের সঙ্গে তার মৈত্রীর শ্রেষ্ঠ উপাদান এই নির্ভীকতা। নাসেরের মা-ভৈঃ বাবুজির জন্যেই ছোটখাট স্বিমত সত্ত্বেও সুয়েজ-সংকটে ভারত দৃঢ়ভাবে মিশরের পাশে দাঁড়িয়েছে। ভবিষ্যতে এই মৈত্রী ও সহযোগিতা কোন পথ ধরে উভয় জাতিব উন্নয়ন ও বিশ্বসেবায় আত্মনিয়োগ করবে, কী উপায়ে উত্তীর্ণ হবে ভবিষ্যতের অবশ্যম্ভাবী বাধা-বিপত্তি, কতখানি সাফল্যে তার প্রवास হবে পুরস্কৃত, বর্তমানের ঐতিহাসিকরা আগ্রহ ও ঔৎসুক্য সহকারে তা লক্ষ্য করবেন।

১৩

“মানব ইতিহাসের দুই বৃগের মাঝখানে দাঁড়িয়ে আমরা আজ দেখতে পাই পশ্চাতে সুবিস্তীর্ণ অতীত সম্মুখে এগিয়ে-যাওয়া সুদীর্ঘ ভবিষ্যৎ। বহু দিনের মেনে-নেওয়া দুর্বলতার পর এগিয়া ও আত্মিকা আজ হঠাৎ বিশ্বসমাজে নতুন মূল্য-চেতনা নিয়ে জেগে উঠেছে।”—জবাহরলাল নেহরু।

১৯৫২ সালের ২৩শে জুলাই মিশরের যে নতুন আত্মচেতনাব সম্মান আমরা পেয়েছি, তার সম্যক পরিচয়ের জন্যে প্রশোজন অতীতের দিকে দৃষ্টি ফিরিয়ে এই বিপ্লবকে ঐতিহাসিক দৃষ্টিতে বিচার করা। আব, এ-প্রচেষ্টার ফলে আমাদের কাছে আশ্চর্য রকম পরিষ্কার হয়ে উঠবে যে, প্রায় আশি বছর ধরে মিশরের মানুষেরা স্বাধীনতার জন্যেই অবিরত লড়ে এসেছে! এই সংগ্রামের ব্যর্থতা ও তারই মধ্য দিয়ে মিশরের মজ্জা-যজ্ঞের পৌরোহিত্যে সামরিক নেতৃত্বের প্রাধান্যকে যেন অনিবার্য করে দিয়েছিল।

নাসের একটি প্রবন্ধে বলেছেন, “আমাদের বিপ্লবের আদর্শ হঠাৎ তৈরী নয়। বহু বছর মিশর যে-অভিজ্ঞতার সম্মুখীন হয়েছে তারই থেকে এ-আদর্শের উৎপত্তি।.....আমাদের দেশের পূর্ববর্তী বিপ্লবগুলি থেকে বর্তমান বিপ্লবের প্রেরণা আমরা পেয়েছি। অতীতে আমাদের দেশবাসীকে যে-বাধার মোকাবিলা করতে হয়েছিল, জাতীয়তাবাদী প্রচেষ্টার যে-সব দ্রুটি ঘটেছিল,

* Survey of International Affairs, 1949-50. Introduction by Prof. Arnold Toynbee.

বড় করে চাইবারও একদিন যে আমাদের সাহস ছিল না, এসব ঘটনা ও তার পরিণতি কম-বেশি আমাদের বিপ্লবকে সার্থক করার পথে শিক্ষণীয় হয়েছে।”

বার বার হানুধের ইতিহাসে মন্দ থেকে ভালো অশুকুরিত হয়ে এসেছে। নেপোলিয়ন এসেছিলেন মিশর জয় করে প্রাচ্যে এক বিরাট ফরাসী সাম্রাজ্যের সূচনা করতে। পরাস্ত ও হতাশ হয়ে তিনি ফিরে গেলেন; কিন্তু রেখে গেলেন মিশরের আধুনিকায় ফরাসী বিপ্লবের পৃথিবী-জাগানো আদর্শঃ স্বাধীনতা, সমতা, প্রীতি। ফরাসী-স্বার্থের জন্যেই নেপোলিয়ন মিশরে সেকালের শাসক শ্রেণীকে ভেঙে মিশরীদের হাতে খানিকটা রাজ্যভার তুলে দেন। তিনি স্থাপন করেন একটি ডিভান (Divan) বা কাউন্সিল—যার মিশরী সদস্যরা মিশরের আধুনিক ইতিহাসে প্রথম সীমাবদ্ধ রাজনৈতিক দায়িত্ব পান। এর যা ফল হল তুলনায় তা অনেকখানি। মিশরবাসীদের মনে জন্ম নিল প্রথম আত্মবিশ্বাস; তারা বুঝতে পারল যে স্বায়ত্তশাসনের যোগ্যতা তাদের আছে। এবং প্রশ্ন করতে আরম্ভ করল, তবে অধিকার থাকবে না কেন?

ফরাসী বিপ্লবের জাগ্রত আদর্শের ঝলক যুরোপ ছাড়িয়ে প্রাচ্যেও এসে পৌঁছেছিল। মিশরে তা বিশেষ আত্মপ্রকাশ করতে পারে নি মহম্মদ আলীর শক্তিশালী ও সৈন্যচাচরী বাজ্বের দাপটে। কিন্তু তবু এ-যুগে মিশরী সমাজে নতুন জাগরণের যে-সাদা এসেছিল তার নেতা ছিলেন সৈয়দ ওমর মাক্তাম। এ-যুগের মিশরে এর স্থান কিছুটা ভারতবর্ষে রাজা রামমোহন বায়েব মতো।

১৮৫৮ সালে মহারানী ভিক্টোরিয়া ইস্ট ইন্ডিয়া কোম্পানীর হাত থেকে ভারত সাম্রাজ্যে শাসনভার নিজ হাতে তুলে নেন। ১৮৫৭-র ভারতীয় বিপ্লব ইংবেজকে তাব সর্বশ্রেষ্ঠ উপনিবেশের নিবাপত্তা সম্বন্ধে সতর্ক করে দেয়।

ইংবেজ সবকাবেব হাতে ভারত-শাসনের দায়িত্ব স্থানান্তরিত হবার ২০ বছর পবেই, অর্থাৎ ১৮৭৮ সালে, ইংলন্ড ও ফ্রান্স একত্রিত হয়ে মিশরের উপর “স্বৈত-শাসন” স্থাপন করে।

এর কিছুটা আভাস ইতিপূর্বেই আমরা পেয়েছি। খেদীব ইসমাইল অর্থ অপচয় করতে করতে মিশরকে দারিদ্র্যের শেষ সীমায় এনে দেন। তাঁর স্বর্ণের দাবী মিটিয়ে ইংবেজ ও ফরাসী ব্যবসায়ীরা মিশরের আর্থিক জীবনে অতি সহজেই পূর্ণ অধিকার বিস্তার করে ফেলল। ক্রমে অবস্থা এমন দাঁড়াল যে মিশরের বাৎসরিক আয় যদি হত এক কোটি পাউন্ড, ধারের সুদ মেটাতেই খরচ হত পঁচাত্তর লক্ষ পাউন্ড! অর্থ আদায়ের জন্য ইসমাইল সাধারণ লোকেদের দুর্বল অসহায় পিটে করার উপর করেব বোঝা চাপাতে লাগলেন। ইসমাইলের অর্থসচিব ছিলেন একজন ইংরেজ, স্যার রিডার্স উইলসন, আর পাবলিক ওয়ার্কস্ বিভাগের মন্ত্রী একজন ফরাসী। খেদীব ও জনগণের মধ্যে বিরাট প্রাচীরের মতো এই দুজন বিদেশী মন্ত্রী শাসক ও শাসিতের স্বার্থকে ভয়ংকর পরস্পরবিরোধী করে তুললেন। ১৮৭৯ সালে মিশরের চেম্বার অব্ ডেপুটীজ্ (অর্থাৎ বিধানসভা) কর্তার কমান্ডার দাবী জানালে বিদেশী মন্ত্রীরা তা অবহেলা-ভরে অগ্রাহ্য করলেন।

এই জনস্বার্থ-বিরোধী শাসনের প্রতিদ্বন্দ্বিতায় মিশরে গঠিত হয় সর্বপ্রথম একটি জাতীয় কমিটি; তার দাবী মিশরের ইতিহাসে প্রথম সংগঠিত জাতীয় দাবী। খেদীব ইসমাইলকে এই কমিটি অনুরোধ করেন এমনভাবে স্বা-সমস্যার সমাধান করতে যাতে মিশরকে দেউলিয়া না হতে হয়; বিধানসভাকে দেওয়া হয় মন্ত্রীদের কাজকর্মের উপর নজর রাখার কর্তৃত্ব। আর এমন একটি জাতীয় মন্ত্রিসভা যেন গঠন করা হয় যা বিধানসভার কাছে জবাবদিহি করতে বাধ্য হবে।

এই দাবীর উত্তরে ইংরেজ ও ফরাসী সরকার লুপ্ত-প্রভাব তুর্কী-সুলতানের নামমাত্র অনুমতি নিয়ে মহম্মদ ইসমাইলকে সিংহাসনচ্যুত করেন। ইসমাইল গেলেন নির্বাসনে। খেদীব হলেন তাঁর পুত্র তিউফিক।

তিউফিকের রাজত্বে মিশরে দুইজন প্রখ্যাত জননেতার আবির্ভাব হয়। একজন সৈয়দ গামালদুল্ দীন্ অল্ আফ্‌গানী। অন্যজন জেনারেল আহম্মদ আরবী। আফগানী মিশরের জাতীয়তাবাদকে, ধর্মের আহ্বানের সঙ্গে সমন্বিত করে জনসাধারণের মধ্যে যথেষ্ট প্রভাব বিস্তার করেন। তাঁর আহ্বানে অনেক দিনের নিদ্রা ভেঙ্গে মিশরের জনগণ ধীরে ধীরে জাগতে শুরু করে। আর আরবী হলেন মিশরের প্রথম বিপ্লবী নেতা; মিশরবাসীরা কাছে তাঁর স্থান অতি প্রিয় এবং শ্রদ্ধেয়। আরবীই জেঁুলেছিলেন মিশরে প্রথম বিদ্রোহের আগুন। তাঁর ব্যর্থতা মিশরকে নিয়ে এলো ইংরেজের পূর্ণ অধীনে। আশা ও হতাশার নায়ক এই আহম্মদ আরবী; সমস্ত আরব ভূমিতে যার খ্যাতি পরিব্যাপ্ত।

আরবী-বিপ্লবের আলোচনা করতে গেলে আজ তার যে-বিশেষ প্রকৃতিগত মনে রেখাপাত করে তা হচ্ছে সেই ঊনবিংশ শতকের শেষ-প্রান্তের প্রথম মিশরী বিদ্রোহের নেতৃত্বও গ্রহণ করতে হয়েছিল একজন সামরিক নেতাকে। জনসাধারণের মধ্যে রাজনৈতিক চেতনা তখনো সুস্পষ্ট হয় নি; সংগঠন নিতান্ত দুর্বল। অপরপক্ষে, নেপোলিয়নের আমল থেকে মধ্যবিস্ত বা ধনী পরিবারের শিক্ষিত তরুণেরা চাকরি পেয়েছে সামরিক বিভাগে। ইসমাইলের আমলেই আড়াই হাজার সেনাপতিকে অর্ধেক বেতনে রাখা হয়েছিল; দেড় বছর তারা প্রাপ্য মাইনে আদায় করতে পারে নি। ইসমাইলকে নির্বাসন দেবার অল্প পূর্বে একশ অফিসর ইংরেজ অর্থমন্ত্রীকে একদিন আটকে ফেলেছিল তাদের পুরো মাইনে চুকিয়ে দেবার দাবী জানিয়ে। তিউফিকের আমলে এ-অসন্তোষ বিদ্রোহে রূপান্তরিত হল জেনারেল আরবীর নেতৃত্বে।

আফগানী জনাচিলে জবালিয়েছিলেন অসন্তোষের আগুন। আরবী সৈন্যদলের সঙ্গে জনাচিলের এক অভিনব সংযোগ সাধন করলেন।

মিশরী জনগণ আরবী-আন্দোলনের মধ্যে খুঁজে পেল মন্ত্রির সম্মান বহু বছরের একটানা অত্যাচার ও শোষণ থেকে। তাই তারা আরবীকে সাহায্য করতে দলে দলে এগিয়ে এল শ্রম দিয়ে, অর্থ দিয়ে, প্রেরণা দিয়ে।

আরবীই সর্বপ্রথম দাবী তুললেন, “মিশর মিশরীদের জন্য”। ১৮৮১ সালে আরবী খেদীব তিউফিকের মন্ত্রিপদ থেকে দাবী জানালেন একটি জাতীয় সরকার গঠনের; মিশরের সামাজিক ও আর্থিক জীবন থেকে ইংল-ফরাসী বোধ কর্তৃক অপসারণের। তিউফিকের এ-দাবী মেনে নেবার না ছিল সাহস

না ইচ্ছা। ইংরেজ ও ফরাসী মন্ত্রীরা এ-দাবীর মধ্যে দেখতে পেলেম বৈত-
শাসনের অবসান। খেদীবকে তাঁরা প্ররোচনা দিলেন আরবীর বিরুদ্ধে
ব্যবস্থা অবলম্বনের। আর, এ-ব্যবস্থার সঙ্গে সঙ্গেই মিশরব্যাপী বিদ্রোহের
বহিঃ জ্বলে উঠল।

১৮৮২ সালের জুন মাসে আলেকজান্দ্রিয়ায় শত্রু হল দাঙ্গা। উন্মত্ত
মিশরী জনতা পঞ্চাশজন রুরোপীয়ানকে হত্যা করল; আরবী-অনুগত সৈন্যরা
সমুদ্রের তীরে কামান পেতে বসল। ইংলন্ডের প্রধানমন্ত্রী ‘উদারপন্থী’
গ্ল্যাডস্টোন সূয়েজ খালের ভবিষ্যৎ নিয়ে শঙ্কিত হয়ে ফরাসী সরকারের
সাহায্য চাইলেন আরবীর বিরুদ্ধে যুদ্ধ প্রস্তুতিতে; কিন্তু জার্মানীর আক্রমণ-
ভীত ফ্রান্স মিশরের সঙ্গে নতুন যুদ্ধে জড়িত হতে অস্বীকার করল। ১১ই
জুলাই ইংবেজ নৌবাহিনী আলেকজান্দ্রিয়া আক্রমণ করল। ফরাসী নৌবাহিনী
মিশর ত্যাগ করে দেশে ফিরে গেল। সেইদিন মিশর থেকে ফ্রান্সের প্রস্থান।
মিশরের রক্তমাগা ইংরেজের পূর্ণ প্রতিষ্ঠা।

দু-মাস পরে তেল্-এল্-কেবির নামক স্থানে ইংরেজ বাহিনীর সঙ্গে
আরবীর যুদ্ধ হয়। আরবী তাঁর আত্মকথায় লিখে গেছেন যে, কয়েকজন
বিশ্বাসভাজন অনুচরদের বিশ্বাসঘাতকতার জন্যেই তাঁর এ-যুদ্ধে সম্পূর্ণ
পরাজয় হল। এই বিশ্বাসঘাতকতার ফলে, তিনি লিখে গেছেন, “যখন বৃটিশ
বাহিনী এসে পৌঁছল আলী য়সুফ রক্ষিত কেন্দ্রে, দেখা গেল প্রতিরোধের
কোনো চিহ্নই নেই। বিছিন্নগণের মধ্যেই আমাদের সৈন্য ও দুর্গের উপর
চতুর্দিক থেকে ইংরেজ আক্রমণ শুরু করল। আমাদের তাবুতে বিশৃঙ্খলা
ভেঙে পড়ল। সামনে ও পিছনে শত্রুর আক্রমণে আমাদের সৈন্যরা অস্ত্র ত্যাগ
কবে প্রাণ বাঁচাবার জন্যে ছুটে পালাতে লাগল।”

শত্রু রণক্ষেত্রেই নয়; রাজনীতি ক্ষেত্রেও আরবীর পক্ষে ছুরিকাঘাত
কববার লোকের অভাব ছিল না। এই দেশদ্রোহীদের সর্বাগ্রে ছিলেন খেদীব
তিউফিক। তাঁর সঙ্গে সঙ্গে তাঁরবেদাররা কাইরো থেকে আরবী-বিরোধী
প্রচার কার্য চালাতে লাগল।

পরাস্ত আরবীকে ইংরেজ নির্বাসন দিল সিংহলে। খেদীব তিউফিক
রাজকীয় বৈভবে কাইরোতে প্রবেশ করলেন বিরাট “বিজয় শোভাযাত্রা” করে;
তাঁর এক পাশে ভিক্টোরিয়ার প্রতিনিধি ডিউক অব্ কেন্ট, অন্য পাশে ইংরেজ
বাহিনীর অধিনায়ক জেনারেল ওল্‌সলী। আরো একজন ইংরেজ পশ্চাতের
আসনে: রাজদূত স্যার এডওয়ার্ড ম্যালোট। রাজশকটের পিছনে একদল
অশ্বারোহী ইংবেজ সৈন্য। কাইরো স্টেশন থেকে রাজপ্রাসাদ পর্যন্ত
রাস্তার দু ধারে ইংরেজ সৈন্য বন্দুক উঁচিয়ে সতর্ক পাহারায় নিযুক্ত।

ক-দিন পরে আব্দীন রাজপ্রাসাদে এক বিরাট অভ্যর্থনায় তিউফিক
বার্টজন ইংরেজ সেনাপতির বৃকে সম্মান-পদক পরিয়ে দিলেন। মিশরের এক
থেকে অপর প্রান্ত পর্যন্ত তাঁর নতুন আদেশ ঘোষিত হল:

“কোনো মিশরী, যে তার দেশকে ধ্বংস থেকে বাঁচাতে চায়, ইংরেজদের
সম্মানে গ্রহণ করতে ইচ্ছুকত করবে না। ইংরেজরা আমাদের প্রতি সদিচ্ছা
ও বন্ধুত্বে অনুপ্রাণিত। তার পরস্কার হিসাবে প্রত্যেক মিশরবাসী ইংরেজদের

সব রকমের বৈষম্যিক সাহায্য দেবে। ন্যায় দামে তাদের কাছে খাদ্যদ্রব্য বিক্রয় করবে।”

লন্ডন থেকে ১৮৮৩ সালে প্রধানমন্ত্রী গ্ল্যাডস্টোন মিশরবাসীকে আশ্বাস দিয়ে ঘোষণা করলেন, “ইংরেজ মিশরকে স্থায়ীভাবে দখল করে বসে থাকবে না। তার একমাত্র উদ্দেশ্য খেদীবের রাজত্বকে সংশোধন ও শক্তিশালী করা। এ-কাজ সম্পন্ন হলেই ইংরেজ মিশর ত্যাগ করে ঘরের ছেলে ঘরে ফিরে আসবে।”

এ-কথা শুনে সেদিন অনেকেই মনে মনে হেসেছিল। তার মধ্যে একজন স্যার ইভিঙ্গিন বারিং। পরবর্তী যুগের লর্ড ক্রোমার। ১৯০৭ সাল পর্যন্ত লর্ড ক্রোমার কাইরোতে ইংরেজ প্রতিনিধি হিসাবে কঠিন হস্তে রাজশক্তি নিরস্ত্রিত করেছিলেন। মিশরে ইংরেজ প্রভুত্বের ভিত্তি দৃঢ় হয়েছিল তারই হাতে।

মিশরে আজকাল আরবী-বিস্প্লব নিয়ে অনেক কিছু নতুন গবেষণা ও আলোচনা হচ্ছে। কয়েকজন শ্রেষ্ঠ ঐতিহাসিক নিয়ে গঠিত একটি বোর্ড তাঁদের প্রকাশিত অন্যতম পুস্তকে আরবী-বিস্প্লবের রাজনৈতিক ও সামরিক দুর্বলতা বিশ্লেষণ করেছেন। তাতে বলা হয়েছে আরবীর উচিত ছিল প্রথমেই জনসমর্থনের সহায়তায় তিউফিকে রাজ্যচ্যুত করে প্রতিরোধের আভ্যন্তরীণ ঘাটিকে নিমূল করা। এবং আলেকজান্দ্রিয়ার দাঙ্গার পর দু-মাস অপেক্ষা না করে তৎক্ষণাৎ সমস্ত শক্তি নিয়ে বিদেশীদের বিতাড়ন করা।

কিন্তু তা হলেও যে আরবী-বিস্প্লব সার্থক হত এমন মনে হয় না। ঊনবিংশ শতাব্দীর শেষ দুই দশকে সাম্রাজ্যবাদ ছিল প্রবল, নিষ্ঠুর, নির্বিবেক। সুয়েজ খালের নিরাপত্তা রক্ষার জন্য ইংরেজ অবশ্যই সামরিক হস্তক্ষেপ করত, সে-বিপুল সামরিক শক্তিকে প্রতিরোধ করার ক্ষমতা আরবীর ছিল না।

গ্ল্যাডস্টোনের সত্যিই ইচ্ছা ছিল না মিশরে সাম্রাজ্যবাদী প্রচেষ্টায় জড়িয়ে পড়তে। কিন্তু সেই সাম্রাজ্যলোভী যুগে ইংরেজ মন্ত্রীমণ্ডলে গ্ল্যাডস্টোন প্রধানমন্ত্রী হলেও নিজের ইচ্ছেমতো কাজ করতে পারলেন না।

এর আর একটি প্রমাণ সহজেই পাওয়া গেল, এবার সুদানে। ইসমাইলের আমলে সুদান ছিল মিশরের পদানত। পরাধীনতার বিরুদ্ধে ১৮৮১ সালে একজন ধর্মনেতা বিদ্রোহ করলেন; তার আহ্বানে সুদানবাসী এগিয়ে এল স্বাধীনতা জয় করে নিতে। ধর্মনেতার নাম মাধী। মিশরের সুদানস্থ সেনাপতি হিক্‌স্ পাশা পবাস্ত এবং নিহত হলেন। মিশরের প্রভুত্বের এই দুর্দিনে আফ্রিকার সমুদ্র-তীরবর্তী অঞ্চলগুলি নিয়ে স্বরোপীয় শক্তিগুলিও মধ্যে কাড়াকাড়ি পড়ে গেল। ইতালী দখল করল ইরিট্রিয়া; ফ্রান্স জীবুতি; ইতালী ও ইংরেজ ভাগাভাগি করে সোমালিল্যান্ড।

মিশরের এমন আর্থিক সঙ্গতি ছিল না যে হিক্‌স্ সাহেবের হত্যার প্রতিশোধ নেয়। প্রধান মন্ত্রীর আদেশে লর্ড ক্রোমার সুদানে পাঠালেন জেনারেল গার্ডন নামে এক সেনাপতিকে খার্তুম থেকে অর্বাশত ইংরেজ বাহিনীকে ফিরিয়ে আনতে। কিন্তু, আশ্চর্যের কথা, সুদানে পৌঁছেই গার্ডন এই নির্দেশ লঙ্ঘন করে মাধী-চালিত স্বাধীনতা যুদ্ধের বিরুদ্ধে আক্রমণ শুরুর করলেন। কিন্তু সুদানী সৈন্যরা খার্তুম ঘিরে ফেলল, সংগ্রামে প্রাণ হারালেন উচ্চাভিলাষী

গর্জন। তাঁর মৃত্যু ইংলন্ডে তুলসী তুমুল বড়; স্লামডেস্টোনের মিনিসসোটার ডাঙ্কন ধরায় উপক্রম হল। একদিন ডিজরেইলীকে ইংরেজ সমাজ মিন্দা করেছিল বড় তাড়াতাড়ি সাম্রাজ্য প্রসারণের জন্যে; এখন স্লামডেস্টোন নিন্দা-ভাজন হলেন সাম্রাজ্য বিস্তার ও রক্ষার দায়িত্ব গ্রহণে ইতস্তত করার অপরাধে।

যে-বছর ভারতবর্ষে জাতীয় কংগ্রেসের গোড়াপত্তন, সে-বছর সূদানে মাধী-চালিত স্বাধীন সরকার প্রতিষ্ঠা হয়।

কিন্তু মাত্র এগারো বছরের মধ্যেই সূদান পুনরায় ইংরেজদের কবলে ফিরে এল। ১৮৯৬ সালে কীচেনার সূদান বিজয় করলেন মিশরী সেনাবাহিনীর সাহায্যে। নামে মাত্র সূদানে ইঙ্গ-মিশরী বৌধ প্রভু প্রতিষ্ঠিত হল; আসলে ব্রিটিশ পতাকা মাথা তুলল খার্তুমের প্রাক্তন রাজপ্রাসাদে। সূদান-মিশর থেকে ইংরেজ পূর্ব আফ্রিকা ও উগান্ডা পর্বন্ত একটি বিস্তৃত আফ্রিকান সাম্রাজ্যের উপর এখন থেকে পূর্ণ আধিপত্য বিস্তার করল।

কিন্তু মিশর? আরবী পরাস্ত, নির্বাসিত হলেন। কিন্তু মিশর ঠান্ডা হল না। পরাধীনতার জ্বালায় উত্তরোত্তর অস্থির হয়ে সে নতুন রাস্তা খুঁজে বেড়াতে লাগল। নরমপন্থীরা সংগঠিত হলেন শেখ মোহাম্মদ আব্দুর নেতৃত্বে; চরমপন্থীদের নেতা হলেন মুস্তাফা কামেল; প্রথম দল বিশ্বাস করতেন সংস্কারের পথে স্বাধীনতায়, দ্বিতীয় দল, স্বাধীনতার পথে সংস্কার।

এই দু-প্রকারের আন্দোলনের মধ্যে অনেকগুলি বছর কেটে গেল। ঊনবিংশ শতাব্দী অতিক্রম করে পৃথিবী বিংশ শতাব্দীতে পদার্পণ করল। আর নতুন শতাব্দীর চৌদ্দ বছর যেতে না যেতেই লেগে গেল রুরোপীয় শক্তিগুলির মধ্যে প্রথম সাম্রাজ্যবাদী বিশ্বযুদ্ধ।

ইংরেজ মিশরে এসেছিল খেদীবের রাজত্ব “সংস্কৃত ও শক্তিশালী” করতে। ১৮৮৩ সালের ৩রা জানুয়ারী ব্রিটেনের পররাষ্ট্র সচিব লর্ড গ্র্যামাভিল ঘোষণা করেন, “বর্তমানে মিশরে শান্তি রক্ষার জন্য আমাদের সৈন্য মোতায়েন রয়েছে। কিন্তু ইংরেজ সরকারের ইচ্ছা যে মিশরের আভ্যন্তরীণ অবস্থা এবং খেদীবের শাসনপ্রভাব অনুকূল হলেই এ-সৈন্য বিদায় গ্রহণ করবে।” প্রধান মন্ত্রী স্লামডেস্টোনের ঘোষণার উল্লেখ আগেই করা হয়েছে।

কিন্তু প্রথম মহাযুদ্ধ বাধবার সঙ্গে সঙ্গেই এই বিঘোষিত নীতির শেষাক্তা হয়ে গেল। অথোমান সুলতান যোগ দিলেন মিশরশক্তির বিপক্ষে। আর তৎক্ষণাৎ মিশরকে ইংরেজ একটি “সংরক্ষিত” রাষ্ট্রে পরিণত করে নিল।

পুরাতন প্রতিশ্রুতি অনুযায়ী ইংরেজের উচিত ছিল মিশরকে একটি স্বাধীন রাষ্ট্রে পরিণত করা; স্বাধীন মিশরের জননির্বাচিত সরকারের নিকট সে দাবী করতে পারতো সব রকমের সামরিক সহযোগিতা। জাতীয়তাবাদী মিশরবাসীদের দাবীও ছিল তাই। কিন্তু এর ধার দিয়েও গেল না ইংরেজ সরকার। বরং মিশরকে মনে করলে তার অধিকৃত একটি উপনিবেশ। হাজার হাজার মিশরী “স্বেচ্ছাসেবক”কে গ্রাম থেকে নানা লোভ দেখিয়ে ধরে এনে রণক্ষেত্রে পাঠাতে লাগল; জোর করে খাদ্য ও অন্যান্য দ্রব্যসম্ভার বাজেয়াপ্ত হতে লাগল ইংরেজ সৈন্যদের জন্যে। মধ্যপ্রাচ্যের প্রধান সরবরাহ কেন্দ্র হয়ে উঠল মিশর। সমস্ত দেশবাসী চালু হল সামরিক আইন; জাতীয়তাবাদী পত্রিকাগুলিকে নিষিদ্ধ করা হল; বহু লোককে নিষ্ক্ষেপ করা হল ক্যামাগরে।

ইংরেজ ও অন্যান্য দেশের সৈন্যরা শহরে শহরে লালসামর জীবন যাপন করে মিশরীয় গৃহের নারীদের নিরাপদ থাকতে দিল না। এক ভয়ংকর আতঙ্কে সমস্ত মিশরবাসী যুদ্ধের ভাষনিক বছরগুলো কোনো মতে কাটিয়ে দিল।

কিন্তু যুদ্ধ শেষ হতেই বিদ্রোহ জেগে উঠল। এবার মিশরের জাতীয়তাবাদী সংগ্রামক্ষেত্রে উপস্থিত হলেন নতুন এক জননেতা। তাঁর নাম সদু জগলুল পাশা।

১৯১৮ সালের ১৩ই নভেম্বর। জগলুল এবং আর কয়েকজন মিশরী নেতা ইংরেজ হাই কমিশনার স্যার রেজিনাল্ড উইন্‌গেটের কাছে মিশরের জনগণের পক্ষ থেকে একটি স্মারকলিপি উপস্থিত করেন। উইন্‌গেট তার জবাব পর্যন্ত দেবার প্রয়োজন বোধ করলেন না। তখন জগলুল দাবী করলেন তাঁদের বিশ্বশান্তি সম্মেলনে প্রতিনিধি পাঠাবার অধিকার দেওয়া হোক। এ-দাবীও ইংরেজ উপেক্ষা করল।

জগলুল শ্রেষ্ঠ শক্তিগুলির নিকট পাঠালেন জাতীয়তাবাদী মিশরের দাবী—মিশরবাসীর প্রথম স্বাধীনতা-সনদ। জগলুল চাইলেন মিশরের স্বাধীনতা; সংবিধান-অনুযায়ী গঠিত একটি পূর্ণ স্বাধীন রাষ্ট্র, যা লীগ অব নেশনস্‌এব সভ্য হিসাবে গৃহীত হবে। পরিবর্তে তিনি স্বীকার করতে রাজী হলেন ইংরেজের আর্থিক ও সামরিক স্বার্থ, তুর্কীর সঙ্গে মিশর-সম্পর্কিত মিশ্র-শক্তিদের প্রাকযুদ্ধকালীন সমস্ত চুক্তি, বিদেশী ঋণ শোধের দায়িত্ব, স্বাধীন মিশরের অর্থনৈতিক জীবনে ইংরেজের খবরদারি এবং সুয়েজ খালের নিরপেক্ষতা রক্ষা করতে মিশ্রশক্তিদের অবাধ অধিকার। লীগ অব নেশনস্‌এব ম্যানডেট পর্যন্ত জগলুল মানতে রাজী হলেন।

কিন্তু এই অতি নরমপন্থী দাবীও ইংরেজের কাছে অগ্রাহ্য হল।

মিশরের আবহাওয়া তখন থেকেই ইংরেজের বৃষ্টি-আয়ত্বের বাইরে চলে গেছে। সারা দেশ জুড়ে এমন গভীর অসন্তোষের সৃষ্টি হল যে ইংবেজ-মিশ্র প্রধান মন্ত্রী হুসেন রৌশদী পর্যন্ত পদত্যাগ করতে বাধ্য হলেন। প্রত্যুত্তবে ইংরেজ সামরিক কর্তারা জগলুলকে সাবধান করে দিলে যে তাঁর নেতৃত্বে বিদ্রোহের যে-আয়োজন হচ্ছে তার ফল হবে ভয়াবহ।

ইংরেজ সামরিক অধিনায়কের সতর্কবাণী অগ্রাহ্য করে জগলুল আবেদন করলেন লন্ডনে প্রধান মন্ত্রী লরেন্ড জর্জের কাছে। তার জবাব এল সামরিক অধিকর্তার কাছ থেকে।

জগলুল ও তাঁর তিনজন সহকর্মী নির্বাসিত হলেন মাল্টায়।

‘প্রতিনিধি’ পাঠাবার দাবী থেকে মিশরের প্রথম শক্তিশালী জাতীয়তাবাদী সংগঠনের জন্ম। প্রতিনিধির আরবী শব্দ ওয়াফ্‌দ্, তাই এ-দলের নাম হল ওয়াফ্‌দ্।

জগলুলের নির্বাসন সমস্ত মিশরে এক বিরাট গণ-আন্দোলনের সৃষ্টি করল। এমন কড়ি এর আগে কেউ দেখে নি।

“সমস্ত প্রেরণী মিশরবাসী জাতীয় সংগ্রামে যোগ দিতে এগিয়ে এল। রাজকর্মচারী, ছাত্র, স্ত্রীলোক ও পুরুষ, বৃদ্ধ ও শ্রুত, ধনী ও দরিদ্র, শিক্ষিত ও মুর্থ, চাষী ও মজদুর সবাই ঐক্যবদ্ধ হয়ে শত্রুর বিরুদ্ধে সংগ্রামে লেগে গেল।

“সামরিক কর্তারা নিষ্ঠুর ও অমানুষিক অত্যাচারে এ-সংগ্রাম দমন করতে লাগলেন। কেবলমাত্র মৃত্তি দাবী করার অপরাধে মিশরীদের উপর চলল মেশিন গুল। যারা মরল না, তাদের নিক্ষেপ করা হল কারাগারে। এরোস্টেলন থেকে পৰ্বন্ত আক্রমণ চলল স্বাধীনতাকামী মিশরবাসীদের উপর। তাদের গৃহ বা মসজিদ কিছুই আর পবিত্র রইল না। একেবারেই নির্দোষ মিশরীরাও সাম্রাজ্যরক্ষী সৈন্যদের জিঘাংসা থেকে বাদ গেল না।”*

মিশরবাসী কিন্তু পরাজয় স্বীকার করল না। নীল নদের উভয় তীরে শব্দ সেদিন একটি মাত্র উদাস্ত আহ্বান শোনা যেতঃ হয় পূর্ণ স্বাধীনতা, নয় মৃত্যু।

হার মানতে হল ইংরেজকেই। লর্ড এলেনবী এলেন মিশরে ইংরেজের হাই কমিশনার হয়ে। তাঁর চেষ্টায় জগলুল মিশরের প্রতিনিধি দল নিয়ে বওনা হলেন প্যারীসে শান্তি সম্মেলনীর কাছে স্বাধীনতার দাবী জানাতে। মার্কিন প্রেসিডেন্ট উইলসনের উদার নীতি সমস্ত উপনিবেশিক পৃথিবীতে সেদিন এক নতুন সবুজ আশা জাগিয়ে তুলেছিল। কিন্তু ইংরেজ ও ফরাসী সাম্রাজ্যবাদীরা আগে থেকেই গোপনে গোপনে যুদ্ধ-লব্ধ উপনিবেশের বাঁটোয়ারা করে নিয়েছে। আরব প্রতিনিধি প্রিন্স ফয়জল শান্তি সম্মেলনীতে আরব স্বাধীনতার দাবী জানাতে গিয়ে দেখলেন মরুপ্রান্তরে হাহাকার করার মতোই তাঁর প্রচেষ্টা অর্থহীন।

আব মিশরের প্রতিনিধি জগলুল? শান্তিময়ী পৃথিবী তৈরি করতে ব্যস্ত যুরোপেব কর্ণধাররা তাঁর আবেদন শুনতেই রাজী হলেন না। কিছুদিন পরে দেখা গেল স্বাধীনতার পরোহিত উব্রো উইলসন মিশরের উপর ইংবেজেব বে-আইনী অধিকার নিঃশব্দে মেনে নিয়েছেন।

সুতরাং লড়াইএর ক্ষেত্র পুনরায় মিশর! প্রতিরোধের বর্ধমান প্রখরতায় শংকিত হয়ে লর্ড মিলনারের নেতৃত্বে বৃটিশ সরকার একটি তদন্ত মিশন পাঠালেন মিশরে। ভারতবাসী যেমন সাইমন কমিশনকে বর্জন করেছিল, মিশরবাসীরাও মিলনার মিশনকে সম্পূর্ণ বর্জন করল। তথাপি লর্ড মিলনার বিপোর্টে স্বীকার করলেন জাতীয়তাবাদী সংগঠন মিশরে দৃঢ় প্রতিষ্ঠিত এবং বৃটিশ সরকারকে অনুরোধ করলেন ইঙ্গ-মিশর সম্পর্কে একটি চুক্তির উপর স্থাপন করতে। তিনি প্রস্তাব করলেন ইংরেজ-সংরক্ষণ সমাপ্ত করে মিশরকে চুক্তিবদ্ধ একটি স্বাধীন রাষ্ট্র বলে ঘোষণা করা হোক, এ-স্বাধীনতা অবশ্যই ব্যবহৃত হবে ইংলন্ডের বাণিজ্য, রাজনৈতিক ও সামরিক স্বার্থের গন্ডীর মধ্যে।

কাইরো থেকে মিলনার ফিবে গেলেন লন্ডনে; সেখানে জগলুল আগেই পেঁছেছিলেন প্যারীস থেকে। উভয় পক্ষের অলাপ-আলোচনা ভেঙ্গে গেল মিশরের দাবী আর ইংরেজের দানের দূস্তর ব্যবধানে। জগলুল স্বদেশে ফিরে আসতেই আবার আন্দোলন শুরুর হল তীব্রভাবে। পুনরায় জগলুল ও তাঁর পাঁচজন সহকর্মীকে যেতে হল নির্বাসনে।

দুর্ভাগ্যক্রমে এ-সময় মিশরের আভ্যন্তরীণ জীবনে এক ভয়ংকর বিভেদ দেখা দিল। খেদীব ফোয়াদ ও তাঁর প্রধান মন্ত্রী আদলী আকান ইংরেজ যা দিতে রাজী তাই পাবার জন্যে উৎসুক হয়ে উঠলেন।

* Egypt Between Two Revolutions, Cairo, Page 61.

বৃটেনের পররাষ্ট্র সচিব তখন লর্ড কার্জন—যে কার্জনকে লক্ষ্য করে ১৯০৭ সালের ভারতীয় কংগ্রেসের অধিবেশনে সভাপতি রাসবিহারী ঘোষ বলেছিলেন, “বন্দুগ, লর্ড কার্জনের বিরুদ্ধে আমাদের অভিযোগ যেমনি দীর্ঘ তের্মনি তীব্র। তিনি ভারতে শিক্ষা প্রসারের পথ আটকে দিয়েছেন। স্থানীয় স্বায়ত্তশাসনের প্রগতি বন্ধ করেছেন। ইংরেজ শোষক ও শাসকদের স্বার্থের কাছে ভারতের জনস্বার্থ স্বেচ্ছায় বিসর্জন দিয়েছেন। সর্বোপরি বাংলা দেশকে তিনি জ্বালিয়ে দিয়েছেন।”

কার্জন মিশরকেও কয়েক মাসের মধ্যেই জ্বালিয়ে দিলেন।

আদলী আকানের সঙ্গে লন্ডনে কার্জনের একটা চুক্তি হল। কিন্তু স্বাধীনতা-দাবীতে বলিষ্ঠ জাতীয়তাবাদকে এড়িয়ে গিয়ে আকান প্রধান মন্ত্রীকে টিকে থাকতে পারলেন না। শব্দ তাই নয়, তাঁর পদত্যাগের পরে ইংরেজের তাবদার হয়ে প্রধান মন্ত্রী গ্রহণ করতে পুরো দু-মাস মিশরের কোনো নেতাই এগিয়ে এলেন না। দু-মাস পরে এলেনবীর চেষ্টার আবেদন খালেক সারওয়াট রাজী হলেন প্রধান মন্ত্রী নিতে।

ইংরেজ এবার আর বিলম্ব না করে, ঘোষণা করল মিশরের পূর্ণ স্বাধীন রাষ্ট্রীয় অধিকার।

১৯২২ সালের ২৮শে ফেব্রুয়ারী। এ “পূর্ণ স্বাধীনতা” অবশ্য লোহ শৃঙ্খলে আবদ্ধ হয়ে মিশরবাসীর কাছে দাঁড়াল পঙ্গু, নদাজ্জদেহ। ইংরেজ মিশরের উপর তার অনির্মলিত “সংরক্ষণ” এতদিন পবে তুলে নিলে। খেদীব ফোয়াদ হলেন রাজা ফোয়াদ। কিন্তু ইংরেজ নিজের সংরক্ষিত পূর্ণ অধিকার অটুট রাখল প্রাচ্য সাম্রাজ্যের সঙ্গে যোগাযোগের উপর। যে-কোনো প্রকারের আক্রমণ থেকে মিশরকে “বাঁচাবার” অধিকারও সে ত্যাগ করল না। সুদানে বজায় রইল তার পূর্ণ কর্তৃত্ব। মিশরের যুরোপীয় স্বার্থ বক্ষা করবার দায়িত্বও সে ছাড়তে পারল না। কাইরো থেকে সুয়েজ পর্যন্ত যে-সব অঞ্চলে ইংরেজের সৈন্যবাহিনী ঘাঁটি নির্মাণ করে অবস্থিত, তারাও কয়েম থাকার অধিকার থেকে বঞ্চিত হল না।

তবু এসব শৃঙ্খল নিয়েও মিশর স্বাধীন সার্বভৌম জাতিতে নতুন জন্ম নিল। আর তার নবলব্ধ স্বাধীনতা সেদিন ভারতবর্ষেও আলোড়ন জাগিয়েছিল, ভারতের সংগ্রামকে তীব্রতর করোঁছিল। ভারতের জাতীয় কংগ্রেস বিংশ শতাব্দীর দ্বিতীয় দশক উত্তীর্ণ হতেই যে বিরাট সংগ্রামে অবতীর্ণ হল, তার অন্যতম বহিঃপ্রেরণা মিশর।

“অনেক অশান্ত শতাব্দী কেটে গেছে মধ্যপ্রাচ্যের বৃক্ষের উপর। হঠাৎ সর্ব-প্রথম শোনা গেল একটি নতুন শব্দ : স্বাধীনতা! শব্দটি বিস্ময়ে সবাই কান পেতে শুনলো। এ ওকে জিজ্ঞেস করলো, এর অর্থ কী? স্বাধীনতা? স্বাধীনতা কী?.....একটা ব্যাপার কিন্তু নিশ্চিত বোকা গেল। বিধাতার চলমান আঙ্গুল মধ্যপ্রাচ্যের ইতিহাসের পাতার একটি নতুন অধ্যায়ের শিরোনাম লিখে দিয়েছে”—জারটুড বেল।

১৪

স্বাধীনতা পেল মিশর, স্বরাজ।

কিন্তু কার স্বাধীনতা? স্বরাজের উপর সজাগ খবরদারি করছে ইংরেজ। তার অধিকার এক তিল সে খর্ব করতে প্রস্তুত নয়।

নতুন স্বাধীনতা পেয়েছেন রাজা ফোয়াদ। রাজপ্রাসাদ ঘিরে, রাজার প্রাসাদে, জন্ম নিয়েছে নতুন এক তাঁবেদার শ্রেণী, যুদ্ধে যাদের পরস্যা বেড়েছে, চাষীদের বণ্ডিত করে ভূমির বিপুল অংশের যারা অধিকারী। জনসমর্থনে বণ্ডিত, কিন্তু রাজসমর্থনে ধনী।

১৯২০ সালের সংবিধানে, ইংরেজের ঔদার্যে, রাজার হাতে এসে জন্ম অনেক বকমের বিশেষ ক্ষমতা। তিনি যাকে ইচ্ছা প্রধানমন্ত্রী বানাতে পারেন। যখন ইচ্ছা পার্লামেন্ট ভেঙ্গে দিতে পারেন। তা ছাড়া, তাঁর রয়েছে নিজস্ব রয়্যাল ক্যাবিনেট; সামরিক বাহিনীর তিনি সর্বপ্রধান; দেশব্যাপী তাঁর গোপন গোয়েন্দা-জাল।

জনসাধারণের স্বাধীনতা-দাবীর প্রতীক ওয়াফ্‌দু। সে চায় রাজার বিশেষ অধিকার খর্ব করতে। ইংরেজের সামরিক কর্তৃত্ব দূর করতে। মিশরের স্বাধীনতাকে কলঙ্ক ও শৃঙ্খলমস্ত করতে।

মোটামুটি দেখতে পাওয়া যায় যে, ১৯২৫ থেকে ১৯৫২ পর্যন্ত এই সাতাশ বছর মিশরে চলছিল এই ত্রিভুজ-সংগ্রাম। সবার উপরে ইংরেজ। আর তাব সঙ্গে মৈত্রীবন্ধ রাজপ্রাসাদ। তৃতীয় সংগ্রামী শক্তি মিশরের জনসাধারণ; তাদের প্রতিনিধি ওয়াফ্‌দু।

মিশরবাসীর বৃক্ষে অনেক আশার সঞ্চার করে জন্ম হয়েছিল জগল্দুল পাশার নেতৃত্বে ওয়াফ্‌দু পার্টির। এ-জন্যই বার বার রাজসিংহাসনের সঙ্গে প্রত্যক্ষ সংগ্রামে জনগণ নির্বাচনের সুযোগ পেলেই ওয়াফ্‌দুকে বিপুল সংখ্যাগরিষ্ঠতায় পার্লামেন্টে মনোনীত কবেছে। কিন্তু কালক্রমে এই সংগ্রাম-শীল ওয়াফ্‌দু হয়ে দাঁড়াল জমিদার-কর্বালাত প্রগতি-বিরোধী। মিশরের কোনো সমস্যারই সে সমাধান করতে পারল না। না পারল ইংরেজের সামরিক কর্তৃত্ব দূর করতে, না পারল জনগণের জীবন-মান উন্নত করতে। শ্রেণী-স্বার্থই ওয়াফ্‌দু দলের প্রধান লক্ষ্য ও প্রধান প্রতিরোধ হয়ে উঠল। জগল্দুল যে-আশার, যে-নবজীবনের দীপ জ্বালিয়েছিলেন দ্বিতীয় দশকে, নাহাস তৃতীয় দশকেই তাকে অনেকখানি স্তিমিত করে ফেললেন। পশ্চিম দশকের প্রারম্ভে তার শেষ শিখাটুকু নিভে গেল।

১৯৫২ সালের বিপ্লবের পরেও নাহাস গর্ব করে বলেছিলেন, “শাসন করবার একমাত্র অধিকার ওয়াফ্‌দু-এর।” এ দাম্ভিক উক্তি জবাব মিশরবাসী

সেদিন দাঁড়িয়েছিল শব্দে ক্রুদ্ধ বিদ্রোহে। কাগজে কাগজে নাহাসের কাটুর্ন ছাপা হয়েছিল শব্দে বিদ্রূপ করার জন্যে।

অথচ ১৯২০ থেকে ১৯৩৫ পর্যন্ত কী বীরত্বের সঙ্গেই না ওয়াফ্‌দু লড়েছিল ইংরেজ ও রাজা ফোয়াদের মিলিত শক্তির বিরুদ্ধে!

১৯২৩ সালের ২৩শে এপ্রিল মিশরের প্রথম স্বাধীন শাসনতন্ত্র বিঘোষিত হয়। সেপ্টেম্বরে জগলুল ও তাঁর পাঁচজন সহকর্মী নির্বাসন থেকে মিশরে প্রত্যাবর্তন করেন। পরবর্তী বছরের জানুয়ারী মাসে মিশরে প্রথম নির্বাচনে ওয়াফ্‌দু বিপুল ভোটাধিক্যে জয়ী হবার ফলে জগলুল প্রধানমন্ত্রী নিযুক্ত হন। এই সময়ে ইংলন্ডে প্রথম শ্রমিক সরকার প্রতিষ্ঠিত হয়েছে র‍্যামজে ম্যাকডোনাল্ডের নেতৃত্বে।

সুদান নিয়ে শ্রমিক সরকারের সঙ্গে মিশরের বিরোধ শুরু হল। সুদানের উপর মিশর কর্তৃত্ব দাবী কবেছে বহুকাল; কিন্তু ১৯২২ সালের ঘোষণায় ইংরেজ সুদানকে রেখে দিয়েছে নিজের জিম্মায়। এ-আন্দোলন সুদানেও ছাড়িয়ে পড়ল মিশর-সম্বন্ধে বৃপ নিয়ে।

পাঁচিশ বছর পরে সুদানের পূর্ণ স্বাধীনতা মেনে নিয়ে নাসের যে দূরদর্শিতার পরিচয় দিয়েছিলেন তার একান্ত অভাব ছিল জগলুল ও নাহাস দুজনেরই। জগলুল ভাবলেন, শ্রমিক পার্টির গডনমেষ্ট সুদানে মিশরের দাবী মেনে নেবে। স্বাধীন মিশরের প্রথম প্রধানমন্ত্রী জগলুল পাশা উপস্থিত হলেন লন্ডনে র‍্যামজে ম্যাকডোনাল্ডের সঙ্গে আলাপ-আলোচনা করতে। অচিরেই তাঁর ভুল ভাঙ্গল। তিনি দেখতে পেলেন, সাম্রাজ্য-বিষয়ে ম্যাকডোনাল্ড ও কার্জনের মধ্যে কোনো ভেদ নেই।

খালি হাতে কাইরোতে ফিরে এলেন জগলুল পাশা। জনসংগ্রামেব আতঙ্কে রাজা ফোয়াদ হঠাৎ তীব্রভাবে জগলুল-বিবোধী হয়ে উঠলেন। চতুর্দিকে আবার ইংবেজ-বিবোধী আন্দোলন ও দাঙ্গা লেগে গেল।

এর মধ্যে মারা পড়লেন স্যার লী স্ট্যাক নামে একজন ইংবেজ।

লী স্ট্যাক রাম-শ্যাম জাতীয় লোক ছিলেন না। তিনি ছিলেন সুদানের স্বতন্ত্র জেনারেল এবং মিশর সেনাবাহিনীর সদাঁব—অর্থাৎ প্রধান সেনাপতি। কাইরোর রাজপথে এক আততায়ীর আক্রমণে লী স্ট্যাকের প্রাণ গেল।

এলেনবী যেন এই দুর্ঘটনার জন্যে তৈরী হয়েই ছিলেন। তিনি এক মুহূর্ত সময় হারালেন না। লী স্ট্যাক প্রাণ দিয়ে ইংরেজের কর্তৃত্ব আবার কঠিনরূপে কার্যে করে গেলেন সুদান ও মিশরে। মিশরের বর্তমান ঐতিহাসিকরা অনেক প্রমাণ দাখিল কবেছেন যে, সমস্ত হত্যাকাণ্ডটাই ইংরেজের ষড়যন্ত্র।

এলেনবী সাত-দফা দাবী উপস্থিত করলেন রাজা ফোয়াদের হতভম্ব চোখের সামনে! মিশরকে প্রকাশ্যে ইংরেজের মার্জনা চাইতে হবে। অনাতি-বিলম্বে হত্যাকাণ্ডের অনুসন্ধান করে হত্যাকারী যে-ই, যে-প্রণীর বা যে-বয়সেরই হোক না কেন, তাকে উপযুক্ত শাস্তি দিতে হবে। মিশরে এর পর কোনোপ্রকারের রাজনৈতিক শোভাযাত্রা চলবে না। ইংরেজ সরকারকে পাঁচ লক্ষ পাউন্ড ক্ষতিপূরণ দিতে হবে। চম্শিশ ঘণ্টার মধ্যে সুদান থেকে মিশরী সৈন্য অপসারণ কর্ত্ত হবে। সুদানকে তিন লক্ষ একক জমিতে সেচ-কার্যের

অধিকার দিতে হবে। ইংরেজ যে মিশরে বৈদেশিক স্বার্থ সংরক্ষণের অধিকার ভোগ করে আসছে তার বিরুদ্ধে কোনো আপত্তিই চলবে না।

এই সন্তোষজনী অস্ত্র হেনে এলেনবী একটি অতি কঠিন সতর্কবাণী উচ্চারণ করলেন, যার মর্মার্থ হচ্ছে : মিশর যদি এ-দাবী একদুগি মেনে না নেয় তবে ভগবান তাকে রক্ষা করুন ইংরেজের জ্যোতিষি থেকে !

এলেনবীর চরমপত্রের বিরুদ্ধে প্রতিবাদে জগলল পদত্যাগ করলেন। মিশরের পার্লামেন্টও জানাল তার প্রতিবাদ। সবাই বুঝতে পারল, স্যার লী স্ট্যাকের রক্ত দিয়ে বুটেন সুদানে নতুন অধিকারের ইমারত রীতি করছে চাইছে।

রাজা ফোয়াদ মিশরবাসীর এ-গভীর দুর্দিনে তাদের পাশে না দাঁড়িয়ে ইংরেজের কাছে মাথা নত করলেন। নতুন প্রধানমন্ত্রী জিওয়ার ইংরেজের দাবী মেনে নিলেন। সাতজন মিশরীর প্রাণদণ্ড হল। উপরি-দান হিসাবে ইংরেজের আদেশে, জিওয়ার জাগবদুব নামে একটি সীমান্ত-ঘেঁষা মরুদ্যান ইতালীকে উপহাস দিলেন !

১৯২৭ সালে জগলল পাশার মৃত্যুর পর ওয়াফ্‌ দলের নেতা হলেন নাহাস পাশা।

মিশরের রাজনীতি-দেহে একটি মারাত্মক রোগের জন্ম হয় শ্বিতীয় দশকের প্রথমেই। রাজপ্রাসাদে কয়েকটি জনসমর্থনহীন বাজনৈতিক উপদল গঠিত হয়, যাদের একমাত্র উদ্দেশ্য দেশী ও বিদেশী প্রভুর স্বার্থ সেবা করে নিজদের স্বার্থ গুছিয়ে নেওয়া। এদের মধ্যে একটির নাম লিবাবেল কনস্টিটিউশনাল পার্টি, যাব নেতাবা বার বার প্রধানমন্ত্রী হয়েছেন পার্লামেন্ট বা জনসাধারণের বিনা সমর্থনে। আর একটি সাদিস্ট পার্টি। ওয়াফ্‌ থেকে বেরিয়ে গিয়ে কেনো কোনো নেতা ছোটখাট দল তৈরি করে রাজার সেবায় ও ইংরেজের তুষ্টিতে আত্মনিয়োগ করতে শুরু করেন। এ-দৃষ্টি থেকে বিচার করলেই বোঝা যাবে, কেন নাসেব ১৯৫২ সালের বিপ্লবের পবে এমন কোনো রাজ-নৈতিক নেতাব সম্মান পান নি যার উপর রাজ্যভার অপর্ণ করা যায়। তখন ওয়াফ্‌ ডুবে গেছে শ্রেণীস্বার্থের ও ব্যক্তিস্বার্থের অন্ধকারে। অন্য সব রাজনৈতিক দলের ইতিহাস দেশদ্রোহিতার কালিমায় কলঙ্কিত।

এইসব ভুই-ফোড় তাবিদাবদের সাহায্যে মিশরের রাজা ফোয়াদ ও তার পুত্র ফাবুক বছরের পব বছর ওয়াফ্‌ দলকে রাজশক্তি থেকে দূরে রাখতে পেরেছেন। বার বার নির্বাচনে জিতেও ১৯২৩ থেকে ১৯৫০-এর মধ্যে ওয়াফ্‌ মাত্র পাঁচবার বাজ্র করতে পেরেছে। তাও একবার পদোপদ্রি নয়।

১৯২৮ সালে নাহাস পাশা প্রধানমন্ত্রী নিযুক্ত হন। কিন্তু কয়েক মাসের মধ্যেই ফোয়াদ তাঁকে বরখাস্ত করে শাসনতন্ত্র নাকচ করে দেন। ১৯২৯ সালের নির্বাচনের পরে নাহাস পুনরায় প্রধানমন্ত্রী হন। কিন্তু রাজার বিশেষ ক্ষমতা খর্ব করতে গিয়ে ফোয়াদের সঙ্গে বিরোধ শুরু হয়। ১৯৩০ সালে তিনি পদত্যাগ করেন।

অদলীয় নরমপন্থী নেতা সিদকী পাশা প্রধানমন্ত্রী হয়ে পার্লামেন্ট ভেঙ্গে দেন, শাসনতন্ত্রকে সংশোধন করে রাজার ক্ষমতা আরো বর্ধিত করেন এবং

প্রায় ডিক্টেটরের মতো পাঁচ বছর রাজত্ব চালান। ১৯৩৫ সালে পার্লামেন্ট পুনর্জীবিত করা হয়। সাধারণ নির্বাচনে ওয়াম্ফ্‌ জয়লাভ করে। নাহাস আবার প্রধানমন্ত্রী হন।

১৯৩৫ সাল পর্যন্ত মিশরের জীবনে দেখতে পাই রাজনৈতিক অস্থিরতা, নিরাপত্তার অভাব, বিদেশী প্রভুত্বের বিরুদ্ধে ঘনীভূত সংগ্রাম আর জনতা ও রাজপ্রাসাদের মধ্যে বর্ধমান ব্যবধান। স্বরোপের বৃহৎ উপর তাড়ব নত নাচছে। ইতালী আফ্রিকার পানে হাত বাড়িয়েছে। জরাগ্রস্ত ইংরেজ চেষ্টা করছে কোনোমতে যুদ্ধকে আটকে রাখতে অথবা জার্মানীর সঙ্গে রাশিয়ার একটা গোলমাল বাধাতে।

তিন দশকের প্রথমে মিশরের প্রধানতম গণদাবী ছিল ১৯২৩ সালের সংবিধানকে পুনরায় চালু করা। ফোয়াদ ও তাঁর জনস্বার্থবিরোধী প্রধানমন্ত্রী সারওয়াত পাশা উভয়েই এ-দাবীর প্রতিরোধী। এর উপর এসে যোগ দিলেন ইংরেজ পররাষ্ট্র সচিব স্যার স্যামুয়েল হোর তাঁর “উপদেশ” নিয়ে, যার মর্মার্থ হল ১৯২৩ সালের সংবিধান চালু করা উচিত হবে না।

হোর সাহেবের এই অন্যায় হস্তক্ষেপে মিশরের অবস্থা আরো সঙ্গীন হয়ে উঠল। সমস্ত মিশরব্যাপী তীব্র প্রতিবাদ সহিংস আন্দোলনের পথে আত্মপ্রকাশ করতে লাগল। কয়েকজন যুবকের মৃত্যু আন্দোলনের আগুনে ঘি ঢেলে দিল। এদিকে ইতালী আর্বিসিনিয়া আক্রমণ করায় মিশরে নিজের স্বার্থ সংরক্ষিত করবার জন্যে ইংরেজ সরকার বাস্তব হয়ে উঠলেন। বিলাতেব শাসকবর্গের কাছে একটা কথা অত্যন্ত পরিশ্কার হয়ে উঠল : দ্বিতীয় মহা-যুদ্ধে সুয়েজ খালের গুরুত্ব হবে অসাধারণ। আর সুয়েজ খাল সুরক্ষিত করতে হলে চাই মোটামুটি শান্ত ও মিত্র মিশর।

ইংরেজ হাই কমিশনার ও রাজা ফোয়াদের প্রচেষ্টায় কাইরোতে তৈরী হল একটি জাতীয় ফ্রন্ট; নাহাস পাশা প্রতিনিধি-দলের নায়ক হয়ে গেলেন লন্ডনে ইংরেজের সঙ্গে নতুন চুক্তি পাকাপাকি করতে।

১৯৩৬ সালের আগস্টে নতুন ইঙ্গ-মিশর চুক্তি স্বাক্ষরিত হয়। দীর্ঘাকৃতি এই চুক্তি ইঙ্গ-মিশর সম্পর্কের দ্বিতীয় প্রধানতম সেতু। আরবী-বিদ্রোহের পর এই প্রথম ইংরেজ সরাসরি মিশর থেকে তার দখল প্রত্যাহার করল।

বিশ বছরের এই চুক্তির প্রধান প্রধান সূত্রের ফলে মিশর লাভ করল : কাইরো ও অন্যান্য অঞ্চল থেকে বৃটিশ সৈন্যের অপসরণ; মিলিটারী অকুপেশনের সমাপ্তি; লীগ অব নেশন্স-এর সভ্য হবার অধিকার।

ইংরেজ পেলো : সুয়েজ অঞ্চলে সমস্ত সৈন্য একত্রিত করে ওখানকার ঘাঁটির উপর বিশ বছরের সামরিক কর্তৃত্ব; যুদ্ধ বাধলে মিশরের কাছ থেকে সব রকম সাহায্য পাবার প্রতিশ্রুতি; সুয়েজ খাল রক্ষা করবার পূর্ণ অধিকার।

ইংরেজ এবার স্বরোপীয় স্বার্থ সংরক্ষণের জন্য তার বহুদিনের বিশেষ ক্ষমতাও প্রত্যাহার করল।

সুদান সম্বন্ধে কিছুটা বোঝাপড়া হল। সুদানের উপর মিশরের কর্তৃত্ব কি ইংরেজের অধিকার বজায় থাকবে এ-প্রশ্ন এড়িয়ে গিয়ে ব্যবস্থা হল যে, যৌথ প্রভুত্বই চালু থাকবে। তবে, দশ বছর পরে, মিশরী সেনাদের সুদানে

পুনঃপ্রবেশের অধিকার এখন দেওয়া হবে, আর কিছু কিছু মিশরীরা সন্ধানে গিয়ে বসবাস করতে পারবে।

কয়েক বছরের মধ্যেই ১৯৩৬ সালের চুক্তির বিরুদ্ধে মিশরের জনমত সজাগ হয়ে ওঠে। দ্বিতীয় মহাযুদ্ধের পর ইংরেজের পূর্ণ অপসরণ দাবী করতে গিয়ে মিশরবাসী দেখতে পায়, এই চুক্তিই প্রধান অন্তরায়। ১৯৪৭ সালে প্রধানমন্ত্রী নোজ্জাহী পাশা মিশরের দাবী নিয়ে যখন স্বাস্থ্যপরিষদে উপস্থিত হলেন তখনো এই চুক্তির জন্যই সে দাবী ব্যর্থ হয়ে গেল। ১৯৩৫ পর্যন্ত ইংরেজ সৈন্য মিশরে অবস্থান করছিল বে-আইনীভাবে; তার স্বরূপ ছিল দখলী সেনার। ১৯৩৬-এর চুক্তি এ-স্বরূপ বদলে দিয়েছিল। স্বাস্থ্য-পরিষদের একজন সভ্যও ইংরেজের চুক্তি-সংরক্ষিত অধিকারের বিরুদ্ধে সিদ্ধান্ত দিতে রাজী হল না। এমন কি সোবিয়ত রাশিয়াও না।

নাহাস পাশার নেতৃত্বে ইংরেজের সঙ্গে নতুন চুক্তি স্বাক্ষরিত হবার পর থেকেই ওয়াফ্‌দ দলের চেহারা বদলাতে শুরু করে। নাহাসের উচিত ছিল মিশরবাসীকে পরিষ্কার করে বলা যে এই চুক্তি কেবলমাত্র একটা বিরাত অগ্রসর; পূর্ণ স্বাধীনতার সীমান্তে উপস্থিত নয়। যতক্ষণ মিশরের মাটিতে শক্তিশালী সাম্রাজ্যবক্ষী সৈন্যবাহিনী মোতায়ন, ততক্ষণ মিশরের স্বরাজ খর্বিত, পঙ্গু। কিন্তু তা না করে নাহাসের দল এই চুক্তিকে 'স্বাধীনতা ও সম্মানের চুক্তি' বলে ঘোষণা করল। ওয়াফ্‌দ যেন পেঁছে গেল সংগ্রামের সীমান্ত; জনতার সঙ্গে তার ব্যবধান এখন থেকে ক্রমেই বেড়ে যেতে লাগল।

এর পরে দ্বিতীয় মহাযুদ্ধের শেষ থেকে ১৯৫২ সালের বিপ্লব পর্যন্ত, ওয়াফ্‌দ ইংরেজ-বিরোধী জনমতের সুযোগ নিয়ে অনেকবার মিশরে ব্যর্থ আন্দোলনের চেষ্টা করেছে। এই ব্যর্থতার প্রধানতম কারণ একদা-বলিষ্ঠ ওয়াফ্‌দদের আভ্যন্তরীণ সংগ্রাম-শক্তি তখন জমিদার শ্রেণীর সমর্থনে স্টিমিত, নানা প্রকারেব অসং কালে নেতাদের হাত কলঙ্কিত, এতদিনকার জনপ্রিয় প্রতিষ্ঠানের জরাপঙ্গু নেতৃত্বের সঙ্গে নতুন সমাজের মানুষগুলির মানসিক যোগাযোগ বিচ্ছিন্ন।

১৯৩৬ সালের চুক্তির ফলে মিশর লীগ অব নেশন্স-এর সভ্যরূপে গৃহীত হয় ১৯৩৭ সালের ২৬শে মে। ঐ মাসেই বিদেশীদের উপর মিশরী আদালতের কর্তৃত্ব প্রতিষ্ঠিত হল। মিশর যখন অধোমান সাম্রাজ্যের অধীন ছিল তখন থেকেই এ-অধিকার থেকে সে ছিল বঞ্চিত। বিরাত অধোমান সাম্রাজ্যেব কোথাও কোনো আদালত য়ুরোপীয়দের অপরাধ বিচার করতে পারত না। অবশ্য ১৯৩৭এর মে মাসে যে আন্তর্জাতিক চুক্তির ফলে মিশর এই মৌলিক অধিকার ফিরে পেল তার পূর্ণ প্রয়োগ হতে লেগে গেল সূদীর্ঘ বারো বছর। ইংরেজ ও মিশরী যুক্ত আদালত, কনসুলার আদালত ইত্যাদি সম্পূর্ণরূপে নিশ্চিহ্ন হয়ে মিশরী বিচার-প্রথার সার্বভৌম অধিকার সুপ্রতিষ্ঠিত হতে হতে বিংশ শতাব্দীর প্রথমার্ধ প্রায় উত্তীর্ণ হয়ে গেল।

রাজা ফোয়াদ মারা গেলেন ১৯৩৭ সালে। তাঁর সতেরো বছরের পুত্র ফারুক মিশরের সিংহাসনে বসলেন। ইংলন্ড থেকে কিশোর ফারুক এলেন রাজদণ্ড ধারণ করতে; সুন্দর সুদীপ্ত তাঁর চেহারা, বলিষ্ঠ আশ্রয় উদ্দীপ্ত চোখ। সারা মিশরের জনতা ভেঙ্গে পড়ল ফারুককে স্বাগত জানাতে।

কিন্তু কয়েক মাসের মধ্যেই ফারুকের সঙ্গে কলহ বেধে গেল ওয়াফ্‌দ দলের। ফারুক নিজ হাতে নিজ মতে নিজ পথে মিশরের ভবিষ্যৎ গঠন করবার 'এক স্বপ্নারূপ' স্বপ্নে বিভোর হয়ে উঠলেন। অভিজ্ঞতার অভাব, মিশরের প্রকৃত সমস্যার সঙ্গে অপরিচয় প্রথম থেকেই তাঁর স্বপ্নকে দুর্বল, অবাস্তব ও পঙ্গু করে দিল।

শ্বিতীয় মহামুদ্ব যখন বাঘল তখন মিশরের রাজা ও প্রজা কারুর মনেই মিত্রশক্তি স্বপক্ষে কোনো স্নেহ বা প্রীতি সঞ্চিত ছিল না। আসলে ইরান থেকে আডেন পর্যন্ত সমস্ত মধ্যপ্রাচ্যের জনহৃদয়ে ইংরেজের প্রতি অনুরূপ-ভাবের অভাব অতি সহজেই প্রকট হয়ে উঠল। এই ইংরেজ-বিস্বেষই ইরান ও ইরাকে জার্মানীর প্রতি সক্রিয়-সহানুভূতিশীল নেতাদের আবির্ভাবের কারণ। আধুনিক ইরানের নির্মাতা রেজা শাহ ইরানকে নিরপেক্ষ রাখবার চেষ্টা করছিলেন। ১৯৪১ সালের ১৬ই সেপ্টেম্বর হঠাৎ দেখা গেল বৃটিশ ও সোবিয়েত সৈন্য তিন দিক থেকে তেহরানকে ঘিরে ফেলেছে। রেজা শাহকে রাজ্য ত্যাগ করে নির্বাসনে যেতে হল। তাঁর পুত্র মহম্মদ রেজা শাহ ইরানের সম্রাট হলেন, কিন্তু যুদ্ধকালীন বছরগুলি ইরানকে ইংলন্ড ও রাশিয়ার ষোড়শ আধিপত্যে কটাতে বাধ্য হতে হল।

ইরাকেও একই ঘটনার পুনরাবৃত্তি। সেনাবাহিনী ও জনসাধারণ উভয় ক্ষেত্রেই মনোভাব মিত্রশক্তিবিরোধী। জার্মানীকে প্রত্যক্ষ সাহায্য করার বিপদ সমূহ; তাই নিরপেক্ষতা হয়ে উঠল জাতীয় দাবী। ১৯৪১ সালের এপ্রিলে সামরিক নেতা রসিদ আলী রাজশক্তি অধিকার করে নিরপেক্ষতা ঘোষণা করলেন। বাজা ফয়জল তখন নিতান্ত শিশু; তাঁর অভিভাবক বিজেন্ট ও অন্যান্য বৃটিশপক্ষীয় নেতারা পালিয়ে বাঁচলেন। কিন্তু ইংরেজ ছেড়ে কথা কইল না। ২রা মে ইংরেজ দাবী করল ইরাকের মধ্য দিঘে সৈন্য চলাচলের অধিকার। রসিদ আলী বাধ্য দিতেই লেগে গেল সংঘর্ষ। পবাস্ত হযে রসিদ আলী পলাতক হলেন। বাহুবলে ইংরেজ ইরাকের যুদ্ধ-সহযোগিতা আদায় করে নিল।

আর মিশর? ফারুকও চাইলেন মিশর থাকুক যুদ্ধে নিরপেক্ষ। যুদ্ধ ঘোষণার সময় প্রধানমন্ত্রী ছিলেন আলী মাহের; ইংরেজকে সাহায্য কবতে অনিচ্ছার জন্য বৃটিশ হাই কমিশনারের চাপে তিনি পদত্যাগ করতে বাধ্য হলেন। পরবর্তী প্রধানমন্ত্রী হাসান সাব্রি পাশা ইংরেজকে সৈন্য ও সরবরাহ চলাচলের কিছু অধিকার দেবার সঙ্গে সঙ্গে ঘোষণা করলেন মিশরের নিরপেক্ষতা। ইংরেজের চাপে তাঁকেও শাসনের গদি থেকে নেমে আসতে হল। ইংরেজের কাছে মাথা আনত করতে অস্বীকারের স্বল্পস্থায়ী গৌরবে ফারুক সমস্ত মিশরে জনপ্রিয় হয়ে উঠলেন।

লর্ড বিজান ছিলেন কাইরোতে বৃটিশ প্রতিনিধি। সুয়েজ ও মিশর ইংরেজের কাছে বৃটেনের পরেই প্রধানতম প্রতিরক্ষী ঘাঁটি। এর গুরুত্ব বোঝা যায় চার্চিল সাহেবের যুদ্ধকালীন ঘটনার বিবরণে। তাঁর যুদ্ধ-ইতিহাসের তৃতীয় খণ্ডে তিনি উল্লেখ করেছেন ফিল্ড মার্শাল স্লিম প্রণীত একটি নিবন্ধের। তখন মিত্রশক্তির অবস্থা শোচনীয়। একদিকে বিপন্ন সিংগাপুর, অন্যদিকে মিশর, সর্বোপরি বৃটেন নিজেই। স্লিম প্রস্তাব করলেন যে প্রতি-

রোধের প্রথম পর্যায়ে অবশ্যই থাকবে বৃটেন; কিন্তু প্রয়োজন হলে সুরেজ ছেড়ে দিয়ে সিংগাপুর রক্ষা করতে হবে। চার্চিল এ-প্রস্তাব অগ্রাহ্য করে বললেন, সর্বাগ্রে নিশ্চয় বৃটেন। কিন্তু তার পরেই সুরেজ ও মিশর। সিংগাপুর হয়তো হারাতে হবে না আমেরিকার সহায়তায়; কিন্তু মিশর গেলে সাম্রাজ্যের কিছই থাকবে না নিরূপদ। নেলসন একদিন মিশরের নিকটে নেপোলিয়নকে পরাস্ত করেছিলেন। চার্চিল কাইরোতে হিটলারকে দেখতে কিছতেই রাজী হলেন না।

১৯৪২ সালের ১৪ই ফেব্রুয়ারী। মিশরের ইতিহাসে একটি কৃকতম দিন। প্রভাত হতেই ইংরেজের ট্যাঙ্ক কাইরোর আবদীন রাজপ্রাসাদ ঘিরে ফেলল। একখানা মিলিটারী গাড়ি এসে ঢুকল রাজপ্রাসাদের সিংহদ্বারে। গাড়ি থামিয়ে ড্রাইভার দ্বার খুলে সেলাম দিল, নামলেন রাজদূত লর্ড কিলার্ন। চতুর্দিকে বিস্মিত ভয়াত নীরবতা। মিশরী প্রহরী সেলাম ঠুকতে ভুলে গেল। তার দিকে একটু তাকিয়ে কিলার্ন প্রবেশ করলেন ফারুকের সদৃশীকৃত পড়ার ঘরে। খবর পেয়ে ফারুক ঘরে ঢুকতেই কিলার্ন তার হাতে দিলেন বৃটিশ সরকারের চরমপত্র। তার সারমর্ম হল : ফারুককে ইংরেজের মনোনীত প্রধানমন্ত্রী নিয়ে গভর্নমেন্ট গঠন করতে হবে; সে-গভর্নমেন্ট জার্মানীর বিরুদ্ধে যুদ্ধ ঘোষণা না করলেও মিত্রশক্তিকে অবাধ সহায়তা দেবে। রাজী না হলে ফারুককে রাজসিংহাসন ত্যাগ করতে হবে।

ফারুক জানতে চাইলেন ইংরেজের মনোনীত প্রধানমন্ত্রী হবে কে ?

নিষ্পলক দৃষ্টিতে ফারুকের চমকিত চোখের দিকে তাকিয়ে কিলার্ন উত্তর দিলেন, 'মুস্তাফা অল্ নাহাস পাশা।'

ঘটনাপ্রবাহের পুরো এক চক্র এখানে উত্তীর্ণ। বে-ওয়াফদ-এর জন্ম হয়েছিল ইংরেজের সঙ্গে সংগ্রাম-দীক্ষায়, আজ ইংরেজের দৃষ্টিনে, মিশরের ভূমিতে জার্মান বাহিনীর উপস্থিতিতে, সেই ওয়াফদ-এর নেতা এগিয়ে এলেন মিত্রশক্তিকে সাহায্য করতে। ফারুক কিছতেই নাহাস পাশাকে প্রধানমন্ত্রী দিতে চান নি। এবার ইংরেজের অলঙ্ঘনীয় আদেশপত্রের আশীর্বাদ বহন করে নাহাস প্রতিষ্ঠিত হলেন প্রধানমন্ত্রিষে। শব্দ তাই নয়। নাহাস নিজেকে নিষদ্ধ করলেন মিশরের মিলিটারী গভর্নর।

নাহাসের নেতৃত্বে মিশর মিত্রপক্ষের সহায়তা শুরু করল; বৃটেন নিজেই অবাধ হল তার আশাতীত সহযোগিতায়। ইংরেজের হাতে লাঞ্চিত হয়ে ফারুক হয়ে উঠলেন বিলাসী, অসংযত, খামখেয়ালী, জাতি-স্বার্থের প্রতিকূল। ওয়াফদের সঙ্গে তার সম্বন্ধ ভয়ানক হয়ে উঠল। যুদ্ধের আশীর্বাদে ওয়াফদ-দলের নেতাদের অসদুপারে প্রাপ্ত অর্থের পরিমাণ প্রতিদিন বেড়ে যেতে লাগল।

মিত্রপক্ষকে সব রকম সাহায্য দিয়েও নাহাস জার্মানীর বিরুদ্ধে যুদ্ধ ঘোষণা করলেন না। কয়েক মাসের মধ্যে জার্মানী থেকে মিশরের বিপদ হ্রাস হয়ে গেল। তার ফলে জনমত্তও আবার বৃটিশ-বিরোধী হয়ে উঠল। ওয়াফদ-দলের স্বার্থ-প্রণোদিত কুক্রমের প্রতিবাদে নাহাসের একদা দক্ষিণহস্ত সাক্ষ্য পাশা দলত্যাগ করতেই ফারুক নাহাসের উপর প্রতিশোধ নিয়ে বসলেন।

নাহাস গেছেন আলেকজান্দ্রিয়ার এক আরব সম্মেলনীতে, সন্তাপ্তি

করতে, সম্মেলনীর উদ্দেশ্য আরব লীগের গোড়াপত্তন করা। সেখানে নাহাসের হাতে এসে পৌঁছল ফারুকের জরুরী 'তার'।

ফারুক নাহাসকে পদচ্যুত করেছেন।

সাদিস্ট পার্টির নেতা আহমেদ মাহের পাশা হলেন প্রধানমন্ত্রী। জার্মানীর বিরুদ্ধে যুদ্ধ ঘোষণা করবার প্রস্তাব উত্থাপন করে পার্লামেন্টের বাইরে আসতেই এক আততায়ীর গুলিতে আহমেদ মাহের পাশা প্রাণ হারালেন।

ক্ষমতাচ্যুত হয়ে নাহাস চটপট নীতি-পরিবর্তন করে বসলেন। দেখতে পেলেন ওয়াফ্‌দু জনাচিত্তে তার পুয়াজন স্থান হারিয়েছে। ভাবলেন এ হারানো স্থান ফিরে পাবার একমাত্র উপায় ইংরেজের বিরুদ্ধে জনমত স্ফূর্তি তোলার। মিশরের নতুন দাবী ১৯৩৬ সালের চুক্তি পরিশোধন; সুদানে মিশরের আধিপত্য স্বীকার। নীল উপত্যকার ঐক্য সাধনের দাবি তুলে মিশর চাইল তার রাজমুকুটের বন্ধনে মিশর ও সুদানকে একত্রিত করতে।

যুদ্ধান্তে ইংল্যান্ডে প্রাথমিক সরকার প্রতিষ্ঠিত হবার পরে পররাষ্ট্র সচিব বোভিন মধ্যপ্রাচ্য নিয়ে নতুন এক প্রতিরক্ষা নীতির সূচনা করতে চাইলেন আমেরিকার সহযোগিতায়। এ-বিষয়ে কিছু আলোচনা আগেই হয়েছে, পরে আরো হবে। বোভিন চাইলেন সমস্ত আরব দেশগুলিকে নিয়ে একটা যৌথ প্রতিরক্ষা চুক্তি তৈরি করতে, যার প্রধান অংশীদার হবে বৃটেন, কিন্তু যার সুপ্রিম কম্যান্ডে আরব দেশগুলি পাবে সংখ্যায় সমান প্রতিনিধিত্ব।

প্রধানমন্ত্রী সিদকী পাশা বোভিনের সঙ্গে কূটনৈতিক আলোচনা শুরু করলেন ১৯৪৫ সালের ২০শে ডিসেম্বর। সিদকী পাশা দাবী করলেন '৩৬ সালের চুক্তি পরিবর্তনের। এই চুক্তিতে মিশরের স্বাধীনতা খর্বিত। মিশরবাসী এ-চুক্তি মেনে নিরেছিল কেননা তারা ভেবেছিল এটা সাময়িক এবং উপযুক্ত সময়ে পরিবর্তন-সাপেক্ষ। সে-সময়, সিদকী পাশা নিবেদন করলেন, এখন সমুদ্রপাশ্বত। যুদ্ধে মিত্রশক্তির সহায়তা করে মিশর বৃটেনের সঙ্গে নতুন এবং আরো সম্মানজনক সম্পর্কের অধিকারী। বিদেশী সৈন্যে উপস্থিতি—কইরো থেকে দূর হলেও—মিশরের জাতীয় গর্বকে আহত করেছে। মিশরের প্রতি ইংরেজের অবিশ্বাসই শূন্য এতে প্রমাণিত। উভয় দেশের সম্পর্ক পরিপূর্ণ বিশ্বাস ও সমতার উপর প্রতিষ্ঠিত হলেই শূভকর। যদি ইংরেজ তার সৈন্য অপসারণ করে মিশর তাকে প্রিয় মিত্রের মতো দেখবে; উভয়ের বিপদে পরস্পর সাহায্য করবার পক্ষে কোনো অন্তরায় থাকবে না।

মাসখানেক পরে বোভিন এই দাবীর উত্তর দিলেন। বৃটিশ সরকার '৩৬ সালের চুক্তি সংশোধন করতে তৈরী। প্রাথমিক আলোচনা শুরু করবেন কইরোতে বৃটিশ রাজদূত। মিশরের ইচ্ছামতো সুদানের ভবিষ্যতও নতুন করে আলোচিত হবে।

কথাবার্তা শুরু হয় কইরোতে ১৯৪৬ সালের ২৩শে এপ্রিল। মিশরী প্রতিনিধি দলের নেতৃত্ব দাবী করলেন নাহাস পাশা। দশ বছর আগের চুক্তিতে প্রধান অংশ গ্রহণ করেছিলেন তিনিই; চাব্বিশ বছর আগে তাঁর গুরু জগদল। কিন্তু এবার নাহাস পাশা পেলেন না। প্রতিনিধি দলের নেতৃত্ব পেলেন প্রধানমন্ত্রী সিদকী পাশা। ব্যর্থ, ক্রুদ্ধ নাহাস নতুন চুক্তির আলোচনা বরকট করে বসলেন।

অক্টোবরের ২৫ তারিখে লন্ডনে বোম্বিন-সিদ্দকী পাশার আলোচনার ফলে নতুন ইংল-মিশর চুক্তির একটা খসড়া তৈরী হয়। ইংরেজ সরকার সম্মত হলেন ১৯৪৯ সালের ১লা সেপ্টেম্বরের মধ্যে মিশর থেকে সমস্ত সৈন্য অপসারণ করতে। অনতিবিলম্বে অপসারণ শুরুর হবে কাইরো, আলেকজান্দ্রিয়া ও অন্য কয়েকটি অঞ্চল থেকে; চলতে থাকবে নির্দিষ্ট শেষ দিন পর্যন্ত। মিশরের উপর আক্রমণ হলে বা বৃটেন কোনো যুদ্ধে জড়িয়ে পড়লে উভয় পক্ষ পরস্পর আলোচনা করে সম্মিলিত প্রচেষ্টায় প্রতিরোধ গঠন করবে। দুই রাষ্ট্র একত্র হয়ে প্রতিষ্ঠা করবে একটি বোম্ব প্রতিরক্ষা বোর্ড, যার কাজ হবে স্থল, নৌ ও বিমান বাহিনীর শক্তিকে সর্বদা প্রস্তুত রাখা। মিশর কিংবা বৃটেন পরস্পরের বিরুদ্ধে যেতে পারে এমন কোনো চুক্তি স্বাক্ষর করবে না বা গোষ্ঠীতে যোগ দেবে না। এই নতুন চুক্তির টীকা নিয়ে মতানৈক্য উপস্থিত হলে আন্তর্জাতিক আদালতে তার মীমাংসা হবে। সুদানের উপর মিশর রাজমুকুটের সার্বভৌমত্ব স্বীকৃত হবে। বর্তমানে সুদানবাসীর মঙ্গল ও উন্নতিই হবে উভয় দেশের লক্ষ্য। যথাসময়ে সুদানবাসীরাই বেছে নেবে তাদের রাজনৈতিক ভবিষ্যৎ।

এই খসড়া চুক্তি সিদ্দকী পাশা কাইরোতে ফিরে আসার সঙ্গে সঙ্গেই মিথ্যা হয়ে গেল। ওয়াশ্‌ংটনের নেতৃত্বে মিশরের দাবী তখনঃ সুদানে চিরস্থায়ী সার্বভৌমত্ব; ইংরেজের আওতা থেকে মিশরের প্রতিরক্ষা নীতির পূর্ণ স্বাধীনতা। সিদ্দকী পাশা পদত্যাগ করলেন। প্রধানমন্ত্রী হয়ে নূরুশশী পাশা মিশরের দাবী নিয়ে হাজির হলেন স্বস্তি পরিষদে। এর পরিণাম তো আমরা আগেই জেনেছি।

১৯৪৭-৪৮ সালে মধ্যপ্রাচ্যের রাজনৈতিক চেহারা বদলে গেল প্রধানত দুইটি ঘটনায়। প্রথম, প্যালেস্টাইন যুদ্ধ। দ্বিতীয়, যার প্রচলিত নাম ট্রুম্যান ডকট্রিন।

প্যালেস্টাইন যুদ্ধ থেকে বর্তমান জর্ডানের জন্ম। মিশরে বিপ্লবের গোড়াপত্তন।

"ইজরেইল মিশর ও অন্যান্য আরব দেশগুলির রাজনৈতিক, অর্থনৈতিক ও সামরিক জীবন বিপন্ন করে তুলেছে।"—মিশরের সংবিধানের প্রথম সূত্র থেকে

১৫

১৯৪৮ সালের ১৬ই মে। ভূমধ্য সাগরের তীরবর্তী পৃথিবীর এক প্রাচীনতম সভ্যতার ক্রোড়ভূমিতে রাত্রি নেমেছে নিদাঘতপ্ত দিনের শেষে। সদ্যোজাত শিশু-রাষ্ট্র ইজরেইলের পবিত্র মন্দিরে ঘণ্টা বাজছে উল্লাস ও আনন্দের; তার আওয়াজ সীমান্ত অতিক্রম করে সমস্ত আরবভূমিতে সঞ্চার করেছে ঘণা, ক্রোধ ও হিংসা। মাত্র একদিন বয়স হয়েছে পৃথিবীর বৃহৎ প্রথম ইহুদি রাষ্ট্রের; দুই হাজার বছর ধরে আব্রাহাম-মোজেসের ত্যাগিত বংশ ধররা ফিরে এসেছে পবিত্র পিতৃভূমিতে। কিন্তু বিস্তীর্ণ আরব অঞ্চলে

জন্মেছে পর্বতপ্রমাণ অসংখ্য; সাম্রাজ্যবাদীরা একমাত্র বাহুবলে স্থাপিত করেছে ইহুদি রাষ্ট্র আরবভূমির দৃষ্টি মরুপের সংযোগসূত্র ভূমধ্য সাগরের তীরবর্তী একটি বিশেষ গুরুত্বপূর্ণ ভূমিতে। দু'হাজার বছরের ইতিহাসকে সম্মান করতে গিয়ে তারা সাত হাজার বছরের ইতিহাসকে অবমাননা করেছে। নবজাগৃত আরব জাতির মুক্তি-সংগ্রামের প্রতিরোধের জন্য তাদের কাঁধের উপর চাপিয়েছে এই বিরোধী রাষ্ট্র। আরব, হোক না সে মিশরী বা ইরাকী বা সৌদী বা সিরীয়, কিছতেই এই শত্রু রাষ্ট্রকে সহ্য করবে না।

১৯৪৮ সালের ১৬ই মে। গভীর রাত্রির অন্ধকার নেমেছে মিশর-ইজরেইল সীমান্তে। সে-অন্ধকার অতিক্রম করে মিশর বাহিনী আক্রমণ করল নতুন ইহুদি দেশকে।

১৯৫৬ সালের ২৯শে অক্টোবর। সাত বছর পাঁচ মাস পরের আর একটি তসমাবত রাত্রি। ইজরেইলেব সুদীক্ষিত, সুগঠিত এবং সুপরিচালিত সৈন্য-বাহিনী দক্ষিণ মিশরের কুস্টেলা নামক অঞ্চলে আক্রমণ করে পৃথিবীর ইতি-হাসে এক চমকপ্রদ ঘটনাপ্রবাহের সূচনা কবে বসল।

এই সাত বছরে মধ্যপ্রাচ্যের জীবনপ্রবাহে ইজরেইল হয়ে উঠেছে একটি প্রধান সমস্যা। আরবদের কাছে সাম্রাজ্যবাদের চেয়েও এ-সমস্যা গুরুত্বর। পারস্পরিক বিভেদে আরব-ঐক্য দুর্বলতম মুহূর্তের সম্মুখীন হয়েও ইজরেইলের ভয়ে ও ইহুদি রাষ্ট্রের প্রতি সমবেত ঘৃণায় কখনো একেবারে ভেঙে পড়ে নি।

কেন আরবরা ইজরেইলের প্রতি এমন নির্দয়রূপে বিবৃপ? কেন মিশর ইজরেইলের সঙ্গে মৈত্রী না হোক, অন্তত স্বাভাবিক আন্তর্জাতিক সম্পর্ক স্থাপনেও দৃঢ়ভাবে অসম্মত? কেন ছয় বছর ধরে ইজবেইল-আরব যুদ্ধ-বিরতি পরিণত হতে পারল না শান্তি চুক্তিতে? কেন ইজরেইল মনে কবে সে আরব কর্তৃক বিপন্ন আর কেনই বা আরব দেশগুলি মনে কবে, ইজবেইল তাদের একটা প্রধানতম ভয় ও বিপদের উৎস!

একটা কারণ, অবশ্যই, ধর্মগত ও জাতিগত। প্রথম মহাযুদ্ধের পূর্বে যার নাম ছিল “ভৌগোলিক সীরিয়া”—অর্থাৎ বর্তমানের সীরিয়া, ইরাক লেবানন, জর্ডন, ইজরেইল—সেখানেই, ডামাস্কাস শহবেব অনতিদূর্বে, যীশু খ্রীষ্টের জন্ম। মিশরের সম্রাজ্ঞী গর্বিতা ক্রিওপাত্রাব আত্মহত্যার একপুরুষ পর। এই আরবভূমিতেই ইহুদিরা একদিন যীশুকে নিষ্ঠুরভাবে হত্যা করেছিল, এখানেই হয়েছিল তাঁর পুনরাবির্ভাব কথেকজন প্রথম শিষ্যের কাছে। আবার একদিন এ-আরবভূমি থেকেই খ্রীষ্টান ধর্ম মরুপে ছাড়িয়ে পড়েছিল। ইসলামও একদিন তরবারির জোড়ে মধ্যপ্রাচ্য অতিক্রম করে মরুপের অভ্যন্তরে ঢুকে পড়েছিল দুর্বার শক্তিতে। আবার, ইতিহাসের চাকা খুঁড়ে যাবার সঙ্গে সঙ্গে, তাকে ফিরে আসতে হয়েছিল মরুপ ত্যাগ করে, শব্দ তাই নয়, মধ্য-যুগে ক্রুসেডের নামে বার বার মরুপের শক্তিমত্ত দেশগুলি আরবভূমিতে হামলা করেছে ধর্ম-পতাকা বহন করে। বর্তমান যুগে এক সুবিস্তীর্ণ ইসলামিক অধোমান সাম্রাজ্য টুকরো টুকরো করে ভেঙে মরুপের দুইটি খ্রীষ্টান শক্তি তাম্র অধিকাংশই বাটারোরা করে নিয়েছে।

আরব ও খ্রীষ্টানদের মধ্যে শান্তি, তৈরী ও সহযোগিতার কোনো দীর্ঘ কাহিনী ইতিহাসের পাতায় এখনো লিখিত হয়নি।

ইহুদি সমস্যা আরবদের তৈরী নয়; খ্রীষ্টানদের তৈরী। প্রাচীনকালে প্যালেস্টাইন থেকে যে তারা বিতাড়িত হয়েছিল, তার দারিদ্র্য ও খ্রীষ্টানদের। নানা কারণে অকারণে কোনো খ্রীষ্টান-দেশই ইহুদিদের জায়গা দিতে রাজী হয়নি গত দুশো বছরের ইতিহাসে। কম-বোশ ইহুদি-বিরোধী মনোভাব থেকে কোনো খ্রীষ্টান দেশই মুক্ত নয়।

কিছুটা এই ঐতিহাসিক অন্যায সংশোধন করার জন্যে এবং অনেকখানি নিজেদের স্বার্থ সংরক্ষিত করবার প্রয়াসে বর্তমান যুগে ইহুদিদের জন্য একটি “জাতীয় মাতৃভূমি” সৃষ্টির পরিকল্পনা তৈরী হয়। এক সময় কথা হয়েছিল পূর্ব আফ্রিকায় তৈরী হবে এই “ন্যাশনাল হোম”; কিন্তু প্রত্যেক ইহুদিই ধর্মের দিক থেকে প্যালেস্টাইন-অনুবক্ত। আর এই শতাব্দীর প্রথম থেকেই প্যালেস্টাইনের সামরিক ও ভৌগোলিক গুরুত্বপূর্ণ মাটিতে পাশ্চাত্য দক্ষিণ-পূর্ব একটি ইহুদি-রাষ্ট্রের পরিকল্পনা কোনো কোনো ইংরেজ রাজনীতি-বিদের মনে গড়ে উঠতে থাকে।

ইহুদি-তন্ত্র বা জিওনিজমের উদ্ভব দুইটি সূত্র থেকে। একটি প্রাচ্য, অন্যটি পশ্চিমে। একটি ধর্মীয়, অন্যটি রাজনৈতিক। অষ্টাদশ শতাব্দীতে পূর্ব যুরোপের ইহুদিরা কল্পনা করত, একদিন ‘মেসিয়া’ আসবেন পৃথিবীর কোনো এক প্রান্ত থেকে, আর পথ দেখিয়ে নিয়ে যাবেন সমস্ত ইহুদিদের তাদের পূর্বাতন পিতৃভূমি প্যালেস্টাইনে। এ-আশা অপ্রত্যাশিত সমর্থন পেয়েছিল নেপোলিয়নের কাছে অষ্টাদশ শতাব্দীর শেষ বছরে। মিশরের বৃক্কে উপর দাঁড়িয়ে বিজয়ী নেপোলিয়ন আরবভূমির ইহুদিদের স্বপক্ষে আনবাব চেষ্টা করেছিলেন এই আশ্বাস দিয়ে যে, ফ্রান্স তাদের হৃৎরাজ্য পুনরুদ্ধার করবে।

১৮৪১ সালে মহম্মদ আলীর পরাজয়ের পর প্যালেস্টাইন আবার রুশোপীয় শক্তিগুলির আয়ত্তে চলে গেল। তখন বেরুটে ব্রিটিশ কনসাল ছিলেন কর্নেল চার্চিল; তিনি লন্ডনে ইহুদিদের একটি প্রতিষ্ঠানের কাছে প্যালেস্টাইনে ইহুদি বাজস্ব পুনরুদ্ধারে লিখিত পাবিকল্পনা উপস্থাপিত করেন। সুতরাং ইহুদিতন্ত্রের বাজনৈতিক রূপ অনেকখানি ইংরেজের হাতেই তৈরী।

উনিবিংশ শতাব্দীর শেষের দিকে জার্মেনী ও ফ্রান্সে প্রবল ইহুদি নির্বাসন থেকেই রাজনৈতিক জিওনিজম প্রকৃতভাবে বাস্তব রূপ নিতে থাকে। এই মতবাদের প্রতিষ্ঠাতা থিওডোর হার্জেল। তিনি তাঁর একখানা বিখ্যাত পুস্তকে* সর্বপ্রথম ইহুদিদের জন্য একটি পৃথক্ রাষ্ট্রের প্রস্তাব করেন। কিন্তু এই পুস্তকে প্যালেস্টাইনের উল্লেখ নেই। ১৮৯৭ সাল থেকে ১৯০০ পর্যন্ত পাঁচটি বিশ্ব ইহুদি কংগ্রেসে প্রথম প্যালেস্টাইনে ইহুদি রাষ্ট্র স্থাপনের দাবী উত্থাপিত হয়। তখন থেকে ইংরেজ সরকারও প্রস্তাবের প্রতি সহানুভূতি দেখাতে থাকেন।

এ-সহানুভূতির কারণ সহজে অনুমান করা যায়। মধ্যপ্রাচ্যের মানচিত্রের দিকে তাকিয়ে বর্তমান ইজরেইলের অবস্থিতি দেখলে ইংরেজ সাম্রাজ্য-স্বার্থ

* The Jewish State, Vienna, 1896.

পরিষ্কার হইল ওঠে। বে-আইনীভাবে অধিকৃত মিশরের যেন ঠিক স্বাধার উপর ইজরেইল; ভূমধ্য সাগরের তীরে তার প্রধান বন্দরগুলি, যেখানে বৃষ্ণ-জাহাজ ভিড়তে পারে সহজেই, বাণিজ্য জাহাজও মধ্যপ্রাচ্যের তেল নিয়ে পাড়ি দিতে পারে রূরোপের পথে। অশান্ত আরব দেশগুলির উপর সাম্রাজ্যবাদের উত্তম প্রহরী হবে প্যালেস্টাইনে প্রতিষ্ঠিত একটি ইহুদি রাষ্ট্র, যদি ইংরেজ সৈ-রাষ্ট্র স্থাপনে নেতৃত্ব করতে পারে।

১৮৯৭ সালে প্রথম ইহুদি কংগ্রেসের সময় প্যালেস্টাইনে ইহুদিদের সংখ্যা ছিল মাত্র পঞ্চাশ হাজার। ১৯১৪ সালে এ-সংখ্যা বৃষ্ণ পেয়ে দাঁড়ায় আশি থেকে নব্বুই হাজার। ১৯৩১ সালে এক লক্ষ আশি হাজার। তথাপি সমগ্র প্যালেস্টাইনের লোকসংখ্যার মাত্র ১৭ ভাগ। বাকী ৮৩ ভাগ আরব।*

মনে রাখতে হবে যে, কোনো আরব দেশেই ইহুদি-বিরোধ রূরোপের তুলনায় প্রকট ছিল না। এখনো মিশর, সিরিয়া ও ইরাকে বেশ কিছু ইহুদি বাস করে। তাদের উপর এমন কিছু অবিচার বা জুলুম হয় না যা প্রতিদিনই রূরোপে হচ্ছে।

ইহুদিহত্যার ধর্মীয় প্রকাশের সঙ্গে আরবদের কোনো সংঘর্ষ নেই। তাদের বিরোধ তার রাজনৈতিক চেহারার সঙ্গে। যে-দেশে শতকরা পঁচিশ জন আরব, সাত হাজার বছর যা আরবভূমির সংস্কৃতি ও সমাজের সঙ্গে গভীর ভাবে সংযুক্ত, তাকে কেটে তার বেশির ভাগে সাম্রাজ্যবাদপন্থী একটি ইহুদি রাষ্ট্র স্থাপনে আরব কেন, কোনো জাতিই সহজে বরদাস্ত করতে পারত না।

দুইটি সাম্রাজ্যবাদী বৃষ্ণ থেকে ইজরেইলের জন্ম। তাই কোনো শান্তি-কামী সমাধানই আরব-ইজরেইল সমস্যাকে সহজতর করতে পারে নি। তাই জাতিপুঞ্জ পর্যন্ত এখানে ব্যর্থ হয়ে এসেছে। যদিও ইজরেইল জাতিপুঞ্জেরই সৃষ্টি।

দুইটি সাম্রাজ্যবাদী বৃষ্ণ পুঁজু করেছে একই সঙ্গে আরব জাতীয় চেতনা ও ইহুদিদের মাতৃভূমি-প্রচেষ্টা। দুইটি মহাবৃষ্ণ শক্তিশালী দেশগুলিকে বৃষ্ণিয়ে দিয়েছে তৃতীয় মহাসমরে মধ্যপ্রাচ্যের অসাধারণ গুরুত্ব। এই সমর-চেতনা ইংরেজকে বাধ্য করেছে প্রথম থেকে আরব-ইহুদি সমস্যায় এক শ্বেত নীতি অনুসরণ করতে। দ্বিতীয় মহাবৃষ্ণের পর আমেরিকার মধ্যপ্রাচ্য নীতিকেও এই সমর-চেতনাই পরস্পর-বিরোধী পথে চালিত করেছে। পরিণামে সন্তুষ্ট হয়েছে না আরব, না ইহুদি। মধ্যপ্রাচ্যে এ-সমস্যা থেকে গেছে একটি গভীর ক্ষতের মতো, আরব-ইহুদি উভয়ের দেহমনকে দৃষ্ণিত করতে।

ইংরাজের শ্বেত-নীতির একটু পরিচয় নেওয়া যাক।

প্রথম মহাবৃষ্ণে ইহুদিরা ইংরেজকে যথেষ্ট সাহায্য করে। আরবরাও অখোমান সুলতানের বিরুদ্ধে বিদ্রোহ করে ইংরাজকে সাহায্য করতে এগিয়ে আসে বৃষ্ণান্তে আরব স্বাধীনতার প্রতিশ্রুতিতে।

বৃষ্ণকালীন ইংরেজ সরকার আরবদের প্রতিশ্রুতি দেন যে, শান্তির পর একটি সম্মিলিত আরব রাজ্য গঠন করা হবে, যার সীমান্ত ইরাক থেকে বিস্তৃত হবে প্যালেস্টাইন পর্যন্ত।

* The Jews in the Modern World, by Dr. Arthur Ruppin, London, 1934.

শান্তির চেহারা দূর থেকে দেখতে পেয়েই প্রখ্যাত “বালকুর ঘোষণায়” ইংরেজ ইহুদিদের আশ্বাস দেয়, প্যালেস্টাইনে স্বতন্ত্র রাষ্ট্র গঠনের। আরব-প্রতিবাদ অগ্রাহ্য করে লীগ অব নেশন্স-এর নিকট থেকে প্যালেস্টাইন শাসনের দায়িত্ব নেবার সময় ইংরেজ ম্যানডেটে লিখিয়ে নেয় যে, তার অন্যতম প্রচেষ্টা হবে সেখানে একটি ইহুদি দেশ নির্মাণ করা।

আবার যখন দ্বিতীয় যুদ্ধ ঘনিয়ে এল, আরব-ভূমির প্রয়োজনে পীল সাহেবের নৈরুত্রে ইংরেজ একটি কমিশন পাঠাল প্যালেস্টাইনে। সঙ্গে সঙ্গে নতুন ইহুদি আমদানী ইংরেজ কমিয়ে দিল অনেকখানি। পীল কমিশন প্রস্তাব করলেন, প্যালেস্টাইনকে ভাগ করা হোক। পরবর্তী আর একটি কমিশন ভাগের ব্যবস্থাও পাকাপাকি করল কাগজে কলমে।

ইংরেজ সরকার আরব প্রতিবাদে ভয় পেয়ে দুই কমিশনের প্রস্তাবই অগ্রাহ্য করলেন।

আরবদের সহযোগিতা ছাড়া যুদ্ধ অচল। তাই ১৯৩৯ সালে একটি হোয়াইট পেপারে ইহুদি রাষ্ট্রের প্রস্তাব ইংরেজ সরকার সরাসরিভাবে বর্জন করলেন।

দ্বিতীয় মহাযুদ্ধও শেষ হল। কিন্তু সেই পুরাতন শাদুর্ল হয়ে পড়ল একেবারে পঙ্গু, দুর্বল। প্রমিক প্রধানমন্ত্রী এ্যাটলী দেখলেন প্যালেস্টাইনের দুঃসহ ভার বইবার ক্ষমতা ইংরেজের আর নেই। অংশ নেবার জন্য নিষ্প্রতিভ হল মার্কিন সবকার। ইংগ-মার্কিন একটি যুক্ত সম্মান-কমিটি সমাধান দিল প্যালেস্টাইনকে কয়েক বছর জাতিপুঞ্জের অধিভুক্ত রেখে পরে স্বায়ত্ত-শাসন দেওয়া হোক।

উভয় সরকারই এ-সমাধান তুচ্ছ করলেন। এই বোধ প্রচেষ্টার একমাত্র ফল হিসাবে মার্কিন প্রভাব নেমে এল একদিনকার একান্ত একটি “বৃটিশ সমস্যার” উপর। ইংরেজ খাল কাটতে গিয়েছিল। সেই খালে এল কুমীর। ১৯৪৬ সালে ইংরেজ যখন “মারিসন প্রস্তাব” উত্থাপন করল এই মর্মে যে প্যালেস্টাইনে আরব ও ইহুদি অঞ্চলের মধ্যে একটি ফেডারেল গভর্নমেন্ট স্থাপন করা হোক, মার্কিন সরকার তা নাকচ করে দিলেন। পররাষ্ট্র সচিব বোভিন নালিশ করলেন মার্কিন “হস্তক্ষেপের”। কিন্তু তখন বড়ই দৌর হয়ে গেছে।

১৯৪৭ সালের ফেব্রুয়ারীতে বৃটিশ সরকার তাঁদের “চূড়ান্ত” পরিকল্পনা উপস্থিত করলেন: পাঁচ বছরের অস্থি-শাসন, তারপর আরব ও ইহুদি সম্প্রদায়ের সম্মতি নিয়ে একটি ঐক্যবদ্ধ বোধ রাষ্ট্রের প্রতিষ্ঠা। আরব লীগ ও ইহুদি কংগ্রেস উভয়েই এ-প্রস্তাব অগ্রাহ্য করলে ইংরেজ সমস্যার সমাধান চাইল জাতিপুঞ্জের কাছে।

জাতিপুঞ্জের বিশ্বদরবারে উত্থাপিত প্রথম বড়রকমের সমস্যা প্যালেস্টাইন। জাতিপুঞ্জ-নিষ্পত্ত একটি কমিটি প্রস্তাব করল প্যালেস্টাইন ভাগ করে দেওয়া হোক। এগারোজন সভ্যের মধ্যে তিনজন—ভারত, ইরান ও যুগোস্লাভিয়া—এই প্রস্তাবের বিরোধিতা করে একটি ফেডারেল রাষ্ট্রের বিকল্প প্রস্তাব দেশ

করেছিলেন।* এ-প্রস্তাব অল্পকটা মরিসন-প্যানেল অনুমোদন। আমেরিকা ও রাশিয়ার সমঝদানে জাতিপুঞ্জ দুই-তৃতীয়াংশ ভোটাধিক্যে বিভাগ-প্রস্তাব গ্রহণ করার বর্তমান ইজরেইলের জন্মের রাস্তা তৈরী করে দিল।

ইংরেজ দেখল তার উপর বিরূপ হয়ে উঠেছে সমগ্র আরবভূমি। প্যালে-স্টাইনে তার অনেকদিনের আস্তানা। তখন তার সবচেয়ে বড় সমস্যা হয়ে দাঁড়াল খোজখোজ বাঁচিয়ে অপসারণ করা। বেভিন ঘোষণা করলেন ১৯৪৮ সালের ১৫ই মে, ম্যানডেটের শেষ দিন, ইংরেজ শাসনের উপর যবনিকা পড়বে। তিনি জানতেন যে, এই দ্রুত অপসারণের একমাত্র পরিণাম আরব-ইহুদি লড়াই আর এ-লড়াইএ আরবরা হারতে বাধ্য। তবু তিনি প্যালে-স্টাইনকে আরব, ইহুদি, জাতিপুঞ্জ আর অল্পজোর হাতে সপে দিয়ে ইংরেজ-শাসনের সমাপ্তি ঘটালেন নির্ধারিত দিবসে।

১৯৪৮ সালের ১৫ই মে ইজরেইলের জন্ম। জেরুসালেমের মন্দিরে মন্দিরে ঘণ্টা বেজে উঠল মধ্যরাত্রে। মঙ্গল ঘণ্টা বেজে উঠল পৃথিবীর সর্বত্র ইহুদি-মন্দিরে। লক্ষ লক্ষ ইহুদির চোখে আনন্দের অশ্রু। হাজার হাজার ইহুদি নাচে, গানে, উৎসবে আত্মহারা।

আর সমস্ত আরবভূমিতে ক্রোধ, হতাশা, আতঙ্ক। লক্ষ লক্ষ আরব বহু-পুরুষের বাসভূমিটা ত্যাগ করে দরিদ্র জীবনের দুর্বল সম্বল গুছিয়ে নিয়ে হাটা দিল রক্তনীর অম্বুকার ভেদ করে আরবভূমিতে নতুন আশ্রয়ের সম্মানে। কাইরো, রিয়ারদ, বাগদাদ, ডামাস্কাস ও আম্মানে শাসকবর্গের চোখ রক্তিম হয়ে উঠল রক্ত-হিংসার।

মে মাসেই আরব বাহিনী আক্রমণ করল সদাজাত ইজরেইলকে।

কিন্তু বিভক্ত, দুর্বল, কুপরিচালিত আরব বাহিনী নবপ্রেরণায় উদ্ভুদ্ধ ইজরেইল-এর সুশিক্ষিত, সুপরিচালিত একাবদ্ধ সেনানীর কাছে দাঁড়াতে পারল না। শমুয়়় ব্রান্স-জর্ডানের ইংরেজচালিত সৈন্য প্যালেস্টাইনের খানিকটা জমি দখল করে আত্মসাৎ করতে সক্ষম হল। আর, আবদুল্লা, ইরাজের সাহায্যে, ইজরেইলের মধ্যে একটা গোপন যুদ্ধবিরতি করে সংগ্রাম থেকে সবে পড়লেন। পরাজিত হল একে একে ইরাকের সৈন্য, সীরিয়া ও মিশরের সৈন্য। বাধ্য হয়ে ১৯৫০ সালের ২৪শে ফেব্রুয়ারী যুদ্ধ-বিরতি চুক্তি স্বাক্ষরিত

* জাতিপুঞ্জের প্যালেস্টাইন কমিশনে ভারতের প্রতিনিধি ছিলেন স্যার আবদার রহিম।

জাতিপুঞ্জের যে-অধিবেশনে প্যালেস্টাইন সমস্যার সমাধান হয় তাতে ভারতীয় প্রতিনিধির নেতী ছিলেন শ্রীমতী বিরলক্ষ্মী পান্ডিত। অন্যতম প্রতিনিধি শ্রীপানিকড় এ-আলোচনার ভারতের মত পেশ করেন। পানিকড় নিজেই তাঁর "In Two Chinas" পুস্তকে এ-অধিবেশনের সংক্ষিপ্ত উল্লেখ করেছেন। কিশ্ববিখ্যাত ইহুদি নেতা ডাঃ ওয়াইজম্যান স্বয়ং এ-অধিবেশনে ইহুদি রপ্তার দাবী ঘোষণা করেন। তাঁর কিশ্বপুজ্য ব্যক্তি ইহুদি দাবীর স্বপক্ষে অনেক দেশের মনকে প্রভাবিত করেছিল। প্যালেস্টাইন-প্রশ্ন নিয়ে পানিকড় বলেছেন, "প্যালেস্টাইনে ইহুদিরাষ্ট্র স্থাপন ব্যাপারে আমি ইহুদিদের সম্পর্কে ছিলাম না। ভারত এ-বিষয়ে চিরদিনই আরবদের দিকে সহানুভূতি দেখিয়েছে। ইহুদিদের দাবীর প্রতি সহানুভূতি সত্ত্বেও, আমার ধারণা ছিল ধর্মীর বিচ্ছিন্নতার উপর ভিত্তি করে রাষ্ট্র গঠন করলে উক্ত ইসলাম মসোভাদের খুঁড়িয়ে দেওয়া হবে; আর প্যালে-স্টাইনের আরবদের প্রতিও অন্যায্য করা হবে। তাই ভারতীয় প্রতিনিধি দল প্রস্তাব করলেন প্যালেস্টাইনে একটা ক্যান্টনাল ফেডারেশন (Cantonal Federation) স্থাপিত হোক, যেখানে আরব ও ইহুদি প্রতিনিধির মতো বাস করবে।" (১২ পৃঃ)

হল মিশর ও ইজরেইলের মধ্যে। পার্টিশন পরিকল্পনায় ইজরেইল যা পেয়েছিল, যুদ্ধে শেল আরো অনেক বেশি। দক্ষিণ প্যালেস্টাইনের প্রায় সবটুকু চলে গেল তার দখলে।

শব্দ এক টুকরো জমি বাদে। যার নাম গাজা।

বাইবেলের আমল থেকে এই ক্ষুদ্র মরুখণ্ডে হিংসার লীলা চলে এসেছে। এর এক প্রান্তে যুদ্ধ-প্রস্তুত মিশর বাহিনী, অন্য প্রান্তে ইহুদিদের ছোট ছোট প্রতিরক্ষা ঘাঁটি। মাঝখানে বালুদর পাহাড় আর এখানে ওখানে অলিঙ্গ গাছের ছায়ার প্যালেস্টাইনের বাস্তুহারা আরবদের মলিন ও ছিন্ন তাঁবুর সারি। দিনে সূর্যের তাপে বালু থেকে আগুন বেয়েয়; রাত্রে নেমে আসে হিমশীতল অন্ধকার। সেই অন্ধকার ভেদ করে গত সাতটি বছর গৃহবিতাড়িত আরব শব্দেতে পেয়েছে বন্দুকের গর্জন, কামানের হুঙ্কার। আরব পেট্রোল মৃত্যু হানে ইহুদি পেট্রোলকে, ফিরে উপহার পায় বন্দুকের গুলি। মাঝে মাঝে সেই গুলি এসে লাগে নিদ্রিত বা নিদ্রাহীন নির্দোষ আরব বা ইহুদি গ্রামবাসীর গায়ে। তাদের তাজা রক্তে গাজার বালু রক্তিম হয়ে ওঠে।

মিশরের আবাল-বৃদ্ধ-বনিতা আজ ইজরেইলকে মনে করে দেশের শত্রু। যে-কোনো মিশরবাসীকে জিজ্ঞাসা করুন, ইজরেইলের প্রতি তার মনোভাব কী? তৎক্ষণাৎ উত্তর হবে, “আমাদের সঙ্গে ইজরেইলেব যুদ্ধ চলছে। চিরকাল চলবে।”

এই তীব্র বিরোধের কারণ কী? প্রধানতম কারণ হচ্ছে ইজরেইলের জন্ম সাম্রাজ্যবাদ পোরোহিতো—পশ্চিমী শক্তিবৃদ্ধের অভিভাবকত্বের নিকট তার পূর্ণ আত্মসমর্পণ।

কিন্তু আরো কারণ আছে। আরতনে ইজরেইল অবহু। মাত্র আট হাজার বর্গমাইল। জনসংখ্যা প্রায় বারো লক্ষ। জর্ডন, প্যালেস্টাইনের বাকী অংশ আত্মসাৎ করবার পর, আরতনে প্রায় পঁয়ত্রিশ হাজার বর্গমাইল, জনসংখ্যা মাত্র সাড়ে চার লক্ষ! ইজরেইলের প্রাকৃতিক সম্পদ অপ্রচুর। তেল ছাড়া কিছু নেই বললেই চলে—লোহা, কয়লা ইত্যাদির একান্ত অভাব। অথচ ইহুদিরা শ্রমশীল, উদ্যোগী, গোষ্ঠীগত হলেও আদর্শবাদী। তারা ইজরেইলকে শিল্পপ্রধান করে তুলছে। কিন্তু তাদের বর্তমান আর্থিক প্রাচুর্য মার্কিন ও অন্যান্য পশ্চিমী দেশের অকুপণ সাহায্যের উপর নির্ভরশীল।

আরবরা বিশ্বাস করে, এই অপরিহার্য সাহায্য ইজরেইলকে পশ্চিমের তাবদার করে রেখেছে। শব্দ জনসংখ্যার চাপেই ইজরেইলকে সম্প্রসারণ নীতি অনুসরণ করতে হবে; এবং পা বাড়ালেই তো আরবভূমি। বোঁচে থাকবার জন্যে ইহুদি রাষ্ট্রের চাই আরো জমি, আরো বাজার, আরো প্রাকৃতিক সম্পদ! তাই তার অস্তিত্ব হতেই হবে ভৌগোলিক প্রসারমুখী। উন্নততর শিল্পজাত দ্রব্য দিয়ে আরব দেশগুলিকে সে ভরে দিতে পারে, যদি বর্তমান বাণিজ্য-অবরোধ তুলে দেওয়া হয়। আর তবেই তো নবজাত আরবশিল্পের শিশুমৃত্যু! আরবভূমি ছাড়া ইজরেইলের প্রসারভূমি নেই, স্বাভাবিক বাণিজ্য-ভূমি নেই; তাই প্রত্যেক আরব দেশই জেরুজালেমের মন্দিরের ষটপদ্বারিকে এক ভূমি-লোভী বাজার-লোভী শক্তিশালী প্রতিপক্ষের হুঙ্কার বলে মনে করে।

গত বছর ২৯শে অক্টোবর রাত্রির অন্ধকারে ইজরেইল সিনাই মরুভূমি আক্রমণ করেছিল অনেক উচ্চাশা নিয়ে। সমর্থন ও সক্রিয় সাহায্য পেয়েছিল ফ্রান্স ও ব্রিটেনের কাছ থেকে। সেই প্রথম-শীতের কয়েকটা দিন ইজরেইলের প্রত্যেক ইহুদির মনে জেগেছিল অনেক স্বপ্ন, অনেক আকাঙ্ক্ষা।

সিনাই মরুর তস্ত বালুকার তৃষ্ণায় সে-আশা, আকাঙ্ক্ষা ও স্বপ্ন শুকিয়ে গেল! বিংশ শতাব্দীর শ্বিতীয়ার্ধে দুনিয়া যে কতটা বদলে গেছে তা ইংলণ্ড, ফ্রান্স বা ইজরেইল কেউই বুঝতে পারে নি।

ইজরেইলের জন্মের পূর্বে ইহুদি-নেতা ডাঃ ওয়েইজম্যান বলেছিলেন, “পৃথিবী ইজরেইলকে বিচার করবে আরবদের প্রতি তার ব্যবহারের মাপকাঠিতে।”

এ-বিচারে আজ ইজরেইল দাঁড়াবে কোথায়?

এখানে প্রখ্যাত ঐতিহাসিক ডাঃ টয়েনবীর “রায়” উল্লেখ করা যেতে পারে। তিনি রক্ষণশীল ঐতিহাসিক; তাঁর বিচার বিপ্লবী বিচার নয়। ইজরেইলের প্রতি তাঁর সহানুভূতি গভীর। আরব সভ্যতার নিখুঁত পরিচয়ও তাঁর আয়ত্তে।

টয়েনবী তাঁর “স্টাডি অব হিস্টরী” নামক বিখ্যাত পুস্তকের এক জায়গায় লিখেছেন:

“ভগবান বাখা ও দঃখের ভিতর দিয়ে যে-আলোর সম্মান দেন তাকে কতখানি অগ্রাহ্য করা হয়েছে অন্যায়ের প্রকৃত মাপকাঠি হচ্ছে তাই। আর, এই মাপকাঠিতে ইহুদিদের প্যালেস্টাইন থেকে আরব বিতাড়নের অন্যায়ের ইতিহাসে তুলনা নেই।...১৯৪৮ সালে ব্যক্তিগত অভিজ্ঞতা থেকে ইহুদিরা ঠিকই জানতো, তারা কী করছে। তাদের সবচেয়ে বড় দুর্ভাগ্য যে, নাৎসী জার্মানীতে যে-অত্যাচারের মধ্য দিয়ে তাদের যেতে হয়েছিল, তা পরিত্যাগ না করে আরবদের উপর তারা সে-অত্যাচারেরই পুনরাবৃত্তি করেছে।”

১৬

“অভাগারা কেহ বোঝে না ইশার।” —ওমর খৈয়াম।

“আমাদের ভিতরে বা বদুটা, তাই আমাদের সঙ্গে বিশ্বাসঘাতকতা করে—”

—ডাঃ রাধাকৃষ্ণ।

১৯৫০ সালেব ১৫ই জানুয়ারী। আবদীন রাজপ্রাসাদের প্রশস্ত দরবাং-কক্ষে নতুন নির্বাচনে বিজয়ী নাহাস পাশা ফারুকের সম্মুখে শেষবারের মতো শাসনভার গ্রহণ করছেন। সুসজ্জিত সুশোভিত কক্ষে সমবেত হয়েছেন মিশরের উঁচু স্তরের প্রায় সবাই; সেনাবাহিনীর অধিনায়করা; বিদেশী রাজদূতগণ।

রাজপ্রাসাদের বাইরে একাগ্রিত হয়েছে উল্লসিত জনতা। ছয় বছর ফারুক নিজের পছন্দমতো বাছাই-করা তাঁবেদারদের দিয়ে রাজত্ব চালিয়েছেন। নির্বাচন হতে দেন নি। সেই যে ১৯৪৪ সালে মহাব্যুত্থানের শেষের দিকে আলেকজান্দ্রিয়ায় বসে নাহাস পদচ্যুত হয়েছিলেন, তারপর মিশরের রাজত্ব পরিত্যক্ত

হয়ে এসেছে উপদলীয় নেতাদের হাতে, ফারুকের নিজস্ব তত্ত্বাবধানে। এখন, বিংশ শতাব্দীর ঠিক মধ্যপথে, মিশরবাসী পেয়েছে আবার নতুন করে তাদের নির্বাচিত গভর্নমেন্ট। ফারুকের চরম বিরোধী নাহাস এবার হয়তো মিশরকে বাঁচাতে পারবেন প্যালেস্টাইন যুদ্ধের কলঙ্ক থেকে, রাজপ্রাসাদের অত্যাচার থেকে, ইংরেজের দাপট থেকে।

তাই আবদীন প্রাসাদের বাইরে সমবেত জনতা উল্লাসিত, আনন্দিত।

হঠাৎ এ-আনন্দের উপর নেমে এল নৈরাশ্যের, বিশ্বাসহীননের কালো মেঘ! উল্লাস গেল নিভে। জনতার মুখে দেখা গেল ক্রুদ্ধ হতাশা। অসহায় আক্রোশ!

ফারুক নাহাস পাশাকে প্রধানমন্ত্রীর শপথ পাঠ করালেন। তারপরই ঘটল এই অপ্রত্যাশিত, অভাবনীয় ঘটনা! ফারুক স্মিতমুখে মিত্র-ভাবে হাত বাড়িয়ে দিলেন নাহাসের দিকে। নাহাস নতজানু হয়ে চুম্বন করলেন সেই প্রসারিত রাজহস্ত!!

মিশরের স্বাধীনতা-সংগ্রামের পরিচালক ওয়াফ্‌-এর চোখে যেন নেমে এসে মৃত্যুচুম্বন। প্রাসাদ-কক্ষের এক প্রান্তে কে একজন নীচু গলায় আবৃত্তি করে উঠল ওমর খৈয়ামের কাব্যের দুটি লাইন: কোনো অশ্রু সাগরই মৃদু ছেঁতে পারে না ললাটে লিখিত ভাগ্যের ক্ষণিক্তম রেখা!!

এই যে সদাপ্রকাশিত ফারুক-নাহাস মিত্রতা এটাও প্যালেস্টাইন যুদ্ধের অন্যতম পরিণাম। মহাযুদ্ধে মিশরের শাসক-সমাজ কুর্নীতি ও দুর্নীতির পথে প্রভূত অর্থ আত্মসাৎ করেছিল; প্যালেস্টাইন যুদ্ধে এই স্বার্থ-গোছানো মনোবৃত্তি বে-লাগাম হয়ে গেল। যেমন ফারুক ও তাঁর আত্মীয়বর্গ, তেমনি ওয়াফ্‌ দলেব নেতারা, কারুরই হাত আর সাফ্‌ রইল না। নাহাস নিজে কিছু না করলেও তাঁর তবুগী সুন্দরী পত্নী কী করে প্রচুর অর্থের অধিকারিণী হয়েছিলেন তার খবর আমরা আগেই পেয়েছি।

“মিশরবাসী যাকে তাঁদের দেশনেতা ভেবেছিল তিনি আজ বিশ্বাস-ঘাতকতাব পবিষ্কার প্রমাণ দিলেন। মিশরবাসী আশা করেছিল, ওয়াফ্‌-সরকার ফারুকের সঙ্গে একটা কঠিন বোঝাপড়া করবে তাঁর কুজ ও অকাজের। অস্তিত, যে বিশাল সম্পত্তি তিনি অন্যায়ভাবে আত্মসাৎ করেছেন তার একটা অংশ আদায় কববে দরিদ্র জনসাধারণের জন্যে। কিন্তু যে-ন্যায়, সম্মান ও কৃতিবীর পথে চলবার জন্যে মিশরবাসী নাহাসকে নির্বাচিত করেছিল, সে-পথ ত্যাগ কবে তিনি রাজকীয় দক্ষিণ্য ভিক্ষা করলেন! তিনি নতজানু হয়ে চুম্বন করলেন ফারুকের প্রসারিত হস্ত, যে-হস্ত প্যালেস্টাইন যুদ্ধে প্রাণ-দেওয়া বহু নির্দোষ মিশরীয় রক্ত, যে-হস্ত মিশরের অগ্রগতির পথ রোধ করেছিল, হীনতম পাপ থেকেও নিবৃত্ত থাকে নি, কুৎসিত ভোগের নিম্নস্তরে যে-হাত পৌঁচেছে লালসার খাদ্য কুড়েতে”।*

পঞ্চাশ সালের জানুয়ারীতে আরো দুটি প্রধান ঘটনা ঘটল: ইংরেজ পববাল্ট্র সচিব আরনেস্ট বোভিন এসে হাজির হলেন কাইরোতে—ইংরেজ-আধিপত্যের দীর্ঘ ইতিহাসে প্রথম ব্রিটিশ পররাষ্ট্র মন্ত্রীর পা পড়ল মিশরের

* Egypt Between Two Revolutions, Cairo, Selected Studies No. 1, 1955.

মাটিতে। আর একটি ঘটনা মিশর থেকে দূরে—ইরানে; বৃদ্ধ প্রধানমন্ত্রী মদুসাদিক আবাদানের বিরূপ তৈলশিল্প ইংরেজের কবল থেকে মদুসাদিকের সংগ্রাম শত্রু করেছেন; সমস্ত মধ্যপ্রাচ্যের জনগণের উৎসুক দৃষ্টি পড়েছে তাঁর প্রচেষ্টার পরিণামে।

বোভিন কাইরোতে নিয়ে এসেছেন শ্রমিক সরকারের পক্ষ থেকে নতুন এক মধ্যপ্রাচ্য প্রতিরক্ষা পরিকল্পনা।

নাহাস প্রথমে দাবী করলেন সুদানের উপর মিশর রাজ্যের পূর্ণ সার্বভৌম অধিকার স্বীকার ও ১৯০৬-এর চুক্তি নাকচ করে দিয়ে সুয়েজ থেকে ইংরেজ সৈন্যের স্বল্প উপসরণ। বোভিন রাজী না হওয়ায় আলোচনা ব্যর্থ হল।

একদিকে প্রতিরক্ষার উপর ইংরেজের অস্থগুরুত্ব, অন্যদিকে সুদান ও সুয়েজ সম্পর্কে মিশরের অনমনীয় দাবী, উভয়ের দৃষ্টান্ত ও ক্রমবর্ধমান ব্যবধান ১৯৫১ সালের শেষের দিকে সুয়েজ ও অন্যান্য অঞ্চলে দুই শক্তির মধ্যে সংঘর্ষের সূচনা করে। অক্টোবর মাসে মিশরের পার্লামেন্ট ফারুককে সুদানের রাজা বলে ঘোষণা করে এবং ১৯০৬ সালের চুক্তিকে ইংরেজের প্রতিবাদ সত্ত্বেও নাকচ করে দেয়। নভেম্বর-ডিসেম্বরে মিশরে গঠিত হতে শত্রু করে বে-সামরিক “মুক্তি-সেনা”; সুয়েজ অঞ্চলে এদের সঙ্গে লেগে যায় ইংরেজ সৈন্যদের গেরিলা যুদ্ধ! নাহাস অবশ্য তাঁর গভর্নমেন্টকে এ-সংঘর্ষ থেকে নিরপেক্ষ রাখতে চাইলেন; মিশরের সৈন্যদল কোনো প্রত্যক্ষ অংশ গ্রহণ করল না; নাহাস বৃটেনের বিরুদ্ধে যুদ্ধও ঘোষণা করলেন না। কূটনৈতিক সম্পর্কও বিচ্ছিন্ন করলেন না। সুয়েজ অঞ্চল থেকে “আত্মরক্ষার” অজুহাতে ইংরেজ সেনা ধীরে ধীরে এগিয়ে আসতে লাগল কাইরোর দিকে।

“সুয়েজ খাল অঞ্চলের শহরগুলি এবং সেখানকার যানবাহন ইংরেজের অধীনে নিয়ে আসা হল; কেউ কেউ বলতে লাগলেন যে, সমস্ত কানাল অঞ্চলই মিশর থেকে বিচ্ছিন্ন করে নেওয়া হোক। এই অঞ্চল সবটাই অধিকার করে নেওয়া, বা সমস্ত মিশরটাই ইংরেজের অধীনে নিয়ে আসা ছাড়া আর কোনো সমাধান আছে মনে হল না, কিন্তু বৃটিশ সরকার কূটনীতি ও সামরিক নীতি উভয় ক্ষেত্রেই অসাকল্যের পরিচয় দিলেন।”*

ইংরেজের দৃষ্টি থেকে তখনকার সমস্যা-পরিচয় এ-উদ্ঘৃতি থেকে পাওয়া যাচ্ছে।

তেল-অল-কেবির—যেখানে অনেক বছর আগে আরবী পাশা ইংরেজের হাতে পরাস্ত হয়েছিলেন—সেখানেই নতুন করে বড় রকমের সামরিক সংঘর্ষ শুরু হল। মিশর সরকার লন্ডন থেকে রাজদূতকে ফিরিয়ে আনলেন প্রতিবাদ করে। ইসমাইলিয়াতে মিশরের সহকারী পুলিশ বাহিনীর সঙ্গে ইংরেজ সৈন্যের গুরুতর সংঘর্ষ হল। স্বরাষ্ট্র মন্ত্রী সেরাগ আশ্চর্য পাশা এক সাংবাদিক বৈঠকে জানালেন যে, ইসমাইলিয়ার একটি কবরস্থানে গাছের উপর শূলবিন্দু করে ইংরেজরা মিশরীদের হত্যা করেছে। “বলের পরিবর্তে” মিশরও বল প্রয়োগ করবে”, হুমকি দিলেন সেরাগ, ওয়াক্ফ দলের সবচেয়ে শক্তিশালী নেতা।

* The Middle East. A Political and Economic Survey, Royal Institute of International Affairs, London, 1954.

এ-হুমকি অগ্রাহ্য করে ইংরেজরা ১৯৫২ সালের ২৫শে জানুয়ারী সহায়ক পদলিসের প্রধান কেন্দ্রকে অবরোধ করল বিক্সট সার্জোয়া বাহিনী নিয়ে। দাবী জানালো, এক ঘণ্টার মধ্যে সমস্ত অস্ত্রশস্ত্র নিয়ে আত্মসমর্পণ করতে হবে। কেন্দ্রের প্রধান অফিসার টেলিফোনে কাইরোর নিকট নির্দেশ প্রার্থনা করলেন। প্রতিরোধ, তিনি জানালেন, ব্যর্থ হতে বাধ্য। শত্রু অনেক মিশরীয় প্রাণই তাতে যাবে। তথাপি সেরাগ পাশা আদেশ দিলেন, আত্মসমর্পণ চলবে না, প্রতিরোধ করতেই হবে। বীরের মতো মিশরীয় ইংরেজের দাবী অগ্রাহ্য করল। আক্রমণ করল ইংরাজ সমস্ত শক্তি নিয়ে। অনেক মিশরী আহত হল। ৪৩ জনের প্রাণ গেল।

চতুর্দশ ঘণ্টার মধ্যে আগুন ছাড়িয়ে পড়ল সারা মিশরে। সেরাগ পাশার এই নির্দয় নিষ্ঠুর আদেশে মিশরের পদলিস-বাহিনীর মধ্যে ভীষণ অসন্তোষ দেখা গেল। স্থানে স্থানে পদলিসেরা বিদ্রোহ করে বসল। কাইরো ও অন্যান্য শহরে ইংরেজের অত্যাচারে ক্ষিপ্ত জনতা লুণ্ঠনরাজ্য শুরুর করে দিল। কাইরোর অনেক বড় বড় বাড়ি, ক্লাব, রেস্টোরা ভস্ম হয়ে গেল। একমাত্র টার্ম ক্লাবেই নয়জন ইংরেজ ও কানাডার বাণিজ্য প্রতিনিধি মারা গেলেন। সারাদিনের অবাধ লুণ্ঠন, হত্যা, অগ্নিসংযোগ ও অরাজকতার পর সম্ভাব্যেলা মিশরী সৈন্যের চেষ্টায় কিছুটা শান্তি ও শৃঙ্খলা উদ্ভূত হল।

২৬শে জানুয়ারীর রাতে নাহাস পাশা সমস্ত মিশরে সামরিক আইন জারি কবলেন এবং নিজেকে ঘোষণা করলেন মিলিটারী গভর্নর।

২৭শে জানুয়ারী ফারুক আবার নাহাসকে পদচ্যুত করলেন!

মিশর তখন গভীর সংকটে আকৃষ্ট নির্মল্জিত। তার স্বাধীনতা বিপন্ন। বাজিসিংহাসন বন্ধ হয়ে মলিন। রাজনৈতিক নেতৃবৃন্দ চূড়ান্ত ব্যর্থতার ভুগুনিষ্ঠ। জনতা উত্তেজিত, ক্ষিপ্ত। হতবুদ্ধি ফারুক আরো স্বেচ্ছাচারী হয়ে উঠলেন। একেব পর এক মন্ত্রিসভা গঠিত করে তিনি পরিচয় দিলেন নিজের বুদ্ধি-নাশের, জাতীয় নেতৃবৃন্দের দারিদ্র্যের।

২৮শে জানুয়ারী প্রধানমন্ত্রী হলেন আলী মাহের পাশা; ইংরাজের প্রতি-রক্ষা পরিকল্পনা তিনি “বিবচনা” করতে রাজী হলেন; সয়েজ অঞ্চলে গেরিলা যুদ্ধ থেমে গেল; অবস্থার সামান্য উন্নতি পরিলক্ষিত হল। মাচের প্রথমেই ফারুক মাহের পাশাকে পদত্যাগ করতে বাধ্য করলেন। নতুন প্রধান-মন্ত্রী হলেন হিলালী পাশা; ইংরেজ রাষ্ট্রদূতের সঙ্গে বোঝাপড়ার আলোচনা শুরুর হল। জুনে হিলালীকেও পদত্যাগ করতে হল। হুসেন সিরী পাশা প্রধানমন্ত্রী হয়ে দু-মাসও টিকতে পারলেন না।

২৩শে জুলাই কড়ের মতো এল বিপ্লব। পুরাতন মিশর উড়ে গেল তার মন্ত হাওয়ায়।

বিস্ফোরকের দ্বিতীয় বার্ষিকীতে কাইরো শহরে বিরাট জনতা সমবেত হয়েছে নাসেরের ভাষণ শুনতে। নাসেরের পাশে দাঁড়িয়ে আছেন কৃষ্ণবর্ণ দীর্ঘকায় একজন বলিষ্ঠ পুরুষ। তিনি উঠে দাঁড়াতেই জনতা তাঁকে মহা উল্লাসে অভিবাদন করে। দীর্ঘ বক্তৃতার শেষভাগে এই ব্যক্তি অতিথির দিকে তাকিয়ে নাসের বললেন,

“আজ আমাদের মধ্যে উপস্থিত স্বাধীন সুদানের প্রধানমন্ত্রী সৈয়দ ইসমাইল্ এল্ আজ্‌হাবী। একে পেয়ে আমরা বড়ই আনন্দিত।
এ’র উপস্থিতি নীল উপত্যকার দুটি অংশের পবিত্র বন্ধনের প্রতীক।
নীল নদের জন্ম থেকেই তার তীরে রয়েছে মিশর, রয়েছে সুদান।”

দু বছর আগেও মিশর, সুদান বা বৃটেন ভাবতে পারে নি এত শীঘ্র জটিল সুদান সমস্যাব সমাধান হতে পারবে; দু-বছর পরেই মিশরের ইতিহাসে সবচেয়ে গুরুত্বপূর্ণ বিস্ফোরকের দ্বিতীয় বার্ষিক উৎসবে যোগদান করতে আসবেন স্বাধীন সুদানের প্রধানমন্ত্রী, তাঁকে সাদর অভ্যর্থনা জানানো জাগ্রত মিশরের জননারক, তাঁর অভিবাদনে ভেঙ্গে পড়বে উল্লাসিত মিশরের জনতা!

দীর্ঘ ত্রিশ বছর সুদান ছিল ইঙ্গ-মিশর সম্পর্কের অন্যতম প্রধান কাটা। তার কিছুটা পরিচয় পূর্বেই আমরা পেয়েছি। ১৯৫২ সালের বিস্ফোরক অন্যতম প্রধান সাফল্য এই পদব্রতন ক্ষতের দ্রুত আরোগ্য। সুদান আজ মিশরের ঘনিষ্ঠ সহুদ। মিশর সুদানেব মিত্র।

অবশ্য মিশরের পক্ষে সুদানের উপর সার্বভৌম অধিকার ছিল নিতান্তই মামুলী। সুদান-শাসনের খরচ যোগ্যত মিশর। শাসন কবত ইংবেজ।

আমরুনে বিরাট দেশ সুদান; লোহিত সাগর থেকে ফরাসী ইকোয়েটরিয়েন আফ্রিকা পর্যন্ত বিস্তীর্ণ প্রায় দশ লক্ষ বর্গ মাইল। আফ্রিকার মানচিত্রেব দিকে তাকালেই সুদানের গুরুত্ব বোঝা যায়। মিশর থেকে বিচ্ছিন্ন কবেছে সুদান পূর্ব আফ্রিকায় বৃটিশ উপনিবেশগুলিকে— কেনিয়া, উগান্ডা, টাঙ্গা-নাইকা; বেলজিয়ান উপনিবেশ কংগো, ইংরেজ ও ফরাসী অধিকৃত ইরিত্রিয়া।

উগান্ডার প্রায় তলপেটে অবস্থিত লেক ভিক্টোরিয়া, পৃথিবীর বৃহত্তম লেক। তার বৃক থেকে জন্ম নিয়ে নীল নদ চার হাজার মাইল স্থলভূমি প্রাণসিঞ্চিত করতে করতে মিলিত হয়েছে ভূমধ্যসাগরে। সুদানের রাজধানী খার্তুম পর্যন্ত এর নাম শ্বেত নীল; খার্তুম থেকে পোর্ট সৌদ পর্যন্ত নীল। এই চার হাজার মাইল দীর্ঘ নদী থেকে জীবনতৃষ্ণা মেটাচ্ছে সুদান ও মিশর; নীল নদ বন্ধ হয়ে গেলে দুটো দেশই পরিণত হবে কেবল তপ্ত বালু মরুভূমিতে। নীল নদের কুপাবারি আফ্রিকার বহু দেশ থেকে এসে জমা হয়, ছোট বড় নদী পথে। নীল-নদের উপত্যক ইথিওপিয়া থেকে; শ্বেত নীলের উগান্ডা থেকে। এগারো লক্ষ বর্গ মাইল পরিব্যপ্ত নীল নদের বেসিন; আফ্রিকা মহাদেশের প্রায় এক-দশমাংশ।

১৮২০ সালে মিশরের খেদীব মহম্মদ আলী সূদান বিজয় করে তাকে বিস্তীর্ণ তুর্কী সাম্রাজ্যের অন্তর্ভুক্ত করেন। কিন্তু সূদানকে মিশরের সঙ্গে সংযুক্ত না করে তার আলাদা সত্তা বজায় রাখা হয়। উনিবিংশ শতাব্দীর শেষের দিকে আফ্রিকা নিয়ে যুরোপীয় দেশগুলির মধ্যে যে তীব্র উপনিবেশিক প্রতিযোগিতার শুরূ হয়, তারই প্রেক্ষণায় ১৮৯৪ সালে স্যার হারবার্ট কীচেনার (পরে লর্ড কীচেনার) মিশরের পতাকা নিয়ে সূদান আক্রমণ করেন। ইতালি, ফ্রান্স, ও বৃটেনের মধ্যে তখন আফ্রিকার পূর্ব তীরবর্তী দেশগুলির অধিকার নিয়ে প্রচণ্ড রেবারেযি। বিংশ শতাব্দীর ঠিক আগে ফ্রান্স এ-প্রতিযোগিতায় পরাস্ত হয়ে নীল উপত্যকায় তার দাবী প্রত্যাহার করে।

১৮৯৯ সালের ১৯শে জানুয়ারী সূদান-শাসনের যে ইংল-মিশর যৌথ ব্যবস্থা হয় লর্ড ক্রোমার তার বর্ণনা দিয়েছেন “একটি জগাখিচ্ছি গভর্নমেন্ট, পৃথিবীতে যার নজির নেই।” সামরিক ও বেসামরিক শাসনের সর্বময় কর্তৃত্ব দেওয়া হয় ইংরেজ গভর্নর-জেনারেলকে; তাঁকে মনোনীত করবে বৃটিশ সরকার; কিন্তু তাঁর নিয়োগপত্র আসবে মিশরের খেদীবের নিকট থেকে। খাতুঁমের প্রাসাদে ইংরেজের পতাকার সঙ্গে উড়বে মিশরের পতাকা।

ইংরেজ সূদানকে পৃথিবী থেকে বিচ্ছিন্ন করে রাখতে শুরূ করে। তাই মিশরে অন্যান্য যুরোপীয় শক্তির যে-অধিকার স্বীকৃত হয়েছিল—প্রধানত বার্গিজের অধিকার—সূদানে তা অগ্রাহ্য হল। মিশরী-আইন সূদানে প্রবেশ কবতে পারল না। এমন কি সূদানে অন্য কোনো দেশের রাজদূত পর্যন্ত নিয়োগ করতে দেওয়া হল না।

১৯১৪ সালে মিশরকে যখন তুর্কী সাম্রাজ্য থেকে আলাদা করে ইংরেজের সংরক্ষিত দেশ বলে ঘোষণা করা হল, তখন সূদানের ভবিষ্যৎ থেকে গেলা অমীমাংসিত। ১৯২৪ সালে কাইরোতে স্যার লী স্ট্যাকের হত্যার পর সূদানে মিশরের অধিকারের প্রতীকটুকুও আর রইল না। শুধু সূদান শাসন করবার জন্য ইংরেজ যে-সেনাবাহিনী খাতুঁম ও অন্যান্য শহরে মোতায়েন রাখল তার সমুদয় বায় বহন করে যেতে হল মিশরকে। কীচেনার থেকে চার্চিল পর্যন্ত একই নীতিতে ইংরেজ সূদানের শাসন চালিয়ে এল ৪৬ বছর।

ফারুক ও নাহাস পাশা উভয়েই চেয়েছিলেন নীল উপত্যকার ভৌগোলিক ঐক্যের নামে সূদানকে মিশরের অন্তর্ভুক্ত রাষ্ট্রে পরিণত করতে। সূদানে ইংরেজ-বিরোধী মনোভাবের একটা অংশ মিশরের সঙ্গে মিলনের আভিপ্রায় রূপে আত্মপ্রকাশ করে; তাকে ঐক্যপন্থী মনে করাটাই নাহাসের সবচেয়ে বড় ভুল হয়েছিল।

আসলে সূদানের স্বরাজকামনা মিশর ও বৃটেন উভয় দেশের শাসন থেকেই মদত্তির পথ খুঁজিয়েছিল।

এটা নাসের ও তাঁর সহকর্মীরা প্রথম থেকেই বুদ্ধিতে পেরেছিলেন। অথচ জগদ্বল থেকে নাহাস পর্যন্ত কেউ বুদ্ধিতে চান নি। তাই বিপ্লবের প্রথম প্রভাতেই নাগিব ও নাসের সূদানবাসীকে অধিকার দিলেন দেশের ভবিষ্যৎ সম্পূর্ণ স্বাধীনভাবে নির্ধারণ করবার। যদি স্বেচ্ছায় সূদান মিশরের সঙ্গে ঐক্য চায়, সে-ঐক্যই হবে নিবিড় ও স্থায়ী মৈত্রীর বন্ধন; অন্য কোনো বন্ধনই টিকবে না সূদানবাসীর স্বরাজপ্রেরণার চাপে। অবশ্য নাসের আশা করেছিলেন

যে সুদান শ্বেচ্ছায় একেই গ্রহণ করবে। এজন্য তিনি চেষ্টারও চেষ্টা করেন নি। তথ্যমন্ত্রী সালহ্ সালেমকে প্রভূত অর্থ ও ক্ষমতা দিয়ে খাতুমে পাঠানো হয়েছিল ১৯৫৩ সালে সুদানের নির্বাচিত প্রতিনিধিদের একেই মূল্য বোঝাবার জন্য। সালহ্ সালেম যে-সব রিপোর্ট পাঠাতেন তাতে তাঁর সাক্ষ্য সম্বন্ধে নাসেরের বিশেষ সন্দেহ ছিল না। যখন সুদানের পার্লামেন্ট বিপদে ভেঁটোখিকো পূর্ণ স্বাধীনতার পথ বেছে নিল, নাসের নিঃসন্দেহ হতাশ ও ব্যথিত হয়েছিলেন; ইংল্যান্ডের সংবাদপত্রগুলি এ-ব্যর্থতাকে বর্ণনা করেছিল তাঁর প্রথম বিরাট পরাজয় বলে। কিন্তু নাসেরের রাজনৈতিক দৃষ্টিশক্তি ও চারিত্রিক উদারতার প্রকৃষ্ট পরিচয় পাওয়া গেল যখন তিনি মৃত্যুহুদয়ে, মৃত্যু-কণ্ঠে স্বাধীন সুদানকে অভিনন্দিত করলেন। সালহ্ সালেম মন্ত্রীসভা থেকে পদচ্যুত হলেন বটে, কিন্তু সুদান আবশ্য হল মিশরের সঙ্গে সুদূত মৈত্রীর বন্ধনে। সে-বন্ধন এখনো অটুট।

সুদানের সঙ্গে এই মৈত্রী স্থাপনে বিশেষ সহায়ক হয়েছিলেন মহম্মদ নাগিব। তাঁর মা সুদানী হওয়ায়, সুদানবাসীর অতি প্রিয়পাত্র ছিলেন তিনি। নাসের সুদানে বহুসম্মানিত। কিন্তু নাগিবের মতো অতটা জনপ্রিয় নন।

মিশরীদের সঙ্গে সুদানীদের মিল যেমন অনেক, পার্থক্যও কম নয় মিশরের আরব বহু সংমিশ্রণে তৈরী; তার দেহে প্রাচীন মিশরী, ককেশীয়ান, মূল আরব, তুর্কী, জর্জীয়ান ও আলবেনিয়ান রক্তের সংমিশ্রণ। আর সুদানীর রক্তে পাওয়া যাবে আরব, নিগ্রো ও কিছুটা ককেশীয় মিশ্রণ। মিশরীরা সাধারণত ভূমধ্যসাগর অঞ্চলের মানুষ; সুদানীরা খাঁটি আফ্রিকান।

দু-দেশের প্রাকৃতিক ও সাংস্কৃতিক রূপও আলাদা। দক্ষিণ সুদানের আদিম অধিবাসীরা এখনো নগ্ন, অথবা সামান্য বস্ত্রে তাদের লজ্জা নিবারণিত হয়। এদের মধ্যে ইংরেজ মিশনারীরা একটা স্বতন্ত্রভাবে সৃষ্টি করেছিল বহুদিনের প্রচারের ফলে। তাই উত্তর ও দক্ষিণ সুদানের অধিবাসীদের মধ্যে রয়েছে অনেকখানি পারস্পরিক অবিশ্বাস ও সন্দেহ। বিস্তীর্ণ বধ্যা মরুভূমি, গাঢ় সবুজ উপত্যকা, গভীর-কৃষ্ণ জঙ্গল, ঘেঁষানকার চিতা, হস্তী ও কুমীর বিম্ববিখ্যাত, সুদানের প্রাকৃতিক অস্তিত্বকে যে-বৈচিত্র্য দিয়েছে, মিশরের সে-বৈচিত্র্য নেই।

মানুষের দিক থেকেও বিচিত্র সুদান! অসভ্য গৃহবাসী এক সঙ্গে বাস করছে অতি-বিদগ্ধ শহরবাসীর সঙ্গে; উত্তরের মুসলমান ও দক্ষিণের পাগনারা একই সঙ্গে প্রতিনিধি পাঠাচ্ছে খাতুমে পার্লামেন্টে। এই পার্লামেন্ট দেখে অবাক হতে হয়। উত্তর সুদানের বিচিত্র বেশ-শোভিত, আপাত-অসভ্য কোনো প্রতিনিধি বিশুদ্ধ ইংরেজীতে গণতন্ত্রের সূক্ষ্ম বিশ্লেষণ করছেন, উদ্ভূত করছেন প্ল্যাটো, আরিস্তটল বা এডমান্ড বার্কের বাণী!

ইংরেজ সুদানকে সনাতন ঔপনিবেশিক নীতিতেই শাসন করে এসেছিল দীর্ঘ পঞ্চাশ বছর। এই অর্থ শতাব্দীতে শতকরা মাত্র পাঁচজন নিজের নাম সই করতে শিখেছিল। দক্ষিণ সুদান—বা এসে মিশেছে আফ্রিকার রুরোপীয় ঔপনিবেশগুলির সঙ্গে—উত্তর সুদান থেকে এই দীর্ঘকাল ছিল সম্পূর্ণ বিচ্ছিন্ন। অনুসৃত, ব্যতীত কাউকেই উত্তর থেকে দক্ষিণে বাতায়ত করতে দেওয়া হত না!

কিন্তু ইংরেজ শাসনের বন্ধন আলগা হবার সঙ্গে সঙ্গেই সুদান ঘোড়-দৌড়ের গতিতে স্বরাজের সিংহস্বারে পৌঁছে গেল।

বর্তমানকালে এশিয়া-আফ্রিকার প্রধান সমস্যাই হল বহু যুগের ইতিহাসকে একলাফে অতিক্রম করার সমস্যা। সময় যে নাই! যুরোপের জাতিগুণ্ডলি বহু শতাব্দী ধরে পৃথিবীর নানা জায়গায় ছড়ানো উপনিবেশের জীবনরস শুষে নিয়ে ধীরে আস্তে নিজেদের শিল্প ও সভ্যতা গঠন করতে সক্ষম হয়েছে। একটা কুমারী মহাদেশকে তিনশ বছর নির্বিঘ্নে পৃথিবীর বৃহত্তম শিল্প শক্তিতে পরিণত করবার সুযোগ পেয়েছে আমেরিকা। সে-সময়ের সামান্য অংশও আব পাবার সৌভাগ্য নেই ভারতের, চীনের এবং এশিয়া ও আফ্রিকার অন্যান্য দেশগুলির। তাদের গঠন ও নির্মাণ করতে হচ্ছে অতি তাড়াতাড়ি; এবং এমন এক বিশ্ব বাতাবরণে, যেখানে বৃহৎ শক্তিগুণ্ডলি মাণবযুদ্ধের জন্য ক্রমাগতই রেযার্বিষি চালিয়ে যাচ্ছে, কোনো দুর্বল দেশকেই নিজের স্বাধীন নির্বাচিত পথে চলবার মৌলিক অধিকার দিতে বাজী হচ্ছে না।

ইংরেজের অধীনে পঞ্চাশ বছরে সুদানে যে অগ্রসরের স্বপ্নও দেখে নি, দশ বছরের মধ্যে আজ তাকে তা আয়ত্ত্ব করতে হয়েছে।

১৯৪৫ সালে, সিদকী পাশা ও আরনেস্ট বোভিন যখন ইঙ্গ-মিশব সম্পর্কে '৩৬ সালের চুক্তির সংকীর্ণ বন্ধন থেকে মুক্ত করার জন্য আলোচনা শুরু করেন, সুদানের ভবিষ্যৎ ছিল সে-আলোচনার একটা মুখ্য অঙ্গ, কিন্তু সুদানের রাজনৈতিক চেতনা ও স্বরাজ-কামনা তখন এতই প্রাথমিক যে, তার কোনো প্রতিনিধিকে সে-কথাবার্তায় অংশ দেবার প্রয়োজনীয়তা পর্যন্ত বিবেচিত হয়নি লন্ডনে বা কাইরোতে। ১৯৪৭ সালে বোভিন নতুন ইঙ্গ-মিশব চুক্তির যে-খসড়া তৈরি করেন, তাতে সুদানের উপর মিশরের সার্বভৌমত্ব স্বীকৃত হয় সুদানবাসীদের মতামত না নিয়েই।

অথচ আট বৎসর পবেই সুদান আত্মপ্রতিষ্ঠা কবে আফ্রিকার অন্যতম স্বাধীন প্রজাতন্ত্র-গোবর্বে।

১৯৪৩ সালে দেশশাসনে সুদানবাসীর কোনো অধিকারই স্বীকৃত ছিল না। প্রথম বিধানসভার সৃষ্টি হয় ১৯৪৫ সালে ২৮ জন মনোনীত প্রতিনিধি নিয়ে। প্রথম নির্বাচিত বিধানসভার জন্ম ১৯৪৮-এ।

সাত বছর পরেই সুদান সম্পূর্ণ স্বাধীন।

সাম্রাজ্যবাদ যাই-যাচ্ছি কবেও যেতে চায় না। উপনিবেশ-প্রেম তাব এতই গভীর। ১৯৫৫ সালে দক্ষিণ সুদানে অবস্থিত সৈন্যরা খাতুঁমেব বিবদ্বন্দ্বি যে-বিদ্রোহ কবে তার পিছনে ছিল ব্রিটিশ স্বার্থের উস্কানি। লন্ডনের 'ডেইলী মেল' সংবাদপত্র নিজেই স্বীকার কবে—“দক্ষিণ সুদানের লোকেরা বিদ্রোহ কবেছে মিশরের কর্তৃত্বের সম্ভাবনার বিবদ্বন্দ্বি ইংরাজ শাসনের সমর্থনে।” এমন কি ‘টাইমস্’ পত্রিকাও বলতে বাধ্য হয়—“মিশর এই বিদ্রোহের জন্য ব্রিটিশ সরকারকে দায়ী কবাবার সুযোগ খুঁজবে। অভিযোগ করবে সুদানের স্বরাজকে পিছিয়ে দেবার এ-এক শয্যাতানী মতলব।”

লন্ডন থেকে প্রকাশিত “ইসলামিক রিভিউ”তে এই বিদ্রোহের পশ্চাতে সাম্রাজ্যবাদী মতলবের কিছুটা পরিচয় পাওয়া যায়। ১৯৫৫ সালের সেপ্টেম্বর সংখ্যাতে উক্ত পত্রিকা বলেন, “মিশরের সংবাদপত্রগুলির মতে, সুদানবাসী

স্বাধীনতা দাবী করবার সঙ্গে সঙ্গেই দক্ষিণ সুদানের ইংরেজ শাসকগণ, মিশনারীদের সমর্থন নিয়ে, সুদানের দক্ষিণভাগকে উত্তর ভাগ থেকে পৃথক করে বৃটিশ উগান্ডার সঙ্গে সংযুক্ত কববার একটি পরিকল্পনা তৈরি করেন। বিকল্পে, তারা প্রস্তাব করেন, দক্ষিণ ও উত্তর সুদান আলাদা স্বায়ত্তশাসক প্রদেশে পরিণত হোক; 'খাতুমে কেবল থাকবে একটি ফেডারেল গভর্নমেন্ট এবং তার উপর থাকবে বৃটিশ কর্তৃত্ব।' এ-প্রস্তাবের আসল উদ্দেশ্য অতি প্রচ্ছন্ন; কিন্তু ইংরেজের সুবিস্থতিগণ ও ক্ষমতাসালী প্রচার-শিল্প পৃথিবীর নিকট একে দাঁড় করানতে চেয়েছিল স্বপ্নাগ্রাসর দক্ষিণ সুদানবাসীর স্বাভাবিক কামনার চেহারায়।

খাতুমেব একটি রাজপথের নাম সুকুমাং সেন বোড়। ভাবতবর্ষের প্রতি সুদানবাসীর প্রীতি ও প্রীতির প্রতীক এ-রাজপথ। সুদানের প্রথম স্বাধীন নির্বাচন স্ফুটভাবে নানা দেশের প্রশংসা নিয়ে পরিচালিত হয়েছিল একটি আন্তর্জাতিক কমিশনের পরিচালনায়। ভাবতের নির্বাচন-প্রধান শ্রীসুকুমাং সেন ছিলেন এর সভাপতি। স্বাধীন সুদানের সঙ্গে ভারতবর্ষের মৈত্রী ও বণিজ্য বন্ধন তার পদ থেকে উত্তরোত্তর বৃদ্ধি পেয়ে এসেছে। ১৯৫৫ সালে প্রধানমন্ত্রী অজ্জহারী ভাবত ভ্রমণে এসে এই মৈত্রীকে আরো সুদৃঢ় করে গেছেন। বালুংএ সুদান ভ্রমণে নবপেশ নীতি বাস্তবায়ন করেছিল। সুদানে হাজারখানেক ভারতীয় বস কবেন অধিকাংশই ব্যবসায়ী।^{*} নির্মাণ পরিকল্পনার জন্য সুদান সরকার ভারত থেকে ডাক্তার ইঞ্জিনীয়ার প্রভৃতি শিল্পকর্মীদের সাহায্য পর্ব জন্য বিশেষ আগ্রহী।

বর্তমান বছরে মধ্যপ্রাচ্য নিয়ে উইনস্টন চার্চিল প্রণীত নতুন নীতি থেকে নিজেদের সচিবকে বেখে সুদান তার মিশরপ্রীতি এবং নীতিগত প্রমাণ দিয়েছে

১৮

* সুয়েজ খাল বৃটেনের হতটা প্রসঙ্গীয় উত্তম নীতি মিশরের পার্শ্ব অগ্রদ্বিধার—আবনন্দ চন্দ্রদেবী

সুদান প্রাকৃতিক ও ভৌগোলিক দিক থেকে মিশরের অবিচ্ছেদ্য অংশ মিশর বাদ দিয়ে সুদানের অপ্রণীত অসম্ভব।—উইনস্টন চার্চিল

নাসের একটি প্রবন্ধে বলেছেন মিশর যতদিন সুদানের প্রতি তার সাম্রাজ্যবাদী লোভ ত্যাগ না কবতে পারবে ততদিন নিজেও সে সাম্রাজ্যবাদের কবল থেকে মুক্ত হতে পাববে না।

এ-কথার প্রতিধ্বনি শুনতে পাই মহম্মদ নাগিবের একটি উক্তি। “মিশরের প্রজাতান্ত্রিক সরকার সুদানের বৌশর ভাগ জনমতের সমর্থন পেল শুধু এই জন্যে যে, সে সুদানের স্ববাক, অধিকার স্বীকার কবতে প্রস্তুত ছিল, যদিও তার পছন্দ ছিল নীল উপত্যকার ঐক্য। সুদানবাসী এবং জানত যে, নতুন মিশর তাদের পূর্ণ সমতার আসনে বসাতে ইচ্ছুক।”

অথচ, আমরা দেখছি, মহম্মদ আলী থেকে ফাউক বা জগজ্জল পাশা

* Sudan Almanac, 1952 ভারতীয়দের সংখ্যা ১০০০। বর্তমানে কিছু বেড়েছে।

থেকে নাহাস পাশা কেউ সুদানকে এই সমতার সম্মান ও স্বরাজের অধিকার দিতে রাজী হন নি। বরঞ্চ, এই দীর্ঘকাল ধরে মিশরের রাজনীতি থেকে সুদান সম্বন্ধে একটা প্রচ্ছন্ন সাম্রাজ্যবাদী মনোবৃত্তি মিশরের সাংস্কৃতিক মানসকে অধিকার করে ফেলেছিল।

এই মনোভাবের একমাত্র কারণ নীল নদের জল।

১৮২০ সালে মিশরের দক্ষিণস্থ স্থলভূমি মহম্মদ আলী অধিকার করবার আগে বর্তমান সুদানের অস্তিত্ব ছিল না; অস্তিত্ব ছিল কয়েকটি উপজাতীয় রাজ্যের। তাদের রাজারা ও দলপতিরা বাইরের দুনিয়ার কোনে খবরই রাখত না। মহম্মদ আলী এই স্থলভূমি অধিকার করেছিলেন অথোম্যান সুলতানের নামে, তাঁর অনুমতি নিয়ে। 'সেনার' নামক স্থানে উপজাতিপতিদের কাছ থেকে তুর্কী সুলতানের প্রতি আনুগত্যের শপথ তিনি আদায় করেছিলেন; বিজিত অঞ্চলের নাম দিয়েছিলেন "মিশরী সুদান"।

কিসেব প্রেবণায় মহম্মদ আলী গিয়েছিলেন এই দুর্গম জংগলাকীর্ণ তক্তাত অসভ্য দেশে?

"জাতীয়তাবাদী" মিশরের নেতারা বলতেন, সভ্যতার আলোক পেঁপেছে দেবার জন্যে উপনিবেশভাষী যা চিহ্নদিন বলে থাকে।

আসলে মহম্মদ আলী শানিয়েছেন দক্ষিণ সুদান প্রভৃত স্বর্ণ আছে— রাজা সলোমনের সেনাব খনি। তাঁর নেত হয়েছিল।

আর মিশরে চিরস্থায়ী সেতুবন্ধন আরোজন করতে গিয়ে মহম্মদ আলীর পক্ষে প্রয়োজন হয়েছিল নীল নদের উৎস-সন্ধান। অবশ্য, একটা উদ্দেশ্যও মহম্মদ আলীর সার্থক হয় নি।

তাঁর পুত্র ইস্মাইল সেনার অধিকার করার পবেই তিনি ফরাসী ও জর্মান বিজ্ঞানীদের নেতৃত্বে স্বর্ণ-সন্ধানী দল পাঠিয়েছিলেন দুর্গম পার্বত্য-অঞ্চলে। পবে, সম্ভব বছর বয়সে, নিজেই হাজার হয়েছিলেন সুদানে নানা জাতের পদস্পর্ষবিবোধী বিবৃতির সত্যতা যাচাই করতে। কিন্তু দক্ষিণ তিশর, ইংবেজ যাকে আবদ্ধ অঞ্চলে পরিণত করেছিল, অনেক খনিজ সম্পদে সমৃদ্ধ হলেও, সোনা তার অন্যতম নয়। নীল নদের উৎসের সন্ধানও মহম্মদ আলী পান নি; যুরোপীয় সন্ধানীদের চেষ্টায় শব্দ জানতে পেয়েছিলেন, সুদান উত্তরীণ হয়ে নীল নদ জন্ম নিয়েছে ইথিওপিয়া ও উগান্ডার দুটি সুবৃহৎ হ্রদ থেকে।

কিন্তু সুদান থেকে মহম্মদ আলী পেয়েছিলেন দুটি মল্যবান জিনিস। তাঁর সৈন্যবাহিনীর জন্যে হাজার হাজার সমর্থ সাহসী সৈনিক। আর, ক্রীতদাস।

এই ক্রীতদাস-ব্যবস্থা বহুদিন চলে এসেছিল। ১৮৩৯ সালেও দেখতে পাই, সুদানের গভর্নর জেনারেল মিশরের প্রধান অমাত্যকে লিখছেন, সুদানের মরু-অঞ্চলে ক্রীতদাস আহরণের অনুমতির জন্যে। "আমি ধরে আনতে চাই কালো বর্বরদের, যারা তাদের বর্তমান অবস্থায় না ঈশ্বরের না মানুষের সেবার যোগ্য। তাদের মধ্যে সৈনিক জীবনের উপযুক্তদের রেখে, বাকীগলোকে বেঁচে দেওয়া যাবে।"

বিজিত সুদানের উপর প্রথম থেকে মিশরী শাসকরা এত অত্যাচার করতে

থাকে যে, মহম্মদ আলী নিজেই বৃদ্ধ বয়সে সুদানীদের দর্দশা দেখে বিচলিত হয়েছিলেন। সেই প্রথম পর্যায় থেকেই সুদানবাসীর মনে বিদ্রোহের আগুন জ্বলতে শুরু করে। তখনই সুদানের গ্রামে গ্রামে শোনা যেত, “দশজন বরণ একসঙ্গে কবরে যাব, কিন্তু অত্যাচারীকে খাজনা দেব না।”

সেনারের দলপতিদের মহম্মদ আলী আহ্বান করলেন তাঁর রাজকীয় তাঁবুতে রাজদর্শনের জন্য। বললেন, “পৃথিবীর অন্য দেশের লোকেরাও একদিন অসভ্য, বর্বর ছিল। তারা শিক্ষা পেয়েছে এবং পরিশ্রম ও অধ্যবসায় সভ্যতা অর্জন করেছে। তাদের মতো তোমাদেরও মাথা আছে, হাত আছে। তোমরাও চেষ্টা করো। মানুষের স্তরে উঠতে পারবে। তোমরা প্রভূত সম্পদ অর্জন করবে, এমন সব সম্ভাগের সম্ধান পাবে যা অজ্ঞান তোমরা আজ কল্পনাও করতে পার না। এর জন্যে যা দরকার সবই তোমাদের রয়েছে। বিস্তার জমি, যথেষ্ট গরু-মোষ, প্রচুর অরণ্য। তোমরা সংখ্যায় অনেক। তোমাদের পুরুষরা বলিষ্ঠ, মেয়েরা ফলবতী। শত্রু এতদিন তোমাদের পথ দেখাবার কেউ ছিল না। এখন তাও তোমরা পেয়েছ। আমি তোমাদের পথ দেখাব। আমি তোমাদের নিয়ে যাব সভ্যতায়, সম্পদে।”*

এই “আমি-তোমাদের-নিয়ে-যাব” মনোবৃত্তি ১৩০ বছর চেপে বসে ছিল মিশরী নেতাদের চেতনাকে।

ঊনবিংশ শতাব্দীর শেষ প্রান্তে কীচেনার যখন সুদান পুনরধিকার করেন, মিশরবাসী তখন থেকেই সুদানের উপর ব্রিটিশ কর্তৃত্ব মানতে অস্বীকার কবে এসেছে। শ্বেত শাসনের চুক্তি স্বাক্ষর করার অপরাধে প্রধানমন্ত্রী বোতাস গালি পাশাকে আততায়ীর হাতে প্রাণ দিতে হয়।

বিংশ শতাব্দীর প্রথম দশকেই মিশরের চোখের সামনে নতুন এক সমস্যা আত্মপ্রকাশ করে, যাতে সুদানের প্রয়োজনীয়তা আরো বেড়ে যায়। আসওয়ান ও অন্যান্য অঞ্চলে কয়েকটা বাঁধ নির্মিত হবার পর নীল নদের জলের উপর মিশরের অধিকারের প্রশ্নটা আরো প্রকট হয়ে ওঠে। তখন থেকে ১৯৫৪ পর্যন্ত এই প্রশ্নই সুদান সমস্যাকে জটিল করে বেঁধেছিল। এখনো তার সুদৃঢ় সমাধান হয় নি।

১৯২২ সাল থেকে, জাতীয়তাবাদের প্রথম বিজয়ের আলোক-উজ্জ্বল অধ্যায়ে সুদান সম্পর্কে মিশরের দাবী বলিষ্ঠ হতে শুরু করে। জগলুল পাশা চেয়েছিলেন ১৯২৩এর সংবিধানে মিশরের রাজাকে সুদানেরও রাজা বলে অভিহিত করতে। কিন্তু এলেনবীর হুমকিতে এই ইচ্ছা কাজে পরিণত হতে পাবে নি। তথাপি ১৯২৩এর সংবিধানে লেখা হয়েছিল, “মিশরের রাজার সত্যিকারের খেতাব নির্ধারিত হবে সুদান সমস্যা সমাধানের পর।” ১৯৩৬ সালে মিশরের পার্লামেন্ট ফারুককে মিশর ও সুদান উভয়েরই রাজা বানিয়েছিল, তা আমরা আগেই দেখেছি। জগলুল পাশা ও নাহাস পাশা উভয়েই বুটেনে গ্রামিক মন্ত্রীদেব কাছে সুদানে মিশরের দাবী আদায় করতে গিয়ে ব্যর্থ হয়েছিলেন। ১৯৩৬ থেকে ১৯৫১ পর্যন্ত মিশরে কোনো প্রধান-

* The African Slave Trade And Its Remedy By T. F. Buxton : Cairo, 1920.

মন্ট্রীর রাজস্ব করার উপায় ছিল না “সুদান মিশরের” এই দাবী আঁকড়ে না ধরলে।

অথচ ১৯৫২ সালে নাগিব-নাসের যখন সুদানকে আত্মনিয়ন্ত্রণের পূর্ণ অধিকার দিলেন, সবচেয়ে উল্লসিত হয়েছিল মিশরেরই জনসাধারণ!

আসল সমস্যা তো জলের!

ইংরেজের সুয়েজ খাল ছাড়া চলতে পারে, কিন্তু নীলবিহীন মিশর শব্দ ধ্বংসের মরুভূমি। অথচ এ-নদীর উপর মিশরের অধিকারকে প্রকৃতিই সীমাবদ্ধ করে রেখেছে। ছয় হাজার বছর যাবৎ নীল নদ মিশরকে জীবন-রস দান করে এসেছে; অথচ একদিন রাজনীতি ও অর্থনীতি যে এই অসমাপ্ত-অশেষ প্রাণ-ধারা রুদ্ধ করে দিতে পারে বিংশ শতাব্দীর আগে কোনো মিশরীই তা ভাবতে পারে নি।

যতদিন মিশরের কৃষি নির্ভরশীল ছিল বন্যা এবং অবৈজ্ঞানিক সেচ ব্যবস্থার উপর, ততদিন কোনো ভয় বা বিপদই দেখা দেয় নি। মহম্মদ আলী যখন সেচ ব্যবস্থাকে বিজ্ঞানের সাহায্যে স্থায়ী ও ব্যাপক করে তুলতে চাইলেন, তখনো বিপদের সংকেত দেখা দেয় নি, কেননা, সুদান ছিল সভ্যতার বাইরে। কিন্তু মিশরের অনুকরণে এবং পাশ্চাত্য দৃষ্টি নিয়ে সুদানের ইংরেজ শাসকরাও যখন সেচ ব্যবস্থাকে বাধ, জলাশয় ইত্যাদির সহায়তায় উন্নততর করতে শুরুর কবলেন, তখন মিশরের নেতাদের কাছে বিপদের উৎস ও সম্ভাব্য গুরুত্ব পরিষ্কার হয়ে গেল। তাঁরা বুঝতে পারলেন যে, ইংরেজ সুদানে বা উগান্ডায় নীল নদের উপর বিজ্ঞানের শাসন অনায়াসে এমনিভাবে আরোপ করতে পারে যাতে মিশরের একমাত্র প্রাণরস যাবে শুকিয়ে। অতঃপর সুদানে যাতে এই মৃত্যু-দণ্ডের সূচনা না হয়, তাই সুদানকে মিশরের সঙ্গে একত্র করে নীল উপত্যকার ঐক্য প্রতিষ্ঠা মিশর রাজনীতির প্রায় প্রধানতম লক্ষ্য হয়ে উঠল। অবশ্য, ইংরেজের সামরিক ও রাজনৈতিক অপসারণ এর সঙ্গে এমন ওতপ্রোত-ভাবে সংযুক্ত যে, সাম্রাজ্যবাদ বিরোধিতা ও সুদান মিশরের ঐক্য একই সমস্যার দুটি দিক হয়ে ওঠে।

১৯২৪ সালে কাইরোতে স্যার লী স্ট্যাকের হত্যার সঙ্গে সংশ্লিষ্ট এলেনবী মিশররাজকে যে চরম-পত্র প্রদান করেন, তাতে এমন একটা প্রচ্ছন্ন হুমকি ও ভয়ঙ্কর ইঙ্গিত ছিল যা প্রত্যেক মিশরী নেতাকে বিচলিত করে। এলেনবী রাজা ফোয়াদকে জানিয়ে দেন যে, সুদান “প্রয়োজন হলে” তার সেচ ব্যবস্থা “যতটা খুশি” বাড়িয়ে চলবে। অর্থাৎ, মিশর যদি ইংরেজের বিরুদ্ধাচরণ করে, সুদান থেকেই ইংরেজ এমন ব্যবস্থা করতে পারবে যাতে মিশরকে জলা-ভাবে শুকিয়ে মরতে হয়! প্রথম মহাযুদ্ধের আগেই সুদানে সেনার বাঁধ নির্মাণ শুরুর হয়, শেষ হয় ১৯২৫ সালে। মিশরের আতঙ্ক এতে আরো বেড়ে যায়।

আন্তর্জাতিক নদী সম্বন্ধে একটামাত্র প্রচলিত আন্তর্জাতিক আইন বর্তমান জগতে চালু আছে। ওপেনহাইম তাঁর ‘আন্তর্জাতিক আইন’ নামক বিখ্যাত পুস্তকে তা লিপিবদ্ধ করেছেন। আইনটি সহজ। “কোনো দেশ তার নিজের প্রাকৃতিক অবস্থা এমনভাবে পরিবর্তন করবে না, যাতে অন্য একটি দেশের ক্ষতি হতে পারে।”

ইথিওপিয়া, উগান্ডা, সুদান ও মিশর—এই চারটি দেশের মধ্য দিয়ে নীল নদ প্রবাহিত। এদের কেউ এমনভাবে তার গতিপথ নিয়ে ব্যবস্থা করবে না, যাতে অন্য কোনো দেশের ক্ষতি হতে পারে। অন্যথায়, নীল নদের জলের বৈজ্ঞানিক সম্ভাব্যতার এই চারটি দেশের যৌথ প্রচেষ্টা থেকে হলেই কোনো আন্তর্জাতিক সমস্যার সৃষ্টি হবে না।

ইথিওপিয়ার কাছে শুধু এই নীল-জলের জন্য প্রাচীন মিশরকে যে অধীনেব ভূমিকা অবলম্বন করতে হত তার প্রমাণ পাওয়া যায় হাবসী দেশে প্রচলিত একটি কাহিনী থেকে।* মিশরের রাজা সোল্ডান উপত্যকন নিয়ে এসেছেন হাবসী সম্রাটের রাজসভায়।

“মিশরের রাজা সোল্ডান আনত শির
হাবসী সম্রাটের সম্মুখে, যিনি নীল নদের কর্তা,
যে-নদীকে অন্যপথে চালিত কবলে,
কাইরো হবে এক মূহুতে উপবাসী।”

ইংরেজ এখনো উগান্ডার অধিকর্তা। যতদিন সুদান ও মিশরে তার আধিপত্য ছিল ততদিন সাম্রাজ্যবাদী দাক্ষিণে, প্রচুর বা আচ্ছন্ন হুমকি দিলেও, নীল নদের জলের একটা মোটামুটি যুক্তিসূত্র বাঁটোয়াবা ইংরেজ নিজেই করে নিয়েছিল। তথাপি ১৯২০ সাল থেকেই নীল নিয়ে একটা আন্তর্জাতিক সমস্যার সূত্রপাত হতে থাকে।

ঐ বছরে স্যার মুরডক ম্যাকডোনাল্ড নীল-শাসনের জন্য একটি বিস্তৃত পরিকল্পনা তৈরি করেন।** মিশর, সুদান, ইথিওপিয়া ও উগান্ডা চারটি দেশে বৈজ্ঞানিক প্রথায় নীল নদকে মানুষের বৃহত্তম সেবায় আনয়ন করার এই পরিকল্পনা আজও পর্যন্ত কার্যকরী হয় নি। স্যার মুরডক প্রস্তাব করেন, ইথিওপিয়ায় “টানা লেকে” (Lake Tana) একটি বাঁধ নির্মাণ করা হোক, উগান্ডার লেক ভিক্টোরিয়ায় আর একটি, খাতুঁমের ত্রিশ মাইল দক্ষিণে আরো একটি। তা ছাড়া, ক্ষুদ্রতর বাঁধ নির্মিত হোক নীল নদের গতিপথে আরো তিন চারটি স্থানে। বর্তমানে উগান্ডার সীমান্তে ২০০ মাইলব্যাপী এক অবরুদ্ধ জর্জলাকীর্ণ অংশে নীলের যে বিরাট জলাংশেব উপচয় হচ্ছে, তার সম্ভাব্যতার ববস্থাও এ-পরিকল্পনায় তৈরি করা হয়।

কোনো বড় কাজ না করার একটা প্রচলিত পন্থা হল তব “বিস্তারিত বিবেচনার” জন্যে একটি কমিটি নিযুক্ত করা। ইংরেজ সবক’ও তাই করলেন। মুরডক ম্যাকডোনাল্ডের পরিকল্পনাকে বিবেচনা করার জন্যে নিয়োগ করলেন “নীল পরিকল্পনা কমিশন”, তার সভাপতি হলেন ডায়ঃ গডলি মেটেল নির্বাচিত একজন প্রতিনিধি। মার্কিন সরকারের একজন প্রতিনিধিকেও কমিশনে স্থান দেওয়া হল। কমিশনকে নির্দেশ দেওয়া হল মিশর সরকারের কাছে পেশ করতে তাদের প্রস্তাব “যাতে করে মিশর ও সুদানের কল্যাণের জন্যে নীল নদের জলকে আরো নিয়ন্ত্রিত করা যেতে পারে।”

এই কমিশনে মার্কিন সদস্য অন্য সদস্যদের সংগে প্রথমত হওয়া সহুও এবং মিশরের রাজনৈতিক আবহাওয়া উত্তরোত্তর গরম হতে চললেও, মুরডক

* The Sudan Question. By Mekki Abbas, London, 1952.

** Nile Control, By Sir Murdoch MacDonald, Cairo, 1920.

ম্যাকডোনাল্ড সাহেবের মূল প্রস্তাব ও কমিশনের সংখ্যাগরিষ্ঠ রিপোর্ট এই দুইএর উপর ভিত্তি করে ১৯২৯ সালে নীল নদের জল বণ্টন নিয়ে এককট ইংগ-মিশর-সুদান চুক্তি স্বাক্ষরিত হয়। বৃহত্তম অংশ পায় মিশর। সুদানকে দেওয়া হয় মিশরের প্রাপ্যের বাইশ ভাগের এক ভাগ। তখনকার দিনে সুদানের প্রয়োজনের পক্ষে এই ছিল যথেষ্ট।

এখন অবশ্য প্রয়োজন বেড়ে গেছে, আরো বাড়বে। সপ্তে সপ্তে, গত কয়েক বছরে, উগান্ডা ও ইথিওপিয়াতেও নীল নদের জলধারা থেকে সেচবারি ও বিদ্যুৎ আদায় করার প্রয়োজনীয়তা অনেকখানি বেড়ে গিয়েছে।

গত বিশ বছরে মিশরী সরকার ইংরেজ ও মিশরী পারদর্শী ইঞ্জিনীয়ারদের সাহায্যে নীল সমস্যার নানাদিক বিচার, অনুসন্ধান ও বিবেচনা করেছেন। এব ফলে জন্ম নিয়েছে বিরাট এক নীল শাসন পরিকল্পনা, ম্যাকডোনাল্ড প্ল্যান থেকে অনেক উচ্চাশাপূর্ণ। সবচেয়ে উল্লেখযোগ্য কথা : এ-পরিকল্পনা বাস্তবে পবিগত করবার কাজ শুরু হয়ে গেছে এবং বর্তমান মিশরের নেতারা এর সার্থকতার জন্যে বিশেষ উৎসাহী।

কাজ শুরু হয়েছে উগান্ডায়। নীল যেখানে লেক ভিক্টোরিয়া থেকে উঠে এসেছে, সেখানে “আওয়েন জলপ্রপাত” শাসন করবার জন্যে একটি বাঁধ ও একটি বিদ্যুৎ কারখানা তৈরী অনেকখানি এগিয়েছে। নাসেরের গভর্নমেন্ট এজন্য অনেক অর্থ দিয়েছেন। মিশর, সুদান, উগান্ডা এবং বটেন এই চার দেশের এটা যৌথ প্রচেষ্টা। এর পবে আলবার্ট লেকের সন্নিকটে মূর্তির নামক স্থানে আর একটি বাঁধ নির্মিত হবে।

মিশরের বিপ্লবী নেতা নাসের ও নাগিব যখন তাঁদের সহকর্মীদের পূর্ণ সম্মতি নিয়ে সুদানের আত্ম-নিয়ন্ত্রণ অধিকার অকপটে স্বীকার করে নেন, তখন তাঁদের দৃষ্টি জেগে-ওঠা আফ্রিকা মহাদেশের ভবিষ্যৎ চেহারার দিকেই নিবদ্ধ ছিল; ঊনবিংশ শতাব্দীর শেষভাগের যুরোপীয় দৃষ্টিতে তাঁরা এ-সমস্যার বিচার করেন নি।

নীল মিশরের একাধ নয়, সুদানেরও নয়। নীল আফ্রিকার। আফ্রিকার গর্ভ থেকে জন্মে আফ্রিকার চার হাজার মাইল জমির উপর দিয়ে প্রবাহিত হয়ে নীল ভূমধ্যসাগরে লীন হয়েছে। আফ্রিকার এক বিরাট অঞ্চলের বর্তমান অনুন্নত চেহারা একদিন নীল একেবারে বদলে দিতে পারবে। এজন্যে সর্ব-প্রধান কর্তব্য হল নীল নদ থেকে সাম্রাজ্যবাদী দৃষ্টি অপসারণ করা। স্বাধীন মিশর, স্বাধীন সুদান, স্বাধীন উগান্ডা, স্বাধীন টাঙ্গানাইকা ও স্বাধীন ইথিওপিয়া নীল নদের বিস্তীর্ণ গতিপথে লুক্কায়িত অপরিমিত সম্পদের সম্ভাবনাকে একদিন কাজে লাগালে আফ্রিকার সভ্যতার মান বৃদ্ধির প্রয়োজনে।

বিরাট ও বর্ধমান লোকসংখ্যার ভাবে নিপীড়িত মিশরের সর্বাপেক্ষা প্রয়োজন নীল নদের যথেষ্ট জল, নীল থেকে উৎপন্ন বিদ্যুৎ। উভয়ের জন্যই সুদানের মিত্রতা ও সহযোগিতা অপরিহার্য। স্বাধীন, মিত্র সুদান অনেক বড় সহায় পরাধীন অসম্পূর্ণ সুদানের চেয়ে। তাই নাসের, ১৩০ বছরের ইতিহাসের অন্ধ পথে প্রাচীর তুলে দিয়ে, সুদানের স্বাধিকার মেনে নিয়েছেন। তাই তিনি আশাদীপ্ত চোখে তাকিয়ে আছেন উগান্ডা ও টাঙ্গানাইকার স্বাধীনতা দিবসের প্রতি। তারও আর বোঁশ দেরি নেই।

নীল নদীর পূঃ পশ্চিম শতাব্দীতে গ্রীক পণ্ডিত হেরোডোটাসকে বিমুগ্ধ করেছিল। অষ্টাদশ শতাব্দীতে জেমস ব্রুস নীল নদের উৎস সম্বন্ধে হাবসী সাম্রাজ্যে উপস্থিত হয়েছিলেন; কুবলই খাঁ যেমন মার্কো পোলোকে একটি সোনার পাত্র দান করে বলেছিলেন, 'এ-পাত্র তোমাকে বিনা বাধায় সর্বত্র নিয়ে যাবে', হাবসী সাম্রাজ্যেও ব্রুসকে তেমনি দিয়েছিলেন একটি মনোরম অশ্ব। সে-অশ্বকে আগে চালিয়ে যেখানে ইচ্ছা যাবার অধিকার পেয়েছিলেন ইংরেজ ব্যবসায়ী ব্রুস, পাশ্চাত্য সভ্যতা থেকে অনেক দূরে হাবসী সাম্রাজ্যে।

কিন্তু অনেক চেষ্টা করেও তিনি নীল-উৎসের সম্বন্ধ পান নি; শুধু জানতে পেরেছিলেন নীল নীলের উৎস।

তথাপি ইথিওপিয়ার সঙ্গে জেমস ব্রুসের নাম জড়িয়ে আছে। রাজ-কুমারীকে দুরারোগ্য ব্যাধি থেকে আরোগ্য করে তিনি তাঁর প্রেম পেয়েছিলেন। তাঁর বন্দকের বাহাদুরী দেখিয়ে সহজ সরল নিগ্রোদের অবাক করেছিলেন।

ষে-লক্ষ্যে জেমস ব্রুস পৌঁছতে পারেন নি তা আয়ত্তে এসেছিল আর একজন ইংরেজের, বহু বছর পরে। ১৮৫৮ সালে স্যার রিচার্ড বারটনের নেতৃত্বে নীল-উৎস সম্বন্ধী যে-দলটি আফ্রিকার বৃকে ঘুরে বেড়াচ্ছিল, তাই মধ্যে ছিলেন জে এইচ স্পীক। টাঙ্গানাইকার সীমান্তে একা একা সম্বন্ধ করতে করতে তিনি এসে উপস্থিত হন লেক ভিক্টোরিয়ায়, নীল নদের মাতৃকোড়ে।

তারপর থেকে প্রায় একশ বছর নীল বহু ইংরেজের অন্তরে সাম্রাজ্যবুদ্ধি জাগাতে সাহায্য করেছে। ১৮৯৮এ লর্ড ক্রোমার পররাষ্ট্র সচিব লর্ড সল্‌স-বুরীকে কাইরো থেকে সুদানের ভবিষ্যৎ নিয়ে যে-মেমোবান্ডাম পাঠান তাতেই বোঝা যায়, আফ্রিকার উত্তর-পূর্ব তীরভূমিতে পবিত্রাত এক বিবাত সাম্রাজ্যব পক্ষে নীল নদ কতখানি গুরুত্বপূর্ণ।* নীল নদ সাম্রাজ্য-স্বপ্ন জাগিয়েছিল ঐ সময়ে আর একটি ভরূণ ইংরেজের মনে। তাঁর নাম উইনস্টন চার্চিল। সুদান বিজয়কে তিনি নাম দিয়েছিলেন "বিভার ওয়ার"—নদীৰ যুদ্ধ। নীল উপত্যকার প্রাচীন প্রাকৃতিক ঐক্যের মনোজ্ঞ বিবরণ দিয়ে চার্চিল উনিবিংশ শতাব্দীর শেষ বছরে লিখেছিলেন, "সুদান বিজয়ের এই হল সোজা ও অকপট কারণ। দুইটি অবিভেজ্য রাষ্ট্রকে ঐক্যবদ্ধ করা; যাদের ভবিষ্যৎ কল্যাণ নানা ভাবে সংশ্লিষ্ট, তেমন দুটি জাতিকে একত্রিত করা....."***

মহম্মদ আলী থেকে ফারুক, জগলুল থেকে নাহাস—মিশরের প্রত্যেক নেতাই মিশরী অধিকারের ধর্নি তুলে ইংরেজ অধিকারকেই কায়মী কবে তুলেছিলেন। নাসের সুদানের সার্বভৌম অধিকারের দাবী মেনে নিতেই সাম্রাজ্যবন্দন শিথিল হয়ে গেল। সুদানে বিরুদ্ধ ভাবাপন্ন কোনো রাজনৈতিক প্রভাব প্রতিষ্ঠা পেলে মিশরের পক্ষে বিশেষ বিপদ। একথা মিশরও জানে, সুদানও জানে। নতুন মিশর যে বন্ধুত্ব, মিত্রতা ও সহযোগিতার সঙ্গে তার পূর্ণ স্বাধীনতার পথ সহজ করে দিয়েছে সুদান তা সহজে বিস্মৃত হবে না। মহম্মদ আলী সুদানী উপজাতিপতিদের একদিন সম্ভাষণ করে যা বলেছিলেন ইতিহাস তাকে সত্যে পরিণত করেছে, কিন্তু কী বিচিত্র, অভাবনীয় পথে!

* The Sudan Question. Appendix 8.

** The River War—An Account of Reconquest of the Sudan, by Winston S. Churchill, London 1899 and 1951.

নীল নদের পরিচয় দিতে একটা দিক মনে রাখা দরকার। হেরোডোটাস বলেছিলেন, মিশর নীল নদের দান। সেই থেকে পশ্চিমী লেখকদের অভ্যাস দাঁড়িয়ে গেছে নীলের খামখেয়ালী প্রাণধারা থেকে সভ্যতার এক প্রাচীনতম মাতৃকোড় সৃষ্টি করতে মিশরবাসীকে প্রাগৈতিহাসিক যুগ থেকে যে পরিশ্রম করতে হয়েছে তা উপেক্ষা করা। অথচ মিশরী সমাজ-সভ্যতার পরিচয় পেতে হলে এই মানুষ ও নীলের সংগ্রাম বিচার করে দেখা অপরিহার্য।

নীল নদের বয়স গ্রিগ হাজার বছর, ভূতত্ত্ববিদরা অনুমান করেন। মিশরের লিখিত ইতিহাসের শুরুর প্রথম ফারোয়া বংশ থেকেঃ অর্থাৎ খ্রীষ্টাব্দ জন্মের তিন হাজার দুশো বছর আগে। অলিখিত ইতিহাস, যার বহু নিদর্শন পাওয়া গেছে, খ্রীষ্টজন্মের ছ হাজার বছর অতীত-পথে প্রবাহিত। আজ থেকে আট হাজার বছর আগেও নীল নদের লোকেরা চাষ-আবাদ করে জীবন চালাত। সুতরাং নীল নদই মিশরী সভ্যতার প্রাণধারা। কিন্তু গাঙ্গেয় উপত্যকার মতো অতি সহজে নীল উপত্যকায় সভ্যতা গড়ে ওঠে নি। আফ্রিকার বৃক থেকে নীলের প্রবাহ হয়েছে কখনো বন্যায় উদ্বেলিত, কখনো জলের অভাবে ক্ষীণ। উভয় তীরের ভূমি একদিন ছিল নিষ্কণ্টক, কঠিন। যেহেতু নীল খামখেয়ালি, কখনো বন্যাব ডারে দুকূল-ছাপানো, কখনো জলাভাবে শীর্ণধারা, তাই নীলের তীরে তীরে সভ্যতার একান্ত থেকে যে-মিশরী সমাজ গড়ে উঠেছে তার একটা বিশেষ ব্যক্তিত্ব আছে।

সেই আদিকাল থেকে নীল মিশরীদের যৌথ জীবন—কমিউনিটি লাইফ শিখিয়ে এসেছে। বন্যা যখন নেমে আসত নীলের প্রবাহে, নে-বিপদ মিশরী-দেব যৌথ প্রচেষ্টায় বোধ কবতে হত। যাতে তাদের গ্রাম ও খেতখামার ভেসে না যায় সেজন্য গ্রামের সবাই একত্র হয়ে বড় বড় মাটির বাঁধ তৈরি করত। যাতে বন্যার প্রাণবারি শূন্য দিনের জন্যে ধরে রাখা যায়, সেজন্যে প্রত্যেক গ্রাম সমবেত প্রচেষ্টায় ছোট ছোট সেচ-খাল কেটে জল আটকে রাখত। নীলের বিপদ ঘাড়ে করে কোনো পরিবার বা ছোট গোষ্ঠী সবার থেকে আলাদা থাকবার সাহস পেত না। এভাবে নীল মিশরী সমাজে একত্র-বাস-করা, এক-সঙ্গে-কাজ-করা সভ্যতার প্রথম যুগ থেকে প্রবর্তন কবেছে। সমাজ জীবনের গ্রাম্য সুসংবদ্ধতা মিশরে এখনো যতটা দেখতে পাওয়া যায় প্রাচ্যের অন্যত্র বোধহয় ততটা নেই।

নীল যেমন মিশরকে বাঁচিয়ে রেখেছে, মিশরবাসীও আট হাজার বছর ধরে নীল থেকে আপ্রাণ পরিশ্রমে জীবনবস সংগ্রহ করেছে। একজন মিশরী ঐতিহাসিক বলেছেন, “মিশর নীল নদের সহজ ও অনায়াস দান নয়। নীলের জল ও তার সঙ্গে বয়ে-আসা মাটির মতোই প্রয়োজন ছিল মিশরী মানুষের সংগঠিত, অক্লান্ত পবিশ্রম। নীল উপত্যকা সংগঠন ও সেই আদিকালের কাটা খালগুলি যুগিয়েছিল প্রথম মিশরীদের সংঘবদ্ধ জীবন নির্মাণের প্রধান উদ্যোগ। এই উদ্যোগ সেই পুরাকাল থেকে মিশরের সমাজজীবনের একটা বিশেষ প্রতীক।”*

আসোয়ান বাঁধ পরিচালনার অন্যতম প্রধান উদ্দেশ্য নীল নদকে নতুন মিশর নির্মাণে পুরোপুরি ব্যবহার করা, তা আমরা আগেই জেনেছি। বছরের

* Egypt: A Historical Synopsis: Cairo, Cultural Dept. 1956.

মাত্র কয়েকটি মাসে নীল নদে বিরাট জল সঞ্চার হয়। তার অর্ধেকই এখন ভূমধাসাগরে মিলিয়ে যায়। বন্যার সময় নীলে রোজ জল নেমে আসে এক হাজার মিলিয়ন কিউবিক মিটার; অন্য সময় মাত্র চতুর্থাংশ! মাঝে মাঝে বন্যা এতই ভয়ঙ্কর হয়ে ওঠে যে উৎপন্ন শস্য, বিশেষ করে তুলো, বিপন্ন হয়ে যায়। মিশর তাই নীলের খেয়াল-খাশির উপর নির্ভরশীল।

এ-নির্ভরশীলতা দূর করবে আস-ওয়ান বাঁধ আর পূর্বে উল্লিখিত যৌথ নীল-শাসন পরিকল্পনা। নেহেরু যেমন স্বাধীন ভারতের নবনির্মিত বাঁধ-গড়ালিকে এক-একটি মন্দির বলে বর্ণনা করেছেন, নাসেরও তেমনি বলেছেন: "নতুন মিশরে আমরা অনেক নতুন মন্দির গড়ছি। তারা আমাদের কাছে মসজিদের মতোই পবিত্র। সভ্যতার প্রথম যুগ থেকে মিশর মানুষের অনেক কীর্তির স্বাক্ষর বয়ে এসেছে। নতুন মিশরের কীর্তি সেই পুরাতন গৌরবকেও ছাড়িয়ে যাবে।"

১৯

"অর্থনৈতিক অবস্থা থেকে জন্ম নেয় সামাজিক অবস্থা। সামাজিক অবস্থা থেকেই গড়ে ওঠে রাজনৈতিক কাঠামো।"—জি, এম, ট্রোডাংগন

"মাত্র এক রকমের রাজনীতি আছে। তার নাম ক্ষমতার রাজনীতি"—

জের্মান বার্গহান

"অসম্মানসম্মত সমস্যা কোনো দেশের ঊনাসীন্যের মুখ চেয়ে সমাধানের জন্য অপেক্ষা করে বসে থাকে না"—এডমন্ড বার্ক

সমস্ত আরবভূমির অন্তর আজ গভীর আলোড়নে অস্থির। ইরাক থেকে আডেন পর্যন্ত, অতলান্তিক থেকে আরব সাগর পর্যন্ত আট কোটি মানুষের এই ক্ষুধার্ত অস্থিরতা বর্তমান যুগের সবচেয়ে বড় সমস্যা।

স্বতীয় মহাযুদ্ধের পর থেকে বারো বছরে এশিয়া মোটামুটি স্থির ও বিবর্তনশীল জীবনের সম্মুখীন হয়েছে। চীন বেছে নিয়েছে সাম্যবাদের পথ, ভারত শান্তিপূর্ণ গণতান্ত্রিক উপায়ে সমাজবাদের পথ। পরবর্তী জাপান ধীরে আস্তে স্বাধীন জাতিসভায় আপনাত্মক স্থান ফিরে পেয়েছে। একদা কোরিয়ায় তৃতীয় মহাসমরের আগুন জ্বলে উঠতে শুরু করেছিল; আজ সে-ভয় আর নেই। এ-বছরেই সাম্রাজ্যবাদ এশিয়া থেকে প্রায় পূর্ণ বিদায় গ্রহণ করেছে; তার রাজনৈতিক পতাকা এখন উড়ছে শুধু বোর্নিও ও সারাওয়া ন্বীপে। সাম্যবাদী চীন ও সমাজবাদী গণতান্ত্রিক ভারতের মধ্যে উন্নততর জীবনমানের প্রতিযোগিতাই পূর্ব, দক্ষিণ-পূর্ব ও দক্ষিণ এশিয়ার প্রধান ঘটনা, একালের ও ভবিষ্যৎকালের।

পশ্চিম এশিয়া আরবভূমি। এখানে মাটির নীচে বর্তমান সভ্যতার সর্বশ্রেষ্ঠ হাতিয়ারঃ তেল। তিনটি মহাদেশ এখানে আলিঙ্গনাবদ্ধ। তাই আরবভূমিতে নেমে এসেছে শীতল-যুদ্ধের যোর কুক্ষি ছায়া। একদা যে-বৃটিশ শক্তি সমগ্র আরবদেশে সার্বভৌম ছিল, আজ সে অস্তমিত। ১৯৫৬ সালের প্রথম শীতে মিশর আক্রমণ করে সে তার সাম্রাজ্য-গৌরবের সমাধি দিয়েছে।

কিন্তু অপসৃত, বৃটিশ-শক্তির পরিত্যক্ত আসন দখল করে বসেছে বর্তমান

পৃথিবীর সর্বশ্রেষ্ঠ শক্তিঃ আমেরিকা। মধ্যপ্রাচ্যের বিস্তীর্ণ তেল-সম্পদের অধিকাংশ বর্তমানে মার্কিন অধিকৃত। এ-অধিকার স্বভাবতই সহজে কোনো শক্তি পরিত্যাগ করতে চাইবে না। সোভিয়েত রাশিয়া মধ্যপ্রাচ্যের প্রভাব বিস্তারের বিতীয় প্রধান প্রার্থী। এখানকার এক ফোঁটা তেলও রাশিয়া পায় না। কিন্তু রুশ রাজনৈতিক প্রভাব ক্রমবর্ধমান। যতটা না শাসকদের উপর, ততটা শাসিতের।

ইতিহাসের গোড়া থেকেই আরবজাতির মেতৃষ্ণের প্রতিস্বন্দ্বী দাবী তুলেছে মিশর ও ইরাক। একদা ইসলামের কীর্তিভূমি ছিল বাগদাদ; তার সভ্যতা সম্পদের প্রধান কেন্দ্র। পুরাতন মেসোপটামিয়া বিরাট ঋক্ষিময় সভ্যতার ধাত্রী; ইউফ্রাইটস ও টাইগ্রিস পৃথিবীর সামান্য কয়েকটি সভ্যতাবাহিনী নদীর মধ্যেও গোরবময়ী। ইসলামের প্রথম দিকে তার প্রধান কেন্দ্র ছিল ডামাস্কাস; কিন্তু অষ্টম শতাব্দী থেকে শত্রু করে সুদীর্ঘ পাঁচশত বছর বাগদাদ আরব-জয়যাত্রার ধর্মীয় ও সাংস্কৃতিক প্রেরণার শ্রেষ্ঠ উৎসে পরিণত হয়। ১২৫৮ সালে চোগিস খাঁর দূর্ধ্ব বর্বর মংগোল বাহিনী বাগদাদ শহর ভেঙ্গে-চুরে জ্বালায়ে দেয়; অনেক সম্পদ ও শিক্ষকলার সংগে ধ্বংস হয় হাজার হাজার গ্ল্যাবান পৃথি। সেই থেকে আরব সভ্যতা ও সংস্কৃতির প্রধান কেন্দ্র হয়ে গড়ে ওঠে কাইরো।

যতদিন মিশরে মহম্মদ আলী রাজবংশের শাসন অটুট ছিল, আরবভূমির রাজনৈতিক ও সামাজিক চিত্রে একটা আপাত-সামঞ্জস্য লক্ষিত হত।

আগেই আমরা জেনেছি, প্রথম মহাযুদ্ধের মধ্যে যে আরব জাতীয়চেতনার জন্ম, তার রাজনৈতিক দাবী ছিল একটি ঐক্যবদ্ধ আরবজাতি ও রাষ্ট্র গঠন, যার নির্বাচিত রাজা হবেন শেরিফ হুসেন।

হেজাজের এই অসমসাহসী দলপতি ১৯১৬ সালের ২৯শে অক্টোবর “সমস্ত আরব দেশের রাজা” উপাধি পর্যন্ত গ্রহণ করেন। তাঁর সংগে ইংবেজেব যুদ্ধকালীন যে সমঝোতা হয় তাতে বর্তমান ইরাক থেকে প্যালেস্টাইন পর্যন্ত এক বিস্তীর্ণ ঐক্যবদ্ধ আরব রাষ্ট্র সৃষ্টি হবার ব্যবস্থা হয়েছিল। কিন্তু যুদ্ধের অব্যবহিত পরেই সৌদী আরবের নৃপতি হলেন আবদুল আজিজ্ ইরাকের নৃপতি হলেন হুসেনপুত্র ফয়জল। লেভান্ট, অর্থাৎ বর্তমান সিরিয়া ও লেবানন, রইল ফরাসী দখলে। প্যালেস্টাইনের গা-ঘেঁষে বেদুইন উপদল অধুষিত অঞ্চল নিয়ে ইংবেজেব ছত্রছায়ায় আর একটি উপরাজ্য গঠিত হল—ট্রান্সজর্ডান। তাই ‘নৃপতি’ হলেন শেরিফ হুসেনের অপর পুত্র আবদুল্লাহ্। মক্কাধিপতি শেরিফ হুসেন ছিলেন প্রফেট মহম্মদের দৌহিত্র হাসেমের বংশধর, তাঁর দুই পুত্র ফয়জল ও আবদুল্লাহ্ ইবাক ও ট্রান্সজর্ডানের অধিপতি হওয়ায় এই দুইটি রাজ্যকে বলা হয় হাসেমী রাজ্য। আবদুল আজিজ্ ছিলেন হাসেমী-বিরোধী। তাই সৌদী-আরবেব রাজ-বংশকে বলা হয় “আল্টি-হাসেমী”। বর্তমান যুগের মধ্যপ্রাচ্যেও এই দুটি বংশগত সংজ্ঞা প্রচলিত। তাই মোটা-মুটি এ-প্রভেদটা ব্যবে রাখা দরকার।

সাম্রাজ্যবাদের প্রতিরোধ মিশরকে আরবদেশে বিংশ শতাব্দীর প্রথম থেকেই একটা বিশিষ্ট স্থানে প্রতিষ্ঠিত করেছিল। মিশরের স্বরাজ সংগ্রামের সার্থকতা সমস্ত আরবভূমির অন্যতম প্রধান কাম্য হয়ে উঠেছিল। ১৯০৮ সালে নব্য

তুর্কী-বিল্লাহ, ১৯০৫ সালে জাপানের হাতে রাশিয়ার শোচনীয় পরাজয়, ১৯১০ সালে বঙ্গভঙ্গ নিয়ে ভারতীয় কংগ্রেসের দেশ-কাপানো আন্দোলনঃ এশিয়ার নবজাগরণের কয়েকটি প্রধান ঘটনা। মিশরের স্বাধীনতা দাবী সমর্থন দ্বিতীয় দশক থেকেই ভারতীয় কংগ্রেস করতে শুরু করে। মিশরের সংগ্রাম এইভাবে এশিয়ার নবজীবন দাবীর অন্যতম প্রধান হাতিয়ারে পরিণত হয়।

ফারুককে নির্বাসন দিয়ে, মহম্মদ আলী রাজবংশের দঃশাসনের উপর যবনিকা টেনে মিশরকে সমাজবাদী প্রজাতন্ত্রে পরিণত করে নাসের শব্দ যে কার্যরূপে মধ্যপ্রাচ্যের সামাজিক ও রাজনৈতিক অগ্রসরের প্রধান কেন্দ্র হিসেবে গড়ে তুলেছেন তাই নয়; আরবজাতির হৃদয়ে এনেছেন নতুন প্রেরণা, চোখে নতুন দীপ্তি, বাহুতে নতুন বল।

শব্দ জনসংখ্যার দিক থেকেই মিশর আরবজাতির এক-তৃতীয়াংশ মানুষকে ধরে রেখেছে। আডেন থেকে উত্তর আফ্রিকা পর্যন্ত আরব অঞ্চলের অধিবাসীরা সাত কোটিরও কম। তার আড়াই কোটি মিশরে। আলজেরিয়ায় প্রায় এক কোটি; তিউনিশিয়া ও মরোক্কো মিলে আর এক কোটি। লিবিয়ায় পনেরো লক্ষ। তুলনাক্রমে অন্যান্য আরবদেশের জনসংখ্যা সামান্যঃ সৌদী আরবে সত্তর লক্ষ, সিরিয়ায় তিন লক্ষ ষাট হাজার, লেবাননে মাত্র এক লক্ষ চাব্বিশ হাজার; ইরাকে পঞ্চাশ লক্ষ; জর্ডানে এক লক্ষ চাব্বিশ হাজার; এমেনে পঁয়তাল্লিশ লক্ষ এবং সুদানে প্রায় নব্বই লক্ষ।*

মিশরের আড়াই কোটি আরব যে-পথে চিন্তা করবে, যে-জীবন গ্রহণ বা বর্জন করবে, যে-লক্ষ্য নিয়ে সামাজিক ও রাজনৈতিক লড়াই করবে, সমগ্র আরবভূমিতে তার প্রতিফলন অনিবার্য। যে-ঘটনাপ্রবাহ প্লাবিত করবে মিশরের গণমানস তার ঢেউ নাড়া দেবেই প্রত্যেক আরব দেশে তটভূমি। তাই নাসের তাঁর বিপ্লব দর্শনে বলেছিলেন, “আমবা, শব্দঃ আমবাই, আমদেব পারিপার্শ্বিক অবস্থার চাপে, আরব দিগদর্শনের ভূমিকা গ্রহণ করতে পারি।”

সুয়েজ সঙ্কটের গোড়া থেকে পশ্চিমী দেশগুলিতে নাসেবের বিরুদ্ধে সবচেয়ে বড় অভিযোগ আনা হয়েছে যে, তাঁর উচ্চাশাব সীমান্ত স্বশাসিত একটি সুবিশাল আরব সাম্রাজ্য। উত্তর আফ্রিকা থেকে আডেন পর্যন্ত পবিত্র-বাস্ত। বলা হয়েছেঃ এই স্পর্ধিত উচ্চাশা নিয়েই নাসের আলজেরিয়ায় সংগ্রামকে অর্থ ও অস্ত্র দিয়ে সাহায্য করে এসেছেন, আর করেছেন জর্ডানে মিশরের অনুরূপ রাষ্ট্রব্যবস্থা প্রবর্তনের ব্যর্থ চেষ্টাঃ এ-উদ্দেশ্য নিয়েই মধ্য-প্রাচ্যের বন্ধ জলাশয়ে রুশ প্রভাবের বন্যা ডেকে এনেছেন ইংগফবাসী-মার্কিন বান্ধ বিচূর্ণ করে। সাম্রাজ্যবাদবিরোধীতার জনপ্রিয় ধ্বনি তুলে ভিতবে ভিতবে মিশরের বৈশ্বিক প্রভাব বিস্তার করাই আসলে নাসেরের উদ্দেশ্য।

নাসের তাঁর নানা বক্তৃতায় ও প্রবন্ধে এই অভিযোগ দৃঢ় হস্তে খণ্ডন করেছেন। এক জায়গায় বলেছেন, “মিশর চায় আরবভূমি থেকে সাম্রাজ্যবাদের ছায়া সম্পূর্ণ অপসৃত হোক; আরবজাতি স্বাধিকারে, স্বনির্বাচিত রাজনৈতিক ও সামাজিক ভবিষ্যৎ গড়ে তুলুক। মিশর চায় না নেতৃত্ব করতে, সে ক্ষমতা

* New York Times থেকে সংগৃহীত

যা ইচ্ছা কোনোটাই তার নেই। কিন্তু মিশর চান তার নিজের চেষ্টায় পাওয়া আত্মবিশ্বাস ও আত্মশক্তির ব্যর্থতার আরবের ঘরে ঘরে পৌঁছে দিতে। যা মিশর পেরেছে, তা সব আরব দেশই পারবে।"

মিশরের আরব-নীতিতে উগ্র জাতীয়তাবাদের আগুন যে রয়েছে তা অনস্বীকার্য। রাজনৈতিক প্রচারে কাইরো যথেষ্ট তৎপর; কাইরো রেডিওর বোতাবাষণগুলি বিশেষ করে পশ্চিমী শক্তিদের বিরুদ্ধে আগুন-জ্বালানো উদ্দেশ্যে প্রণীত। শত্রু যে ফরাসী শক্তির বিরুদ্ধে সংগ্রামরত উত্তর আফ্রিকা—মরক্কো এবং তিউনিশিয়া সমেত—মিশরের কাছ থেকে প্রভূত সাহায্য পেয়েছে তা নয়, আডেন থেকে শুরু করে ইরাক ছাড়িয়ে পারস্য সাগরের গায়ে ছোট ছোট তেল-সমৃদ্ধ ব্রিটিশ রক্ষিত দেশগুলির সাম্রাজ্যবাদবিরোধী সংগ্রামীরা পর্যন্ত কাইরো থেকে পায় প্রেরণা, উৎসাহ এবং হয়তো (বে-সরকারীভাবে) অর্থ ও পরামর্শ।

বর্তমান পৃথিবীতে কাইরো সবচেয়ে গরম সাম্রাজ্য-বিরোধী কেন্দ্র; কাইরো বোতার থেকে যতটা উগ্র ও উষ্ণ সাম্রাজ্য-বিরোধী প্রচার হয় ততটা আর কোথাও থেকে নয়।

এই মারমুখী সাম্রাজ্যবিরোধিতাব কয়েকটা বিশেষ কারণ আছে। প্রথমত, মিশরের দীর্ঘ ইতিহাসে নানা বহিঃশক্তির একটানা দাপট; দ্বিতীয়ত, ইংরেজ অকুপেশনে মিশরের সমাজদেহের সর্বনাশা ক্ষয়; তৃতীয়ত, পশ্চিম-সাপেক্ষ নীতি থেকে মিশরের নিরাপত্তার বিপন্নতা; চতুর্থত, বিপ্লবের সীমান্ত দীর্ঘায়িত করার ইচ্ছা।

ভারতবর্ষ স্বাধীনতা পাবার সঙ্গে সঙ্গে আমাদের নেতাদের ঐদার্যে এবং ব্রিটেনে সহানুভূতিশীল শ্রমিক সরকারের অবস্থিতিতে ইংগ-ভারত সম্পর্ক পুরানো দিনের বিন্ধে ও বিরোধিতার পথ ছেড়ে বন্ধ হওয়া ও সমঝোতার পথে চলতে শুরু করে। মিশরে এ-রকম নতুন অধ্যায়ের সূচনা হতে পারত ১৯৫৪ সালের চুক্তির পরে, সুয়েজ থেকে ইংরাজ সৈন্যের পূর্ণ অপসারণের সুযোগ নিয়ে। ঐ বছরের অক্টোবরে এ-চুক্তি স্বাক্ষরিত হয় কাইরোতে; স্বাক্ষর করেন নাসের নিজে ও ব্রিটেনের রাষ্ট্রদূত, স্যার রালফ্ স্টিভেন্সন। তার বিশ মাসের মধ্যে সুয়েজ, সুদীর্ঘ সত্তর বছর পর, সম্পূর্ণ মুক্ত হয় ব্রিটিশ সৈনিকের পদভার থেকে। চুক্তির মেয়াদ সাত বছর। পাঁচ বছর চার মাস সুয়েজে অবস্থিত সামরিক ঘাঁটি বক্ষণাবেক্ষণ করবে মিশরী সরকার, সাহায্য কববে অনুদান এক হাজার ইংবেরল। এ-সময়ে ঘাঁটিগুলোকে এমনভাবে তৈরী রাখা হবে যে, যদি কোনো রাষ্ট্র দ্বারা তুর্কী অথবা কোনো আরব দেশ আক্রান্ত হয় তাহলে ব্রিটেন আবার সুয়েজ-অঞ্চলে ফিরে আসতে পারে। ১৯৬০ সাল থেকে মিশরের সার্বভৌম অধিকার পূর্ণ প্রতিষ্ঠিত হবে।

নাসের বিভিন্ন স্থানে বলেছেন যে, ১৯৫৪-এর চুক্তি মর্ন্ত দিয়েছে মিশরের বহু যুগের শৃঙ্খলিত প্রাণশক্তিকে। সত্তর বছর এ-প্রাণশক্তি ব্যয়িত হয়ে এসেছিল শত্রু বিদেশী শক্তিকে কাহিল করবার প্রচেষ্টায়। আজ মর্ন্ত পেয়ে তা নিষ্পত্ত হবে নতুন দেশ, নতুন সমাজ, নতুন মানুষ নির্মাণে।

ইংগ-মিশর সম্পর্ক প্রবেশ করতে পারত ১৯৫৪ সালের অক্টোবরে মৈত্রী ও সৌহার্দ্যের রাজপথে। করে নি। তার প্রধান কারণ তিনটি।

প্রথমত, যে প্রাথমিক সরকার এ-চুক্তির গোড়াপত্তন করেছিল বৃটেনের শাসনাধিকার থেকে তখন সে বাঞ্ছিত। যে রক্ষণশীল সরকার, চার্চিলের নেতৃত্বে, আমেরিকার চাপে এ-চুক্তি স্বাক্ষর করতে বাধ্য হয়েছিল, তার দৃষ্টি নিবন্ধ ছিল মধ্যপ্রাচ্যে মিশরের প্রভাব খর্ব করে এমন একটি প্রতিরক্ষা সংস্থা গড়ে তোলা যা ইংরেজ ও তার মিত্রদের মধ্যপ্রাচ্যে স্বার্থ সুরক্ষিত রাখবে। তাই ইং-মিশর চুক্তি স্বাক্ষরিত হবার পাঁচ মাসের মধ্যেই বৃটেনের প্রেরণায় তুর্কী ও ইরাক গোড়াপত্তন করল বর্তমান বাগদাদ চুক্তির। দ্বিতীয় কারণ, যা প্রথম কারণেরই পরিণতি, নতুন চুক্তির পরবর্তী প্রভাতেই মিশর দেখতে পেল সে আর এক যৌথ প্রতিবোধের সম্মুখীন। ইংরেজ সুয়েজ ছাড়ছে, কিন্তু মিশরকে হুমকি দিচ্ছে বিকল্প এক কেন্দ্র থেকে। মিশর ভেবেছিল সুয়েজ অপসারণ স্বাগত করবে নতুন এক আবব-ইংবেজ সম্পর্ক। দেখতে পেল, প্রতিপক্ষ শত্রু বদলেছে ঘাটি। তাব প্রথা ও নীতি বয়েছে অপরিবর্তিত। তৃতীয় কারণ, সেই ইজবেইল। যতদিন না ইজবেইল-আবব সমস্যা এত মৈত্রীপন্থী সমাধান না হচ্ছে ততদিন কোনো আববই পশ্চিমী শক্তিদ্বলোকে পূর্বোপরি বিশ্বাস করতে পারবে না।

যুদ্ধান্তর যুগে মধ্যপ্রাচ্যে পশ্চিম-প্রণেদিত প্রতিরক্ষার বিশদিত আলোচনা আমরা পরে করব। এখানে শুধু, এটুকু বলা প্রয়োজন যে, বাগদাদ চুক্তির কথা ১৯৫৪ সালেই নামের বিলম্ব অবগত ছিলেন। তুর্কী ও ইরাককে নিয়ে পশ্চিমী স্বার্থ সংরক্ষণের উদ্দেশ্যে একটা প্রতিরক্ষা পরি কম্পনায় তিনি আপত্তি করেন নি। তাঁর ভাষায়, "আমরা মেনে নিয়েছিলাম যে, বাশিয়া থেকে ভৌগোলিক নৈকট্য ও অন্যান্য কারণে তুর্কী ও ইরাক পশ্চিমী শক্তির সঙ্গে সামরিক চুক্তিতে যোগ দিতে পারে। কিন্তু হবারেই দক্ষিণে যাতে এই চুক্তিকে প্রসারিত না করা হয় সে দাবীও আমরা করি"। যখন দেখা গেল যে, ইংবেজ সে দাবী মানতে বাজী নয়, যখন তর্জন্যে সে বাগদাদ চুক্তিতে টেনে ভিড়তে চাইল, তখন দেখা হয়ে আমাদেরও প্রতিবেদন করতে হল।"

মিশর ও আকবডুমির অন্যতম আজ যে অভ্যন্তরীণ ও বৈদেশিক শক্তির বিচিত্র খেলা চলেছে তা বোঝতে হলে আববসমাজের প্রকৃত চেহারাটা নেওয়া দরকার। শত শত বছর যে-আববমানস ছিল চতুর্দিকে অববুদ্ধ, বাইরে কোনো প্রভাব, কোনো আলো প্রবেশ করতে পারে নি, আজ হঠাৎ তাব সমস্ত স্ফার খুলে গিয়েছে; বিরাট পৃথিবী ভেঙ্গে পড়েছে তাব সংস্কৃতি, ভাষা, আত্মবিশ্বস্ত প্রাপ্তগে। এই-যে অভাবনীয় মানস-বিস্তার, তা ইসলামের প্রাচীন ভেদ করে নিয়ে এসেছে নানা ভাবের, নানা আদর্শের ভাষ্যাব। সাত কোটি মানুষের হঠাৎ-জাগা মানসে আজ যে সূত্রীয় আলোড়ন তার পরিণাম অনেকখানি প্রভাবিত করবে মানব-সভ্যতার অগ্রগতিকে।

ইংরেজ শাসন প্রায় দুশো বছর যেভাবে ভারতীয় সমাজকে গতিহীন করে রেখেছিল মধ্যপ্রাচ্যের অবস্থা তার সঙ্গে তুলনীয় হলেও আবো অনেক খারাপ। ইংরেজ মধ্যপ্রাচ্যে পরোক্ষ শাসনের নীতি অন্তরঙ্গ করে। প্রত্যক্ষ শাসনের ভার ছিল ভূমিজ রাজন্যবর্গের উপর, যার চতুর্দিকে ইংরেজের প্রসাদপুষ্ট একটি সামন্ত শ্রেণী উঠেছিল গড়ে, তাদের হাতে ভূমি, অর্থ, সামাজিক প্রাধান্য,

ৰাজনৈতিক ক্ষমতা; তারা সৰৱৰকমেৰ অগ্ৰগতিৰ বিৰুদ্ধে, গোড়া ইসলামেৰ নামে সমাজকে তারা চায় বন্ধ কৰ্ণে আবন্ধ ৰাখতে। সে-কৰ্ণ এখন সমুদ্রে পৰিগত।

এই প্ৰগতিবিৰোধী সামন্ত শ্ৰেণীকে সময়ে সংৰক্ষণ কৰা সাম্ৰাজ্যবাদেৰ অন্যতম নীতি, মিশৰে যাৰ গোড়াপত্তন কৰেন লৰ্ড ক্ৰোমা'ৰ। পাৰস্য থেকে আমেন পৰ্যন্ত ভূম্যধিকাৰ সৰ্ব্বত্ৰ ক্ষুদ্ৰ এক সামন্ত শ্ৰেণীৰ হাতে সীমাবদ্ধ। আৱবদেশে, বিশেষ ববে মিশৰে, ভূমিৰাবস্থাৰ অপেক্ষাকৃত বিস্তাৰিত আলোচনা এই বচনাৰ পৰবৰ্তী কোনো অধ্যায়ে থাকবে। এখানে এটুকু বলা প্ৰযোজন যে, স্থবিৰ এক ভূমি-বাবস্থা, যাতে জনসাধাৰণেৰ প্ৰাপ্য একমাত্ৰ দৈন্য, শ্ৰম, অজ্ঞানতা ও অদৃষ্টবাদ, আৱবসমাজকে প্ৰগতিবিৰোধী কৰে বাখবাব প্ৰধানতম কাৰণ। এবং একমাত্ৰ মিশৰ, এবং সিৰিয়া ছাড়া কোথাও এই সামন্তশৃঙ্খল থেকে সমাজকে মন্ত কবাব চেষ্টা কৰা হয়নি।

শিল্প যেটুকু গড়ে উঠেছে তা বিদেশী প্ৰভুৱেৰ সৌজন্য ও শাসনে, বিশেষ ববে এই মহাযুদ্ধেৰ তাগিদে। জনকল্যাণমূলক বাবস্থা নিতান্ত সংকীৰ্ণ ও সীমাবদ্ধ। বৰ্তমান যগেৰ সমাজকল্যাণ আদৰ্শেৰ সঙ্গে তাল ঠেকে যেটুকু সমাজগঠন হাতে নেওচা হৈছে তাৰ পৰিধি ও সাৰংশ এতই সামান্য যে, প্ৰচবেৰ বাইবে নিতাই হীনাৰ্থ।

শিল্প বলতে বোঝায় তেল। তেল অবিদ্ৱাৰেৰ আগে প্ৰত্যেক আৱব দেশই ছিল দৰ্শন বাতাব প্ৰচলিত ক্ষুদ্ৰ মিঠিয়ে প্ৰজৰ পাতত পড়ত ছিটে-ফেটা। এখন তেল এনেছ তাৰিহ অৰ্থ ইংকে লৈন নান, সিৰিয়াৰ, সৌদী আৰবে। এই আপাতঅন্তহীন প্ৰাকৃতিক সম্পদ আৱব দেশগুলিৰ অধিকাৰ বিদেশীৰ উপৰ নিৰ্ভৰশীল। মালিক হওও কোনো আৱব দেশই দেশধৰ্মৰ মালিকানা বন্তে পাবে ন। মালিকান হয় মাৰ্শ্বন নয় বৃটিশ পুৰ্ণিষ্টবাদীদেৰ হাতে আৱব সবকাৰণ লি পায় লাভেৰ একটা মোটা অংশ, সৌদী আৱবে পঞ্চাশ ভাগ, মধ্যপ্ৰচ্যে সবচেয়ে বেশি।

পৰিমাণে এ অৰ্থ অনেক, কিন্তু তেল সম্পদও অক্ষুবন্ত নয়। আজ যা অন্তহীন মনে হছে, একদিন তা ক্ষয়িৰে হাসবে। সুতৰাং প্ৰযোজন হছে এই ইঠং পওয়া অৰ্থেৰ সম্ভাবহাৰ কৰে গড়ে তোলা নতুন শিল্প, বিদ্যুত্বেৰ কাৰখানা অন্যান্য খনিজ সম্পদ সমাজেৰ সেবায় নিয়োগ কৰাৰ উদ্দেশ্যে।

জৰ্দনে মাৰ্কিন ওস্তাদবা নতুন তেলেৰ সন্ধান পেৰেছেন, তাকে শিল্পায়িত কৰাৰ অধিকাৰও আমেৰিকা অৰ্জন ববেছে। শব্দ এ-কাৰণেই জৰ্দনে "বন্ধু" সবাবৰ চাল বাখবাব জনো আমেৰিকাৰ বাজনৈতিক হস্তক্ষেপ।

কাসুট নামে পাবস্য গাল্ফেৰ উপকূলে যে উপবজাৰ্টি আছে, তাৰ কথাই ধৰা যাক। ছব হাজাৰ বৰ্গমাইল আয়তনেৰ বিৰাটতম অংশই ধসৰ-মৰুভূমি। জনসংখ্যা মাত্ৰ দুই লক্ষ। অথচ তেল থেকে আয় এত চমকপ্ৰদ যে, কাসুটেৰ জনপ্ৰতি বাৰ্ষিক আয় সমগ্ৰ পৃথিৱীতে সবচেয়ে বেশি। অথচ ৰাজস্ব বাবস্থা এতই সেকেলে যে, কোনো ট্ৰেজাৰী পৰ্যন্ত নেই, তাই সব টাকাটাই জমা হয় শেখপরিবাবেৰ পকেটে। গত কয়েক বছৰে শিক্ষা, স্বাস্থ্য, স্নানবাহনেৰ অভাবনীয় উন্নতি হৈছে; কিন্তু নতুন কোনো শিল্প গঠনে বিশেষ তৎপৰতা

লক্ষিত হয় নি, এবং শেখ-পরিবারের পদবৃদ্ধদের বিলাস ও সম্প্রদায় সমস্ত প্রত্যয়ের সীমা অতিক্রম করেছে।

পশ্চিমের ক্ষমতাপ্রাপ্ত দেশগুলি, বিশেষ করে বৃটেন ও আমেরিকা, আরব-ভূমিতে নতুন সমাজ গঠনের রাস্তা সুগম না করে পুরাতনকে কায়মী করার চেষ্টাতেই নিয়োজিত। মিশরে বৃটিশ শাসনের এ-দিকটার সঙ্গে আমাদের পরিচয় এখন যথেষ্ট। সব আরব দেশেই তাই। এটাই সাম্রাজ্যবাদের চিত্রা-চরিত রাস্তা।

উনিবিংশ শতাব্দীতে আমেরিকা বেরুটে, কাইরোয় ও অন্যান্য আরব কেন্দ্রে শিক্ষা প্রসারের এক মহতী পরিকল্পনা হাতে নিয়েছিল। বেরুটে আমেরিকান মহাবিদ্যালয় সে-প্রচেষ্টার স্বাক্ষর এখনো বহন করে চলেছে। এ-সব বিদ্যালয় অনেক আরবকে দিয়েছে নতুন মূল্যবোধ, নতুন জগতের সম্মান; পশ্চিমের মানবধর্মী জ্ঞানভান্ডারকে বহন করে এনেছে মধ্যপ্রাচ্যের অবরুদ্ধ আব-হাওয়াতে। অথচ এই নবশিক্ষায় দীক্ষিত আরব রাজনীতির ক্ষেত্রে দেখেছে আমেরিকাকে সোজাসুজি দাঁড়াতে বৃটিশ সাম্রাজ্যবাদের সমর্থনে।

“দেবতাদের” ব্যর্থতা বিংশ শতাব্দীর অন্যতম দুর্ভাগ্য। শূদ্ধ সাম্যবাদ সম্পর্কে, এ-কথাটা প্রযোজ্য হয় সে-সব পশ্চিমী বুদ্ধিজীবীদের হাতে, যারা সাম্যবাদে একদিন অলৌকিক কিছু প্রত্যাশা করেছিলেন, যাদের “দেবতারা” ব্যর্থতার দৃষ্টের অন্ধকারে তাদের সমস্ত পৃথিবীতে নিক্ষেপ করেছে। স্টালিন-নীতির ব্যর্থতা সাম্যবাদীদের কাছেই অনুরূপ এক বিবাত “দেবতার” ব্যর্থতা।

কিন্তু এই যে গড়ে-তোলা “দেবতার” ব্যর্থতা, সেই শূদ্ধ সাম্যবাদী জগতেই সীমাবদ্ধ নয়। আসলে এ-শতাব্দীতে একমাত্র জেনিন ও গান্ধী ছাড়া আর কোনো “দেবতাই” বোধ কবি সার্থক নন।

এমনি এক “দেবতা” ছিলেন উব্রো উইলসন—পৃথিবীর কোটি কোটি পরাধীন, বৃদ্ধাবিরোধী, শান্তিকামী মানুষের কাছে। প্রথম বৃদ্ধেব শেষ পর্যায়ে ও শান্তি-সম্মেলনীতে তাঁর বিখ্যাত “চৌদ্দ পয়েন্ট” সারা বিশ্বে এনেছিল অভাবনীয় আলোড়ন। আববভূমিতে এ-আলোড়ন যতটা অনদ্ভূত হয়েছিল ভারতবর্ষে ও পূর্ব এশিয়াতে ততটা নয়। ইংরেজ ও ফরাসী সাম্রাজ্যবাদের মুখোশ-খোলা ষড়যন্ত্র থেকে রেহাই পাবার জন্যে আববরা সৈদিন স্বাবস্থ হয়েছিল উইলসনের কাছে। আজকের সিবিয়া ও ইবাক স্বেচ্ছায় চেয়েছিল মার্কিন অভিভাবকত্ব; প্যালেস্টাইনকেও আমেরিকাব অন-শাসনে রাখতে আরবদের অনিচ্ছা ছিল না। অথচ উইলসন ও আমেরিকান সৈদিন আরবদের সম্পূর্ণ বিমুখ করেছিল। উন্নততর মার্কিন গণতন্ত্র বিন্দু-মাত্রও প্রভাবান্বিত করতে পারে নি ইংগ-ফরাসী কড়ত্বকে। যত “দেবতা” আববদের ব্যর্থ করেছে তার বোধহয় একাংশ করে নি অন্য কোনো দেশের মানুষকে।

আজ এই ব্যর্থতার বাজনা আরবভূমির প্রায় সর্বত্রই দেখতে পাওয়া যায়। যেখানে পশ্চিমী রাষ্ট্রগুলি সবচেয়ে “নিষ্ঠাশীল” ও “নির্ভরযোগ্য” মিত্র রাষ্ট্রকে অর্থ ও অস্ত্র দিয়ে সমস্ত রক্ষা করেছে, সেই ইবাকেই বোধ হয় এ-ব্যর্থতা সবচেয়ে প্রচ্ছন্ন জনসাধারণের ও মধ্যবিত্ত সমাজের মানসে। সৌদী আরবের মতো সুদৃবকী রাজ্যেও এই ব্যর্থতা এনেছে রাজনৈতিক অশান্তি,

বাদও প্রথম পর্যায়ে। যে আমেন রাজ্যকে তার ভূতর্পূর্ব রাজ্য (বর্তমান রাজ্যের পিতা) বহু বৎসর সম্বন্ধে বহির্বিষয় থেকে দূরে রেখেছিলেন, ব্যর্থতা অশান্ত আবহাওয়া নিয়ে প্রবেশ করেছে তারও জঙ্গল ও পর্বতমেরা বাতাবরণে।

আসলে, ইসলাম যৌদিন থেকে বিজয়ী ভূমিকা ত্যাগ করতে বাধ্য হন, এ-ব্যর্থতা তখন থেকেই শুরু। যারা একদিন ইসলামকে সর্বজয়ী ভেবেছিলেন, ব্যক্তিগত ও সমাজজীবন থেকে উদ্বেগ তুলে তাকে রাজধর্মের আসনে বসিয়ে-ছিলেন, তাঁরাও ভেঙ্গে পড়লেন ইসলামের রাজনৈতিক অস্তগমনের সঙ্গে সঙ্গে। তুর্কীর সুলতান ছিলেন মুসলমান; তাঁর সুবিশাল সাম্রাজ্যের ধর্মও ছিল ইসলাম। অথচ তুর্কী আমলে আরবদের উপর যে-অত্যাচার ও শোষণ চলেছে কয়েক শত বছর ধরে তার তুলনা ইতিহাসে বিরল। এমন বন্দ্য রাজত্বের নজীব খুব কমই। তুর্কী শাসনে আরবভূমিতে প্রায় কিছুই জন্মায় নি, কেবল মানুষ ছাড়া। পশ্চিম-এশিয়া ও মরোপের একটি বৃহৎ অংশে পরিব্যাপ্ত সাম্রাজ্যে তুর্কীরা ছিল নিত্যন্তই সংখ্যালঘু; তারা রোমান বা আম্বাসীদ কায়দার সাম্রাজ্য শাসন করতে গিয়ে প্রত্যেক অঞ্চলে একটি স্থানীয় শাসক ও শোষক শ্রেণীর সৃষ্টি করে।

অষ্টাদশ শতাব্দীতে সাম্রাজ্য লোভী মরোপীয় শক্তিগর্ভি “প্রাচ্য প্রশ্নের” সৃষ্টি করেন। (সে-প্রশ্নের শেষ আজও হয়নি)। কত বড় বড় মানুষই না এই প্রশ্নকে জটিল হতে জটিলতর করতে সাহায্য করে গেছেন, সেই ১৭৭০ সাল থেকে, যখন মিশরাদিপতি আলীবে এবং ভারতে ইংরেজ শাসক ওয়ারেন হেস্টিংসের প্রচেষ্টায় ইস্ট ইন্ডিয়া কোম্পানী মরোপে প্রথম বাণিজ্য-অভিযান পাঠান। আজ ভাবলে বিস্ময় হয় কত শ্রেষ্ঠ মানুষ প্রায় দুশো বছর ঘাটাঘাটি করে এই “প্রাচ্য-প্রশ্ন”কে কী বিরাট মহামারী ক্ষতে পরিণত করে-ছেন। এঁদের মধ্যে রয়েছেন পামারস্টোন, ডিজারেইলী, নেপোলিয়ন, তালারে, বিসমার্ক, রাশিয়ার সাম্রাজ্ঞী ক্যাথারিন।

প্রাচ্য-প্রশ্নের জবাব দিতে গিয়ে পশ্চিমী শক্তিগর্ভি তুর্কী সাম্রাজ্যের শিরা উপশিরায় এমনভাবে প্রবেশ করেছিল যে, প্রথম মহাযুদ্ধে তুর্কীর পরাজয়, ছিল নিঃসন্দেহ। ইংরেজ ও ফ্রান্সের নিকট একটি স্বাধীন আরব স্বেচ্ছের আশ্বাস পেয়ে আরবরা যুদ্ধে মিত্রশক্তিকে অনেকখানি সাহায্য করেছিল, প্যারিস শান্তি বৈঠকে এলেনবী তা প্রকাশ্যে স্বীকারও করেছিলেন; কিন্তু প্রথম যুদ্ধোত্তর যুগের শুরুতেই বৃটেন ও ফ্রান্স বিশ্বাসহস্তার ভূমিকায় অবতীর্ণ হল। এর পরিচয় এখন আমাদের কাছে অজ্ঞাত নয়।

তুর্কী সুলতানের সঙ্গে আরবের অন্তত একটা মিল ছিল: ধর্ম। এবার শাসক ও শাসিতের মধ্যে সে-মিলটুকুও রইল না। জাতির মানস-গঠন শাসক-শ্রেণী থেকে আরো দূরে নির্বাসিত হল। ইংরেজ ও ফিডিলিগীদের তাঁবেদার হয়ে গড়ে উঠল নতুন একটি শাসক-শ্রেণী, জনসমাজ ও গণমানস হতে বিচ্ছিন্ন। রাজপ্রাসাদের চতুর্দিকে প্রাসাদের টুকরার জন্যে ভিড় জমালো এই নতুন-গজ্ঞানো শাসকরা। এদিকে ভূমি-ব্যবস্থা সাবেকী শোষণের পথে আরো কায়মী হওয়ার জনসাধারণের ভাগ্য দুর্ভাগ্যের নিম্নতম স্তরে দ্রুত নেমে যেতে লাগল।

আবার এরই মধ্যে, পশ্চিমী শিক্ষার আলোকে, নতুন আদর্শের উদ্দীপনা

নিয়ে, জন্ম নিল একেবারে নতুন একদল মানুষ—একটা শিক্ষিত মধ্যবিত্ত শ্রেণী, যা আরবভূমিতে এর আগে বর্তমান ছিল না। রাজনৈতিক অসন্তোষ, সামাজিক ও অর্থনৈতিক ব্যর্থতায় এই শ্রেণী অতি সহজেই রাজদ্রোহী হয়ে উঠল।

ম্বিতীয় মহামুস্বের সদুযোগ নিয়ে গড়ে উঠল হঠাৎ-ধনী নতুন একদল মানুষ, যাদের মূল্যবোধ কেবলমাত্র স্বার্থবৃদ্ধিতে প্রণোদিত। দেখা গেল, এই নবজাত ধনী শ্রেণী সহজেই হাত মেলালো ভূস্বামী সামন্ত শ্রেণীর সঙ্গে, ফলে শাসনশক্তির যে নতুন বাটোয়ারা হল তা থেকেও জনসাধারণ রইল বঞ্চিত। এইভাবে প্রথম ইসলাম, তারপর তুর্কী সুলতান, আম্বাসে বড় কিন্তু কাজে ছোট বিদেশী শক্তি, রাজন্যবর্গ, সামন্ততান্ত্রিক ও “গণতান্ত্রিক” নেতারা, সবাই আরব জনগণকে কেবল ব্যর্থতার এক পর্যায় থেকে অন্য পর্যায়ে নিয়ে এসেছে।

চিন্তাশীল গামাল নাসের তাঁর বিপ্লব দর্শনে মিশরী সমাজের যে-চিত্র আঁকেছেন, সমস্ত আরব সমাজের চিত্র তারই অনুরূপ। নাসের বলছেন:

“মামেলুক যুগের পর কী হল? এল ফরাসী অভ্যয়ান। তারাররা আমাদের বৃকের উপর যে লৌহ-ঘর্নিকা টেনে দিয়েছিল তা এবার অপসৃত হল। নতুন ভাবনার বন্যা এসে পড়ল আমাদের উপর। অজানা অচেনা নতুন আকাশ হল উন্মুক্ত।

“মহম্মদ আলী বংশ নিয়ে এসেছিল মামেলুক-জীবনের সবটা কাঠামো, শব্দ তাকে সাজিয়েছিল ঊনবিংশ শতাব্দীর শোভন পরিচ্ছদে। নতুন করে মিশরের সঙ্গে বিশ্বের সংযোগ স্থাপিত হল। বর্তমান যুগের চেতনা নিয়ে আমরা জেগে উঠলাম। আর সঙ্গে সঙ্গেই নতুন এক সংকটের সৃষ্টি হল।

“আমরা ছিলাম একটি রুগীর মতো, বম্ব ঘরে দীর্ঘকাল আটকানো। অবরুদ্ধ ঘরের উত্তাপে রুগীর শ্বাসরোধের উপক্রম হয়েছিল। হঠাৎ একটা ঝড় এসে দরজা জানালা সব ভেঙে দিয়ে গেল। রুগীর ঘর্মাক্ত দেহে আছাড় খেয়ে পড়ল শীতল হাওয়া। রুগীর সত্যিই দরকার ছিল এক বলক মদুস্ত ব্যয়র। সে পেল পাগলা ঝড়। তার ক্রান্ত শরীর এবাব জরুবাক্রান্ত হয়ে পড়ল।

“ঠিক এই-ই ঘটেছে আমাদের সমাজে। এক ভয়ঙ্কর পরীক্ষার সূচনা হয়েছিল ঊনবিংশ শতাব্দীতে। রুরোপের সমাজ শান্তিপূর্ণ পথে ক্রমবিকাশেব মধ্য দিয়ে চলবার সদুযোগ পেয়েছিল। রেনেসাঁস থেকে ঊনবিংশ শতকেব সেতু ধীরে ধীরে সে পার হয়েছিল। এক বিবর্তন এনে দিয়েছিল অন্য বিবর্তনকে। কিন্তু আমাদের ভাগ্যে সবকিছু এল আচমকা। আমরা বাস করছিলাম এক লৌহ-ঘর্নিকার অন্তরালে। হঠাৎ তা ভেঙে গেল। পৃথিবী থেকে আমরা ছিলাম বিচ্ছিন্ন। প্রাচ্যের বাণিজ্য উত্তমাশা পথে যাতায়াত শূন্য করতেই আমাদের এই বিচ্ছিন্নতা আরম্ভ হয়েছিল। তারপর দেখা গেল, রুরোপের শক্তিগুণি আমাদের দিকে তাকাচ্ছে লালসার দৃষ্টিতে। পূর্বে ও দক্ষিণে—অর্থাৎ এশিয়া ও আফ্রিকার—তাদের উপনিবেশগুলির আমরা হয়ে উঠলাম শ্রেষ্ঠ সংযোগপথ।

“আমাদের উপর নতুন ভাবনার, নতুন মতের বর্ষণ শূন্য হল, যার জন্যো

ঐ সময় আমরা ছিলাম নিতান্তই অপ্রস্তুত। আমাদের অন্তর ছিল চরোদশ শতাব্দীতে। 'তার মধ্যে ঢুকে পড়েছিল নানাভাবে উনিশ ও বিশ শতকের ভাবধারা। এগিয়ে-চলা মানুষের পথ থেকে পাঁচ শ বছরের ব্যবধান উদ্ভীর্ণ হয়ে আমাদের অন্তর হাত বাড়াল অগ্রগামীদের হাত ধরতে! কী ক্লান্ত প্রচেষ্টা!

“এ-জন্যই আমাদের দেশে জাতীয় ঐক্যের এত অভাব। একের সঙ্গে অন্যের, এক পুরুষের সঙ্গে অন্য পুরুষের দূরত্বের ব্যবধান!

“এক সময় আমার নালিশ ছিল, জনতা জানে না সে কী চায়। পাবার পথ নিয়েও সে বিভ্রান্ত। পরে বৃদ্ধিতে পারলাম, আমি অসম্ভব দাবী করে বসে আছি। আমাদের সমাজের বাস্তব চেহারাকে অগ্রাহ্য করেছি।

“আমরা বাস করছি এমন একটি সমাজে যার পরিচয় এখনো অস্পষ্ট। এখনো তার অন্তর জ্বলছে। অস্থিবতায় গুমরে মরছে। শান্ত, নিশ্চিত হয়ে অগ্রগামী মানুষের যাত্রাপথের সমান্তরাল স্বকীয় রাস্তার সন্ধান এখনো পায় নি।

“এই আঙ্গিক বিচার কবে দেখলে, জন-উদ্দীপনার প্রশংসা না করেও, বলতে পারি, মিশর এক অসাধাসাধন কবেছে। তার মতো চতুর্দিকে বিপদের সম্মুখীন যে-কোনো জাতি নিজেকে হাবিয়ে ফেলতে পারত। ঝড়ের দাপটে তার প্রাণবায়ু নিঃশেষ হতে পারত। কিন্তু ভীষণ ভূমিকম্পের মুখেও সে স্থলিত হয় নি। মাঝে মাঝে ঐশ্বর্য হারিয়েছে, কিন্তু এলিয়ে পড়ে নি।

“কাইবোতে হাজার হাজার মিশরী পবিবাবের যে-কোনো একটির মধ্যে কী দেখতে পাই? বাপ, পাগড়ী-মাথা চাষী, এসেছে গ্রাম থেকে। মার দেহে হয়তো রয়েছে তুর্কী রক্ত। ছেলেরা পড়ছে ইংরেজী স্কুলে। মেয়েরা ফরাসী বিদ্যালয়ে। এরই মধ্যে খিচুড়ী পাকিয়ে রয়েছে চরোদশ শতাব্দী আর বিশ শতাব্দীর বাইবেকার বেশভূষা। এবার সহজেই বৃদ্ধিতে পারি কেন আমাদের অন্তর এত সন্দেহ ও বিস্ময়ে, এত জিজ্ঞাসা ও বিহবলতার সম্মিলন। তখন আমার মনকে বলি, এ-সমাজও একদিন ধীব স্থিতির পরিষ্কার হয়ে আত্ম-প্রতিষ্ঠা পাবে। এব বিভিন্ন অঙ্গ সমগ্রকে ধরে রাখবে। এবই থেকে গড়ে উঠবে সংহতির ঐক্য। কিন্তু তার জন্যে নির্মাণ-যুগে আমাদের প্রাণপণ পরিশ্রম করতে হবে।”

“মধ্যপ্রাচ্য বর্তমান পৃথিবী বান্দুখানা”—লেন্সটার পিয়ারসন

“বাজনৈতিক জীবনে সব চোরে বেশি সমস্যা আসে পূর্বাভাস সমাজ ব্যবস্থা
শক্ত করে আঁকড়ে ধাক্কা জেনে”—ওয়াল্টার লিপম্যান

১০

নাসেরের বিরুদ্ধে পশ্চিমের বড় নালিশ তিনি সমস্ত আরবভূমিতে এক পশ্চিম-বিরোধী বিশাল আরব রাষ্ট্র গঠন করতে চান। মিশর আক্রমণের সময় লন্ডন ও প্যারিসে সরকারী ভাষায় নাসেরকে হিটলারের সমপর্ষ্যে ফেলে অভিযোগ করা হয়েছিল যে, এই ডুইফোড আরব নেতাদের লালসার সীমা

নেই, তাই অক্লমণকারীকে ভোষণ করবার যে কলঙ্কিত নীতি মিউনিকে অন্তর্নিষ্ঠ হইয়াছিল, তার পুনরাবৃত্তি থেকে সজ্ঞাতাকে বাঁচাতে হলে এ-লেনিহান ক্ষমতাজোড়কে এখনি খর্ব করা দরকার।

আজ, সুয়েজ আক্ৰমণের এক বছর পরে, আমরা দেখতে পাচ্ছি পশ্চিমের প্রধান উদ্দেশ্য মিশরকে আরবভূমি থেকে রাজনৈতিক দিক থেকে বিচ্ছিন্ন করা। নাসেরকে খর্ব করবার উদ্দেশ্য নিয়ে সামরিক অভিযান ব্যর্থ হলেও রাজনৈতিক ও আর্থিক অভিযান চলে আসছে। এ-উদ্দেশ্যেই জর্ডানে আমেরিকা সুযোগ ও সময়মত হস্তক্ষেপ করে—দেড় বছর আগে বৃটেন যা পারে নি—রাজা হুসেনকে পশ্চিমী শিবিরে নিয়ে এসেছে। এ-উদ্দেশ্যেই সৌদী আরবের নৃপতির উপর অর্থনৈতিক চাপ দিয়ে নাসের-সমর্থন থেকে তাঁকে অনেকখানি নিরস্ত করা হয়েছে। এই উদ্দেশ্যেই লেবাননকে প্রায় পুরোপুরি মার্কিন আওতায় আনা হয়েছে এবং সিরিয়ার মিশর-মিত্র শাসকগোষ্ঠীকে ক্ষমতাচ্যুত করবার এক বিরাট ষড়যন্ত্রের আয়োজন হইয়াছিল। এই জনোই ইরাককে নিত্য নতুন অস্ত্র সাহায্য, এই জনোই বাগদাদ চুক্তিতে আমেরিকার সামরিক যোগদান। সিরিয়া-মিশরে রুশ প্রভাব খর্ব করতে হলে আগে খর্ব করতে হয় সিরিয়ার বর্তমান বামপন্থী গভর্নমেন্টকে ও মিশরে নাসেরকে। আইসেনহাওয়ার ডকট্রিন তুর্কীতে থাকা সত্ত্বেও ডালেস সাহেব খন্দুতে তীর সংযোগ করতে পারছেন না; তার জন্যে চাই মিশরে এক রাজা হুসেন; সিরিয়ায় এক রাষ্ট্রপতি শামুন! কোনো দেশের চালু সরকার অনুরোধ না করলে এই তীর নিক্ষেপ করা যায় না।

মিশরকে আরবভূমি থেকে যেমন বিচ্ছিন্ন কবে দেখা যায় না, তেমনি মিশরকে বৃহতে হলে বর্তমান আরব অঞ্চলের বিবোধ-বিচিত্র চেহাবার সঙ্গে মোটামুটি একটা পরিচয় প্রয়োজন। দরকার মধ্যপ্রাচ্যের সামগ্রিক রাজনৈতিক ও সামরিক পরিচয়; তার প্রথম মহাযুদ্ধোত্তর ইতিহাসেব ধাবা।

আমরা জানি যে, বর্তমান রাষ্ট্রীয় মধ্য-প্রাচ্য বহুলাংশে বৃটেনের হাতে তৈরী। একমাত্র লেভান্ট ছাড়া প্রায় সমগ্র আববভূমিতে ইংরেজ-প্রাধান্য প্রতিষ্ঠিত হয় 'প্রথম বিশ্বযুদ্ধের পর। আজ যদি এই ভূখন্ড বারুদখানায় পরিণত হয়ে থাকে তার দায়িত্বও অনেকখানি বৃটিশ রাষ্ট্র-নীতির ব্যর্থতাব। পরবর্তী কয়েকটি অধ্যায়ে কীভাবে আবব-মানসকে না বোঝাব ফলে বৃটেন প্রত্যেকটি আরব দেশে ত্রিশ বছর ধরে মাঝামাঝ সংঘর্ষের বীজ বপন করেছে তার কিছুটা তথ্য পরিবেশন করা হবে।

তুর্কী সাম্রাজ্য থেকে বিচ্ছিন্ন করে বৃটেন ও ফ্রান্স আরব দেশগুলির উপর কর্তৃত্ব পায় লীগ অব নেশনস-এর ম্যানডেট অনুসারে। মরু-প্রাসিত এবং তখনো প্রায় নিঃস্ব বলে পরিচিত সৌদী আরবকেই শুধু দেওয়া হইয়াছিল অখণ্ডিত স্বাভাব্যতা। মিশর ছিল উপনিবেশ; যুদ্ধের পর হল 'স্বাধীন'; ইংবেজ ম্যানডেট স্বাক্ষর করে পেল প্যালেস্টাইন, ট্রান্সজর্ডন ও ইরাক; ফ্রান্স লেভান্ট—বর্তমানের সিরিয়া ও লেবানন। দুই পশ্চিমী শক্তিই নিয়ে এল জাহাজ বোঝাই করে অস্ত্র, সৈন্য, বিপণি—আর তার সঙ্গে মূঠো মূঠো অভিনব রাজনৈতিক ভাবনা। প্রজাতান্ত্রিক ফ্রান্স তার অত্যাচার ও শোষণদুষ্ট উপনিবেশিক নীতির সঙ্গে মিশরে দিল গণতন্ত্রের কিছু কিছু মূলবিহীন মাল-

মসজিদ। এল সীমাবদ্ধ নির্বাচন; বাছাই-করা লোক নিয়ে তৈরী পার্লামেন্ট; আর রাশি রাশি বিপ্লবাত্মক চিন্তাধারা। ইংরেজ অঞ্চলে সিংহাসনে সমাসীন নৃপতি, তার চতুর্দিকে নবজাত সামন্ত তাঁবেদার আর যুদ্ধের বাজারে হুতাৎ-ধনী নতুন পেশাদার পলিটিশিয়ান। এখানেও গড়ে উঠল পার্লামেন্ট, আমদানী হল নির্বাচন, প্রচারিত হল গণতান্ত্রিক শিক্ষা। এক কথায়, আরব-মানস, আরব-সমাজ ও আরব-ব্যক্তিদের উপর বৃটেন ও ফ্রান্স বোঝাই করে চাপাল পশ্চিমী প্রতিষ্ঠান, পশ্চিমী চিন্তাধারা এবং পশ্চিমী আশা-আকাঙ্ক্ষা। ফলে, না গড়ল নির্ভেজাল আরব প্রতিষ্ঠান, চিন্তাধারা, ব্যক্তিত্ব—পরাদীনতার উষব মরুতে তা গড়তে পারত না—না স্ফূর্তিত হল আমদানী প্রতিষ্ঠান, চিন্তাধারা, ব্যক্তিত্ব।

ইংরেজ যে আরব মহাসোধ গড়ে তুলেছিল তার অন্যতম নির্মাতা ছিলেন টি ই লরেন্স—যাঁর পরিচিত নাম লরেন্স অব আরাবিয়া। এঁরই উদ্যোগে বিদ্রোহী আরব প্রথম বিশ্বযুদ্ধে ইংরেজের সক্রিয় মিত্র হয়ে উঠেছিল। লরেন্স তাঁর বৃটিশ ব্যক্তিত্ব পরিত্যাগ করে আরব ব্যক্তিত্ব পরিগ্রহণের চেষ্টা করেছিলেন। তিনি আরব পোশাক পরতেন, আরবী ভাষায় কথা বলতেন, আরব রীতিনীতি মেনে চলতেন। চার্চিলেব তিনি ছিলেন বিশ্বস্ত পরামর্শদাতা। বহুদিন বৃটিশ সরকারের আরব নীতি লরেন্সের পরামর্শ অনুযায়ী চলে এসেছিল। সিবিয়া-বিতাড়িত ফযজলকে ইরাকের রাজা বানাবার মূলেও তিনি; আবদুল্লাহকে ট্রান্সজর্ডানের আমীর বানানোর পরামর্শও তাঁর কাছ থেকেই চার্চিল পেয়েছিলেন।

লরেন্স তাঁর সুবিখ্যাত গ্রন্থ ‘সেভেন পিলার্স অব উইজডম’-এ তাঁর স্বকীয় প্রচেষ্টার ব্যর্থতা যে-ভাষায় বর্ণনা করেছেন, তা মর্মস্পর্শী। প্রত্যেক সাম্রাজ্যবাদীকে এই বর্ণনা সাবধান কবেছে, যদিও তাতে কেউ কণপাত কবে নি।

“বহু বছর আরব পোশাকে বাস করে, আরব-মানসের অনুকরণ করে আমি যেন আমার ইংরেজ সন্তা থেকে মুক্তি পেয়ে গেছি। পশ্চিম ও তাব নিয়মকানুনের দিকে নতুন দৃষ্টিতে তাকাতে পেরেছি। আমার কাছে তা মিথ্যেই হয়ে গেছে। কিন্তু ঐ সঙ্গে আরব সন্তাও আমি একান্তভাবে গ্রহণ কবতে পারি নি; যা কবেছি শুধু নকল মাত্র। মানুষকে ধর্মে অবিশ্বাসী করে তোলা সহজ, ধর্মান্তরিত করা বড়ই কঠিন। আমি একটি সন্তা ত্যাগ করে অন্য একটি সন্তা গ্রহণ করেছিলাম, তাব ফলে একটা সর্বগ্রাসী একাকীভূত আমার পেয়ে বসেছিল! মানুষকে নয়, মানুষের সব কাজকেই আমি তুচ্ছতা ও বিদ্রূপের চোখে দেখতে পাচ্ছি। যে-মানুষ দীর্ঘদিন বিচ্ছিন্নতার মধ্যে শ্রম করেছে, তার পক্ষে এই ক্রান্ত ঔদাসীন্য স্বাভাবিক। তার দেহ যন্ত্রের মতো খেটে গেছে; যুক্তিবাদী মনকে সে বেখে এসেছে অনেক পশ্চাতে—সে-মন বাইরে থেকে তার কর্মকে নিরীক্ষণ করেছে সমালোচনার চোখে, অবাক হয়ে ভেবেছে, বার্থ পরিশ্রম! এসব কী করছে, কেন করছে? মাঝে মাঝে আমার এই দুটি বিরোধী স্বভাব, মহাশূন্যে নিজেদের মধ্যে বাকলাপ করত, আর তখন আমি খুব উন্মাদ-

প্রায় হয়ে উঠতাম। অবগুস্তনের মধ্য দিয়ে যে একই সময় দুইটি সম্রাজ্যব্যবস্থা, শিক্ষাব্যবস্থা ও পরিবেশকে বিচার করতে চায়, তার উন্মাদ হওয়া বিচিত্র নয়।**

‘টি ই লরেন্সের বাথ’তা, তাঁর নির্মম একাকীত্ব, মানুষের সব কর্মের প্রতি বিমূঢ় এবং তাঁর প্রায়-উন্মাদ ভাব ইংরাজের গ্রিশ বছরের মধ্যপ্রাচ্য নীতির সবচেয়ে কঠিন সমালোচনা।

বিতর্কিত মহাযুদ্ধে অবশ্য লরেন্স অব আরবিয়ার মতো রোমান্টিক চরিত্রের স্থান ছিল না। বিশ বছর ইঙ্গ-ফরাসী শাসনের কল্যাণে প্রায় সমগ্র আরবভূমিই কম-বেশি হিটলার-প্রেমী হয়ে উঠেছিল; ফ্যাসীবাদের আকর্ষণে নয়, শত্ৰুশত্রুর আশায়। অনেকখানি সামরিকবলে এবং কিছুটা ক্ষমতা-লোভী দেশজ তাঁবেদার স্বার্থের সহায়তায় মিশ্রপক্ষ আরবভূমিকে ধরে রাখতে সক্ষম হয়েছিল। কিন্তু যুদ্ধান্তে দেখা গেল বহু বছরের ইংরেজ প্রভাবকে পশ্চাতে রেখে আর একটি প্রভাব আরবভূমিতে আবির্ভূত হয়েছে। মার্কিন প্রভাব।

বিতর্কিত বিশ্বযুদ্ধের পর থেকে এই বারো বছর ইংরেজ ও ফরাসী প্রভাব বহুত অপসৃত হয়েছে, মার্কিন প্রতিপত্তি বেড়েছে তার চেয়েও দ্রুতবেগে।

এর উপর, সমস্যাটিকে ভয়ানক জটিল করে আরব ভূখণ্ডে নেমে এসেছে আর একটি মহাশক্তির ছায়া : সোবিয়ত রাশিয়া। শীতল-যুদ্ধের দুই প্রধান প্রতিপক্ষ ইতিহাসের এই আদি রণক্ষেত্রে মল্লযুদ্ধে অবতীর্ণ। আরবদের ভবিষ্যৎ আজও তাদের স্বীয় ইচ্ছা, প্রচেষ্টা ও প্রয়োজনের উপর নির্ভরশীল নয়। বিশ্বব্যাপী সর্বগ্রাসী ক্ষমতা-প্রতিদ্বন্দ্বিতার ঠিক মাঝপথে আজ এই আরবভূমি।

একদিকে জাগ্রত জাতীয়তাবাদ, স্বাধীনতার তীব্র আকাংক্ষা। অন্যদিকে অপসৃতমান বৃটিশ ও ফরাসী সাম্রাজ্যবাদ। তৃতীয় দিকে জার্কিয়ে-বসা মার্কিন প্রতাপ। চতুর্থ দিকে আগমনেচ্ছা রাশিয়া। এই নিয়ে বর্তমান আরব মল্লভূমি।

এবার বিভিন্ন দেশগুলির দিকে তাকিয়ে দেখা যাক।**

ইরাক মধ্যপ্রাচ্যে অস্তুগামী বৃটিশ সূর্যের শেষ ঘাঁটি। যেমন লেবনন উদীয়মান মার্কিন রবির প্রথম ঘাঁটি।

ইরাক সবচেয়ে পশ্চিমপন্থী আরব দেশ। আরব নেতৃত্বের দাবীতে মিশরের প্রধানতম প্রতিদ্বন্দ্বী। বাগদাদ ও কাইরোতে চলছে চম্পক ঘণ্টা রেষারেষি—বেতারে, সংবাদপত্রে, রাজনীতি, অর্থনীতি ও প্রতিরক্ষা নীতিতে। ইরাক অন্য যে-কোনো আরব দেশের চেয়ে বেশী আর্থিক সাহায্য পেয়েছে বৃটেন ও আমেরিকার কাছ থেকে। তেল থেকে পাওয়া অর্থ তৈবী হয়েছে বড় বড় বাঁধ, জলাধার, সেচপ্রণালী; কৃষি প্রসারিত হয়েছে বিস্তীর্ণ নতুন ভূমিতে। ১৯৫০ থেকে পাঁচ বছরে গ্রিশ কোটি পাউন্ড ব্যয়িত হয়েছে নির্মাণে ও গঠনে; তার মধ্যে পনেরো কোটি পাউন্ড শত্ৰু বন্যানিরোধ ও জল সঞ্চয়ের

* Seven Pillars of Wisdom—a triumph; by T. E. Lawrence, London, 1943, page 30

** ৪৮৭ চার্ট দেখুন।

জন্যে। সবুজ বহর বয়সে নূরী এস সৈয়দ, প্রধান মন্ত্রীর পদ ত্যাগ করলেও—যা তিনি প্রায় দশ বারো বার পেয়েছেন ও ছাড়তে বাধ্য হয়েছেন,—ইরাকের স্বৈরাচারী শাসক এবং পশ্চিমের পরম-বিশ্বাসভাজন আরব মিত্র। আসলে নূরী এস সৈয়দ পরোপদ্রি আরব নন। তাঁর দেহে কিছুটা তুর্কী রক্ত আছে। তুর্কী সুলতানের তিনি ছিলেন একজন জুনিয়র অফিসর; কর্মে উন্নতি না হওয়ায় রাগ করে আরব আন্দোলনে প্রথম মহামুস্‌সের সময় যোগ দিয়েছিলেন। সাধারণত আরবদের প্রতি তাঁর বিশেষ অনুরাগ নেই। পৃথিবীতে যাকে তিনি সবচেয়ে বড় শত্রু মনে করেন, তাঁর নাম গামাল আব্দ অল নাসের।

পশ্চিম এশিয়ায় সবচেয়ে বেশী কৃষিযোগ্য ভূমি ইরাকে। মিশরের পাঁচ গুণ। কিন্তু লোকসংখ্যা মিশরের মাত্র চার ভাগের এক ভাগ। ভূমিব্যবস্থা এমনই সামন্ততান্ত্রিক যে, শ্রেণী-পার্থক্য পৃথিবীর মধ্যে ইরাকে বোধ হয় সবচেয়ে মারাত্মক। সমস্ত জমির শতকরা মাত্র সাত ভাগ সমস্ত কৃষিজীবীর শতকরা ৮৮ জন ভোগ করতে পারছে। বাকী জমি নামেই রাষ্ট্রের; কিন্তু নূরীর প্রসাদপুষ্ট এক হাজার শেখের অধীনে। এরাই ইরাকী সমাজের “হাজার স্তম্ভ”। নূরীর সহস্র হস্ত। জমি এদের, নতুন সেচ-সিঁক্ত জমিও। রাজনৈতিক অধিকারও এদেরই হাতে। নূরীর রীতি-নীতির বিরুদ্ধে দাঁড়াবার অপরাধে দশ হাজার ইরাকী কারারুদ্ধ। প্রায় ৯০ জন প্রাক্তন মন্ত্রী ও তাঁদের আত্মীয়-পরিজনবর্গ নিয়ে রচিত “সরকারী” বিপক্ষ দল, যারা নূরীর অনুগ্রহেব জনো হাঁ করে থাকে এবং যাদের মধ্যে কেউ কেউ নূরীর অনুগ্রহ মাঝে মাঝে পায়ও! পার্লামেন্টেও এরাই গিয়ে বসে, নূরীর আইন নিয়ে ছোটখাট লোক-দেখানো বিতর্কও হয়, কিন্তু কেউই বিপক্ষে ভোট দেয় না।*

মধ্যপ্রাচ্যে সাম্যবাদের প্রসার নিয়ে গবেষণামূলক একখানা বই লিখেছেন মার্কিন পণ্ডিত ওয়াল্টার লাকউর।** ইরাক সম্বন্ধে তাঁর মন্তব্য বিশেষ উল্লেখযোগ্য, কেননা ইরাক বাগদাদ চুক্তির প্রধান আশ্রয়। লাকউর বলছেন:

“আবব দেশগুলির মধ্যে সব চেয়ে নিরাশ হতে হয় ইরাককে দেখে। অন্যান্য আরব দেশ থেকে ইরাকের অর্থনৈতিক সম্ভাবনা অনেক বেশি। ১৯৫৪ সালে তেল থেকে ইরাক রাজস্ব পেয়েছে পাঁচ কোটি বিশ লক্ষ পাউন্ড; ১৯৫৫ সালে সাড়ে সাত কোটি পাউন্ড। এ-রাজস্ব আরো বাড়ছে। তবু, অদ্ব ভবিষ্যতে, শহরের বা গ্রামের লোকদের জীবন-মানের যে বিশেষ উন্নতি হবে তার কোনো আশা নেই।

“১৯৪৯ থেকে ইরাকী গভর্নমেন্ট খোলাখুলি একনায়কত্ব ও প্রগতি-বিরোধী পথে চলে এসেছে। রাজনৈতিক বা সামাজিক কোনো ক্ষেত্রেই সংস্কার-মূলক কোনো কাজ করে নি। জাতীয় উন্নতির জন্যে কাজ করার পথ রুদ্ধ করেছে নানা রকমের ষড়যন্ত্র এবং সংগঠিত সামন্ত স্বার্থ। ফলে গভর্নমেন্ট প্রায় সমস্ত মধ্যবিত্ত শ্রেণী ও চাষীদের অসন্তোষভাজন হয়ে উঠেছে। বর্তমান

* The struggle for the Middle East, by Paul Johnson, The New Statesman, London dated July 6, 1957.

** Communism and Nationalism in The Middle East, by Walter Z. Laquer, New York, 1956.

রাজত্বের ভবিষ্যৎ একেবারে অন্ধকার; ক্ষমতা আঁকড়ে ধরে থেকে সাম্যবাদকে বর্তমান শাসকরা অপরিহার্য করে তুলছেন।”

আরো উল্লেখযোগ্য হচ্ছে এই যে, নূরী এস্ সৈয়দ ইরাকে এমন একটি রাজনৈতিক আসর তৈরি করেছেন, যার সঙ্গে ও-দেশের সাম্প্রতিক ইতিহাসের যোগাযোগ অত্যন্ত কম।

পূরাতন মেসোপটামিয়া নিয়ে নতুন ইরাক সৃষ্টি হবার সঙ্গে সঙ্গেই যে-আদর্শ তাঁর নেতাদের প্রেরণা দিতে শুরু করে তার নাম “আরবী”, আরব জাতির ঐক্য। এখানকার জননেতারা ইকবাল বৃহত্তর সিরিয়ার দাবীকে সমর্থন করেছিলেন, যার সীমান্ত একদিকে তুর্কী ছুঁয়ে গিয়ে অন্য দিকে প্রসারিত হত আরব সাগর পর্যন্ত। নূরী সৈয়দই একদা ইরাজের আশীর্বাদ নিয়ে আরব লীগ গঠনের সবচেয়ে উৎসাহী নেতা ছিলেন; লীগের নেতৃত্ব মিশরের হাতে চলে যাবার সঙ্গে সঙ্গে তাঁর উৎসাহও স্তিমিত হয়ে যায়। ইরাক ছিল একদিন সবচেয়ে ইজরেইল-বিরোধী আরব দেশ। আজ ইরাক আরব জাতীয়তাবাদ থেকে বিচ্ছিন্ন, ইজরেইল নিয়ে বেশী মাথা ঘামাতে অনিচ্ছুক এবং পশ্চিমের ঘনিষ্ঠতম আরব-বন্ধু।

অবশ্য এ-বন্ধুত্ব শাসকগোষ্ঠীর বাইরে কতখানি প্রতিষ্ঠিত তা নিয়ে সবচেয়ে বেশী সন্দেহ পশ্চিমেই। কেননা, ইরাকের দ্বারদ্রাষ্টা গ্রামীণ জনতা ঐক্যমিত্রতা যে মেনে নিয়েছে তার কোনো প্রমাণ নেই। গত চল্লিশ বছরে বার বার তারা বাগদাদে প্রতিষ্ঠিত শাসকগোষ্ঠীর বিরুদ্ধে ব্যর্থ বিদ্রোহ করেছে, বার বার হেরে গেছে ইরাজের সশস্ত্র প্রতিরোধে।

১৯২০ সালে তাদের প্রথম বিদ্রোহ ইরাকের ইতিহাসে “প্রথম মুক্তি যুদ্ধ” নামে পরিচিত। এই জনবিরোধের জন্যেই ১৯২০ সালে নবজাত ইরাক সাতাশ বছর বৃটেনের সঙ্গে কোনো চুক্তিতে আবদ্ধ হতে পারে নি, সাতাশ বছর ইংরেজ বে-আইনীভাবে ইরাকে অবস্থান করেছে। অবশেষে ১৯৪৭ সালে প্রথম ইশ-ইরাক চুক্তি স্বাক্ষরিত হয়—ইতিহাসে যার নাম পোর্টসমাউথ চুক্তি—তখনও ইরাকী জনতার বিদ্রোহের জন্যেই রিজেন্ট (রাজার অভিভাবক) তা প্রত্যাহার করতে বাধ্য হন। বাগদাদে শুরু হয়ে যায় ক্ষিপ্ত জনতার সিংহাস প্রতিরোধ, পদলিঙ্গের গুলী ও লাঠি অগ্রাহ্য করে। চুক্তি সই করে বিলেত থেকে প্রধান মন্ত্রী সালিহ জবর যখন ফিরে এলেন, তাঁকে প্রাণ বাঁচাবার জন্যে বাড়ির ছাদের উপর সর্বক্ষণ একদল সৈন্য মোতায়েন রাখতে হয়েছিল। তবু তিনি টিকতে পারেন নি। সমস্ত দেশবাসীর ঐক্যবদ্ধ বিরোধিতা তাঁকে বাধ্য করে পদত্যাগ করে ইংল্যান্ড পলাতক জীবন গ্রহণ করতে।

যে হাশেমী রাজবংশকে ইংরেজ ১৯২০ সালে বাগদাদের সিংহাসনে প্রতিষ্ঠিত করেছিল, তার প্রথম নৃপতি ফয়জল ছিলেন বৃটেনের বশব্দ অনুচর। কিন্তু ফয়জল-পুত্র গাহ্‌জী ছিলেন জাতীয়তাবাদী; তাই ২৭ বছর বয়সে একদিন বেশী রাতে রাজপ্রাসাদে ফিরবার সময় তাঁর গাড়ি হঠাৎ এক “দুর্ঘটনায়” পতিত হয় এবং তিনি মারা পড়েন। এই “দুর্ঘটনার” জন্যে বৃটিশ গভৃনচর বাহিনীকেই ইরাকীরা দায়ী করে এসেছে। বর্তমান রাজা ফ্বিতীর ফয়জল নূরী প্রমুখ সামন্ত নেতা ও বৃটেন ও আমেরিকান স্বার্থের হাতে নিষ্কর বন্দী। যদি তাঁর নিজস্ব কোনো কামনা থাকে যা তিনি আয়ত্ত করবার চেষ্টার

অধিকারী, তা হচ্ছে ইরাক, সিরিয়া এবং জর্ডান নিয়ে একটি হাশেমী রাজ্য গঠন। এরই নাম ফারটাইল ক্রিসেন্ট।

নূরী এস সৈয়দ বাগদাদ চুক্তিতে হাত মেলালেন সেই তুর্কীর সঙ্গে যে ইরাকের স্বাধীন সত্তাকে দীর্ঘদিন অন্তর্দার নজরে দেখে এসেছে। একজন সুইস লেখক অভিমত প্রকাশ করেছেন যে, ইরাক বাগদাদ চুক্তি স্বাক্ষর করে, ছিল বৃটিশ সামরিক ঘাঁটিগুলি থেকে মুক্তি পাবার এবং ১৯৪৮ সালের ইং-ইরাক চুক্তির শৃঙ্খল ভাঙবার জন্য। কিন্তু গত আড়াই বছরে শুধু যে বৃটিশ শৃঙ্খল কঠিনতর হয়েছে তাই নয়, তার সঙ্গে এসে যুক্ত হয়েছে অন্য এক বিদেশী শৃঙ্খল। ১৯৫৫ সালের ফেব্রুয়ারীতে তুর্কী-ইরাক চুক্তি স্বারা বাগদাদ গোষ্ঠীর গোড়াপত্তন হয়। ইরাকের জনমত যে এই নববিধানের ঘোরতর বিরোধী ছিল, তার প্রমাণ সেই সময় মন্টিসভার পতন। পার্লামেন্ট ভেঙ্গে দিয়ে নূরী এস সৈয়দকে নতুন “নির্বাচনের” পথে বাছাই-করা সদস্যদের নিয়ে নতুন পার্লামেন্ট তৈরি করতে হয়। তবু, ১৯৫৫ সালের ডিসেম্বরে বাগদাদ চুক্তি কার্ডিনালের প্রথম বৈঠক যখন বাগদাদে বসে, লন্ডনের “টাইমস্” পত্রিকার সংবাদদাতা বলতে বাধ্য হন যে, চুক্তির স্বপক্ষে ইরাকে জনসাধারণের মধ্যে কোনো উৎসাহের চিহ্ন নেই, তাদের অন্তরে কোনো স্বতঃজাত প্রেরণা এ-চুক্তিতে মূর্ত হয়ে ওঠে নি। “এক অর্থে”, এই সংবাদদাতা বলেন, “পশ্চিমী প্রতিরক্ষা পরিকল্পনায় বর্তমান ইরাককে টেনে আনা ভবিষ্যতের সঙ্গে এক-বকম জুয়া খেলা ছাড়া আর কিছু নয়।”

বাগদাদ চুক্তির দৌলতে ইরাজ তার তিনটি সামরিক ঘাঁটিকে ইরাকে আরো দৃঢ়ভাবে প্রতিষ্ঠিত করেছে; ১৯৪৮ সালের চুক্তির চাইতে অনেক শক্ত করে ইরাককে নিজের সাম্রাজ্যনীতির সঙ্গে বেঁধে নিয়েছে। এ-বন্ধন কঠিনতর হয়েছে তেলের প্রয়োজনে। মধ্যপ্রাচ্যে একমাত্র ইবাকেই ইরাজের তেল-সাম্রাজ্য এখনো মোটামুটি অক্ষুণ্ণ। ইরাক পেট্রোলিয়াম কোম্পানীর চার ভাগেব তিন ভাগ অংশ এখনো ইরাজেব; বাকী এক ভাগ অবশ্য আমেরিকা কিনে নিয়েছে।

নূরী এস সৈয়দ, এ-প্রবন্ধ লেখবার সময়, সুইটজারল্যান্ডেব কোনো এক স্বাস্থ্যকেন্দ্র থেকে তাঁর বিশ্বস্ত অন্তঃচরদের দিয়ে ইরাকের রাজনীতি পরিচালনা কবছেন। তিনি জানেন তাঁর সব চেয়ে বড় শত্রু ইরাজ বা রাশিয়া বা আমেরিয়া নয়; নাসের। ১৯৫৬ সালের মার্চ মাসে লন্ডনের “ডেইলী টেলিগ্রাফ” পত্রিকার প্রতিনিধি অ্যান্টনী মান্-এর সঙ্গে আলাপ-আলোচনায় নূরী নাসেরের আরব-নেতৃত্বের ভীষণ প্রতিবাদ করেন। তিনি বলেন:

“নাসেরকে নিয়ে বিপদ এই যে, সে চায় আরব জাতির নেতা হয়ে শোভা পেতে। কাইরো রেডিও অনবরত আমাকে ও ইরাককে গালাগাল দিচ্ছে।..... ইরাকে নানা ব্যক্তিকে প্রভূত অর্থ সাহায্য করে সৌদী আরব আমার কর্তৃত্বকে বিনষ্ট করতে চাইছে। আসলে সৌদী আরবের রাজা মনে করেন এখনো তিনি সেই অতীত কালের বংশগত (হাশেমী ও হাশেমী-বিরোধী) যুদ্ধ চালিয়ে যাচ্ছেন। ইরাক, সিরিয়া ও জর্ডনকে একত্রিত করার প্রয়াসের আগে আমাদের মীমাংসা করতে হবে অন্য দুইটি প্রধানতর সমস্যার—ইজরেইল ও আরবভূমিতে সাম্রাজ্য।.....পশ্চিমী দেশগুলি যদি কর্নেল নাসের সমস্যার

সমাধান করতে চান, তাহলে আগে তাঁদের ইজরেইল সমস্যা দূর করতে হবে। এ-সমস্যা মিটলে নাসের-সমস্যা আপনাআপনিই মিটে যাবে।”

নূরী বলতে চেয়েছিলেন যে, ইজরেইল-বিরোধী ধর্মনি তুলেই নাসের মিশরে সুপ্রতিষ্ঠিত, এবং সমগ্র আরবভূমিতে সম্মানিত। ইজরেইল-আরব বিরোধের অবসান হোক, মিশরে নাসেরের আর স্থান হবে না।

গত হেমন্তে বৃটেন ইজরেইলকে দিয়েই নাসেরকে শেষ করতে চেষ্টা করেছিল। তাতে সমগ্র মধ্যপ্রাচ্যে যে মানবিক ভূমিকম্প দেখা দিয়েছিল, ইরাকও তার ধাক্কায় নড়ে উঠেছিল গভীরভাবে। নূরী বাধ্য হয়েছিলেন বাগদাদ চুক্তি থেকে সাময়িকভাবে বৃটেনকে সরিয়ে দিতে; তুর্কী, পাকিস্থান ও ইরানের সহযোগিতায় এই চুক্তিকে একটি নিভুল মুসলিম সংস্থা বলে দাঁড় করাতে।

অবশ্য ইংল-ফরাসী মিশর নীতি থেকে আমেরিকা দূরে ছিল বলেই নূরীর এই চাল সম্ভব হয়েছিল। তিনি বাধ্য হয়েছিলেন অন্তত মখে নাসেরকে সমর্থন করতে, যদিও লিবিয়াব মতো তিনি ইংরাজকে সামরিক ঘাঁটি বাবহারেব সুবিধা দিতে অস্বীকার করবার সাহস সংগ্রহ করতে পারেন নি। বাগদাদ চুক্তির সদস্য চার মুসলিম রাষ্ট্রের কাতর অনুময় ইংরাজ প্রধান মন্ত্রীর কানে গিয়ে পৌঁছেছিল মধ্যপ্রাচ্যে ইংরাজ স্বার্থের শেষ আর্ত আহ্বানের মতো।

কিন্তু মিশর থেকে সম্পূর্ণ অপসরণের পর না রইলেন ক্ষমতার গদীতে অ্যাটর্নী ইডেন, না গাই ম'লে, না নূরী এস্ সৈয়দ। নতুন যে-রাজনীতি নিয়ে মার্কিন যুক্তরাষ্ট্র মধ্যপ্রাচ্যে প্রবেশ কবেছে, নূরীর মতো বৃদ্ধ ইংরেজ-বৃদ্ধর স্থান সেখানে সীমাবদ্ধ। পেছন থেকে রাজা-বানানো চলতে পারে, কিন্তু রাজত্ব ছেড়ে দিতে হবে অপেক্ষাকৃত কম-বয়সী ও বেশী মার্কিন-সমর্থক অন্য কারুর হাতে।

১১

“হে আমার প্রিয়া, সলমানের চাঁদার মতো তোমার সুন্দর প্রীতি তাকিরে আছে ডামাস্কাসের দিকে।”—সলমানের গান।”

সিরিয়া-লেবানন নিয়ে লেভান্ট, যাব কথা বলতে গেলে ভাবাবেগ সামলানো কঠিন হয়ে পড়ে।

পৃথিবীর অতি পুরাতন সভ্যত্ব ক্রোডভূমি এই লেভান্টে, যেখান থেকে যুরোপ পেরেছে যীশু খ্রীষ্টকে, ইসলাম মহম্মদকে। ডামাস্কাসের তর্জিত-দূরে সেকালের সিরিয়ারই মাটিতে যীশু খ্রীষ্টের জন্ম, এখানেই ইহুদিদের হাতে তাঁর মৃত্যু, এখানেই তাঁর পুনরাবির্ভাব। পুরাতন সিরিয়ার মাটিতেই রয়েছে খ্রীষ্টানদের “খরণীতে সব চেয়ে মহান অর্ধ একর জমি”; এখানেই রোমান সম্রাট কনষ্টানটাইন, একদিন বড় বড় ইমারতে তাঁর খ্রীষ্টধর্ম গ্রহণের স্বাক্ষর রেখে গিয়েছিলেন।

এই অতীতেবুঁ সিরিয়াতেই রাজত্ব করেছেন জ্ঞানী ডেভিড ও তাঁর পুত্র

সম্পন্ন। সলোমনের গুণাবলীতে মুগ্ধ হয়ে তাঁর দরবারে এসেছিলেন এক-দিন আফ্রিকার হাবসী রানী সেবা; দীর্ঘদিন বাস করে একটি পুত্র কোলে করে ফিরে গিয়েছিলেন ইথিওপিয়ায়, সে-পুত্রই হাবসী সাম্রাজ্যের প্রতিষ্ঠাতা।

এই সিরিয়াতেই জন্ম নিয়েছিলেন আব্রাহাম; এখানেই ফোনেশিয়ানরা আবিষ্কার করেছিল প্রথম লিখিত অক্ষর, যা থেকে রোমান অক্ষরমালার উৎপত্তি।

আবার এখানে জন্মেছিলেন ক্রিসোপ্যাট্রার বংশধরী প্রাচ্যের রানী সৈস্ত্রা জেনোবিয়া, ইংরাজ ঐতিহাসিক গিবন যার প্রশংসায় পণ্ডমুগ্ধ। হোমার ও প্লেটোতে পণ্ডিত এই জেনোবিয়া বীরের মতো যুদ্ধ করে একদিন রণক্ষেত্রে প্রাণ দিয়েছিলেন।

এখানেই এ্যাডোনিস নদীর তীরে একদিন সুন্দরী এস্টারটে দেখতে পেয়েছিলেন তরুণ এ্যাডোনিসকে; এখানেই প্রিয়তমার অনন্য অগ্রাহ্য করে এ্যাডোনিস চলে গিয়েছিলেন শিকারে; আর ফেরেন নি। সেই পবিত্র শোকাত ভূমিতে সিরিয়ার মেয়েরা আজও এ্যাডোনিসের জন্যে দুঃখ করে গান গায়!

আরবরা বলে যে ডামাস্কাস মরুদ্যানের পরমরমণীয় উদ্যানই বাইবেলের গার্ডেন অব ইডেন; এখানেই বিধাতা পাঠিয়েছিলেন প্রথম মানব-মানবী আদম ঈভকে! দূর থেকে এই উদ্যান দেখে হজরত মহম্মদ এতই বিচলিত হয়ে-ছিলেন যে, কণ্ঠিত আছে, তিনি সামনে থেকে দেখতে চান নি, বলেছিলেন, “মর্ত্যেই যদি এত সুন্দর জিনিস দেখে নিই, তবে স্বর্গে গিয়ে দেখব কী?”

আবার এই ডামাস্কাস দখল করতেই মহম্মদ একদিন হেরাক্লিয়াসকে চরম পত্র পাঠিয়ে হুকুম করেছিলেন; “এমন দিন এসেছে যখন ধরণী ও পর্বত কেঁপে উঠবে। সব পরিণত হবে বালকায়! ...এই আমার সাবধানবাণী!” ৬৩৪ সালের ২৪শে আগস্ট দুর্নিবার ইসলাম বাহিনী ওমায়্যেদ সাম্রাজ্যের প্রধানতম কেন্দ্র ডামাস্কাস অধিকার করে। শ্রীলোকেরা পর্যন্ত তাদের বিরুদ্ধে পুণ্ড্রদের পাশে দাঁড়িয়ে লড়াই করেছিল। খালিফ আবু বেকর ও তাঁদের সঙ্গেই প্রাণ দিয়েছিলেন।

পুরানো পৃথিবীর সমস্ত সৈনিকের জয়যাত্রার পদচিহ্ন সিরিয়ার তন্ত বালুতে লীন। সাম্রাজ্য গড়েছে এই বালুর উপর সেই অতীত কাল থেকে শুরু করে বর্তমান কাল পর্যন্ত; এ্যাসিরিয়ান, বোরিলোনীয়ান, পারসিক, গ্রীক, বোমান, আরব, তুর্কী, মিশবী ও ফরাসী সাম্রাজ্য! সব সাম্রাজ্যই আজ নিশিচহ্ন! ওমর ঠেয়ামেব কথা মনে পড়ে:

“How Sultan after Sultan with his pomp,
Abode his hour or two, and went away”

“ভেবে দেখ এ প্রাচীন পাম্‌শালা ঘাব
দিন আর রাত্রি শূন্য দুটি মাত্র দ্বার,
আসে যার সেই দুই দুয়ারেব মাঝ
প্রভাতে ও সন্ধ্যা

আকাশের আধাব-আলোক,
অসংখ্য নৃপতি লগ্নে অগণিত দাস-দাসী লোক
বাজার ঐশ্বর্য-গর্ব-সমারোহ ভার
যাপিয়া দু-এক দণ্ড এখানে, আবার

এ-প্রাচীন ক্রান্তিশালার যে আধুনিক পর্ব নিয়ে আমাদের প্রয়োজন তার শুরুর ১৫১৭ সালে, যখন সিরিয়া তুর্কী সাম্রাজ্যের অধীনে চলে আসে। তুর্কী উপনিবেশ হিসাবে সুলতানের রাজস্ব ভাণ্ডারে কর ও তাঁর "শাশা"দের বেতন ও ঘৃণ বোগান ছাড়া সিরিয়ার অন্য কোনো মূল্য ছিল না। বার বার তুর্কী অত্যাচারের বিরুদ্ধে ছোট বড় বিদ্রোহই তার প্রমাণ।

মধ্যপ্রাচ্যের এই লেভান্ট অঞ্চলেই যুরোপীয় বণিকদের প্রথম আবির্ভাব পঞ্চদশ শতাব্দীতে। সর্বপ্রথমে মুসলিম শাসনমুস্ত পর্তুগাল, তার পেছন পেছন ডাচ, ফরাসী, ইংরেজ। আঠারো শতকে এখানে ফরাসী বাণিজ্য ইংরাজী বাণিজ্যের চেয়ে সুপ্রতিষ্ঠিত; তুর্কী সুলতানও মেনে নিয়েছেন ফ্রান্সকে অমুসলমান সংখ্যালঘু সম্প্রদায়গুলির অভিভাবকরূপে। উনিশ শতকে সমস্ত মধ্যপ্রাচ্যে ইংগ-ফরাসী স্বার্থের তীব্র সংঘাত; ধীরে ধীরে, একমাত্র লেভান্ট অঞ্চল ছাড়া সর্বত্রই বৃটিশ রাজের আধিপত্য প্রতিষ্ঠা। উনিশ শতকেব শেষার্ধ্বে একটা সাম্প্রদায়িক গৃহযুদ্ধের সুযোগ নিয়ে লেবাননের উপর ফ্রান্স এক খ্রীষ্টান গভর্নর নিয়োগের মাধ্যমে অনেকখানি প্রভুত্ব বিস্তার করে। তখন থেকেই লেবাননে ফরাসী "সাংস্কৃতিক" বিজয়াভিযান চলতে থাকে।

আমরা আগেই জেনেছি যে, প্রথম মহাযুদ্ধের সময় আবব বিদ্রোহীদের মিত্রশক্তির আশ্বাস দিয়েছিলেন যুদ্ধোত্তর আরবভূমিতে একটি ঐক্যবদ্ধ, স্বাধীন আরব রাজ্য প্রতিষ্ঠা করাব। যখন কাইবোতে ইংবেজ প্রতিনিধি ম্যাকমোহন এ-ব্যাপার নিয়ে শরিফ হুসেনের সঙ্গে পরালাপ চালাচ্ছিলেন, তখনই প্যারিসে ইংরেজ ও ফ্রান্সের মধ্যে আরবভূমির ভাগ বাঁটোয়াবা নিয়ে একটি গোপন চুক্তি স্বাক্ষরিত হয়, কন্টেন্টার ইতিহাসে যার নাম "সাইকস-পিকো চুক্তি"। এ-চুক্তির ফলে ইংরেজ সিরিয়া ও লেবাননে ফরাসী আধিপত্য মেনে নিতে বাজী হয়, মধ্যপ্রাচ্যের অন্যত্র বৃটিশ প্রভাবের বিনিময়ে। আসলে, যুদ্ধকালে রাশিয়াও এই গোপন ভাগ্যভাগিতে যোগ দিয়েছিল এবং তুর্কীর অনেকখানি অংশ রাশিয়াকে ছেড়ে দিতে বৃটেন ও ফ্রান্স বাজীও হারাছিল, কিন্তু রাশিয়ার সাম্যবাদী বিপ্লব হবার পর স্বভাবতই মস্কো অংশীদার হিসাবে পরিত্যক্ত হয়। সাইকস-পিকো গোপন চুক্তির তথ্য বিশ্বসমাজে সর্বপ্রথম প্রকাশ করে দেন লেনিন, মিত্রশক্তিদের যথেষ্ট বিব্রত ও আরবদের আশাহত করে।*

বিনা যুদ্ধে কিন্তু ফ্রান্স সিরিয়া-লেবাননে লীগ অব নেশন্স-এর ম্যান্ডেট নিয়েও প্রবেশ করতে পারে নি। ইংরাজের ইচ্ছে ছিল শরিফ হুসেনের পুত্র ফয়জলকে সিরিয়ার রাজা বানাবার। ফরাসী সৈন্যরা তাঁকে সিরিয়া থেকে দিল তাড়িয়ে, অবশ্য সামান্য যুদ্ধের পর। ইংরেজ ফয়জলকে দিল ইরাকের সিংহাসন; তাঁর ভাই আবদুল্লাহকে বানাল ট্রান্সজর্ডনের আমির। আর, সিরিয়া-লেবাননের জনমত সম্পূর্ণ অগ্রাহ্য করে, বহু বিদ্রোহ কঠোর হস্তে

* Syria and Lebanon, by A. H. Hourani, London, 1946.

দমন করে ফ্রান্স চাঙ্গিয়ে গেল তার “সভ্যতার শাসন” ১৯২০ থেকে ১৯৪৩ পর্যন্ত।

সাম্রাজ্যবাদে ফরাসীর সঙ্গে ফরাসীর কোনো প্রভেদ নেই। যেমন মার্শাল পেন্তা, তেমন জেনারেল দ্য গল; যেমন লাভাল, তেমন ম'লে। ১৯৪১ সালের গ্রীষ্মকালে ফ্রান্সের পতনের পর, ব্রিটিশ ও “স্বাধীন ফ্রেন্স” বাহিনী সিরিয়া-লেবানন ভিসী-অনুচরদের হাত থেকে পুনরুদ্ধার করে। ৮ই জুন উদারপন্থী বলে পরিচিত জেনারেল কাত্রু (General Catroux) ম্যানডেট-যুগের অবসান ঘোষণা করলেও শাসন ত্যাগের কোনো লক্ষণই নতুন ফরাসীরা দেখাতে রাজী হয় নি। ১৯৪৩ সালের নির্বাচনে বর্তমান সিরিয়ার রাষ্ট্রপতি শত্রু অল-কোয়র্টিলের জাতীয় পার্টি (ন্যাশনাল ব্লক) জয়লাভ করার পর আরব জাতীয়তাবাদের সঙ্গে ফরাসী সাম্রাজ্যবাদের নতুন এবং শেষ সংঘাত শুরু হয়। চার্চিল সাহেবের ব্যক্তিগত অনুরোধ অগ্রাহ্য করে দ্য গল লেভান্ট আক্রমণ করেন; একমাত্র ইংগ-মার্কিন প্রতিরোধই ফরাসী সাম্রাজ্যবাদের সাহিংস পুনঃপ্রতিষ্ঠা থেকে সিরিয়া ও লেবাননকে বাঁচাতে সক্ষম হয়। ১৯৪৬ সাল গত হবার পূর্বেই সিরিয়া ও লেবানন হতে বিদেশী সৈন্য পূর্ণ অপসরণ করে।

লেবাননে ফ্রান্স একটি স্বতন্ত্র রাজনৈতিক সত্তার সৃষ্টি করেছিল সাম্রাজ্যবাদের সুপ্রাচীন ভেদনীতির অনুসরণে। সাম্রাজ্যবাদ বিদায় নেবার পর সৃষ্টি হল দুটি স্বতন্ত্র স্বাধীন রাষ্ট্রের। তাদের মধ্যে মিলের চেয়ে অমিল, মৈত্রীর চেয়ে বিবোধিতা বেশি।

সিরিয়ার আরবগণ বলিষ্ঠ জাতীয়তাবাদী। লেবাননে খ্রীষ্টান সম্প্রদায়ের প্রভুত্ব; তাই লেবানন অন্য যে-কোনো আরব দেশের তুলনায় স্বভাবতই যুরোপ-মুখী। উভয় দেশের অর্থনৈতিক সমস্যা একই প্রকারের—ভূমি বড় বড় জমিদারের কুক্ষিগত, দরিদ্র চাষী নিয়ে যে সাধারণ জনতা, তাব দারিদ্র্য ও দুর্ভোগ ইরাকের অবস্থার সঙ্গেই তুলনীয়। দুটি দেশই প্রজাতান্ত্রিক; সরকার বাইরে থেকে গণতান্ত্রিক হলেও, লেবাননে রাজনৈতিক ক্ষমতা কয়েক শত জমিদার পরিবারের মধ্যে সীমাবদ্ধ। উভয় দেশেই স্ত্রীলোকদের অনেকেই ভোট দিতে পারে; যে-অধিকার ইরাক, সৌদী আরব, জর্ডন বা এমনে স্ত্রী-লোকদের নেই; মিশরে সবে মাত্র সর্বপ্রথম স্বীকৃত হয়েছে।

রাজশক্তি আসে অর্থনৈতিক শক্তি থেকে। সিরিয়ায় বর্তমানে ভূমি-সংস্কার ও শিল্পগঠন-মূলক ব্যাপক পরিকল্পনার কাজ শুরু হয়েছে। তবু ভূমি-বাবস্থার পরিচয় আতঙ্ককর। সবচেয়ে সুফলা ভূমি হচ্ছে দুমায়—তার চার ভাগের এক ভাগ দখল করে আছেন মাত্র পাঁচজন জমিদার! জার্বা অঞ্চলের সমস্ত জমিই মাত্র একজন ভূস্বামীর! আলয়াই পার্বত্য অঞ্চলে জমিদারদের কথার উপর কোনো আইন নেই; গত নির্বাচনে এদেরই ক্ষেপিয়ে তোলবার চেষ্টা হয়েছিল বর্তমান বামপন্থী গভর্নমেন্টের বিরুদ্ধে।

রাজশক্তি থেকে জনগণের দূরত্ব এবং মনুষ্যমৈত্রী স্বার্থান্বেষী সামন্তদের হাতে ক্ষমতার দীর্ঘ অবস্থান সিরিয়াতে গত দশ বছর এক গভীর রাজনৈতিক অনিশ্চয়তার সৃষ্টি করে তুলেছিল। ১৯৪৮ থেকে ১৯৫৫ সাল এই সাত

বছরে ১৫ টি মন্ত্রিসভা গঠিত হয়, পাঁচটি 'কু দ' তা অনুষ্ঠিত হয়, তার তিনটি একই বছরে, ১৯৪৯ সালের মার্চ থেকে ডিসেম্বরের মধ্যে !!*

১৯৫৫ সালের নির্বাচনে শূক্কাই এল কোয়ার্টাল পুনরায় রাষ্ট্রপতি নির্বাচিত হন। কাইরোতে কয়েক বছর নির্বাসনের সময় তিনি ১৯৫২ সালের বিপ্লব ও নাসেরের গভর্নমেন্টের দেশীয় ও বৈদেশিক নীতি প্রত্যক্ষভাবে দেখবার ও বিচার করবার সুযোগ পেয়েছিলেন। গত দু বছরে সিরিয়ার রাজনৈতিক জীবনে যে স্থিরতা এসেছে তার কারণ প্রধানত তিনটি; সমাজবাদী দৃষ্টি-ভঙ্গী নিয়ে নতুন রাজনৈতিক দলের আবির্ভাব, প্রগতিপন্থী কয়েকটি দলের সমবেত সমর্থনে একটি কোয়ালিশন মন্ত্রিসভা গঠন এবং নাসেরের আদর্শে অনুপ্রাণিত সৈন্য বিভাগের কয়েকজন ক্ষমতামালী সেনাপতি দ্বারা এই গভর্ন-মেন্টের দৃঢ় সমর্থন।

একদা মিশরাধিপতি মহম্মদ আলী সিরিয়া বিজয় করে এক আরব সাম্রাজ্যের গোড়াপত্তন করতে চেয়েছিলেন। আর সে-সময়, যখন মিশরের সেনাবাহিনী সিরিয়ার বৃক্ক দাঁড়িয়ে, কিংলেক অবজ্ঞাভরে এক অতি সত্য ভাষণে বলেছিলেন, “সিরিয়ায় একান্তভাবে এশিয়াটিক সংঘর্ষের দিন উদ্ভূত হয়েছে।” এশিয়াটিক সংঘর্ষ বলতে তিনি বুঝেছিলেন মিশর ও তুর্কী-আধিপত্য নিয়ে বিরোধ। কিংলেক বলেছিলেন, “যুরোপ এখন এ-সংঘর্ষের অংশীদার। যদিও মনে হতে পারে একপাল মিশরী সৈন্য সিরিয়া জয় করে তার জমি আঁকড়ে ধরেছে শক্ত মূর্তিতে, তবু প্রত্যেক কৃষকও আজ পরিষ্কার জানে যে, ভিয়েনায়, পিটার্সবার্গে বা লন্ডনে চার পাঁচজন ফ্যাকাশে-মুখ মানুষ রয়েছেন (“four or five pale-looking men”) যারা এক টুকরো কাগজে এক কলমের আঁচে মিশরী পাশার (অর্থাৎ মহম্মদ আলীর) তারকাকে আকাশচ্যুত করতে পারেন।”

সৈদিন ও আজ, শতাব্দীর ব্যবধান। আরব-মানস আজ জাগ্রত; স্বাধিকার সচেতন। সিরিয়ার বর্তমান বলিষ্ঠ জাতীয়তাবাদকে কমুনিষ্টপন্থী বলে গাল দেওয়া হয়ে থাকে। অথচ মন্ত্রিসভা একজনও কমুনিষ্ট নেই। কিন্তু সিরিয়া সমাজবাদে নতুনভাবে বিশ্বাসী হয়ে উঠছে, এবং নির্মাণকাণ্ডে রাশিয়া ও পূর্ব যুরোপীয় সাম্যবাদী দেশগুলির বিনা শর্তে সাহায্য গ্রহণ করছে। মিশরের উপর গত বছরের ইগ-ফরাসী হামলার সময় একমাত্র সিরিয়াই এসে দাঁড়িয়েছে দৃঢ়ভাবে মিশরের পাশে সৈন্যসাহায্যের প্রস্তুতি

* মধ্যপ্রাচ্য নিয়ে লেখা কোনো বইতে এই বিচিত্র ও বিস্ময়কর রাজনৈতিক অস্থিরতার তারিখ পরস্পরা বিবরণ চোখে পড়েনি। বর্তমান লেখক তা সংগ্রহ করেছেন। মন্ত্রী-সভার পরিবর্তন; ১৯৪৮এ তিনবার—১৯শে আগস্ট, ২৩শে আগস্ট, ১লা ডিসেম্বর। ১৯৪৯এ তিনবার—মে মাসে, আগস্টে, ডিসেম্বরে। ১৯৫০এ একবার—মার্চে। ১৯৫১ সালে তিনবার—১ই আগস্ট, ১০ই নভেম্বর, ৪ঠা ডিসেম্বর। ১৯৫২ সালে একবার—১ই জুন। ১৯৫৪এ তিনবার—জুনে, ১৪ই অক্টোবর, ৩১শে অক্টোবর। ১৯৫৫ সালে দুইবার: ৬ই ফেব্রুয়ারী, ৬ই সেপ্টেম্বর।

সেনাবাহিনীর অধিনায়করা পাঁচটি 'কু দ' তা' অনুষ্ঠিত করেন। ১৯৪৯ সালের ৩০শে মার্চ, ১৪ই আগস্ট ও ১৯শে ডিসেম্বর; ১৯৫১ সালের ২৮শে নভেম্বর এবং ১৯৫৪ সালের ২৫শে ফেব্রুয়ারী। নেতাদের নাম: জেনারেল হুসনি জেইম, কর্নেল হিনোয়াই ও কর্নেল ফিলাকালি।

নিয়মে। পশ্চিমী তেলস্বার্থকে পণ্য করে দিতেও মিশরকে সে কম সাহায্য করে নি। সিরিয়াই পশ্চিমী শক্তিগুলিকে প্রত্যক্ষভাবে দেখাতে সক্ষম হয়েছে যে, আরব-বিরোধিতার সঙ্গে সহ-অবস্থান করে মধ্যপ্রাচ্যের তেলখনি থেকে সম্পদ আহরণ করা সম্ভব নয়।

বর্তমানকালে সিরিয়ার অন্যতম প্রধান প্রচেষ্টা হল মিশরের সঙ্গে যুক্ত হয়ে একটি ফেডারেল রাষ্ট্র গঠন করা। তাতে উভয়েরই স্বতন্ত্র সত্তা বজায় থাকবে কিন্তু কতকগুলি নির্ধারিত বিষয়ে যৌথ নির্দেশনা প্রচলিত হবে। যেমন প্রতিরক্ষা, কিছু কিছু নির্মাণ পরিকল্পনা, বৈদেশিক নীতি। উভয় দেশের মধ্যে বাণিজ্য হবে অবাধ। এই ফেডারেল পরিকল্পনা এখনো সম্পূর্ণ তৈরী হয় নি, কিন্তু সিরিয়ার পার্লামেন্টে সর্বসম্মতিক্রমে এজন্য একটি প্রস্তাব গৃহীত হয়েছে এবং একটি যৌথ কমিটিও তৈরী হয়েছে একে কার্যকরী করতে।

মহম্মদ আলী বাহুবলে একদা যা করতে পারেন নি আজ হয়তো বন্দুবলে তা সম্ভব হতে পারে। সিরিয়ার প্রধান সমস্যা অর্থনৈতিক। ১৯৩৪ থেকে সিরিয়ার মবদুভূমিতে তেলের সন্ধান চলছে, এখনো তা ব্যর্থ। দেশের অন্যতম প্রধান আয় ইরাক-ভূমধ্যসাগর পাইপ লাইনের ২৬৭ মাইল, যা সিরিয়ার মাটি কেটে তৈরী। এ-পাইপ লাইন হতে ইরাক পেট্রোলিয়াম কোম্পানী ১৯৫৫ সাল পর্যন্ত বাইশ কোটি ডলারেবও বেশি উপার্জন করেছে; কিন্তু ১৯৫২ সাল পর্যন্ত সিরিয়াকে দিয়েছে মাত্র ছ লক্ষ ডলাব! অনেক দাবী-দাওয়ার পর ১৯৫২ সালের চুক্তিতে সিরিয়ার আয় বাৎসরিক ১০ লক্ষ ডলার নির্ধারিত হয়েছে। সৌদী আরব ও ইরাকে লভ্যাংশের আধাআধি যে-ব্যবস্থা বর্তমানে চালু, সিরিয়াও বর্তমানে তাই দাবী করেছে, কিন্তু এখনো আদায় করতে পাবে নি।*

মানচিত্রের দিকে তাকালেই বোঝা যায় এই ২৬৭ মাইল পাইপ লাইনের গুরুত্ব কত বড়। ইরাক থেকে ভূমধ্যসাগরে দ্বিতীয় পথে তেল পাঠাবার ব্যবস্থা করা অসম্ভব। একমাত্র উপায় হচ্ছে জর্ডানের মধ্য দিয়ে পাইপ লাইন নিয়ে গিয়ে ইজবেইল অতিক্রম করে ভূমধ্যসাগরে পৌঁছানো। তাতে ব্যরও যেমন বেশি, তেমনি জর্ডানের ভবিষ্যৎ রাজনৈতিক চেহারাও যথেষ্ট স্খাযী-ভাবে পশ্চিমী স্বাস্থ্যেব অন্তর্কল হওয়া প্রয়োজন। এ-কারণেই এ-প্রস্তাবে হাত দিতে তে-পূর্জিবাদীরা ভয় পাচ্ছেন। আর এজন্যই সিরিয়ার বর্তমান জাতীয়তাবাদী ও বামপন্থী সতর্ক সরকারকে ক্ষমতাচ্যুত করে, তাকে পশ্চিমী স্বার্থের আওতায় আনবার বিরাট প্রচেষ্টা চলে আসছে।

এ-প্রচেষ্টার প্রধান ঘাঁটি হল লেবানন।

সুদৃবিখ্যাত 'নিউ স্টেটসম্যান' পত্রিকার সহকারী সম্পাদক পল জনসন উক্ত পত্রিকার ৬ই জুলাই ১৯৫৭ সংখ্যায় সুয়েজোত্তর মধ্যপ্রাচ্যে মহাশক্তিদের মধ্যে নতুন সংগ্রামের একটি তথ্যবহুল পরিচয় দিয়েছেন। তাতে তিনি বলেছেন: "যদি মধ্যপ্রাচ্যে তার নীতিক্রমে সার্থক করে তুলতে হয়, তবে আজ বা কাল আমেরিকাকে সিরিয়ার বর্তমান গবর্নমেন্ট সরাসরেই হবে। এ-নিষে কাজ

* Oil in the Middle East, by Longrigg, page 244; The Middle East. Oil and the Great Powers, by Benjamin Shwadran, page 414-16.

ইতিমধ্যেই শূন্য হয়ে গেছে। আমেরিকান এ-উল্লেখ্য ব্যবহার করছে তার মিত্র লেবানন সরকারকে; বেরুটের খ্রীষ্টানতন্ত্র আনহাওয়ার বেড়ে-ওঠা নতুন ফাসিস্টদের, যাদের সঙ্গে গোপন সংযোগ রয়েছে ডামাস্কাসের বিরোধী দল-গুলির। স্বাধীনতা পাবার পরে কয়েকবারই সৈন্য দলের হাতে সিরিয়ার রাজশক্তি লালিত হয়েছিল; প্রয়োজন হলে আজও তাই করা হবে এ-বিষয়ে কোনো সন্দেহ নেই।.....সিরিয়ার বর্তমান নীতিকেই আমেরিকা নষ্ট করতে চাইছে। একাজ এখন সহজতর, কেননা সিরিয়ার প্রায় চতুর্দিকেই এখন বিরোধী শক্তি। তুর্কী ও ইরাকের সঙ্গে সীমান্ত বন্ধ করে দিয়ে সিরিয়ার দুইটি রস্তানি-বাজার নষ্ট করা হয়েছে। ফ্রান্সের সঙ্গে বিরোধ বন্ধ করেছে আরো একটি রস্তানি বাজার। দক্ষিণ ইতালিতে উদ্ভূত গম চালান দিয়ে, বিকল্প বাজার থেকেও সিরিয়াকে বঞ্চিত করা হয়েছে। সিরিয়ার মদ্রার মূল্য শতকরা বিশ ভাগ কমে গেছে, এবং আরো কমছে। গম উৎপাদন ও রস্তানীর প্রধান শহর আলেক্সেপা একটি বিরোধী শহর। ডামাস্কাস ব্যবসায়ীরা গবর্নমেন্টের উপর আর নির্ভর করতে চাইছে না.....

“সৈন্যদলের সঙ্গে ষড়যন্ত্র করে ও ব্যবসায়ীদের মধ্যে অসন্তোষের ইন্ধন ঘটিয়ে আমেরিকা হয়তো বর্তমান গবর্নমেন্টকে উৎখাত করতে পারে; কিন্তু সিরিয়ার জাতীয় আদর্শকে বদলাতে পারবে না। কিছুদিন পূর্বের উপনির্বাচনগুলিতে সমাজবাদী বাম পার্টি জয়লাভ করে দেখিয়ে দিয়েছে যে, বর্তমান সরকার জাতীয় আকাংক্ষা মোটামুটি পরিত্যক্ত রেখেছেন। একে উৎখাত করে আমেরিকা শূন্য গণতন্ত্রবাদের সীমানায় জাতীয়তাবাদকে আটকে রাখার বর্তমান প্রচেষ্টাকে কঠিনতর করে তুলবে।”*

লেবাননে সাম্প্রদায়িক ভেদাভেদের কথা পূর্বেই উল্লেখ করা হয়েছে। স্বাধীনতার পরে বিভিন্ন প্রধান সম্প্রদায়, বিশেষ করে আরব ও খ্রীষ্টানদের মধ্যে সমঝোতা ও আপোষই লেবাননকে রাজনৈতিক সুস্থিতি দিতে পেরেছে। পল জনসন বলছেন যে, দু'হাজার বছরের ধর্ম নিয়ে কলহের অভিজ্ঞতা থেকে জন্ম-নেওয়া এই যে নরম পারস্পরিক আপোষ, তা আজ মার্কিন শক্তি ও আরব জাতীয়তাবাদের সম্মুখে বিপন্ন হয়ে উঠেছে।

লেবাননের সংবিধান পার্লামেন্টে খ্রীষ্টানদের দিয়েছে ৩৬টি আসন আর মুসলমানদের ৩০টি; অর্থাৎ ধরে নেওয়া হয়েছে যে, খ্রীষ্টানরা সংখ্যায় বেশি। পাছে এটা অপ্রমাণিত হয় সেই ভয়ে আজ পর্যন্ত লোক গণনা করা হয়নি। অর্থে, শিক্ষায়, রাজনৈতিক ক্ষমতায় খ্রীষ্টানরাই প্রধান সমাজের মতে, “নাসেরের উত্থান, গত নভেম্বরের সুয়েজ সংকট এবং লেবাননের পার্লামেন্ট দিয়ে হুট করে আইসেনহাওয়ার নীতি অনুমোদন করিয়ে নেবার ফলে গড়ে উঠেছে নতুন এক জাতীয় চেতনা, যার রূপ বিশেষ করে মুসলিম, যার দৃষ্টি পূর্বাধিকে (অর্থাৎ কাইরোর দিকে), যেমন খ্রীষ্টানদের দৃষ্টি পশ্চিমে।”

জনসন নতুন একদল খ্রীষ্টান নেতাদের পরিচয় পেয়েছেন, যারা স্রেফ আমেরিকার সাহায্য নিয়ে মুসলমান আরবদের দাবিয়ে রাখতে চায় এবং এজন্য

* ১৯৫৭ সালের শরৎকালে সিরিয়ার রাজনৈতিক সংকটের কথা পরে আরো বলা হয়েছে।

বড় রকমের কাটাকাটি মারামারির জন্যেও প্রস্তুত। ১৯৫৭ সালের নির্বাচনে সরাসরি হস্তক্ষেপ করে আমেরিকা তার মিত্র দলকে জয়ী করেছে, যেমন সে করেছিল ইতালিতে ১৯৪৮ সালে। কিন্তু বিরাট এক সাম্প্রদায়িক গৃহযুদ্ধের বীজ আজ সে বপন করেছে লেবাননে। লেবাননে বিরোধী দলের নেতা সাহেব সালাম পল জনসনকে বলেছেন, “লেবাননের কাজ হল মধ্যপ্রাচ্যে পশ্চিমের জন্য একটি জানলা খুলে রাখা। কিন্তু জানলাই! পশ্চিমের সামরিক বা রাজনৈতিক ঘাঁটি নয়।” সব দেখে শুনে পল জনসনের বিশ্বাস জন্মেছে যে, বিভিন্ন ধর্মের মধ্যে রেঘারেঘি বেড়েই চলবে, এবং তাই যদি হয়, তবে “আমেরিকা দেখতে পাবে যে, সে তার মধ্যপ্রাচ্য শাসন শূন্য করেছে এমন একটি ঘাঁটি থেকে, যার সঙ্গে তুলনায় সাইপ্রাস হচ্ছে ভার্জিনিয়া স্টেটের নরফক শহরের মতোই শান্তিপূর্ণ!”

“ভাগ্যের আঘাত সহজেই দুর্ঘটনায় নেওয়া যায়, কিন্তু চতুর্দিকের বাস্তব থেকে যে-সব ঘাত-প্রতিঘাত অহবহ উঠে আসতে থাকে, তার থেকে রক্ষা কবতে পারে কে?”—মতেকু

২২

কোন এক অজানা অতীতে ধরণী এক সময় ভয়ংকর যন্ত্রণায় মূর্ছা গিয়েছিল। আর তার জলগর্ভ থেকে জন্ম নিয়েছিল বিরাট এক মরুভূমি। মহা-আরব। প্রায় ভারতের মতোই সুবিশাল এই দেশ; তার দশ লক্ষ বর্গ মাইল আয়তনের বেশির ভাগ মরুভূমি। লোকগণনা কোনোদিন করা হয়নি, তবে চার বছর আগে প্রকাশিত একখানা পুস্তকে টুইচেল সাহেব অনুমান করেছিলেন এই বিস্তীর্ণ ভূমিতে বাস করে পঁয়তাল্লিশ লক্ষ লোক; কলকাতা ও শহবতলীর লোকসংখ্যার চেয়ে কম। অথচ মুসলমানদের অতি পবিত্র তীর্থ এই সৌদী আরব, হজরত মহম্মদের জন্ম ও মৃত্যু এখানেই।

কত রোমাণ্ডকর কাহিনীই না আরবিয়া নিয়ে রচিত হয়েছে—সেই সহস্র রজনীর কাহিনী! মনুষ্যসৃষ্টির মতোই পুরাতন এই আরবিয়া; বহুদিন তার পরিচয় ছিল ‘পরিবর্তনহীন প্রাচ্য’। আজ আর অবশ্য তা নয়। সৌদী আরব এখন পরিবর্তনক্লান্ত পৃথিবীর অবিচ্ছেদ্য অংশ। আর তার নৃপতি, সৌদ ইবন আবদুল আজিজ, শূন্য পৃথিবীর সবচেয়ে ধনী নৃপতি নন, মধ্য-প্রাচ্যের দ্রুত পরিবর্তনশীল রঙ্গমঞ্চে এক বিশিষ্ট ভূমিকায় অবতীর্ণ।

প্রথম মহাযুদ্ধের পর ইবন সৌদ তরুবারির সাহায্যে সৌদী আরবে নিজের জয়পতাকা উত্তোলন করেন। ত্রিশ বছরের মধ্যে দুর্ধর্ষ উপজাতিদের নিয়ে গড়ে তোলেন একটি ঐক্যবদ্ধ রাজ্য। এ-রাজ্য সেদিন ছিল এতই বিস্তারিত, শূন্যই মরুপ্রান্তর, যে, ইংরেজ তাঁকে মেনে নিয়ে তাঁর স্বৈচ্ছাচার-শাসনে কোনো বাধা দেয় নি।

এখন সৌদী আরবের চেহারা অন্তত বাইরে থেকে একেবারে বদলে গেছে। বড় বড় শহর—ডারহান বা রাজধানী রিয়াদ—এক একটি আমেরিকান শহরের প্রতিম্বন্ধী। আকাশ-ছোঁয়া অট্টালিকা, প্রশস্ত রাজপথ আর বহু বড়

বড় আধুনিকতম আমেরিকান মোটর গাড়ি, সুসজ্জিত বাগান ও পার্ক, সাঁতার কাটবার পুকুর, যুরোপকে হার-মানানো হোটেল—সৌদী আরবের এই হল শহুরে পরিচয়। শহর থেকে দূরে, উপজাতি অধুষিত গ্রামে জীবন এখনো চলছে সেই সাবেকী টিমে তালে; চাষী তার ছোট্ট কৃপণ জমি থেকে দূবেলার অন্ন আদায় করতেই জীবনের পর জীবন কাটিয়ে দেয়।

সৌদী আরবের আর এক নাম হওয়া উচিত “সৌদী আরামকো”। শহর-গড়িলর বা কিছু ঝলসানো সমৃদ্ধ, সৌদী আরবের সবটুকু সম্পদ আসে মরুভূমির গভর্ভে তেল থেকে, আর এই তেল নিয়ে বাণিজ্যের একচেটিয়া অধিকার যে মার্কিন সংগঠনের, তার সংক্ষিপ্ত নাম “আরামকো” (Aramco—The American Oil Company)। ১৯৩৩ সালে এই তৈলশিল্পের অতি সাধারণ শুরুর; আজ সমগ্র পৃথিবীতে অন্যতম শ্রেষ্ঠ শিল্প এবং আমেরিকার বাইরে সর্বপ্রধান মার্কিন শিল্প প্রতিষ্ঠানে পরিণত হয়েছে। ১৯৫৪ সালে সৌদী আরব থেকে আরামকো চার কোটি একষটি লক্ষ টনেরও বেশি তেল উৎপাদন করে; ১৯৩৮ সালের উৎপাদন-মাট্রা ছিল মাত্র পঁয়ষটি হাজার টন। ১৯৫৪ সালে সৌদী আরবের রাজা তেল থেকে রাজস্ব পান ছাষিষ কোটি ডলার; ১৯৩৯-এ পেতেন মাত্র এক লক্ষ ছেষটি হাজার ডলার।

আরামকোই মধ্যপ্রাচ্যে সর্বপ্রথম নেট লভ্যাংশের অধিক স্থানীয় সরকারকে রয়ালটি দিতে রাজী হয়; তার উদাহরণ অনুসরণ করে বর্তমানে ইরান, ইরাক, কুৱাট ও বেহরিনে এই আধাআধি বাটোয়ারা চালু হয়েছে।

আরবভূমির এই পবিত্র দেশ সৌদী আরবে মার্কিন যান্ত্রিক সভ্যতা একটি “ছোট্ট আমেরিকা” তৈরি করেছে; বিশ হাজার কর্মচারী আরামকোয় চাকরি করে, তার মধ্যে কয়েক হাজার আমেরিকান। সমগ্র আরবভূমিতে একটি মাত্র মার্কিন বিমান ঘাঁটি: তা হচ্ছে সৌদী আরবের ডারহান শহর। ১৯৫২ সালে যাবতীয় খরচ বাদ দিয়ে আরামকো সৌদী আরবের তেল থেকে লাভ কবে বিরাটলিখ কোটি চল্লিশ লক্ষ ডলার। এ-ছাড়া পাইপ লাইন ও অন্যান্য খাতেও লাভ হয় কয়েক কোটি ডলার। এবার সহজেই অনুমান করা যায় সৌদী আরব কেন আমেরিকার এত ঘনিষ্ঠ ও মূল্যবান বন্ধু!

কিন্তু এই যে বিরাট বিত্ত সৌদী আরব হঠাৎ পেয়ে গেছে, তাতে তার জনসাধারণের বিশেষ কিছু উন্নতি হয়নি। সমস্ত রাজস্ব জমা হয় বাজার ব্যক্তিগত অর্থ হিসাবে; তার বড়য়ের কোনো হিসাব-নিকাশ নেই। রাজশাস্ত্র রাজপরিবারের বাইরে এখনো পৌছয় নি; বড়-জোর প্রধান প্রধান উপজাতি-পতিদের মধ্যেই সীমাবদ্ধ। পার্লামেন্ট বলে কোনো বস্তু নেই। ১৯৪৯ থেকে ১৯৫৪ পর্যন্ত বাৎসরিক বাজেট মাত্র তিনবার প্রকাশিত হয়েছিল; তাব মধ্যে একবারও তেল থেকে পাওয়া বিরাট অর্থ কীভাবে ব্যয়িত হচ্ছে তাব কোনো সমাচার দেওয়া হয়নি।*

১৯৫৩ সালের ডিসেম্বরে রিয়াদ থেকে নিউ ইয়র্ক টাইমস্ কাগজের সংবাদদাতা জানিয়েছিলেন কীভাবে নতুন রাজস্বের প্রায় সবটাই রাজপরিবার ও সামন্ততনৈতাদের ভোগ-বিলাসেই খরচ হয়ে যায়। অনেকেই আশা করে-

* H. Philby, “The New Reign in Saudi Arabia”, Foreign Affairs, April, 1954.

ছিলেন যে, আবদুল আজিজ তাঁর পিতার চেয়ে উদারতর দৃষ্টি নিয়ে আর্থিক ও সামাজিক সংস্কারে মন দেবেন। কিন্তু সে-আশা ব্যর্থ হয়েছে। উক্ত সংবাদদাতা বলেছিলেন, “রাজা সৌদ পুরানো রাজকীয় ভোগ-বিলাসের পথেই চলে এসেছেন।”*

লন্ডনের বিখ্যাত আর্থিক পত্রিকা ‘ইকনমিস্ট’ ১৯৫৫ সালের জুলাই মাসে লিখেছিলেন, “সৌদী আরবে অনুমিত বাৎসরিক আয়ব্যয়ের পরিমাণ আজকাল প্রকাশিত হয়ে থাকে। কিন্তু ব্যয়ের কোনো নির্দিষ্ট পরিসংখ্যান তাতে পাওয়া যায় না। আয় বিপুল পরিমাণে বেড়ে যাওয়া সত্ত্বেও, গত কয়েক বছর যাবৎ আয়ের চেয়ে ব্যয়ই বেশি দেখানো হচ্ছে। মনে হয়, এই অত্যাধিক ব্যয়ের একটি কারণ হচ্ছে যে, রাজস্বের একটা মোটা অংশ রাজপরিবারের সুখসম্ভোগের জন্যে ব্যয়িত হয়ে থাকে, আর খরচ হয় রাজপরিবারের লোকদের বিদেশে স্থাবর সম্পত্তি কেনার জন্যে, রাজকুমারদের ও মন্ত্রীদের সুখ সন্নিধায় ও অন্যান্য অনুরূপ কারণে।”**

আসলে, আরামকো রাজা সৌদকে সাড়ে তিন বছরের রয়্যালটি অগ্রিম দিয়ে রেখেছে! বটেন ফ্রান্স ও ইজরেইল স্বেচ্ছা আক্রমণ করার পর গত নভেম্বরে সৌদ একটা মহান কাজ করে ফেলেছিলেন, যার জন্যে এখন তিনি অনন্ততঃ। আরামকোর যে-পাইপ লাইন বেহরিন পর্যন্ত তেল নিয়ে যায়, সেটা তিনি বন্ধ করে দিয়েছিলেন মিত্র মিশরকে সাহায্য করার সিদ্ধান্ত। তাতে এবং জাহাজের অভাবে আরামকোর উৎপাদন শতকরা প্রায় চল্লিশ ভাগ কমে গিয়েছে। ফলে, সৌদের রাজস্বও বিরাট ঘাটতি পড়েছে। রিয়াদের নিকট যে বিরাট অট্টালিকা তৈরী হচ্ছে তাব কাজই ঠিক ভাবে চলতে পারছে না। ফলে, পল জনসন তাঁর পূর্ব পরিচ্ছেদে উল্লিখিত প্রবন্ধে বলেছেন, সৌদ তাঁর ১৯৫৭ সালের বাগদাদ ভ্রমণের সময় ফয়জলকে চারখানা ক্যাডিলাক ও দুখানা রোলস-রয়েস মাত্র উপহার দিতে পেরেছেন। আব আমানে উপস্থিত হয়ে হুসেন বেচারাকে দিতে পেরেছেন মাত্র দুখানা সামান্য গলদ-যুক্ত ক্যাডিলাক! সতাই সৌদ বড়ই দুর্দিনে পড়েছেন!!

মধ্যপ্রাচ্যের তেল নিয়ে মার্কিন ও ব্রিটিশ স্বার্থের তীব্র সংগ্রামের কথা রাজনীতি-পরিচালক নেতারা অস্বীকার করলেও, আজ সর্বজনবিদিত। ঐতিহাসিক কারণে সৌদী আরব ইংরেজ-বিবোধী। ইরাক ও জর্ডানে যে হাশেমী বংশ রাজসিংহাসনে প্রতিষ্ঠিত, তার সঙ্গে সৌদী বংশের শত্রুতা অতি পুরাতন। আরবরা বংশানুক্রমিক শত্রুতা, সহজে বিস্মৃত হয় না। সৌদী আরবকে ভিত্তি করেই মার্কিন তেল স্বার্থ ধীরে ধীরে মধ্যপ্রাচ্যের অনন্ত ছড়িয়ে পড়েছে। লেবানন যেমন আরব ভূমিতে আমেরিকার প্রধান রাজনৈতিক ঘাটি, সৌদী আরবও তেমনি অর্থনৈতিক ও বানিজ্যিক ঘাটি। সৌদী আরবকে যেমন আমেরিকা মিত্র রাখতে উৎসুক সৌদী আরবও মার্কিন অর্থ ছাড়া একেবারে অচল। তার সমস্ত রাজস্বের আশি ভাগই আসছে মার্কিন রয়্যালটি থেকে।†

* The New York Times, December 11, 1953.

** The Economist, London, July 2, 1955.

† U. N. Summery, 1952-53, Page 64.

এ-জন্যই প্যালেস্টাইন যুদ্ধের সময় শক্তিশালী মার্কিন তেলশিল্পীরা তাঁদের গর্জনমন্ডের উপর অসাধারণ চাপ দিয়েছিলেন সৌদী আরবকে বেশি না চোতে।* আবার, সুয়েজ সঙ্কটের দিনেও বুটেনের স্বপক্ষে মার্কিন সামরিক হস্তক্ষেপের প্রধান বিরোধী ছিলেন এই সব শিল্পপতিরাই। আবার, মধ্যপ্রাচ্য থেকে বৃটিশ প্রভাব তিরোহিত হয়ে মার্কিন প্রভাব প্রতিষ্ঠিত হবার সঙ্গে সঙ্গেই সৌদী আরবের রাজার সঙ্গে আমেরিকার নতুন এক আঁতাত পরিলক্ষিত হচ্ছে।

সৌদী আরব ১৯৫৭ সালের মাঝামাঝি মোটামুটি আইসেনহাওয়ার নীতি মেনে নিয়ে মধ্যপ্রাচ্যের আরব ভূমিতে রাজা বনাম প্রজার একটা সাংঘাতিক শ্রেণীবিভাগের সর্বনাশা আয়োজনে হাত লাগিয়েছিল। মিশরের সঙ্গে যে সম্ভাবনাপূর্ণ মৈত্রী ও সহযোগিতা বাগদাদ চুক্তি স্বাক্ষরিত হবার পর দেড় বছর ধরে গড়ে উঠেছিল, আজ তা বিপন্ন। মদুখোশটাকে উভয় পক্ষ থেকেই বাঁচাবার চেষ্টা চলছে; কিন্তু প্রাণ যে নেই তা দুই দেশেরই জানা। সৌদ মিশরী শিক্ষক, টেকনিশিয়ান ও রাজকর্মচারীদের তাড়াতে শুরু করেছেন। মিশরের বেতার সৌদকে প্রায়ই আক্রমণ করছে।

২৬

“রোমান সাম্রাজ্য কেন ভেঙে গিয়েছিল না জিজ্ঞেস করে আমাদের অবাক হওয়া উচিত এই ভেবে যে সে এত দীর্ঘ দিন টিকে থেকেছিল”—গিবন

পুরাকালের রোমের সঙ্গে বিংশ শতাব্দীর জর্ডানের কোনো তুলনাই হয় না। তবু এই ক্ষুদ্র দেশটির ইতিহাস ও তার জন্মপটিকা বিচার করলে অবাক হয়ে ভাবতে হয় কী করে সে এতগুলি বছর দাঁড়িয়ে আছে।

বস্তুত পক্ষে, কোনো বহুস্তর শক্তির সাহায্য ছাড়া জর্ডানের অস্তিত্ব বিপন্ন হতে বাধ্য। যে ইংরেজ প্রভু তাকে জন্ম থেকে ধারণ করেছিল, সে-প্রভাপ আজ অস্তমিত। সমবেত আরব সাহায্য ও সমর্থনের উপর দাঁড়াতে গিয়ে জর্ডানের রাজা দেখতে পেলেন সিংহাসন টলায়মান। সুতরাং বর্তমানে তিনি মার্কিন ছত্রছায়ায় আশ্রয় নিয়ে অস্তিত্ব রক্ষা করেছেন। কিন্তু এ-অস্তিত্বের সঙ্গে তাঁর দেশবাসীর আত্মার যোগাযোগ নেই।

১৯২১ সালের মার্চ মাসে একদিন রাতে বুটেনের উপনিবেশ মন্ট্রী উইনস্টন চার্চিল জেরুসালেমে ডিনার খাচ্ছিলেন একজন আর্মিস্তৃত অতিথির সঙ্গে, তার নাম আমির আবদুল্লা, ছেজাজের শেরিফ হুসেনের দ্বিতীয় পুত্র। চার্চিলের সঙ্গে আরব ব্যাপারে তাঁর প্রধান পরামর্শদাতা, টি ই লরেন্স। লরেন্সের নেতৃত্বে প্রথম মহাযুদ্ধের সময় যে মিত্রশক্তি-সহায়ক আরব গেরিলা বাহিনী গড়ে ওঠে, তার দুই প্রধান স্তম্ভ ছিলেন হুসেন-পুত্র ফয়জল ও আবদুল্লা। হুসেনকে তাড়িয়ে স্রেফ তরবারির জোরে ইবন্ সৌদ, সৌদ আরব অধিকার করে বসেছেন। হতাশায় তিক্তচিত্ত হুসেন মরে শান্তি

* The New York Times, International Edition, April 28.

পেরেছেন। ফয়জুলকে ইংরেজ দিয়েছে ইরাকের রাজত্ব। একমাত্র আবদুল্লাই বেকার! সেই নৈশ ভোজনের পর দীর্ঘ আলোচনায় চার্চিল ঠিক করলেন ট্রান্সজর্ডন নামে একটি ছোট্ট দেশ সৃষ্টি করে তার “হামির” বানানো হবে আবদুল্লাকে; এখানে থাকবে বৃটেনের সামরিক বাহিনী, বেদুইন উপজাতিদের নিয়ে তৈরী একদল সাহসী সৈনিক গঠিত হবে একজন ইংরাজ সেনাপতির অধীনে, বৃটেন আর্থিক সাহায্য দিয়ে বাজকোষের ঘাটতি দূর করবে; বিনিময়ে আবদুল্লা ইংরাজের বিশ্বস্ত ও বশব্দদ মিত্র হয়ে পরম সুখে রাজত্ব করবেন।

আবদুল্লা তাঁর নতুন রাজত্ব আগন্তুক। তখন ট্রান্সজর্ডনের অধিবাসীদের মধ্যে বেশির ভাগ বেদুইন উপজাতি। তাদের যাবাবর জীবনকে পুনর্গঠন করে আবদুল্লা তাঁর নতুন দেশ তৈরি করলেন। এক সীমান্ত প্রতিরক্ষা করে সত্যাগত ফয়জলের রাজ্য ইরাক। উভয়েই সৌদী আরবের ঘোর বিদ্বেষী। আবদুল্লাব আর এক চোখের বালি মিশর; মিশর থেকে সময়ে তিনি তাঁর উপবাজাকে দূরে রাখলেন। একটি সুশিক্ষিত বেদুইন সেনাবাহিনী তৈরী হল জেনাবেল গ্লাবেব নেতৃত্বে; ইনি গ্লাব পাশা নামে পরিচিত। সৈন্যবাহিনীর নাম হল আরব লিজন, যার একটি অহংকার দোষের দুষ্ট কাহিনী গ্লাব সাহেব সম্প্রতি লিখেছেন। গ্লাব তাঁর একটি আত্মকথাও রচিত করেছেন, যাতে জর্ডন ইতিহাস অনেকখানি বর্ণিত হয়েছে।

আবদুল্লার রাজত্বের প্রধানতম ভিত্তি ছিল ইংরেজের মৈত্রী ও সাহায্য। আবদুল্লার ‘আত্মচরিত’ যখন প্রথম ইংরেজী অনুবাদে প্রকাশিত হয়, তা নিয়ে মহা আলোড়নের সৃষ্টি হয়েছিল সমগ্র আরব ভূমিতে। প্রকাশকরা সমস্ত কপি বাজার থেকে তুলে নিতে বাধ্য হন। বর্তমানে ফিলিপ গ্রেভস্ সম্পাদিত যে ‘আত্মকথা’ বাজারে চাল, তাতে আবদুল্লার ইংরেজ প্রীতি ও মিশর ও সৌদী আরব বিদ্বেষের প্রকৃষ্ট প্রমাণ পাওয়া যায়।

প্যালেস্টাইন যুদ্ধের সময় আবদুল্লা তাঁর ‘আরব লিজন’ নিয়ে ইজরাইল অক্রমণ করে জর্ডন নদীর পূর্বতীরবর্তী একটি বড় অঞ্চল দখল করেন। পরে ইংরেজ সমর্থনে এ-অঞ্চল তাঁর উপবাজার অংশ হয়ে ওঠে। ১৯৪৮-এ যখন জর্ডন বাস্তু গঠিত হয়, তামিয আবদুল্লা হন বাজা আবদুল্লা। ঐ-বছরই আততায়ীরা গুলিতে আবদুল্লাব মৃত্যু হয়।

তিনটি কারণে আবদুল্লা অন্যান্য আরব দেশগুলির বিশেষ অপ্রীতিভাজন হয়ে পড়েছিলেন। প্রথম, তাঁর নিঃসংকোচ ইংরেজ ভাবাদারী; দ্বিতীয়, প্যালেস্টাইন যুদ্ধ থেকে বেশ বড় কিছ, জমি পেয়েই তিনি সরে পড়েন; তৃতীয়ত, তাঁর অতি প্রিয় উদ্দেশ্য ছিল ইরাক, সিরিয়া ও জর্ডনকে একত্রিত করে একটি বিশাল হাশেমী বংশ-শাসিত আরব রাজ্য গঠন করা, যা সৌদী আরব ও মিশরের প্রতিদ্বন্দ্বী হতে পারবে।

আবদুল্লা বঝতে পারেন নি যে, প্যালেস্টাইন যুদ্ধে তিনি যা লাভ করেছিলেন, তাই তাঁর কাল হবে। জর্ডন আর কোনোমতেই ট্রান্সজর্ডন রইল না। যে পরম অনাগত ও বিশ্বস্ত বেদুইন উপজাতি আবদুল্লাকে পিতার মতো মানত, তারা হয়ে গেল সংখ্যাগ নতুন রাষ্ট্রের মাত্র তিন ভাগের এক ভাগ। বাকী দুই ভাগ প্যালেস্টাইনের আরব, জর্ডন নদীর পূর্বতীরে যাদের বাস,

তারা আবদুল্লাহকে ঘৃণা করত, তারা উগ্র জাতীয়তাবাদী, মিশরের প্রতি তাদের পূর্ণ সহানুভূতি তার সাম্রাজ্যবাদ-বিরোধিতার জন্য। ১৯৪৮ সালে আবদুল্লাহ ইংরেজের সঙ্গে যে নতুন চুক্তি করলেন, জর্ডনের লোকেরা তা গ্রহণ করতে রাজী হ'ল না। মারা পড়বার আগেই আবদুল্লাহ দেখে গেলেন, যে-ভিত্তির উপর তিনি তাঁর রাজ্যের প্রতিষ্ঠা করেছিলেন, তা একেবারেই ভেঙে গেছে।

আবদুল্লাহর মৃত্যুর পর এই ভাঙন আরো দ্রুত হয়ে উঠল। রাজা হলেন যুবরাজ তালাল; জাতীয়তাবাদী পথে পা বাড়িয়ে মিশর ও সৌদী আরবের সঙ্গে মৈত্রী প্রতিষ্ঠা করবার প্রথম প্রয়াসেই তালাল টের পেলেন, জর্ডন-নৃপতির স্বাধীনতার দৌড় কতখানি। জ্যাঠাতো ভাই গাহজীর মতো বাগদাদে মাঝবাত্তে তাঁর গাড়ি-দুর্ঘটনায় প্রাণ গেল না। শব্দ তাকে বৃষ্টিয়ে দেওয়া হল, তিনি 'পাগল'। রাজত্ব করবার সম্পূর্ণ অযোগ্য। অতি যত্নে সুইজারল্যান্ডে একটি মানসিক চিকিৎসালয়ে তিনি বন্দী হলেন। রাজ-সিংহাসনে বসানো হল বালক হুসেনকে। (তালাল বর্তমানে তুর্কীতে। ১৯৫৭ সালের আগস্টের শেষভাগে ভ্রাতা হুসেনের সঙ্গে তুর্কীতে তাঁর সাক্ষাৎ হয়েছিল। রাজ্যচ্যুতির পর তাঁর মস্তিষ্কবিকৃতির কথা বিশেষ শোনা যায় নি।)

মিশরে ১৯৫২ সালের বিপ্লব কঠিনভাবে নাড়া দিল জর্ডনের ভিত্তি। সংখ্যাগরিষ্ঠ আরবরা দাবী করল অধিকতর বাজনৈতিক অধিকার, ইংবেজ তাঁবেদারীর সমাপ্তি; মিশরের সঙ্গে মিতালি। নতুন রাজা হুসেন পড়লেন দুই টানে—একদিকে জনমতের চাপ, অন্য দিকে ইংরেজের চাপ।

তিনি দৃ-দিক বাঁচিয়ে চলবার চেষ্টা করলেন বহুব তিনেক। বৃটেন জর্ডনকে চাপ দিতে লাগল বাগদাদ চুক্তিতে যোগ দিতে। পার্লামেন্টে জর্ডন নদীর পূর্ব ও পশ্চিম পারের লোকদেব জন্য সমান আসন নির্দিষ্ট; কিন্তু ১৯৫২ সালের পর থেকে পূর্ব পারের আরবরাই অধিকতর প্রভাবশালী হয়ে উঠল। বিদ্যা, বুদ্ধি এবং কর্মদক্ষতার জোরে তারা সরকারী অ্যাপসে স্কুল কলেজে ও সৈন্যকিভাবে অধিক সংখ্যায় ঢুকে পড়তে লাগল। হুসেনও জনমতের চেহারা দেখে মিশর-সৌদী, আরব-সিরিয়া গোষ্ঠীর সঙ্গে মিত্রতার আয়োজন শুরুর করলেন।

এমনি করে ১৯৫৫ সাল যখন উত্তীর্ণ তখন ইংরেজ একটা প্রকাশ্য ভুল চালে জর্ডনের এই নতুন সঙ্কটকে অনেকখানি বাড়িয়ে তুলল। সবেমাত্র বাগদাদে বাগদাদ চুক্তি কার্ডিন্সলের বৈঠক শেষ হয়েছে। মিশর-সৌদী—আরব-সিরিয়া-জর্ডনের সামরিক এক জোট ইংবেজ, ইরাক ও তুর্কীর প্রাণে সৃষ্টি করেছে আতঙ্ক!

বৈঠকে ঠিক হল জর্ডনকে যখন অসামরিক চাপে বাগে আনা গেল না, তখন সামরিক ও অর্থনৈতিক চাপ প্রয়োগ করতে হবে।

বাগদাদ থেকে আমানে উপস্থিত হলেন বৃটিশ সেনাপতি জেনারেল টেম্পলার। হুসেনের সঙ্গে কথাবার্তায় তিনি পরিষ্কার বৃষ্টিয়ে দিলেন, জর্ডন যদি বাগদাদ চুক্তিতে যোগদান না করে তবে বৃটেন শব্দ আর্থিক সাহায্যই ভুলে নেবে না, 'আরব লিজন' ও জর্ডনে অবস্থিত বৃটিশ সামরিক বাহিনীর উপযুক্ত ব্যবহার করতেও সে তৈরী। রেগেমেগে টেম্পলার সাহেব

জর্ডনের রাজা বৃষক হুসেনের মদুখোমুখি দাঁড়িয়ে সজোরে টোঁবল চাপড়াতে চাপড়াতে বললেন, “আমি আপনাকে সাবধান করে দিচ্ছি।”

এই টোঁবল চাপড়ানো নীরতিটাই হল চালের ভুল। টেম্পলার ভুলে গেলেন তিনি এলেনবী নয়, এটা চার্চিলের বৃগ নয়, জর্ডন নয় সেই পুরাতন উপরাজ্য, বৃটেন নয় সেই একদা-প্রতাপশালী শ্রেষ্ঠ সাম্রাজ্যশক্তি! এর উপর ঘটল আর এক অপকাণ্ড। মাস তিনেক পরে বিলাতের একখানা ম্যাগাজিন—‘ইলাস্ট্রেটেড’—খুলে হুসেন দেখতে পেলেন জর্ডন বিষয়ে একটি নিবন্ধ। তাতে গ্লাব পাশাকে বর্ণনা করা হয়েছে জর্ডনের মকুটহীন রাজা বলে। কাটা ঘায়ে নূনের অত্যাচার! বিশ বছরের হুসেন হঠাৎ ক্ষেপে গেলেন। রাতারাতি মন্ত্রিসভার পতন ঘটল। হুসেন গ্লাব পাশাকে ডাকিয়ে বললেন, “তুমি এখনই বরখাস্ত হলে। চব্বিশ ঘণ্টার মধ্যে তোমাকে দেশে ফিরে যেতে হবে।”

গ্লাব পাশা দেশে চলে গেলেন, লন্ডনে ও ওয়াশিংটনে কিছু বাকবিতণ্ডা হল, কাইরো ও ডামাস্কাসে উল্লাস: কিন্তু জর্ডনে স্থিতিশীলতার ঘটল দারুণ অভাব। কয়েক মাসের মধ্যেই পব পব পাঁচবার মন্ত্রিসভার বদল এই অস্থিরতার শ্রেষ্ঠ প্রমাণ। হুসেন মিশর, সৌদী আরব ও সিরিয়ার সঙ্গে মিতালি করে যৌথ সামরিক কমান্ডে যোগদান করলেন, মেনে নিলেন মিশরের সামরিক নেতৃত্ব। আবদুল্লাহর আমল থেকে বৃটেন জর্ডনকে প্রতি বৎসর আরব লিজনের জন্যই এক কোটি পাউন্ড আর্থিক সাহায্য করে আসছিল। ১৯০৭ সালে অন্যান্য খাতে বৃটিশ সাহায্যের পরিমাণ ছিল ১০ লক্ষ পাউন্ড; ১৯৫২ সালে বাড়তে বাড়তে দাঁড়ায় পঁয়ষট্টি লক্ষ পাউন্ডে। তা ছাড়াও বৃটেন জর্ডনকে ১৯৪৯ ও ১৯৫১ সালে পঁয়ষট্টি লক্ষ পাউন্ড ধার দিয়েছিল অর্থনৈতিক উন্নয়নের জন্যে, আবার ১৯৫০ সালে পাঁচশালা পরিকল্পনার আর্থিক সাহায্য কবতে প্রতিশ্রুত হয়ে বৃটেন আরো সাড়ে বারো লক্ষ পাউন্ড অর্থ দিয়েছিল।

জর্ডন এতই দরিদ্র যে, বাইরের সাহায্য ছাড়া তার সংসার অচল। বাগদাদ চুক্তিতে জর্ডনকে টানতে না পেরে ১৯৫৬ সালে বৃটেন অর্থ সাহায্য বন্ধ করে দেয়। তখন কাইরোতে মিলিত হয়ে নাসের, সৌদ এবং কাইরোতে ঠিক করেন যে, জর্ডনের বহিঃসাহায্যের প্রয়োজন মেটাতে মিশর, সৌদী আরব এবং সিরিয়া।

হুসেন বৃষতে পেরেছিলেন যে, জনমতের চাপে ঘে-বাবুশ্বাকে তিনি মেনে নিয়েছেন সেই গোকুলেই বেড়ে উঠছে হাশেমী রাজত্ব ধ্বংসের শক্তি। মিশর ও সিরিয়ার প্রভাব মানার একমাত্র পরিণাম আজ বা কাল জর্ডনে প্রজাতন্ত্রের প্রতিষ্ঠা! প্যালেস্টাইন আরব, যারা জর্ডনের জনসংখ্যার তিনভাগের দুই ভাগ, আসলে কামনা করে প্রজাতান্ত্রিক জর্ডনের সঙ্গে মিশর ও সিরিয়ার ফেডারেশন। তাই, ১৯৫৬ সালের প্রথম থেকেই হুসেন আমেরিকার সঙ্গে গোপন আলোচনা চালাচ্ছিলেন জর্ডনকে মার্কিনী আওতায় আনার জন্যে।

নভেম্বরের সূর্যোজ্জ্বল সংকট একদিকে জর্ডনে যেমন তীব্র পশ্চিমবিরোধী মনোভাবের সৃষ্টি করে এবং নাসেরের প্রভাব ও প্রতিপত্তি অনেক বাড়িয়ে তোলে, তেমনি হুসেনকে করে দেয় তাঁর ভবিষ্যৎ সম্পর্কে আতঙ্কিত। ১৯৫৭

সাল জন্মগ্রহণ করল আইসেনহাওয়ার ডকট্রিন মাথায় নিয়ে। মার্চ মাসে মিশর থেকে সমস্ত আক্রমণকারী বিদেশী সৈন্যের অপসারণের পর স্বেচ্ছাখালের উপর বিজয়ী মিশরের পূর্ণ দখল প্রতিষ্ঠা হল।

আর এপ্রিলেই হুসেন জর্ডনকে মার্কিন ছত্রছায়ায় নিয়ে এলেন।

তখনকার প্রধানমন্ত্রী ছিলেন জাতীয় সমাজতন্ত্রী দলের নেতা, নাবুদিস। এপ্রিলে তিনি সোবিয়ত রাশিয়ার সঙ্গে কূটনৈতিক সম্পর্ক স্থাপনের সিদ্ধান্ত গ্রহণ করার সঙ্গে সঙ্গেই হুসেন তাঁর পদত্যাগ পত্র দাবী কবে বসলেন। নাবুদিসকে বরখাস্ত করার প্রতিবাদে জর্ডনের সর্বত্র গণবিক্ষোভ মাথা নাড়া দিল। কাইরো ও ডামাস্কাস বেতারে হুসেনের উপর তীব্র আক্রমণ শুরু হল।

প্রায় বছরখানেক ধরে, ১৯৫৬ সালের বসন্তকালে, ইজরেইল-মিশরের এক তীব্র সামরিক সংঘর্ষের পর থেকেই জর্ডনে ইজবেইল আক্রমণের সম্ভাবনায কিছু সিরীয়, সৌদী ও ইরাকী সৈন্য জর্ডন সীমান্তে মোতায়েন ছিল। হুসেন গণআন্দোলন দমন করতে এ-সব সৈন্যের সাহায্য চাইলেন। দেখতে পেলে সিরীয় সৈন্যরা বিক্ষোভের প্রতি পূর্ণ সহানুভূতিশীল ও সাহায্যে অনিচ্ছুক। একমাত্র সৌদী সৈন্যরাই আন্দোলন দমনে এগিয়ে এল। আবে আতীশ্কেত হলেন হুসেন এই দেখে যে, নবপর্যায়ের ‘আরব লিজন’ আর আগের মতো নির্ভরযোগ্য নয়, রাজানুগত্যের স্থানে জন্ম নিয়েছে জাতীয়তাবাদের প্রতি দৃঢ় শ্রদ্ধা। দেখতে পেলেন আবদুল্লা-গ্লাব পাশার অতি স্বল্পে গড়ে তোলা এই আরব লিজনের নতুন প্রধান সেনাপতি নিজেই নাসের-পক্ষী।

আমানের বাইরে ছোট্ট এয়ারপোর্টে হুসেনের জন্যে একখানি ডাম্পায়ার জেট ফাইটার সর্বদাই প্রস্তুত থাকত, প্রয়োজন হলে যে-কোনো মুহূর্তে পালিয়ে প্রাণ বাঁচাবার জন্যে। বিশ বছরের যুবক হুসেন এবার বৃদ্ধত পেরলেন যে সময় দ্রুত তাঁর পায়ের তল থেকে বাস্তবকে তাড়িয়ে বিপক্ষ-ক্যাম্পে হাজির করছে। বহুদিনের গোপন আলাপে মার্কিন সবকার সাহায্য দিতে প্রস্তুত তা তিনি ভালোই জানতেন। এবার তিনি চেয়ে বসলেন এই প্রতিশ্রুত সাহায্য।

এপ্রিলের শেষের দিকে এক সন্ধ্যায় বিদেশী সাংবাদিকদের নিজের আপিসে ডেকে তিনি বললেন, “আমরা এখন বৃদ্ধত পেরছি যে জর্ডনের বিরুদ্ধে এই যে প্রচার-অভিযান এবং জর্ডনের অভ্যন্তরে আজকার এই সংকট, এগুলো সবই আন্তর্জাতিক সাম্যবাদ ও তার অনুচরদের কীতি।”

ওয়ারিংটনে বসে পররাষ্ট্রসচিব ডালেস হুসেনের প্রচ্ছন্ন ইঙ্গিত পেয়েই টেলিফোনযোগে আগস্টা গল্ফ কোর্সে নিজের কুঠীতে বিশ্রামরত রাষ্ট্রপতি আইসেনহাওয়ারের সঙ্গে জরুরী আলাপ-আলোচনায় প্রবৃত্ত হলেন। কয়েক ঘণ্টার মধ্যেই দুনিয়াতে সর্বত্র ডালেসের ঘোষণা তার-বেতার যোগে ছড়িয়ে পড়ল : “প্রেসিডেন্ট ও পররাষ্ট্রসচিব উভয়েই জর্ডনের নিরাপত্তা বিশেষ মূল্যবান মনে করেন।” চব্বিশ ঘণ্টার মধ্যে ভূমধ্যসাগররক্ষী বিরাট মার্কিন নৌ-বহর, যা সিক্সথ ফ্লিট (Sixth Fleet) নামে পরিচিত, ফরাসী রিভিয়েরা ত্যাগ করে জর্ডন অভিমুখে রওনা দিল। এবং মার্কিন রাজধানীতে সরকারী মঞ্চপাঠরা পরিষ্কার ভাষায় জানিয়ে দিলেন যে, এই রাজনৈতিক ও সামরিক

উভয় ব্যবস্থাই নেওয়া হয়েছে আইসেনহাওয়ার ডকট্রিন অনুসারে। আর্থিক ব্যবস্থাও অচিরে নেওয়া হল। আমেরিকা জর্ডনকে অবিলম্বে এক কোটি ডলার অর্থ সাহায্য দিয়ে তার প্রতিরক্ষা ব্যবস্থা চাঙ্গা করে তুলল। এবং আশ্বাস দিল আরো সাড়ে তিন কোটি ডলারের।

মে থেকে জুলাইর মধ্যে জর্ডন পুরোপুরি চলে এল পশ্চিম শিবিরে। হুসেন ইষ্ঠাৎ “আবিষ্কার” করলেন এক বিরাট গণতান্ত্রিক ষড়যন্ত্র; ব্যাপক ধরপাকড় ও অত্যাচারে জর্ডনের রাজনৈতিক জীবন বিপর্যস্ত হয়ে উঠল; প্রধান সেনাপতি আব্দু নাওয়ার পালিয়ে গেলেন সিরিয়ায়; সমাজবাদী ও প্রগতিপন্থী নেতারা সবাই হলেন কারাবন্দী; মিশর ও সিরিয়ার সঙ্গে শত্রুত্ব হল তীব্র বিরোধ এবং ইরাক ও সৌদী আরবের সঙ্গে নতুন এক মিতালি, মার্কিন জোটের আওতায়।

এর মধ্যে নতুন একটা গুরুত্বপূর্ণ খবর অনেক গোপনতা সত্ত্বেও আত্ম-প্রকাশ করে ফেলল। জর্ডনের এক-তৃতীয়াংশ জুড়ে তেল সংগ্রহের সনদ পেয়েছেন মার্কিন কোটিপতি ই পলি (E. Polly), কোনো কোনো অঞ্চলে ইতিমধ্যেই তেলের সন্ধান পাওয়া গেছে; এবং এই তেলশিল্প যাতে জাতীয়-কবণ থেকে দীর্ঘদিন রক্ষা পায় তার জন্যে সেজাসূজি প্রতিশ্রুতি দিয়েছেন, জর্ডন নয়—মার্কিন সরকার!

কোনো তেলশিল্পকে এই ধরনের সরকারী গ্যারান্টি দেওয়া আমেরিকার ইতিহাসে এই প্রথম।

আইসেনহাওয়ার ডকট্রিন প্রথম সেনা ডিম প্রসব করল জর্ডনে।

“আমেরিকা কিছুকাল ধরে চেষ্টা করে আসছে ইবান, সৌদী আরব ও জর্ডনের রাজাদের একটি সংযুক্ত গোষ্ঠীতে একত্রিত করতে”

—নিউ ইয়র্ক টাইমস

‘সমাজবাদীরা চায় আবব জাতি বসে থাকুক একটি আন্দোলনের মাধ্যমে’

—অল্ সাব, কইরো

১৪

যুদ্ধ কোনো সমস্যারই সমাধান করে না। আবার সমস্যার সৃষ্টি করে। বর্তমান সমস্যাকে জটিলতর করে। মানুষকে আলাদা করে। বিভেদ বাড়ায়। বিশ্ববিশেষে মানুষের মন ও পৃথিবীর বাতাস কলুষিত করে।

গরম-যুদ্ধের ন্যায় ঠান্ডা-যুদ্ধের ধর্মও এমনি নৈতিবাচক। বরঞ্চ সোজা-সুজি হত্যাযজ্ঞের অনুষ্ঠান না করে, ঠান্ডা-যুদ্ধ চেষ্টা করে মানুষের মনকে কেবলই পৃথক করতে, একত্রিত হতে না দিতে।

পৃথিবী যতই ডয়ানকভাবে দুই পরস্পর-বিরোধী শিবিরে বিভক্ত হচ্ছে ততোই দুই শিবিরের মাঝখানকার দেশগুলির চিন্তা, কর্ম ও বিচারের স্বাধীনতা হয়ে উঠছে বিপন্ন। হত্যাকে সভ্যতাসম্মত পথে বিজ্ঞান যতই আগ্রাসী করে তুলছে, আমাদের পূর্বপুরুষরা যে উদাত্ত সাহসী ব্যক্তি-স্বাতন্ত্র্যের মূণ্ডকর বিন্যাস দেখতে পেয়েছিলেন উনিবিংশ শতক থেকে বিংশ

শতাব্দীর তৃতীয় দশক পর্যন্ত, ততই দ্রুত তার বিলম্ব আমরা লক্ষ্য করছি আমাদের এই হাইড্রোজেন ও কোবাল্ট বোমার যুগে।

শীতল-যুদ্ধ নেমে এসেছিল আরবভূমিতে দশবছর আগে। ১৯৪৭ সালের ২৩শে মার্চ। সেদিন মার্কিন রাষ্ট্রপতি হ্যারী ট্রুম্যান আমেরিকার কংগ্রেসের সম্মুখে দাঁড়িয়ে একটা নতুন নীতি ঘোষণা করেন, যার প্রচলিত নাম ট্রুম্যান ডকট্রিন।

নিকট ও মধ্যপ্রাচ্যকে যুরোপীয় শাসকগণ চিরদিনই পূর্ব ভূমধ্যসাগরের ভৌগোলিক প্রসার হিসাবে দেখে এসেছেন। কয়েক শতাব্দী এখানকার যুরোপীয় স্বার্থ রক্ষা করেছে ইংরেজ তার বিরাট সাম্রাজ্যশক্তি দিয়ে। দ্বিতীয় মহাযুদ্ধের সময়ও ইংরেজই মধ্যপ্রাচ্যের রণনীতি ও যুদ্ধের পরিচালনা করেছে; মার্কিন সরকার যথেষ্ট সাহায্য কবেছেন, কিন্তু কতৃষ্ণ দাবী করেন নি, আর করলেও চার্চিল রাজী হতেন না। কিন্তু বিজয়ী বৃটেন এতই শ্রান্ত, ক্লান্ত নিস্তেজ ও নিঃস্ব হয়ে পড়ল যে যুদ্ধের পরেই গ্রীসে যখন সাম্যবাদীরা সশস্ত্র সংগ্রামে অবতীর্ণ হল রাজকীয় ক্ষমতা অধিকারের জন্য, চার্চিল সাহেবকে হাত পাততে হল আমেরিকার কাছে সাহায্যের জন্য। তিনি স্পষ্ট আমেরিকাকে জানিয়ে দিলেন যে মার্কিন সামরিক ও আর্থিক সাহায্য না পেলে বৃটেন গ্রীসকে সাম্যবাদের হাতে ছেড়ে দিতে বাধ্য হবে।

বৃটেনের সাহায্যে এগিয়ে এসে আমেরিকা বৃদ্ধিতে পারল এক অতি জটিল সমস্যাসংকুল ক্ষেত্রে তাকে পা ফেলতে হয়েছে। তেল, সামরিক গুৰুত্ব এবং সাম্রাজ্যবাদী প্রসার আমেরিকাকে টানতে লাগল মধ্যপ্রাচ্যের বহিঃশক্তি-শূন্য বিস্তীর্ণ ভূমিতে। এ-আকর্ষণ আমেরিক জয় করতে পারল না আকর্ষণই আমেরিকাকে জয় করল।

আমেরিকার আগমনে আরবদের আপত্তি ছিল না, যদি না সে আসত যুরোপীয় সাম্রাজ্যবাদের পুরাতন পথে। আসলে, যে-পথে ইংরেজ বিনয় নিল সে-পথেই হল আমেরিকার অনির্মনিত আবির্ভাব।

প্রথম কয়েক বছর আমেরিকা এল দ্বিধাভরে, ইংরেজের সমর্থক গোণ শক্তি হিসাবে। ট্রুম্যান তাঁর ডকট্রিনে গ্রীস ও তুর্কীকে রুশ প্রভাব থেকে মুক্ত রাখবার প্রতিশ্রুতি দিয়ে মধ্যপ্রাচ্য প্রাঙ্গণে মঙ্গলযোদ্ধার বেশে অবতীর্ণ হলেন। কিন্তু মার্কিন-মানসে বহুদিনকার পুরোনো একটা সাম্রাজ্যবাদ-বিরোধিতা প্রচ্ছন্ন হয়ে আছে। ট্রুম্যানও তাঁর ভাষণে স্বীকার করলেন, “পৃথিবী গতিহীন নয়; বর্তমান ব্যবস্থাই যে পবিত্র তাও নয়; কিন্তু সাম্যবাদী প্রসার সবচেয়ে মারাত্মক!” গ্রীস যদি এক সশস্ত্র সংখ্যালঘু জনতার কবলিত হয়, ট্রুম্যান বললেন, “তুর্কীর উপর তার প্রভাব হবে ভয়াবহ। অরাজকতা ও বিতুলতা ছাড়িয়ে পড়বে সারা মধ্যপ্রাচ্যে। গ্রীস যদি কমুনিষ্ট হয়, তবে যুরোপের যে-সব দেশ তাদের গণতান্ত্রিক স্বাধীনতা যুদ্ধের ধ্বংসস্থাপ থেকে বাঁচিয়ে তুলবার প্রাণপণ চেষ্টা করছে, তাদের উপরও তার প্রভাব হবে মারাত্মক।”

অর্থাৎ, ১৯৪৭ সালের মার্চ মাসে, ফুলটন নগরীর বিশ্ববিদ্যালয়ে চার্চিল সাহেব সগোরবে বিশ্বব্যাপী শীতল-যুদ্ধ ঘোষণা করবার প্রায় ঠিক এক বছর পর, আমেরিকা যখন মধ্যপ্রাচ্যে অবতীর্ণ হল, আরব জাতির স্বাধীনতা,

প্রগতি ও কল্যাণের ডাকে সে এল না, এল য়ুরোপেরই প্রয়োজনে, পশ্চিম য়ুরোপকে সাম্যবাদ থেকে বাঁচাতে।

এর পরের বছরগুলিতে দেখতে পাই দ্রুত মার্কিন-অগ্রসর সমগ্র মধ্যপ্রাচ্যে। তার কয়েকটা বড় বড় তারিখ :

১৯৪৭ সালের ৬ই অক্টোবর : ইরানের সঙ্গে চুক্তি করে সামরিক মিশন প্রেরণ। ঐ মাসেরই ২২শে তারিখে ইরান রাশিয়ার সঙ্গে তেল সম্পর্কিত একটা খসড়া চুক্তি প্রত্যাহার করে।

১৯৪৭ সালের নভেম্বর থেকে প্যালেস্টাইন সমস্যা রাষ্ট্রপুঞ্জে যাওয়ার সঙ্গে সঙ্গে মধ্যপ্রাচ্যের প্রধানতম সমস্যায় মার্কিন নেতৃত্বের শব্দ। মার্কিন সমর্থনেই প্যালেস্টাইন বিভাগ ও বর্তমান ইজরেইল সমস্যার সৃষ্টি।

২৫শে মে, ১৯৫০ : ইজরেইল ও আরব দেশগুলির মধ্যে নতুন কোনো সামরিক সংঘর্ষ হলে তাকে জোর করে থামান হবে, এই মর্মে এক ঘোষণায় বৃটেন ও ফ্রান্সের সঙ্গে আমেরিকার যোগদান। গত বছরের নভেম্বরে বৃটেন, ফ্রান্স ও ইজরেইল যখন মিশরকে আক্রমণ করে, তখন কিন্তু মার্কিন সরকার এই 'ত্রিশক্তি ঘোষণা'র দায়িত্ব পালন করতে অস্বীকার করেন।

৩০শে ডিসেম্বর : সৌদী আরবের রাজা ও আরামকোর মধ্যে তেল ব্যবসায়ের লভ্যাংশ সমান সমান বণ্টনের নতুন চুক্তি এবং সঙ্গে সঙ্গে সৌদী আরবের তেলের উপর নতুন অধিকার।

১৪ই জুন, ১৯৫১ : সৌদী আরবে ডারহান শহরে বিমান ঘাঁটি চালু রাখবার অধিকার নিয়ে নতুন চুক্তি।

১৩ই অক্টোবর, ১৯৫১ : মধ্যপ্রাচ্যে নতুন সামরিক সংস্থা গঠন প্রয়াসে বৃটেন ও ফ্রান্সের সঙ্গে আমেরিকার যোগদান। এই নতুন মধ্য-প্রাচ্য কম্যান্ড প্রস্তাবই বর্তমান আরবভূমিতে সবচেয়ে বেশি বিভেদ ডেকে এনেছে; এর থেকেই বাগদাদ চুক্তির জন্ম। এই সামরিক প্রচেষ্টাই য়ুসুফের যুগে সর্ব প্রথম রূশ সরকারকে আরব রাজনীতিতে টেনে এনেছে।

জুলাই, ১৯৫২ : মিশরে ফারুক-নির্বাসন ও বিপ্লবী সরকার প্রতিষ্ঠায় মার্কিন সম্মতি; ফারুকের পক্ষে ইংরাজ হস্তক্ষেপের বিরোধিতা।

২রা এপ্রিল, ১৯৫৪ : তুর্কী-ইরান সহযোগিতা চুক্তি, মার্কিন উৎসাহে ও সমর্থনে।

২১শে এপ্রিল, ১৯৫৪ : ইরাক-মার্কিন সামরিক সহযোগিতা চুক্তি স্বাক্ষর।

১৯শে অক্টোবর, ১৯৫৪ : ইরানে নতুন আন্তর্জাতিক তেল চুক্তিতে মার্কিন তেল ব্যবসায়ীদের ব্যাপক সুবিধালাভ।

১৭ই ডিসেম্বর, ১৯৫৫ : মিশরকে আসওয়ান বাঁধের জন্য সাহায্যের প্রতিশ্রুতি।

১৬ই জুলাই, ১৯৫৬ : উক্ত প্রতিশ্রুতি প্রত্যাহার।

৩১শে অক্টোবর, ১৯৫৬ : মিশর আক্রমণের বিরোধিতা ও জাতিপুঞ্জের

স্বাধীনতা-পরিষদে ও সাধারণ সভায় বৃটিশ, ফরাসী ও ইজরেইলী বাহিনীর অপসারণ দাবী।

৫ই জানুয়ারী, ১৯৫৭ : আইসেনহাওয়ার ডকট্রিন ঘোষণা।

আজকালকার মিশরী সংবাদপত্রের প্রধানতম আলোচ্য বিষয় মধ্যপ্রাচ্যে এই যুগব্যাপী বিস্তীর্ণ মার্কিন প্রভাব। বৃটিশ ও ফরাসী সাম্রাজ্যবাদের অনিচ্ছুক পশ্চাৎগতির পর আমেরিকা স্বাধীনতাপ্রিয় আত্মসচেতন আরবদের কাছে তাদের জাতীয় অধিকার প্রতিষ্ঠার শ্রেষ্ঠ অন্তরায়রূপে দেখা দিয়েছে।

মিশর ও সিরিয়ার সংবাদপত্রে প্রায় প্রতিদিন আমেরিকা নিন্দিত হচ্ছে গত দশ বছরের মধ্যপ্রাচ্যে তার বাণী-নীতির জন্য।

অপরপক্ষে জর্ডন, লেবানন ও ইরাকের সংবাদপত্রে আমেরিকা প্রতিদিনই প্রশংসিত পাচ্ছে মধ্যপ্রাচ্যকে আন্তর্জাতিক সাম্যবাদ থেকে বাঁচাবার জন্যে।

বৃটেন আমেরিকার দিকে তাকিয়ে আছে মধ্যপ্রাচ্যে তার অবশিষ্ট স্বার্থ বাঁচিয়ে রাখবার কাতর অনুনয় নিয়ে।

রুশিয়া ও অন্যান্য কম্যুনিষ্ট দেশগুলি আমেরিকাকে গালাগাল দিচ্ছে আরব স্বাধীনতার প্রধান দৃষ্টিমণ্ডল বলে।

পৃথিবীর নিরপেক্ষ দেশগুলিতে আইসেনহাওয়ার ডকট্রিন বহুনিন্দিত।

অথচ প্রত্যেক মার্কিন জননায়কই দৃঢ়ভাবে বিশ্বাস করেন যে সামরিক হস্তক্ষেপে ইতস্তত করে মধ্যপ্রাচ্যের ঘটনাপ্রবাহেব নেতৃত্ব যদি আমেরিকা আজ গ্রহণ না করে, তবে আরবভূমিতে সাম্যবাদী অথবা সাম্যবাদ-সমর্থক স্বার্থ-গুলির বিজয় অনিবার্য।

সুতরাং, এ-কথা নিঃশংসয়ে বলা চলে যে, আজকাল আরব দেশগুলির ভাগ্যান্বিনশ্রণের মোটা দায়িত্ব লন্ডন ও প্যারিস থেকে সবে গিয়ে জমা হয়েছে ওয়াশিংটনে। যদি এ-কথা বলা যায় যে বহু কোটি সাধারণ আববের মানসিক রাজধানী আজ মিশর, তবে সঙ্গে সঙ্গে এ-কথাও বলতে হবে যে, অন্তত পূর্ণভাবে তিনটি ও আংশিকভাবে একটি আরব দেশের শাসকবা নির্দেশ গ্রহণ করছেন আমেরিকা থেকে।

এই নতুন আরব-মার্কিন সংঘাত থেকে সব চেয়ে কম খরচে যার লাভ হচ্ছে সবচেয়ে বেশি, সে হল সোবিয়ত রাশিয়া।

আরব ভূমিতে আমেরিকার ও রাশিয়ার ভূমিকা ঐতিহাসিক দৃষ্টি নিয়ে আমরা পরে বিচার করব। বর্তমানে মার্কিন ভূমিকাকে তিনটি দৃষ্টি দিবে আমরা দেখতে চেষ্টা করছি। একটি হল আমেরিকার নিজস্ব দৃষ্টি; অপরটি একজন চিন্তাশীল সমাজবাদী ইংরেজ বার্তাজীবীর দৃষ্টি; আর তৃতীয় হচ্ছে মিশরের দৃষ্টি। এই সমসাময়িক দৃষ্টি-কোণ বিশ্লেষণ আমাদের সাহায্য কববে অতীত ও ভবিষ্যতের দিকে প্রসারিত নজর নিক্ষেপ করতে।

জর্ডনে মার্কিন প্রভাব বিস্তারের অব্যাহিত পরেই নিউ ইয়র্ক টাইমস্ পত্রিকা প্রশ্ন করেছিল, “সারা মধ্যপ্রাচ্যে এর নীতিজ্ঞা হবে কী রকমের?” তার পর লেবাননের নির্বাচনে আমেরিকার প্রভাব আত্মরা পাকা হয়েছে, আমেরিকা বাগদাদ চুক্তির সামরিক কর্মটিতে যোগ দিয়েছে এবং নানাভাবে মিশর ও সিরিয়ার উপর চাপ প্রয়োগের চেষ্টা করছে।

আইসেনহাওয়ার ডকট্রিনের পূর্ণতর বিকাশ চলবে এই পথেই; তবে মধ্য-

প্রাচ্যের মতো স্থিতিহীন ও পরিবর্তনসংকুল পরিবেশে এর সার্থকতা বা ব্যর্থতা কখন কী রূপ নেয় বলা খুবই কঠিন। তথাপি নিউ ইয়র্ক টাইমস্‌ গত এপ্রিলে মার্কিন ভূমিকার ভবিষ্যৎ বিচার করতে গিয়ে আরব ঘটনা প্রবাহের যে-চেহারা দেখতে পেরেছিলেন কিছুদিন মার্কিন দৃষ্টিতে এটাই মোটামুটি চলতি থাকবে বলে মনে করা যেতে পারে।

নিউ ইয়র্ক টাইমস্‌ বলেছিলেন, “জর্ডন সংকটে মার্কিন ভূমিকা প্রসারের পরিণাম মধ্যপ্রাচ্যের অন্যতম কী রূপ গ্রহণ করবে? এই প্রশ্নের উপর নির্ভর করবে চারটি ক্ষেত্রে ভবিষ্যৎ ঘটনাবলীর উপর: রাজা হুসেনের ভবিষ্যৎ; পূনরায় যুদ্ধের সম্ভাবনা; আরব দেশগুলির ঐক্য; এবং বৃহৎ শক্তিগুলির মধ্যে ক্ষমতার জন্যে লড়াই।

“হুসেনের ভবিষ্যৎ: ওয়াশিংটনে ধারণা যে, হুসেনের রাজত্ব সমাসীন থাকবার সম্ভাবনাই বেশি। আমেরিকার দৃঢ় সমর্থনে তিনি মাথা উঁচু করে দাঁড়াবার সাহস পেয়েছেন। তাঁর নতুন গভর্নমেন্ট রাজ্যদৃগ। কিন্তু একটা প্রশ্ন আছে। হুসেন কি তাঁর আরব প্রজাদের সমুদয় রাখতে পারবেন? প্রজাদের অধিকাংশকে দাবিয়ে রেখে রাজত্ব করা তো তাঁর পক্ষে চিরদিন সম্ভব হবে না!

“যুদ্ধের সম্ভাবনা: সিরিয়া হচ্ছে একমাত্র আরব দেশ যে জর্ডনের সঙ্গে সঙ্গে নামতে পারে। কিন্তু সিরিয়া বোধহয় লড়তে অনিচ্ছুক। চার কোটি ডলার রাশিয়ান রসদ সত্ত্বেও সিরিয়ার সৈন্য মধ্যপ্রাচ্যে সবচেয়ে দুর্বল সৈন্যদেব অন্যতম। যদি সিরিয়া একান্তই জর্ডন আক্রমণ করে, তাহলে ইজরেইল নিশ্চয় জর্ডন নদীর পূর্ব তীর পর্যন্ত চট করে অধিকার করবে এবং রাজা সৌদ ও ফয়জলও হুসেনের সমর্থনে সৈন্য পাঠাবেন। ওয়াশিংটনে বিশ্বাস যে, রাশিয়া মধ্যপ্রাচ্যে কোনো সামরিক সংঘাতে জড়িয়ে পড়তে অনিচ্ছুক।..... তাই আমেরিকাকেও হয়ত যুদ্ধে নামতে হবে না।” যদি নামতেই হয়, তবে আমেরিকা তার দায়িত্ব থেকে বিচ্যুত হবে না, কেননা তার আরব মিত্রদের যদি সে বিপদে সবারকম সাহায্য করতে তৈরী না থাকে, তবে “ওয়াশিংটনের যুদ্ধে চুনকালি পড়বে এবং আইসেনহাওয়ার ডকট্রিন হবে ভয়ানক বিপন্ন।”

“আরব ঐক্য: যদি জর্ডনের অবস্থা সম্বন্ধে মার্কিন-বিচার নির্ভুল হয় তবে হয়তো আরব দেশগুলির মধ্যে নতুন ধরনের একটা জোট-বাঁধা দেখা দেবে। হুসেন ও সৌদী আরবের রাজার কার্যকলাপের ফলে আরবভূমিতে নাসেরের নেতৃত্ব অনেকটা আহত হয়েছে। কিছুকাল ধরে ওয়াশিংটন চেষ্টা করে আসছে ইরাক, জর্ডন ও সৌদী আরবের রাজাদের একত্রিত করতে। যদি এই উদ্দেশ্য স্থায়ী সাফল্য অর্জন করতে পারে, তাহলে পশ্চিম-বিরোধী এক শক্তিশালী আরব জাতি গঠনের যে স্বপ্ন নাসেরের এত প্রিয়, তার শেষ হবে।

“কিন্তু নাসেরও এই সম্ভাবনার প্রতি পূর্ণ সচেতন এবং একে এড়াবার জন্যে সচেষ্ট।...তাঁর উদ্দেশ্য জর্ডনকে আইসেনহাওয়ার ডকট্রিন গ্রহণ ও বাগদাদ চুক্তিতে যোগদান হতে নিবৃত্ত করা। কিন্তু নাসের তাঁর পুরাতন আরব গোষ্ঠীকে পুনর্গঠিত করতে পারবেন কিনা তা খুবই অনিশ্চিত। একদিকে জর্ডন যেমন আরব দেশগুলির মধ্যে অবিশ্বাস ও সন্দেহের বীজ বপন করেছে, অন্যদিকে তেমন অধিকাংশ দেশবাসীর বিরাগভাজন হয়ে

হুসেনের সিংহাসনচ্যুতির সম্ভাবনাও কম নয়। রাজা সৌদও চেষ্টা করেছেন আরব ঐক্য পুনরুদ্ধার করতে...সুতরাং অনেকেরই ধারণা, নাসের অন্তত কিছুটা আরব ঐক্য বজায় রাখতে পারবেন। ইজরেইলের প্রতি প্রত্যেক আরবের তীব্র মনোভাব নাসেরের অন্যতম প্রধান সহায়ক হবে।

“বৃহৎ-শক্তি সংঘর্ষ” : জর্ডানে আজ মধ্যপ্রাচ্যের প্রভূত্ব নিয়ে পশ্চিম ও রাশিয়ার সংগে সংঘাত চলেছে। আমেরিকার গভর্নমেন্ট মনে করেন জর্ডানের যুদ্ধে তাঁরাই জয়ী হয়েছেন। তাছাড়া, সাম্যবাদী আক্রমণ থেকে মধ্যপ্রাচ্যকে বাঁচাতে আমেরিকা যে দৃঢ়সংকল্প তাতে এখন কোনো সন্দেহের অবকাশ নেই। কিন্তু মধ্যপ্রাচ্যের আরব দেশগুলির অনেক পুরানো নানা জাতের সমস্যার সমাধান করতে আইসেনহাওয়ার ডক্ট্রিন যথেষ্ট কিনা তা এখনো নিশ্চিত বলা যায় না।

“রাশিয়া জর্ডানকে একটা সাময়িক বাধা হিসাবে ধরে নিয়েছে। সে এখন আরবভূমিতে মার্কিন-বিরোধী প্রচার বাড়িয়ে তুলবে। জাতীয়তাবাদী আরব দেশগুলির সংগে মৈত্রীর বন্ধন আরো পাকা করবে। আরবদের দারিদ্র্য ও দুর্ভোগকে নিজের কাজে লাগাতে আরো সে এবার তৎপর হয়ে উঠবে। আর ইজরেইলের বিরুদ্ধে আরব দেশগুলিকে পূর্ণ সমর্থন দিয়ে এ-বিষয়ে সে অনেকখানি এগোতে পারবে।*

নিউ ইয়র্ক টাইমস্-এর বর্তমান মধ্যপ্রাচ্য পরিস্থিতির উপরি-উক্ত বিশ্লেষণ মার্কিন দৃষ্টিভঙ্গীকে পরিষ্কাররূপে বোঝিয়ে দেয়। জর্ডান সমস্যার পরেই সৃষ্টি হয় সিরিয়া-তুর্কী সমস্যা। তাতে অবশ্য এই পত্রিকার সূচীশিত ও সরকারী মন-বোঁধা অভিমত বেশ কিছুটা ঘায়েল হয়। তথাপি জর্ডান সম্বন্ধে মার্কিন সরকার বর্তমানে নিশ্চিত—যদিও প্রত্যেক মিশরীর দৃঢ় বিশ্বাস জর্ডানে বর্তমান অবস্থার আরু খুবই কম।

তিন-ধাপ লড়াই চলেছে বর্তমান আরবভূমিতে। প্রথম, পশ্চিম বনাম রাশিয়া—পশ্চিমের অধিনায়ক আমেরিকা; দ্বিতীয়, রাজতন্ত্র ও প্রজাতন্ত্র, তৃতীয়, শাসক ও শাসিত। এমন যে সুরক্ষিত সামন্ত-দুর্গ সৌদী আরব, সেখানেও তেল কারখানার কর্মচারীরা বিরাট ধর্মঘট করেছে, দাবী তুলছে রাজার স্বেচ্ছাচার খর্ব করে প্রজার অধিকার বাড়ানো হোক। এই যে তিন স্তর সংঘাত, এর দ্বিতীয় ও তৃতীয় স্তরে, দুর্ভাগ্যের বিষয়, আমেরিকা আজ এসে দাঁড়িয়েছে প্রজাতন্ত্রের বিরুদ্ধে শোষকের পাশে।

পল্ জনসন সয়েজোত্তর মধ্যপ্রাচ্যে মার্কিন প্রতাপ প্রত্যক্ষ দৃষ্টিতে বিচার করে যে-টাকা লিপিবদ্ধ করেছেন এবার তা বিবেচনা করা যাক :

“মার্কিন শাসনের প্রথম বছরে মধ্যপ্রাচ্যের দিকে তাকিয়ে কয়েকটা সাধারণ সিদ্ধান্তে পৌঁছান যায়। প্রথম, মার্কিন নীতি সাময়িকভাবে আরব অঞ্চলে স্থিতিশীলতা এনেছে। দ্বিতীয়ত, মধ্যপ্রাচ্যের জাতীয়তাবাদ বর্তমানে যে রাশিয়ার দিকে এগিয়ে যাচ্ছে, এই নিঃশ্বাস-ফেলা অবসরে আমেরিকা যে তার গতিরোধ করতে পারবে এমন কোনো ভরসাই নেই। আরব দেশগুলির বুদ্ধিজীবী জাতীয়তাবাদী নেতাদের সঙ্গে রাশিয়ার সহযোগিতার পথ রোধ করে

* The New York Times, International Edition, April 28.

আমেরিকা কঠিনতর এক বিপদকে ডেকে আনছে : সে হচ্ছে আরব সাম্যবাদ। তাই, আমাদের সম্মুখে দীর্ঘ এক সপ্তকের যুগ! তাতে প্রায়ই হয়তো হিংসা বা হিংসার হৃৎকার আমরা দেখতে পাবো। এই ভয়ংকর পরিবর্তনের যুগে পশ্চিমী স্বার্থ ক্রমাগতই আহত হবে, সবচেয়ে বেশি বৃটেনের স্বার্থ। সমগ্র স্টালিন এরিয়ার অন্যতম প্রধান সম্পদ মধ্যপ্রাচ্যের তেল কম খরচে উৎপাদন ও বিতরণ।.....কিন্তু এই যে বিশেষ গুরুত্বপূর্ণ সম্পদ, তাও আজ ভয়ানক বিপন্ন।”*

একজন উদার-দৃষ্টি ইংরেজ পর্যবেক্ষকের চোখে মধ্যপ্রাচ্যের বর্তমান জটিল সংঘাত মোটামুটি তিনটি দিক থেকে প্রকট হয়ে দাঁড়িয়েছে। আমেরিকা যাই করুক না কেন, অর্থ ও অস্ত্র যতই ঢালুক, আরব জাতীয়তাবাদের রক্ত-নির্ভরতাকে সে অবরুদ্ধ করতে পারবে না। শুধু তাই নয়। সামরিক হস্তক্ষেপের ফলে আরব দেশগুলিতে শ্রেণী-বিরোধ সে ভয়ংকর বাড়িয়ে তুলছে; যার পরিণাম সাম্যবাদের শক্তি বৃদ্ধি। আর, তৃতীয়ত, আমেরিকা হারুক কি জিতুক, বৃটেনের মধ্যপ্রাচ্য-রবি আজ একেবারেই অস্তমিত। মার্কিন দাক্ষিণ্যে এখন ক্ষণস্থায়ী গোদুলি চলছে; তাতেও ক্রমেই নেমে আসছে ঘন অন্ধকার।

আজকাল মিশরের সংবাদপত্রে প্রতিদিন আমেরিকা নিন্দিত। জর্ডনে আমেরিকার হস্তক্ষেপ, ‘অল্ সাব’ পত্রিকার মতে, “আরব ফ্রন্টকে ভেঙ্গে দেবার চক্রান্ত।” ‘অল্ আকবর’ বলছেন “যে আববমুক্তির যুদ্ধ প্রথম বিশ্বযুদ্ধে শুরু হয়েছিল, তা এখনো চলছে। সাম্রাজ্যবাদের নতুন নায়ক আমেরিকা।” অল্ গোমহুবিয়া যোগ দিচ্ছেন, “সেদিন আর নেই যখন কোনো একজন নেতা বা উচ্চপদস্থ মানুস জনগণের ইচ্ছার বিরুদ্ধে যা খুশি কবতে পারতেন। সব ক্ষমতা এখন জনগণের হাতে।...কোনো অত্যাচারীই আজ আর গণ-ইচ্ছাকে অবহেলা কবতে পারে না... মুক্তি-প্রবাহকে রোধ করবার দিন গত হয়েছে।” ‘অল্ সাব’ পত্রিকার অন্য একটি অভিমত থেকে মার্কিন-বিরোধী মনোভাবের পূর্ণতর পরিচয় পাওয়া যায় :

‘আমবা ভেবেছিলাম মার্কিন সাম্রাজ্যবাদ কোনো নতুন কায়দায় মধ্যপ্রাচ্যে প্রভাব বিস্তার কবতে চাইবে। কিন্তু দেখছি হতবল বৃটিশ ও ফরাসী সাম্রাজ্যবাদের পুরানো পথ ধরেই সে এগিয়ে এসেছে, তাদের সব পচা ঐতিহ্য বহন করে। মধ্যপ্রাচ্যে মার্কিন-নিরপেক্ষতা এখন একেবারে ঝুটো বলে প্রমাণিত। আমেরিকার নাম জড়িত যত সব গভীর ষড়যন্ত্রের সঙ্গে—যার উদ্দেশ্য পশ্চিম-মুখাপেক্ষী নতুন এক আরব গোষ্ঠীর সৃষ্টি। এজন্যই বিবাত মার্কিন মোবইর জর্ডনের কাছাকাছি এসে দাঁড়িয়েছে। এজন্যই বিশ্বাসঘাতক ও দাসবৃদ্ধি কিছু কিছু আরবদের ভাড়া করা হয়েছে।

“কিন্তু পুরাতন সাম্রাজ্যবাদ প্রয়োগ করতেও আমেরিকা আনাড়িপনার পরিচয় দিয়েছে। এই অপটু ভাব তার আসল উদ্দেশ্য ও কর্মধারাকে প্রকাশ করে ফেলেছে সবার কাছে। কারুরই আর বুদ্ধিতে বাকী নেই যে, আরব দেশগুলির অর্থনৈতিক উন্নতি ও সাম্যবাদ থেকে তাঁদের বাঁচানোর ধূয়ো কতখানি মিথ্যা।

* The Egyptian Gazette, Cairo, June 24, 1957.

শব্দ তাই নয়। বেচারী আমেরিকা পুরাতন সাম্রাজ্য নীতি চালাতে শব্দ করেছে এমন সময়ে যখন পূর্ব আরবভূমিতে নবযুগের বন্যা। আজকের আরবরা জানেন যে, লক্ষ লক্ষ মার্কিন মদ্যার বিনিময়ে তার স্বদেশের এক ইঞ্চি ভূমিও ছাড়বে না, বস্তা বস্তা উন্মত্ত মার্কিন খাদ্যের বিনিময়ে হস্তান্তর করবে না তাদের সার্বভৌম অধিকার।*

মার্কিন-বিরোধী জনমত গঠন করতে মিশরী পটিকাগুলি স্বভাবতই ভাব-প্রবণতার আশ্রয় নেয় বেশি। স্বাধীনতা সংগ্রাম ব্যাপারটাই ভাবপ্রবণ; ভারত-বাসী তা বেশ ভালো জানে। জর্ডানে মার্কিন প্রতাপের সোজাসুজি চেহারা, লেবাননে আরো সূক্ষ্ম পথে মার্কিন প্রবেশ, বাগদাদ চুক্তি কাউন্সিলের করাচী বৈঠকে সিরিয়ার গবর্নমেন্টকে সরাবার ব্যবস্থা এবং এই পরিকল্পনা আগস্ট মাসে কাজে লাগাবার বার্থ প্রয়াস, এসব ঘটনাই মিশরের জনমতকে ক্ষিপ্ত ও উদ্ভ্রান্ত করে তুলেছে। কাইরোর সংবাদপত্র ও বেতারে ভাবপ্রবণ আক্রমণ তাই বেশি। এই আক্রমণের সবচেয়ে বড় হাতিয়ার আমেরিকার ইজরেইল-সমর্থক নীতি। এই একটি ক্ষেত্রে সমস্ত আরব সমানভাবে মার্কিন-বিরোধী।

নাসের জানেন শীতল-যুদ্ধের কঠিন বাস্তবে এই ভাবপ্রবণতার দৌড় নিতান্ত সীমাবদ্ধ। আরব দেশগুলির, বিশেষ করে মিশর ও সিরিয়ার, প্রধান লক্ষ্য হচ্ছে দুইটি: পূনরায় সামরিক সংঘাত থেকে আরব ভূমিকে মুক্ত রাখা; নিজেদের অর্থনৈতিক ও সামাজিক পুনর্গঠনকে এগিয়ে নিয়ে যাওয়া। এক-মাত্র আশ্ববলই প্রকৃত বল। নাসের তা বিলক্ষণ জানেন। সঙ্গে সঙ্গে এও জানেন যে, সাত কোটি আরবের অন্তরে যে মন্ত্রির আগুন জ্বলছে—আলজেরিয়া থেকে আডেন পর্যন্ত যার ব্যাপ্তি, তার পুরোভাগে মিশরকে থাকতেই হবে। এই ভাবপ্রধান নেতৃত্বে বিপদ যে আছে, তাও তাঁর অজানা নেই। কিন্তু পিছিয়ে-পড়া দেশগুলির একনিষ্ঠ স্বাধীন গঠন আজকের দুনিয়ার অনেকটা বাঘের পিঠে চেপে বসার মতো, চড়তেও বিপদ, নামতেও বিপদ।

“আমাদের আশা আকাঙ্ক্ষার সাফল্যের জন্যে আমরা তাকিয়ে আছি রাষ্ট্রপতি উইলসন ও উপরচিত্ত আমেরিকার দিকে, দুর্বল, ছোট ছোট দেশগুলির প্রতি আমেরিকার সহানুভূতি সুবিধিত”—১৯১৯ সালের সিরিয়ান কংগ্রেসের প্রস্তাব থেকে উদ্ধৃত

‘পবরাস্ত্র সচিব নিযুক্ত হয়ে প্রথমই আমি দেখতে গিয়েছিলাম মধ্যপ্রাচ্য’

—জন ফন্টার ডাপেস

‘মধ্যপ্রাচ্যকে ধবে রাখতেই হবে’—ফ্রাঙ্কলিন ডেলানো রুজভেল্ট

গত সহিগ্রিশ বছরে আরব জাতি দুবার আমেরিকার মুখপানে তাকিয়েছে একটা নববিধান নেতৃত্বের আহবান নিয়ে। দুবারই আমেরিকা এ-আহবানে সাড়া দিতে ব্যর্থ হয়েছে।

য়ুরোপীয় স্বার্থের সঙ্গে মধ্যপ্রাচ্যকে বেঁধে রেখে আমেরিকা চেয়েছে আরব

* The New Statesmen, London, July 6 1957.

জাতীয়তাবাদকে ঠাণ্ডা রাখতে। যেখানে ইংগ-ফরাসী স্বার্থের সংগে এই নব-জাগ্রত জাতীয়তাবাদের সংঘর্ষ হয়েছে, মার্কিন নীতি হয় সমর্থন করেছে য়ুরোপীয় সাম্রাজ্যবাদকে, নয়তো সরে দাঁড়িয়েছে নিরপেক্ষতার নিশ্চিন্ত ছায়া-তলে। ফলে য়ুরোপীয় স্বার্থকেও সে কারণে রাখতে পারে নি, আরম্ভ জাগরণকেও জয় করতে পারে নি বশুত্বের দাবীতে। রাজনৈতিক ইতস্তত ভাব, দীর্ঘসূত্রতা ও নেতৃত্বের অভাবের আড়ালে আমেরিকার বিরাটশক্তি ধন-তন্ত্র ধীরে ধীরে প্রতাপ বিস্তার করেছে আরব-ভূমির উত্তমত বাঙ্গগর্ভে লুকানো অফুরন্ত সম্পদের উপর। ✓

অথচ এ-শতাব্দীর শ্বিতীয় দশকের প্রারম্ভে আরব-মানসে আমেরিকার জন্যে যতখানি প্রীতি ও শ্রদ্ধা ছিল, অন্য কোনো বিদেশী শক্তির প্রতি কোনো আবেশের মনে কোনোদিন ততটা ছিল কিনা সন্দেহ।

যুদ্ধকালীন প্রতিশ্রুতি ভেঙ্গে আরব বিদ্রোহকে ইংরেজ ও ফ্রান্স ক্ষুদ্র ও ক্ষিপ্ত কবে তুলেছিল এই বিশ্বাসঘাতকতার বিরুদ্ধে প্রতিবাদ জানাতে পরাস্ত ও ছত্রভঙ্গ অথোমান সাম্রাজ্যের সমগ্র আরব অঞ্চল থেকে প্রতিনিধিরা এসে মিলিত হলেন ডামাস্কাস শহরে ১৯১৯ সালের ২রা জুলাই। এই মহাসভার নাম 'জেনাবেল সিরিয়ান কংগ্রেস'।

এখানে গৃহীত একটি প্রস্তাবে আরব-দাবী মূর্ত হয়ে ওঠে। প্রস্তাব ঘোষণা করে যে আরববা গ্রীক বা বলকান জাতিদের চেয়ে কোনো অংশে হীন নয়; তথাপি অথোমান সাম্রাজ্যের পূর্বতন অংশ গ্রীস ও বলকান অঞ্চলে স্বাধীন রাষ্ট্রের সৃষ্টি করা হচ্ছে, অথচ আরবদের রেখে দেওয়া হচ্ছে য়ুরোপীয় শাস্ত্র অধীনে স্বাধীনতার অযোগ্য বদনাম দিয়ে। “আমরা চাই একটি সম্পূর্ণ স্বাধীন সিরিয়া”—এই সিরিয়া হচ্ছে পূর্ব-বর্ণিত ভৌগোলিক সিরিয়া, বর্তমানের সিরিয়া-লেবানন, জর্ডন ও ইজরেইল—“এই সিরিয়া হবে একটি সংবিধানশীল রাজতন্ত্র, গণতন্ত্রের মৌলিক নীতিম্বারা পরিচালিত।”

সিরিয়ান কংগ্রেসের প্রতিনিধিরা জানতেন যে, বৃটেন ও ফ্রান্সের নিকট এই আবেদন অরণ্যে রোদন মাত্র। তাই তাঁরা তাঁদের আবেদন জানালেন পৃথিবীর তখনকার সবচেয়ে চমকপ্রদ শক্তি আমেরিকার কাছে, তার বিশ্ববন্দিত রাষ্ট্রপতি উইলসনের কাছে।

“আমরা নির্ভর করে আছি রাষ্ট্রপতি উইলসনের মহান ঘোষণার উপর, যেতে তিনি প্রচাব করেছিলেন যে, সাম্রাজ্যবাদী স্বার্থের ষড়যন্ত্রকে খর্ব করতেই আমেরিকা মহাযুদ্ধে যোগ দিয়েছিল। আমরা চাই আমাদের দেশে সাম্রাজ্যবাদী উপনিবেশনীতির প্রয়োগ না হোক। আমরা বিশ্বাস করি, আমেরিকার কোনো সাম্রাজ্য লালসা নেই। তাই আমরা আমাদের দেশ-গঠনে বিশ বছরের জন্যে আমেরিকার কাছ থেকেই নানা রকমের সাহায্য নিতে চাই।”

প্রস্তাবের উপসংহারের দিকে আবাব বলা হয়, “রাষ্ট্রপতি উইলসন যে মহান নীতিগুণি প্রচার করছেন, তাতে আমরা ভরসা পাচ্ছি যে, আমাদের আকাঙ্ক্ষা অনুযায়ীই আমাদের দেশের ভবিষ্যৎ নির্ধারিত হবে। এই আশা ও আকাঙ্ক্ষা পূরণের জন্যে আমরা তাকিয়ে আছি আমেরিকা ও তার নেতা উইলসনের দিকে।”

সিরিয়ান কংগ্রেস পরোক্ষভাবে ঘোষণা করলেন যে, যদি আরব রাষ্ট্রের

উপর কোনো বহিঃশাস্ত্র মানডেট আসেই, তবে তা যেন হয় আমেরিকান মানডেট, বৃটিশ কিংবা ফরাসী নয়। অর্থাৎ নবজাত আরব রাষ্ট্র বরণ মার্কিন অভিভাবকত্ব মেনে নেবে, কিন্তু ইংরেজ বা ফরাসী খবরদার মানবে না।

ইরাকের লোকেরা আরো একথাও এগিয়ে গেল। আলেক্সেপো শহরে এক সম্মেলনীতে তারা সোজাসুজি চাইল একমাত্র মার্কিন মানডেট।*

প্যারিসে শান্তি-বৈঠকে আরব প্রতিনিধি ছিলেন আমির ফয়জল। তিনি প্রস্তাব করলেন একটি কমিশন সিরিয়া ও প্যালেস্টাইন ভ্রমণ করে জনগণের প্রকৃত দাবী জেনে আসুন। উইলসন এ-প্রস্তাব মেনে নিলেন; লয়েড জর্জ নিমরাজী কিন্তু ক্রিমিস্ট ভয়ানক বিরোধী হয়ে উঠলেন।

তথাপি অনেক আলোচনার পর চারটি দেশের প্রতিনিধি নিয়ে একটি কমিশন গঠিত হল—আমেরিকা, ইতালি, বৃটেন ও ফ্রান্স। উইলসন নিজেই কমিশনের কার্যধারা তৈরি করলেন; মার্কিন প্রতিনিধি মনোনীত হলেন ওয়ারলিন কলেজের অধ্যাপক ডাঃ হেনরী কিং এবং আর একজন যার নাম চার্লস ক্রেন। বৃটেনও তার প্রতিনিধি মনোনীত করল, কিন্তু ফ্রান্স রইল চূপ করে। ফলে এই চতুঃশাস্ত্র কমিশন আর তৈরীই হল না। কিছুদিন পর বৃটেন গেল পেছিয়ে; ইতালি রইল উদাসীন।

শুধু উইলসন পিছু হটলেন না। হেনরী কিং ও চার্লস ক্রেন উইলসনের নির্দেশমত সিরিয়া ও প্যালেস্টাইন ভ্রমণ করে বে-রিপোর্ট রাষ্ট্রপতির নিকট পেশ করেন, তার প্রচলিত নাম কিং-ক্রেন রিপোর্ট। কিন্তু উইলসন বোধহয় একটি সংক্ষিপ্ত বিবরণ ছাড়া এই রিপোর্ট পড়তেই পারেন নি। যখন রিপোর্ট পেশ করা হয়, তিনি নির্বাচন সংগ্রামে ব্যস্ত; তাতেই তিনি গুরুতর পীড়িত হয়ে পড়েন। তবু এই রিপোর্ট যখন ১৯২২ সালে প্রকাশিত হল তখন যথেষ্ট আলোড়নের সৃষ্টি হয়েছিল।

আজকার দৃষ্টিতে কিং-ক্রেন রিপোর্টের দুইটি গুরুত্ব ধরা পড়ে। এই প্রথম এবং এখনো পর্যন্ত শেষ বার একটি বেসরকারী নিরপেক্ষ আমেরিকান কমিশন আরব-মানসকে প্রত্যক্ষভাবে বোঝবার চেষ্টা করেছিল। আজকার দৃষ্টিতে বিচার করলে শুধু এ-কথাই মনে হয় যে, ঐ ঐতিহাসিক যুগসন্ধিতে আমেরিকার কত কাছে আরব-নেতৃত্ব এসে দিগদর্শনের জন্যে দাঁড়িয়েছিল। আব পঁয়ত্রিশ বছরের মধ্যে আমেরিকা কত সহজে এই বিরাট সম্ভাবনাপূর্ণ নেতৃত্ব হারিয়ে ফেলেছে।

একজন বিখ্যাত আমেরিকান লেখকের মন্তব্য মনে পড়ে। “বিংশ শতাব্দী হতে পারতো আমেরিকান শতাব্দী। হয় নি। আমেরিকাই পারে নি এই শতাব্দীকে তার নিজের শতাব্দীতে পরিণত করতে।”

কিং-ক্রেন রিপোর্টের সার মর্ম হল : মধ্যপ্রাচ্যে দুটি স্বতন্ত্র আরব রাজ্য গঠিত হোক, একটি ইরাক, অন্যটি সিরিয়া। দুই রাজ্যেই সংবিধানশাসিত রাজতন্ত্র প্রতিষ্ঠিত হোক। আমেরিকা সিরিয়ার মানডেট গ্রহণ করুক, আর বৃটেন ইরাকের, যদিও ইরাকের লোকের মার্কিন মানডেটই বেশি পছন্দ। যদি আমেরিকা সিরিয়ার মানডেট নিতে রাজী না হয়, তবে তা যাবে বৃটেনের

* এই সম্মেলনীতে বে-প্রস্তাব গৃহীত হয় তার নাম “ইরাকী” প্রোগ্রাম। জামাঙ্কাসে গৃহীত প্রস্তাবের নাম “ডামাস্কাস প্রোগ্রাম”।

কাছে—কোনোমতেই ফ্রান্সের হাতে নয়। ম্যানডেট হবে একটি সুনির্দিষ্ট স্বল্পকালের জন্যে। সাম্রাজ্যবাদী উদ্দেশ্য হতে একেবারে মৃত। তার এক-মাত্র লক্ষ্য হবে জনকল্যাণ।

প্যালেস্টাইনে একটি ইহুদি রাষ্ট্র প্রতিষ্ঠার প্রস্তাব কমিশন অগ্রাহ্য করল। অনুমোদন কবল নির্দিষ্ট হারে ইহুদি প্রবেশ। উইলসন-সমর্থিত বালফোর ঘোষণা যে কতখানি পরস্পরবিরোধী তা প্রমাণ করে কিং-ক্লেম রিপোর্টে বলল, “ইহুদিদের ‘ন্যাশনাল হোম’ তৈরি করার মানে এই নয় যে প্যালেস্টাইনকে একটি ইহুদি রাষ্ট্রে পরিণত করতে হবে। আর বর্তমান প্যালেস্টাইনে ইহুদি-নয় এমন জনসংখ্যার নাগরিক অধিকার ভ্রষ্টকভাবে খর্ব না করে ইহুদি রাষ্ট্র গঠন করাও সম্ভব নয়। এ-কথা মনে রাখতে হবে যে, ইহুদিরা প্যালেস্টাইনের জনসংখ্যার মাত্র দশভাগের এক-ভাগ। বাকী নয়ভাগই জিরিনিষ্ট কর্মধারার ঘোর বিরোধী।”

মহাযুদ্ধের পর আমেরিকা পুনরায় ‘নিরপেক্ষতা নীতির’ আড়ালে সরে পড়ল। আরব-দাবীর ন্যায্য অংশগুলি মিটিয়ে মধ্যপ্রাচ্যে জনসন্তোষের উপর ভিত্তি করে নতুন এক মানবপ্রগতির বহুগতি প্রাণধারাকে সে উদ্ভূত করতে পারত। তা না করে পদদলিত অথোমান সাম্রাজ্যের ভ্রষ্টাবশেষ ইংরেজ ও ফরাসীদের হাতে সে ছেড়ে দিল লুণ্ঠ করে নেবার জন্যে।

রাজনৈতিক নেতৃত্ব অপসৃত হবার পর যে মার্কিন প্রতাপ আরবভূমিতে ছায়া ফেলতে লাগল তা হচ্ছে তেল-স্বার্থ। ১৯২৮ সালে ইরাক পেট্রোলিয়াম কোম্পানীর এক-চতুর্থাংশ কিনে নিল মার্কিন তেলশিল্পপতিরা; তিন দশকের মাঝামাঝি সৌদী আরব ও অন্যান্যও মার্কিন তেল-স্বার্থ সুপ্রতিষ্ঠিত হয়ে উঠল। মাঝে মাঝে আদর্শবাদী মার্কিন সাহিত্যিকরা এই ‘তেল-সাম্রাজ্যবাদকে’ অক্রমণ করতে থাকলেন—আপটন সিন্‌ক্রেয়ারের নাম সহজেই মনে পড়ে। কিন্তু তেল-স্বার্থ সরকারী সাহায্য থেকে কোনোকালেই বঞ্চিত হন না।

তৃতীয় দশকের প্রথম হতে যুরোপে শত্রু হল নতুন করে নাৎসীপন্থী ইহুদি-অত্যাচার। প্রতিষ্ঠিতা হিসাবে আমেরিকাও প্যালেস্টাইনে একটি ইহুদি রাষ্ট্র স্থাপনে উদ্যোগী হয়ে উঠল। কিং-ক্লেম রিপোর্ট তখন বিস্মৃত-প্রায়, শত্রু ঐতিহাসিকের কাছেই তার যা কিছু গুরুত্ব।

মধ্যপ্রাচ্য সম্বন্ধে আমেরিকাকে পুনরায় সচেতন করে তোলে দ্বিতীয় বিশ্ব-যুদ্ধ। মধ্যপ্রাচ্যে মিত্রশক্তির হস্তচ্যুত হওয়ার মতো সামরিক বিপর্যয় রুজভেল্ট কম্পনা করতে পারলেন না।

১৯৪১ সালের জুন মাসে একজন মার্কিন সামরিক পর্ষবেক্ষক মধ্যপ্রাচ্য সম্বন্ধে একটি রিপোর্ট রচনা করেন; এই রিপোর্ট রুজভেল্টের নিকট পেশ করেন লন্ডনস্থিত মার্কিন রাষ্ট্রদূত মিঃ উইনাল্ট। রিপোর্টে বলা হয়; “মধ্য-প্রাচ্যে সাম্রাজ্যশক্তির, অর্থাৎ বুটেনের, অবস্থা ক্রমেই খারাপ হতে চলেছে।” পরের বছর গ্রীষ্মকালে মিশরে মিত্রশক্তির প্রধান্য বিশেষ বিপন্ন হয়ে ওঠে। রুজভেল্ট তাঁর শয়নকক্ষ হতে জেনারেল জর্জ মার্শালকে ‘তার’ করেন; “মধ্য-প্রাচ্যে অনুকূল অবস্থায় সৃষ্টির জন্যে আমাদের কি কিছুই করার নেই?” এই বিখ্যাত ‘তারেই’ রুজভেল্ট নির্দেশ দেন যে, প্রয়োজন হলে সুরক্ষা খালকে অবরুদ্ধ করে ফেলতে হবে। কিছুদিন পরে চিয়াং কাইশেককে রুজভেল্ট

জ্ঞানান, “মধ্যপ্রাচ্যে অক্ষশক্তির দ্রুত অগ্রগতি মিত্রশক্তিদের পক্ষে এক বিশেষ সংকটের সৃষ্টি করেছে। যদি এই অগ্রগতি ব্যাহত না করা যায়, তবে ভারত ও চীনের সঙ্গে আমাদের বিমানপথ বিপন্ন হবে, এবং ভারতের সঙ্গে সমুদ্র-পথ একেবারে বন্ধ না হলেও খুবই বিপজ্জনক হয়ে উঠবে। মধ্যপ্রাচ্যকে ধরে রাখতেই হবে। তাই অক্ষশক্তির অগ্রগতি আটকাবার জন্যে সবারকমের সাহায্য পাঠানো হচ্ছে।”

ম্বিতীয় মহাযুদ্ধ শেষ হবার পর আমেরিকা হয়ে দাঁড়ায় পৃথিবীর শ্রেষ্ঠ-তম সামরিক ও শিল্পশক্তি। দুনিয়ার এক বিস্তীর্ণ অংশে—এশিয়া ও আফ্রিকায়—আবার নতুন আশা জেগে ওঠে মার্কিন নেতৃত্বে স্বাধীনতা ও গণ-স্বার্থ প্রতিষ্ঠার।

রুজভেল্টের চাপেই বুটেন চীনকে একটি বৃহৎ শক্তি বলে মানতে বাধ্য হয়েছিল, চীন থেকে ঔপনিবেশিক অধিকার প্রত্যাহার করেছিল; ভারতে রাজ-নৈতিক সন্তোষ আনয়নের একটা লোক-দেখানো কপট চেষ্টাও বুটেন করেছিল, অতলান্তিক মহাসাগরের বৃকে দাঁড়িয়ে সকল মানুষের চার-দফা স্বাধীনতার মৌলিক অধিকারও মেনে নিয়েছিল। কিন্তু যুদ্ধবিরাটর আগেই রুজভেল্ট গেলেন মারা, আর এমন সব শক্তি মার্কিন শাসনের উপর প্রভাব বিস্তার করে বসল যাদের বিশ্বদৃষ্টিতে রুজভেল্টের উদারতা সম্পূর্ণ অনুপস্থিত।

যুদ্ধোত্তর যুগে মধ্যপ্রাচ্যের সামরিক গুরুত্বই আমেরিকাকে নাড়া দিল সবচেয়ে বেশি। আরব-সমস্যাকে বাস্তববুদ্ধিতে বিচার বিবেচনা করবার সময়ই সে পেল না। লেগে গেল রুশিয়ার সঙ্গে শীতল-যুদ্ধ। এল ট্রুম্যান ডকট্রিন। একমাত্র নীতি হল : “মধ্যপ্রাচ্যকে ধরে রাখতেই হবে।”

রাষ্ট্রপতি ট্রুম্যানের কোনো ‘আরব দৃষ্টি’ ছিল না। তিনিই প্যালেস্টাইনে ইহুদি রাষ্ট্র গঠনে সবচেয়ে উৎসাহী হয়েছিলেন। অন্যত্র তিনি মোটামুটি ব্রিটিশ নীতিকেই সমর্থন করে গেছেন। ১৯৫১ সালে বুটেনের নতুন মধ্য-প্রাচ্য কমান্ডের প্রস্তাবও ট্রুম্যান সমর্থন করেছিলেন। অর্থাৎ বর্তমান কালে অরবভূমিতে মার্কিন নীতির গোড়াপত্তন করলেন যে হারী ট্রুম্যান আরব-মানস সম্বন্ধে তাঁর অজ্ঞতা আশ্চর্যকর। তাঁর আত্মচারিত পড়লেই এই অজ্ঞতা পরিষ্কার বোঝা যায়। শব্দ সাম্যবাদ আটকানো ছাড়া আর বিশেষ কিছুই তিনি যেন জানতেন না, অবশ্য তেলস্বার্থ রক্ষা বাদে। শব্দ দুবার ট্রুম্যান সরকার বুটেনের মতে সায় দিতে অস্বীকার করে : প্রথম, ১৯৫১ সালে, ইরাকের সঙ্গে একজোট হয়ে সুয়েজে মার্কিন সৈন্য পাঠাবার জন্যে চার্চিলের প্রস্তাব, আর ম্বিতীয়, ১৯৫২ সালে ফারুককে নাসের-নাগিব বিপ্লব প্রতিরোধ করতে সাহায্য দানে বুটেনের প্রস্তাব। উভয় ক্ষেত্রেই পররাষ্ট্র সচিব ডীন এচিসনের উদ্যোগেই মার্কিন নীতি গঠিত হয়।

আইসেনহাওয়ার রাষ্ট্রপতি হবার সঙ্গে সঙ্গেই ঘোষণা করেন যে, আরব দেশগুলি সম্বন্ধে নতুন একটা দৃষ্টিভঙ্গীর তিনি সম্মান করবেন, যার ভিত্তি হবে আরব-মার্কিন মৈত্রী। পররাষ্ট্র সচিব নিয়ুক্ত হবার চার মাসের মধ্যেই, ১৯৫৩ সালের মে মাসে, জন ফস্টার ডালেস আড়াই সপ্তাহ মধ্যপ্রাচ্যে ও দক্ষিণ এশিয়ায় কাটিয়ে এই নতুন দৃষ্টিভঙ্গীর গোড়াপত্তন করলেন।

১লা জুন ডালেস এক বেতার-টেলিভিশন বক্তৃতায় তাঁর প্রত্যক্ষদৃষ্টির

ফলাফল মার্কিন জাতির নিকট নিবেদন করেন। প্রথমেই তিনি গিরেঞ্জিলেন মিশরে। তখন বিপ্লবী মিশর সবে তার নতুন যাত্রা শুরু করেছে। ডায়েস বললেন, “মিশর আজ এক মহান ভবিষ্যতের স্বারে দাঁড়িয়ে। যদি সূয়েজ সমস্যার একটা সন্তোষজনক সমাধান হয়ে যায়, তবে আমি ঠিক বলতে পারি, মিশর তার ভূমির উন্নতি করে তার গৌরবময় অতীতের সঙ্গে আর একটি অধ্যায় যোগ করতে পারবে।” ইজরেইলে ডায়েস দেখতে পেলেন, “নির্মাণবাস্ত একটা নতুন জাতি”, যে “এক মহান বিশ্বাসের অনুপ্রেরণায় বিরাট কিছু একটা সৃষ্টি করেছে”; জর্ডনের রাজধানী আমানে রাজা হুসেনের সঙ্গে খানা খেতে খেতে বৃষ্টিতে পারলেন—“এদের সবচেয়ে বড় সমস্যা প্যালাস্তাইনের বাস্তুহারাদের পুনর্বাসন ও ইজরেইলের সঙ্গে সম্পর্ক”; সিরিয়ায় দেখতে পেলেন প্রাকৃতিক সম্পদ শিল্পায়নে জনগণের জীবন-মান বাড়ানোর “ঐকান্তিক ইচ্ছা”; লেবাননে “প্রাচ্য ও প্রতীচ্যের অপূর্ব মিলনভূমি”; ইরাকে সম্ভাবনাময় নির্মাণকার্য; সৌদী আরবে আমেরিকার প্রতি রাজকীয় বাৎসল্য।

ডায়েস তাঁর সিদ্ধান্তগুলির উল্লেখ করতে প্রথমেই নাম করলেন “সাম্রাজ্যবাদেব”। “নিকট ও মধ্যপ্রাচ্যের প্রায় সবাই স্বরাজের জন্যে উৎকণ্ঠিত। তারা উপনিবেশ-শক্তিগুলিকে দেখে সন্দেহের চোখে। তারা আমেরিকাকেও সন্দেহের চোখে দেখে, কারণ তারা মনে করে যে আমেরিকার মৈত্রী ও সমর্থন বুটেন ও ফ্রান্সকে তাদের উপনিবেশগুলিকে ধরে রাখতে সাহায্য করেছে পশ্চিমী ঐক্যের কাঠামো সম্পূর্ণ বজায় রেখেও, আমেরিকা তার ঐতিহাসিক স্বাধীনতাশ্রমী নীতি অনুসরণ করতে পারে। বস্তুত-পক্ষে, সুস্থির পথে স্বরাজ-বিকাশ পশ্চিমী শক্তিগুলির ক্ষতি হতে পারে বলা, সাহায্যই করবে।... ইজরেইল নির্মাণে সাহায্য করে আমেরিকা যে আরব-অপ্রীতি-ভাজন হয়েছে, এবার তা দূর করতে হবে।... আরকের ভয় যে আমেরিকা ইহুদি প্রভাব বিস্তারে সাহায্য করবে; তারা সাম্রাজ্যের চেয়েও ইহুদি-প্রসারকে বেশি ভয় পায়... মধ্যপ্রাচ্যে নতুন কোনো প্রতিরক্ষা ব্যবস্থার বর্তমানে কোনো সম্ভাবনা নেই.... যৌথ প্রতিরক্ষা ব্যবস্থার একটা আবছা আগ্রহ রয়েছে; কিন্তু বাইরে থেকে একে চাপানো যাবে না, স্মরণে উদ্দেশ্য ও সমবেত প্রয়োজনের তাগিদে মধ্যপ্রাচ্যে কোনো দিন এর জন্ম হবে... তবে উত্তর আরব অঞ্চলে সৌবিয়ৎ ভীতি সতাই বর্তমান রয়েছে... পরিশেষে আমি আবার বলছি যে আমাদের মধ্যপ্রাচ্য ভ্রমণের উদ্দেশ্য ছিল বন্ধুত্ব দেখানো, সমঝোতা বাড়ানো।..... আমেরিকারই কল্যাণ হবে যদি আমরা এ-সব দেশের লোকের সম্মান করতে পারি, তাদের আশা আকাঙ্ক্ষা ও চিন্তাধারা বুঝতে পারি।”

ডায়েসের এই ভাষণ আরবভূমিতে অনেকখানি আশার সঞ্চার করেছিল। ডায়েস তাঁর নতুন দৃষ্টিভঙ্গী নিয়ে কিছুটা কাজও শুরু করেছিলেন। ১৯৫৪ সালে ডায়েসের চাপেই বৃটিশ গভর্নমেন্ট নাসেরের সঙ্গে সূয়েজ থেকে সৈন্য অপসারণের চুক্তি স্বাক্ষর করতে বাধ্য হয়।

ইরাক, তুর্কী ও ইরান ধীরে ধীরে পশ্চিমী আওতায় চলে আসা সত্ত্বেও ১৯৫৪ পর্যন্ত ডায়েস নতুন একটা প্রতিরক্ষা সংস্থা গঠনে আপত্তি করেন।

তিনি মিশরকে প্রতিশ্রুতি দেন আসওয়ান বাঁধ নির্মাণে অর্থ সাহায্যের এবং আদায় করে দেন বিশ্বব্যাঙ্ক ও বৃটেনের থেকেও অনুদান সাহায্যের প্রতিজ্ঞা। জর্ডন নদীতে বাঁধ দিয়ে জর্ডন উপত্যকাকে প্রাচুর্য-কেন্দ্রে রূপায়িত করবার জন্যে অর্থ সাহায্য করতেও তিনি এগিয়ে আসেন। মার্কিন সরকারের পক্ষ থেকে রাজদূত এরিক জনস্টন এজন্যে মিশর, সিরিয়া, ইরাক, জর্ডন ও ইজরেইলের সঙ্গে আলাপ আলোচনার পর একটি সম্ভাবনাপূর্ণ পরিকল্পনা তৈরি করেন। ইজরেইল ও আরব দেশগুলির সহযোগিতার ও বাইরেরকার শক্তিসমূহের সাহায্যে বাস্তবায়ন আরবদের পুনর্বাসন এই পরিকল্পনার অন্যতম প্রধান উদ্দেশ্য। ডালেস জানতেন যে, ইজরেইল-আরব সমস্যার একটা সম্ভোজনক সমাধান না হওয়া পর্যন্ত কোনো নির্মাণ-আয়োজনই কার্যকরী হবে না। তাই ১৯৫৫ সালের ২৬শে আগস্ট মার্কিন কংগ্রেসেব একটি কমিটির নিকট রিপোর্ট দিতে গিয়ে ডালেস ঘোষণা করলেন, “রাষ্ট্র-পতি আইসেনহাওয়ার আমাকে আপনাদের জানাবার অনুমতি দিয়েছেন যে, যদি আনুষ্ঠানিক অন্যান্য সমস্যার সমাধান হয়, তাহলে আমেরিকা প্রতিশ্রুতি দিতে রাজী আছে যে, আরব-ইজরেইল সীমান্ত যুদ্ধ-শ্রবরা পরিবর্তনের প্রচেষ্টাকে বাধা দেবার উদ্দেশ্যে আন্তর্জাতিক একটা চুক্তি স্বাক্ষরে সে প্রস্তুত।”

পূর্বতন ইতিহাসের সঙ্গে তুলনা করে দেখলে সহজেই বোঝা যায় ডালেস মধ্যপ্রাচ্যে মার্কিন নীতিকে অনেকখানি সোজাপথে এগিয়ে নেবার চেষ্টা করেছিলেন।

কিন্তু তিনটি কারণে এই নীতি পরবর্তী পনেবো মাসের মধ্যেই একে-বারে ব্যর্থ হয়ে গেল। প্রথমত, ইজরেইল। আমেরিকার প্রবল ইহুদি স্বার্থ গভনমেন্টকে বাধা করল ইজরেইলকে অর্থ ও অস্ত্র সাহায্য করে যেতে, মিশরের প্রতিরক্ষা ব্যবস্থাকে দুর্বল করতে। অস্ত্র কিনতে গিয়ে নাসের দেখলেন মার্কিন বজার একেবারে বন্ধ, আর ইংবেজ বাজার অতিশয় কৃপণ। পশ্চিমী দেশগুলি থেকে অস্ত্র কিনবার জন্যে নাসের বিপ্লবী কাউন্সিলের একজন সদস্যকে আমেরিকা ও যুরোপে পাঠিয়েছিলেন। জনৈক মিশরবী বিপ্লবী নেতা বর্তমান লেখককে বলেছিলেন, “একটা ব্যাংক চেক বইতে মিশরী সরকারের সীলমোহর নিয়ে প্রত্যেক পশ্চিমী রাজধানীতে আমি ধরনা দিয়েছি। আমার উপর নাসেরের আদেশ ছিল, যে-কোনো দামে অস্ত্র কিনবে। অস্ত্র কারখানার মালিকদের সঙ্গে প্রত্যেক দেশেই আমার কথাবার্তা হয়। তারা সবাই অস্ত্র বেচতে রাজী। অর্ডারও পেশ করা হল, সব ঠিকঠাক। অথচ, হঠাৎ অস্ত্র সরবরাহ বন্ধ হয়ে গেল। ফ্রান্স, বেলজিয়ম এমনকি সুইডেন পর্যন্ত আমাদের অস্ত্র দিতে অস্বীকার করল। একমাত্র কারণ বৃটেন ও আমেরিকার চাপ।”

এ-প্রসঙ্গে উল্লেখযোগ্য যে সরকারী নিষেধ সত্ত্বেও বৃটেন ও ফ্রান্স থেকে বেশ কিছু অস্ত্র, এমনকি ট্যাংক পর্যন্ত, ১৯৫৫ সালে মিশরের হাতে পৌঁছেছে। এ-সবটাই ছিল বে-আইনী গুস্ত কারবার। বৃটেনে ব্যবসায়ীরা “পরিত্যক্ত মাল” লেবেল লাগিয়ে যুদ্ধাস্ত্র বিক্রী করত যুরোপীয় কোনো কোনো প্রতিষ্ঠানকে; সেগুলো পশ্চিম যুরোপে নিয়ে, মেশিনে পরিণত করে, বা না

করেই, রশ্তানী হত মিশরে। ইজরেইলও এভাবে প্রচুর অস্ত্র বোমার করেছে। ১৯৫৫ সালে এ নিয়ে বৃটিশ পার্লামেন্টে ষাণ্ঠেট বাগবিবর্তন হবার পরে সরকার এ-গদ্য-বাক্য বিষয়ে সতর্ক হন।

তাই তিনি হাত পাতেলেন রুশিয়ার কাছে, অস্ত্র পেলেন চেকোস্লোভাকিয়ার ডালেসের উপরিউক্ত বক্তৃতার ঠিক পনেরো দিনের মধ্যেই। সঙ্গে সঙ্গে মধ্যপ্রাচ্য প্রাঙ্গণে আবির্ভাব হল রুশ মহাশক্তি।

ডালেস-নীতির ব্যর্থতার স্বতীয় কারণ আরব জাতীয়তাবাদকে সাম্রাজ্যবাদের সঙ্গে সংগ্রামে সাহায্য করার অক্ষমতা। বরং, ইরাককে সামরিক সাহায্য দিয়ে মিশরকে ডালেস ঝুন্ড ও আতঙ্কিত করে তুললেন। বাগদাদ চুক্তির ভিত্তি স্থাপিত হবার সঙ্গে সঙ্গে আরব দেশগুণি দৃষ্টো পরস্পর বিবোধী দলে বিভক্ত হয়ে পড়ল।

তৃতীয় কারণ, মধ্যপ্রাচ্যের সামরিক ও তৈলজাত গুরুত্বকে তার মানদণ্ডগুলির সুস্থ ও স্বাভাবিক বিকাশের চেয়ে বড় করে দেখে ডালেস এক দিকে যেমন আবব-মানসকে পশ্চিম-বিরোধী করে তুললেন, অন্য দিকে রুশিয়াকে যেন প্রত্যক্ষ ভাবেই আহ্বান কবলেন শীতল-যুদ্ধের নবতম মল্লভূমিতে। ১৯৫৬ সালের হেমন্তে মিশর যখন আক্রান্ত হল আমেরিকা আক্রমণকারীদের নিরোধিতা কবে আববজাতির হৃদয় জয় করল। কিন্তু বৃটেন ও ফ্রান্সের প্রস্থান ও রাশিয়ার আবির্ভাব যে নতুন মহাসমস্যার সৃষ্টি করল, সামরিক পথ ছাড়া তা সমাধানের অন্য কোনো পথ ডালেস খুঁজে পেলেন না।

যে ট্রুম্যান নীতির অদূরদর্শী জটিলতা থেকে মধ্যপ্রাচ্যে মার্কিন কট-নীতিব গুণ্ডি জন ফস্টার ডালেসের কামা ছিল, বস্তুতপক্ষে আইসেনহাওয়ার ডকট্রিন সেই ট্রুম্যান ডকট্রিনেরই স্বাভাবিক পরিণতি। ব্যবধান মাত্র সময়ের, আব কালের কুটিল গতিব সঙ্গে সঙ্গে পৃথিবীর বদলতি অবস্থার। ১৯৪৭ সালে শীতল-যুদ্ধ সবমাত্র ঘোবালো হতে শব্দ করেছে; তার কেন্দ্র যুরোপ, সেখানেই সে সীমবন্ড। গ্রীস ও তুর্কীকে সাম্যবাদের কবল থেকে বাঁচানোর প্রাথমিক উদ্দেশ্য পশ্চিম যুবোপকে রক্ষা করা।

তখনো রুশিয়ার হাতে অটোম বোমা আসে নি। আমেরিকা পৃথিবীর বৃহত্তম সামরিক শক্তি। মধ্যপ্রাচ্যের ক্রোডভূমি আরব মহাদেশে বৃটিশ প্রভাব মোটামুটি অক্ষয়। রুশিয়া যুদ্ধান্তে একবার কিছুদিনের জন্যে ইরান ও তুর্কীর উপর দৃষ্টি হেনে ব্যর্থমনোরথ হয়ে মধ্যপ্রাচ্য থেকে একপ্রকার বিদায় নিয়েছে; আরব অঞ্চলে তার কোনো প্রভাবই নেই। আবব লীগ বিশেষভাবে বৃশ-বিরোধী; নাহাস পাশা প্রমুখ আরব নেতারা রুশিয়ার কাছে ঘণা ও অবহেলার পাত্র। ভূমধ্যসাগর ও মধ্যপ্রাচ্যের রাজনৈতিক বার্তাবরণে ষেটুকু অনিশ্চয় দৃষ্টিচ্যুতর আবির্ভাব, হস্তক্ষেপের হুমকি দিয়েই আমেরিকা তার গতিরোধে সক্ষম হবে, ট্রুম্যান ও তাঁর মন্ত্রিপরিষদ তাই বিশ্বাস করতেন।

১৯৫৬এর শেষে এ-অবস্থার আমূল পরিবর্তন হয়েছে। যুরোপে শীতল-যুদ্ধ এমনই একটা স্থায়ী সীমান্তের সৃষ্টি করেছে যে হাঙ্গারীর বিপ্লব, পোলাণ্ডের গোলমাল এমনকি রুশিয়ার রাজনৈতিক বিবর্তনও তাকে সামান্য নড়াতে পারে নি। এ-সীমান্ত লঙ্ঘন করে নতুন যুদ্ধ ডেকে আনবার দান্নিগ্র গ্রহণ করতে অনিচ্ছুক যেমন আমেরিকা তেমনি রাশিয়া; আবার

উভয়েই একই রকম দৃঢ়তার সঙ্গে এই সীমাস্তর রক্ষার জন্যে তৈরী। সুতরাং টেনেনবী থাকে "নড়েচড়ে বসবার স্থান" বলে বর্ণনা করেছেন শীতল-যুদ্ধের মঙ্গলবীরদের ভেমন কোনো সুযোগ নেই মরোপে। পূর্ব এশিয়ায়ও চীন মোটামুটি স্থির বাস্তবে পরিণত : সেখানে এবং দক্ষিণ-পূর্ব এশিয়ায়, নতুন কোনো গোলমালের সম্ভাবনা স্তিমিত। আফ্রিকায় চলেছে উপনিবেশ নীতির সঙ্গে জাতীয়তাবাদের তুমুল সংগ্রাম; রুশ প্রভাব যেটুকু আছে, তা কেবল মানুষের চিন্তাধারায়।

কিন্তু মধ্যপ্রাচ্যে পরিবর্তন পূর্ণবৃত্ত। ইংরেজ ও ফরাসী শক্তি অপসৃত। রুশ প্রভাব ক্রমবর্ধমান। আরব জাতীয়তাবাদ ঐতিহাসিক প্রেরণায় পশ্চিমবিরোধী। নেপথ্য থেকে প্রতাপ চালাবার দিন আর নেই। তাই রুশিয়াকে আটকে রাখবার প্রচণ্ড তাগিদে আইসেনহাওয়ার ডকট্রিনের সিঁড়ি বেয়ে আমেরিকা সোজাসুজি এসে নেমেছে আরব-রূপ-প্রাঙ্গণে।

১৬

"আঘাত করবে হলে দৃঢ়মনা হবে হানতে হবে, সমস্ত শক্তি দিয়ে একই বার, স্বল্পস্থায়ী তাব ব্যথা বহুদিন লেগে থাকবে না। আর, মঙ্গল দান করতে হবে একটু একটু করে, যাতে গ্রহীতা তাব পূর্ণ আম্বাদ উপভোগ করতে পারে"—মেকিঘাভেলি

রাষ্ট্রপতি আইসেনহাওয়ার জন ফস্টাব ডালাসকে আমেরিকার সর্বশ্রেষ্ঠ পররাষ্ট্র-সচিব বিশেষণে ভূষিত করেছেন। আমেরিকার বাইরে অনেকেই অন্যমত পোষণ করেন।

আসলে মার্কিন শাসনব্যবস্থায় পররাষ্ট্র-সচিবের ভূমিকা সীমাবদ্ধ। আমেরিকার আড়াই শ তিনশ বছরেব পররাষ্ট্রনীতি গঠিত হয়েছে দমকা হাওয়ার মতো, বিশেষ বিশেষ রাষ্ট্রপতিদের নিজস্ব উদ্যোগে। যেহেতু মন্ত্রীরা জন্মেদার কেবল প্রেসিডেন্টের কাছে কংগ্রেসের নয়; যেহেতু একবার নির্বাচনের পর প্রেসিডেন্ট চার বছরেব জন্যে প্রায় স্বাধীনভাবে রাষ্ট্র-চালনা করতে পারেন, এবং যেহেতু মার্কিন বিশ্বচেতনা এখনো অপেক্ষাকৃত অপক, তাই পররাষ্ট্রনীতিব মূল ও মৌলিক প্রেরণা এসেছে বিভিন্ন রাষ্ট্র-পতির থেকেই।

মুনরো টেরি করেছিলেন আমেরিকাব মুনরো ডকট্রিন—যাব মোস্তা কথা, তোমরা আমাদের মার্কিন মহাদেশে মাথা গলতে এস না, আমরাও তোমাদের মরোপ-এশিয়া-আফ্রিকার ব্যাপারে হস্তক্ষেপ করব না। অথচ এই সরে-থাকা নীতি সত্ত্বেও, মুনরোর আগেই মার্কিন নৌ-বাহিনী ভূমধ্যসাগরে ভেসে বেড়াত; মুনরো ডকট্রিন সত্ত্বেও চীন-জাপানে আমেরিকা সামরিক ও অর্থনৈতিক হস্তক্ষেপে নিরস্ত হয় নি।

প্রেসিডেন্ট উইলসন প্রথম বিশ্বযুদ্ধে যুদ্ধরাষ্ট্রকে বিশ্বদরবারে এনে-ছিলেন এক মহানায়কের ভূমিকায়, কিন্তু তাঁর পরাজয়ের সঙ্গে সঙ্গেই এ-ভূমিকার উপর যাবনিকা নেমে আসে।

উনিশশো বিশের পর দীর্ঘ তেরো বছর রাষ্ট্রনায়কত্ব করার অন্ততপূর্ব

সুযোগ নিয়ে রুজভেল্ট তাঁর দেশবাসীর মধ্যে একটা বিশ্বচেতনা জাগাতে সমর্থ হয়েছিলেন; কিন্তু সে-আমলের, এমন কি দ্বিতীয় মহাযুদ্ধকালীন, পররাষ্ট্রনীতিও রুজভেল্টের নিজস্ব নীতি। এজন্যেই দেখা গেছে এক এক জন রাষ্ট্রপতির শাসনে একাধিকবার পররাষ্ট্রসচিব পরিবর্তন, যেমন হয়েছিল ট্রুম্যানের সময়।

আজ পাঁচ বছর যাবৎ জন ফস্টার ডালেস পররাষ্ট্রসচিবের গদীতে আসীন। এই পাঁচ বছর দুনিয়ার গতি নানা সংকটের মধ্য দিয়ে কোনোমতে মহামৃত্যু বাঁচিয়ে চলে এসেছে। ডালেস নিজেই বলেছেন বৈদেশিক নীতির আসল কেরামতি পৃথিবীকে যুদ্ধের ঠিক কিনারে নিয়ে গিয়েও ম্যাজ-শিয়ানের কৌশলে আবার দূরে ফিরিয়ে আনা। নিজেই কবুল করেছেন কমপক্ষে তিনবার তিনি গোটা পৃথিবীকে তৃতীয় মহাসমরের একেবারে কিনারে নিয়ে গিয়ে আবার ফিরিয়ে এনেছেন।

পৃথিবীর স্থিতি বা লয় আজ নির্ভর করে মাত্র দুইটি মহাশক্তির উপর : রাশিয়া ও আমেরিকা। এর মধ্যে শিল্পে, সম্পদে, যন্ত্রসম্পত্তায় আমেরিকা অনেক বড়। তাই যারা আজ মার্কিন রাজদণ্ড অধিকার করে আছেন, তাঁদের উপর সমস্ত মানুষের বাঁচা মরার অনেকখানি দায়িত্ব।

রণক্ষেত্র থেকে রাষ্ট্রপতি ভবনে স্থানান্তরিত আইসেনহাওয়ার কূটনীতির সঙ্গে পাঁচ বছর আগে বিশেষ পরিচিত ছিলেন না। চার্চিলের দ্বিতীয় মহাযুদ্ধ-ইতিহাস পড়লে বরং প্রত্যয় হয় যে, সেনাপতি আইসেনহাওয়ার রণনীতিকে সাবেকী বৃটিশ কূটনীতি থেকে বাঁচিয়ে রাখতেই বার বার চেষ্টা করেছিলেন। যুরোপীয় যুদ্ধ পরিচালনায় চার্চিলের শ্রেষ্ঠ দাবী ছিল বলকান অধিকার করে রুশিয়ার আগেই পশ্চিম সৈন্যদলের নেতা মার্কিন বাহিনীর বার্লিন প্রবেশ; তা হলে যুদ্ধোত্তর যুরোপের মানচিত্র এতটা লাল হয়ে যেত না। কিন্তু রুজভেল্ট তখন আশা করে আছেন যুদ্ধান্তে মার্কিন-রুশ সহযোগিতার, আর আইসেনহাওয়ার পশ্চিমী রাজনৈতিক স্বার্থের চেয়েও বড় করে দেখছেন সমাবেত মিত্রশক্তির বিজয়কে। তাই চার্চিলের দাবী সৌদিদ অগ্রাহ্য হয়েছিল।

আইসেনহাওয়ার যখন প্রথম রাষ্ট্রপতি নির্বাচনে প্রতিদ্বন্দ্বী, কোরিয়ার যুদ্ধে তখন কয়েক লক্ষ মার্কিন সৈন্য নিযুক্ত, কয়েক হাজার নিহত, বহু আহত। যুদ্ধ জয়ের আশা সুদূরপরাহত—যদি না তৃতীয় বিশ্বযুদ্ধ লড়াই করার বড়ো ঝুঁকি নেওয়া হয়। নির্বাচনের তিন চার দিন আগে আইসেনহাওয়ার প্রতিজ্ঞা করে বসলেন, “নির্বাচনের পরেই আমি নিজে কোরিয়া যাব এবং আমাদের সৈন্যদের ঘরে ফিরিয়ে আনবার ব্যবস্থা করব।” এই শান্তির আশ্বাসবাণীই তাকে জয়যুক্ত করেছিল। পররাষ্ট্রনীতি তিনি মোটামুটি ছেড়ে দিয়েছিলেন জন ফস্টার ডালেসের হাতে, শুধু একটি মাত্র শর্তে : যুদ্ধং দেহি যুদ্ধং দেহি বলে চেঁচাতে পারো, যুদ্ধের কিনার পর্যন্ত যেতেও পারো, কিন্তু, বাপু, যুদ্ধ বাঁধিয়ে বোসো না।

পররাষ্ট্রনীতিতে ডালেস যে-সব সমস্যার সম্মুখীন হয়েছেন তাঁর আগে কোনো মার্কিন পররাষ্ট্রসচিবকে সে-রকম হতে হয় নি। প্রধানতম সমস্যা, সাম্যবাদ প্রসার নিরস্ত করা। এবং যেহেতু এ-জন্যে পুরাতন সাম্রাজ্যবাদী

দেশগুলির সহায়তা একান্ত আবশ্যিক, তাই উদারনীতির চেয়ে যুদ্ধ-প্রস্তুতি নীতিই তিনি বেছে নিয়েছেন। অসাম্যবাদী পৃথিবীর নামক আমেরিকা, তার অর্থ ও অস্ত্র ছাড়া এ-পৃথিবীর অধিকাংশই বিপন্ন।

বিশাল পৃথিবীতে সাম্যবাদী ও সাম্রাজ্যবাদবিরোধী দুইটি সীমা-নির্দিষ্ট শিবিরে পরিণত করা ডায়েস পররাষ্ট্রনীতির ছিল অন্যতম প্রধান লক্ষ্য।

যারা কোনো শিবিরেই ভিড়তে অনিচ্ছুক সে-সব তথাকথিত নিরপেক্ষ দেশগুলির প্রতি মার্কিন পররাষ্ট্র সচিব অপ্রসন্ন।

পশ্চিম যুরোপকে যুক্তরাষ্ট্র সতাই রক্ষা করেছে সাম্যবাদ থেকে; আজকের যুরোপ বলতে যাকিছু বোঝায় তার অনেকখানিই মার্কিন দক্ষিণা ও নেতৃত্বের সাফল্য। গত পাঁচ বছরে সাম্যবাদ যে শূন্য উত্তর ভিয়েতনাম ব্যতীত অন্য কোনো নতুন দেশে স্থায়ী পতাকা ওড়াতে পারে নি ডায়েস সাহেবের এটাই শ্রেষ্ঠ কৃতিত্ব। প্রায় পঞ্চাশটি দেশে মার্কিন সামরিক ঘাঁটি আজ প্রতিষ্ঠিত; এই ঘাঁটিগুলি তিনদিক থেকে রাশিয়াকে ঘিরে রেখেছে সংগ্রামপ্রস্তুত সেনা ও রসদ নিয়ে। ঊনষাটটি দেশ মার্কিন অর্থ ও অস্ত্র সাহায্যে উপকৃত, অনুগৃহীত। এশিয়া ও আফ্রিকায় কম পক্ষে চৌদ্দটি দেশ এই অর্থ-অস্ত্র সাহায্যের বিনিময়ে তাদের পররাষ্ট্রনীতির স্বাধীনতাকে কমবেশি খর্ব করেছে। আদর্শগত ও এক-স্বার্থজাত যে-ঐক্য ১৯৫৫ সালের এপ্রিলে অনুষ্ঠিত বান্দুং মহাসম্মেলনে এক অভিনব আশার আলো বিকীর্ণ করেছিল সে-সম্পদ থেকে এশিয়া-আফ্রিকা আজ অনেকখানি বঞ্চিত। এখানেও মার্কিন পররাষ্ট্রনীতির অন্যতম শ্রেষ্ঠ সাফল্য।

মধ্যপ্রাচ্যে আজ পৃথিবীর দুইটি মহাশক্তিরই ছায়া পড়েছে। আমেরিকা ও রাশিয়া উভয়েই শীতল-যুদ্ধের এই আধুনিকতম রণক্ষেত্রে সক্রিয়ভাবে অবতীর্ণ। এখন যে-লড়াই শূন্য হয়েছে শতাব্দী-প্ৰবাহন সাম্রাজ্যবাদ-জাতীয়তাবাদের সংগ্রাম থেকে তা সম্পূর্ণ অগোচর। এ-সংগ্রাম পরিপূর্ণ আগ্রাসী; উভয় শিবির থেকেই সমান সরাবে দোহাই দেওয়া হচ্ছে আরব স্বাধীনতার।

শূন্য তফাত হল এই যে, আমেরিকা তার প্রভাব বিস্তারের জন্যে সহায়তা নিচ্ছে একদিকে যতদূর সম্ভব বৃটেনের, অন্যদিকে আরব নৃপতিদের বা জনসমর্থনহীন এক নেতৃকুলের। যে বিস্তার ও বলিষ্ঠ জাতীয়তাবাদকে আমেরিকা বিরোধী করে তুলেছে তাকেই সংতুষ্ট করতে তৎপর হয়ে উঠেছে রাশিয়া।

তাই আরব সমাজে বর্তমান দিনে রুশ প্রভাব ক্রমবর্ধমান।

আমরা দেখেছি ডায়েস চেয়েছিলেন আরব জাতীয়তাবাদের সংগে মার্কিন মিতালির গোড়াপত্তন করতে। পারেন নি। প্রথমত, ইরাকের বিরোধিতায়, দ্বিতীয়ত দৈর্ঘ্যের অভাবে। বাগদাদ চুক্তির চরম প্রয়োজন মিশরকে বিরোধী-পক্ষ করে তুলল; যে-নাসেরকে ফারুক-নির্বাসন পর্বের মধ্য দিয়ে বিপ্লবী শাসন প্রতিষ্ঠিত করতে আমেরিকাই সাহায্য করেছিল, সেই নাসেরই হয়ে দাঁড়ালেন ডায়েসের প্রধানতম আরব প্রতিপক্ষ; সেই নাসেরই মধ্যপ্রাচ্যে পথ করে দিলেন রুশ প্রভাবের। যে-মিশরকে ডায়েস কোনোদিন জানবার, চেনবার,

বোঝবার চেষ্টা করেন নি, তারই মাধ্যমে আরব-ভূমিতে মার্কিন নীতির আজ কঠিনতম প্রতিরোধ।

ট্রুম্যান ডকট্রিন থেকে বাগদাদ চুক্তি পর্যন্ত অর্থাৎ ১৯৪৭ সাল থেকে ১৯৫৫ সালের প্রথম পর্যন্ত মার্কিন মধ্যপ্রাচ্যনীতির মূল প্রেরণা ছিল সাম্যবাদবিরোধিতা, রাশিয়ার প্রসার সম্ভাবনার পথরোধ করা।

মিশর নিয়েই ডালেস একটা প্রকৃত য়ুরোপ-নিরপেক্ষ আরবনীতির সূচনা করেন, মিশরেই সে-নীতির হঠাৎ একটা আশাপ্রদ স্ফূরণের সম্ভাবনা দেখা দিয়েছিল, মিশর নিয়েই আইসেনহাওয়ার ডকট্রিনের পথ ধরে সে-নীতি বর্তমান বধ্যা পর্যায়ে উপনীত। মিশর-সিরিয়াকে আরব সমাজ থেকে বিচ্ছিন্ন করার যে-প্রয়াস বর্তমান মার্কিন নীতির প্রধান কাম্য তারই মধ্যে নিহিত এ-নীতির পরাজয়ের বীজ।

সুয়েজ সঙ্কটের সূচনা করেন জন ফস্টার ডালেস। কাইরোতে মার্কিন রাষ্ট্রদূত চার্লস্ বাইরড এবং পররাষ্ট্র দপ্তরে মধ্যপ্রাচ্য বিভাগের অধিকারী জর্জ এ্যালেন উভয়েই ছিলেন নাসের সরকারের প্রতি সহানুভূতিশীল। তাঁরা খবর পেলেন বান্দুং-এর পরেই নাসেরের মিশর সম্পর্কে রুশ নীতির হঠাৎ পরিবর্তন হচ্ছে। শেপিলভের প্রভাবে ক্রেমলিনের পররাষ্ট্রদপ্তরে সূচনা হচ্ছে নতুন এক আরব নীতি। বাইরড ও এ্যালেন ডালেসকে পরামর্শ দিলেন আসওয়ান বাঁধ নির্মাণে মিশরকে সাহায্য করতে। ডালেস তৎপচৎ বিবেচনা না করেই রাজী হয়ে গেলেন। তিনি আশা করেছিলেন সাহায্যের বিনিময়ে নাসের অন্তত পরোক্ষভাবে বাগদাদ চুক্তিতে যোগদান করবেন। ডালেসের অনুরোধে একদিকে বিশ্বব্যাংক অন্যদিকে অনিচ্ছুক ও নিবাসহ বুটেনও সাহায্য দানে স্বীকৃত হল।

কিন্তু এমধ্যে কয়েকটা অভাবনীয় ঘটনা এসে গেল। অপ্ৰত্যাশিত-ভাবে ডালেস দেখতে পেলেন মার্কিন কংগ্রেসের একদল প্রভাবশালী সদস্য মিশরকে নির্মাণ-সাহায্য দেবার ঘোর বিরোধী। মস্কো দূতাবাস থেকে গোয়েন্দাবাহিনীতে ডালেস জানতে পেলেন শেপিলভের দৃঃসাহসী আরব তোষণনীতির বিরুদ্ধে রয়েছে কয়েকজন প্রধান রুশ নেতা, এবং আসওয়ান বাঁধ নির্মাণে রুশ সাহায্যের যে সংবাদ পেয়ে তিনি প্রমাদ গুনেছিলেন তা গুরুত্ব মাত্র। ডালেস ভাবলেন নাসের রুশ সাহায্যের ব্যাপারটা প্রেক্ষ 'শ্রদ্ধা-মেল' হিসাবে ব্যবহার করেছেন। আসলে রুশ সরকার তখনো সাহায্যের ঠিক কোনো প্রতিশ্রুতি দেন নি, যে সহানুভূতিশীল বাকশৈলী তাঁরা ব্যবহার করেছিলেন নাসেরের পত্রের উত্তরে, তা থেকে মিশর সরকার একটা আশাপ্রদ অনুমান গ্রহণ করেছিলেন। নাসেরের ইচ্ছা ছিল আমেরিকা ও বুটেনের সাহায্য নিয়েই আসওয়ান বাঁধ নির্মাণ করা; তিনি রুশ সাহায্য নিতে চান নি তার রাজনৈতিক ফলাফল বিচার করে। বরঞ্চ তিনি বিশেষ করে চেয়ে-ছিলেন পূর্ব য়ুরোপ থেকে তাঁর সৈন্যবাহিনীর জন্যে অস্ত্র আমদানী করতে।

এর প্রয়োজন হয়ে পড়েছিল। পশ্চিম শক্তিরয়—বুটেন, ফ্রান্স এবং আমেরিকা—অস্ত্র সরবরাহের ব্যাপারে একটা বিচিত্র নীতি অনুসরণ করে আসছিল ১৯৫০ সাল থেকে। ইজরেইল আর আরব পাবে সমান ভাগ।

অর্থাৎ ইজরেইল যদি পায় পাঁচটি ট্যাংক, সমস্ত আরব দেশগুলি মিলে পাবে পাঁচটি। এর ফলে ইজরেইলের সামরিক শক্তি যেমন বাড়ছিল, মিশরের তেমনই কমে বাচ্ছিল। নাসের সেনাপতিদের সাহায্য নিয়ে সার্থক করে তুলেছিলেন তাঁর বিপ্লবকে। প্যালেস্টাইন যুদ্ধে মিশরের শোচনীয় সামরিক পরাজয়ের স্মৃতি সেনাপতিরা বিস্মৃত হন নি। তাঁরা চাপ দিচ্ছিলেন নতুন অস্ত্রের জন্যে, সৈন্যদলকে নতুনভাবে গড়ে তোলায় জন্যে। এ-দাবী নাসের উপেক্ষা করতে পারেন নি, করলে তাঁর বিপ্লবী-শাসন বিপন্ন হত। পশ্চিমী দেশ থেকে অস্ত্র পাওয়া অসম্ভব—গোপন পথ ছাড়া। তাই নাসের বাধ্য হলেন রাশিয়ার কাছে অস্ত্র ক্রয়ের অনুরোধ জানানোতে। কিছুদিন ইতস্তত করে রুশ সরকার রাজী হলেন। কিন্তু নিজে এ-দায়িত্ব না নিয়ে, তুলে দিলেন চেকোস্লোভাকিয়ার হাতে।

ডালেস এই অস্ত্র-সরবরাহ চুক্তির খবর পেয়ে একদিকে যেমন শঙ্কিত হলেন অন্যদিকে তেমন নিশ্চিন্ত। শঙ্কিত হলেন এ-জন্যে যে রুশ প্রভাব আরব-ভূমিতে একবার স্থাপিত হলে বহু শতাব্দীর পরিচিত তার চেহারা একেবারেই বদলে যাবে। নিশ্চিন্ত হলেন কেননা আসওয়ান বাঁধ নির্মাণে যে-সাহায্যের প্রতিশ্রুতি কংগ্রেসে কঠিন প্রতিরোধের সৃষ্টি করেছে এ-সুযোগে তা প্রত্যাখ্যান করা সম্ভব হবে।

অস্ত্র সরবরাহ নিয়ে চেক সরকার মিশরের সঙ্গে যে-চুক্তি স্বাক্ষর করে-ছিলেন সব দিক দিয়েই তা কাইরোর অনুকূল। প্রত্যেক বছর মিশর সরকারকে তুলো বেচতে বিশ্ব প্রতিযোগিতার সম্মুখীন হতে হয়। অন্যতম প্রধান প্রতিদ্বন্দ্বী আমেরিকা। তুলোর দাম ওঠা-নামার সঙ্গে সঙ্গে হাজার হাজার মিশরী চাষী পরিবারের দরিদ্র জীবন-মান ওঠে-নামে। চেক সরকার অস্ত্রের মূল্য তুলো আমদানী করে শোধ দিতে মিশরকে অনুমতি দিলেন—বেশ কয়েক বছরের মধ্যে। তাতে তুলোর একটা বাজার কয়েক বছরের জন্যে নিশ্চিন্ত হয়ে রইল।

ডালেস ব্যাপারটাকে অন্য রং মাখালেন। তিনি বললেন, মিশর কয়েক বছরের জন্যে তার শ্রেষ্ঠ পণ্য রাশিয়ার কাছে বন্ধক রেখেছে; আসওয়ান ধ্বংস শোধ করার ক্ষমতা তার নেই। আগেই বলা হয়েছে ১৯৫৬ সালের ১৬ই জুলাই ডালেস ডেকে পাঠালেন মিশরী রাজদূতকে। পররাষ্ট্র দপ্তরে তাঁর প্রশস্ত কক্ষে নাসেরের দূত যখন এসে বসলেন, তাঁর মুখে পার্শ্বকার আশাব চিহ্ন, তিনি নিশ্চিন্ত যে একটু পরেই কাইরোতে এক অতি শূভ সংবাদ পাঠাতে পারবেন। কিন্তু ডালেস মিশর-চেক অস্ত্র চুক্তির উল্লেখ করে, মিশরের আর্থিক স্বাস্থ্যকে দূষিত আখ্যায় ভূষিত করে যখন সাহায্যের প্রতিশ্রুতি প্রত্যাহার করলেন, এই নিতান্ত অপ্রত্যাশিত বাৰ্থতায় মিশরদূতের মুখ অপমানে রক্তিম হয়ে গেল। ডালেসের সঙ্গে করমর্দন না করেই তিনি বেড়িয়ে গেলেন।

ডালেস স্বয়ং তাঁর বৈদেশিক দৃষ্টির ব্যাখ্যা করেছেন “যুদ্ধ না শান্তি” নামক একখানা পুস্তকে। বর্তমান মার্কিন বিশ্ব-দৃষ্টির পরিচয়ের জন্যে এ-পুস্তক অবশ্যপাঠ্য। মনে রাখতে হবে ঐদূর আমলের আগে থেকেই ডালেস মার্কিন সরকারের পররাষ্ট্রনীতির সঙ্গে সংশ্লিষ্ট। ডাম্বারটন ওক্‌স্ ও স্যান

ফ্রান্সিসস্কেতে জাতিপন্থের গোড়া-পত্তন ও প্রতিষ্ঠার সময় তিনি ছিলেন মার্কিন প্রতিনিধিদলের সভ্য। পরে কোরিয়া-সমস্যার সম্মুখীন হয়ে ঐরামান যখন “উভয়দলীয়” বৈদেশিক নীতির উদ্বেগধন করেন—অর্থাৎ বিরোধী রিপাবলিকান পার্টি'কে ডেকে আনেন সরকারী বৈদেশিক প্রচেষ্টায় সাহায্য করতে—তখন থেকেই ডালেস স্টেট ডিপার্টমেন্টের সঙ্গে সক্রিয় ভূমিকায় জড়িত। এ-দিক থেকে দেখতে গেলে গত দশ বছরের মার্কিন বৈদেশিক নীতিতে ডালেস সাহেবের প্রভাব বর্তমান।

ডালেস তাঁর “যুদ্ধ না শান্তি” শব্দ করেছেন “বিপদের” সংকেত নিয়ে। প্রথমেই পৃথিবীকে সাবধান করে দিয়েছেন “যুদ্ধ সম্ভব”—ওয়ার ইজ প্রবাবল্; তারপর বলছেন, “কিন্তু অবশ্যসম্ভাবী নয়”, নট্ ইনএভিটেবল্। ভয়ানক এক বিপদের সম্মুখীন সারা দুনিয়া—এ-বিপদ হল “সোবিয়েত কম্যুনিজম”, যা সমস্ত মনুষ্য সমাজের এক তৃতীয়াংশের উপর কর্তৃত্ব বিরাজমান। দ্বিতীয় পরিচ্ছেদে ডালেস দেশবাসীকে উপদেশ দিয়েছেন “শত্রুকে চিনে রাখুন”—নো ইয়র এনিমি; এ-শত্রু হচ্ছে রাশিয়া। স্তার্লিনের একখানা বই থেকে বিস্তৃত উদ্ধৃতির সাহায্যে তিনি প্রমাণ করেছেন সোবিয়েত কম্যুনিজম “বিশ্বজয় প্রত্যাশী”, এবং ঘোষণা করেছেন, আমেরিকা “তৌষণ নীতি”র ধার দিয়েও যাবে না—নো এ্যাপীজমেন্ট। এর পরে ডালেস মার্কিন কণ্ট্রীটির যে-বিন্যাস দিয়েছেন তার অভিব্যক্তি বর্তমান যুগের কঠিন বাস্তবে পরিণত হয়েছে।

“... ..শব্দরীর শশধর
মধ্যাহ্নের তপনেরে শ্বেব নাহি করে—
কিন্তু প্রাতে এক পূর্ব-উদয়শিখরে
দুই ভ্রাতৃ-সূর্যলোক কিছুরে না ধরে।.....
“এবা সকলে”র উদ্দেশ্য মস্তক আপন
যদি না রাখিবে (নেতা), যদি বহুজন
বহুদূর হতে তার সম্মুখে শির
নিত্য না দেখিতে পায় অব্যাহত স্থির,
তবে বহুজন পরে বহু দূরে তাঁর
কেমনে (নেতৃ দৃষ্টি) রাখিবে প্রচার।.....
“প্রীতি নাহি পাই
তাহে খেদ নাহি, কিন্তু স্পর্ধা নাহি চাই.....
.....আমি চাই ভয়,
সেই মোর রাজপ্রাপ্য—আমি চাই জয়
দুর্পিতের দর্প নাশি।”

অসাম্যবাদী পৃথিবীর বিরাট শঙ্খলাবন্ধ বা সদ্য শঙ্খলমুক্ত দেশগুলির প্রতি ডালেস অন্ধ ছিলেন না। তাই তাঁর পুস্তকে সন্তম পরিচ্ছেদে তিনি বলেছেন, “স্যান ফ্রান্সিসস্কে সম্মেলনের সময় আমরা হিসাব করে দেখেছি সত্তর কোটি মানুস—পৃথিবীর সব মানুসের প্রায় তিনভাগের একভাগ—পশ্চিমের পভুত্বের পাথর-চাপায় রাজনৈতিক স্বরাজ থেকে বঞ্চিত।” কিন্তু পশ্চিমী সাম্রাজ্যবাদকে ডালেস যে-ক্ষমাশীল উদার দৃষ্টিতে দেখেছেন সেখানেই

তার চরম ব্যর্থতা। তিনি পাগিকড়ের “এশিয়ার পশ্চিম প্রভু”* পড়েছেন কিনা জানা নেই। কিন্তু য়ুরোপের এশিয়া আফ্রিকা অধিকার, সাম্রাজ্য-সংগঠন ও শাসনের মধ্যে ডালেস একটি নিরবচ্ছিন্ন ক্রিষ্টিয়ান ঐদার্ষ ও মানবিকতার প্রবাহ দেখতে পেয়েছেন। প্রথম থেকেই, তিনি বলেছেন, পশ্চিমী শাসন ছিল “আত্মত্যাগী”—নিজেকে সে নিজেই তুলে নেবার মহান আদর্শে অনুপ্রাণিত। তাই এই পরিচ্ছেদে এশিয়া-আফ্রিকার অগণিত মানুষের দীর্ঘ, তাঁর স্বাধীনতা সংগ্রামের কোনো উল্লেখ নেই। ডালেস শুধু সোবিয়ত রাশিয়া এই ঔপনিবেশিক সমস্যা কী ভাবে নিজের স্বার্থবৃদ্ধি ও প্রভাব-বিস্তারে বিবেকবিহীন নিয়োগ করছে তার নিন্দাই করেছেন, আর দেখিয়েছেন কতখানি মানবিক উদারতার সংগে আমেরিকা ও য়ুরোপ ঔপনিবেশ-সমস্যার সমাধানে এগিয়ে এসেছে।

পশ্চিমী সাম্রাজ্যবাদের ভবিষ্যৎ নিয়ে ডালেসের ভবিষ্যৎ-বাণী তাই একান্ত অবাস্তব। তিনি বলেছেন, “পশ্চিমের ধর্মপ্রেরণা তার সাম্রাজ্যবাদকে ইতিহাসের অতীত-সাম্রাজ্যবাদ থেকে পৃথক করেছে। আগেকার সাম্রাজ্য-গুলির ভিত্তি ছিল একমাত্র ঐহিক লাভ। শাসকরা শক্তিশূন্য হয়ে পড়লেই শাসিতেরা সবলে স্বরাজ ছিনিয়ে নিত। পুরাতন প্রভুদের হত্যা করত। এমনি করেই পুরাতন সভ্যতা বিনষ্ট হয়েছে। পশ্চিমী সভ্যতা সে-ভাগা এড়াতে পারবে।”**

ডালেসের মধ্যপ্রাচ্যনীতি নিয়ে “ওয়ারশিংটন ইভনিং স্টার” পত্রিকায় ডরোথি টমসন ২৫শে সেপ্টেম্বর তারিখে এক নিবন্ধে লিখেছেন, “আমেরিকার নীতি-নির্মাণাতারা বিংশ শতাব্দীর মধ্যভাগে একটি বিরাট শক্তির কীভাবে চলা উচিত তার বিন্দুমাত্রও জানেন বলে মনে হয় ন’। পরবাস্তু বিভাগের উপর এমন সব প্রভাব রয়েছে যার কাম্য মধ্যপ্রাচ্যে একদিন একটা চরম শক্তিপরীক্ষা হয়ে যাক। সবাই জানে এ-প্রভাব আসছে কোথা থেকে। কিন্তু প্রেসিডেন্ট আইসেনহাওয়ার বা পররাষ্ট্রসচিব ডালেস দৃষ্টিতেই এহেন শক্তি-পরীক্ষার বিরোধী। তাঁরা শুধু “স্বাধীনতা দেই” ভাব দেখাতে চান, তার উপর কিছু নষ্ট। ডালেস বিংশ শতাব্দীর মধ্যপথের চেহারার সংগে পরিচিত নন। মাঝ-মুখী কুটনীতির ব্যর্থতা তিনি স্বীকার করতে চান না। আসলে মারমুখী কুটনীতিও তিনি এড়িয়ে চলতে চান। তিনি শুধু হিলিউড এবং টেলিভিশনে প্রচারমুখী কুটনীতির অধিকারী। আরব দেশগুলিকে যারা একটুও জানেন তাঁরাই বলবেন এই কুটনীতি ব্যর্থ হতে বাধ্য। ডালেসকে সংঘত ও স্থির থাকতে হবে, নয়তো আমেরিকার পরাজয় অনিবার্য। কুটনীতি কেবলমাত্র কতগুলি প্রচারধর্মী আশ্বালন নয়। বৃহৎ শক্তিদের প্রচার-এজেন্টের প্রয়োজন হয় না। তাদের চাই আত্মসম্মানবোধ, সংযম ও সহজ বুদ্ধি।”

ডরোথি টমসনের ভাষা কঠিন। কিন্তু সুয়েজ সংকটের শুরুর থেকে বর্তমান সময় পর্যন্ত মধ্যপ্রাচ্যে মার্কিননীতির মধ্যে আত্মসম্মানবোধ, সংযম ও সহজবুদ্ধির অভাব প্রত্যেক পর্যায়ে অনুভূত হয়েছে।

আসওয়ান বাঁধ নির্মাণে সাহায্যের প্রতিশ্রুতি এমন হালকা অঙ্গহাতে

* “Asia And Western Dominance”, by K. M. Panikkar.

** “War or Peace”, by John Foster Dulles, Page 87.

প্রত্যাখ্যার করে ডালেস আমেরিকার সম্মানকে গুরুতর আঘাত করেছিলেন। পৃথিবীর জ্যেষ্ঠতম, সম্পন্নতম দেশ আমেরিকা; তার কথার দাম অত ছোট হলে বিশ্বের দরবারে তার নেতৃত্ব ক্ষুণ্ণ হয়। শৃঙ্খলা তাই নয়। ডালেস ভাবতেও পারেন নি প্রত্যুত্তরে নাসের সূয়েজখালকে মিশরের সার্বভৌম আওতার নিয়ে আসবেন; ব্রহ্ম কণ্ঠে ঘোষণা করবেন, “আমেরিকা, তুমি তোমার নিজের রোষান্বিত নিজেই জ্বলে মরো : আজ থেকে সূয়েজ খাল চালাবে মিশর, মিশর, মিশর।” ব্রিয়োনীতে নেহরু এবং টিটো নাসেরকে নিমন্ত্রণ করে বিশ্বের অ-দলীয় অংশের অন্যতম নেতৃত্বের আসনে স্থান দেওয়ায় ডালেস কুপিত হয়েছিলেন। ব্রিয়োনী থেকে ফিরে এসেই নাসের সূয়েজশাসন মিশরের হাতে তুলে নিয়ে ডালেসকে ভারত ও যুগোস্লাভিয়ার প্রতিও সন্দেহবান করে তুলে-ছিলেন। নেহরু যে এ-বিষয়ে সত্যিই কিছু জানতেন না এ-কথা বিশ্বাস করতে ডালেসের অনেক সময় লেগেছিল।

বহুদিন আগে মেক্সিকোতেই বলেছিলেন, দেবে একটু একটু করে, আঘাত হানবে একেবারে। সে-পথ অনুসরণ করে বৃটেন ও ফ্রান্স মিশর আক্রমণের উদ্যোগ শুরু করল সূয়েজ খাল জাতীয়করণের অব্যাহত পরেই। এ-যুদ্ধ প্রস্তুতি চলল অতি গোপনে, যদিও ইংলন্ডে ও ফ্রান্সে বেশির ভাগ সংবাদ-পত্রই ‘যুদ্ধ চাই’ বলে চেঁচাতে লাগল।

সমরায়োজনের তথ্য ওয়াশিংটনে পৌঁছতেই ডালেস প্রমাদ গণলেন। ১৯৫৬ সালের আগস্ট থেকে আমেরিকায় রাষ্ট্রপতি নির্বাচনের হিড়িক লেগে গেছে। মার্কিন জনসাধারণের কাছে আইসেনহাওয়ারের সবচেয়ে বড় পরিচয় তিনি শান্তিকামী। কোরিয়ার যুদ্ধ তিনি নিবির্যেছিলেন; বার বার পৃথিবীকে যুদ্ধের সীমানায় ডালেস ঠেলে নিলেও তিনিই যুদ্ধ ঘটে দেন নি। এখন যদি মধ্যপ্রাচ্যে নতুন এক সাম্রাজ্যবাদী যুদ্ধে আমেরিকা জড়িয়ে পড়ে, ডালেস ভাবলেন, তবে আইসেনহাওয়ারের পরাজয় অনিবার্য। ডালেস মনস্ত্বির করলেন তাঁর প্রধান প্রচেষ্টা হবে যুদ্ধ বন্ধ রাখা। যে-সংকট প্রধানত তাঁরই সৃষ্টি, তার পরিণাম ডালেসকে অভিজ্ঞত করে দিল।

ডালেস জরুরী তার পাঠালেন লন্ডন ও প্যারিসে সূয়েজ নিয়ে একটি আন্তর্জাতিক বৈঠকের অনুরোধ জানিয়ে। ইডেন ও মলে এই পরামর্শ গ্রহণ কবলেন দুইটি উদ্দেশ্য : প্রথমত, এই শান্তিমূলক উদ্যোগের অন্তরালে গোপনে যুদ্ধ প্রস্তুতির সুযোগ মিলবে; দ্বিতীয়, মিশরের বিরুদ্ধে গঠন করা যাবে একটি ঘনিষ্ঠ ঐক্যবদ্ধ আন্তর্জাতিক জনমত।

আগস্টে যখন লন্ডনে একুশটি দেশের বৈঠক বসল, ডালেস নিজেই প্রস্তাব করলেন সূয়েজখালকে স্থাপন করা হোক একটি আন্তর্জাতিক সংস্থার শাসনে। কনফারেন্সের বাইরে ইংরেজ ও ফরাসী মনোভাবকে নরম করতে তিনি সচেষ্ট হলেন। কিছুটা পারলেনও। ভারতকে তখন ডালেস গভীর সন্দেহের চোখে দেখেন। তাই কৃষ্ণ মেননের প্রস্তাব, যা গ্রহণ করলে অনেক কলঙ্ক থেকে বৃটেন, ফ্রান্স ও আমেরিকা রেহাই পেত, ডালেস প্রত্যাখ্যান করলেন। তবু ডালেস দেখতে পেলেন আন্তর্জাতিক সূয়েজ শাসন বোর্ড স্থাপনে জাপান, পাকিস্তান এবং ইরান নিরুৎসাহ। তাঁর প্রস্তাব অবশ্য অনুমোদিত হল ১৮টি দেশের সমর্থন পেয়ে। কিন্তু ডালেস

বৃহত্তে পারলেন পশ্চিম যুরোপ ও এশিয়া-আফ্রিকায় মিশরকে আহত করার প্রস্তাব স্বাগত হবার সম্ভাবনা নেই।

এবার এই আঠারোটি দেশের অনুমোদিত প্রস্তাব নাসেরের কাছে পৌঁছানো চাই। ডায়েস প্রস্তাব করলেন কনফারেন্সের একটি সাবকমিটি এ-প্রস্তাব নিয়ে যাক কাইরোতে। তাঁর ইচ্ছা ছিল এ-প্রস্তাবের ভিত্তিতে নাসেরের সঙ্গে আলাপ-আলোচনা চলুক।

কিন্তু ব্রুটেন ও ফ্রান্স তখন আক্রমণের দিন গুনছে, এই ব্যর্থ কূটনৈতিক চালটা যত শীঘ্র শেষ হয়, ততই তাঁদের পক্ষে শ্রেয়। তারা ডায়েসের প্রস্তাব মেনে নিল, কিন্তু এই শর্তে যে সাবকমিটি কোনো আলাপ-আলোচনা করতে পারবে না; শুধু নাসেরের সামনে প্রস্তাবটি রেখে বলবে, “বলো হাঁ কিংবা না।” আমেরিকায় ফিরে যাবার জন্যে ব্যস্ত জন ফস্টার ডায়েস আর একটি মারাত্মক ভুল করলেন, এই শর্ত মেনে নিয়ে। অস্ট্রেলিয়ার প্রধান মন্ত্রী মেনজিসের নেতৃত্বে সাব-কমিটি কাইরোতে অর্ধ-সপ্তাহ কাটিয়ে এল; মেনজিসের “চরম পন্থা” নাসের অগ্রাহ্য করলেন।

২৭

“এইমাত্র? আর কিছু নয়?”

ভেঙে গেল ভয়।”—রবীন্দ্রনাথ

সূয়েজখাল নিয়ে সংকট ১৯৫৬ সালের পৃথিবীকে আচ্ছন্ন করে দিয়েছিল। আজকের দৃষ্টিতে এ-সংকটের বিরাট অলীকতা ধরা না পড়ে যায় না। সাম্প্রতিক ঘটনার ঐতিহাসিক বিচার কিছুটা একদেশদর্শী হতে বাধ্য। কিন্তু ভবিষ্যতের ঐতিহাসিকও বিস্মিত হবেন এই ভেবে যে কত সহজে কত সাধারণ একটা সমস্যাকে কত জটিল করে তুলেছিল বিংশ শতাব্দীর অর্ধ-পথ-অভিক্রান্তা মানুষ! অবাধ হয়ে ভাববেন কতটুকুই এ-কালের পৃথিবী নিজের পরিচয় রাখত! না চিনত যুরোপ নতুন-জাগা প্রাচ্যকে; না চিনত আমেরিকা! যদি পারস্পরিক পরিচয়ের এমন সর্বনাশা অভাব বিচারবুদ্ধিকে এতখানি অন্ধকার না করত তবে এ-সংকটের সূচ্য, সমাধানের পথ এত ভয়ংকর অবরোধে লুপ্তকিয়ে যেত না।

এ-কথা বলে রাখা ভালো যে নাসের যে-উপায়ে সূয়েজখাল জাতীয় সরকারের আয়ত্রে এনেছিলেন, ভারত হয়ত সে-পথ এড়িয়ে চলতে চেষ্টা করত। কিন্তু নাসের যেভাবে ল্যাঞ্চে হয়েছিলেন, ভারতের সে-অভিজ্ঞতা নেই। আমাদের ভুললে চলবে না যে ১৯৫৭ সালের প্রথমে কাশ্মির নিয়ে ব্রুটেনের পার্কিস্থান সমর্থন ভারতকেও ভয়ানক ক্রুদ্ধ করে তুলেছিল, স্বয়ং নেহেরু পর্বন্ত ভারতের কমনওয়েলথ পারিত্যাগ সম্ভব বলে ঘোষণা করেছিলেন। মিশরের অবস্থা ভারতকে মোকাবিলা করতে হয় নি। হলে আমরা কী করতাম সেটা এখন কেবল আন্দাজ করা যেতে পারে।

নাসেরের জাতীয়করণ ঘোষণা নিয়ে মতভেদের অবকাশ থাকতে পারে, কিন্তু তিনি যে মিশরের সর্বজনস্বীকৃত মৌলিক অধিকারের বাইরে যান নি,

এ-বিষয়ে কোনো সন্দেহের অবকাশ ছিল না। সুয়েজ খাল মিশরের। কোম্পানী মিশরী আইনে প্রতিষ্ঠিত; তার উপর মিশরের সার্বভৌম কর্তৃত্ব প্রথম থেকেই স্বীকৃত। সুয়েজ খালের উপর এই কর্তৃত্বের বাস্তব প্রতিষ্ঠা ছাড়া মিশরের স্বাধীনতা যে পূর্ণাঙ্গ হতে পারে না, যে-কোনো স্থিরবুদ্ধি মানুষ্যই তা মেনে নেবেন।

কিন্তু নাসেরের ঘোষণার সঙ্গে সঙ্গেই বৃটেন ও ফ্রান্স একেবারে স্বেচ্ছা উঠল। নেতারা চোখ লাল করে শাসাতে শুরু করলেন; খবরের কাগজে যুদ্ধ-চাই সব উঠল। ১৯৫৬ সালের ২য় আগস্ট বৃটেন, ফ্রান্স ও আমেরিকা একটি যুক্ত বিবৃতিতে মিশরের জাতীয়করণের মৌলিক অধিকার স্বীকার করল, কিন্তু জানিয়ে দিল, সুয়েজ একটি আন্তর্জাতিক জলপথ, এর ভবিষ্যৎ নির্ধারণ করতে মিশর অন্যান্য দেশের পরামর্শ নিতে বাধ্য। একা মিশরের সাধ্য নেই এই জলপথকে নিরাপদ ও চালু রাখা, প্রয়োজনীয় উন্নতি সাধন করা।

যুক্ত বিবৃতি ১৬ই আগস্ট লন্ডনে একটি আন্তর্জাতিক সম্মেলন ডাকলেন—সুয়েজ সমস্যা আলোচনা করবার জন্যে নয়, আন্তর্জাতিক স্বার্থের অনুকূল এমন একটি সংস্থা তৈরি করতে যা সুয়েজ জলপথ পরিচালনার দায়িত্ব নেবে। অর্থাৎ, মিশরকে এ-দায়িত্ব যে দেওয়া যেতে পারে না, এটা ধরেই নেওয়া হল। তাই মিশর সরকার এ সম্মেলনে যোগদানের নিমন্ত্রণ প্রত্যাখ্যান করলেন। বেছে বেছে এমন সব দেশগুলিকে ডাকা হল, যাদের বেশির ভাগ বৃটেন ও আমেরিকার প্রদর্শিত পথে চলতে বাধ্য।

জাতীয়করণ ঘোষণার সঙ্গে সঙ্গেই নাসের জানিয়ে দেন মিশর ন্যায্য ক্ষতিপূরণ দেবে বিদেশী অংশীদারদের, সুয়েজখালে সব দেশের জাহাজই পাবে অব্যাহত পথ; মিশর ১৮৮৮ সালের কনভেনশন অঙ্করে অঙ্করে মেনে চলবে। তা-ছাড়া, এ-কনভেনশনকে বর্তমান অবস্থার সঙ্গে মিলিয়ে পুনর্লিখনেও মিশর সম্মত, যদি এ-উদ্যোগ রাষ্ট্রপুঞ্জের মাধ্যমে করা হয়। যে-কোনো সমস্যার সমাধানের জন্যে বন্ধুত্বপূর্ণ আলাপ-আলোচনার মিশর রাজ্যী, কিন্তু তার স্বাধিকার খর্বিত করতে কোনোমতেই তৈরী নয়।

১২ই আগস্ট কাইরোর পার্লামেন্ট হলে পাঁচশত দেশী বিদেশী সংবাদিকের বৈঠকে নাসের বললেন, “বিলাতী সংবাদপত্রগুলি বলছে, সুয়েজখাল আমি ডাকাতি করেছি। তারা ভুলে গেছে, এ-খাল মিশরে, এ-খাল মিশর-বাসীর। আমরা এ-খাল কেটেছি মিশরের কল্যাণের জন্যে, ইউরোপের মনোফর জন্যে নয়। আমরা প্রত্যেক দেশের জাহাজ চলাচলের অধিকার সংরক্ষিত করতে তৈরি; সে-জন্য উপযুক্ত গ্যারান্টি দিতেও প্রস্তুত। সুয়েজখাল হাতে ঠিক-মতো চলে সেটাই তো মিশর ও সমস্ত এশিয়া-আফ্রিকার প্রকৃত স্বার্থ! আমরা এতদিন পর ঘৃণিত সাম্রাজ্যবাদ থেকে রেহাই পেয়েছি। তার পরিবর্তে গোষ্ঠীগত সাম্রাজ্যবাদ গ্রহণ করবার আমাদের কোনো ইচ্ছা নেই।”

—“আপনি লন্ডন সম্মেলনে যেতে রাজী হলেন না কেন?”

—“প্রথমে ভেবেছিলাম আমি প্রাণপণ চেষ্টা করব ক্ষান্তি বজায় রাখতে। আলাপ-আলোচনার জন্যে যে-কোনো স্থানে যেতে রাজী ছিলাম। জাহাজ চলাচলের জন্যে গ্যারান্টি দিতে আমি তৈরী। কিন্তু তাই নিলে এত চোঁচমচি

কেন? কেন এই যুদ্ধের আয়োজন? কেন মিশরকে আর্থিক চাপ দেওয়ার এমন স্বজ্ঞার দাবি? সবাই বলছে, “নাসেরের উপর আমাদের বিশ্বাস নেই। তাকেই আমরা শেষ করতে চাই”। বেশ তো, যদি আমার উপর কোনো বিশ্বাসই না থাকে, তবে আমাকে লন্ডনে পেয়ে লাভ কী? আমরা আমাদের জাতীয় সম্মান অটুট রাখতে দৃঢ় প্রতিজ্ঞ। কিন্তু মিশর ছোট দেশ। বড় বড় দেশগুলি সৈন্য ও নৌবহর যোগার করতে পারে। আমরা পারি শুধু দেশের সম্মান রাখতে, শেষবিন্দু রক্ত বিসর্জন করতে।”

—“আপনি কি জাতিপুঞ্জের তরফ থেকে অবাধগতি যানবাহনের গ্যারান্টি দেওয়া সমর্থন করেন?”

—“আমরা তো বলেছি, সর্বসম্মত সমঝোতার পৌছবার আমরা পক্ষ-পাতী। কিন্তু গ্যারান্টির কথা যদি ওঠে, তবে মিশর সরকারের গ্যারান্টিই হবে সব চেয়ে কাজের।”

—“আপনার গভর্নমেন্ট বার বার ঘোষণা করেছেন সুয়েজ জলপথে সব দেশের অবাধগতি যানবাহনের অধিকার থাকবে। এটা আপনার দেওয়া কথা। কিন্তু ইতিহাসের নজির তুলে দেখানো যায় বার বার গভর্নমেন্ট পরিবর্তিত হয়, এক গভর্নমেন্ট অন্য গভর্নমেন্টের দেওয়া কথার সম্মান রাখে না। বৃটেন, ফ্রান্স ও আমেরিকা লন্ডনে যে-সম্মেলন আহ্বান করেছে তার উদ্দেশ্য, মিশরের উচিত অধিকার অক্ষুণ্ণ রেখে, সুয়েজ জলপথকে আন্তর্জাতিক শাসনে আনয়ন করা। শুধু আজকের নয়, ভবিষ্যতের মিশরী গভর্নমেন্টকেও একটা আন্তর্জাতিক গ্যারান্টিতে বেঁধে দিতে আপনার কোনো আপত্তি আছে কি?”

—“আপনি যে আন্তর্জাতিক শাসনের কথা বলছেন, তার আসল নাম যৌথ সাম্রাজ্যবাদ। আমরা তার পক্ষপাতী নই।”

—“সুয়েজ খাল জাতীয়করণের সিদ্ধান্ত আপনি কখন গ্রহণ করেছিলেন?”

—“আমেরিকা আসওয়ান বাঁধ নির্মাণ সাহায্য প্রত্যাহার করার পর্ব। আমরা কেবলি ভেবেছি, এ-সাহায্য কি আমরা পাবো? আপনারা জানেন, মিশরের জনসংখ্যা প্রত্যেক বছর পাঁচ লক্ষ বেড়ে চলেছে। আসওয়ান পরি-কল্পনার ব্যর্থতা মিশরের জীবনমানকে দরিদ্রত্ব করবে। আমরা যে-সিদ্ধান্ত করেছি, তা মিশরের কল্যাণের জন্য। আমরা স্বাধিকারের ঘাটা অতিক্রম করি নি। বৃটেন ও আমেরিকা চেয়েছে মিশরকে দরিদ্র করে রাখতে। আচ্ছা, এ-খাল তো আমরাই কেটেছি! কিন্তু কেন? বৃটেন, ফ্রান্স ও আমেরিকার জন্য? তা নয়। মিশরের কল্যাণের জন্য!”

স্যার এ্যান্টনী ইডেন লন্ডন সম্মেলনে মিশরকে নিয়ন্ত্রণ করেছিলেন বটে, কিন্তু তিনি একেবারেই চান নি নাসের সম্মেলনে যোগদান করেন। আগস্টের প্রথমেই বৃটিশ বেতায় ভাষণ দিতে গিয়ে ইডেন বলে বসলেন, “আমাদের শত্রু মিশর নয়, মিশরবাসী নয়, কর্নেল নাসের।”

পহেলা আগস্ট ‘ইউনিয়ন নিউজ’ পত্রিকা ঘোষণা করল, “ইডেন বলেছেন, সুয়েজ খাল ধরে রাখতে বৃটেন যুদ্ধের জন্য প্রস্তুত।” আগস্টের প্রথম সপ্তাহে ইডেন ইংরাজ শব্দ, নৌ ও বিমান বাহিনীকে মিশর অভিযানের জন্য তৈরি হবার আদেশ দিলেন। সমস্ত সৈন্যদের ছুটি বাতাল হয়ে গেল। তিন

বাহিনীর রিজার্ভিস্টদের আহ্বান করা হল যুদ্ধের জন্য প্রস্তুত হতে। লন্ডন 'টাইমস্' পত্রিকা ৩রা আগস্ট সংবাদ দিলেন, “রানী এলিজাবেথ সব রিজার্ভিস্টদের আহ্বান করে একটি ঘোষণা করেছেন।.....স্যার এ্যান্টনী ইডেন বলেছেন, এর উদ্দেশ্য হচ্ছে পূর্ব ভূমধ্যসাগর অঞ্চলে বৃটেনের ক্ষমতা বৃদ্ধি করা।” ৮ই আগস্ট ‘ইভনিং নিউজ’ সংবাদ দিলেন বাইশ-হাজার টনের ‘ব্ল-ওয়াক’ নামে দ্বিতীয় বিমানবাহী জাহাজ পোর্টস্মাউথ থেকে ভূমধ্যসাগর রওয়ানা হয়ে গেছে। ৫ই আগস্ট ‘ম্যানচেস্টার গার্ডিয়ান’ জানালেন, বিমান-যোগে বৃটিশ সৈন্য সমানে ভূমধ্যসাগরে নিয়ে যাওয়া হচ্ছে। ৩রা আগস্ট ‘টাইমস্’ নাশিয়ন করেছিলেন, “কোনো দূর্বোধ্য কারণে গভর্নমেন্ট ভূমধ্যসাগর অঞ্চলে যুদ্ধপ্রস্তুতির উপর গোপনীয়তার কালো পর্দা টেনে দিয়েছেন।” তা সত্ত্বেও ‘টাইমস্’ এই প্রস্তুতির বেশ একটা বিস্তৃত বিবরণ দিতে পেরে-ছিলেন। বামপন্থী ‘রেনল্ডস্ নিউজ’ আরো ভয়ানক সব গোপন তথ্য ফাঁস করে দিলেন।

পার্লামেন্ট-বিরোধী দলের নেতা হিউ গেটস্কেন ইডেনকে লক্ষ্য করে বললেন, “আপনি কি চান সমস্ত পৃথিবী বন্ধক বৃটেন ও ফ্রান্স মিশর আক্রমণ করার জন্য ইচ্ছে করে একটা অজুহাতের সৃষ্টি করেছে? সারা দুনিয়া আজ তাই বলছে। আপনার বক্তৃতা শুনে মনে হয় জাতিপঞ্জের সনদ বলে কোনো কিছুই অস্তিত্বই নেই।”

বৃটেন ও ফ্রান্সের যুদ্ধ-প্রস্তুতি ও নাসের-শায়েস্তা করবার হুমকি সত্ত্বে নাসের যদি লন্ডন সম্মেলনে উপস্থিত হতেন তা হলে সবাই ভাবত তিনি ভয় পেয়েছেন। মিশরের সম্মান ও স্বরাজ আর বেঁচে থাকত না।

২৪শে আগস্ট লন্ডনের ‘নিউজ ক্রনিকল্’ নাসেরের সঙ্গে তাদের কাইরো প্রতিনিধির বাক্যালাপের একটি বিবৃতি প্রকাশ করেন। নাসের বলেছিলেন, “লন্ডন বৈঠকে যাবার আমার ইচ্ছে ছিল। এমন কি আমি যাত্রার আলোচনা পর্যন্ত করেছিলাম। এমন সময় ইডেন ঘোষণা করলেন আমি তাঁর শত্রু।”

সেপ্টেম্বরের দ্বিতীয় সন্তাহে মেজিস মিশন কাইরো উপনীত হল। পরিষ্কার বোঝা গেল আলাপ আলোচনার কোনো অধিকার তাদের নেই। তাদের কর্তব্য শুধু নাসেরের কাছে লন্ডন বৈঠকে আঠারোটি দেশের অনুমোদিত প্রস্তাব পেশ করে মিশরের জবাব নিয়ে লন্ডনে ফিরে যাওয়া। তথাপি নাসের ৯ই সেপ্টেম্বর একটি দীর্ঘ স্মারকলিপি মেজিস মিশনের নিকট দাখিল করেন। এ-স্মারকলিপিতে সুয়েজ বিষয়ে মিশরের নীতি ও কর্মধারা নিপুণভাবে নিবেদিত হয়েছিল।

প্রথমেই এ-স্মারকলিপি জানিয়ে দিল যে-আঠারোটি দেশ মেজিস মিশনকে কাইরো পাঠিয়েছেন তা ছাড়াও এমন অনেক দেশ আছে সুয়েজ খাল বাদের কাছে অত্যন্ত প্রয়োজনীয়, তাদের মতামতকে অগ্রাহ্য করা মিশর মানতে পারে না। তা ছাড়া, সুয়েজ জলপথ জাতীয়করণ যে মিশরের স্বাধিকারেরই ন্যায়-সম্মত ব্যবহার এটাও ভুললে চলবে না। মিশর একটি সন্তোষজনক চুক্তিতে সুয়েজ খালের আন্তর্জাতিক গুরুত্ব মেনে নিতে প্রস্তুত; কিন্তু নিজের সার্ব-ভৌম অধিকারকে খর্বিত করতে তৈরী নয়। তা ছাড়া, মিশর আন্তর্জাতিক দায়িত্ব পালন করে নি, বা সুয়েজ খাল চালু রাখতে সক্ষম হয় নি, এমন কোনো

প্রমাণ কেউ দাখিল করতে সক্ষম হয় নি। যে-অলৌকিক সংকটের সৃষ্টি হয়েছে তার জন্যে দারূী পশ্চিমী দেশগুলি, তারাই যুদ্ধের দামাদা বাজাচ্ছে, সৈন্য পাঠাচ্ছে যিশরের আশেপাশে, সুয়েজ কোম্পানীর পাইলটদের পদত্যাগ করতে বাধ্য করেছে, আর মিশরকে দেখাচ্ছে নানা রকমের হুমকি। অথচ মুখে তারা শান্তির জলিতবাণী উচ্চারণ করেছে, জান করেছে সদিচ্ছাপূর্ণ সহযোগিতার।

স্মরকলিপিতে নাসের বললেন, আপনারা যে-প্রস্তাব নিয়ে এখানে এসেছেন তার একমাত্র উদ্দেশ্য মিশরের উপর পশ্চিমী প্রতাপ কায়েম রাখা। এ তো শান্তিপূর্ণ সহযোগিতার পথ নয়! এ-পথে চললে সুয়েজ খাল কেন, সমস্ত আরবভূমি ভ্রষ্টকর সংঘাতে ডুবে যাবে। “যে-কোনো সহযোগিতার পথই আপনারা বেছে নিন না কেন, মিশরের সক্রিয় অংশ আপনাদের পেতেই হবে, কেননা সুয়েজ খাল মিশরের বুক কেটে তৈরী। আর, মিশরই যদি আপনাদের তৈরী কোনো ব্যবস্থাকে মনে করে শত্রুভাবাপন্ন ও হিংসাত্মক, তাহলে সে সহযোগিতা করবে কেমন করে?”

নাসের মিশরের সুয়েজখাল নীতির চারটি প্রধান উদ্দেশ্য মৌজিস সাহেবের কাছে নিবেদন করলেন। মিশর প্রত্যেক দেশকে সমানভাবে এ-জলপথে জাহাজ চলাচলের অবাধ অধিকার দেবে। ভবিষ্যতের প্রয়োজন অনুযায়ী খালের উন্নতি সাধন করবে। শুল্ক ও অন্যান্য আর্থিক ব্যবস্থা হবে ন্যায়-সম্মত। টেকনিক্যাল দিক থেকে সুয়েজ জলপথকে সর্বাধুনিক অবস্থায় রাখা হবে।

মৌজিস মিশনের সঙ্গে কথাবার্তার এখানেই শেষ হল।

২৮

“তোমার বিব্যাট আরতন তোমার বিপুল সম্পদ আমার মনে বিশদ্যমত রাখা পাত করে নি। আরতন মহাত্মা আনে না ভূমিই একটি জাতি তৈরি করে না। সবচেয়ে বড়ো প্রশ্ন যার মধ্যে রয়েছে সত্যের মহনতা আর আসল ভাগ্যের আতঙ্ক—সেই আসল প্রশ্ন হচ্ছে: তুমি তোমার এত কিছ, নিয়ে কী করছ, যাচ্ছ কোন পথে?”

—টমাস হার্লি (১৪৭৬ সালে জন হপকিন্স বিশ্ববিদ্যালয়ে বক্তৃতা)

মৌজিস মিশন মুখ কালি করে লন্ডনে ফিরে এস। ইতিমধ্যে বৃটেন ও ফ্রান্স যুদ্ধের জন্যে তৈরী হয়েছে। ইংলন্ডে পশ্চিম হাজার বিজার্ড সৈন্যকে কাজে ডাকা হয়েছে, নৌ ও স্থল যুদ্ধের নানা বড় বড় মালমশলা গুদাম থেকে বার করা হয়েছে—যেমন সৈন্য তীব্র নান্দাব জাহাজ ট্যাংক বহন করবার জাহাজ, ডেস্ট্রয়ার, মাইন সইপার ইত্যাদি। ক্যাটোবিক ও মনস্বরী নামক দুইটি ঘাঁটিতে ট্যাংক, লরী ও অন্যান্য যন্ত্রপাতি এবং যান-বাহনকে মরুভূমির ধূসর-হারিৎ রংএ রঙিন করা হয়েছে। বৃটেনের দক্ষিণ তীরে বন্দরগুলিতে ভিড় করেছে মিশরযাত্রী সৈন্যদল।

ফরাসী সরকারও আলজেরিয়ার তিন ডিভিশন সৈন্য সমবেত করেছেন সুয়েজে পাঠাবার জন্যে। মার্সেলে জমায়েত হয়েছে আরো অনেক সৈনিক।

এ-সব মৌজিস কাইরো শাবার আগেই।

মের্সিস তাঁর 'শান্তিপূর্ণ' মিশনে তখনো রওয়ানা হন নি; এমন সময় লন্ডনে ও প্যারিসে একসঙ্গে ঘোষণা করা হল যে, এই সমরায়োজনের শৃঙ্খল 'প্রয়োজন হলে' নাসেরের অত্যাচার থেকে ইংরেজ ও ফরাসী বাসিন্দাদের বাঁচাবার জন্যে। আর, পূর্বে ভূমধ্যসাগরে ইংল-ফরাসী স্বার্থ রক্ষা করবার উদ্দেশ্যে। কাইরো থেকে নাসেরের উত্তর এল : 'মিশর প্রাণপণে আক্রমণ প্রতিরোধ করবে'। নাসের সামগ্রিক যুদ্ধ প্রস্তুতির আদেশ দিলেন।

এ-সময়ে ইংলন্ডের প্রায় প্রত্যেক জাতীয় সংবাদপত্রই আক্রমণাত্মক নীতির পক্ষে। শৃঙ্খল দূর-চারখানা বামপন্থী পত্রিকা শান্তিপূর্ণ সমাধানের ধার্নি তুলে অরণ্যে বোদন করছেন। ইডেন এবং মলে যে আক্রমণ পরিকল্পনা তাঁর করেছিলেন তা মোটামুটি এইঃ

পূরাতন সয়েজ কোম্পানী থেকে সব ইংরেজ ও ফরাসী পাইলট ও টেকনিশিয়ানদের তুলে নেওয়া হবে। তাতে সয়েজ জলপথ হয়ে পড়বে পঞ্চদ্বীপ জাহাজ যাতায়াত কমে আসবে দ্রুতগতিতে; তখন বটেন ও ফ্রান্স নলিশ নিয়ে হাজির হবে স্বস্তি পরিষদে। সেখানে তো জানা কথাই যে, রাশিয়া তার 'ভোটো' প্রয়োগ করে মিশর-বিরোধী কোনো প্রস্তাব 'পাশ' হতে দেবে না। তখন ১৮৮৪ সালের কনভেনশনের অঙ্গহাতে সৈন্য পাঠিয়ে দখল করা হবে সয়েজ, আব, বাধা পেলে, সন্ত্রাস মিশর। নাসেরকে নির্বাসন দিয়ে একজন মিত্রস্থানীয় কাউকে মিশরের শাসন দেওয়া হবে, প্রয়োজন হলে ফির্বিয়ে আনা হবে ফারুককে।

১২ই সেপ্টেম্বর, বৃহস্পতি এই চমৎকার পরিকল্পনা ইডেন পার্লামেন্টে উপস্থিত করবেন ঠিক করেছিলেন। আক্রমণের সব কিছুই তখন সম্পূর্ণ তৈরী। এমনকি জেনারেল স্যার চার্লস্ কেইটলীকে যুদ্ধ সৈন্যবাহিনীর অধিনায়ক পদে নিযুক্ত করা হয়েছে। ইডেনের সংকল্প সেপ্টেম্বরের মাঝামাঝিই অভিযান শুরু করা।

তবু আক্রমণ আরো সাত সপ্তাহ পেছিয়ে গেল।

এব জনাই দায়ী জন ফস্টার ডালেস।

বৃহস্পতি পার্লামেন্টে অভিবেশন। ইডেন তাঁর বক্তৃতার খসড়া তাঁর করে ফেলেছেন। তিনি তখন নিজেই ভাবছেন, হে বিজয়ী বীর। এমন সময়, সোমবার, অর্থাৎ ১০ই সেপ্টেম্বর, ১০ নম্বর ডার্টনিং স্ট্রীটের টেলিফোন বাত্রেতে বেজে উঠল। কথা কইছেন ওয়াশিংটন থেকে জন ফস্টার ডালেস। ডালেস এ-পর্বের বগদাম্মার আওয়াজ শুনতে পেয়েছিলেন। আইসেন-হাওয়ার বার বার ইজরেইলেব প্রধানমন্ত্রীকে সাবধান করেছেন হিংসাত্মক কিছু যেন না ঘটে। ডালেস ইংলন্ড ও ফ্রান্সকে মিশর আক্রমণ থেকে নিরস্ত করতে নতুন উদ্যমের প্রয়োজন অনুভব করলেন। তাই দূরধর্নিবহ যোগে যোগাযোগ করলেন ইডেনের সঙ্গে।

এই দূরপথের টেলিফোনে সত্যিকারের কী কথাবার্তা হইছিল কোনোদিন তা জানা যাবে না। ডালেস সাহেবের পরিষ্কার ও প্রাজ্ঞ করে কোনো কিছু ব্যাখ্যায় বলার ক্ষমতা কম। তিনি একজন লক্ষ্যপ্রতিষ্ঠ আইনজীবী। তাঁর কথাবার্তাতেও কেমন যেন একটা আইনের ঘোর-প্যাঁচ থাকে। তিনি যাই বলে থাকুন, ইডেন শুনলেন একরকম। ইডেন যাই শুনেন থাকুন, ডালেস

বললেন অনারকম। টেলিফোন-কন্ট্রীতি যে কতটা বিপজ্জনক হতে পারে তার উদাহরণ এই ২০ই সেপ্টেম্বরের কথোপকথন।

ইডেন যা বন্ধলেন তা হচ্ছে ডালেস বর্তমানে মিশরের বিরুদ্ধে সামরিক অভিযানের বিপক্ষে। কিছুদিন সবর করলে আরো বড় মেওয়া ফলবে। তিনি, অর্থাৎ ডালেস, ইতিমধ্যে একটা চমকপ্রদ স্প্যান তৈরি করেছেন। সতেরোটি দেশ নিয়ে তৈরী হবে সুয়েজ ব্যবহারকারী প্রতিষ্ঠান—সুয়েজ ইয়ুজার্স অ্যাসোসিয়েশন। তারা নিজেরা একত্রিত হয়ে পাইলট নিযুক্ত করবেন, নিজদের তহবিলেই মাস্কুল জমা দেবেন, এবং সুয়েজ জলপথে জাহাজ চালাবেন। যদি বাধা দেয় তবে সুয়েজ কানালই ত্যাগ করবেন; জাহাজ নিয়ে যাবেন উত্তরাংশ অস্তরীপ পেরিয়ে। খরচ?—যত টাকা লাগে দেবে গোরী সেন। ইডেন যেন শুনতে পেলেন ডালেস বলছেন, ‘আমাদের জাহাজ যদি বাধা পায়, তবে আমরা গালি করতে করতে এগিয়ে যাব’।

আনন্দে গোরবে ইডেনের মুখ উজ্জ্বল হয়ে উঠল। এই তো তিনি চেয়েছিলেন! ‘যুদ্ধং দেহি’ নীতির সঙ্গে আমেরিকাকে জড়াত্রে পারলে জয়ের পথ নির্বিঘ্ন।

তক্ষুনি তিনি প্যারিসে মলে-কে খবর দিলেন। বৃদ্ধবারেব জন্যে যে-ভাষণ তৈরি করেছিলেন তা ছিঁড়ে ফেলে নতুন একটি ভাষণ লিখলেন। লন্ডনে ও প্যারিসে পররাষ্ট্র দপ্তরের বড় সাহেবরা ডালেস-প্রস্তাবিত অ্যাসোসিয়েশনের স্প্যান তৈরি করতে লেগে গেলেন। বৃদ্ধবার অপরাহ্নে পার্লামেন্ট বসলে, গোরবোজ্জ্বল এ্যাটর্নাই ইডেন যে-বক্তৃতা দিলেন তাব সার মর্ম হল সুয়েজ ব্যবহারকারীদের অ্যাসোসিয়েশন তৈরী হবে মার্কিন সহযোগিতা নিয়ে, সে নিজের জাহাজ নিজের পাইলট দিয়ে চালাবে সুয়েজ জলপথে। ইডেন বললেন, “মিশর সরকারকে অনুবোধ করা হবে সুয়েজ খালে সর্বাধিক জাহাজ চলবার ব্যবস্থা চালু রাখতে। আমি সাফ বলে দিচ্ছি, যদি আমাদের কাজে মিশর কোনোপ্রকারের বাধা দেয়—”

হারল্ড ডেভিস—“আপনি ইচ্ছে করে মিশরকে উত্তেজিত করেছেন।”

ইডেন—“যদি মিশর আমাদের অ্যাসোসিয়েশনের কাজে বাধা দেয়, বা প্রয়োজনীয় সহযোগিতা না করে তবে সে পুনরায় ১৮৮৮ সালের কনভেনশন ভঙ্গ করবে। (কয়েকজন সদস্য চেঁচিয়ে উঠলেন “পদত্যাগ করুন, পদত্যাগ করুন”) আমি আপনাদের স্মরণ করিয়ে দিতে চাই যে আমি যা বলছি (একজন সদস্য—‘আহা রে, কি শান্তিকামী!’) তা একাধিক গভর্নমেন্টের যৌথ সিদ্ধান্ত। যদি মিশর তাই করে, তাহলে বটেন ও তার মিত্ররা এমন পস্থা অবলম্বন করবে—”

হারল্ড ডেভিস “আপনি কী বলতে চান?”

ইডেন—“এমন পস্থা অবলম্বন করবে যা অবস্থার দাবিতে প্রয়োজনীয়—”

ডেভিস—“আপনি তো যুদ্ধের কথা বলছেন!”

ইডেন—“আর এ-ব্যবস্থা নেওয়া হবে হয় জাতিপঞ্জের মারফত, নয়তো অন্য উপায়ে, আমাদের অধিকার প্রতিষ্ঠিত করার উদ্দেশ্যে।”

বটেনের রক্ষণশীল দলের সর্বত্র মহা আনন্দের সাড়া পড়ে গেল। যুদ্ধ-নীতিতে মার্কিন সমর্থন! এবার আর নাসের-দমনের বিলম্ব কী?

কিন্তু ইডেনের বক্তৃতার রিপোর্ট টেলিগ্রাফের ওয়াশিংটনের পররাষ্ট্র দপ্তরে পৌঁছেতেই এক মহা আতঙ্কের সৃষ্টি হল। ডালেস আবার কী করে বসেছেন? রিপাবলিকান দলের নেতারা বার বার আইসেনহাওয়ারকে টেলিফোন করতে লাগলেন। সত্যি কি ডালেস আশ্বাস দিয়েছেন আমেরিকা কামান দেগে দেগে স্লয়েজ দিয়ে তার জাহাজ নিয়ে যাবে? এ তো খোলাখুলি আক্রমণেরই নামান্তর!

ডালেস প্রমাদ গণলেন। তিনি তো কই এমন কথা টেলিফোনে ইডেনকে বলেন নি? লন্ডনে জরুরী বাতী পাঠানো হল। ডালেস তাড়াতাড়ি একটি সাংবাদিক বৈঠক ডেকে বসলেন, “শুটিং থু দি স্লয়েজ কানাল” তাঁর স্বপ্নেরও বাইরে; তিনি শুধু ভেবেছিলেন উত্তমাশা অন্তরীপ অতিক্রম করে জাহাজ পাঠানোর কথা, যদি স্লয়েজ খাল একান্তই বয়কট করতে হয়!

এদিকে ইডেনের অবস্থা সহজেই অনুমেয়! বৃহস্পতিবার যখন কমনস্-এর অধিবেশন শুরু হল, তখন ডালেসের সাংবাদিক বৈঠকে বিবৃতির বিবরণ সকলের জানা হয়ে গেছে। বিরোধী-দলের চাপে পড়ে ক্রম্ধ, আশাহত ইডেন “শুটিং থু” পথ ত্যাগ করতে বাধ্য হলেন।

এর পরে স্লয়েজ ব্যবহারীদের অ্যাসোসিয়েশন গঠন করবার জন্যে শ্বিতীয় বার যখন সতেরোটি দেশের বৈঠক বসল লন্ডনে, ডালেস প্রথমে যেতেই চাইলেন না। পরে, ইডেনের একান্ত অনুরোধে তিনি যখন হাজির হলেন, তখন দেখা গেল “উত্তমাশা অন্তরীপ” প্রদক্ষিণ প্ল্যানও কার্যকরী করতে তিনি ইতস্তত করছেন। কংগ্রেসে যে এ-নিয়ে বিরোধিতা হতে পারে এবং কংগ্রেসের অনুমতি না নিয়ে অর্থ সাহায্য করায় যে খুবই অসুবিধা, পূর্বে তিনি তা ভেবে দেখেন নি।

এদিকে গ্রীক, যুগোস্লাভ ও রুশ পাইলটদের সাহায্যে মিশরী পাইলটরা স্লয়েজ জলপথে জাহাজ চলাচল চালু রাখছে দিনের পর দিন। পশ্চিম যুরোপের কয়েকটি দেশ—জার্মানী ও নরওয়ে পৰ্যন্ত—জানিয়ে দিল যতদিন স্লয়েজ খোলা থাকবে, তারা উত্তমাশা ঘুরে এশিয়ায় যাবে না। তবু, এ-সব মহানৈক্য কোনো মতে ধামাচাপা দিয়ে, পঞ্চাৎ অকেজো এক স্লয়েজ ব্যবহারী সংস্থা গঠিত হল। শান্তির বিজয় পতাকা বহন করে ডালেস ফিরে গেলেন স্বদেশে।

যাবার আগে দেখা গেল বৃটেন ও আমেরিকার পররাষ্ট্র সচিবদের মধ্যে বাক্যালাপ বন্ধ।

২৬শে সেপ্টেম্বর যখন বৃটেন, ডালেসের আপত্তি অগ্রাহ্য করে স্লয়েজ সমস্যা নিয়ে স্বশ্চি পরিষদের বৈঠকে হাজির হল, আমেরিকা ভারতের সঙ্গে একত্র হয়ে একটা শান্তিপূর্ণ সমাধানের পথ খুঁজতে শুরু করল। তৈরী হল ছয়টি মূলনীতি যার উপর ভিত্তি করে মিশর, বৃটেন ও ফ্রান্স স্লয়েজ সমস্যার সমাধান করবে। ক্লক মেনন প্রণীত এই ষড়নীতির মোম্বা কথা হল তিনটি: মিশরের সার্বভৌম ক্ষমতা থাকবে অক্ষুণ্ণ; জাতীয়করণ পাবে আন্তর্জাতিক স্বীকৃতি; আর কোনো একটি বিশিষ্ট দেশের রাজনীতিই স্লয়েজ শাসনকে প্রভাবিত করবে না।

স্যার এ্যান্টনী ইডেন এবং মলে দৃজনেই এই ষড়নীতি মেনে নিলেন।

তথাপি চলল তাঁদের সম্মেলনোৎসব। ফ্রান্সের মাধ্যমে ইজরেইল এসে যোগ দিল মিশর আক্রমণের গভীর ষড়যন্ত্রে। তেল-আভিভ হয়ে উঠল এই ষড়যন্ত্রের প্রধান কেন্দ্র। ওখানকার মার্কিন রাষ্ট্রদূত হঠাৎ এর গন্ধ পেলে। হঠাৎ দেখতে পেলেন ইজরেজ ও ফরাসী দূতাবাসে সম্প্রহজনক গোপনীয় তৎপরতা। মার্কিন সামরিক প্রতিনিধি দেখতে পেলেন তাঁর ইং-ফরাসী সহকর্মীরা হঠাৎ এড়িয়ে চলতে শুরু করেছে। ঝাঁক ঝাঁক ফরাসী জঙ্গী বিমান ইজ-রেইলে এসে পৌঁছতে লাগল। সীমান্তবর্তী সামরিক ঘাঁটিগুলিতে হঠাৎ রণ-প্রস্তুতির সাজা পড়ে গেল। তেল-আভিভ থেকে খবর পেয়ে আইসেন-হাওয়ার ইজরেইলের প্রধান মন্ত্রী বেন গুরিয়নকে পুনরায় রণপথ পরিহার করে চলবার ঐকান্তিক অনুরোধ জানালেন।

লন্ডনে ও প্যারিসে মার্কিন রাষ্ট্রদূতরা হঠাৎ দেখতে পেলেন ওদেশের সরকারী মহল থেকে তাঁরা কেমন যেন বিচ্ছিন্ন হয়ে পড়েছেন। অনুরোধ করলেও প্রধান বা পররাষ্ট্র মন্ত্রীদের সাক্ষাত মেলে না। যে-সব সরকারী মুখপাত্রদের সাক্ষাত মেলে তাঁরা কোনো প্রশ্নেরই সদৃশুর দিতে পারেন না; শুধু বলেন 'শান্তির পথই আমাদের একমাত্র পথ'।

এই "শান্তির" পথেই ২৯শে অক্টোবর সোমবার ভোর সাড়ে চারটার সময় ইজরেইল মিশর আক্রমণ করল। শুরু হয়ে গেল এ-যুগের সব চেয়ে কলঙ্কময় সাম্রাজ্যবাদী হামলা একটি স্বাধীনতা-গর্বিত নির্মাণ-উৎসুক প্রাচ্য বাস্তবের উপর!

১৯

"তারপব কইল ঐতিহাসিক প্রত্যয়ন। প্রবেশা হিসাবে কণ্ঠে।"

—টি. ই. লব্‌স

জর্জেস যুদ্ধকে সাত সপ্তাহ পিছিয়ে দিয়েছিলেন। আইসেনহাওয়ার এক সপ্তাহ এগিয়ে দিলেন।

লন্ডন, প্যারিস ও তেল-আভিভের মধ্যে ঠিক ছিল ইজরেইলী আক্রমণ শুরু হবে এই নভেম্বর। কিন্তু ডেভিড বেন গুরিয়ন আইসেনহাওয়ারের কঠিন সতর্ক বাণী পেয়ে আক্রমণের তারিখে এক সপ্তাহ এগিয়ে দিলেন।

লন্ডন ও প্যারিসে খবর দেওয়া হল। ইডেন পড়লেন মহাবিপদে। এক সপ্তাহ সময়ের ফাঁক হঠাৎ পূর্ণ করা সহজসাধ্য নয়। সোমবার ইজরেইলী বাহিনী ঝাঁপিয়ে পড়ল মিশরের উপর। মঙ্গলবার ভোরে মলে ও পিন্দু এলেন লন্ডনে ইং-ফরাসী চরমপন্থের খসড়া তৈরি করতে। এতদিন এই চরমপন্থের কথা ইডেন ও লয়েড ছাড়া ইংল্যান্ড কেউ জানত না। এবার ইডেন তাঁর মন্ত্রী-মন্ত্রণালয় সভা ডাকলেন। চরমপন্থের কথা তুলতেই দেখা গেল বেশ কয়েকজন মন্ত্রী বিরোধী। তাঁর বাদানুবাদ, এমনকি ব্যক্তিগত আক্রমণ, সভার আবহাওয়ায় অপ্রীতিকর করে তুলল। কিন্তু ইডেন তখন নিজেকে কবুল করে ফেলেছেন। ১০মং জার্ডানিং স্ট্রীটেরই অন্য এক কক্ষে

বসে আছেন ফ্রান্সের প্রধান ও পররাষ্ট্রমন্ত্রী! মতবিরোধ সত্ত্বেও ক্যামিনেট চরমপত্র অনুমোদন করল।

দুপুরের আগেই পার্লামেন্টে গজব রুটে গেল যে, সেদিন রাতে বৃটেন ও ফ্রান্স মিশর আক্রমণ করেছে। পার্লামেন্ট বসবার মাত্র পনেরো মিনিট আগে ইডেন বিরোধী দলের নেতা গেটস্কেলকে ডেকে চরম পত্রের কিছু পরিচয় দিলেন। প্রায় সেই সময়েই পররাষ্ট্র দপ্তরের একজন বড় সাহেবের ঘরে ডাক পড়ল মার্কিন রাষ্ট্রদূতের। এই সর্বপ্রথম আমেরিকাকে বলা হল ইংলফরাসী কর্মধারার কথা। চরমপত্র ও তারপরে বৃটেনের মতলবের কথা শুনে একটি কথা না বলে রাষ্ট্রদূত গম্ভীর মুখে দূতবাসে ফিরে গিয়েই আইসেনহাওয়ারকে টেলিফোন করলেন। তখন পররাষ্ট্র দপ্তরের সেই বড় সাহেব ডেকে পাঠালেন ইজরেইল ও মিশরের রাষ্ট্রদূতদের একই খবর দেবার জন্যে। ইজরেইল দূত আগেই সব জানতেন; তাঁকে ডাকাটা শুধু লোক-দেখানো চাল। মিশরের রাষ্ট্রদূত প্রথমে হতভম্ব হয়ে গেলেন, পরে নিদারুণ ক্রোধে প্রতিবাদ জানিয়ে ঘর থেকে বেরিয়ে গেলেন।

বড় সাহেবের পাশে দাঁড়িয়ে একজন লোক এই কূটনৈতিক নাটকের অভিনয় উপভোগ করছিলেন। তিনি ফ্রান্সের সেন্সাশালিস্ট পররাষ্ট্রমন্ত্রী, জিশ্চিয়ান পিন্দু।

চরম পত্রের সংবাদ পেয়ে আইসেনহাওয়ার এমন বেগে গেলেন যে, অসতর্ক মূহুর্তে বৃটেনকে লক্ষ্য করে তার মুখ থেকে অরাস্ত্রপতিসুলভ গালাগাল বেরিয়ে গেল। অত রাগতে নাকি তাঁকে কেউ কখনো দেখেন নি। তাঁকে একেবারে কিছই ঘৃণাক্ষরে না জানিয়ে বৃটেন ও ফ্রান্স এতবড় একটা অক্রমণের সূচনা করবে তিনি বা ডালেস ভা সম্পনাও করতে পারেন নি। পররাষ্ট্র দপ্তরের একজন মুখপাত্র সাংবাদিকদের সোজাসজি জানিয়ে দিলেন, “বৃটিশ সরকার এখন যাই বলুন না কেন, মার্কিন গবর্নমেন্টকে এ-বিষয়ে কোনো রকমেই খবর দেওয়া হয়নি।” ইডেন ও মলের চরম পত্রকে তিনি বর্ণনা করলেন, “বর্তমান যুগের ইতিহাসের নিষ্ঠুরতম চরম পত্র।”

শুধু নিষ্ঠুরতমই নয়, এ এক অতি অভিনব চরম পত্র। বারো ঘণ্টার মধ্যে ইজরেইল ও মিশর বাহিনীদের সূয়েজ কানাল হতে দশ মাইল দূরে হটে যেতে হবে। বৃটিশ ও ফরাসী সৈন্য দখল করবে সূয়েজ, পোর্ট সৌদ এবং ইসমাইলিয়া। কেন? দুই যুদ্ধমান বাহিনীকে পরস্পর থেকে আলাদা করতে, সূয়েজ খালকে নিরাপদ করতে। যদি ইজরেইলী ও মিশরী সৈন্য অপসারণ না করে, বিপুল সংখ্যায় ইংরেজ ও ফরাসী সৈন্য রণক্ষেত্রে অবতীর্ণ হবে। যদি অপসারণ করে? তথাপি ইংরেজ ও ফরাসী সৈন্য অবতরণ করবে! কেননা, জলপথকে নিরাপদ রাখা চাইই। মিশর ও ইজরেইলকে রাখা চাই বাবধানে।

ইডেন-মলের এই নিতান্ত ব্যক্তিগত সমরাভিযান—অবশ্য ফরাসী দেশের বোশির ভাগ মানুষই মলের সপক্ষে ছিল—কঠিন প্রতিরোধ পেল চারদিক থেকে।

বৃটেনের প্রাথমিক দল দুর্দম্য প্রতাপে এই আরণ্যক রাজনীতির বিরোধিতা করে সমস্ত মনুষ্য সমাজের কৃতজ্ঞতাভাজন হয়েছিল, বৃটেনের নামকে কলঙ্ক

থেকে বাঁচিয়েওছিল অনেকখানি। লেবার পার্টির নেতৃত্বে সে গণবিক্ষোভ বৃটেনে সংগঠিত প্রতিরোধে পরিণত হয়ে ইডেনের পতন ঘটাতে সক্ষম হয়েছিল, ও-দেশের ইতিহাসে তা অভূতপূর্ব। ইংরাজ তার চারশ বছরের ঔপনিবেশিক জীবনে অনেক অন্যায় সময়ে অবতীর্ণ হয়েছে; বৃটেন যুদ্ধ নিয়েও একদা ইংলণ্ড বেশ আলোড়ন হয়েছিল। কিন্তু ১৯৫৬ সালের মিশর আক্রমণের বিরুদ্ধে বৃটেনের জনমত যেভাবে ক্ষেপে উঠেছিল, তার নজীর ইংরাজের ইতিহাসে নেই।

যে স্বাভাবিক ক্ষেপে ইডেন ও মলে প্রচণ্ড প্রতিরোধের সম্মুখীন হলেন তা হচ্ছে জাতিপুঞ্জ। এখানে প্রতিরোধের পুরোভাগে আমেরিকা, রাশিয়া, ভারত। ক্রুদ্ধ আইসেনহাওয়ার জাতিপুঞ্জে মার্কিন প্রতিনিধি হেনরী ক্যাবট লজকে নির্দেশ দিলেন, যে-কোনো উপায়ে সমঝাভিমান বন্ধ করার।

স্বাভাবিক পরিষদের প্রথম বৈঠকে লজ নিজেই একটি প্রস্তাব পেশ করলেন ইজরেইলকে মিশর থেকে অপসারণ করতে আহ্বান জানিয়ে আর সব দেশকেই ইজরেইলকে সাহায্য করতে বাধ্য করে। সাতটি দেশ এ-প্রস্তাব সমর্থন করে—মাত্র দু'টি বৃটেন ও ফ্রান্স বিপক্ষে ভোট দেয়। বেলজিয়াম, এমনকি অস্ট্রেলিয়া পর্যন্ত সেদিন ইংরাজকে সমর্থন করতে পারে নি। বৃটেন এই সর্বপ্রথম তার 'ভেটো' ব্যবহার করে এ-প্রস্তাব নাকচ করে দেয়।

তৎক্ষণাৎ রাশিয়া উপস্থিত করে নতুন প্রস্তাব; ইজরেইল এক্ষণি ১৯৪৮ সালের যুদ্ধবিরতি সীমান্তে পিছু হটে যাক। এ-প্রস্তাবও সাতটি ভোট পায়, অস্ট্রেলিয়া পর্যন্ত ইংলণ্ডের বিরুদ্ধে দাঁড়াতে বাধ্য হয়। বৃটেন ও ফ্রান্স পুনরায় 'ভেটো' প্রয়োগ করে।

স্বাভাবিক পরিষদের আলোচনা-বিতর্কে আতঙ্কিত হয়ে বৃটিশ প্রতিনিধি স্যার পিয়ারসন ডিস্কন হেনরী লজের সঙ্গে আড়ালে কথাবার্তা বলতে চাইলে লজ তার অনুরোধ অবহেলার সঙ্গে প্রত্যাখ্যান করেন।

পরিষদের বৈঠক শেষ হতেই ফরাসী প্রতিনিধি করনট জেস্টিল অজ্ঞান হয়ে পড়েন।

জাতিপুঞ্জে সমগ্র পৃথিবীর বিরোধিতা ইডেনকে ভয়াবহ, ক্রুদ্ধ, পঙ্গু এবং ব্যর্থ করে দেয়। যতবার বৃটেন ও ফ্রান্স জাতিপুঞ্জে তিরস্কৃত হয়েছে কোনোবারই তিনটির বেশি দেশ বৃটেন ও ফ্রান্সকে সমর্থন করে নি। তারও মধ্যে একটি ইজরেইল। অন্য দুইটি অস্ট্রেলিয়া ও নিউজিল্যান্ড।

ইডেন ও মলে তৃতীয় বাধা পান আরব দেশগুলি থেকে, চতুর্থ কমনওয়েলথ অন্তর্ভুক্ত কানাডা, ভারত ও সিংহল থেকে। পাকিস্থানও বাধা দেয়, কিন্তু তা বাগদাদ গোষ্ঠীর গোঁজামিল বাধার সঙ্গে একজোট। কানাডা প্রথম থেকেই বৃটেনের কর্মপন্থার নিন্দা করে এবং জাতিপুঞ্জে যে আন্তর্জাতিক শান্তি সৈন্য বাহিনী তৈরী হয়, তাও কানাডারই উদ্যোগে।

ভারত প্রতিবাদ করেই নিরস্ত থাকে নি। একদিকে কৃষ্ণমেনন যেমন জাতিপুঞ্জে মিশরের স্বরাজ ও জাতিগত অধিকারের শ্রেষ্ঠ প্রতিরক্ষীর ভূমিকা গ্রহণ করেন, তেমনি অন্যদিকে নয়াদিল্লীতে মিলিত হয়ে ভারত, সিংহল, ইন্দোনেশিয়া ও বর্মা সমস্ত এশিয়ার পক্ষ থেকে মিশর আক্রমণের তীব্র প্রতিবাদ জানায়।

এই চারদিকের বাধার মধ্যে ইডেনকে সবচেয়ে পছন্দ করে দেয় আমেরিকা, সবচেয়ে আত্মকৃত করে রাশিয়া।

“বৃদ্ধ একাত্তই পাশবিক। অথচ পশুর চেয়ে মানুষই বৃদ্ধ করে বেশ।
আবার মানুষই বৃদ্ধকে সবচেয়ে বেশ ঘৃণা করে।” —মূরের উটোপিয়া

৩০

বুটেন ও ফ্রান্স বা ইজরেইল কেউ মিশরের বিরুদ্ধে বৃদ্ধ ঘোষণা করে নি। কিন্তু আক্রমণের আরোহনে তিনটে দেশের প্রধান নায়করাই হাত লাগিয়েছিলেন। সুয়েজ সংকটের সময় এরই নাম দেওয়া হয়েছিল “হান যুয়লু”। ইডেন অবশ্য তারম্বাবে অস্বীকার করেছিলেন যে মিশর আক্রমণের জন্য তিনি ফরাসী ও ইজরেইলী সরকারের সঙ্গে হাত মিলিয়েছিলেন। কিন্তু বুটেনের সংবাদপত্র তখন অনেক গোপন তথ্য ফাঁস করে দিয়েছে। ফরাসী নেতারা ষড়যন্ত্রের অভিযোগ অস্বীকার তো করেনই নি, বরং আফসোস করেছেন যে তাঁদের ইচ্ছেমতো কাজ বুটেন পিছিয়ে পড়ায় হতে পারল না। মার্কিন সংবাদপত্রেও অনেক অস্বস্তিকর কাহিনী প্রচারিত হয়ে গেছে। ইডেন ও লয়েড, বিরোধী দলের চাপে বিপর্যস্ত হয়ে, শূন্য এই পর্যন্ত কবুল করেছেন, “আমাদের যা বলার আমরা বলেছি। ফরাসী বা ইজরেইলী নেতারা কী বলেন না-বলেন, তার জন্য দায়ী আমরা নই।”

যদি বুটেনের ভবিষ্যৎ কোনো লেবার গভর্নমেন্ট ইডেন আমলের বিরূপ অপকারের নথিপত্র কখনো প্রকাশ করেন তাহলেই এ-ষড়যন্ত্রের প্রামাণিক তথ্য সত্যিকার পাওয়া যাবে। বর্তমানে আমাদের নির্ভর করতে হচ্ছে এক-মাত্র সংবাদপত্রে প্রকাশিত মালমসলার উপর। এরও পরিমাণ কম নয়। ব্রিটিশ, মার্কিন ও ফরাসী পত্রপত্রিকায় প্রকাশিত তথ্য থেকে ষড়যন্ত্রের মোটা-মুটি বেশ একটা চেহারা পাওয়া যায়।

ষড়যন্ত্রের শুরুর হয় আক্রমণের দু মাস আগে। প্রধান উদ্যোক্তা ফ্রান্সের ‘সমাজবাদী’ প্রধান মন্ত্রী মলে ও পররাষ্ট্র মন্ত্রী পিন্দু। আলজেরিয়ার সাইংস সংগ্রাম দমনে ব্যর্থ হয়ে তাঁরা ঠিক করলেন আরবজাতির সংগ্রাম-প্ররণার প্রধান উৎস নাসেরকে খতম করতে হবে। মলে তাঁর প্রতিরক্ষা-সচিবকে পাঠালেন লন্ডনে ইডেনের সঙ্গে বসে মিশর শাসন করবার একটি প্ল্যান তৈরি করতে। অতি গোপনীয় কথাবার্তার ফলে তৈরী হল পরম গোপনীয় একটি যৌথ সংস্থা, যার নাম দেওয়া হল আমিলকার(Amilcar)—হ্যানিবালের পিতার নাম। লন্ডনে যখন সুয়েজ বৈঠক বসল, প্রথম ও দ্বিতীয় বার, তার-পর জাতিপুঞ্জের দ্বিতীয় পরিষদে যখন সমস্যার “মীমাংসা” হল, তখন তাকে ফরাসী ও ব্রিটিশ সৈন্য মোতায়েন করা হল সাইপ্রাসে। এই সমরায়োজনের লক্ষ্য ছিল মিশর। ইজরেইলের নাম তখনো ওঠে নি।

এমন সময় ফরাসী সরকার একটা গুরুত্বপূর্ণ কাজ করে বসলেন। আরব-তোষণ নীতি বর্জন করে গ্রহণ করলেন ইজরেইল তোষণ নীতি। মলে খবর পেয়েছিলেন ইজরেইল অতীর্কিতে জর্ডন আক্রমণের জন্য তৈরী। এ-খবর

হুসেনও পেরেছিলেন। তিনি সাহায্য চাইলেন ইডেনের কাছে। ইডেন বললেন ইরাককে অস্ত্র পাঠাতে জড়'নে। পৌঁছল গিয়ে সামান্য কিছু ছোট অস্ত্র। হুসেন মরিয়া হয়ে সাহায্য চাইলেন নাসেরের নিকট। তৎক্ষণাৎ নাসের পাঠালেন কয়েকখানি ডাম্পায়ার জেট।

এও একটা প্রধান কারণ জর্ড'নের সাময়িকভাবে মিশরী আওতায় চলে যাওয়ার। ইডেন জর্ড'ন হারিয়ে ক্ষেপে গেলেন। তার ক্রুদ্ধ নজর পড়ল নাসেরের উপর। ইজরেইল জর্ড'ন আক্রমণে বার্থ' হয়ে হাত কামড়াতে লাগল।

এই সময় মলে ইজরেইলের সঙ্গে যোগাযোগ স্থাপন করলেন। তাঁর উদ্দেশ্য ইজরেইল দিয়ে মিশর আক্রমণ। মিশরকে শাস্তা করতে পারলে আরবভূমিতে পশ্চিমী প্রতাপ নিশ্চিত। ইজরেইল তো তৈরী! প্রয়োজন শৃঙ্খল আন্তর্জাতিক সমর্থন। ইজরেইলের নেতারা মলেকে বোঝালেন মিশরের বেশির ভাগ অধিকার করতে তাঁদের দু-তিন দিনের বেশি সময় লাগবে না। মলে বললেন, কয়েকদিন 'ভেটো' অস্ত্রের সাহায্যে স্বস্তি-পরিষদে ইজরেইল-বিরোধী প্রস্তাবের পথ তিনি রোধ করতে পারবেন। একবার ইজরেইল মিশরের বৃক্কে জাঁকিয়ে বসতে পারলে সহজে তাকে সরানো সম্ভব হবে না।*

সেপ্টেম্বরে ইজরেইলের এক টেরিস্ট দলের নেতা মেনার্চিম বেইজিন প্যারিসে এলেন। মলে তাঁকে নিমন্ত্রণ করলেন পার্লামেন্টে বক্তৃতা করতে: সচরাচর বেসরকারী নেতাদের এ-সম্মান দেওয়া হয় না। গোপনে ফ্রান্স থেকে জেট জংগী বিমান ইজরেইলে পাঠানো শুরু হল। ২৩শে সেপ্টেম্বর বেন গাড়িয়ন সোল্লাসে ঘোষণা কবলেন, "আমরা এক বলশালী নতুন মিত্র পেয়েছি।"

মার্কিন রাজদূত পররাষ্ট্র দপ্তরকে জিজ্ঞাসা করলেন, এ নতুন বন্ধুটি কে? কোনো উত্তর পেলেন না।

অক্টোবরের ১৬ তারিখে ইডেন ও লয়েড এলেন প্যারিসে। মলে ও পিনর সঙ্গে তাঁদের যে-কথাবাতা হল তাতে পশ্চিম প্রাণী উপস্থিত ছিলেন না। একদা স্কুল শিক্ষক মলে বেশ ইংরাজী জানেন। ইডেন ফরাসী ভাষায় ওস্তাদ। সুতরাং প্রাণ-খোলা কথাবাতা হল।

এখানেই মলে ইজরেইল-সম্মবহারের প্ল্যান বিকৃত করলেন, আব ইডেন তা গ্রহণ করলেন। ঠিক হল, ইজরেইল মিশর আক্রমণ করবে। এ-সুযোগ নিয়ে শৃঙ্খল থামাবার অজুহাতে বটেন ও ফ্রান্স অবতীর্ণ হবে মিশরে, দখল করে নেবে সমস্ত সয়েজ অঞ্চল, প্রয়োজন হলে কাইরো।

১৭ই অক্টোবর ফরাসী ক্যাবিনেটের বৈঠকে কয়েকজন মন্ত্রী মলের "নিষ্ক্রয়-তার" সমালোচনা করলে, তিনি উত্তর দিলেন, "আমার উপর বিশ্বাস রাখুন। বছর শেষ হবার আগেই বড় কিছু একটা ঘটবে। এর চেয়ে বেশি কিছু

* স্বস্তি পরিষদের পাঁচটি স্থায়ী সদস্য—বটেন, ফ্রান্স, আমেরিকা, রাশিয়া ও কুওমিটোন চীন। এদের প্রত্যেকের সম্মতি না হলে কোনো বড় রকমের প্রস্তাব পাশ হতে পারে না। প্রত্যেকই স্নে-কোনো প্রস্তাবের বিরোধিতা করে তাকে নাকচ করে দিতে পারে। এই 'নাকচ-করা' কমর্ভিজ নাম জেট।

এখন আমি বলতে পারি না। কুটনীতিতে অনেক কিছুই গোপন রাখতে হয়।”

এ-সময় হতেই মার্কিন রাজদূতরা বৃটেন, ফ্রান্স ও ইজরেইলে সরকারী দপ্তরের সঙ্গে যোগাযোগ হারাতে লাগলেন।

অক্টোবরের ২০শে তারিখে পিনু এলেন লন্ডনে। ইডেনকে জানানলেন, ইজরেইল আক্রমণের জন্য প্রস্তুত। ইজরেইল এ-সময়টা ভালো বেছেছিল। আমেরিকা নির্বাচন নিয়ে ব্যস্ত। রাশিয়া ব্যস্ত হাঙ্গারীর বিদ্রোহ নিয়ে। বৃটেন ও ফ্রান্স সপক্ষে। কোনো দিক থেকেই জোর বাধা পাবার সম্ভাবনা কম। ইডেন ইজরেইলী আক্রমণে সম্মতি দিলেন। ২৫শে তারিখে ইজরেইল চূপ-চাপ আক্রমণের প্রস্তুতি সমাপ্ত করল।

আক্রমণের ঠিক এগারো ঘণ্টা আগে পিনু আবার হাজির হলেন লন্ডনে। এবারকার উদ্দেশ্য ইজরেইল আক্রমণ শুরুর পর চরমপন্থের খসড়া তৈরী। আক্রমণের মাত্র কয়েক ঘণ্টা আগে ইজরেইলের পররাষ্ট্র মন্ত্রী মার্কিন রাষ্ট্রদূতকে ডেকে বললেন, “ভোর হবার আগেই আমাদের সৈন্য সিনাই প্রবেশ করছে”। রাষ্ট্রদূত জরুরী বার্তা পাঠালেন আইসেনহাওয়ারকে। মার্কিন রাষ্ট্রপতি ইজরেইল আক্রমণ প্রতিরোধ করতে ১৯৫০ সালের গ্রিফিন্ড-ঘোষণা অনুযায়ী বৃটেন ও ফ্রান্সের সাহায্য চাইলেন। কিন্তু দেখতে পেলেন ইডেন ও মলে যুদ্ধের রক্তে হাত রাগিয়েছে। গ্রিফিন্ড-ঘোষণা আর বেঁচে নেই।

লন্ডন থেকে মার্কিন রাজদূত খবর পাঠালেন, ইডেন ইজরেইলী আক্রমণ থামাতে রাজী নন। বরঞ্চ ইজরেইলকে স্বাধীন পরিষদে যাতে “আক্রমণকারী” অপবাদ না দেওয়া হয় তার জন্যই তিনি চেষ্টা করছেন।

২৯শে অক্টোবর ইজরেইল সিনাই আক্রমণ করল। জাতিপুঞ্জের অধিকর্তা হামারশল্ড সেনিনই স্বাধীন পরিষদের জরুরী বৈঠক আহ্বান করলেন। ঐ মাসের জন্য পরিষদের সভাপতি ছিলেন ফরাসী প্রতিনিধি করনুট জের্টিল। তিনি নানা অজুহাতে বৈঠক একদিন পিছিয়ে দিলেন।

পরের দিনই ইংগ-ফরাসী প্যারাসৈন্য সুরেজ অঞ্চলে অবতীর্ণ হল।

তুমুল বার্কবিস্তার পর হাউস অব কমন্স মাত্র ৫২ ভোটে ইডেনের মিশরে সৈন্য পাঠানো প্রস্তাব গ্রহণ করল। এদিকে স্বাধীন পরিষদে ইজরেইলকে মিশরভূমি ত্যাগ করতে, ও অন্য কোনো দেশকে ইজরেইল-প্রচেষ্টার সাহায্য না করতে আহ্বান জানিয়ে মার্কিন প্রস্তাব গৃহীত হলে বৃটেন ও ফ্রান্স ইভটো দ্বারা ভা বার্থ করে দিল।* কাইরোতে নাসের বৃটিশ দূতকে ডেকে বললেন, “আপনাদের চরমপন্থ আমবা কোনোমতেই গ্রহণ করতে পারি না। এ তো মিশরের উপর আক্রমণ!”

বৃটিশ পার্লামেন্টে বিরোধী দলের নেতা ইডেনকে ভিজ়াসা করলেন, “জাতিপুঞ্জ তার সিদ্ধান্ত দেবার আগে কোন কারণে বৃটেন ও ফ্রান্স মিশরে সৈন্য পাঠাচ্ছে?”

ইডেন—“বৃটিশ নাগরিকদের ধনপ্রাণ বাঁচাবার জন্যে।”

গেটস্কেল—“স্বাধীন পরিষদে আলোচনা শেষ হবার আগে বৃটেন কোনো সামরিক হস্তক্ষেপ করবে না, এই আশ্বাস আপনি দিতে রাজী আছেন?”

* বৃটেন কর্তৃক “ভেটো” প্রস্তাব এই প্রথম।

ইডেন—“না, মহাশয়।”

২৩শে অক্টোবর ফরাসী পার্লামেন্টে পরম উল্লাসে মিশর আক্রমণ অনু-
মোদন করল। বিপক্ষে দাঁড়াইল কম্যুনিষ্ট সদস্যরা ছাড়া মাত্র আর কয়েকজন
মেম্বর। ইডেন বৃটিশ পার্লামেন্টে ঘোষণা করলেন আমেরিকার সমর্থন
ছাড়াও আক্রমণ নীতি কার্যকরী থাকবে। মার্কিন সংবাদপত্রে খবর বেরুল,
চরমপন্থের বারো ঘণ্টা সময় অতিক্রম হবার আগেই বৃটিশ ও ফরাসী সৈন্য
মিশরে অবতীর্ণ হয়েছে। রাহিতে কাইরো, ইসমাইলিয়া, পোর্ট সৌদ ও
সুয়েজ শহরে বৃটিশ বোম্বার্ড বিমান আক্রমণ চালালে। বোমা পড়ল মসজিদে,
হাসপাতালে, বেসামরিক বিমান ঘাঁটিতে। সাইপ্রাস থেকে যুদ্ধ জাহাজ কামান
দাগতে শুরু করল, পাঠাতে লাগল বোম্বার্ড বিমান।

জাতিপুঞ্জের অধিকর্তা হামারশল্ড্ বৃটিশ ও ফরাসী চরমপন্থের প্রতি-
বাদে পদত্যাগের প্রস্তাব করলেন।

বিরোধী দলের চাপে পার্লামেন্টে লয়েড বললেন, কাইরোতে বোম্বার্ড
বিমান আক্রমণ করে নি! অথচ তখন পৃথিবীর প্রত্যেক দেশের সংবাদপত্রেই
আক্রমণের সংবাদ প্রচারিত হয়েছে। সংবাদ দিয়েছেন কাইরোতে অবস্থিত
পণ্ডাশ জন বিদেশী সাংবাদিক।

১লা নভেম্বর স্বাস্থ্য পরিষদে যুগোস্লাভিয়া প্রস্তাব করল জাতিপুঞ্জের
বিশেষ সভা আহ্বান করা হোক। প্রস্তাব গৃহীত হল। বেলজিয়ম ও
অস্ট্রেলিয়া পর্যন্ত বিরোধিতা করতে পারল না।

সাইপ্রাস থেকে সামরিক বিবৃতিতে ব্যাপক আক্রমণের খবর প্রচারিত হতে
লাগল। বৃটিশ পার্লামেন্টে লেবার পার্টি তুমুল ঝড় তুললেন। তাঁরা বার
বার ইডেন সরকারকে নিন্দা করে প্রস্তাব উত্থাপন করলেন, বার বাব দাবি
তুললেন, “পদত্যাগ করুন”। বৃটিশ সংবাদপত্রে পূর্বে উল্লিখিত ‘হীন ষড়-
যন্ত্রের’ নানা লজ্জাকর কাহিনী ছাপা হতে লাগল।

এরই মধ্যে বৃটিশ নৌবিভাগ থেকে জানান হল একথানা মিশরী জাহাজকে
সুয়েজ খালে “ধুবিয়ে দেওয়া হয়েছে”। এই একটা ডুবানো জাহাজই সুয়েজ
জলপথকে বন্ধ করে দিল, যে-জলপথকে সব জাতির কল্যাণের জন্য উন্মুক্ত
রাখাই ছিল বৃটেনের প্রধানতম দাবি।

১লা নভেম্বর জাতিপুঞ্জে প্রথম প্রস্তাব গৃহীত হল অবিলম্বে যুদ্ধ-
বিরতির দাবি জানিয়ে।

২রা নভেম্বর ইডেন এ-দাবি প্রত্যাখ্যান করলেন। তিনি বললেন, “বৃটেন
ও ফ্রান্স সুয়েজ এলাকা দখল করে ইজরেইলকে মিশর ত্যাগ করতে বাধ্য
করবে।” ইজরেইলের প্রধান মন্ত্রী জবাব দিলেন, “সিনাইতে দখলকরা ভূমির
স্চাভাগও আমরা ত্যাগ করব না।”

৩রা নভেম্বর ইডেনের সুর একটু নরম হয়েছে। “আমরা যুদ্ধ ধামাচে
চাই,” তিনি বললেন। কিন্তু যুদ্ধ তখন সমানে চলেছে। সাইপ্রাস থেকে
ঘোষণা হল বৃটিশ বিমান সুয়েজ থেকে চারশো মাইল দূরে অবস্থিত শহর
পর্যন্ত আক্রমণ করেছে। চার্চিল ঐ দিনই ইডেনের “সাহসী কাজের” পূর্ণ
সমর্থন জানালেন।

৫ই নভেম্বর লন্ডনে বিরাট প্রতিবাদ মিছিল ও সভা হল—টিশ বছরে

যা কোনোদিন হয় নি। এই সভায় বক্তৃতা করতে গিয়ে আনিউরিন বেডন বললেন, “যদি ইডেন যা করেছেন তাতে সত্যিই বিশ্বাস করেন, তবে তিনি হয় দাস, নয় নির্যাস। এর কোনো ভূমিকাতেই আমরা তাঁকে চাই নে। ইডেন বলছেন জাতিপুঞ্জকে শক্তিশালী করতেই তিনি মিশর আক্রমণ করেছেন। প্রত্যেক ডাকাতই তাই বলে থাকে।”

গেটস্কেল একটি বেতার ভাষণে বৃটেনের লোকদের সাবধান করিয়ে দিলেন, “ভুল করবেন না! এটা যুদ্ধই!!”

ফ্রান্স সুয়েজ যুদ্ধের খবরের উপর গোপনীয়তার পর্দা চাপিয়ে দিল। সাইপ্রাস থেকে একটি যৌথ ঘোষণায় বলা হল পোর্ট সৌদ অধিকৃত হয়েছে। ওখানকার মিশরী কর্তৃপক্ষ “আত্মসমর্পণ” করেছেন। কয়েকঘণ্টার মধ্যে ইডেন স্বীকার করলেন, আত্মসমর্পণ কথাটা ঠিক নয়। বেসামরিক প্রতিরোধ সমানে চলেছে।

ঐ দিনই ইজরেইল যুদ্ধ-বিরতি মেনে নিল। পরের দিন, ৬ই নভেম্বর, মানল বৃটেন ও ফ্রান্স।

শেষ হল এ-যুগের ইতিহাসের এক অতি কলংকিত অধ্যায়!

প্রশংসা যেখানে প্রাপ্য সেখানে তা দিতেই হবে। বৃটিশ জেবার পার্টি ও বৃটিশ জনমতের প্রশংসনীয় ভূমিকাব উল্লেখ আমরা আগেই করেছি। এবার উল্লেখ করতে হয় সুয়েজ যুদ্ধের সময় বি. বি. সি.র দঃসাহসী স্বাধীন মনোভাব। বি. বি. সি. সবাই জানেন, গোড়াপন্থী প্রতিষ্ঠান। ইডেন দাবি করেছিলেন সুয়েজ যুদ্ধকালীন সংবাদে পবরাষ্ট্র দপ্তরের শাসন। কিন্তু বি. বি. সি. তা মনতে বাজী হন নি। ইডেন খোলাখুলি যুদ্ধ ঘোষণা করতে সাহস পান নি, বি. বি. সি.-ও চোরা-যুদ্ধ মানতে রাজী হন নি। বি. বি. সি.-বিরোধী দলের নেতাকে বেতার ভাষণের সুযোগ দিয়ে ইডেনের যথেষ্ট অপ্রীতি-ভাজন হর্ষেছিলেন। শব্দ তাই নয়। বি. বি. সি.-র খবরে যেমন বৃটিশ ও ফরাসী বক্তব্যও স্থান পেয়েছে, তেমনি আগাগোড়া বিপুল নিরাপত্তার সশ্রেষ্ঠ স্থান পেয়েছে মিশরের বক্তব্য, জাতিপুঞ্জ ও অন্যত্র আক্রমণকারীদের তীব্র নিন্দা। যে সংকীর্ণ, অদূরদর্শী, উগ্র, সাম্রাজ্যলোভী জাতীয়তাবাদ বৃটেনের অধিকাংশ প্রধান প্রধান সংবাদপত্রগুলিতেই সুয়েজ আক্রমণের প্রথম দিন অধিকার করেছিল, বি. বি. সি.-কে তা কলুষিত করতে পারে নি। বি. বি. সি.-র কর্তৃপক্ষ বুদ্ধিতে পেরেছিলেন বৃটেনের অধিকাংশ মানুষই ইডেনের যুদ্ধের বিরুদ্ধে। ইডেন তাঁবু অবিসম্মতিকারিতায় বৃটিশ জাতিকে বিভক্ত করে দিয়েছিলেন। বি. বি. সি. এই দলীয় যুদ্ধের অসুখ হিসাবে নিজেকে ব্যবহৃত হতে দেয় নি। এ-গৌরব বি. বি. সি.-র ইতিহাসকে চিরদিন শোভিত করবে।

বি. বি. সি.-কে বাগে আনতে না পেরে ইডেন সাইপ্রাসে একটি বিকল্প বেতার কেন্দ্র ব্যবহার করেন মিশরবাসীকে নাসেরের বিরুদ্ধে উত্তেজিত করতে। এর নাম দেওয়া হয় ‘ভয়েস অব বৃটেন’। এই বেতার-কেন্দ্রের উদ্দেশ্য ছিল মিশরবাসীর সাহস ও প্রতিরোধ ভেঙ্গে দেওয়া, তাদের বুঝিয়ে দেওয়া যে মিশরের প্রকৃত শত্রু নাসের।

এখান থেকে প্রসারিত প্রচার-ভাষণ বৃটিশ পার্লামেন্টে অনেক গোলমালের কারণ হয়েছিল। লয়েড ও ইডেন যখন বেসামরিক কেন্দ্রে ব্যাপক বিমান

আক্রমণের সত্যতা অস্বীকার করছিলেন, তখন লেবার পার্টির সদস্যরা এই বেতার-কেন্দ্র হতে প্রচারিত স্বীকৃতি উদ্ধৃত করে প্রধান ও পররাষ্ট্রমন্ত্রীকে বিষম বিপাকে ফেলেছিলেন। মিশর আক্রমণের প্রকৃত উদ্দেশ্য যে নাসের তাড়ানো, এ-বেতার থেকে তাও সুস্পষ্ট ঘোষিত হয়েছিল।

‘ভয়েস অব বৃটেন’র কয়েকটি নমুনা দেওয়া হচ্ছে :

৩১শে অক্টোবর : সন্ধ্যা ৬.৪৫ মিনিট : “কাইরোর সরকারী এলাকার আশে-পাশে যারা বাস করছেন, বিমান ঘাঁটির কাছে আসবেন না। তাহলে বিপন্ন হবেন।”

৩রা নভেম্বর : সকাল ৯.৪৫ মিনিট : “কাইরো, আলেকজান্দ্রিয়া ও পোর্ট সৈয়দের বেতার কেন্দ্র থেকে দূরে চলে যান। মিত্রপক্ষের বিমান আক্রমণ করবে।”

সকাল দশটা : “মিশরী সৈন্যদের গ্রামে বা শহরে আশ্রয় দেবেন না।”

রাত বারোটা : “সারা দিন রাত সামরিক লরী দেখলেই তার উপর বিমান আক্রমণ হবে। যদি এ-সব লরী আপনাদের গ্রামে প্রবেশ করে, আপনাদের গ্রামেও বোমা পড়বে।”

৪ঠা নভেম্বর : সকাল ১১টা : “আপনাদের গ্রামে গ্রামে অনেক সৈন্য ও সামরিক যানবাহন রয়েছে। তাদের আমরা আক্রমণ করব। কাছাকাছি থাকবেন না।”

রাত বারোটার : “বৃটেন ও ফ্রান্স মিশরের প্রকৃত মিত্র। আপনাদের আসল শত্রু হচ্ছে নাসের। তারই জন্যে আপনাদের এই বিপদ। সে আপনাদের সর্বনাশ করবে।”

মিশর-আক্রমণের পরের দিন ১লা নভেম্বর নাসের যে বিবৃতি দেন তাতে বোঝা যাবে এই ঘোর দুর্দিনে তিনি এবং সমস্ত মিশরবাসী—কতখানি ঐশ্বর্য, আত্মবিশ্বাস ও দৃঢ়প্রতিজ্ঞার সঙ্গে বিপদের সম্মুখীন হয়েছিলেন। নাসের তাঁর দেশবাসীকে বললেন, “মিশর হতে চেয়েছে স্বাধীন। প্রত্যেক মিশরীয় কামন এই দাবিতে মূর্ত। এই স্বাধীন-নীতির বৃহত্তর লক্ষ্য একটি প্রাচুর্যপূর্ণ মিশর সৃষ্টি। কিন্তু সাম্রাজ্যবাদীরা কি আমাদের সে-আদর্শে শান্তিতে এগিয়ে যাবার সুযোগ দিয়েছে? দেখ নি। তারা আগাগোড়াই আমাদের উদ্যম ও প্রচেষ্টাকে বাহত করতে চেয়েছে। কারণ, আমাদের দাস-জীবনই তাদের কাম্য।

“যারা আমাদের বন্ধু চায় তাদের দিকে আমরা মিত্রতার হাত এগিয়ে দিয়েছি। কিন্তু যারা আমাদের শত্রু, আমরাও তাদের শত্রু।..

“আজ আমরা একনিষ্ঠ ঐক্যের বলে এই বিপদের সম্মুখীন।”

মিশর সত্যই বলিষ্ঠ ঐক্য ও দৃঢ় আত্মবিশ্বাসের সঙ্গে বিপদের মোকা-বিলা করেছিল। কোনো মিশরী ভয়েস অব বৃটেনের প্রচারে কান দেয় নি। বিমান-আক্রমণ সত্ত্বেও মিশরের শহরে শহরে জীবন চলেছে স্বাভাবিক ছন্দে। পোর্ট সৌদে মিশরী জনতার প্রতিরোধ বৃটিশ ও ফরাসী সেনাপাতিদের অবাক করে দিয়েছিল।

৬ই নভেম্বর নাসের যখন আবার তাঁর দেশবাসীকে সম্ভাষণ করলেন, তখন যুদ্ধ থেমে গেছে; মিশরের নৈতিক বিজয় প্রতিষ্ঠিত। নাসের বললেন,

“আপনাদের পক্ষ থেকে আমি বার বার বলছি, মিশর চায় শান্তি। কিন্তু শান্তি ও দাসত্ব তো এক কথা নয়! আমাদের দৃঢ় সংকল্প, মিশর তার নিজের ভূমিতে স্বাধীন জীবনের গৌরব ভোগ করবে, চলবে নিজের নির্বাচিত পথে; অন্য কোনো দেশের লেজ হয়ে সে বাঁচতে চায় না। আমরা লন্ডন বা অন্য কোনো স্থান থেকে হুকুম মানতে রাজী নই।.....

“আমাদের বল আজ একতা, সংগঠিত শক্তি, মেহনত আর কঠিন সংকল্প। সমস্ত পৃথিবী এসে দাঁড়িয়েছে আমাদের পাশে.....”

“পূর্বাতন ও নতুন এ উত্তরের সংঘাতে

আমি থাকব অন্তত নির্দেশ নিরপেক্ষ ”

—শেলী

৩১

১৬ই নভেম্বর, ১৯৫৬। বৃহস্পতিবারের ককঝকে সকাল।

মিশরের একটা বিমানঘাঁটিতে ইংগ-ফরাসী আক্রমণের চিহ্ন স্পষ্ট। এখানে ওখানে ভাঙ্গা-চোরা মিশরী বিমানের ধ্বংসাবশেষ। আকাশ থেকে ছড়ানো আগুন জ্বালিয়ে দিয়েছে বিমান ঘাঁটির অনেকখানি। চতুর্দিকে বিক্ষিপ্ত অগ্ন্যার।

তাবই মধ্যে এসে নামল একখানা সুইস বিমানপোত। মাথায় উড়ছে জাতি-পতঙ্গের পতাকা। বিমান থেকে নেমে এল পয়তাল্লিশ জন ডানিশ সৈনিক। হাতে তাদের রাইফেল। বাহুতে নীল ব্যান্ড লেখা: “জাতিপতঙ্গের বিপদ-সামলানো সেনাবাহিনী।” একজন মিশরী রিগেডিয়ার তাদের অভ্যর্থনা করলেন। ইজরেইল আক্রমণের সতেরো দিন পর, ইংগ-ফরাসী আক্রমণের পনেরো দিন পর, যুদ্ধ-বিরতির আট দিন পর, বিশ্বমানবের পক্ষ থেকে এক মহান শান্তিসেনা পদার্পণ করল মিশরে। তাদের কর্তব্য মিশরের পবিত্র ভূমি থেকে বিদেশী আক্রমণকারীদের সরিয়ে দিয়ে মিশরের সার্বভৌমত্ব পুনরুদ্ধার করা।

এই শান্তি-সৈন্যের প্রস্তাবনা আসে কানাডার তৎকালীন পবরাষ্ট্র সচিব লেস্টার পিয়ার্সনের কাছ থেকে: এরই জন্যে তাঁকে ১৯৫৭ সালে নোবেল শান্তি পুরস্কার দেওয়া হয়েছে। মার্কিন সমর্থন পেয়ে পিয়ার্সনের প্রস্তাবের মূল্য বেড়ে যায়। কিন্তু যার অক্লান্ত চেষ্টায়, সতর্ক নিরপেক্ষতায় ও বৃহৎ শক্তি-গুণের দাপট অগ্রাহ্য করে আন্তর্জাতিক ক্ষেত্রে ন্যায় ও সুবিচার পুনরুদ্ধারের দৃঢ় প্রচেষ্টায় শান্তি-সৈন্য মিশবে একটি ঐতিহাসিক ভূমিকা গ্রহণ করতে সক্ষম হয়, তিনি হচ্ছেন জাতিপতঙ্গের অধিনায়ক, ড্যাগ হামারশল্ড।

শান্তিবাহিনীর ভূমিকা নিয়ে নানা গোষ্ঠীর নানা মত ছিল। বুটেন ও ফ্রান্স চেয়েছিল মিশরের মতামত পরোয়া না করে শান্তি-সৈন্য পাঠানো হোক সুয়েজ অঞ্চলে, এ-সৈন্য কোনো একটা সূচন্য সমাধান না হওয়া পর্যন্ত সুয়েজ খালের তদারক করুক। পিয়ার্সনও ব্যক্তিগতভাবে এ-প্রস্তাবের পক্ষপাতী ছিলেন।

আমেরিকার আসল আতঙ্ক হয়েছিল রুশ ও চীনা স্বেচ্ছাবাহিনী মিশরে পৌঁছবার সম্ভাবনায়। নভেম্বরের প্রথম সপ্তাহ অতিক্রান্ত না হতেই রাশিয়া

পরিষ্কার বুঝিয়ে দিয়েছিলেন, যদি বৃটেন, ফ্রান্স ও ইজরেইল একদুনি সৈন্য অপসারণ না করে তাহলে রুশ স্বেচ্ছাসৈনিকরা মিশর রওনা হবে। আইসেনহাওয়ার ও ডালেস এতেই সবচেয়ে বেশি ভীত হয়েছিলেন। আইসেনহাওয়ার তাঁর নির্বাচনের পর প্রথম সাংবাদিক বৈঠকে রাশিয়াকে সাবধান করে দিলেন রুশ স্বেচ্ছাসৈন্য যেন মিশরে না পৌঁছয়। পৌঁছলে “জাতিপুঞ্জের মারফত আমরা যথাসাধ্য ব্যবস্থা অবলম্বন করব।”

একজন সাংবাদিক প্রশ্ন করল: “আপনি কি এই রুশ হুমকি থামাবার জন্যে বৃটিশ ও ফরাসী প্রধান মন্ত্রীদের সঙ্গে মিলিত হয়ে আলাপ করতে চান?”

জবাবে মার্কিন রাষ্ট্রপতি বললেন, “তার আগে এ মিশর-ব্যাপারটা মিটে যাক।”

আইসেনহাওয়ার চাইলেন শান্তিবাহিনী যত তাড়াতাড়ি মিশরে পৌঁছে যাক। তাহলে রাশিয়া আর স্বেচ্ছাসৈনিক পাঠাবার সুযোগ পাবে না।

মিশর, ভারতের সমর্থন নিয়ে, শান্তি-সৈন্য গ্রহণ করতে রাজী হল। কিন্তু কয়েকটা মূল্যবান শর্তে। প্রথম, মিশরের অসম্মতিতে এই সৈন্য তার ভূমিতে অবস্থান করতে পারবে না। দ্বিতীয়, এ-সৈন্যের কাজ হবে শুধু আক্রমণকারীদের অপসারণ পর্যবেক্ষণ করা; সুয়েজ খাল বা অন্য কোনো ব্যাপারে মাথা ঘামানো নয়। তৃতীয়, আগে এ-সৈন্য পোর্ট সৌদ থেকে বৃটিশ ও ফরাসী সৈন্যদের প্রত্যাবর্তন সম্পূর্ণ করবে, তারপর যাবে মিশর-ইজরেইল সীমান্তে। সেখানে ইজরেইল বাহিনীকে স্বদেশে পাঠানোর ব্যবস্থা করবে। চতুর্থ, কতদিন এ-সৈন্য মিশরে থাকবে না থাকবে তা নির্ভর করবে মিশরের অনুমতির উপর। পঞ্চম, কোন কোন দেশ থেকে শান্তিসৈন্য আসবে তাও মিশরের অনুমতি-সাপেক্ষ।

শান্তি-সৈন্যবাহিনীর সৃষ্টি নিয়েও মতবিরোধ হল। ইডেন ও ম'লে দাবি করলেন এ-বাহিনী তৈরী হোক বৃটিশ, ফরাসী ও মার্কিন সৈন্য নিয়ে। মিশর পরিষ্কার জানিয়ে দিল যে এর তিন দেশের সৈন্যদের জাতিপুঞ্জের পতাকা বহন করে মিশরী মাটিতে ঢুকতে দেবে না। ইডেন দাবি করলেন, শান্তি-সৈন্য বৃটিশ উদ্যোগের উদ্দেশ্যে সার্থক করবে। মিশর উত্তর দিল, নৈব নৈব চ। এমন মতলব নিয়ে কোনো বিদেশীর পদার্পণ হবে না তার বৃকের উপর।

হামারশ'ল্‌ড্‌ চাইলেন প্রথম শান্তি-সৈন্যের দল আগে তো মিশরে পৌঁছুক; পরে তিনি নাসেরের সঙ্গে কথাবার্তা বলে অন্য সব বিষয়গুলি ঠিক করবেন। সৈন্যবাহিনীতে যোগ দিতে কোনো বৃহৎ শক্তিকেই তিনি নিমন্ত্রণ করলেন না। প্রথমে পাঠালেন ডেনমার্কের কয়েকটি সৈন্য, তারপর নরওয়ের একটি ইউনিট, তারপর কলম্বিয়া থেকে কয়েকজন। নিমন্ত্রণ পেল ভারত, ইন্দোনেশিয়া, কানাডা, ফিনল্যান্ড, যুগোস্লাভিয়া। পাকিস্তানকেও ডাকতে চেয়েছিলেন, কিন্তু নাসের রাজী হন নি।

রাশিয়ায় হঠাৎ স্বেচ্ছাসৈন্য পাঠাবার কথাবার্তা একেবারে চূপ হয়ে গেল।

নভেম্বরের ১৫ই হামারশ'ল্‌ড্‌ এলেন কাইরোতে। নাসেরের সঙ্গে আলাপ করে তিনি তাঁর সব শর্তই মেনে নিলেন। মিশর অনুমতি না দিলে তার মাটিতে শান্তিসৈন্য অবস্থান করবে না। মিশরের অনুলোপিত কোনো

দেশের সৈন্য আনা হবে না। সুয়েজ খাল নিয়ে শান্তি-সেনার কোনো মাথা-
ব্যথা নেই। সে শব্দ, মিশরের ভূমি থেকে বিদেশী হামলাদারদের সরিয়ে
দেবে, আগে ইংরেজ ও ফরাসীদের, পরে ইহুদিদের।

কাইরোর বিখ্যাত পত্রিকা 'অল গুমহুরিয়া' সগর্বে ঘোষণা করল : "এখন
কাজ হবে কার নির্দেশে? মিশরের!"

'নিউ ইয়র্ক টাইমস্' কেঁদে উঠল : "নাসের দেখছি তাঁর সামরিক পরা-
জয়কে রাজনৈতিক বিজয়ে পরিণত করে ফেললেন!"

"রাজ্য দখলের চেয়ে বড়ো বাজাদান
গ্রহণের চেয়ে দান অনেক মহান।"—মিস্টন

৩২

গত দশবছরে চারবার মধ্যপ্রাচ্যে আমেরিকাকে গভীর পদক্ষেপ করতে
হয়েছে। দু'বার জাতিপুঞ্জের মাধ্যমে, দু'বার জাতিপুঞ্জকে এড়িয়ে। জাতি-
পুঞ্জের মাধ্যমে পদক্ষেপে মার্কিন প্রভাব ও সম্মান বেড়েছে, আর জাতিপুঞ্জকে
এড়িয়ে চলতে গিয়ে হয়েছে ব্যাহত।

অথচ মার্কিন জননেতারা এই সাধারণ সত্যটাকে স্বীকার করতে চাইছেন
না।

প্যালেস্টাইন সমস্যার সমাধান করতে গিয়ে মার্কিন উদ্যোগে জাতিপুঞ্জ
ইজরেইলের জন্ম পৌরহিত্য করেছিল। রাজনৈতিক বিচারে এ-কাজ যতই
সমালোচনীয় হোক না কেন, ইজরেইল সৃষ্টির দায়িত্ব একা আমেরিকার নয়,
সমস্ত পৃথিবীর। ইজরেইল-জন্মে যেমন সায় ছিল আমেরিকার তেমন
বাশিয়ার। প্যালেস্টাইন-বিতাড়িত আরব বাস্তুহারাাদের পুনর্বাসন এবং আরব-
ইজরেইলী সম্পর্কে স্থিতিশীল সমঝোতার উপর দাঁড় করানো, এই দুই
বিরাট প্রস্তরখণ্ডে ধাক্কা লেগে মার্কিন প্যালেস্টাইন নীতি চূর্ণ হয়েছে।
তার অন্যতম কারণ এ-সমস্যাগুলিকে জাতিপুঞ্জের মাধ্যমে ছড়িয়ে সমাধানের
চেষ্টা করা হয় নি।

মিশরের উপর ইংগ-ফরাসী আক্রমণের সময় আমেরিকা জাতিপুঞ্জের
মাধ্যমে সর্বজনগ্রাহ্য সমাধানের স্থানীয় হওয়ায় হঠাৎ মধ্যপ্রাচ্য, এমনকি সমস্ত
পৃথিবীতে, তার সম্মান ও নেতৃত্ব দৃঢ়প্রতিষ্ঠিত হয়েছিল। জাতিপুঞ্জের সৈন্য-
বাহিনী গঠনে মিশরের দাবি মেনে নিয়ে আমেরিকা মধ্যপ্রাচ্যের এক ঘোর
দুর্দিনে প্রত্যক্ষ রুশ হস্তক্ষেপ প্রতিরোধ করতে সক্ষম হয়েছিল।

অথচ, অন্য দুইটি গুরুত্বপূর্ণ মার্কিন পদক্ষেপই জাতিপুঞ্জকে এড়িয়ে।
প্রথম, ১৯৪৭ সালের ট্রুমান ডকট্রিন। সেদিন মধ্যপ্রাচ্যকে সাম্যবাদের প্রসার
থেকে রক্ষা করতে ট্রুমান জাতিপুঞ্জের শরণ নেন নি। বরং জাতিপুঞ্জকে
এড়িয়ে এত বড়ো একটা সিদ্ধান্ত নিয়ে তাকে তিনি পঙ্গু করেছিলেন।

দশ বছর পরে রাষ্ট্রপতি আইসেনহাওয়ারও তাই করলেন। আইসেন-
হাওয়ার ডকট্রিন জন্ম নিল জাতিপুঞ্জের বাইরে। একটা একান্ত মার্কিন
নীতির রূপ নিয়ে। তাই, এর সাফল্য বা ব্যর্থতার দায়িত্ব একান্তভাবে
আমেরিকার।

মার্কিন দৃষ্টি দিয়ে প্রথম সুয়েজ যুদ্ধোত্তর মধ্যপ্রাচ্যের চেহারা দেখতে হবে, আইসেনহাওয়ার ডকট্রিনের প্রয়োজন ও কারণ বুঝতে হলে। তারপর এশিয়ার দৃষ্টিতে তার বিচার চলতে পারে।

মিশর আক্রমণ বার্থ হবার সঙ্গে সঙ্গে মধ্যপ্রাচ্যে প্রাচীন বৃটিশ ও ফরাসী প্রভাবের সমাপ্তি হল। মিশরকে বলিষ্ঠ সমর্থন দিয়ে রাশিয়া হয়ে উঠল মধ্যপ্রাচ্যে সবচেয়ে জনপ্রিয় বহিঃশক্তি। অথচ মধ্যপ্রাচ্যে রুশ প্রভাব নিরস্ত করতে না পারলে পশ্চিমী বিশ্বপ্রভাবের অনেকখানিই নিশ্লেষ হয়ে যায়। মধ্যপ্রাচ্যে কায়ম হতে পারলে রুশ প্রভাব সমস্ত এশিয়ার দুই-তৃতীয়াংশে সুপ্রতিষ্ঠিত। আফ্রিকাকেও সে-প্রভাব থেকে বাঁচানো অসম্ভব।

আইসেনহাওয়ার ও ডালেস বুঝতে পারলেন রুশ প্রভাব প্রতিরোধ করার একমাত্র উপায় মধ্যপ্রাচ্যের প্রধানতম শক্তির ভূমিকায় আমেরিকার খোলাখুলি অবতীর্ণ হওয়া। ডালেস চিরদিন বিশ্বাস করে এসেছেন সোবিয়েতের নেতারা কেবল একটি মাত্র নীতির পূর্ণ মর্যাদা দিতে অভ্যস্তঃ সে হচ্ছে ক্ষমতার নীতি। তিনি দেখতে পেলেন বৃটিশ সুৰ্য অস্তমিত হবার সঙ্গে সঙ্গে মধ্যপ্রাচ্যে শক্তি-শূণ্য হয়ে গেছে। প্রমাদ গণলেন, এই মহাশূণ্যে রুশ প্রতাপ অচিরেই শিকড় ছড়াবে। তাহলে বিরাট এশিয়া মহাদেশের পূর্বাঞ্চলের মতো পশ্চিমাঞ্চলও চলে যাবে সাম্যবাদের প্রভাবে। আফ্রিকার শ্রেষ্ঠ দেশ মিশরে সুপ্রতিষ্ঠিত হয়ে রুশ প্রভাব ছড়িয়ে পড়বে সমগ্র কৃষ্ণ-মহাদেশে।

তুরস্ক ও রাশিয়ার মাঝখানে বস্পোরাস। এখানে প্রাচ্য এসে দাঁড়িয়েছে প্রতীচ্যের পাশে। কিন্তু কোনোদিন হাত মেলায় নি। একে অপরকে চোখ রাঙ্গিয়েছে। পশ্চিম চিরদিন ভয় পেয়েছে রুশ শক্তির ভূমধ্যসাগরে আত্ম-প্রতিষ্ঠাকে। সেই ঊনবিংশ শতাব্দীর যুরোপীয় ভয় নতুন করে মধ্যবিংশ শতাব্দীর আমেরিকার বুক কাঁপিয়ে দিল।

ডালেস ভাবলেন নতুন মধ্যপ্রাচ্যে এই 'শক্তি-সমস্যার' সমাধান জাতিপুঞ্জের মাধ্যমে হবার নয়। তাতে রাশিয়ার "ভেটো" আছে, এশিয়া-আফ্রিকার সাম্রাজ্যবাদ বিরোধী একতা আছে। যদি কোনো মার্কিন প্রস্তাব ভোটধিকো গৃহীতও হয়, তাহলে এশিয়া-আফ্রিকার ঊনত্রিশটি ভোট একান্ত আবশ্যক, আর তবেইতো তাদের খুশী করতেই হবে। শত্রু যুরোপের সাহায্যে জাতিপুঞ্জকে প্রয়োজন মতো ব্যবহারের দিন গত হয়েছে। অথচ নতুন পরিস্থিতিতে এশিয়া-আফ্রিকার ভোষামোদ আর সম্ভব নয়। ইঠাং ঘে-বিপদের সৃষ্টি, তাকে তাড়াতাড়ি পরাস্ত করা দরকার। প্রত্যেকটি বিলম্বিত প্রহর সাহায্য করবে মারাত্মক প্রতিপক্ষকে।

তা ছাড়া, সুয়েজ যুদ্ধে বুটেন ও ফ্রান্সকে নিন্দা করে আমেরিকা এক-মুহূর্তে পশ্চিমী ঐক্যের মূলে সাংঘাতিক কুঠারঘাত করেছিল। যে আত-লান্টিক ঐক্যের জোরে আমেরিকা বারো বছর রুশ শক্তিকে প্রসারতা থেকে বঞ্চিত করতে পেরেছিল সে-ঐক্য ইঠাং ভেঙ্গে টুকরো টুকরো হয়ে গেল। তাতে এশিয়া-আফ্রিকার মার্কিন নেতৃত্ব জনপ্রিয় হল বটে, কিন্তু শীতল-যুদ্ধের প্রধানতম রণক্ষেত্র যুরোপ হয়ে পড়ল কাবু ও অকেজো। আমেরিকায় এই অপরাধের জন্য মার্কিন সরকারকে যথেষ্ট নিন্দা ও সমালোচনার সম্মুখীন হতে হল, বিশেষ করে ডেমোক্রেটিক পার্টির কাছে। সর্বত্র সুস্পষ্ট দাবি

ঘনিয়ে উঠল দৃঢ়তর মার্কিন নেতৃবৃন্দ, য়ুরোপে ও মধ্যপ্রাচ্যে। এ-নেতৃবৃন্দ জেনো আইসেনহাওয়ারকে ডাless যে-পথের সম্ধান দিলেন, তা ট্রুমানেরই প্রদর্শিত পথ। ট্রুমান নীতির চেয়ে অবশ্য অনেক বেশি ব্যাপক, অনেক বেশি যুদ্ধাপ্রয়ী।

১৯৫৬ সালের নির্বাচনে যে নতুন মার্কিন কংগ্রেস তৈরী হল তার প্রথম অধিবেশন হবার তারিখ ছিল ১৯৫৭ সালের ১০ই জানুয়ারী। প্রথা হচ্ছে, প্রথম অধিবেশন শরু হয় রাষ্ট্রপতির একটি বিশেষ বাৎসরিক ভাষণ নিয়ে, যার নাম “স্টেট অব দি য়ুনিয়ন ম্যাসেজ”—রাষ্ট্রের অবস্থার পরিচয় দিয়ে রাষ্ট্রপতির ভাষণ। আইসেনহাওয়ার অতদিন অপেক্ষা করতে রাজী হলেন না। ৫ই জানুয়ারী নতুন কংগ্রেসের একটি বিশেষ অধিবেশন আহবান করলেন। তাঁর আগে কোনো মার্কিন রাষ্ট্রপতি এ-কাজ করেন নি।

মূল নীতির প্রণেতা ডাless।

ডিসেম্বরের শেষদিন ডাless নিউ ইয়র্কে হামারশল্ড-এর সঙ্গে আলাপ করতে গিয়ে নতুন নীতির প্রথম আভাস দিলেন। বৈঠকের শেষে ডাless সাংবাদিকদের বলেন, “মধ্যপ্রাচ্যের পরিবর্তিত অবস্থায় আমেরিকাকে নতুন নীতি গ্রহণ করতে হবে, আর এ-নীতি তৈরি করতে হবে রাষ্ট্রপঞ্জের সঙ্গে সামঞ্জস্য রেখে।” জানুয়ারীর প্রথম দিবসে ডাless ও আইসেনহাওয়ার রাষ্ট্রপতি ভবনে সাইটিশ জন কংগ্রেসী নেতাকে ডেকে নতুন নীতি বুঝিয়ে দেন। কিছুটা গরম গরম আলোচনা হল, কয়েকজন নেতা কিছুটা বেকে বসলেন; কিন্তু মোটামুটি যা সাড়া পাওয়া গেল ডাless তাকে সন্তোষজনক মনে করলেন। ডাless এই সভায় বললেন, “রাশিয়া যদি মধ্যপ্রাচ্যে অবতীর্ণ হয়, আর আমরা যদি তাকে না ঠেকাতে পারি, তাহলে আমাদের সর্বনাশ।” পরের দিন ডাless পনরায় কংগ্রেসের উভয় দলীয় নেতাদের সঙ্গে কথাবার্তা চালালেন। তারপর আইসেনহাওয়ার ডকট্রিনের আসল খসরা তৈরী হল।

৫ই জানুয়ারী, শনিবার, দুপুর সাড়ে বারোটায়, আইসেনহাওয়ার কংগ্রেস-হলে প্রবেশ করলেন। যথারীতি করতালি পড়ল, শ্রুভেচ্ছা ও অভিবাদন বিনিময় হল। তারপর রাষ্ট্রপতি গরু-গম্ভীর আওয়াজে তাঁর নতুন মধ্যপ্রাচ্য নীতি উপস্থিত করলেন।

দশ বছর আগের ট্রুমান প্রদত্ত ভাষণের সঙ্গে এ-দিনের আইসেনহাওয়ার-ভাষণ মিলিয়ে পড়লে চোখে পড়ে যুগব্যাপী পরিবর্তন-স্রোতের মধ্যে দাঁড়িয়েও মার্কিন নীতির পরিবর্তন-বিমুখতা! স্তালিন ও ক্রুশ্চেভের বক্তৃতায় যে সুরের, জোরের, ভাবের ও ভাবনার ব্যাপক পরিবর্তন সহজেই লক্ষিত হয়, ট্রুমান ও আইসেনহাওয়ারের বচনে তেমন কোনো পরিবর্তনের চিহ্ন নেই। রুশ পররাষ্ট্রনীতি যে ধর্ত্ব কিপ্রতার সঙ্গে পরিবর্তিত অবস্থার সঙ্গে নিজেকে বদলে নিতে পেরেছে, মার্কিন নীতিতে তার অভাব শোচনীয়।

আইসেনহাওয়ার তাঁর ভাষণ শরু করলেন মধ্যপ্রাচ্যে নতুন বিপদের সংকেত দিয়ে। মিশর-অভিযানের ব্যর্থতা মধ্যপ্রাচ্যকে স্থিতিহীন করে তুলেছে, আর এই অস্থিরতার সুযোগ নিয়ে রাশিয়া বিস্তার করেছে তার প্রভাব। ক্ষমতা-হীন দেশগুলির স্বাভাবিক রক্ষাকর্তা হচ্ছে জাতিপঞ্জ, কিন্তু রুশ ‘ভোটো’ এ-অধিকারকে পঞ্জা করেছে। তাই বর্তমান অবস্থায় জাতিপঞ্জের উপর

নির্ভর করে বসে থাকা সম্ভব নয়। আমেরিকাকে নিজের দায়িত্বে নতুন ব্যবস্থা করতে হবে, নতুন অবস্থার দাবি মেটাতে হবে। এ-জন্যে চাই কংগ্রেসের অনুমতি। চার-দফা প্রস্তাবে আইসেনহাওয়ার কংগ্রেসের অনুমতি চাইলেন :

- (১) মধ্যপ্রাচ্যের দেশগুলির আর্থিক শক্তি বাড়ানোর জন্যে মার্কিন সহযোগিতা।
- (২) যারা সামরিক সাহায্য চাইবে, তাদের সে সাহায্য দান।
- (৩) আন্তর্জাতিক সাম্যবাদ দ্বারা প্রভাবিত কোনো দেশ যদি মধ্যপ্রাচ্যের অন্য কোনো দেশের স্বাধীনতাকে বিপন্ন করে, তাহলে বিপন্ন দেশের অনুরোধে মার্কিন সামরিক হস্তক্ষেপ।
- (৪) দু' বছরে মধ্যপ্রাচ্যের দেশগুলির চাওয়া করার জন্যে আরো চল্লিশ কোটি ডলার অনুমোদন।

এর মধ্যে “সামরিক হস্তক্ষেপ” সূত্রটা নতুন নীতির আসল পরিচয়। আইসেনহাওয়ার আশ্বাস দিলেন, প্রত্যক্ষ সংঘর্ষে নামবার আগে তিনি কংগ্রেসের অনুমোদন নেবেন, স্বস্তি-পরিষদের সমর্থন চাইবেন। কিন্তু স্বস্তি-পরিষদের সমর্থন না পেলে হাত তুলবেন না, এমন আশ্বাস দিতে পারলেন না।

আমরা আগেই দেখেছি জর্ডানে নতুন নীতির কী ভাবে প্রথম প্রয়োগ হয়েছিল। পরবর্তী পরিচ্ছদগুলিতে দেখতে পাবো কেন সিরিয়ায় পুনঃ-প্রয়োগ সম্ভব হয় নি। আইসেনহাওয়ার ডকট্রিন সত্ত্বেও মধ্যপ্রাচ্যে রূশ প্রভাব সুপ্রতিষ্ঠিত হয়েছে। এখানেই আইসেনহাওয়ার নীতির ব্যর্থতা।

ডালেস যে-পররাষ্ট্রনীতির বিন্যাস করেছেন তাতে শক্তির প্রাধান্য। তার প্রথম লক্ষ্য রূশ শক্তিকে তার নিজের সীমানায় সীমাবদ্ধ রাখা, প্রসারের পথ অবরোধ করা। এরই ইংরাজী নাম : পলিসি অব কনটেনমেন্ট। এর থেকে আসছে : ভয়ংকর প্রতিঘাত—ম্যাসিভ্ রিটালিয়েশন। অর্থাৎ সাম্যবাদ যদি আক্রমণ-পথে সীমা-বিস্তারের উদ্যোগ করে, আমেরিকা সমস্ত শক্তি নিয়ে প্রতিঘাত করবে। তৃতীয় পর্যায় : সাম্যবাদের সীমানা সংকুচিত করা : পলিসি অব রোলিং ব্যাক্। ডালেস এই তিন নীতিরই কিছুটা বাস্তব আশ্বাদ পৃথিবীকে দিয়েছেন।

সীমা-বদ্ধ রাখা নীতিটা অবশ্য ট্রুমান আমলের। এ-নীতির বলিষ্ঠ প্রয়োগের জন্যে রাশিয়ার তিনদিকে প্রায় ষাটটি সামরিক ঘাঁটি প্রতিষ্ঠিত হয়েছে। অনেকগুলি সামরিক জোটে রাশিয়াকে ঘিরে রাখা হয়েছে। তথাপি গত পাঁচ বছরে উত্তর ভিয়েতনামে সাম্যবাদ প্রতিষ্ঠিত হয়েছে, মধ্যপ্রাচ্যে রূশ প্রভাব বৃদ্ধি পেয়েছে।

ভয়ংকর প্রতিঘাতের প্রয়োগ হয়েছিল কোরিয়ায়। তার ফলাফল সকলেরই জানা। সীমা-সংকোচের সংযোগ এসেছিল হাংগারীতে, কিন্তু ডালেস হস্তক্ষেপ করতে সাহস করেন নি।

বর্তমান আমেরিকার অন্যতম সর্বশ্রেষ্ঠ রূশ-বিশেষজ্ঞ জর্জ কেনান—কয়েক বছর তিনি মস্কোতে মার্কিন রাষ্ট্রদূত ছিলেন। ট্রুমান আমলে তিনি পররাষ্ট্র দপ্তরের প্রধান পরামর্শদাতা ছিলেন। মার্কিন পররাষ্ট্রনীতি বিষয়ে

জর্জ কেনানের মতামত ডায়েসের নিকট ছাড়া সর্বত্র সম্মানিত। সম্প্রতি কেনান 'সীমা-বন্ধ রাখা নীতি'র বিপক্ষজনক ব্যর্থতার সুন্দর একটি ক্রিয়াস দিয়েছেন। বলেছেন, দুই পক্ষই যেখানে সমান শক্তিশালী, সেখানে এক পক্ষকে সীমাবদ্ধ রাখতে বাওয়াতে অবশ্যম্ভাবী পরিণাম নিজেই সীমাবদ্ধ হয়ে পড়া। ভয়ংকর প্রতিঘাতের ভয়ে ভয়ংকর-প্রতিঘাত-নীতি অকেজো হতে বাধ্য। সীমা-সংকোচ করবার ব্যর্থ প্রয়াস নিজের সীমাকেও সংকুচিত করতে পারে। আসলে হয়েছেও তাই। যেমন রুশ প্রভাব সীমাবদ্ধ হয়েছে মুরোপে, তেমন মার্কিন প্রভাবও। বরং মুরোপের বাইরে রুশ প্রভাব যে-গতিতে বেড়েছে, মার্কিন প্রভাব ততটা বাড়ে নি। প্রতিঘাত করতে গিয়ে উভয় পক্ষই প্রতিঘাতের ভয়ে ধেমো গিয়েছে। মধ্যপ্রাচ্যে আমেরিকা পেয়েছে জর্ডন, তেমন রাশিয়া পেয়েছে সিরিয়া। কেউ কাউকে বেশি ঘাটাতে অনিচ্ছুক। প্রতিযোগিতার ক্ষেত্র রাজনীতির অবরুদ্ধ পথ পরিত্যাগ করে উৎপাদন, অর্থনীতি ও বিজ্ঞানের পথে বিস্তৃত হয়েছে।

আনিউরিন বেভন ১৯৫৭ সালের নভেম্বরে আমেরিকা প্রদক্ষিণের পর কয়েকটি প্রবন্ধে বর্তমান মার্কিন বিশ্ব-নীতির বিশ্লেষণ করেছেন। তাঁর মতে, মার্কিন নীতির প্রধান প্রণেতা আইসেনহাওয়ার নন, জন ফস্টার ডায়েস। তাঁর নীতিতে সায় দেওয়াই রাষ্ট্রপতির অভ্যাস। বেভন কথাবার্তা বলে এসেছেন এই দুই মার্কিন নেতার সঙ্গেই। দুজনকেই দেখে এসেছেন শাখারিক পীড়ার পঙ্কাদ। বেভন মন্তব্য করেছেন, “ইতিহাসের এক বিশেষ সংকটসংকুল সময়ে পৃথিবীর সবচেয়ে শক্তিশালী দেশটির ভাগ্য, যার সঙ্গে জড়িত সমস্ত মানুষের ভাগ্য, পরিচালিত হচ্ছে দুজন অসুস্থ, রোগজীর্ণ মানুষের কর্তৃত্বে। এ তো কোনোমতেই শৃঙ্খল নয়!”

“যুদ্ধের সুতোয় বাঁধা ইতিহাসের ঘটনা-মালা। যাব বার ভুল, বিশ্বের নিবাসিত করেছে সত্য ও যুক্তিকে। চতুর-সৌভাগ্যবানরা মর্খ-অভাগাদের স্বাধীনতা হরণ করেছে, কিন্তু কালের বিবর্তনে তারা ই হবে পড়েছে ভাগ্যের হাতের পুতুল, একদা-শাসিত দেশগুলির মতো।”—ভলভেয়ার



আইসেনহাওয়ার ডকট্রিনের ব্যর্থতা মার্কিন মধ্যপ্রাচ্যনীতিকে বিষম বিপাকে ফেলেছে। এ-নীতির মূখ্য উদ্দেশ্য ছিল মিশরকে আরবভূমিতে একঘরে কবে রাখা। কিন্তু জর্ডন নিয়ে ক্ষণিক সাফল্যের পর হঠাৎ যে মার্কিন সর্বোদয়ে আরব আকাশ জ্বলে উঠেছিল, পূর্বা হ গগনেই সে-সূর্যের অস্ত হাবার উপক্রম।

১৯৫৭ সালের শরৎকালে হঠাৎ আরবভূমিতে নতুন এক ঐক্যের বাতাস বইতে শুরু করল; এমন যে বশংবাদ মিত্র ইরাক ও লেবানন, সেখানেও আব-হাওয়া হঠাৎ যেন বদলে উঠল।

সাধারণ পাঠক নিশ্চয় অবাক হয়ে ভেবেছেন এ-সবের কারণ কী, কেন হঠাৎ সৌদী আরবের রাজা সিরিয়ার মিত্র হয়ে উঠলেন, কেন সেক্ষেত্রে হঠাৎ অনদৃষ্টিত হল ইরাক-সিরিয়া-সৌদী আর মিশরের মিলিত বৈঠক, কেন এ-বৈঠক থেকে ধ্বনি উঠল আরব ঐক্যের, কেন হঠাৎ ইরাক, সিরিয়ার সঙ্গে নতুন

বাণিজ্য চুক্তি করতে রাজী হয়ে গেল, কেনে জেবানন সিরিয়ার সীমান্ত-অবরোধ তুলে দিয়ে বাণিজ্যের পথ উন্মুক্ত করল, কেনই বা এক মিশরী বাহিনী অস্তি সংগোপনে উপস্থিত হল সিরিয়াতে, আর, কয়েক ঘণ্টার মধ্যে, পুনঃপ্রতিষ্ঠিত করল আরবভূমিতে নাসেরের নেতৃত্ব।

এ-সব প্রশ্নের উত্তর দিতে একটা বিশেষ অসুবিধা আছে। বর্তমান আরব বাস্তাবরণ এতই অস্থির যে যে-কোনো সময়ে নতুন পরিস্থিতির উদ্ভব হতে পারে, দেখা দিতে পারে নতুন মিতািল আর নতুন দশমনী, নতুন চক্রান্ত, নতুন মতলব। পৃথিবীর এক অতিশয় গুরুত্বপূর্ণ অঞ্চলে কতগুলি জন-সমর্থনহীন স্বৈরাচারী বিদেশী প্রসাদপুষ্ট শাসনব্যবস্থা চালু থাকার জন্যই এই রাজনৈতিক, অর্থনৈতিক ও সামাজিক অস্থিরতা।

এর সমাধান হবে না যতদিন না প্রত্যেক আরব দেশের শাসন ক্ষমতা এসেছে জনসাধারণের হাতে, গণতন্ত্র মাটিতে সুস্থ শিকড় প্রসার করেছে, আর আবব সত্যিকার বৃদ্ধিতে পেরেছে, কোথায় তার স্বার্থ, কোনটা তার পথ, কী তার পাথর।

আইসেনহাওয়ার ডকট্রিনের বিঘোষিত উদ্দেশ্য মধ্যপ্রাচ্যের বারোটি দেশকে আন্তর্জাতিক সাম্যবাদ, অর্থাৎ রুশ প্রভাব থেকে বাঁচানো। অস্ত্র দিয়ে, অর্থ দিয়ে, প্রয়োজন হলে শ্বয়ং যুদ্ধে অবতীর্ণ হয়ে।

কিন্তু জর্ডানে যে-প্রভাবকে দমন করা হল তা সাম্যবাদী নয়, জাতীয়তাবাদী; তার প্রেরণা এসেছিল মস্কা থেকে নয়, মিশর থেকে।

হুসেনকে দলে টেনে যে 'তিন রাজ্যের শিবির' আমেরিকা তৈরি কবতে চাইল, তার উদ্দেশ্য নাসেরকে একঘরে করা, আরবভূমিতে তাঁর প্রতিষ্ঠাকে খর্ব করা এবং মার্কিন আওতায় আরব অঞ্চলে এমন একটা প্রাচীর গড়ে তোলা যা ভেদ করে রুশ প্রভাব কোনোমতেই প্রবেশ কবতে পারবে না।

কিন্তু, হায়, তিন রাজ্যই তো আর তিনটি দেশ নয়!

দেখা গেল, সৌদী আরবেই গোলমাল! রাজ্যের ভাই প্রধানমন্ত্রী ও পররাষ্ট্রসচিব যুবরাজ ফয়জল নিজেই নাসের সমর্থক, রাজা আবদুল আজিজের মার্কিনতোষণ নীতির পরিপন্থী।

ফয়জলকে নিয়ে একটা ইতিহাস আছে। আবদুল আজিজ নিরক্ষর না হলেও, শিক্ষা-দীক্ষা তাঁর বেশ নেই। ফয়জল শিক্ষিত, বংশিমান, অনেক বেশি দূরদৃষ্টিসম্পন্ন। পিতা আবদুল আজিজ অল সৌদই তাঁকে একটু হিংসার চোখে দেখতেন, তাই রাজ্যসিংহাসন তাঁর ভাগ্যে না জুটে জুটল আবদুল আজিজের। ফয়জল প্রধান মন্ত্রী হিসাবে রাজকাৰ্যে সহায়তা করতে লাগলেন। কিন্তু সৌদ মার্কিন পন্থা অনুসরণ করবার সঙ্গে সঙ্গে ফয়জলের সঙ্গে তাঁর মতবিরোধ হয়; ফয়জল 'চীকিংসার জন্যে' চলে যান আমেরিকা, এবং সেখানে আইসেনহাওয়ার ও ডালেসকে বলেন যে সিরিয়া নিয়ে সামরিক সংঘর্ষ হলে সমগ্র আরবভূমিতে এমন আগুন জ্বলে উঠবে যার পরিণাম আজ কেউ কল্পনা করতে পারবে না। মিলর সিরিয়ার সঙ্গে বিচ্ছেদের ফলে সিরিয়া, মিশর ও জেবাননের বামপন্থী কণ্ঠজে সৌদী আরব সম্পর্কে এমন কঠোর কাহিনী প্রচার হতে শুরু করল যা পূর্বে আরবদের জানা ছিল না। এ-সব কাহিনী জনগণের দারিদ্র্যের ও অসহায়তার কাহিনী, রাজকীয় বিলাস

ব্যসনের কাহিনী, গণস্বার্থ সমর্থকদের উপর অকণ্ঠ্য অত্যাচারের কাহিনী। সৌদ পৃথিবীর সমস্ত মুসলমানের কাছে একটা ধর্মীয় আনুগত্যের দাবি রাখেন। তাঁর শাসন বিষয়ে এ-সব ‘অপপ্রচারে’ তিনি শঙ্কিত ও বিরত হয়ে পড়লেন। ইতিমধ্যে ওমান নিয়ে বাঁধল ইংরাজের সঙ্গে সঙ্ঘর্ষ।

পারস্য উপসাগরের তীরবর্তী মুস্কাট ও ওমান নামে স্বাধীন হলেও ইংরাজের অধীন। এই রাজ্যের ওমান অঞ্চলে সম্প্রতি তেলের সন্ধান পাওয়া গেছে। সুলতান তেল-সম্প্রদানের সনদ দিয়েছেন ইরাক পেট্রোলিয়াম কোম্পানীকে, যার তিন ভাগ অংশ ইংরাজের এক ভাগ আমেরিকার। সৌদের বহুদিনকার দৃষ্টি এই ওমান অঞ্চলে; নির্বাসিত ইমামকে তিনি বহু অর্থ সাহায্য করে এসেছেন। তাঁর ভরসা ছিল ইমামের সঙ্গে সুলতানের লড়াই বাঁধলে, আমেরিকা, তাঁর মুখ চেয়ে, ইমামের পক্ষ নেবে এবং অস্তিত্ব স্বাধীনতার পরিষদে এমন একটা জটিল পরিস্থিতির সৃষ্টি হবে যার ফলে সুলতানের রাজত্বের ভিত্তি নড়ে উঠবে।

কিন্তু তা হল না। ইংরাজ অস্তবলে ইমামের সৈন্যদের পরাস্ত করল। আমেরিকা টু শব্দ করল না। বুরেইমী মরুদ্যান কয়েক বছর আগেই সৌদ ইংরাজের কাছে হারিয়েছিলেন, এখন গেল ওমান। সৌদ দেখলেন তাঁর পররাষ্ট্রনীতি উত্তরোত্তর ব্যর্থ হতে চলেছে। আরব-মণ্ডলভূমিতে তিনি সবাইকে একত্রিত করে এসেছেন, তাঁর ভূমিকা ছিল একজন সর্বমান্য সালিশের। মিশর-সিরিয়ার সঙ্গে একত্রিত হয়ে নিরপেক্ষ বৈদেশিক নীতি প্রচার করে তিনি যে আরব-মানসে নেতৃত্বের স্থান অধিকার করতে পেরেছিলেন, মার্কিন নীতির পথে চলে তা তিনি হারাতে বসেছেন, অপর পক্ষে নতুন কিছুই তাঁর লাভ হচ্ছে না। সাম্যবাদ তার বিরাট মরুদস্যুর দেশে অনুপ্রস্থিত; রাশিয়া কোনো মতেই আজ পর্যন্ত তাঁকে বিরত করে নি, বরঞ্চ, দুই দশকের প্রথম দিকে তাঁর পিতা যখন তলোয়ারের জোরে একটি নতুন রাজ্য প্রতিষ্ঠা করেন, রাশিয়াই সর্বাগ্রে তাকে স্বীকার করে নিয়েছিল!

লেবাননকে কেন্দ্র করে সিরিয়ার বর্তমান সরকারকে উৎখাত করার যে-পরিকল্পনাব কথা আমরা আগেই আলোচনা করেছি তার ব্যর্থতার সঙ্গে সঙ্গে রাজা সৌদের চিন্তা চাঞ্চল্য দেখা দিল। ভাই ফয়জল ওয়াশিংটনে বসে ডালেসকে নতুন পবায়র্শ দিলেন, যাব মূল কথা; আমেরিকা এখন পুরাতন নীতি বর্জন করে সিরিয়া ও মিশরের সঙ্গে মিতালি করুক। সৌদ হঠাৎ পশ্চিম যুরোপীয় সফর সংক্ষিপ্ত করে ডামাস্কাসে এসে হাজির হলেন; তাঁর আহ্বানে এলেন ইরাকের প্রধান মন্ত্রী ও লেবাননের এক প্রতিনিধি। মিশরের বাজদত্বকেও ডাকা হল। দুদিনব্যাপী আলোচনা-আলোচনার ঠিক হল সিরিয়ার বিরুদ্ধে সব আন্দোলন বন্ধ হবে, ইরাক ও লেবানন বাণিজ্য পথের অবরোধ তুলে নেবে, ইরাক করবে নতুন বাণিজ্য-চুক্তি। আর সৌদ? সৌদ এক গুরুগম্ভীর বিবর্তিত বলালেন, “দু দিন ধরে সিরিয়ার রাজধানীতে বসে এখানকার সব ব্যাপার আমি চাঞ্চল্য করেছি। নানা মতের নেতাদের সঙ্গে আমার কথাবার্তা হয়েছে। সিরিয়া অন্য কোনো আরব দেশকে কোনোমতেই বিপন্ন করে নি। কোনো আরব দেশ যে অন্য একটি আরব দেশকে বিপন্ন করতে পারে, আঘাত করতে পারে, তা আমার বিশ্বাসের বাইরে। সব আরব

দেশই এক জোট হয়ে প্রতিরোধ করবে তাদের স্বাধীনতার পথকে। একটি আরব দেশের উপর আক্রমণের মানে সব আরব দেশের উপর আক্রমণ।”

সিরিয়ার বিরুদ্ধে মার্কিন সরকারের সবচেয়ে বড় নালিশ ছিল যে নতুন বামপন্থী গভর্নমেন্ট, রুশ অস্ত্র ও অর্থ দিয়ে, প্রতিবেশী আরব দেশগুলিকে বিপন্ন করে তুলেছে। তার ফলে যে-কোনো মনোবৃত্তি জর্ডন বা লেবানন আক্রান্ত হতে পারে। সৌদের ঘোষণা এ-নালিশের শাস তুলে নিল। দু'চারদিনের মধ্যেই লেবাননের প্রধান মন্ত্রী ঘোষণা করলেন সিরিয়া থেকে তিনি কোনো বিপদের আশঙ্কা করেন না; ইরাকের প্রধান মন্ত্রীও সুরে সুরে মেলালেন। বাকী রইল শব্দ জর্ডন। হুসেন প্রথম বন্ধুতে পারলেন না নতুন ব্যাপারটা কী হল; বন্ধুত্বমানের মতো তিনি চূপ করে রইলেন। পরে ইরাক-নৃপতি ফয়জলের সঙ্গে জর্ডন সীমান্তে মিলিত হয়ে তিনি বন্ধুতে পারলেন নতুন এক বিপদ দেখা দিয়েছে আরব আকাশ কুক্ষায়িত করে এবং এই বিপদের মধ্যে আরব দেশগুলির প্রধান কর্তব্য ঐক্যবদ্ধ হওয়া। আর এ-কথা নিশ্চিত, যদি হুসেন তাঁর স্বদেশী আম্বেলনকাবীদের চেপে রাখতে পারেন তাহলে অন্তত কিছুদিনের জন্যে তিনি নির্ভর।

নতুন বিপদ হল তুর্কী।

সিরিয়া আরবভূমির মধ্যমণি। প্রায় চতুর্দিকে তাকে ঘিরে তুর্কী, ইরাক, লেবানন, জর্ডন, ইজরেইল। শব্দ পশ্চিম সীমান্তের অধিক ঘিরে ভূমধ্য সাগরের সুনীল জলরাশি। সিরিয়াকে বাহুবলে দমিয়ে দিতে পারে তুর্কী। তুর্কীর সুশিক্ষিত সৈন্য মার্কিন অস্ত্রে সজ্জিত, মার্কিন রণনীতিতে দীক্ষিত। তুর্কীর মতো মহি আমেরিকার খুব কমই আছে। নর্থ অ্যাটলান্টিক সামরিক চুক্তির প্রায় গোড়া থেকেই তুর্কী তার সভা। রূরোপে অবস্থিত ন্যাটো বাহিনীর এক চতুর্থাংশ সৈন্য দিয়েছে তুর্কী। তুর্কীর রুশ-ভাষী গভীর ও পুরাতন। রাশিয়াকে সমুদ্র পথের অধিকার থেকে বঞ্চিত রেখেছে তুর্কী এবং এজন্যেই পশ্চিমী শক্তিগুলির কাছে তার সামরিক গুরুত্ব অতুলনীয়। তুর্কীর রাজনৈতিক অবস্থা যতই অনিশ্চিত হোক না কেন, আর্থিক অবস্থা যতই গুরুত্বপূর্ণ হোক, মার্কিন সামরিক সাহায্যে এখনো সেখানে রাষ্ট্রীয় স্থিতিশীলতা অটুট। তুর্কী সরকারের দেশী ও বৈদেশিক নীতি পশ্চিমী স্বার্থের অনুকূল।

সিরিয়ার নতুন বামপন্থী সরকার প্রতিষ্ঠিত হবার পরেই রুশ সরকার তাকে প্রচুর অর্থনৈতিক সাহায্যের প্রতিশ্রুতি দেন এবং রুশ বিমান ও অন্যান্য অস্ত্রশস্ত্র সিরিয়ার পৌঁছেতে শুরু করে। প্রত্যুত্তরে আমেরিকা যুদ্ধোপকরণ পাঠাতে থাকে জর্ডনে, ইরাকে, লেবাননে। ভূমধ্যসাগরে অবস্থিত বিরাট মার্কিন নৌবাহিনী সিরিয়ার উপকূল থেকে কিছু দূরে বিচরণ শুরু করে। এদিকে শুলভেচ্ছা-মূলক পরিভ্রমণরত দু'খানি রুশ যুদ্ধজাহাজও এসে নোঙর করে সিরিয়ার বন্দরে।

সিরিয়া নিয়ে মধ্যপ্রাচ্যের শীতল-যুদ্ধ বেশ গরম হয়ে উঠবার লক্ষণ দেখা দেয়।

এর মধ্যে তুর্কী তার সৈন্যবাহিনী একত্রিত করতে শুরু করল সিরিয়ার সীমান্তে। বলা বাহুল্য, মার্কিন অনুরোধ না নিয়ে এ-কাজ সে করতে

পারত না। তুর্কীর সৈন্যবাহিনীর পরিমাণ পঞ্চাশ হাজার। এর বেশির ভাগই তুর্কী-রুশ সীমান্তে প্রহরী। এ-সব সৈন্যদেরও সিরিয়ার সীমান্তে এনে জড়ো করা হল। সঙ্গে সঙ্গে জমায়েত হল নতুন অস্ত্রশস্ত্র, আমেরিকা থেকে পাওয়া। অর্থাৎ লেবানন থেকে যে-হুদুমকি কাজে লাগে নি, আইসেন-হাওয়ার ডকট্রিন সে-হুদুমকি নতুন করে দেখাতে শুরু করল তুর্কী থেকে!

কিন্তু এখানেই মার্কিন কূটনৈতিক চালে মস্ত বড় ভুল হয়ে গেল। এ-ভুলটা অপটুদের, অনিপুণতার, আরব-মানস সম্বন্ধে অজ্ঞানতার।

সমস্ত আরব ভূমিতে তুর্কী এখনো এক মহা আতঙ্কের উৎস। প্রথম মহাযুদ্ধের শেষ পর্যন্ত প্রায় সমস্ত আরবভূমি ছিল তুর্কী সাম্রাজ্যের পদানত এবং এই কঠোর, অত্যাচারী, বন্দ্য দীর্ঘ ইতিহাসের স্মৃতি আরব মনকে এখনো অধিকার করে আছে। আমরা আগেই দেখেছি ইরাক যে তুর্কীর সঙ্গে হাত মিলিয়ে বাগদাদ চুক্তিতে যোগ দিয়েছে, ইরাকী নেতৃবৃন্দের বিরুদ্ধে আরব জনসাধারণের তা একটা ভয়ঙ্কর অভিযোগ। আরব দেশগুলি ইজরেই-লের মতোই তুর্কীকে সমবেত প্রতিরোধের চোখে দেখে আসছে এবং তুর্কী হতে বিপন্ন সিরিয়া স্বভাবতই সমগ্র আরব জাতির সক্রিয় সহানুভূতি ও সাহায্যের অধিকারী।

বামপন্থী সিরিয়া কী করে তুর্কীর নিকট মহাবিপদ হয়ে দাঁড়াতে পারে সহজে তা বোঝা যায় না। তুর্কীর সামরিক শক্তির কাছে মিশর-সিরিয়ার মিলিত শক্তিও নিতান্ত তুচ্ছ।

আরবরা বিশ্বাস করে না যে তুর্কী কোনোদিনই আরবভূমিকে নিজেদের দৃষ্টিতে দেখতে পেরেছে। প্রথম মহাযুদ্ধে পরাজয়ের সুযোগ নিয়ে বটেন ও ফ্রান্স যে তুর্কীর বহুদিনের বিস্তীর্ণ সাম্রাজ্য টুকরো টুকরো কবে গিয়ে থেয়েছে, অনেক তুর্কী নেতা আজও তা বিস্মৃত হন নি।

তুর্কীর আসল ভয় বামপন্থী সিরিয়াকে নয়, আরবভূমিতে রুশ প্রভাবের সম্ভাবনাকে। অনগ্রসর বিরাট আরবভূমি তুর্কীর বর্তমান শাসকগোষ্ঠীর পক্ষে আশীর্বাদ। তুর্কীর উত্তর-পূর্ব ঘিরে সোবিয়েত রাশিয়া; সেখানকার সাম্যবাদী ব্যবস্থা তুর্কীর পক্ষে কোনোক্রমেই গ্রহণীয় নয়। কৃষ্ণসাগরের সঙ্গে ভূমধ্যসাগরের যোগাযোগের পথ রোধ করেছে তুর্কী; রুশ প্রভাবকেও আটকেছে। বস্পোরাস খাল না অতিক্রম করে রুশ নৌবহর কৃষ্ণসাগর পার হয়ে ভূমধ্যসাগর পৌঁছতে পারে না, আর এই খালের মুখেই তুর্কীর অন্যতম প্রধান শহর ইস্তানবুল। অর্থাৎ তুর্কী হচ্ছে রুশ নৌবহরের উপর পশ্চিমের সদাজাগ্রত প্রহরী। তুর্কীর পশ্চিমে গ্রীস ও বুলগারিয়া, পূর্বে ইরান, দক্ষিণে আরব অঞ্চল। গ্রীস বা মধ্যপ্রাচ্যে বিশেষ কোনো রাজনৈতিক বা অর্থ-নৈতিক পরিবর্তনের চেউ তুর্কীর জনমনকে উদ্বেলিত করতে বাধ্য। এজেনেই এ-সব দেশে প্রগতিমূলক কোনো পরিবর্তনকেই তুর্কীর বর্তমান শাসকগোষ্ঠী প্রীতির চোখে দেখতে পারে না। ইরানে যখন ডাঃ মদুসাদিকের আমলে নতুন গণজাগরণের সূচনা হয়েছিল তখনো তুর্কীর শাসকগণ সন্তুষ্ট হয়ে উঠেছিলেন। আরবভূমিকে পশ্চাৎগামী, দরিদ্র, পরমুখাপেক্ষী দেখতেই তুর্কী অভ্যস্ত এবং তাতেই সে প্রীত।

এহেন তুর্কীকে সিরিয়ার বিরুদ্ধে উসকে দেওয়া যদি আইসেনহাওয়ার

ডকট্রিনের অন্যতম উদ্দেশ্য হয়ে ওঠে, তবে তা শৃঙ্খল ব্যর্থই হবে না, আরব-ভূমিতে মার্কিন প্রভাবকে আরো স্থান ও কলংকিত করে তুলবে।

আরব দৃষ্টিভঙ্গী থেকে তুর্কীর সমরায়োজন একদিকে যেমন বিপদের সূচনা করেছে, অন্যদিকে, হিতের ক্ষেত্রে, আরব জাতীয়তাবাদকে মার্কিন যুদ্ধ-পাড়ানো গানের প্রভাব থেকে জাগিয়ে দিয়েছে। এর মধ্যে সবচেয়ে চমকপ্রদ ঘটনা অক্টোবরের দ্বিতীয় সপ্তাহে কয়েক হাজার মিশরী সৈন্য সিরিয়ায় আগমন। পশ্চিমী শক্তিগুলির অগোচরে এই তাৎপর্যপূর্ণ কাজটা হাসিল করা নাসের সরকারের অন্যতম শ্রেষ্ঠ কৃতিত্ব।

সিরিয়ার সঙ্গে মিশরের স্থলপথে যোগাযোগ নেই। মাক্বানে ইজরেইল, নয় জর্ডন। মিশর-সিরিয়া যুনিয়ন পরিকল্পনার এটাই সবচেয়ে মারাত্মক দুর্বলতা। তা সত্ত্বেও এ-পরিকল্পনার কাজ অনেকখানি এগিয়েছে। দু দেশের ঐক্যবন্ধ সামরিক কম্যান্ডের প্রধান সেনাপতি মিশরের সৈন্যাধ্যক্ষ জেনারেল ওমের। সেপ্টেম্বরে তাঁর সঙ্গে সিরীয় প্রধান সেনাপতি জেনারেল বিজুরীর আলাপ-আলোচনার ফলে মিশরী সৈন্যদের সিরিয়া যাত্রার প্ল্যান তৈরী হয়। মিশর গত দু বছর ধরে রুশ বিমান ও অস্ত্রশস্ত্র কিনে আসছে, তাদের ব্যবহারে মিশরী সৈন্যদল বর্তমানে অনেকটা সুদক্ষ। সিরিয়া রুশ অস্ত্রশস্ত্র সবমাত্র আমদানী করেছে, তার ব্যবহারে সৈন্যরা দিচ্ছে মাত্র হাতে-খড়ি। রাশিয়া সৈন্য পাঠিয়ে সিরিয়ায় সৈন্যদের দীক্ষা দিতে রাজী হয়নি। তাই কিছু সুদক্ষ মিশরী সৈন্যের সিরিয়া গমন বিশেষ প্রয়োজনীয় হয়ে পড়েছিল। অথচ এই ব্যাপারটা যদি গোপনে না সারা যেত, তাহলে নানা প্রকারের গোলমাল অপরিহার্য হয়ে উঠত। আলেকজান্দ্রিয়া থেকে তুর্কীর সীমান্তবর্তী লাটাকিয়া বন্দরে কয়েক হাজার সৈন্যকে জাহাজে স্থানান্তরিত করা কিছই নয়, কিন্তু কাইরো বা ডামাস্কাসে অবস্থিত পশ্চিমী বাজদূত-দের সম্পূর্ণ অগোচরে এ-কাজটা করা খুবই কৃতিত্বের কথা।

আরব দেশগুলির ক্ষুদ্র সামরিক শক্তির দৃষ্টিতে দেখতে গেলে এই সৈন্য নিয়োগ ব্যাপারটা তুচ্ছ নয়, যদিও তুর্কীর সঙ্গে লড়াই বাধলে, যদি রাশিয়া আশ্রয়ের পক্ষে হস্তক্ষেপ না করে, আরব স্বাধীনতা সহজেই বিপন্ন হয়ে উঠবে। তবে আরব জনসাধারণের কাছে সিরিয়া-মিশরের এই ঐক্যবন্ধ প্রতিরক্ষা আয়োজন ঐতিহাসিক দৃষ্টিতে গুরুত্বপূর্ণ। এর আগে প্রস্তাবিত সিরিয়া-মিশর যুনিয়নকে আরবরা সত্যিকারের বড় কিছু ভাবতে পারত না; অনূর্বর মরুপ্রান্তবে অনেক ক্ষীণজীবী মহৎ পরিকল্পনার মতো এটাও মনে হত কাগজ-পরিকল্পনার চেয়ে বেশি কিছু নয়। এখন তাবা দেখতে পেল সিরিয়ার বিপদের দিনে মিশর সত্যি জানপ্রাণ দিয়ে তার পাশে এসে দাঁড়িয়েছে। নাসেরের প্রতিশ্রুতির এই অভাবনীয় মূল্য তাঁর নেতৃত্বকে আরব-মানসে অনেক দৃঢ় করে দিয়েছে।

দ্বিতীয় মহাযুদ্ধের পরে আরব লীগের জন্ম থেকে অনেক আরব ঐক্য পরিকল্পনাই জন্মেছে, কিন্তু একমাত্র প্যাঙ্গেস্টাইন যুদ্ধের সময় ছাড়া বিপদের দিনে আরব জাতি একত্র দাঁড়াতে পারে নি বন্দুক হাতে নিয়ে। গত বছরে মিশর আক্রমণের সময় অবশ্যই এক অভূতপূর্ব আরব ঐক্যের জন্ম হয়েছিল; কিন্তু তখনো অন্য কোনো আরব দেশের সৈন্য মিশর সেনার সঙ্গে হাতিয়ার

নিজে লড়াই-এর সুযোগ পায় নি। মিশর এবং সমগ্র আরব জাতি সে-সংগ্রাম লড়েছিল রাজনৈতিক ক্ষেত্রে। পরে জর্ডানের এক বিপদের দিনে ইরাক, সিরিয়া ও সৌদী আরব সৈন্য পাঠিয়েছিল জর্ডান সীমান্তে; হুসেন ইরাকী ও সৌদী সৈন্যের সাহায্যে দমন করেছিলেন জাতীয়তাবাদী বিদ্রোহ! সিরিয়া তার সেনাবাহিনীকে ফিরিয়ে নিয়েছিল জাতীয়তাবাদীদের পরাজয়ের পর।

আরব ইতিহাসে এই প্রথম এক আরব দেশের জাতীয় সংকটের দিনে অন্য এক মিত্র আরব দেশের সৈন্য প্রাণ দেবার জন্যে তৈরী হয়ে দাঁড়াল তার স্বাধীনতা রক্ষা করতে! আরব জাতীয়তাবাদের পক্ষে এ-ঘটনা তাৎপর্য তুলছে নয়। তা ছাড়া মিশরের এই নতুন চাল পৃথিবীকে দেখিয়েছে যে সিরিয়ার স্বাধীনতা রূশ সরকারেরই কাম্য নয়, তার চেয়েও অনেক বেশি কাম্য সিরিয়ার, মিশরের, সমগ্র আরবভূমির। এ-কথাও মনে রাখতে হবে যে ১৯৫৪ সালের ইংগ-মিশর চুক্তি অনুসারে তুর্কী আক্রান্ত হলে ইংরেজ সৈন্য সুয়েজে প্রত্যাবর্তন করতে পারে। কোনো মতে তুর্কী নিয়ে একটা গোলমাল বাঁধিয়ে ইংরেজ সুয়েজে আবার ফিরে আসতে চাইবে, নাসেরের এ-ভয় হওয়া স্বাভাবিক।

অবশ্য, সিরিয়া নিয়ে ষে-সংকটের কালো ছায়া সমগ্র মধ্যপ্রাচ্যকে ভীত, সচকিত, সন্ত্রস্ত করে তুলেছিল, তার উদ্ভব সিরিয়ার নয়, রুশ-মার্কিন শীতল-যুদ্ধে। সমগ্র আরবভূমিতে পড়েছে রাশিয়ার প্রভাব; বহু যুগের পুরাতন রাজনীতি হঠাৎ একেবারে মিথ্যা হয়ে গেছে। আরবভূমির ভাগ্য আজ নিয়ন্ত্রিত হচ্ছে ওয়াশিংটনে ও মস্কোতে।

মার্কিন নীতির মোটামুটি একটা পরিচয় আমরা পেয়েছি। এবার রুশ নীতির পরিচয় পেতে হবে। তার আগে তুর্কীর সঙ্গে আর একটু ঘনিষ্ঠ মোকাবিলা করা যাক।

“কয়েক শতাব্দী ধরে আমাদের দেশবাসী এই অলীক সাম্রাজ্যবাদের জন্যে কষ্ট দিতে বাধ্য হয়েছে। তাতে ফল হয়েছে কী? যেখানেই তাবা গেছে, লক্ষ লক্ষ লোকের মৃত্যু হয়েছে। আপনারা জানেন এমেনের জুলন্ত মরুতে কত তুর্কী প্রাণ দিয়েছে? কত মানুষের মৃত্যু হয়েছে শুধু ধরে বাধতে সিরিয়া, ইরাক ও মিশর?” —কামাল আতাতুর্ক

৩৪

তেরো শ বছর আগে যখন তুর্কীরা তাদের আদিম জন্মভূমি টিয়েন শান পর্বতমালা ও অরাল সমুদ্রের উপকূল ছেড়ে পশ্চিম-পথে যাত্রা করে তখন, কথিত আছে, তাদের পথ দেখিয়ে নিয়ে গিয়েছিল একটা ছাই রং-এর হিংস্র নেকড়ে বাঘ। এই দুর্ধর্ষ পরম দঃসাহসী জাতি নানা ধর্ম-প্রভাবের মধ্য দিয়ে ইসলামে উপনীত হয়েছিল, একাদশ শতাব্দীতেই সমগ্র মুসলমান দুনিয়ায় সাহসে, বাঁয়ে, নিষ্ঠুরতার এদের সমকক্ষ আর কেউ ছিল না। আরবী ভাষায় প্রচলিত একটা প্রবাদ আছে, ধর্মগুরু মহম্মদের মূখ থেকে নিঃসৃত : “আল্লাহ্ বলছেন, আমার এক সেনাবাহিনী আছে, তার নাম দিয়েছি তুর্কী। যখনই আমি কোনো জাতির উপরে ক্রুদ্ধ হই, তাদের শাস্ত করতে পাঠাই এই তুর্কী সৈন্যদের।”

১০৫৬ সালে তুর্কীরা অধিকার করে বাগদাদ; দক্ষিণ-পশ্চিম এশিয়ায়

এক বিরাট সাম্রাজ্যের প্রতিষ্ঠা করে এগিয়ে যায় আরো পশ্চিমে। এরটুগ্রুল (Ertugrul) নামে এক তুর্কী বীর দ্বয়োদশ শতাব্দীতে মধ্য-এশিয়া থেকে অবতীর্ণ হন উত্তর-পশ্চিম আনাটোলিয়ায়। ইনিই হচ্ছেন ওসমানের পিতা, যে ওসমান তুর্কীর প্রথম সুলতান। ওসমান শব্দটি এসেছে আরবী ‘উথমান’ থেকে। আর ‘উথমান’ থেকেই “অথোমান বংশ”, অথোমান সাম্রাজ্য ছ শ বছর আরু নিয়ে পৃথিবীর এক বিরাট অংশ জুড়ে যা ছিল প্রতিষ্ঠিত।

এ-সাম্রাজ্য যে কত বিরাট ছিল তার আন্দাজ পাওয়া যায় ষোড়শ শতাব্দীর “মহানুভব” সুলতান সুলেমানের আশ্ব-প্রশস্তি থেকে :

“আমি সুলতান সুলেমান খান, সুলতান সেলিম খানের পুত্র। আমি পূর্ব ও পশ্চিমের সকল সুলতানদের সুলতান। রোমক, পারস্য ও আরব সাম্রাজ্যের ভাগ্যবান মালিক। সমস্ত মনুষ্যজাতির বীর। ধরণী ও কালের কর্তা। ভূমধ্যসাগর ও কৃষ্ণসাগর আমার পদানত। মক্কা ও মদিনার পবিত্র তীর্থস্থানের আমি রক্ষক। জেরুসালেমের অভিভাবক। মিশরের সিংহাসন আমার। এমেন, আডেন, সিনাই, বাগদাদ, বসরা, লাহসা, আলজিয়ার্স, আজারবাইজান আমার অধিকারে। তাতারদের দেশ, কিপচাক অঞ্চল কুর্দি-স্থান, লুরিস্থান ও সমগ্র রুমেলিয়া, আনাটোলিয়া ও কারামান, ওয়ালাচিয়া মোল্ডাভিয়া ও হাঙ্গেরী আমার শাসনে।”

এই বিশাল সাম্রাজ্যের পতন শুরু হয় ১৬৮৩ সালে, যেদিন অথোমান সৈন্যেরা ভিয়েনা অবরোধ তুলে দিতে বাধ্য হয়, সেদিন থেকে। তার পরও ২৩১ বছর এ-সাম্রাজ্য টিকে ছিল ভাঙতে ভাঙতে, পড়তে পড়তে।

উনবিংশ শতাব্দীতে পৃথিবীর নানা স্থানে মুসলমান শাসকদের একে একে পতন হতে থাকে; ভারতে ও মধ্যপ্রাচ্যে ইসলামের হাত থেকে ক্ষমতা চলে যায় বিদেশী ক্রীষ্টানদের কাছে। তখন অথোমান সাম্রাজ্যকে বলা হত “রুরোপের রুশ ব্যক্তি”। বৃটেন, ফ্রান্স, রাশিয়া ও জার্মেনী মিলে যে “প্রচা প্রশ্নের” সৃষ্টি করেছিল, একজন তুর্কী ঐতিহাসিকের ভাষায় তা হল “অথোমান সাম্রাজ্য ভাগ করে নেবার প্রশ্ন”। এ-শতাব্দীর প্রথমার্ধেই বিদ্রোহ দেখা দেয় সার্বিয়া ও বুলগারিয়ায়; মিশরে সুলতান-প্রতিনিধি মহম্মদ আলী, সুলতানের সার্বভৌমত্ব অগ্রাহ্য করে আক্রমণ করেন সিরিয়া; তাঁর পুত্র ইব্রাহিম বিজয়ী সেনাবাহিনী নিয়ে অথোমান সাম্রাজ্যের রাজধানী কন্সটান্টিনোপল পর্যন্ত উপস্থিত হন। তিনি যে এ-নগরী আক্রমণ করেন নি তা কেবল একটি বিরাট রুশ বাহিনীর বসপোরাসের এশীয় উপকূলে উপস্থিতির জন্যে।

তুর্কী সাম্রাজ্যে যে-কঠোর স্বেচ্ছাচার রাজত্ব জনস্বার্থ জলাঞ্জলি দিয়ে অত্যাচার ও উৎপীড়নের চাকায় চলে আসছিল তার বিরুদ্ধে প্রথম সংঘবদ্ধ প্রতিবাদ জানিয়ে করেকজন সামরিক ছাত্র ১৮৮৯ সালে একটি সমিতি তৈরি করেন, যার নাম “অথোমান একতা ও প্রগতি সমিতি”। যে-সব শহর থেকে এই সময়ে সুলতানের অত্যাচারের ভয়াবহ কাহিনী প্রচার করে নানাবিধ পুস্তিকা তুর্কীতে পাঠান হত তার মধ্যে ছিল লন্ডন ও কাইরো। কিন্তু প্রথম বিশ্বযুদ্ধে জার্মেনির সঙ্গে যোগ দিয়েই তুর্কী সাম্রাজ্যের পূর্ণ পতনের আরম্ভ হয়। এ-সাম্রাজ্যের বিরাট ভৌগোলিক দেহের কোনো অংশের সঙ্গেই

সুলতানের আশ্রয় বোগাযোগ ছিল না। বুটেন, ফ্রান্স ও রাশিয়াকে প্রতি-
রোধ করবার ক্ষমতা তো তাঁর ছিলই না, তার উপর বিস্তীর্ণ আরব অঞ্চলের
সর্বত্রই সুলতানের প্রজারা বিদ্রোহ করে ইংরেজের নেতৃত্বে একটি বলিষ্ঠ
গেরিলা বাহিনীর সৃষ্টি করে তুলেছিল। ১৯১৮ সালের অক্টোবরে তুর্কী
সাম্রাজ্যের অবস্থা বর্ণনা করতে হিউডেনবার্গ তাঁর স্মৃতিকথায় লিখে গেছেন :
“পূর্বাঞ্চলে, তুর্কী সাম্রাজ্যের শেষ প্রতিরোধ ভেঙ্গে পড়েছে। মসুল ও
আলেম্পো প্রায় বিনা-যুদ্ধে শত্রুর কাছে আত্মসমর্পণ করেছে। ইরাক ও
সিরিয়ার সৈন্যদের কোনো অস্তিত্বই নেই।”

যে কামাল আতাতুর্ক তুর্কীকে পরাজয়ের প্লানি থেকে বাঁচিয়ে বিজয়-
গৌরবে উন্নতশির করেছিলেন, তাঁর বিপ্লবী কর্মজীবনের শত্রু হয়েছিল
সিরিয়ার রাজধানী ডামাস্কাসে, যেখানে তিনি “পিভুতুমি” নামে একটি
বিপ্লবী সংগঠনকে তেজী প্রতিষ্ঠানে পরিণত করেছিলেন। পরে, সিরিয়ার
যুদ্ধক্ষেত্রে এলেনবীর অগ্রগতি প্রতিরোধ ও তাঁর সামরিক উচ্চাশা ব্যর্থ করে
মুস্তাফা কামাল তুর্কীর সর্বশ্রেষ্ঠ সামরিক নেতার গৌরব অর্জন করতে
পেরেছিলেন। অর্থাৎ, একদিক থেকে দেখতে গেলে, সিরিয়াই মুস্তাফা
কামালকে আধুনিক তুর্কীর নির্মাতা হতে অনেকখানি সাহায্য করেছিল।

যুদ্ধোত্তর তুর্কীতে কামাল পাশা প্রথম ধর্নি তুলেছিলেন যে, নতুন যে-
তুর্কী তৈরী হবে তাকে বর্জন করতে হবে পুরাতন আরব সাম্রাজ্যের স্মৃতি
ও স্বপ্ন। তার ভৌগোলিক বিস্তার সীমাবদ্ধ থাকবে শুধু তুর্কী ভাষাভাষী
অঞ্চলে। যে-সিভাস কংগ্রেসে (Sivas Congress) নব্য তুর্কীর গোড়াপত্তন
হয় সেখানে কামালের নেতৃত্বে অগ্রাহ্য হল কয়েকজন প্রতিনিধির দাবি : সমগ্র
অধোমান সাম্রাজ্যের উপর লীগ অব নেশনস্-এর ম্যানডেট দেওয়া হোক
মার্কিন সরকারকে। মুস্তাফা কামাল বললেন, তুর্কীদের কোনো অধিকার নেই
আরব দেশগুলির পক্ষ থেকে ম্যানডেট দাবি করার। ১৯২০ সালের ২৮শে
জানুয়ারী তুর্কীর জাতীয় সভা (পার্লামেন্ট) একটি প্রস্তাব গ্রহণ করে, যার
নাম “জাতীয় চুক্তি”, ন্যাশনাল প্যাক্ট। তার প্রারম্ভেই বলা হয় অধোমান
সাম্রাজ্যের আরব-অধুষিত অঞ্চলগুলির ভবিষ্যৎ গঠিত হবে গণভোটের
নির্দেশে। কামাল আতাতুর্ক তুর্কীর প্রেসিডেন্ট হবার আগেই রাজধানী
স্থানান্তরিত হয় আনকারায়; এটাও নব্য তুর্কীর আরব উপনিবেশ থেকে
পরিপূর্ণ বিচ্ছেদের প্রতীক। আনকারা ভৌগোলিক দিক থেকে তুর্কীরই
রাজধানী হতে পারে, অধোমান সাম্রাজ্যের নয়। আতাতুর্ক খালিফা সমাপ্ত
করে, তুর্কীর জাতীয় মুসলমান বেশভূষা, চালচলনের চমকপ্রদ পরিবর্তন
ঘটিয়ে, স্ট্রীজাতির সমান অধিকার প্রতিষ্ঠা করে নব্য তুর্কীকে সমস্ত দিকে
আরবভূমি থেকে আলাদা নির্মাণ করেন। তুর্কী ভাষাকে তিনি আরবী
ভাষার প্রভাবমুক্ত করেন; প্রবর্তন করেন তুর্কী হরফের। সৃষ্টি হয় নতুন
তুর্কী সাহিত্য, নতুন ইতিহাস। আরাবিয়া থেকে বিচ্ছিন্ন হয়ে দৃষ্টিভঙ্গী
ও জীবনব্যাপ্য তুর্কী যুরোপেরই একটি অংশ বলে পরিচয় দিতে শত্রু করে।

কামাল আতাতুর্কের মূল রাষ্ট্রনীতি ছিল “ঘরে শান্তি, বাইরে শান্তি”।
তুর্কীকে সকল আন্তর্জাতিক অশান্তি থেকে তিনি বাইরে রাখেতে চেয়ে-
ছিলেন। জারের আমলে রাশিয়া বহুদিন অধোমান সাম্রাজ্যের দিকে লোলুপ

দৃষ্ট হৈছে। জার নিকোলাসকে অধোমান সাম্রাজ্য বিধ্বস্ত না করতে দেবার জন্যেই বুটেন ও ফ্রান্স ১৮৫৪ সালে ক্লাইমিয়া যুদ্ধে অবতীর্ণ হইয়াছিল। তার ছাব্বিশ বছর পরে আবার একদিন রুশ বাহিনী হানা দিইয়াছিল তুর্কীর রাজধানীর উপকণ্ঠে; সেদিনও যুদ্ধ হবার উপক্রম হইয়াছিল বুটেনের সঙ্গে। প্রথম মহাযুদ্ধের সময় মিত্রশক্তিদের মধ্যে একটি গোপন চুক্তি বিজয়ী রাশিয়াকে প্রতিশ্রুতি দিইয়াছিল অনেকখানি তুর্কী অঞ্চলের; যদি রাশিয়ার সাম্যবাদী বিপ্লব না হত, তাহলে সে পরাজিত অধোমান সাম্রাজ্য থেকে পেত কন্সটান্টিনোপল শহর, বসবোয়াস, মারমারা সমুদ্র ও দাদানেলেসের পশ্চিম উপকূল, এশিয়া মাইনরের উত্তর-পশ্চিম কোণের একটি অংশ, আর কয়েকটি স্বীপ। অর্থাৎ, ভূমধ্যসাগরের “গরম জলরাশিতে” অবাধ গতির পথ রাশিয়ার আর আটকা থাকত না; রুশ শক্তির নৌবিকাশের সমস্ত অন্তরায় বিদূরিত হত।

কিন্তু বিপ্লবের পর নতুন সোবিয়ত সরকার যুদ্ধকালীন গোপন চুক্তি-গুলি দূর্নিয়ার হাতে শব্দ প্রকাশ করেই দিল না, তুর্কী ও পারস্যের উপর পুরাতন রাশিয়ার সমস্ত ভৌগোলিক দাবি প্রত্যাহার করল। কামাল আতা-তুর্কের জাতীয়তাবাদী আন্দোলনকে সোবিয়ত সরকার সাহায্য করল অর্থ ও অস্ত্র দিয়ে। যুদ্ধান্তে তুর্কী পার্লামেন্ট যে বিকল্প সরকার গঠন করে প্রজাতন্ত্রের পথ তৈরি শুরু করল সর্বাত্মে তাকে কূটনৈতিক স্বীকৃতি দিলেন লেনিন।

কামালেরও নীতি ছিল সোবিয়ের সরকারের সঙ্গে মিত্রতা বজায় রাখা। লেনিন যুদ্ধজয়ী বড় বড় দেশগুলির সঙ্গে বন্ধুত্ব করবার সুযোগ না পেয়ে মিত্রতা করতে চেয়েছিলেন পরাজিত দেশগুলির সঙ্গে, যেমন জার্মানী ও তুর্কী। যুদ্ধান্তের আন্তর্জাতিক বৈঠকে সোবিয়ত সরকার আন্তরিক সমর্থন দিইয়াছিল পরাজিত রাষ্ট্রের জাতীয় দাবিকে। তাই পার্লামেন্টে মস্তাফা কামাল ১৯২৪ সালের ১লা নভেম্বর ঘোষণা করিছিলেন, “আমাদের পুরাতন বন্ধু সোবিয়ত সরকারের সঙ্গে তুর্কীর হৃদ্যতা রোজ বেড়ে চলেছে। রিপাবলিকান গভর্নমেন্ট মনে করেন যে সোবিয়ত রাশিয়ার সঙ্গে সত্যিকারের ব্যাপক মৈত্রী তার পররাষ্ট্রনীতির মূল প্রেরণা ও উদ্দেশ্য।”

কামাল পাশার মৃত্যুর পর থেকেই রুশ-তুর্কী সম্পর্কের অবনতি হতে থাকে। দ্বিতীয় মহাযুদ্ধের সময় তুর্কীতে জার্মান প্রভাব ছিল যথেষ্ট, এবং তুর্কী নেতারা ভেবেছিলেন যে জার্মানীর সামরিক শক্তির কাছে রুশিয়া কোনো-মতেই দাঁড়াতে পারবে না। ১৯৪৫ সালের ২১শে ফেব্রুয়ারী পর্যন্ত তুর্কী ছিল নিরপেক্ষ। শব্দ তাই নয়, তুর্কী ছিল জার্মান গোয়েন্দাগিরির অন্যতম প্রধান কেন্দ্র; হের ভন প্যাপেন তাঁর আত্মজীবনীতে এ-বিষয়ে অনেক আলোকপাত করেছেন। তুর্কীর নিরপেক্ষতা কৃষ্ণসাগরে সোবিয়ত শক্তিকে বড়ই অসুবিধায় ফেলেছিল।

যুদ্ধের পর তুর্কী চলে এল মার্কিন আওতায় এবং রাশিয়ার সঙ্গে তার সম্পর্ক ক্রমাগতই স্বাভাবিক হইতে চলল। রাশিয়ার সঙ্গে অসম্ভাব ও আমেরিকার সঙ্গে সম্ভাব, যুদ্ধান্তের তুর্কীর পররাষ্ট্র নীতির এই হল প্রধান পরিচয়।

মার্কিন সামরিক সাহায্যের শুরু হল ১৯৪৭ সালের এপ্রিলে, এবং

১৯৪৯ থেকে ১৯৫৩ এই চার বছরে তুর্কী মার্কিন আর্থিক ও সামরিক সাহায্য পেলে প্রায় দশ কোটি পাউন্ড, অথবা একশো গ্লিশ কোটি টাকা! কৃষ্ণ সাগর নিয়ে নতুন একটা সংশোধনক ব্যবস্থার দাবি বার বার আসতে লাগল মস্কো থেকে, বার বার আনকারা তাকে অগ্রাহ্য করল। কোরিয়া যুদ্ধে তুর্কী সাত হাজার সৈন্য পাঠিয়েছিল, তার প্রায় তিন হাজার হয়েছিল হতাহত। ১৯৫২ সালের ১৮ই ফেব্রুয়ারী তুর্কী উত্তর অতলান্তিক সামরিক সংস্থার পূর্ণ সভারূপে গৃহীত হয়। বর্তমানে এই সংস্থার সমগ্র সৈন্যবাহিনীর এক-চতুর্থাংশ তুর্কীর দান। এখন তুর্কীতে একাধিক মার্কিন সামরিক ঘাঁটি প্রতিষ্ঠিত; এ-সব ঘাঁটি থেকে সর্বাধুনিক বোম্বার, বিমান অনেক রুশ নগর আক্রমণে সক্ষম। তুর্কী সৈন্যেরা মার্কিন পোশাকে, মার্কিন অস্ত্র সজ্জিত; মার্কিন রণনীতিতে দীক্ষিত। সম্প্রতি খবর পাওয়া গেছে যে তুর্কীতে অবস্থিত মার্কিন ঘাঁটি থেকে রাশিয়ার 'ব্যালিস্টিক মিসাইল' পরিকল্পনার উপর সজাগ নজর রাখা হচ্ছে গত দু বছর ধরে। তুর্কীর বাজেটের পরিমাণ তিন হাজার মিলিয়ন লিরা; তার চল্লিশ ভাগ ব্যয় হয় প্রতিরক্ষায়। মার্কিন সামরিক সাহায্য নিয়ে সামরিক খাতে বাৎসরিক ব্যয় প্রতি বছর দু হাজার মিলিয়ন লিরা। মার্কিন বাণিজ্য তুর্কীতে ধীরে ধীরে প্রভূত প্রভাব বিস্তার করেছে। ১৯৫০ থেকে ডেমোক্রেটিক পার্টির নেতৃত্বে বেসরকারী আর্থিক স্বার্থের ক্রম-প্রতিষ্ঠার সুযোগ নিয়ে অনেক মার্কিন মূলধন তুর্কী শিল্পে ও বাণিজ্যে নিয়োজিত হয়েছে। দেশ হিসাবে দেখতে গেলে তুর্কী রপ্তানি বাণিজ্যের সর্বপ্রধান বাজার এখন আমেরিকা, আমদানি বাজার পশ্চিম জার্মানী।

অনেকে মনে করেন যে যদি আবার এক বিশ্বযুদ্ধের সূচনা হয়, তুর্কী কোনো এক অভাবনীয় কূটনৈতিক চাতুর্যে পুনরায় নিরপেক্ষতার আশ্রয় নেবে। অক্সফোর্ড রুনিভার্সিটির অধ্যাপক জি. এল. লুইস্ তার 'তুর্কী' গ্রন্থে অনু-রূপ মন্তব্য করেছেন। অন্যান্য পন্ডিভদের মতে তুর্কীর ভাগ্য পশ্চিমের সঙ্গে অবিচ্ছেদ্যরূপে জড়িত। আসলে, কঠিন বাস্তব তুর্কীকে সহজে নিরপেক্ষ হতে দেবে না। আমেরিকা এত অর্থ ও অস্ত্র ঢেলে এই বিনিময় সহজে গ্রহণ করবে না। তুর্কী সামরিক, অর্থনৈতিক দিক থেকে পরিপূর্ণ মার্কিন-বন্দু। শীতল-যুদ্ধে সে আকণ্ঠ ডুবে রয়েছে। তার বর্তমান নীতির আমূল পরিবর্তন না হলে রুশ-তুর্কী সম্পর্কের উন্নতি সম্ভব নয়।

আনকারাতে একটি চলতি রসিকতা আছে। গত মহাযুদ্ধের সময় এই শহরে ব্ল্যাক-আউটের ব্যবস্থা করা হয়েছিল। তখন নাকি রুশ রাজদূত পর-রাষ্ট্রমন্ত্রীর সঙ্গে একদিন সাক্ষাৎ প্রার্থনা করেন। মন্ত্রী মহোদয়কে তিনি জিজ্ঞাসা করেন ব্ল্যাক-আউটের কারণ কী? উত্তর হয়, আক্রমণের ভয়। তখন রুশ রাষ্ট্রদূত বলেন, “অথবা ব্ল্যাক-আউট করবেন না। যদি আমরা কখনো আক্রমণ করি, প্রকাশ্য দিনের আলোতেই করব।” তুর্কীর পঞ্চাশ হাজার সৈন্য থাকা সত্ত্বেও এবং যদিও এ-সৈন্য শৃংখলাবদ্ধ ও দেশপ্রেমী, পশ্চিমী বিশেষজ্ঞরা মনে করেন, এর যুদ্ধ-যোগ্যতা “১৯১৯ সালের পক্ষে খুবই ভালো।” অর্থাৎ বর্তমান সময়ে রুশ বাহিনীর কাছে দাঁড়াবার যোগ্যতা তার নেই। তাই, মহা-সমরে, তুর্কীকে রক্ষা করতে পারে একমাত্র আমেরিকা। এর উপর কুশ্চেভ

সম্প্রতি রকেট-অস্ত্রের ভয় দেখিয়েছেন তুর্কীর শাসকদের! “একবার রকেট উড়তে শুরু করলে, আর উপায় নেই।”

তুর্কী-রুশ সম্পর্ক কামাল আতাতুর্কের আমল থেকে, মাত্র তেইশ বছরের মধ্যে এ-পর্যায়ে এসে পৌঁছেছে।

আরব দেশগুলির সঙ্গে তুর্কীর কোনোদিন মিত্রতা স্থাপিত হয় নি। কামাল আতাতুর্ক শব্দ চেরেছিলেন তুর্কী-মানস থেকে আরবভূমির উপর বহু-কালের পুরাতন সাম্রাজ্যবাদী মনোভাব বিদূরিত করতে। মিশরের সঙ্গে কোনোদিন তুর্কীর সৌহার্দ্য ছিল না, আজও নেই। তুর্কীরা চিরদিন আরবদের অবহেলার চোখে দেখে এসেছে। কোনো তুর্কীকে গ্রহণের অযোগ্য কোনো প্রলোভন দেখালে সে চট করে বলে বসবে, “ডামাস্কাসের মিঠাই বা আরবের মধুজ্ববি, কোনোটাই চাই নে।” এর অন্যতম কারণ অনারব মুসলমানদের আরবদের প্রতি খানিকটা ঐতিহাসিক হিংসা। আরবদের মধোই জন্মেছিলেন মহম্মদ, আরবরাই ইসলামের সভ্যতা ও সংস্কৃতির প্রকৃত উত্তরাধিকারী। আরবদের বিজ্ঞানে, সাহিত্যে, দর্শনে অসাধারণ ব্যুৎপত্তি যেমন তাদের অহংকারী করে তুলেছিল, তেমনি অন্যান্য মুসলমানদের করেছিল ঈর্ষান্বিত। আরবরা একদিকে যেমন ভুলতে পারে নি তুর্কীর কঠোর সাম্রাজ্যবাদী দৃশ্যাসন, অপর-দিকে তেমনি ঈর্ষার চোখে দেখে এসেছে নব্য তুর্কীর স্বয়ং উন্নয়ন। আবাব তেমনি আতঙ্ক ও স্বর্ণার দৃষ্টিতে দেখেছে আতাতুর্কের নেতৃত্বে তুর্কীর জীবন থেকে ইসলামের প্রভাব কমে এসেছে, খিলাফৎ সমাপ্ত হয়েছে, তুর্কী মেয়েরা বোরখা ছেড়ে রুরোপীয় পোশাক পরে পুরুষের সঙ্গে সমান অধিকার লাভ করেছে, ধর্মীর বিবাহের বদলে প্রবর্তিত হয়েছে সিভিল বিবাহ; তুর্কী ভাষা ও সাহিত্য আরব প্রভাব থেকে ঘোষণা করেছে স্বরাজ।”*

আরো কারণ আছে তুর্কী-আরব অমিত্রতার। ১৯৪৯ সালের ২৮শে মার্চ, সমস্ত আরব-ভূমিকে ব্রহ্ম ও অসন্তুষ্ট করে তুর্কী শিশুরাষ্ট্র ইজরেইলকে কূটনৈতিক স্বীকৃতি দিয়েছিল। তারপর থেকে সে ইহুদী রাষ্ট্রের সঙ্গে বন্ধুত্ব রক্ষা করে এসেছে। ঐ বছরই আমেরিকা ও ফ্রান্সের সঙ্গে তুর্কীও মনোনীত হয়েছিল জাতিপুঞ্জের প্যালেস্টাইন আপোসী কমিশনের সভ্যরূপে। কোনো আরব দেশই এ-মনোনয়নকে প্রীতির চোখে দেখে নি।

সিরিয়ার সঙ্গে অসম্ভাব আরো গভীর এবং পুরাতন। সিরিয়া-তুর্কী সীমান্তের দৈর্ঘ্য চার শো নব্বুই মাইল; তুর্কী-রুশ সীমান্ত তিন শো ছেব্বটি মাইল। ১৯৩৯ সালের ৩০শে জুন তুর্কী সৈন্যরা ‘হাতে’ (Hatay) শহর অধিকার করে, যার পুরাতন নাম ‘আলেকজান্দ্রাতা’ এবং যার উপর সিরিয়ার দাবি অনেককালের। অথোমান সাম্রাজ্যের পতনের পর এ-শহরটি সিরিয়ার অন্তর্ভুক্ত হয় এবং তুর্কী ফ্রান্সের সঙ্গে ১৯২১ সালের আনকারা চুক্তিতে এ-হস্তান্তর মেনেও নিয়োছিল।

১৯৩৭ সালে, রুরোপে আসন্ন যুদ্ধে শঙ্কিত হয়ে, ফ্রান্স তুর্কীর সঙ্গে মৈত্রীর জন্যে আগ্রহ দেখাতে থাকে। তুর্কী আলেকজান্দ্রাতা শহরের উপর তার পুরাতন দাবি নতুন করে পেশ করে। এখানকার জনসংখ্যার চতুর্থাংশ ভাগ

* Turkey: by S. L. Lewis, London, Page 143.

তুর্কী। ১৯০৮ সালের গ্রীষ্মকালে তুর্কীর সঙ্গে ফ্রান্সের সামরিক সংঘর্ষ শুরু হয়; ফ্রান্স মেনে নেয় বোধ ফরাসী-তুর্কী শাসন। ঐ বছরের আগস্ট মাসে স্থানীয় আসেম্বলীর নির্বাচনে ৪০ জন সদস্যের মধ্যে বাইশ জন তুর্কী-সমর্থক জয়লাভ করেন। এই সংখ্যাগরিষ্ঠতার সুযোগে তুর্কী ঘোষণা করে একটি “স্বাধীন হাতে প্রজাতন্ত্র”; ফ্রান্স মেনে নেয়। ১৯০৯ সালের ২৯শে জুন এই ইঠাৎ-জন্ম প্রজাতন্ত্র তুর্কীর অন্তর্ভুক্ত হবার প্রস্তাব গ্রহণ করে; পরের দিন অন্তর্ভুক্ত বাস্তবে রূপায়িত হয়। সিরিয়া আজ পর্যন্তও এই বাস্তব সভা মেনে নেয় নি। সিরিয়ার বাণিজ্যকেন্দ্র আলেক্সেপ্পা শহরের উপরও তুর্কীর লোভ হয়েছে; এ-শহর ‘হাতে’ অঞ্চলের সন্নিকট।

আরব জাতীয়তাবাদের সঙ্গে তুর্কীর সংঘাত ঘনীভূত হয়ে ওঠে ১৯৫১ সালে যখন তুর্কীর নেতৃত্বে আমেরিকা মধ্যপ্রাচ্যে একটি সামরিক সংস্থা গঠন কববার সূচনা করে। মিশর বা ইরান কেউ তখন এ-সংস্থা স্থাপনে সম্মতি দেয় নি। বার্থ হলে, উত্তর অঞ্চলের দেশগুলিকে নিয়ে আমেরিকা ও বটেন একটি সামরিক সংগঠন গড়ে তোলায় উদ্যোগী হয়। এই উদ্যোগের ফল তুর্কী-ইরাক চুক্তি, ১৯৫৫ সালের ফেব্রুয়ারী মাসে বাগদাদ চুক্তি। বাগদাদ চুক্তি তুর্কীকে উত্তর-পশ্চিম এশিয়ার সামরিক নেতৃত্বে প্রতিষ্ঠিত করেছে। তুর্কীর মারফত বাগদাদ চুক্তিকে সংযুক্ত করেছে উত্তর অতলান্তিক সামরিক সংস্থার সঙ্গে। ইরাক যদিও তুর্কীর নেতৃত্ব মেনে নিয়েছে, মিশর ও সিরিয়া মানে নি।

কাইরো ও আনকারা বেতারে চলেছে প্রতিদিন শব্দের লড়াই। নাসের যে-আরবভূমি গড়তে চান তার সঙ্গে কামাল আতাতুর্কের নতুন-তুর্কী স্বপ্নের হয়তো খানিকটা মিল আছে। কিন্তু কামাল তুর্কীকে গণতন্ত্রে পরিণত করতে পারেন নি। তুর্কী এখনো আসলে স্বৈচ্ছাচারতন্ত্রেই রয়ে গেছে। নতুন মিশর গড়তে নাসেরকে তুর্কীর সাফল্য ও ব্যর্থতা দুই থেকেই প্রকৃত নির্দেশ গ্রহণ করতে হবে।

সমস্ত এশিয়ায় তুর্কী একদিন যে-আশার প্রবাহ এনেছিল আজ মরুপথে তার ধারা হারিয়ে গেছে। তবু হয়তো তার সবটাই হারা হয়ে যায় নি।

“সোবিয়ত প্রজাতন্ত্রের জন্ম থেকে পৃথিবী দু’ভাগে বিভক্ত হয়ে গেছে, এক ভাগ নিয়ে ধনভ্রষ্টের শিবির, অন্যভাগে সমাজবাদের”—১৯২০ সালের সোবিয়ত সংবিধান।

“আমরা সবাই সহ-অবস্থানের সমর্থক। এ-জন্য নয় যে আমরা দুর্বল, বা আমরা সাম্রাজ্যবাদীদের ভয়ে আতঙ্কিত। শুধু এ-জন্য যে বর্তমান যুগে যশের মানে কোটি কোটি মানুষের মৃত্যু। আমেরিকার সঙ্গে আমরা একই গ্রহে বাস করি যেখানে সবার জন্যেই স্থান আছে। শুধু বিজ্ঞান ভৌগোলিক দূরত্ব সংহার করেছে। তাই সব চেয়ে আজ বড় প্রয়োজন, আমরা প্রতিবেশীর মত মিত্রতায় বাস করি।”—কুশ্চেভ

“রাশিয়াকে সত্যিকারের রুশতে গেলে, শুধু অস্ত্র চলবে না। মানব-হৃদয় দিয়ে, ভাবনা দিয়ে তাকে রুশতে হবে”—১৮৫০ সালের একখানা ফরাসী বই থেকে।

চল্লিশ বছরের একটি বিরাট প্রশ্নবোধক চিহ্ন পৃথিবীর বুকে বুলে রয়েছে : তার নাম সোবিয়ত রাশিয়া। ক্রমাগত তার দেহ দীর্ঘতর হতে হতে আভ্যন্তরীণ এক-তৃতীয়াংশ এই প্রশ্নচিহ্নের কুক্ষিগত। বৈদ্য লেনিনের নেতৃত্বে এই প্রশ্নচিহ্নের সূচনা হয়েছিল সেই থেকে সোবিয়ত রাশিয়া বার বার মানুষকে চমৎকৃত করেছে, হতাশ করেছে; প্রেরণা দিয়েছে, আশা বর্ধিত করেছে, খুলে ধরেছে নতুন আকাশের উজ্জ্বল সম্ভাবনা, আবার আঘাত হেনেছে কঠিনভাবে মানুষের মনে ও দেহে, টুকরো টুকরো করেছে আশার স্বপ্ন। অনেকের দৃষ্টি খুলেছে, অনেকের দৃষ্টি নিষ্পেষিত; অনেকের বাহুতে এনেছে নতুন বল, পায়ে নতুন অগ্রগতি, অনেকের দেহকে পঙ্গু, নিবীৰ্য করেছে, অন্তরকে অন্ধকার। লক্ষ লক্ষ লোকের চমৎকৃত প্রশংসায়, অকুণ্ঠ স্তুতিতে সোবিয়ত রাশিয়া কোটি কোটি মানুষের কাছে দোষলেশহীন, চিরনিরপরাধ সত্য-উজ্জ্বল দেবতার আসনে উন্নীত; আবার কোটি কোটি মানুষের ঘৃণা, শ্বেষ, হিংসা, ভয়, অপবাদ ও অভিযোগে সে কলংকিত। কোনো দেশ, কোনো মতবাদ, কোনো পথ এত নিন্দা ও এত স্তুতি পায় নি যেমন পেয়েছে সোবিয়ত রাশিয়া ও তার প্রচারিত, অনুদ্বিষ্ট সাম্যবাদ; সোবিয়ত সাম্যবাদী বিপ্লবের কাছে, দীর্ঘ ও পল্লবিত প্রতিভ্রমায়, ফরাসী বিপ্লব নিতান্তই ম্লান, মার্কিন বিপ্লব নিতান্তই নিস্তেজ।

সাম্যবাদপ্রতিরোধী পৃথিবীর মানুষকে বার বার চকিত করে দেওয়া সোবিয়ত রাশিয়ার চল্লিশ বছরের অভ্যাস। প্রথম বছরগুলিতে সবাই আশা করেছিল যে, সামরিক হস্তক্ষেপ, অর্থনৈতিক অসহযোগ ও রাজনৈতিক প্রত্যাখ্যানে শিশু সোবিয়ত রাষ্ট্রকে কুঁড়িতেই বিনাশ করা যাবে; সোবিয়ত রাশিয়া শুধু বেঁচেই থাকে নি, ধীরে ধীরে শক্তি সঞ্চয় করেছে, আভ্যন্তরীণ গৃহযুদ্ধ, সূদীর্ঘ দুর্ভিক্ষ, রাজনৈতিক “সাফাই”এর অজুহাতে শত শত মানুষের প্রাণবলি স্তূভেও। লাল-সেনাকে অসাম্যবাদী দুর্নিয়ার নেতারা কোনো গুরুত্বই দেননি, এবং বটেন, থেকে তুর্কী পর্যন্ত সবাকার বিশ্বাস ছিল, জার্মান বাহিনীর আক্রমণের কাছে লাল সেনা সহজেই ছিন্নবিচ্ছিন্ন হয়ে পড়বে। সেই লাল সেনাই অর্ধেক স্তরোপে সাম্যবাদের পতাকা উড়িয়েছে। গত মহাযুদ্ধে সত্তর লক্ষ রুশ প্রাণ দিয়েছিল; লক্ষ লক্ষ গ্রাম ও জনপদ

পরিণত হয়েছিল ধ্বংসস্থাপে, বিরাট, সমৃদ্ধ শিল্পাঙ্কল শ্মশানে। ব্যারো বছরের মধ্যে এই মহাধ্বংসের সহস্র ক্ষত নিরাময় করে রাশিয়া জিপ্সে, উৎপাদনে আমেরিকার আজ প্রধান প্রতিদ্বন্দ্বী। সোবিয়ত কূটনীতির বিচিত্র কুটিল গতির সঙ্গে পা চালাতে গিয়ে অন্যান্য দেশের রাষ্ট্রনেতারা বার বার হৌচট খেয়েছেন। সোবিয়ত বিজ্ঞানকে মারী বহুদিন অবহেলার চোখে দেখতে অভ্যস্ত তাঁদের চমকিত করে দুইটি কৃত্রিম সোবিয়ত উপগ্রহ পৃথিবী প্রদক্ষিণ করে চলেছে। আমেরিকাকে পেছনে ফেলে সোবিয়ত রাশিয়া এমন অস্ত্র নির্মাণ করেছে যা এক মহাদেশ থেকে অন্য মহাদেশে স্বতঃচালিত রকেটের বাহনে অ্যাটম বা হাইড্রোজেন বোমা নিক্ষেপে সমর্থ।

শুধু তার শত্রুদেরই নয়, সোবিয়ত রাষ্ট্র তার मित्रদেরও বার বার চাকিত, বিহ্বল, ও কিংকর্তব্যবিমূঢ় করেছে। হিটলার-জার্মানীর সঙ্গে হঠাৎ স্বল্প-স্থায়ী মিতালি, ইরান আক্রমণ, ফিনল্যান্ডে বৃদ্ধ, বার বার রাজনৈতিক “সাফাই” (Purge) বহুদিনের বহু হৃদয়মন্দিরে অধিষ্ঠিত “দেবতা” স্টালিনের পতন, হাঙ্গারীর বিপ্লবকে দৃঢ় সামরিক হস্তে দমন, এর কোনোটাই সোবিয়ত স্তাবকদের পক্ষে সহজে হজম করা সম্ভব হয়নি। বৃদ্ধিজীবী একদা-মিত্র অনেকেই আজ যোগ দিয়েছেন বিপক্ষ শিবিরে।

দু বছর আগে মধ্যপ্রাচ্যের আরব অঞ্চলে সোবিয়ত রাশিয়ার উপস্থিতি এমনি একটা অপ্রত্যাশিত, অবাক-করা ঘটনা। এর জন্ম না প্রসূত ছিল বৃটেন, না আমেরিকা—এমন কি আরব দেশগুলিও নয়। জার আমলের বাশিয়া যে “প্রাচ্য প্রশ্নের” সৃষ্টি করেছিল, তার সীমান্ত ছিল উত্তর-পশ্চিম এশিয়া : তুর্কী, ইরান ও আফগানিস্তান। নবজাত সোবিয়ত রাষ্ট্র, তুর্কী ও ইরানের উপর জার-সরকারের সমস্ত সাম্রাজ্যবাদী দাবি পরিত্যাগ করা সত্ত্বেও, দীর্ঘদিন তার দৃষ্টিকে সীমাবদ্ধ রেখেছিল একই ভৌগোলিক রেখায়। তখনকার দিনে সোবিয়ত রাষ্ট্রের সীমান্তবর্তী তুর্কী ও ইরানের সঙ্গে হৃদয় বজায় রাখাই ছিল মস্কো সরকারের মধ্যপ্রাচ্যনীতির মৌলিক প্রেরণা। আফ-গানিস্তানের স্বল্পায়ু প্রগতিবাদী নৃপতি আমানুল্লাহকে বন্ধুত্বপূর্ণ সমর্থন দেখিয়ে রাশিয়া ও-দেশের সাবেকী জনাচিতে এবং ভারতরক্ষা-সতর্ক বৃটিশ গভর্নমেন্টের যথেষ্ট দৃষ্টিভঙ্গির উদ্বেক করেছিল; কিন্তু আমানুল্লাহর পতনের পরেও কাবুলের সঙ্গে মিত্রতা স্থাপন করতে তার আগ্রহ বা ঔৎসুক্যের ঘাটতি দেখা যায়নি। দক্ষিণ রুশ সীমান্ত নিরাপদ রাখার উদ্দেশ্যে রাশিয়া কখনও বা বন্ধুত্ব, কখনও প্রসারমুখী বৈরীতা করেছে ইরানের সঙ্গে; কিন্তু তার আসল লক্ষ্য ছিল, প্রসারের চেয়েও মিত্রতাপূর্ণ স্থিতিশীল সম্পর্ক।

আরব দেশগুলির সঙ্গে সোবিয়ত রাশিয়ার প্রথম সংলোপে যে মিত্রতার সূর বেজেছিল অনুর্বর ধূসর মরুতে তার বীজ অঙ্কুরেই গিয়েছিল শূন্যে। ইব্ন সৌদ-প্রতিষ্ঠিত সৌদী আরবকে কূটনৈতিক স্বীকৃতি দিতে সোবিয়ত রাশিয়াই সর্বাগ্রে এগিয়ে এসেছিল, সেকথা আগেই বলা হয়েছে। প্রতিদ্বন্দ্ব-স্বীকৃতি দিয়েছিল সৌদী আরব ১৯২৭ সালে, এমেন ১৯২৮-এ। কিন্তু এটা শুধু স্বীকৃতিই, আত্মীয়তা নয়।

বস্তুতপক্ষে দ্বিতীয় বিশ্বযুদ্ধে জড়িয়ে পড়ার আগে আরব-সোবিয়ত সম্পর্কের গোড়াপত্তন হয়নি। ১৯৪১ পর্যন্ত রাশিয়া আরবভূমিকে দেখে

এসেছে একদল স্বেচ্ছাচারী সামন্তশাসিত শোষিতসর্বস্ব মানুষের দেশ, যাদের প্রত্যক্ষ ও পরোক্ষ উপারে দমিয়ে রাখাই বৃটেনের মধ্য সাম্রাজ্যবাদী উদ্দেশ্য। রাশিয়ার আরব-নীতির এ-পর্ষায়ের পরিচয় পেতে হলে শরণ নিতে হয় সোবিয়েত সরকারের নয়, যুদ্ধকালে তুলে-দেওয়া আন্তর্জাতিক সাম্যবাদী সংস্থার, যার নাম ছিল কমিন্টার্ন। কমিন্টার্ন থেকে উপনিবেশিক দেশ-গুলিতে সাম্যবাদীরা কোন পথে কী নীতি নিয়ে কাজ করবে তার নির্দেশ দেওয়া হত, সাম্যবাদী দৃষ্টিতে উপনিবেশ সমস্যার বিচার করা হত। বৃটেন মধ্যপ্রাচ্যকে দেখত তার প্রাচ্য সাম্রাজ্যের চোখে; কমিন্টার্নও মধ্যপ্রাচ্যকে গ্রহণ করেছিল এশিয়া-আফ্রিকাব্যাপী রুরোপীয় সাম্রাজ্যবাদের অবিচ্ছেদ্য অংশ হিসেবে। সোবিয়েত রাশিয়ার পররাষ্ট্রনীতি বিষয়ে অন্যতম শ্রেষ্ঠ পুস্তকের রচয়িতা ম্যাক্স বেলফ তিন শতকের রুশ মধ্যপ্রাচ্য দৃষ্টির আলোচনা করতে গিয়ে বলেছেন, “রুশ সাম্রাজ্য ও বৃটেনের মধ্যে এশিয়া নিয়ে পূরনো প্রতি-স্বস্তিতা (প্রথম মহাযুদ্ধের আগেকার সমঝোতা যাকে কয়সে এনেছিল) আবার অন্য চেহারা নিয়ে দেখা দিল। ভারতের সীমান্তে অবস্থিত মধ্যপ্রাচ্য, এবং সবার উপরে চীনে, আন্তর্জাতিক সাম্যবাদী সংস্থার প্রচার সর্বদাই গোলমালের কারণ বলে (বৃটেনের) মনে হত, যদিও চীনের বাইরে তার প্রভাব বড় একটা দেখা যায়নি।”* সোবিয়েত রাশিয়া আরব নৃপতিগুলিকে যেমন মনে করত শোষণ-পুষ্ট স্বার্থসেবী জনবিরোধী স্বেচ্ছাচারী, তেমনি বুর্জোয়া শ্রেণীর রাষ্ট্রসহায়ক নেতাদের মনে করত সামন্ততন্ত্র ও সাম্রাজ্যবাদের তাবোদার। কোনো আরব দেশেই সাম্যবাদ শিকড় বিস্তার করে নি, তাই শাসক-শ্রেণীর বিরুদ্ধে জনমতকে জাতীয়তাবাদের আগুন লাগিয়ে ক্ষেপিয়ে তোলাই ছিল কমিন্টার্নের উদ্দেশ্য।

এর মধ্যে যে সামান্য একটু ব্যতিক্রম হয়েছিল তারও প্রেরণা ছিল বৃটিশ-বিরোধিতা আর মহাযুদ্ধের পূর্বাহে। স্বল্পসংখ্যায়ী অনেক-মানুষকে-চমকে-দেওয়া রুশ-জার্মান মৈত্রী। ১৯৫১ সালে ইরাকে ইংরাজ-শত্রু, জার্মান-মিত্র রাশিদ আলি যখন ক্ষমতা আয়ত্ত করেন, তখন মার্চ মাসে সোবিয়েত সরকার তাঁর সঙ্গে সম্পর্ক স্থাপন করেছিলেন। কিন্তু রাশিদ আলির বিপদের দিনে সাহায্য করতে এক পা এগোয় নি, আর তাঁর পতনের সঙ্গে সঙ্গেই এই ক্ষীণ-জীবী বন্দুকের অবসান হয়েছিল।

হিটলারবিরোধী যুদ্ধের সময় ইংরাজের হাত ধরেই রাশিয়া এসে দাঁড়াল আরব-প্রাঙ্গণে। বৃটেনের সমর্থনে রুশ দূতাবাসে স্থাপিত হল কাইরোতে, বাগদাদে, বেরুটে ও ডামাস্কাসে। খাল কেটে কুমীর আনলেন স্বয়ং উইনস্টন চার্চিল। সে-কুমীর যে-কয়েক বছরের মধ্যেই মহা-আগ্রাসী হয়ে উঠবে, অফটন-বটন-পটু বিধাতাই কি তা জানতেন?

প্রায় একশো বছর আগে কার্ল মার্কস রুরোপের আরবভূমি সম্পর্কে অজ্ঞতার তীব্র সমালোচনা করেছিলেন। বলেছিলেন, “আমাদের মধ্যপ্রাচ্য সম্বন্ধে সচরাচর যা ধারণা তার উৎস ঐতিহাসিক তথ্য নয়, আরব্য উপন্যাসের সহস্র রজনীর রোমান্টিক কাহিনী! রুরোপীয় দূতাবাসের কর্মচারীরা

* The Foreign Policy of Soviet Russia by Max Beloff. Oxford University Press, Vol. I, p. 7.

ওখানে বাস করে সত্যিকারের জ্ঞান দাবি করেন। কিন্তু, এ-জ্ঞানও অবাস্তব। কেননা, এ-সব শুদ্রলোকদের কারবার জনসাধারণ নিয়ে নয়, তাদের সামাজিক অবস্থা নিয়ে নয়, প্রতিষ্ঠান নিয়ে নয়, শূদ্র রাজদরবার ও রাজপ্রাসাদ নিয়ে।”

আজও পর্যন্ত মার্কসের এ-কথার সত্যতা অস্মান। য়ুরোপ শূদ্র রাজদরবারের দৃষ্টিতে, আরব্য উপন্যাসের দৃষ্টিতে, ওমর খৈয়াম, ও কুজ্জেডের দৃষ্টিতে মধ্যপ্রাচ্যকে দেখে এসেছে। এমন কিছু কিছু ভারতীয়ও আছেন, যারা এ-দৃষ্টিরই অধিকারী। তাঁরা নতুন আরবভূমির বলের উৎস সম্বন্ধে সম্পূর্ণ অজ্ঞ। গ্রীমতী ক্যাথারিন মেয়োর চোখ দিয়ে তাঁরা পশ্চিম এশিয়াকে দেখতে অভ্যস্ত।

কার্ল মার্কস ভাবতে পারেন নি, তাঁর প্রচারিত সাম্যবাদের প্রথম বাস্তব প্রযোজনা হবে রাশিয়ায়। রাশিয়াকে—জারশাসিত রাশিয়াকে—একশ বছর আগে তিনি রিটেন বা ফ্রান্সের চেয়ে অনেক বেশি প্রগতিপরিপন্থী মনে করতেন। অথোমান সাম্রাজ্য যে রুশ সাম্রাজ্যের প্রাচ্য-প্রসার অবরুদ্ধ করে রেখেছিল মার্কস মনে করতেন এটা মানুষের পক্ষে কল্যাণকর। ১৮৫০ সালে ‘নিউ ইয়র্ক ট্রিবিউন’ পত্রিকায় তিনি যে-সব প্রবন্ধ লিখেছিলেন, তাতে বার বার “প্রাচ্য-প্রশ্নের” উল্লেখ রয়েছে, আর মার্কস বলেছেন, রুশ প্রভাব থেকে য়ুরোপ, এশিয়া ও য়ুরোপীয় বাস্তব-স্বাধীনতাকে বক্ষা করতেই হবে।

অথচ বর্তমান শতাব্দীর পাদদেশ থেকে য়ুরোপই মধ্যপ্রাচ্যকে চেনবার ও জানবার শক্তি হারাতে লাগল। প্রথম মহাযুদ্ধের পরবর্তী ভুলের পুনরাবৃত্তি হল দ্বিতীয় মহাযুদ্ধের পর। ১৯৫৪ সাল পর্যন্ত রাশিয়াও নতুন দৃষ্টির, নতুন পরিচয়ের পরিচয় দিতে পারে নি। কিন্তু তার পরেই সোবিয়ত রাশিয়া নতুন চোখে আরব জগতকে দেখতে পেল। এবং তড়িৎ-গতিতে গিরতা পাতাল এমন সব নতুন মানষে, নতুন প্রাণ-ধারার সঙ্গে যার সঙ্গে পশ্চিমের একান্ত অপরিচয়। এখানেই মধ্যপ্রাচ্যে নতুন সোবিয়ত নীতির শ্রেষ্ঠ শক্তি, প্রধান শিকড়, মূখ্য সাফল্য।

“মধ্যপ্রাচ্যে বর্তমান সম্প্রদায়ের একমাত্র জনক সোবিয়ত রাশিয়া”

—স্যার অ্যান্টনী ইডেন

“আরববন্দু হিসাবে রাশিয়া যে আত্মপরিচয় দিতে চাইছে তা সম্পূর্ণ অলীক”

—হেনরী কেবট লজ

৩৬

“সোবিয়ত রাশিয়াকে বাদ দিয়ে মধ্যপ্রাচ্যের কোনো সমস্যাই স্থায়ী সমাধান হতে পারে না”—আনিউরিন বেন্ডন

“আরব জনগণের হিত, প্রগতি ও শর্তহীন স্বাধীনতাই সোবিয়ত সরকারের একমাত্র কাম্য”—শেপিলড

“মধ্যপ্রাচ্যকে শীতল-যুদ্ধের প্রাঙ্গণে পরিণত করা হয়েছে। বহিঃশক্তির হস্তক্ষেপ রহিত না হলে মধ্যপ্রাচ্যের প্রকৃত স্বাধীনতা সুরক্ষিত হবে না”

—জওহরলাল নেহরু

প্যালেস্টাইন সমস্যা সোবিয়ত রাশিয়াকে যুদ্ধান্তর যুগে প্রথম সুযোগ দিয়েছিল আরবভূমিতে প্রভাব বিস্তারের। কিন্তু মস্কো তখনো আরব-মানস সম্বন্ধে অজ্ঞপ্রায়, বড় কূটনৈতিক চালের জন্যে অপ্রস্তুত। যুদ্ধের পর থেকে ১৯৪৮ পর্যন্ত আরব-সমস্যা থেকে নিজেকে সে দূরে সরিয়ে রেখেছিল : পশ্চাৎ-দৃষ্টি দিয়ে দেখলে মনে হয়, তার ইচ্ছে ছিল বৃটিশ নীতি মধ্যপ্রাচ্যে দেউলিয়া হবার আগে সে অবতীর্ণ হবে না রণাঙ্গণে কোনো বিশিষ্ট ভূমিকায়। প্যালেস্টাইন সমস্যার সময়ে রাশিয়া আন্তর্জাতিক ইহুদীবাদ এবং ইজরেইলের প্রতিই সহানুভূতিশীল মনোভাবের পরিচয় দিয়েছিল। আরব জাতীয়তাবাদ তখনো অস্পষ্ট, একদল স্বার্থান্বেষী লোকের হাতের পুতুল। অন্যদিকে জিরানিস্ট আন্দোলনে যুরোপ-বিতাড়িত অনেক সাম্যবাদী বা “সহযাত্রীর” স্থান রয়েছে। রাশিয়া আমেরিকার সঙ্গে প্যালেস্টাইন ভাগের জন্যে জাতিপুঞ্জ ভোট দিয়েছিল; সর্বপ্রথম নতুন ইহুদী রাষ্ট্রকে কূটনৈতিক স্বীকৃতি জানিয়েছিল। তার উদ্দেশ্য ছিল আরবভূমির সন্ধিক্ষণে এমন একটি রাষ্ট্রের প্রতিষ্ঠা যে হবে সোবিয়ত রাষ্ট্রের বন্ধু, সাম্রাজ্যবাদ ও মার্কিন প্রভাবের পরিপন্থী। তার আচরণ সেদিন সমগ্র আরব সমাজকে বিক্ষুব্ধ করেছিল। আরব লীগের তৎকালীন সম্পাদক, আজম পাশা বলেছিলেন, “আরবরা সমান দৃঢ়তার একই সঙ্গে প্রতিরোধ করবে পশ্চিমী সাম্রাজ্যবাদ ও সোবিয়ত সাম্যবাদ।”

ইজরেইল সমর্থন নীতির ব্যর্থতা প্রমাণিত হতে দেরি লাগে নি। অচিরেই দেখা গেল ইজরেইল মার্কিন প্রভাবে চলে গেছে। শব্দে তাই নয়, সাম্যবাদ জিরানিজমকে প্রভাবিত করার বদলে, জিরানিজমই তার ইহুদীবাদ রাশিয়ায় প্রচার করতে শুরু করল। সোবিয়ত কর্তারা প্রমাদ গনলেন। ইজরেইল সম্বন্ধে তাঁদের ভুল ভাঙল। দেখতে পেলেন, ইজরেইল যুদ্ধান্তর মধ্যপ্রাচ্যে প্রথম মার্কিন প্রভাব-কেন্দ্র।

এ-সময়েই ইরানে ও তুর্কীতে সোবিয়ত নীতি পরাস্ত ও লাঞ্চিত হল। রাশিয়া কিছুদিনের জন্যে মধ্যপ্রাচ্য থেকে আবার লেজ গুটিয়ে নিল।

আজকালকার পশ্চিমী লেখকরা এই লেজ-গুটানোকে একটা সুবিন্যস্ত নীতির অংশ বলে মনে করেন। একজনের মতে, “১৯৪৯ থেকে ১৯৫২ পর্যন্ত মধ্যপ্রাচ্যে সোবিয়ত অনুপস্থিতি যে বিশেষ লাভজনক হয়েছিল সে-

বিষয়ে কোনো সন্দেহ নেই। সোবিয়ত প্রচারকর্তারা দেখাতে চেয়েছিলেন, তাদের দেশের “হাত সরো” নীতি ও পশ্চিমী রাষ্ট্রগুলির স্বাধীনতাকে নতুন করে গৃহীয়ে নেবার চেষ্টায় তথ্য কতখানি! পশ্চিমী শক্তির চেষ্টা করছিলেন মধ্যপ্রাচ্যের দেশগুলিকে নানা চরিত্রের সামরিক সংস্থায় একত্রিত করতে। এর জন্যে আরবরা মোটেই প্রস্তুত ছিল না; তাই তাদের অন্তর্নিহিত পশ্চিমবিরোধী স্বল্পতেজ আগুন নতুন করে জ্বলে উঠল। “রদশ বিপদ” বলে যে একটা বাস্তব রয়েছে তা তারা বুঝতে পারল না। ভাবল এটা একটা পৌরাণিক কল্পনা, অথবা মার্কিন “সাম্রাজ্যবাদী”দের চতুর চাল, যার পেছনে রয়েছে তাদের মধ্যপ্রাচ্যে শিকড় বিস্তার করে বসার অভিপ্রায়। এর ফলে, সোবিয়ত সম্মান বাড়তে লাগল।

মানচিত্রের দিকে তাকালে সোবিয়ত রাশিয়ার মধ্যপ্রাচ্য নিয়ে মাথাব্যথার কারণ বুঝতে পারা যায়। তুর্কী ও ইরান সোবিয়ত ভূমির দক্ষিণ-পশ্চিম সীমান্তের অনেকটা ঘিরে রয়েছে। সোবিয়ত নৌবহর কুম্মাগরে বন্দী। ইস্তানবুল শহরের নাকের ডগা সামনে রেখে বসপোরাস অতিক্রম করে সোবিয়ত জাহাজ আসবে মারমারা সাগরে, এ-সাগর পাড়ি দিয়ে চুকবে দার্দানেলেস জলপথে। এখানেও তুর্কী সতর্ক প্রহরী। এবার সোবিয়ত জাহাজ উপনীত হয়েছে গ্রীস ও তুরস্কের মাঝখানে ইজিয়ান সাগরে। সেখান থেকে নেমে আসবে ক্রীট সাগরে; তার পর ভূমধ্যসাগর।

সুতরাং ১৯৫১ সালে বৃটেন, আমেরিকা, ফ্রান্স ও তুর্কী যখন একসঙ্গে একটি সংযুক্ত মধ্যপ্রাচ্য কম্যান্ড গঠনের প্রস্তাব পাঠাল কাইরোতে, রাশিয়া এ-ঘটনাকে উপেক্ষা করতে পারেনি। তুর্কী তখন অতলান্তিক চুক্তিতে যোগ দিতে চেয়েও কয়েকটি পশ্চিম ইউরোপীয় রাষ্ট্রের সম্মতি পায়নি। বিকল্পে, বৃটেন ও আমেরিকা তুর্কীর নেতৃত্বে গঠন করতে চাইল মধ্যপ্রাচ্য কম্যান্ড। মিশরের কাছে যে-প্রস্তাব পাঠান হল তার সারমর্ম এই: যদি এ-কম্যান্ড গঠিত হয়, মিশর হবে তার অন্যতম সমপদ সভ্য; ১৯৩৬ সালের ইংগ-মিশর চুক্তির আব দরকাব থাকবে না; মিশরে অবস্থিত ব্রিটিশ সামরিক ঘাঁটিগুলো নতুন যৌথ কম্যান্ডের অধিকারে চলে আসবে। অর্থাৎ, সুয়েজ অঞ্চলে যে-ঘাঁটি গলিতনখদন্ত ব্রিটিশ সিংহ আজ শৃঙ্খল নিজ প্রতাপে সংবন্ধে অসমর্থ, তার উপর কর্তৃত্ব সমাসীন হবে বৃটেনের সঙ্গে, আমেরিকা, ফ্রান্স এবং তুর্কী। মিশর যোগ দিলেই সঙ্গে সঙ্গে এসে জুটবে অন্যান্য আরব দেশ; সমগ্র মধ্যপ্রাচ্যে পশ্চিমী পরাক্রম নতুন বেশে, নতুন চেহারা পনেরায় কালেক্ট হয়ে বসবে।

১৯৫১ সালের ১৩ই অক্টোবর যৌথ মধ্যপ্রাচ্য কম্যান্ডের প্রস্তাব ঘোষিত হয়। ১০ই নভেম্বর মিশর পায় নিমন্ত্রণপত্র। প্রধানমন্ত্রী ছিলেন নাহাস পাশা। মিশরে তখন প্রবল রাজনৈতিক ঝড়ের সঙ্কেত। নাহাস নিমন্ত্রণ অগ্রাহ্য করলেন। তিনি বুঝতে পারলেন দাবল সিংহ বাইরে শিকার ধরতে না পেরে, শিকারকে ডাকছে নিজস্ব হার নিশ্চিন্ত সীমায়। তুর্কীর এই পশ্চিমী সামরিক সংস্থায় হাত-মেলানোতে জাতীয়তাবাদী আরব জনমত বিক্ষুব্ধ হল। তারা বুঝল তুর্কী আরব ও ইসলামের সঙ্গে বিশ্বাসঘাতকতা করেছে। একটি মিশরী সাম্প্রতিক একটা কাটরুন ছাপল যাতে তুর্কীর

প্রেসিডেন্ট সৈলাল বেয়ার একটি কুকুরের বেশে তিনজন পশ্চিমী প্রতিনিধির অনুগমন করছে। কাইরোর ঢুকী রাজদূত জানালেন প্রবল প্রতিবাদ। পত্রিকাটি “মার্সনা” চেয়ে ছাপল আর একটা কাটুর্ন। এখানে সেই কুকুরটা লেজ উঁচিয়ে চলছে আগে আগে, আর তার পেছনে বৃটিশ, মার্কিন ও ফরাসী প্রতিনিধি।

যৌথ মধ্যপ্রাচ্য কম্যান্ডের প্রস্তাব রাশিয়াকে সজাগ করে দিল নতুন বিপদের আতঙ্কে। নভেম্বরেই সোবিয়ত সরকার মধ্যপ্রাচ্যের দেশগুলির কাছে যৌথ কম্যান্ডের আপত্তিজনক দিকটা ব্যাখ্যা করে একটি লিপি পাঠালেন। বললেন, “যৌথ মধ্যপ্রাচ্য কম্যান্ডের মানে হবে সমগ্র মধ্যপ্রাচ্যকে অতলান্তিক চুক্তির, বিশেষ করে বৃটেন ও আমেরিকার, সামরিক দখলে নিয়ে আসা।” এই প্রথম সোবিয়ত গভর্নমেন্ট আরব জাতীয়তাবাদের প্রতি পূর্ণ সমর্থন ঘোষণা করলেন। “পশ্চিমী দেশগুলির মতো সোবিয়ত রাষ্ট্র মধ্যপ্রাচ্যকে একটি উপনিবেশভূমি মনে করতে অভ্যস্ত নয়। মধ্যপ্রাচ্যের জনগণের, স্বরাজ-সংগ্রাম, জাতীয় দাবি প্রতিপূরণের প্রচেষ্টা সোবিয়ত সরকার চিরদিনই সহানুভূতি ও সমঝদার চোখে দেখে এসেছে।...আজ যদি কোনো মধ্যপ্রাচ্য দেশ পশ্চিম-প্রণোদিত যৌথ কম্যান্ড যোগ দেয়, তার সঙ্গে সোবিয়ত রাষ্ট্রের সম্পর্ক ভয়ানক আহত হবে।”

মস্কোর এই কঠিন সতর্কবাণী মিশরকে পশ্চিমী প্রস্তাব প্রত্যাখান করতে অনেকখানি উৎসাহ দিয়েছিল। সাবধান করে দিয়েছিল পশ্চিমী দেশগুলিকেও। আমরা দেখেছি, ১৯৫২ সালে আইসেনহাওয়ার-বিজয়ের পরে ডালেস একটি সামগ্রিক মধ্যপ্রাচ্য কম্যান্ডের ইচ্ছা পরিতাগ করে উত্তরপথের দেশগুলিকে নিয়ে বাগদাদ চুক্তির বিকল্প সীমাবদ্ধ সামরিক জোটের পরিকল্পনা করেন। তারও জন্ম হতে হতে তিন বছর উত্তীর্ণ হয়ে যায়।

৬৭

“বাগদাদ প্যাঙ্ক হচ্ছে একটা বিরাট কারাগার, যার মধ্যে পশ্চিম টোন আনতে ‘চায় সমস্ত আরব দেশগুলিকে’—নরাদিষ্টার মিশর দাতাবাস থেকে প্রচারিত পুস্তিকা

মিশর চেয়েছিল আরব দেশগুলিকে নিয়ে একটা সমবেত প্রতিরক্ষা সংগঠন, পশ্চিমী প্রভাবের বাইরে। বহু শতাব্দী ধরে আরবভূমিতে বিদেশী প্রভুত্ব করেছে; তারা স্বরাজ আরবভূমি কল্পনাই করতে পারে না। মনে করে, আরব চিরদিন থেকে এসেছে একটা বিরাট বহিঃশক্তির ছত্রছায়ায়; তাতেই তার মঙ্গল। এ-ছত্রছায়ার অভাব হলে আরবভূমি, তার অতুলনীয় সামরিক গুরুত্ব ও অফুরন্ত তেল-সম্পদ নিয়ে, শক্তি-শূন্য হয়ে পড়বে। আমরা হটে গেলে আসবে রাশিয়া, আর আরব, যে-শাসনেই অভ্যস্ত, মেনে নেবে সেই সর্বনাশা পরিণতি। তখন আমরা ধাব কোথায়? সমস্ত ভূমধ্যসাগর, ভারত মহাসাগর এসে বাবে রুদ্ধ প্রতাপের গন্ডীতে। পশ্চিম যুরোপ বিচ্ছিন্ন হয়ে পড়বে তার আদি-স্বভাবারী এশিয়া থেকে। আরব ভূমির তেল পৌঁছবে না যুরোপের বন্দরে বন্ধরে। যুরোপীয় সভ্যতার ঢাকা দাঁড়িয়ে থাকবে অচল

হয়ে। আরবদের শক্তি নেই স্বরাজ্য সত্তা রক্ষা করবার। তারা সংখ্যাগরিষ্ঠ সামান্য; বিশ্বেদে জর্জরিত। তা ছাড়া তাদের ঐক্য আমাদের সর্বনাশ। তারা যতদিন রাজ্য-প্রজায়, রাজ্য-রাজ্য দেশে-দেশে লড়বে, ততদিনই আমাদের প্রাধান্য। আজ তারা দুর্বল, এই দৌর্বল্য ঈশ্বরের আশীর্বাদ। দুর্বল বলেই তারা অভিভাবকহীন থাকতে পারে না। তারা বোঝে না আমাদের প্রয়োজন। তাই বলে আমরা এত বড় সভ্য জাত, তাদের রেল গাড়ি দিয়েছি, তার-বেতার দিয়েছি, সভ্যতার চেহারা দেখিয়েছি; আজ আমরা সমস্ত 'স্বাধীন' দুনিয়াকে সাম্রাজ্যের করাল গ্রাস থেকে বাঁচাবার জন্য উঠে পড়ে লেগেছি, আরবদের অজ্ঞান, অব্যবস্থার আশঙ্কা কি মেনে নিতে পারি?

“পাওয়ার ভ্যাকুয়াম থিয়োরী”র মোটামুটি সরল ব্যাখ্যা হচ্ছে এই।

১৯৫৪ সালে মিশর যৌথ আরব প্রতিরক্ষা সংগঠন তৈরি করার জন্য তৎপর হয়ে উঠেছিল। নাসের বন্ধুত্বে পেরেছিলেন ইরাককে যদি তিনি স্বমতে আনতে পারেন তাহলেই তাঁর স্বপ্ন সার্থক হবে। তাই ঐ বছর আগস্ট মাসে মন্ত্রী সালাহ্ সালেমকে ইরাকী নেতাদের সঙ্গে কথাবার্তা কইবাব জন্য পাঠিয়েছিলেন। সারসাংক (Sarsank) শহরে পনেরোই থেকে বইশ আগস্ট পর্যন্ত যে-বৈঠক হয় তাতে উপস্থিত ছিলেন ইরাকের রাজা ফয়জল, তৎকালীন প্রধান মন্ত্রী ফদেল এল্-গামালি।

মনে রাখতে হবে, মিশর তখন সবেমাত্র বৃটেনের সঙ্গে নতুন চুক্তি স্বাক্ষর করেছে। এ-চুক্তি নিয়ে ইরাক একটু, গোলযোগের সৃষ্টি করেছিল। চেয়ে-ছিল, এমন একটি শর্ত থাকবে যার সূত্র ধরে, যদি ইরাক কোনো দেশ দ্বারা আক্রান্ত হয়, বৃটেন সুয়েজ অঞ্চলে ফিরে আসতে পারবে। মিশর এ-শর্ত মানতে রাজী হয় নি। কিন্তু প্রবল ইংগ-মার্কিন চাপে, মেনে নিয়েছিল আর একটি শর্ত যার ভয়াবহ তাৎপর্য সিরিয়া-তুর্কী বিরোধের দিনে স্পষ্ট হওয়া উচিত। মেনে নিয়েছিল, তুর্কী যদি কোনো দেশ দ্বারা আক্রান্ত হয় তাহলে বৃটেন সুয়েজ ঘাঁটিতে ফিরে আসতে পারবে।

সারসাংক বৈঠকে সালাহ্ সালেম ইরাককে অনুরোধ করেন পশ্চিমী প্রত্যাপের বাইরে একটি সমবেত আরব প্রতিরক্ষা সংস্থা গঠন করতে এগিয়ে আসার। আরবভূমি রক্ষা করবার পবিত্র দায়িত্ব একমাত্র আরবই পালন করতে পারে; বাইরের কোনো শক্তিতে এ-ভার দেবার মানে তার অধীনতা স্বীকার করা। মিশর-প্রতিনিধি প্রস্তাব করেন সমস্ত আরব দেশের সৈন্যদের একটি কম্যান্ডে নিয়ে আসা হোক; নয়তো কাগজে কলমে যে “যৌথ আরব প্রতিরক্ষা চুক্তি” বর্তমান, তার কোনো প্রাণ থাকবে না। তা ছাড়া বৃদ্ধাশ্রম নির্মাণও আরব দেশগুলিকে এক সঙ্গে পারস্পরিক সহায়তায় অগ্রসর হতে হবে। সালাহ্ সালেম বলেন, “পশ্চিম আমাদের চায়। চায় আরবদের, আর চায় তেল। তাইতো প্রয়োজন হয়ে পড়েছে আমাদের এক্ষণি পূর্ণ স্বরাজ্য পাবার! আমরা পশ্চিমের অনুচর হব না। আজ যদি আমরা কোনো পশ্চিমী চুক্তিতে যোগ দি, আমাদের স্বরাজ্য যাবে, জাতীয়তাবাদ যাবে।” ইরাকী নেতাদের তিনি বোঝাতে চেষ্টা করেন যে, জাগ্রত আরব জনমত কোনো পশ্চিমী চুক্তিতে যোগদানের ঘোরতর বিরোধী; ইরাকের প্রধান মন্ত্রীক নিমন্ত্রণ করেন কায়রোতে নাসেরের সঙ্গে ব্যক্তিগত আলোচনার জন্য।

ইরাকী তরফ থেকে উত্তরে বলা হয় আরবদের যৌথ প্রতিরক্ষা চুক্তির সঙ্গে পশ্চিম-প্রশোধিত অন্য কোনো চুক্তির অমিল যে হতেই হবে এমন কোনো মানে নেই। রাশিয়া থেকে আক্রমণ-ভয়টাও ভেবে দেখতে হবে। তা ছাড়া, সমস্ত আরবের মহাশত্রু ইজরেইল পশ্চিম-মিত্র। আজ বটেন ও আমেরিকাকে চটালে তারা ইজরেইলকে আরো শক্তিশালী করে তুলবে। তাতে আরবদেরই সমূহ ক্ষতি। অপরপক্ষে বটেন-আমেরিকার মৈত্রী যদি আরব দেশগুলি অর্জন করতে পারে, এ-ভয়াবহ সম্ভাবনা স্তিমিত হবে। ইরাকের রাষ্ট্রদূত ৭ই সেপ্টেম্বর নাসেরকে জানান পশ্চিমী বন্ধুদের সঙ্গে আলাপ আলোচনার পরে ইরাকের প্রধান মন্ত্রী কাইরোতে আসবেন মিশর সরকারের সঙ্গে কথাবতীর জন্যে।

এই সময় ইরাকের প্রধান মন্ত্রী হলেন ন্যারী এস-সৈয়দ। ১৯৫৪ সালের ১৭ই সেপ্টেম্বর তিনি উপস্থিত হলেন কাইরোতে; দুদিন ধরে কথাবার্তা চললো ন্যারী ও নাসেরের। বাগদাদ চুক্তি ও পরবর্তী ঘটনাবলীর পক্ষে এ-আলাপ গুরুত্বপূর্ণ। ন্যারীর আশ্বাসে নাসের বাগদাদ চুক্তির একটা সীমাবদ্ধ প্রয়োজনীয়তা স্বীকার করে নিয়েছিলেন। কিন্তু সে-আশ্বাস চুক্তিব শর্তাবলীতে রক্ষিত হয় নি।

ন্যারী নাসেরকে যা বুঝিয়েছিলেন মোটামুটি তা হচ্ছে এইঃ ইরাকের পরিস্থিতি মিশরের সঙ্গে সর্বাংশে তুলনীয় নয়। মিশরের প্রধান কর্তব্য সুয়েজ অঞ্চল থেকে ব্রিটিশ অপসরণ বাস্তবে পরিণত করা। ইরাকও চাইছে। ১৯৩০ সালের ইংগ-ইরাক চুক্তির সমাপ্তি। কিন্তু বটেন ইরাক ছেড়ে যেতে রাজী নয়। তাই ইরাককে এমন একটা ব্যবস্থার শরণাপন্ন হতে হচ্ছে যাতে ব্রিটিশ কর্তৃত্বের অবসান হবে, ব্রিটিশ যুদ্ধ-ঘাঁটিগুলি চলে আসবে ইব্রানেব হাতে। তা ছাড়া ইরাকের প্রয়োজন অস্ত্রের, যার জন্যে হাত পাততে হলে বটেনের কাছে। তুর্কী বহুদিন ইরাকের মসুল প্রদেশের দিকে লোভাভূত দৃষ্টি হনছে। তুর্কীর সঙ্গেও ইরাককে মিত্রতা স্থাপন করতে হবে। বটেনের প্রভাবে খর্ব করার জন্যেই বাগদাদ চুক্তিতে ইরাক আনতে চাইছে অদো তিনটি মুসলিম রাষ্ট্রকে; তুর্কী, ইরান, পাকিস্তান।

ন্যারী বোঝালেন, এ-চুক্তি কোনোমতেই যৌথ আরব প্রতিরক্ষা চুক্তিকে খর্ব বা প্রভাবিত করবে না। আরবদের প্রতিরক্ষা প্রধানত এই যৌথ চুক্তি অনুসারেই হবে। বাগদাদ চুক্তি হবে একটি আঞ্চলিক চুক্তি। অন্য কোনো আরব দেশকেই এর মধ্যে টেনে আনার চেষ্টা করা হবে না। অবশ্য বটেনের ইচ্ছা আরব প্রতিরক্ষা চুক্তিতে আসন পাবার। কিন্তু মিশর যদি তা না চায় তাহলে ইরাকও চাইবে না। বাগদাদ চুক্তি চারটি মুসলমান দেশকে একত্রিত করে ইজরেইলকে ভয় পাইয়ে দেবে। ইরাক, আরব স্বার্থকে বাগদাদ চুক্তির চোখে না দেখে, আরব লীগের চোখেই দেখে চলবে। নাসের আরব দেশগুলিকে সাম্রাজ্যবাদী লোভ থেকে সমবেত চেষ্টায় মুক্ত করবার প্রয়োজনীয়তা উল্লেখ করলে, ন্যারী বললেন, ইরাকের সমস্যা একটু অন্যরকম; কিন্তু ইরাক বটেনের সঙ্গে কোনো রকমের সমঝোতার উপনীত হলে, তার সঙ্গে মিশর বা অন্য কোনো আরব দেশকে জড়াবার চেষ্টা করা হবে না।

ডিসেম্বর মাসে আরব লীগ পলিটিক্যাল কমিটির সভা বসল সমস্ত

আরব দেশের পররাষ্ট্র মন্ত্রীদের নিয়ে। নূরীর প্রতিনিধি নিবেদন করলেন, মিশরের চিন্তাধারার স্বার্থ নিয়ে ইরাক সরকারের কোনো সন্দেহ নেই। সুয়েজ থেকে বৃটিশ দাপট হটাবার জন্যে মিশর যেমন বৃটিশ সরকারের সঙ্গে চুক্তি স্বাক্ষর করেছে, ইরাকও তেমনিতরো একটি চুক্তিতে নামসই করতে চায়। তার মধ্য উদ্দেশ্য ইরাকে বৃটিশ সামরিক প্রভাব হ্রাস করা। শুধু ইরাক এইটুকু মেনে নেবে যে যদি তুর্কী বা ইরাকের উপর পরদেশী আক্রমণ হয় তবে বৃটেন ইরাকে প্রত্যাবর্তন করতে পারবে।

পলিটিক্যাল কমিটি এই প্রস্তাবনা গ্রহণ করে। সর্বসম্মতি নিয়ে ঠিক হয় যে, যৌথ আরব প্রতিরক্ষা চুক্তির বাইরে কোনো আরব দেশই চুক্তি বা সমঝোতা স্বাক্ষর করবে না; পশ্চিমী দেশগুলির সঙ্গে তখনই চুক্তি করা হবে যখন তারা আরবদের ন্যায্য দাবি মেনে নিয়েছে ও তাদের অস্ত্র সরবরাহ করতে রাজী; আর একটা যৌথ আরব সৃষ্টি করে আরব প্রতিরক্ষা চুক্তিকে আরো বলীয়ান করে তোলা হবে।

১৯৫৫ সালের ৬ই জানুয়ারী তুর্কী-ইরাক চুক্তি স্বাক্ষরিত হয়, আর তাতে অন্য সব আরব দেশই যোগদানের আমন্ত্রণ পায়। এখানেই প্রথম নূরী নাসেরকে প্রদত্ত আশ্বাস ভঙ্গ করেন। তার প্রতিশ্রুতি ছিল একটি আঞ্চলিক চুক্তি, যাতে ইরাক ছাড়া অন্য কোনো আরব দেশকে টেনে আনা হবে না। তিনি গোড়াপত্তন করলেন একটি সামগ্রিক মধ্যপ্রাচ্য চুক্তির তুর্কী থেকে আডেন পর্যন্ত যার বিস্তার, বৃটেন ও আমেরিকার বাহুবলে যার শক্তি। নাসের প্রস্তাব করলেন সমস্ত আরব প্রধান মন্ত্রী মিলে এই অপ্রত্যাশিত ঘটনার মোকাবিলা করা হোক। নূরী এ-প্রস্তাব অগ্রাহ্য করলেন। ফেব্রুয়ারী মাসের ২৪ তারিখে বৃটেন এসে যোগ দিল তুর্কী-ইরাক-পাকিস্তান চুক্তিতে, এর নতুন নামাকরণ হল বাগদাদ চুক্তি। ৪ঠা এপ্রিল ইরাক নতুন এক চুক্তি করল বৃটেনের সঙ্গে; তাতে দেখা গেল, ইরাক থেকে অপসারণ তো দূরের কথা, বৃটেনের সামরিক কর্তৃত্ব আরো পাকা হয়ে উঠল।*

১৯৫৪ সালের ১৯শে ফেব্রুয়ারী তুর্কী-পাকিস্তান চুক্তিতে যে-সামরিক সংস্থার গোড়াপত্তন হয়েছিল, এক বছর পরে তার কাঠামো সম্পূর্ণরূপে নির্মিত হল।

বাগদাদ চুক্তির প্রকৃত উদ্দেশ্য ৪ঠা এপ্রিল হাউস অব কমন্স এ বৃটিশ প্রধান মন্ত্রী স্যার এন্টনী ইডেন এবং পররাষ্ট্র দপ্তরের সহকারী মন্ত্রী এন্টনী নুটিং বিবৃত করলেন। ইডেন পরিষ্কার বললেন, “এ-চুক্তির সাহায্যে আমরা মধ্যপ্রাচ্যে আমাদের প্রভাব ও আমাদের প্রতিষ্ঠা শক্তিশীল করতে পেরেছি।” নুটিং যোগ দিলেন, “অন্যান্য মধ্যপ্রাচ্য দেশগুলোকেও এ-চুক্তিতে আমরা টেনে আনবার চেষ্টা করছি।” ইডেন আরো ব্যাখ্যা করে বললেন, “বাগদাদ চুক্তি আমরা কেন স্বাক্ষর করেছি তা অতি সুস্পষ্ট। আমাদের প্রতিষ্ঠা এতে বেড়েছে, আমাদের কথার দাম চড়েছে। এখন আমরা মধ্যপ্রাচ্যের ঘটনা প্রবাহে

* এ-সময়কার মূল নথিপত্রের জন্যে Documents on International Affairs, 1954 দেখুন। Royal Institute of International Affairs থেকে এ-বছরই প্রকাশিত হয়েছে। নূরাদ্দীনের মিশর দাবাস প্রচারিত Baghdad Pact and Its Real Facts-ও পড়তে পারেন।

হস্তক্ষেপ করতে পারব। আমার ধারণা মানচিত্রের দিকে তাকালেই বোঝা যাবে বাগদাদ চুক্তির উদ্দেশ্য আরব ও ইহুদি দৃষ্টি পরস্পর থেকে অন্য দিকে ঘোরানো।”

এই ‘অন্য দিক’ মানে রাশিয়া। অথবা নাসের।

বাগদাদ চুক্তি শীতল-যুদ্ধকে সমস্ত মধ্যপ্রাচ্যে ছড়িয়ে দিল, তার প্রবাহ এসে ঠেকল নিরপেক্ষ ভারতের শ্বারে। পাকিস্তানকে সামরিক সাহায্য দেবার সময় রাষ্ট্রপতি আইসেনহাওয়ার ভারতকেও অনুরূপ সাহায্য গ্রহণে আমন্ত্রণ করেছিলেন। যেদিন পাকিস্তান-ভুক্তী চুক্তি তৈরী হয় সেইদিনই তিনি গ্রীনেহরুকে এক পরে লিখেছিলেন, “আমি জানি আপনার গভর্নমেন্ট মনে করেন অর্থনৈতিক প্রগতিই রাষ্ট্রের নিরাপত্তা ও স্থিতিশীলতার প্রধান পথ।

“বঙ্গরাষ্ট্র সরকার ভারতকে আর্থিক সাহায্য দিয়ে এসেছে এবং কংগ্রেসের কাছে আমি প্রস্তাব পাঠাচ্ছি যাতে এ-সাহায্য না থেমে যায়। আমাদের আরও বিশ্বাস যে ‘স্বাধীন’ (অর্থাৎ অ-কম্মিউনিষ্ট) পৃথিবীর মঙ্গলের জন্যে ভারতের যথেষ্ট প্রতিরক্ষা শক্তি প্রয়োজন এবং আপনি বেভাবে আপনাদের সামরিক প্রতিষ্ঠান সুপরিচালিত করে এসেছেন, আমরা তার প্রশংসা করি। যদি আপনার গভর্নমেন্ট মনে করেন মার্কিন সামরিক সাহায্য ভারতের প্রয়োজন, তাহলে আশ্বাস দিচ্ছি, আপনার অনুরোধ আমাদের পূর্ণ সহানুভূতি লাভ করবে।”

আইসেনহাওয়ারের নতিদীর্ঘ পত্রের যে অতি-সংক্ষিপ্ত জবাব নেহরু দিয়েছিলেন ভারতের পররাষ্ট্রনীতির ইতিহাসে তার গুরুত্ব অপরিমেয়। ১লা মার্চ তারিখে মার্কিন প্রেসিডেন্টের পত্রের প্রাপ্তি ঘন্যাবাদের সঙ্গে স্বীকার করে নেহরু বললেন, “যে-আশ্বাস আপনি দিয়েছেন তার মূল্য আমি স্বীকার করি। কিন্তু এ-বিষয়ে আমাদের দেশের জনসাধারণ ও সরকারের অভিমতও আপনি ভালোই জানেন। যে-নীতি ও যে-পথ আমরা অনেক সতর্ক বিবেচনাব পরে বেছে নিয়েছি তার প্রেরণা ও আদর্শ হচ্ছে বিশ্বের শান্তি ও স্বরাজ দীর্ঘায়িত করার তীক্ষ্ণ অভিপ্রায়। আমরা এ-নীতিই অনুসরণ করে চলব।”

মিশর, রাশিয়া ও ভারত সমান তীব্রতার সঙ্গে বাগদাদ চুক্তির নিন্দা ও বিরোধিতা করে এসেছে। নাসের ক্ষেপেছেন নূরারীর আশ্বাস-ভঙ্গো। বুদ্ধিতে পেরেছেন, এই চুক্তির সাহায্যে যেটুকু আরব ঐক্য বহুদিনের পরিশ্রমে ও অধ্যবসায়ে নির্মিত হয়েছিল তাকে ছত্রভঙ্গ করে আরবকে লেলিয়ে দেওয়া হচ্ছে আরবের পেছনে, এই পথেই পশ্চিমী দাপট প্রত্যাবর্তন করেছে মধ্য-প্রাচ্যে। ভারত প্রমাদ গুনেছে পাকিস্তানের সামরিক বলবৃদ্ধিতে। তা ছাড়া ভারতের সঙ্গে যুরোপের যোগাযোগ আরবভূমি বা মধ্যপ্রাচ্যের প্রাচীন ঐতিহাসিক পথে। এ-পথ যত শান্ত, নিরাপদ, সুস্থিতির ও পরিভূক্ত, ততই মঙ্গল। ভারতের উপর যত অত্যাচারী হামলা করেছে তারা সবাই এসেছে হয় ইরান-আফগানিস্থানের পথে, নগ্নতো ভূমধ্য ও আরব সাগর পাড়ি দিয়ে। সর্দার পানিকড় বাকে “ভাস্কা দা গামার যুগ” বলেছেন সেই পাঁচ-শত বছরব্যাপী ভারতের দুর্দিনে ভারত ও প্রাচ্য সাম্রাজ্য দখলে আনবার ও রাখবার জন্যেই যুরোপীয় শক্তিগুণি বর্তমান মধ্যপ্রাচ্যে স্বাধিকার বিস্তার করেছিল। আজ ভারত স্বাধীন; সে চায় এমন একটা আরবভূমি, যেখানে,

রাজনৈতিক সন্তোষ অর্থনৈতিক প্রগতির হাত ধরে পথ নির্মাণ করবে রাষ্ট্রীয় স্থিতিশীলতার। বাগদাদ চুক্তি ভারতের এই সিদ্ধিচার্য পরিপূর্ণ পরিপন্থী।

রাশিয়া চটেছে তার দক্ষিণ সীমান্তে পশ্চিমী শক্তি কায়ম হয়ে কসায়। চটেছে, আবার খুশীও হয়েছে। বাগদাদ চুক্তিই তার মধ্যপ্রাচ্য প্রবেশের পথ প্রশস্ত করেছে। এই সমরান্বিত, তা সে ভাবগতই হোক আর কূটনৈতিকই হোক, সে উপেক্ষা করে নি।

“সাধু বা বিপ্লবী কেউ আমাদের রক্ষা করতে পারবে না। পারবে শুধু এ-দুরের সম্ভব”। —আর্থার কোয়েস্‌লার

৩৮

সোবিয়ত কূটনীতি সাফল্যের প্রধান প্রধান কারণগুলির মধ্যে একটা হচ্ছে গতি। সে গজেন্দ্রগামিনী নয়। ক্ষিপ্ত তৎপরতা, ঐতিহাসিক সুযোগের তড়িৎ সম্ভাবহার এবং একই সঙ্গে বহুপথ অভিযান চল্লিশ বছরের সোবিয়ত কূটনীতিকে অনেকখানি সহায়তা করেছে। এ-কূটনীতিতে ষেমন রয়েছে একটা আদর্শগত জোর, তেমন রয়েছে একটা একান্ত সুবিধাবাদী তৎপরতা। যুদ্ধে ও আনন্দে নিয়মঃ নাস্তি। সোবিয়ত কূটনীতিতে নিয়ম নেই, একথা বললে সত্যের অপলাপ হবে; কিন্তু এ-নিয়মের মধ্যেও এমন একটা অনিয়ম আছে, যা অবশিষ্ট জগৎকে বার বার চমকিত, বিকৃত ও অপদস্থ করেছে। যে-দেশের জাতীয় ক্রীড়া দাবা, সে-দেশ থেকে অন্য কিছু আশা করাই অনায়াস।

উনিশশো সত্তরো সালে তার জন্ম থেকে ১৯৩৬ সাল পর্যন্ত সোবিয়ত কূটনীতির অন্যতম প্রধান কাম্য ছিল নিরপেক্ষতা। প্রথম যুদ্ধে পরাজিত দেশগুলির সঙ্গে নিরপেক্ষতা ও অনাক্রমণ চুক্তি করেই সোবিয়ত কূটনীতির শুরুর। লীগ অব নেশনস্-এ লিটার্ডিনভ একদিকে ‘সমবেত স্বাধীনতা’র ধর্মান্তরীত ছিলেন, অন্যদিকে সোবিয়ত সরকার নিরপেক্ষতা ও অনাক্রমণের রেশমী সুতোয় রাখী বাঁধবার চেষ্টা করছিলেন যথাসম্ভব সংখ্যাধিক দেশের হাতে। ১৯৩৭ থেকে এ-নীতির কিছুটা পরিবর্তন হয় যুরোপে হিটলারের আগ্রাসী লালসার পরিচয় প্রকট হবার সঙ্গে সঙ্গে। কিন্তু তখনো নিরপেক্ষতা ও অনাক্রমণ ছিল রুশ কূটনীতির বড় কাম্য। এমনকি হিটলারের হাতেও মলোটভ রাখী পরিয়েছিলেন সোবিয়ত রাষ্ট্রকে যুদ্ধ প্রস্তুতির সময় দেবার জন্যে। ফিনল্যান্ড আক্রান্ত হয়েছিল, পোল্যান্ড ভাগাভাগি হয়েছিল; কিন্তু তুর্কী, সুইডেন ও সুইটজারল্যান্ডের নিরপেক্ষতা রাশিয়া সম্মান করে চলেছে।

অথচ দ্বিতীয় মহাযুদ্ধের পর ভারত প্রমুখ রাষ্ট্রগুলির নিরপেক্ষ পররাষ্ট্র নীতির মূল্য বৃদ্ধিতে সোবিয়ত সরকারের অনেক বছর লেগে গেল। ১৯৪৭ থেকে শুরু করে ছয় সাত বছর সোবিয়ত পররাষ্ট্রনীতি এ-বিষয়ে মার্কিন পররাষ্ট্র দপ্তরের সঙ্গে সূর মিলিয়ে যেন বলত, “তুমি যদি আমার দলে না

হও, তুমি আমার বিপক্ষে।” দুই দলের মাঝামাঝি যে একটা তৃতীয় প্রান্তর থাকতে পারে সোবিয়ত সরকার তা ভাবতে পারতেন না। আমেরিকা মনে করত, এই যে এসব তথাকথিত নিরপেক্ষ দেশ, এরা আসলে স্বেচ্ছাবাদী, দু’তরফেরই সাহায্য নিয়ে এগোতে চায়। এদের অন্তরে রয়েছে প্রচণ্ড রুশপ্রীতি। আর রাশিয়া ভাবত, “এরা আসলে সাম্রাজ্যবাদের দাস। এদের স্বাধীনতা একটা মুখোশ মাত্র। এদের একটা বিশ্বদৃষ্টি চলে। এদের অর্থনীতি সাম্রাজ্যবাদের কুক্ষিগত। এদের নেতারা প্রতিবিশ্ববী।”

তাই গ্রীনেহরু, সে-সময়ে বলতেন, “ভারত একাই জনহীন মাঠে তার কৃষিকাজ চালিয়ে যাবে।”

সোবিয়ত কূটনীতির এই অজ্ঞতা প্রথম রুশ নেতাদের কাছে ধরা পড়ে ১৯৫০ সালে। কোরিয়ার যুদ্ধই সর্বপ্রথম যুদ্ধোত্তর পৃথিবীকে দুটো যুদ্ধমান শিবিরে ভাগ করে দেয়। বৃহত্তর সংখ্যক দেশগুলি মার্কিন শিবিরে যোগদান করে; কম্যুনিষ্ট-শাসিত দেশগুলি রুশ শিবিরে। কিন্তু দেখা গেল আরো অনেকগুলি দেশ রয়েছে যারা কোনো শিবিরের জন্যেই লড়তে রাজী নয়। শব্দ তাই নয়। এই জড়িয়ে-না-পড়া দেশগুলি কোরিয়ার যুদ্ধ থামাতে প্রথম হতেই তৎপর হয়ে ওঠে, এবং কোরিয়ার শান্তি প্রতিষ্ঠার ভারত প্রমুখ রাষ্ট্রের অবদান সর্বত্র স্বীকৃত হয়।

নিরপেক্ষ দেশগুলির মূল্য প্রথম বুঝতে পারেন চীনের কম্যুনিষ্ট নেতারা। তাঁরা তাঁদের রুশ मित्रদের এ-বিষয়ে অবহিত হতে পরামর্শ দেন। কিন্তু স্টালিন তখনো জীবিত। নতুন দৃষ্টি, নতুন কর্মধারার পথ ক্রেমলিনে তখনো অনাদৃত।

স্টালিনের মৃত্যুর পর সোবিয়ত নেতারা নিরপেক্ষ দেশগুলির মূল্য ধীরে আস্তে স্বীকার করতে থাকেন। প্রাচ্য দেশগুলির ইতিহাস, দর্শন, সাহিত্য, রাজনীতি ও অর্থনীতি নিয়ে রাশিয়ার নতুন করে গবেষণা ও আলোচনা শুরু হয়। স্টালিনের আমলে বন্ধ করে দেওয়া কয়েকখানি পত্রিকা পুনরায় চালু করা হয়; মস্কো ইউনিভারসিটিতে এশিয়া-আফ্রিকা গবেষণা বিভাগ খুলে তাকে কর্মতৎপর করে তোলা হয়। নতুন চোখে, নতুন মন নিয়ে রাশিয়া “নিরপেক্ষ দুনিয়ার” দিকে তাকাতে শুরুর করে।

দেখতে পার এ-দুনিয়া তো কম বড় নয়! প্রায় ছয় কোটি বর্গ মাইল নিয়ে যে বিশাল পৃথিবী, তার চতুর্থাংশ ভাগই নিরপেক্ষ। তেতিয়া ভাগ পশ্চিমী শিবিরের আয়ত্তে, আর বাকী সাতাশ ভাগ কম্যুনিষ্ট শিবিরে। সমস্ত মানুষের সাতাশ ভাগ নিরপেক্ষ দেশগুলির অধিবাসী, আটটিশ ভাগ পশ্চিমী শিবিরের, পঁয়তাল্লিশ ভাগ কম্যুনিষ্ট দুনিয়ার। এ-হিসাবে উপনিবেশিক দেশগুলি বাদ গিয়েছে, যেখানকার জনসাধারণের মধ্যে পশ্চিম-প্রীতি স্বভাবতই অনুপ্রাণিত।

এই নিরপেক্ষ পৃথিবীর আশা-আকাঙ্ক্ষা মূর্ত হয়ে উঠেছে ভারতবর্ষের প্রধান মন্ত্রী নেহরুর কণ্ঠে। এদের সবায় হয়ে কয়েক বছর আগেই তিনি প্রশ্ন করেছিলেন, “কোনো একটি শিবিরে যোগ দেবার অর্থ কী জ্ঞানেন?” নিজের উত্তর দিয়েছিলেন, “অর্থ একটাই। নিজের মত বিসর্জন দাও, অন্যের মত গ্রহণ করে তাকে খুশী করো, তার প্রসাদ লাভ করো।” সিংহলের ক্যান্ডি শহরে ১৯৫৪ সালের মে মাসে বক্তৃতা করতে গিয়ে নেহরু সমস্ত অদলীয়

মানুষের হয়ে বলেছিলেন, “যদি অন্যদের ঋগড়া-বিবাদের জন্যে আমাদের অগ্রগতি রুদ্ধ হয়, আমাদের কর্মধারা ব্যাহত হয়, তার চেয়ে দঃখের কিছুই হতে পারে না। আমরা যারা নতুন স্বাধীনতা পেয়েছি, আমাদের বিশ্বশান্তি কামনা অন্য দেশের চেয়ে অনেক বেশি তীব্র ও প্রখর। কেন না, আমরা গড়তে চাই আমাদের দেশগুলিকে নতুন করে। আমরা চাই না ইতিহাসের এই সংকটপূর্ণ দিনে যুদ্ধ এসে আমাদের বহু যুগের স্বপ্নকে ধূলিসাত করে দিক।”

১৯৫৪ সালে আর একটা আন্তর্জাতিক ঘটনায় নিরপেক্ষ দেশগুলির গুরুত্ব আরো পরিষ্কার হয়ে উঠল। “কলম্বো পণ্ড-শক্তি”র উদ্যোগে এবং প্রধানত ভারতের প্রচেষ্টায় ইন্দোচীনে বহু-বছরের যুদ্ধের অবসান হল, এবং দক্ষিণ-পশ্চিম এশিয়ার এক ক্ষত-বিক্ষত অঞ্চলে ফিরে এল শান্তি। পাকিং ও মস্কোতে বসে সাম্যবাদী নেতারা দেখলেন অদলীয় দুনিয়ার ক্রমবর্ধমান প্রভাবে মিত্রতার রেশমী সূতোয় রাখী-বন্ধনের সময় উপস্থিত।

অদলীয় দুনিয়ার তিনটি প্রধান ঘাঁটি হচ্ছে ভারত, মিশর ও যুগোস্লাভিয়া। ১৯৫৪ সাল পর্যন্ত নাসের নিরপেক্ষতা নীতির খোলাখুলি সমর্থন ঘোষণা করেন নি। তাঁর সর্বপ্রধান কর্তব্য ছিল সুয়েজ থেকে ইংরেজ সামরিক শক্তি হটিয়ে দেওয়া। তিনি এ-কাজে মার্কিন সহায়তা পাচ্ছিলেন। এমন কিছু তাই করতে চান নি যা আমেরিকাকে নারাজ করবে, ইংরেজকে সুযোগ দেবে তার উপস্থিতি দীর্ঘায়িত করতে।

বলা বাহুল্য, ১৯৫২ সালে নাগিব-নাসের বিপ্লবকে প্রগতিমূলক ঘটনা বলে রাশিয়া স্বীকার করে নি। মনে রাখতে হবে যে দুই মহাযুদ্ধের অন্তর্বর্তী বছরগুলিতে রাশিয়া মধ্যপ্রাচ্যের আরবভূমির কোনো পরিচয়ই রাখত না। কমিন্টার্ন যে-মনোভাব নিয়ে এ-অঞ্চলের সমস্যার বিচার করত তা ছিল বহুলাংশে বাস্তব-বিবর্জিত, বুদ্ধিসর্বস্ব, ইংরাজীতে যাকে বলে অ্যাকাডেমিক। তা ছাড়া, ভুই-ফোড় বিপ্লবীদের প্রতি সাম্যবাদী চিন্তা কোনোদিনই সুপ্রসন্ন নয়। এ-জাতীয় বিপ্লবের সঙ্গে সাম্যবাদী বিপ্লবের কোনো সম্পর্ক নেই। নাগিব-নাসের বিপ্লবের প্রগতিমূলক সম্ভাবনা বুঝতে না পেরে দু বছর মস্কো শুধু তাকে অস্পষ্ট করেই রাখে নি, কঠোর ভাষায় নিন্দা-মন্দ করেছে। ১৯৫৪ সালের অক্টোবর মাসেও রাশিয়ার একজন মিশর-বিজ্ঞ লেখক এল. এন. ভ্যাটোলিনা যে-বিশেষণে নাসের রাজত্বকে ভূষিত করেছিলেন তা হচ্ছে : “উন্মাদ, প্রগতিবিরোধী, অত্যাচারী, গণতন্ত্রবিরোধী, বাকসর্বস্ব।” এমন কি ১৯৫৫ সালের প্রথমে সোবিয়ত বিজ্ঞান আকাদেমী থেকে প্রকাশিত একখানা পুস্তকে আগের বছরের ইংগ-মিশর চুক্তিকে বলা হয় “মিশর ও অন্যান্য আরব দেশগুলির জাতীয় স্বার্থের পরিপন্থী।”

কিন্তু ১৯৫৫ সালের এপ্রিলেই সোবিয়ত নীতির আমূল পরিবর্তন হয়ে গেল। তার প্রধান কারণ বান্দুং।

পনেরই এপ্রিল ইন্দোনেশিয়ার সুরম্য বান্দুং শহরে উনত্রিশটি এশিয়া-আফ্রিকা দেশের প্রতিনিধি নিয়ে যে মহাসম্মেলন বসল এই দুই মহাদেশের, এমন কি সারা বিশ্বের ইতিহাসে, সে এক মহান ঘটনা। এর আগে এত-গুলো স্বাধীন বা প্রায়-স্বাধীন এশিয়া-আফ্রিকা দেশ কখনো একত্রিত হয় নি।

আমন্ত্রিত দেশগুলির মধ্যে সমস্ত রাজনীতি ও সমাজ-নীতির পথ-চলা দেশই ছিল : পশ্চিম-অনুগামী, সাম্যবাদী, নিয়পেক্ষ। ছিল চীন, উত্তর ভিয়েতনাম, ছিল জাপান, ফিলিপাইন্স, পাকিস্থান, ছিল ভারত, মিশর, ইন্দোনেশিয়া, বর্ম। সাম্যবাদী চীন সম্বন্ধের সম্মানে এই প্রথম আমন্ত্রিত হল সর্বদলীয় একটি আন্তর্জাতিক সম্মেলনে। ঊনত্রিশটি দেশের প্রতিনিধি চু এন্ লাই-কে চিনতে পারলেন প্রাচীন ও নবীন চীনের প্রতিনিধির বেশে।

বান্দুং সোবিয়ত রাশিয়ার দৃষ্টি খুলে দিল। আমেরিকা বান্দুং-এ যে-ভুল করল রাশিয়া সতর্কভাবে সে-পথ চলল এড়িয়ে। আমেরিকা তার অনু-চরদের মাধ্যমে বান্দুং-এর এশিয়া-আফ্রিকার ঐক্যবন্ধ সংগঠনমার্গের প্রয়াস-সাধ্য উদ্যোগকে ব্যাহত, ব্যর্থ করে দিতে চাইলে। শীতল-যুদ্ধের মিত্রতা-নাশক প্রবাহ কয়েকটি ক্ষীণ ধারায় এসে ঢুকল বান্দুং-এর বন্ধু-প্রতিষ্ঠা প্রচেষ্টা দ্বর্বল করতে।

সোবিয়ত রাশিয়া নিল উল্টো পথ। হঠাৎ সে অদলীয় দুনিয়ার পরম শত্রুকাঙ্ক্ষী হয়ে উঠল। হয়ে উঠল মিত্র। সবাইকে উদ্দেশ্য করে বলল, “আমরা তোমাদের স্বাধীনতাকে সম্মান করি। তোমাদের দলে ভিড়াতে চাই নে। তোমাদের স্বাধীনতাকে সুপ্রতিষ্ঠিত ও অর্থনৈতিক প্রসারিত কববার মহান প্রচেষ্টাকে আমরা সাহায্য করতে প্রস্তুত। বিনিময়ে কোনো শর্ত আরোপ চাই না। তোমরা তোমাদের পথে চলো। শত্রু তোমরা আমাদের দুশমনদের সঙ্গে হাত মিলিয়ে আমাদের সঙ্গে দুশমনী করো না।”

নাসের এ-সময়ে এক মহা সমস্যার সম্মুখীন। মিশরকে শক্তিশালী করতে অর্থ চাই, অস্ত্র চাই, কলকারখানা চাই, কুশলী কারিগর চাই। চিরাচরিত মহাজন বটেন, যেমন দারিদ্র তেমনি কুপণ। আমেরিকা দিতে চায়, কিন্তু চড়া দামে। অস্ত্র দিতে সে রাজী নয়, ইজবেইলকে চটাবার ভয়ে; অর্থ ও মেশিন দিতে রাজী, কিন্তু শর্ত তার কঠিন, মিশরের স্বাধীনতার গায়ে তাতে আঘাত লাগে। নাসের ভাবলেন এ-অবস্থায় সাহায্য চাইতে হবে রাশিয়ার কাছে হয়তো পাওয়া যাবে না, কিন্তু আমেরিকার সঙ্গে দর-কষাকষি জনেও রুশ মহাজনের “দিতে চাই, নিতে কেহ নাই” মনোভাবের প্রমাণ বহুলাংশে সহায়ক হবে।

বান্দুং-এর পরে কাইরোতে ফিরে গিয়ে রুশ রাজদূতকে তিনি একদিন ডেকে পাঠালেন। বদ্বিষে বললেন তাঁর সমস্যা। অস্ত্র চাই, শিক্ষা নয়, খরিদ। হয়তো নগদ দাম দিতে পারবো না, কিন্তু আমাদের পৃথিবীর সেরা তুলো তোমরা নিতে পারো বিনিময়ে। আসওয়ান বাঁধের জন্য মেশিন চাই, কারিগর চাই, যন্ত্রপাতি চাই। শিক্ষা-গঠনে সাহায্য চাই। বিনিময়ে মিশরের স্বাধীনতা খর্ব হয় এমন কোনো শর্ত মানা চলেবে না। আমেরিকা সাহায্য দিতে প্রস্তুত। কিন্তু অস্ত্র দিতে বিমুখ। এখন বলো, তোমাদের কী কর্তব্য।

এই সময় সোবিয়ত সরকারের উপ-পররাষ্ট্র সচিব ছিলেন বর্তমানে লাক্ষিত ভির্মিষ্ট শেপিলভ। আরব দেশগুলির বিষয়ে তাঁর জ্ঞান সুগভীর, সহানুভূতি সুপ্রচুর। কাইরোতে সুদক্ষ রুশ রাজদূত কিসিলভ নাসেরের অনুরোধ নিয়ে ক্রেমলিনে হাজির হয়ে অভাবনীয় সাড়া পেলেন। দেখতে পেলেন কম্যুনিষ্ট নেতারা সমগ্র অদলীয় দুনিয়াকে নতুন দৃষ্টিতে দেখতে শুরুর

করেছেন; শিখর করেছেন সত্যিকার বৃহৎ-শক্তি হতে গেলে আমেরিকাকে অর্থ-নৈতিক মল্লযুদ্ধে আহ্বান করতে হবে। এতদিন তারা ভাবের জগতে আর সামরিক ক্ষেত্রেই প্রতিযোগিতা করে এসেছেন, এবার প্রতিযোগিতা করবেন আর্থিক জগতে।

কিন্তু শেপিলভের মিশরকে অস্ত্র সরবরাহের প্রস্তাব রুশ কম্যুনিষ্ট পার্টির সেন্ট্রাল কমিটি সহজে গ্রহণ করতে রাজী হলেন না। তার কারণ ছিল প্রচুর। চতুঃশক্তির শিখর-সম্মেলন তখন সমাসন্ন। শীঘ্রই জেনিভাতে মিলিত হবেন বৃটেন, ফ্রান্স, আমেরিকা ও রাশিয়ার প্রধান নেতৃবৃন্দ। সেন্ট্রাল কমিটি এমন কিছু করতে চাইলেন না যাতে এই সম্ভাবনাপূর্ণ সম্মেলনের সাফল্য ব্যাহত হয়। তা ছাড়া, মিশরকে অস্ত্র দেওয়া মানেই বহুদিনের চলিত মধ্য-প্রাচ্য রাজনীতিকে একেবারে ঘুলিয়ে দেওয়া। তার জন্য রাশিয়া কতখানি প্রস্তুত তা ভেবে দেখা উচিত। সে কি প্রস্তুত মধ্যপ্রাচ্য প্রাঙ্গণে আবির্ভূত হতে তার সমস্ত শক্তি ও সামর্থ্য নিয়ে?

এ-নিয়ে অনেক গভীর আলোচনা হল মস্কোতে, পূর্ব যুরোপের রাজধানীগুলোয় এবং পিকিং-এ। শেপিলভ একবার কাইরো ঘুরে এলেন। ইতিমধ্যে জেনিভাতে বসল চার দেশের শিখর-বৈঠক। তাতে মধ্যপ্রাচ্য নিয়ে কোনো আলোচনাই হল না। সবচেয়ে আশ্চর্য হচ্ছে পশ্চিমী দেশগুলি রুশ কন্ট্রিনীতির এই বিরট আসন্ন পরিবর্তনের কোনো আভাস পেল না। না বৃটেন, না আমেরিকা বিশ্বাস করত সামাবাদী দেশগুলির প্রয়োজন মিটিয়ে রাশিয়ার অন্য কোনো দেশকে সাহায্য করার ক্ষমতা আছে। না তারা জানতে পেরেছিল, পূর্ব যুরোপের গোলযোগ সত্ত্বেও রাশিয়া মধ্যপ্রাচ্যের নিঃস্তেজ প্রাণধারায় আনতে পারবে বিস্মল বন্যা।

জেনিভা বৈঠকে দু মাস না যেতেই সোবিয়ত রাশিয়া মিশরকে অস্ত্র সরবরাহ করতে শুরু করল। এ-কাজটা আরম্ভ হল কোনো ঢাক ঢোল না বাজিয়ে। রাশিয়া নিজে মিশরের সঙ্গে চুক্তি করল না, ভিড়িয়ে দিল চেকোস্লোভাকিয়াকে। মস্কো থেকে দু চারটি যা বাক্য নিঃসৃত হল তার তাৎপর্য হচ্ছে, “এটা কিছুই নয়। সামান্য কিছু অস্ত্র ওদের দিচ্ছি আমরা। নিতান্তই একটা বাণিজ্যিক ব্যাপার। এর কোনো রাজনৈতিক গুরুত্ব নেই।”

যখন দেবে, তখন আস্তে আস্তে দেবে; যেকিয়াভেলির এই প্রাচীন উপদেশ সোবিয়ত সরকার মানলেন না। আসওয়ান বাঁধ নিয়ে রুশ সাহায্য দানের অস্পষ্ট প্রতিশ্রুতি ও তার পরিণামের কথা আগেই বলা হয়েছে। রাশিয়া অত বড় প্রচেষ্টার ঝুঁকি নিতে তখনো প্রস্তুত ছিল না; হয়তো তার সাধাও ছিল না। কিন্তু ১৯৫৫ সালের ২৭শে সেপ্টেম্বর থেকে ১৯৫৬ সালের ৭ই ফেব্রুয়ারী মধ্যে বিনাশর্তে আর্থিক সাহায্যের প্রস্তাব সে পাঠাল সাতটি প্রাচ্য দেশকে : মিশর (২৭শে সেপ্টেম্বর), সিরিয়া (১৭ই নভেম্বর), আফগানিস্তান (১৮ই ডিসেম্বর), পাকিস্তান (৬ই ফেব্রুয়ারী), ভারত (১২ই ডিসেম্বর), বর্মা (৭ই ডিসেম্বর) ও তুর্কী (৭ই ফেব্রুয়ারী)। ১৯৫৬ সালের প্রথম কয়েক মাসের মধ্যেই অস্ত্র সরবরাহের প্রস্তাব পেল আরব ও সূদান; আর্থিক সাহায্যের প্রস্তাব, সৌদী আরব, এমেন, লেবানন।*

* মধ্যপ্রাচ্য দেশগুলিকে আমেরিকা যুক্তরাষ্ট্র যুগে বিস্তারিত আর্থিক ও সামরিক সাহায্য

১৯৫৭ সালের প্রথম মাসে স্যার এন্টনী ইডেন ও রাষ্ট্রপতি আইসেনহাওয়ার যখন বারমুডা বৈঠকে মিলিত হলেন তখন পৃথিবীর বৃহত্তম সমস্যা, তাঁদের কাছে, সোবিয়ত শক্তির মধ্যপ্রাচ্যে প্রাণাণে বলিষ্ঠ প্রতিষ্ঠা। ১লা ফেব্রুয়ারীতে একটি সংযুক্ত ঘোষণায় তাঁরা বললেন, “পশ্চিম ও মধ্যপ্রাচ্যের মধ্যে বিভেদ কমানোর জন্যে সব রকম চেষ্টা করতে হবে। এ-অঞ্চলের বিভিন্ন রাষ্ট্রের মধ্যে বর্তমান সমস্যার সমাধানে সাহায্য করতে আমরা উৎসুক। এ-অঞ্চলের সমস্যার সমাধানে কোনো বিশেষ রাষ্ট্র বা গোষ্ঠীকে অস্ব স্ববরাহ সাহায্য করতে পারে, এ-বিশ্বাস আমাদের নেই। সমাধান হতে পারে কেবলমাত্র প্রতিবেশি রাষ্ট্রগুলির মধ্যে (অর্থাৎ আরব ও ইজরেইলের মধ্যে) শান্তি ও মৈত্রী স্থাপনে। সোবিয়ত রাশিয়া মধ্যপ্রাচ্যের আরব দেশগুলিকে অস্ত্র দিয়ে শৃঙ্খলিত ও খানকার গোলমাল বাড়িয়ে তুলেছে। আর যুদ্ধকে কাছে ডেকে এনেছে। আমরা এই বিপদ দূর করতে চাই।”

পরের দিন মার্কিন সেনেটে ইডেন ভাষণ দিলেন। তাতেও প্রধান বক্তব্য সোবিয়তের আরব ভূমিতে পদার্পণ। “মুদ্রোপে আটকা পড়ে সোবিয়ত শক্তি দক্ষিণে হাত বাড়িয়েছে নতুন দেশ গ্রাস করতে”, বললেন ইডেন। “এতে অবশ্য নতুন কিছু নেই। রাশিয়ার সমগ্র সাম্রাজ্যবাদী ইতিহাসে আপনারা এই ধারাই দেখতে পাবেন। কিন্তু এখন বদলেছে মূল্য, পদ্ধতি, প্রতীক। এখন যে-যুদ্ধ তা মানুষের মনের জন্যে। এক সময় মধ্যপ্রাচ্যে চলছিল ধর্মের সংঘাত। এখন আদর্শের। ক্রেমলিন থেকে মধ্যপ্রাচ্যের দেশে, এবং সমগ্র এশিয়ায়, পাঠানো হয়েছে নতুন এক প্রবাহ। তার মধ্যে রয়েছে স্তুতি, হুমকি, ‘অস্ত্র-নাও, অর্থ-নাও’ বুলি, আবার মানুষের স্বাধীনতা খর্ব করার ষড়যন্ত্র। সবটাই পশ্চিম-বিরোধী পোশাকে সজ্জিত। এখন এই সর্বনাশের মুখোমুখি কী আমাদের কর্তব্য?”

কর্তব্য ঠিক করতে গিয়ে দেখা গেল, লন্ডন ও ওয়াশিংটন শ্বিমত। ডালোস চাইলেন নাসেরকে তোষণ করতে। দিলেন আসওয়ান বাঁধ নির্মাণে সাহায্যের প্রতিশ্রুতি। পরে তা ভাঙলেন। এল সুয়েজ সংকট। এল বটেন, ফ্রান্স ও ইজরেইলের ষড়যন্ত্র। মিশর আক্রমণ।

করে এসেছে। আজ পর্যন্ত তুর্কী পেয়েছে এক হাজার মিলিয়ন ডলার; অর্ধেকের বেশি সামরিক সাহায্যে। ইজরেইল একশো দ্বিশ মিলিয়ন ডলার। অর্থাৎ মিশর, ইরাক, সৌদি আরব, লেবানন ও জর্ডানের মিলিত অর্থের চেয়েও বেশি। ইরাককে বাগদাদ চুক্তির সুবাদে অস্ত্র সাহায্য সবেমাত্র শুরু হয়েছে, ১৯৫৭ সালের প্রথম থেকে। বিশ্ব ব্যাংক দিয়েছে অর্থ সাহায্য সেচকার্যের জন্যে। মিশর বিশ্ব ব্যাংক থেকে সার-নির্মান কারখানার জন্যে পেয়েছে সাত মিলিয়ন ডলার, দুঃস্থ জনগণের জন্যে বেসরকারী সাহায্য উনিশ মিলিয়ন ডলার। সৌদি আরব পেয়েছে অস্ত্র, বিমান এবং বিশ্ব ব্যাংক থেকে বানবাহন উন্নত করতে পাঁচ মিলিয়ন ডলার। আইসেনহাওয়ার ডকট্রিনের ২০০ মিলিয়ন ডলারের মধ্যে আটটি দেশের জন্য ১২০ মিলিয়ন ডলার ইতিমধ্যেই বরাদ্দ হয়ে গেছে, তবে কে কতটা পাবে তা ঘোষণা করা হয় নি। জর্ডানকে ১০ মিলিয়ন ডলারের বিশেষ সাহায্য দেওয়া হচ্ছে। একমাত্র সিরিয়াই কোনো মার্কিন সাহায্য গ্রহণ করে নি। লেবাননও আইসেনহাওয়ার ডকট্রিন গ্রহণের আগে সাহায্য বিশেষ পায় নি।

বাঁধা অনগ্রসর দেশগুলিকে মার্কিন সাহায্যের বিস্তারিত তথ্য জানতে চান, নিউ ইয়র্ক টাইমস্ কত্থক প্রকাশিত উচ্চাঙ্গ মাসিক পত্রিকা Current Historyর আগস্ট, ১৯৫৭, সংখ্যা পড়লে উপকৃত হবেন।

রাশিয়ার হাতে তখন বিরাট সমস্যা হাঙ্গারীর গণ-বিক্ষোভ নিয়ে। এই “বিক্ষোভ” কতখানি মার্কিন হাত, কতখানি সম্পূর্ণ রুশ দায়িত্ব তা নিয়ে বিতর্কের সম্ভাবনা এখনো রয়েছে। কিন্তু মিশর আক্রমণের দায়িত্ব যে মন্ট্রিয়েম কয়েকটি ইংরেজ, ফরাসী ও ইজরেইলী দলপতির সে-বিষয়ে কোনো সন্দেহের অবকাশ নেই।

সমস্ত জাতীয়তাবাদী আরবের দৃঢ় বিশ্বাস সোবিয়েত চরমপন্থ না পেলে ইডেন ও মলে মিশর অভিযান অত সহজে থামাতেন না। এই চরমপন্থ সোবিয়েত পররাষ্ট্রনীতির একটি বিশিষ্ট নীতি। শব্দ ইংরেজ, ফরাসী ও ইজরেইলকে যশের হুমকি দেওয়াই এর প্রধান তাৎপর্য নয়; তারও চেয়ে বড় তাৎপর্য এই চরমপন্থে সর্বপ্রথম রুশ সরকার পৃথিবীর কাছে ঘোষণা করেন যে, তাঁর আয়ত্তে এমন সব দরক্ষেপণ রকেট আছে, যার সাহায্যে কোনো সৈন্য নিয়ন্ত্রণ না করেও রাশিয়া বৃটেন ও ফ্রান্সকে আক্রমণ করতে পারে।

সুয়েজ সংকটের ভয়াবহ দিনগুলিতে সোবিয়েত কূটনৈতিক তৎপরতা সত্যি বিস্ময়কর। একদিকে জাতিপুঞ্জ, অপরদিকে আরবভূমিতে এবং আবার একই সঙ্গে অন্য দেশগুলির সঙ্গে সোবিয়েত সরকার নানা প্রবাহে একটা প্রচণ্ড আন্দোলনের সৃষ্টি করে তুললেন, যার উদ্দেশ্য একাধারে আরব জাতীয়তাবাদের স্থায়ী মিত্রতা অর্জন, অদলীয় দুনিয়ার বন্ধুত্বে আত্মপ্রতিষ্ঠা, মধ্যপ্রাচ্যে ইংগ-ফরাসী প্রভুত্বের দ্রুত অবসান ও মার্কিন প্রসারের অবরোধ।

৩১শে অক্টোবর সুয়েজ আক্রান্ত হল। পরের দিনই সোবিয়েত সরকার বান্দুং সম্মেলনের দেশগুলির নিকট এক জরুরী বৈঠকের আবেদন পাঠালেন।

২রা নভেম্বর বৃটেন ও ফ্রান্সকে এক লিপি প্যাঠিয়ে জানিয়ে দিলেন ১৮৮৮ সালের আন্তর্জাতিক চুক্তি অমান্য করে তারা সুয়েজ জলপথ অবরোধ করেছেন, “মিশর ও অন্যান্য দেশগুলির উপর এই আক্রমণের সবরকম দায়িত্ব আপনাদের, তার ফলাফলও আপনাদেরই ভোগ করতে হবে।”

ঐ দিনই দলে দলে “স্বৈচ্ছাসেবক” মস্কাতে নাম লেখাতে লাগল মিশরের সম্পক্ষে যশ্ব করবার ইচ্ছা জানিয়ে।

৫ই নভেম্বর বুলগারিন আইসেনহাওয়ারকে এক পত্রে জানালেন, আমেরিকার সঙ্গে হাত মিলিয়ে রাশিয়া মিশরের উপর এই অত্যাচার বশ্ব করতে তৈরী। “যুক্তরাষ্ট্রের একটি প্রবল নৌবহর রয়েছে ভূমধ্যসাগরে। সোবিয়েত য়ুনিয়নেরও রয়েছে বলশালী নৌ ও বিমানবহর। জাতিপুঞ্জের অনমতি নিয়ে মার্কিন ও সোবিয়েত শক্তি যদি একত্র হয়ে যুদ্ধে অবতীর্ণ হয় তবে মিশর ও পূর্ব-আরব অঞ্চলের উপর এ-আক্রমণ অতি সহজেই ব্যাহত হতে পারে। সোবিয়েত সরকার আপনার দেশকে আহ্বান জানাচ্ছে আক্রমণকারীর বিরুদ্ধে জাতিপুঞ্জের আদেশ নিয়ে মিলিত প্রতিরোধে অবতীর্ণ হতে।”

জাতিপুঞ্জের সেই উত্তেজিত দিনগুলিতে বাক্যবাণে যতদূর সম্ভব সোবিয়েত প্রতিনিধি বৃটেন ও ফ্রান্সকে জর্জরিত করে তুললেন।

সোবিয়েত সরকার অবশ্যই জানতেন যে, আইসেনহাওয়ার এই অভাবনীয় প্রস্তাব গ্রহণ করবেন না। তাই একই সঙ্গে চরমপন্থ তারবাণে গিয়ে পৌঁছল বৃটিশ প্রধান মন্ত্রীর নিকট। বৃটেনকে বুলগারিন স্মরণ করিয়ে দিলেন, সে

আক্রমণকারী, জাতিপুঞ্জে বার বার সে শিক্ত। তারপর এল সেই ঐতিহাসিক সতর্কবাণী :

“আজ যদি বটেন তার চেয়ে অনেক শক্তিশালী কোনো রাষ্ট্র দ্বারা আক্রান্ত হয়, যার হাতে রয়েছে যুদ্ধের আধুনিকতম অস্ত্র, তবে ইংরাজের মনোভাব হবে কেমন ? এমনও দেশ আজ আছে যাদের বটেনের উপকূলে নৌ বা বিমান বাহিনী পাঠাতে হবে না, অন্য উপায়ে, যথা রকেট যুদ্ধেই, তাকে ঘায়েল করতে পারবে।...ব্রিটিশ গভর্নমেন্ট একদিন এ-আক্রমণ প্রত্যাহার করুক, এই আমাদের দাবি।...আক্রমণকারীকে শাস্তেস্তা করে বাহুবলে মধ্যপ্রাচ্যে শান্তি পুনঃস্থাপনে আমরা দৃঢ়প্রতিজ্ঞ।”

এই চরমপন্থা লন্ডনে পৌঁছবার বারো ঘণ্টার মধ্যে বটেন ও ফ্রান্স যুদ্ধ-বিরতিতে সম্মতি জ্ঞাপন করে।

৩৯

“সাত্বে, সেদিন এসেছে। সেদিন এসেছে যেদিন আমি পৃথিবীতে আনবো আনন্দের ধারা, বিধাতা আমারই জনা এ-কাজ নির্দিষ্ট রেখেছেন। আজকার দিনে আমি যে-বীরকে দেখাবো তার আলোকছটা পড়বে ভবিষ্যতের প্রাঙ্গণে। দেখতে পাচ্ছ কিগলে ঐ ধুলোর মেঘ ? ঐ আসছে বিবাত এক সেনাবাহিনী, বহু দেশের মানুষ নিয়ে তৈরী।”

“তাহলে তো দুটো বাহিনীই আসছে,” সাত্বে জবাব দিলে “ঐ দেখুন ও-দিকেও আকাশ জোড়া ধুলোর মেঘ” — তন কুইক্সোট

সিরিয়া-তুর্কীর সুপ্রাচীন সীমান্তরেখায়, যেখানে মানুষ সর্বপ্রথম মানুষবে বৃকে ছড়ি হেনেছিল, পৃথিবী হঠাৎ থমকে দাঁড়াল সর্বনাশা তৃতীয় বিশ্ব-যুদ্ধের কিনারে ১৯৫৭ সালের অক্টোবর মাসে।

রণবেশে সজ্জিত পৃথিবীর দুই বৃহত্তম শক্তি, রাশিয়া ও আমেরিকা, উভয়েই সৃষ্টি-ধ্বংসকারী অস্ত্রের মালিক। জাতিপুঞ্জের শান্তিকামী সভ্যমণ্ডে দাঁড়িয়ে রুশ পররাষ্ট্র সচিব আলেক্সে গ্রিগোরিভ হুঙ্কার করলেন, “তুর্কী যদি সিরিয়া আক্রমণ করে, সোবিয়েত সরকার বলপ্রয়োগে সে-আক্রমণ ব্যাহত করবে।” মার্কিন পররাষ্ট্র মন্ত্রী জন ফস্টার ডালেস উত্তর দিলেন, “তুর্কী যদি রুশ শক্তি দ্বারা আক্রান্ত হয়, আমেরিকা শৃঙ্খল সে-আক্রমণ ব্যাহত করেই ক্ষান্ত হবে না, আর সোবিয়েত দেশও থাকবে না প্রবেশ-নিষেধ পবিত্র মন্দির।”

অর্থাৎ, প্রতিআক্রমণ করে আমরা সোবিয়েত-ভূমিকে শাস্তেস্তা করব !

নভেম্বর পড়তে না পড়তেই সংকটের তীব্রতা কমে গেল। তুর্কী জাতীয় দিবসে মস্কোতে তুর্কী দূতাবাসে সবাইকে চমকিত করে ক্রুশ্চেভ এসে হাজির হলেন হাসিমুখে। একজন সাংবাদিক প্রশ্ন করলেন, “আপনার এ-উপস্থিতির মানে কি পশ্চিম এশিয়ার যুদ্ধের আতঙ্ক দূর করা ?” ক্রুশ্চেভ বললেন, “যুদ্ধ ? যুদ্ধ কে চায় ? যুদ্ধ তো হবেই না। শান্তি, শান্তি, শান্তি।”

জাতিপুঞ্জে তুর্কী-সিরিয়ার বিতর্ক থেমে গেল। মার্শাল জুকভ সোবিয়েত সমবেত নেতৃত্ব হতে বিভাড়িত হলেন। ওরা নভেম্বর, রবিবার, দ্বিতীয় রুশ উপগ্রহ পৃথিবী প্রদক্ষিণ শুরু করল, প্রথম উপগ্রহের ঠিক চিহ্ন দিন পর।

সোবিয়েত রাশিয়া কোনো কোনো দিকে আমেরিকার চেয়েও নিজেকে বড়

শক্তি বলে প্রমাণ করতে উঠে-পড়ে লেগেছে। অনেক মানুষের কাছে স্বীকৃতিও পেয়েছে।

এত বড় একটা দেশকে মধ্যপ্রাচ্য ও আরবভূমি থেকে বাদ দিয়ে এ-অঞ্চলের কোনো সমস্যার সমাধান সম্ভব নয়। বিশেষ করে যখন মধ্যপ্রাচ্যের সঙ্গে তার দক্ষিণ সীমান্ত সংযুক্ত! বৃটেন অনেক দূরে, আমেরিকা আরও দূরে। রাশিয়া মধ্যপ্রাচ্যের প্রতিবেশী-ভূগোলের এই বাস্তব সত্য উপেক্ষার অতীত।

পশ্চিমী রাষ্ট্রগুলির প্রচার-বিভাগ এবং রাজনৈতিক নেতারা রাশিয়ার মধ্যপ্রাচ্য নীতি সম্বন্ধে যা বলেন তার অনেকখানি শূন্যই প্রোপাগান্ডা। রাশিয়া কী চায় তা যেমন স্পষ্ট, কী চায় না, তাও। চায় না, পশ্চিমী প্রভাপ। আরো চায় না অপসৃত বৃটিশ প্রভুত্বের স্থান অধিকার করে বসুক আমেরিকা। চায় না, কোনো মধ্যপ্রাচ্য দেশ পশ্চিমের সঙ্গে হাত মেলাক সামরিক চুক্তিতে, আমেরিকাকে নির্মাণ করতে দিক সামরিক ঘাঁটি। সঙ্গে সঙ্গে এও চায় না যে, আরব দেশগুলি রাতারাতি সাম্যবাদী হয়ে উঠুক। একমাত্র সিরিয়া ছাড়া কোনো আরব দেশেই সাম্যবাদী দল বলিষ্ঠ নয়। সিরিয়াতেও জাতীয়তাবাদ সাম্যবাদের চেয়ে অনেক তেজস্বী, জনসমর্থন তার অনেক বেশি। রাশিয়া চায় মধ্যপ্রাচ্যের সমস্যা সমাধানে তার সমান অধিকার মেনে নেওয়া হোক।

আইসেনহাওয়ার ডক্ট্রিন ঘোষিত হবার কয়েক সপ্তাহ পরে তৎকালীন বৃশ পররাষ্ট্র মন্ত্রী শেপিলভ মধ্যপ্রাচ্যে সোবিয়ত নীতির মধ্য দাবি বিবৃত করেন। পরে, এই দাবিগুলিকে নাম দেওয়া হয় শেপিলভ ডক্ট্রিন। ১২ই ফেব্রুয়ারী সূপ্রিম সোবিয়তের এক বিশেষ সভায় শেপিলভ যে নতুন বৃশ মধ্যপ্রাচ্য নীতি উপস্থাপন করেন তার মূল দাবি ছয়টি। সমস্ত সমস্যার সমাধান হবে শান্তিপূর্ণ পথে; কোনো দেশই মধ্যপ্রাচ্যের রাষ্ট্রগুলির আভ্যন্তরীণ ঘটনায় হস্তক্ষেপ করবে না, সবাই তাদের স্বাধীনতা এবং সার্বভৌম অধিকার সম্মান করে চলবে; মধ্যপ্রাচ্য থেকে সব বিদেশী ঘাঁটি ও বিদেশী সৈন্য সরিয়ে নিতে হবে; মধ্যপ্রাচ্যের দেশগুলিকে বহু শক্তিদেব দাপট-লড়াইয়ে কোনোমতেই জড়ানো হবে না; কোনো অস্ত্র সাহায্য বা সরবরাহ করা হবে না; এবং, সব দেশকে অর্থনৈতিক সাহায্য দেওয়া হবে এমন কোনো শর্ত আরোপ না কবে যাতে তাদের সার্বভৌমত্ব ক্ষুণ্ণ হতে পারে।

এমন আরব কমই আছে যার কাছে এ-নীতির সাড়া মিলবে না। কিন্তু পশ্চিম যে একে অগ্রাহ্য করবে তাও অতি সুস্পষ্ট।

অধ্যাপক টয়েনবী বর্তমান যুগের শীতল-যুদ্ধের একটা অতি বিস্তৃত ভৌগোলিক রাজনৈতিক তাৎপর্য দিয়েছেন। দেখিয়েছেন যে, সাম্যবাদ যুরোপ ও এশিয়ার অন্তর্দেশ জুড়ে অধিষ্ঠিত—যার ভৌগোলিক সংজ্ঞা তিনি দিয়েছেন হার্টল্যান্ড (heartland), মধ্য-যুরোপ থেকে চীন পর্যন্ত সুবিস্তীর্ণ এই অন্তর্দেশ। আর পশ্চিমের হাতে রয়েছে সমুদ্রতীরবর্তী অঞ্চলগুলি—যার নাম রিমল্যান্ডস্ (rimlands.) শূন্য পাকিস্তানের সীমা থেকে শ্যামদেশের সীমা পর্যন্ত, অর্থাৎ ভারত, পারশ্য উপসাগর, আরব সাগর ও ভারত মহাসাগরের বুকে বা উপকূলে অবস্থিত দেশগুলিতে প্রতীচা বা কম্যুনিষ্ট কোনো প্রভাবই নেই। বাকী পশ্চিম-আরব রিমল্যান্ডস্ ঘিরে রয়েছে, কম্যুনিষ্ট হার্টল্যান্ডকে; এই উপকূলবর্তী স্থলভূমির যে-মালা তার নানা স্থানে বিমান-

ঘাঁটি নির্মাণ করেছে আমেরিকা অন্তর্দেশবর্তী সাম্যবাদী পৃথিবীর সমুদ্রের দিকে প্রসার অবরোধ করে।

সাম্যবাদী শক্তি যদি সমুদ্রমুখে প্রসারিত হতে পারে তবে সাম্যবাদী দুনিয়াকে সহজেই সে আঘাত করতে পারবে।

চীন কম্যুনিস্ট হয়ে যাওয়ায় মার্কিন আভ্যেকের এটাই প্রধান কারণ। তবে চীনের আশেপাশে কতগুলি বড় বড় স্বাধীন-দেশে মার্কিন শক্তি সুপ্রতিষ্ঠিত, যেমন ফরমোসা, ফিলিপাইনস্, জাপান। এসব দেশ থেকে মার্কিন শক্তি আঘাত করতে পারে, আঘাত ফিরিয়ে দিতে পারে।

এবার ভালো করে মধ্যপ্রাচ্যের মানচিত্রের দিকে তাকিয়ে দেখুন। সোবিয়েত শক্তি উপকূলমালা থেকে অনেক দূরে সীমায়িত। সে বোরিয়ে আসতে চাইছে কক্সাগরের বন্দী-দশা থেকে ভূমধ্যসাগরের অগাধ অনন্ত জলরাশিতে। মিশর ও সিরিয়াতে সোবিয়েত প্রতিষ্ঠার মানে ভূমধ্যসাগরে কম্যুনিস্ট শক্তির প্রতিষ্ঠা। মধ্যপ্রাচ্যের আশেপাশে এমন কোনো বড় স্বাধীন নেই যা তুলনায় ফরমোসা, ফিলিপাইনস্ বা জাপানের সমকক্ষ। একমাত্র আছে সাইপ্রাস, বিদ্রোহের আগুনে দগ্ধ। মিশর থেকে সোবিয়েত প্রতিষ্ঠা ছড়িয়ে পড়বে উত্তর আফ্রিকার রিম-ল্যান্ডে, তারপর সমগ্র কক্সহাদেশে।

এ-সম্ভাবনাকে স্বভাবতই পশ্চিম মারাত্মক ভয়ের চোখে দেখে।

অথচ যে-কোনো দূরদৃষ্টিসম্পন্ন মানুষই বুঝতে পারবে যে, এ-সম্ভাবনার পথরোধ অসম্ভব। দূরক্ষেপণ অস্ত্রের আবির্ভাব গত বারো বছরে বহু যত্নে প্রতিষ্ঠিত মার্কিন সমর-চিন্তাকে ভয়ানক নাড়া দিয়েছে। রিমল্যান্ডঘাঁটিব মালা দিয়ে হাটল্যান্ডকে বন্দী করে রাখা আর সম্ভব নয়। হাটল্যান্ডের হাতে এমন অস্ত্র আছে যা প্রতিপক্ষের ব্যকে গিয়ে চরম আঘাত হানবে। সমগ্র মধ্যপ্রাচ্যে বহু অর্থব্যয়ে নির্মিত সামরিক ঘাঁটি আজ দ্রুত অর্থহীন হয়ে পড়ছে। মার্কিন প্রতিদ্বন্দ্বিতার উপর নির্ভর করে বসে থাকতে পারবে না তুর্কী, না ইরাক, না ইরান। তাছাড়া, সোবিয়েত অর্থনীতি এগিয়ে চলছে নানা বাধা-বিপত্তি অতিক্রম করে। কম্যুনিস্ট জগতের বাইরেও, ইচ্ছা করলে, ধনতান্ত্রিক অর্থনীতির মোকাবিলা সে করতে পারে। আইসেনহাওয়ার ডক্ট্রিন বারোটি দেশের অর্থনৈতিক সামরিক সাহায্যের জন্যে বরাদ্দ করেছে দুশো মিলিয়ন ডলার। ট্রুম্যান ডক্ট্রিন ১৯৪৭ সালে তুর্কী ও গ্রীসকে দিয়েছিল চারশো মিলিয়ন ডলার। আর, রাশিয়া সাম্প্রতিক চুক্তি অনুসারে একমাত্র সিরিয়াকেই দিতে রাজী হয়েছে তিনশো মিলিয়ন ডলারের অর্থনৈতিক সাহায্য। মিশর পেয়েছে কয়েক শ জেট জঙ্গী ও বোমারু বিমান; সিনাই রণক্ষেত্রে ইজরেইল বাহিনীর কাছে যে-সব বিমান খোয়া গিয়েছিল, রাশিয়া তৎপরতার সঙ্গে সে-সংখ্যা পূরণ করেছে। মিশর আরো পেয়েছে দুখানি বড় রশ্ব যুদ্ধ-জাহাজ। সিরিয়া পেয়েছে জেট বিমান, আধুনিক যুদ্ধাস্ত্র এবং নৌ-সাহায্যের প্রতিশ্রুতি। সোবিয়েত বিমান, অস্ত্র, আর্থিক সাহায্য ও কুশলী কারিগর পাঠানো হয়েছে এমেনে। সমস্ত আরব আজ জানে, পশ্চিমের উপর সে আর আগেকার মতো একান্ত নির্ভরশীল নয়। তার পাশে দাঁড়াবার অন্য একটি প্রচণ্ড শক্তি আছে, যে দিতে ইচ্ছুক যার প্রতিদান দাবি অনন্তক আজকের মতো নিতান্ত সামান্য।

কোনো না কোনোদিন রাশিয়া আরবভূমিতে সাম্যবাদ প্রতিষ্ঠিত করতে চাইবে সে-বিষয়ে সন্দেহ নেই। কিন্তু সেদিন এখনো অনেক দূর। প্রায় সমস্ত আরব দেশেই কিছু কিছু সাম্যবাদী আছে; কিন্তু কোনো দেশেই তাদের সংখ্যা খুব বেশি নয় এবং সিরিয়া ছাড়া, কোথাও সাম্যবাদী দল আইনত কাজ করার অধিকার পায় নি।

যাঁরা বলেন, ইসলাম কখনো সাম্যবাদ মানবে না, তাঁরা হয়তো ‘মুর্খের স্বর্গে’ বাস করছেন। অনেক মুসলমানই পৃথিবীর নানা দেশে সাম্যবাদে বিশ্বাসী এবং তাঁদের মতে, ক্রিস্টিয়ান বা হিন্দু বা বৌদ্ধধর্ম যেমন সাম্যবাদকে রুখতে পারে নি, তেমনি ইসলামও পারবে না। অর্থাৎ, বর্তমান জগতের অন্তর্ভেদী আদর্শ-সংঘাতে ধর্মই একমাত্র সাম্যবাদের পথ আটকে থাকবে এমন ধারণা বালসুলভ চপলতা মাত্র। সাম্যবাদকে রুখতে গেলে চাই অন্য অস্ত্র। জনসাধারণের হাতে ক্ষমতা দেওয়া, প্রকৃত গণতন্ত্রের প্রতিষ্ঠা, গণ-তান্ত্রিক উপায়ে জনজীবন-মান উন্নয়ন। আরব দেশগুলির অধিকাংশ অঞ্চলেই গণতন্ত্র অবর্তমান। রাষ্ট্র চলে নৃপতিকুলের বংশব্দ ক্ষত্র গোষ্ঠীর স্বৈচ্ছাচার নীতিতে। সোবিয়ত প্রতিষ্ঠা জনসংগ্রামকে হয়তো বলিষ্ঠ করবে; আনবে নতুন ভাবের বন্যা, নতুন সংঘাতের আলোড়ন। কিন্তু বোশার ভাগ আরবই এই প্রতিষ্ঠাকে অভিনন্দন করবে যদি তারা বৃদ্ধিতে পারে সাম্যবাদ রপ্তানি করা রাশিয়ার উদ্দেশ্য নয়।

আজ দুই বিরাট শক্তি পৃথিবী জয়ের সংগ্রামে লিপ্ত হয়ে মধ্যপ্রাচ্যের বিস্তীর্ণ প্রাচীন রণক্ষেত্রে রণবেশে মুখোমুখি দাঁড়িয়ে। আরবজাতির ভবিষ্যৎ এই মল্লযুদ্ধের সঙ্গে আশ্টে-পৃষ্ঠে জড়িয়ে গেছে। এখন একমাত্র যে-পথ এই অতি-উষ্ণ শীতল ঋতু থেকে আরবভূমিকে মুক্ত করতে পারে তা হচ্ছে আরব দেশগুলির আত্ম-প্রতিষ্ঠা। আরবজাতিকে সবলে নিজের ভাগ্য-গতির কর্তৃত্ব নিতে হবে। তার জন্যে চাই তেজস্বী, স্থিরবৃদ্ধি নেতৃত্ব, গণতান্ত্রিক স্বাধীন-তার পথে বলিষ্ঠ সবেগ পদক্ষেপ, আরব-ঐক্যের দৃঢ় প্রতিষ্ঠা। আপোসে দুই মল্লযোদ্ধাকেই সিরিয়ে দিতে হবে আরবভূমির খবরদারি থেকে।

এ-কাজ যেমন কঠিন, তেমনি সময়সাপেক্ষ। লক্ষ লক্ষ আরব অপেক্ষা করছে নতুন প্রভাতের, নতুন আদর্শের, নতুন নেতৃত্বের। তাদের আশা, স্বপ্ন, আকাঙ্ক্ষা অস্থির দৃষ্টিতে তাকিয়ে আছে নতুন মিশরের নায়ক গালাম্ অবেদেল নাসেবেব দিকে। “একটি বিরাট নেতৃত্বের ভূমিকা অপেক্ষা করছে আমাদের জন্যে। এ-ভূমিকা গ্রহণ করতে পারে একমাত্র মিশর।”

“সমস্ত আকাশটা ডেকে উঠল যেন কেশর-ফোলা সিংহ;
তার লেজের কাপটে ডালপালা আলুখালু কবে।
হতাশ বনম্পতি ধুলায় পড়ল উবুয় হয়ে...” —রবীন্দ্রনাথ

৪০

বিংশ শতাব্দীর সবচেয়ে বড়ো ঘটনা তার আকাশ জুড়ে ডেকে উঠছে বহুযুদ্ধের ঘূর্ণমন্ত দুইটি বিপুল মহাদেশ, এশিয়া, আফ্রিকা। যে-রূপ-

বনস্পতি শত শত বছর পৃথিবীর অর্ধেক নিজের ছায়াতলে গুঁছিয়ে নিয়েছিল, তাঁর বৃক্ষের তলদেশে অজস্র শিকড় বিস্তার করে, প্রাণধারা চুষে, আপনার মাহাত্ম্যকে পল্লবিত করেছিল, বীৰ্য্যকে করেছিল ভয়ংকর, আজ সে ধূলায় লুটিয়ে পড়েছে উব্ধ হয়ে। এশিয়া-আফ্রিকা আজ নতুন বলের সন্ধানী, নতুন পথের ব্যাকুল, ব্যগ্র, চম্পত পৃথিবী। তার সুদূর অতীত—“কত নগর-নগরী, কত লোকালয়, বন্দরেতে কত তরী, বিপণীতে কত পণ্য”—তাকে নির্দেশ দিচ্ছে স্বপ্নময় কৰ্মোজ্জ্বল ভবিষ্যতের।

মহাযুদ্ধের পৃথিবীজোড়া ঘোর দুর্দিনে, যুরোপ তার জয়রথ চালাবার জন্যে যখন বীভৎস উদ্যমে এশিয়া-আফ্রিকার জীবনরস নিঙড়ে নিচ্ছিল, প্রাচ্যের শ্রেষ্ঠ কবি রবীন্দ্রনাথ ভারতের, সমগ্র এশিয়ার বৃক্ষের উপর থেকে তার নিশ্চিত প্রস্থানের সমাগত দিন দেখতে পেয়েছিলেন :

জানি তারো পথ দিয়ে বয়ে যাবে কাল,
কোথায় ভাসায়ে দেবে সাম্রাজ্যের দেশজোড়া জাল।

জানি তার পণ্যবাহী সেনা

জ্যোতিষ্কলোকের পথে রেখামাত্র চিহ্ন রাখবে না।

রবীন্দ্রনাথ এই ভবিষ্য-নির্দেশ দিয়েছিলেন আজ থেকে সত্তাব্দে বছর আগে। তাঁর পূর্ণদৃষ্টির যথার্থ প্রমাণ করে কোটি কোটি মানুষ আজ জীবনের মহামন্দধ্বনি মন্থিত করে তুলেছে ‘শত শত সাম্রাজ্যের ডগশেষ’-পরে।

সাতশো বছর আগে প্রাচ্য একদিন পশ্চিমের ক্রোড়দেশে হামলা করেছিল। ইসলামের দুর্দমনীয় পতাকা বহন করে আরব সৈন্য ঝাঁপিয়ে পড়েছিল যুরোপের বৃক্ষে; অধিকার কবে নিয়েছিল স্পেন, পর্তুগাল, হাঙ্গারী। ফরাসী দেশেও হয়েছিল তার বলিষ্ঠ পদসম্ভার। যুরোপে শূন্য সে রক্তধাবাই বইয়ে দেয় নি, যুরোপকে দিয়েছিল সাহিত্য, গণিত, বিজ্ঞান। জন সেন্ট লিও স্ট্যাচী (John St. Leo Stachev) তাঁর বিখ্যাত পুস্তক “জীবন প্রবাহ” (The River of Life) লিখতে গিয়ে বলেছিলেন, “মানুষ যখনই তার মনুষ্য-অর্জিত নতুন কোনো মহিমা-শিখরে আরোহণ করে তখনই দেখতে পায় গ্রীস দু হাজার বছর পূর্বেই সেখানে বিজয়-তীর পড়ে রেখে গেছে।” লিও স্ট্যাচী এই বিনম্র নীতি-স্বীকারের সঙ্গে সন্নিবিষ্ট ইংরেজ প্রজ্ঞানী জোসেফ নিদহাম (Joseph Needham) একটি মন্তব্য যোগ করেছিলেন, “চীনের বিজয়-তীরও দেখতে পেয়েছি। মনে রাখতে হবে সেই দূরগত অতীতে চীন থেকে, ভারত থেকে পণ্য ও জ্ঞান আহরণ করত আরব, আর আরবের কাছ থেকে তার অনেক-খানি ধার নিয়েছিল গ্রীস। মহাচীন থেকে মহা-আরব পর্যন্ত সে অতীতে জলজিহ্বা মানুষের বৃদ্ধি-বীৰ্য্য-তরী এক মহান জ্যোতিষ্ক।

তারপর একদিন নেমে এল মহানিশা। যুরোপ উঠল জেগে, নতুন শিল্পে, নতুন উদ্যমে, নতুন অস্ত্রে, নতুন দৃষ্টিতে। তিনশো বছরের চেষ্টায় এশিয়া-আফ্রিকাকে পদানত করল। পরো দুশো বছর চলল তার প্রবল-প্রতাপ অনলনিঃস্বাসী রাজত্ব।

সে-মহানিশারও একদিন অবসান হল। মানুষের ইতিহাসে সে এক শ্রেষ্ঠ স্মরণীয় দিন। ১৯৪৭ সালের ১৪ই আগস্ট; মধ্যরাত্রির মহানিশায় পৃথিবী যখন সুস্থ, তখন নতুন জীবনের দীপ্ত গরিমায় জেগে উঠল ভারতবর্ষ। এক

নতুন প্রভাতের স্বর্ণচ্ছটা বিকীর্ণ করল সমগ্র এশিয়ার প্রাচীন, পরপদানত ভূমিকে। যে-নবজাগরণের প্লাবন-প্রবাহ মৃত্তি পেল ইতিহাসের নবযুগসৃষ্টি-কারী হাতের স্পর্শে, তার ভাগীরথী-ধারা প্রবল বেগে বয়ে চলল এশিয়ার এক প্রান্ত থেকে অন্য প্রান্তে। আজ দশ বছরের মধ্যে সমস্ত এশিয়ায় পশ্চিমী সাম্রাজ্যবাদের একদা-ভয়ংকর জেলিহান শিখা সম্পূর্ণ নির্বাপিত।

মিশর এশিয়ার অঙ্গ না হলেও এশিয়া ও আফ্রিকাকে মিলিত করেছে যুরোপের সঙ্গে। এশিয়া-য়ুরোপের মূখ্য সংযোগ মিশরের বৃক্কের উপর মানুষের-হাতে-কাটা একটি জলপথ। এশিয়াকে চেপে রাখবার জন্যে ইংরেজ চূয়াস্তর বছর মিশরের স্বাধীনতা বাজেয়াপ্ত করেছিল; এশিয়া-বিস্তারের স্বপ্নে নেপোলিয়ন একদিন মিশরে বিরাট সামরিক অভিযানের পুরোভাগে অবতীর্ণ হয়েছিলেন। মিশর উত্তর আফ্রিকার আরবকে মিলিত করেছে পশ্চিম এশিয়ার আরব-পরিবারে। আফ্রিকার স্বাধীনতাকামী মানুষের হাত রাখা-বন্ধনে বেঁধেছে এশিয়ার স্বরাজ্যব্যাকুল মানুষের হাতে। সভ্যতার এক প্রাচীনতম কেন্দ্র মিশর; ইতিহাসের এক অতুলনীয় ঘটনাবহুল দেশ। পুরাতন মানব-সভ্যতার বিরাট সম্ভার বহু হাজার বছর সে সময়ে বয়ে এসেছে; একের পর এক বিদেশী প্রভু তাকে সে-সম্ভার থেকে রিক্ত করতে পারে নি। অথচ যেহেতু এ-সম্ভারে কোনোদিনই তার সাধারণ মানুষ কোনো অধিকার পায় নি, একটা ক্রান্ত রিক্ততা মিশরেব প্রাচীন গ্রামগড়িলর হাওয়ায় হাওয়ায় হাজার হাজার বছরের দীর্ঘবাসের সঙ্গে মিশে রয়েছে।

মিশরের জাগরণ-কাহিনী তাই প্রত্যেক মানুষের কাছে চমকপ্রদ, মর্ম-স্পর্শী। নীল নদের তীরে বহু পুরাতন যে-পাথরের সিংহ যুগ যুগ ধরে জীবনপ্রবাহেব উপর দৃষ্টিহীন নজর রেখেছে, এ-তারই জাগরণ। অনেক বছরের ঘুমন্ত মহাশক্তির জাগরণ। সমস্ত এশিয়া-আফ্রিকার পক্ষে এ বিরাট ঐতিহাসিক ঘটনার মূল্য অপরিমেয়।

ইতিহাসকে কোনো দৃষ্টি দিয়ে বিচার করতে হবে তা নিয়ে ঐতিহাসিকরা বিভিন্ন-মত। প্রাচীন ভারতে ইতিহাস লেখা হত না; তাই ভারতীয়ের কোনো নিজস্ব ঐতিহাসিক দৃষ্টি নেই। আমরা ইংরেজ ঐতিহাসিকদের চোখে মানব-কর্ম-প্রবাহ বিচারে অভ্যস্ত। তাই ইতিহাসকে আমরা দেখে এসেছি রাজত্বের উত্থান-পতনে, কয়েকজন মানব-নেতার সামলো-ব্যর্থতার। এঁদের মধ্যেও গবিত স্থান পেয়েছেন তাঁরা যাঁদের জোর অস্ত্রের, যুদ্ধের, সাম্রাজ্য বিজয়ের, সিংহাসন দখলের, সাম্রাজ্য-নির্মাণের। যাঁরা বিজ্ঞানে, জ্ঞানে, সাহিত্যে, দর্শনে, শিল্পে, কার্যকার্যে সভ্যতাকে তার বর্তমান ঐতিহ্য দিয়েছেন তাঁরা রয়েছেন অবজ্ঞাত। তেমনি অবহেলায় কোণ-ঠাসা সেই অর্গাগত মানুষকে, 'যারা কাজ করে, নগরে বন্দরে'। জার্মান ঐতিহাসিকেরা এ-বিষয়ে ইংরাজদেরও ছাড়িয়ে গেছেন। শব্দে কয়েকজন মহামানবের মধ্যে তাঁরা ইতিহাসকে দেখতে অভ্যস্ত। তাঁদের কাছে রোমের ইতিহাস শব্দে সীজরের গৌরব-কাহিনী!

ব্যক্তি-মহাত্ম্য বর্তমান যুগে বহুলাংশে নিন্দিত। তথাপি তার স্থান অনস্বীকার্য। ইতিহাসে মানব-নেতাদের গৌরব চিরদিন অক্ষুণ্ণ। কিন্তু বর্তমান যুগের এশিয়া-আফ্রিকার জাগরণ সাধারণ মানুষের সক্রিয় সংগ্রামের

সাক্ষ্যময় পরিণতি এ-কথাও প্রথমেই স্বীকার করে নিতে হবে। বর্তমান শতাব্দীতে অনগ্রসর জাতিগুলির ইতিহাস থেকে একটা ঘটনা আমাদের চোখে সুস্পষ্ট। যখনই জাগরণ এসেছে শূদ্ধ নেতার মহাশো, গণসমর্থনে ও গণ-জাগৃতিতে তা পুষ্ট ও বলিষ্ঠ হয় নি, তার আয়ু হয়েছে স্বল্প। চীনে সুন ইয়াং-সেন বা শূদ্ধ করেছিলেন তার সমাধি রচনা করলেন চীয়াং কাই-শেক, কেননা চীনের সাধারণ মানুষের সক্রিয় সংগ্রামে সে জাতীয় উত্থান বলিষ্ঠ হতে পারে নি। তেমনি কামাল মুস্তাফা আতাতুর্ক যে নব্য-তুরস্কের জন্ম দিয়ে-ছিলেন তারও ক্রমবিকাশ অধিক পথেই সমাপ্ত হয়ে গিয়েছিল। মিশরের প্রথম স্বরাজ-নেতা জেনারেল আরবীর প্রচেষ্টাও অনুরূপ কারণে ব্যর্থ হয়েছিল। কিন্তু রাশিয়ায় লেনিন বিপ্লবকে সার্থকতাব উন্নত স্তরে নিয়ে যেতে পেরেছিলেন এবং স্তলিন তাকে আরো আশ্চর্যজনক সাফল্যে পূর্ণতর করতে সক্ষম হয়েছিলেন যেহেতু বিপ্লবের পশ্চাতে ছিল একটা প্রবল বন্দনমুক্ত জনপ্রাণপ্রবাহ, যা স্তালিন-যুগের রাজনৈতিক অববৃদ্ধতা ও পর পর 'সাফাই' সত্ত্বেও ফুরিয়ে যায় নি, বরং এখন আরো প্রাণবন্ত হয়েছে। এবং এই একই কারণে সমস্ত বিপ্লবের ইতিহাসে এখনও পর্যন্ত রাশিয়াই একমাত্র বিপ্লবের বাঁচিপথে সামরিক নেতৃত্ব ক্ষমতা অধিকার করে বসে নি।

এশিয়া গণজাগরণে নেতৃত্বের ভূমিকা যে গোণ নয় এ-কথা প্রত্যেক ঐতি-হাসিক স্বীকার করবেন। ভারতবর্ষে মহাত্মা গান্ধী এবং জওহরলাল নেহেরু, ইন্দোনেশিয়ায় সুকর্ণ, বর্মায় জেনারেল অঙ্-সান, চীনে মাও সে-তুং : অন্তঃ এ-কয়জন মহামানুষের অবদান এশিয়া জাগরণের মহাকাব্যে দৃষ্ট স্বীকৃত পাবে। কিন্তু এ-জাগরণ যে মুহূর্তের চোখ চাওয়া বা নড়ে গোওয়ার থেকে সম্পূর্ণ আলাদা, এর ঐতিহাসিক মূল্য যে অনেক বেশি স্থিতিশীল, তাব কারণ এর পেছনে কোটি কোটি মানুষের সচেতন, সক্রিয়, সতেজ সমর্থন, এ-প্রাণপ্রবাহের উৎস শূদ্ধ কয়েকজন নেতা নয়, অগণিত মানুষ।

সমগ্র আরব দেশেব অস্থির মানস বহু বছর ধরে যে উন্মুক্ত, স্বাধীন জীবনের সন্ধান করে এসেছে তার এক সাফল্যময় পরিণতির কাহিনী আমবা আলোচনা করছি। এ-কাহিনীর নায়ক আপাতদৃষ্টিতে আব্দেল গামাল নাসের। কিন্তু প্রকৃত নায়ক মিশরের জনগণ, আর তাদের সঙ্গে সাত কোটি আরব জনতা। এ-কাহিনীর প্রধান আলোকসম্পাত বাধা হয়েই রাখতে হয়েছে নাসের-নেতৃত্বের উপর : কিন্তু সঙ্গে সঙ্গে সমগ্র আরব-মানসের ব্যাকুল বিপ্লবী চেতনা, স্বরাজ অর্জন ও স্বাধিকার রাখার দৃঢ় প্রতিভার উপরেও উপযুক্ত জোর বাদ যায় নি। নাসেরকে পশ্চিমী-চোখে যারা দেখেন, তাঁদের কাছে তিনি এক-জন উচ্চাভিলাষী স্বেচ্ছাচারী সেনানায়ক মাত্র। কিন্তু যদি তিনি তাই হতেন, তাহলে তাঁর নেতৃত্ব আরব-মানসকে এমন অলোড়িত, উত্তোলিত, জাগরিত করতে সক্ষম হত না।

১৯৫২ সালের জুন মাসে নাসের-নাগিবের নেতৃত্বে যে-বিপ্লব অনর্দ্রিত হয় সামরিক কর্তৃত্বের কারণে তার আদর্শ ও সীমা হতে পারত নিতান্তই স্বল্পায়িত। ইতিহাসে বড় বড় কথার রথ-চাপা এ-ধরনের ভূইফোড় বিপ্লবের নজির বিস্তর। কিন্তু মিশরের এ-বিপ্লব শিকড় গেড়েছে আরব-মানসের গভীর অন্তর্দেশে; তার প্রধান কারণ এর মূলে ছিল এমন একটা প্রেরণা যা

প্রত্যেক মিশরীর অন্তরজাত, যার আবেদনে সমগ্র আরব-মানস সাড়া দিতে বাধ্য।

এ-বিস্মবের সার্থকতার সবচেয়ে বড় আশা গত পাঁচ বছরের সংকীর্ণ সময়-সীমায়, বিদেশী হামলা সত্ত্বেও, মিশরী জনতার চেতনায় এর অর্থনৈতিক ও রাজনৈতিক প্রসার। ক্রমাগতই নাসের-পরিচালিত বিস্মবের অর্থনৈতিক ও সামাজিক আদর্শ বিস্তারিত ও পল্লবিত হয়ে চলেছে, এবং তার বাস্তব পরিণতি জনাচন্দের চাহিদা মেটাতে ইতিমধ্যেই অনেকখানি সক্ষম হয়েছে। বিস্মবের নেতারা, এবং নাসের নিজে, বার বার এই বৃহত্তর সার্থকতার উপর জোর দিয়েছেন। “সাম্যবাদ থেকে মিশরকে বাঁচাবার জন্যে আমি চাই প্রত্যেক মিশরীর জীবনমান উন্নত করতে : আমাদের বিস্মব রাজনৈতিক স্বরাজ্যে সীমাবদ্ধ নয়, তার পূর্ণ সার্থকতা প্রত্যেক মিশরীর জীবনকে সুস্থ সবল জীবনযাত্রায় প্রতিষ্ঠিত করা।” নাসের আবার বলেছেন, “প্রত্যেক মিশরী যদি মনে করতে না পারে এ-বিস্মব তার, প্রত্যেক মিশরীর হাত যদি না লাগে নতুন মিশর নির্মাণে, প্রত্যেক মিশরী যদি না কঠোর নিষ্ঠুরতায় দমন করে বিস্মবের আদর্শ-দ্রোহীকে, তবে এ-বিস্মব অসম্পূর্ণ।” এ-বিস্মব মিশরের রাজবংশকে উৎখাত করেছে, সুপ্রতিষ্ঠিত জমিদারী প্রথার অবসান এনেছে, ঘোষণা করেছে শান্তি-পূর্ণ পথে সমাজবাদ আয়ত্ত করার উদ্দেশ্যে। এ-বিস্মবের সার্থকতা এরই মধ্যে প্রমাণিত হয়েছে মিশরের পূর্ণ রাজনৈতিক মুক্তিতে, স্বাধীন মিশরের পৃথিবী-জোড়া প্রতিষ্ঠায়। এর চেয়ে বড় সার্থকতা হবে মিশরের নতুন ভূমি-বাবস্থার পূর্ণতায়, নতুন শিল্প গঠনে, বাণিজ্য প্রতিষ্ঠায়।

মিশরবাসী সমস্ত পৃথিবীকে অবাধ করেছে, তাদের সম্বন্ধে প্রচলিত সাম্রাজ্যবাদী ধারণার অলীকতা প্রমাণ করে। শুধু তারা বিস্মবের আহবানে সাড়াই দেয় নি, বিস্মবকে নিজেদের বলে গ্রহণ করেছে। সুয়েজ সংকটের ঘোরতর দুর্দিনে ইংরাজের সবচেয়ে বড় আশা ছিল মিশরবাসী আক্রমণের মুখে ভয়ে, ঘাসে মূহূর্তে ভেঙ্গে পড়বে। সীজর যেমন প্রতাপভরে বলেছিলেন, “আমি আসি, আমি দেখি, আর আমি জয় করি”, স্যার এন্টনি ইডেনও তেমনি সহজপথে ইংল্যান্ডের বিজয়গৌরবের স্বপ্নে বিভোর হয়েছিলেন। কিন্তু অপ্রস্তুত পোর্ট সৌদ শহরের সাধারণ নরনারী যেভাবে ইংল-ফরাসী আক্রমণকে প্রতিহত করতে এগিয়ে এসেছিল যুরোপীয় মন তার প্রকৃত পরিচয় আজও পায় নি। ইংরেজ ভেবেছিল যুদ্ধ শুব্দ হলেই নাসেরের “অত্যাচারী” শাসন ভেঙ্গে পড়বে, যে-সব ভূমিদার ও পেশাদার রাজনৈতিক নেতারা বিস্মবী যুগে ক্ষমতাচ্যুত কলঙ্কিত জীবন যাপন করছেন, তাঁরা উল্লাসে একত্রিত হবেন ইংরাজের ছত্রছায়ায়, আর নাসের ও তাঁর বিস্মবী সংস্থার হীনবল ভিত্তিকে ভূমিসাৎ করে সাম্রাজ্যবাদের কৃপাপাশট বিকল্প সরকার প্রতিষ্ঠা করা মোটেই কঠিন হবে না।

কিন্তু বিস্মবের সার্থকতাও এই হীন প্রচেষ্টাকে প্রসন্ন করে নি। নাসেরের নেতৃত্ব মিশরে শুধু দৃঢ়তর হয়েছে, সমগ্র আরবভূমিতে ব্যাপকতর। প্রাক-বিস্মব যুগের কোনো নেতাই বিস্মবী সরকারের বিরুদ্ধে মাথা তুলতে পারেন নি। ইংরেজ-প্রাধান্য খতম করবার জন্যে মিশরী জনতা বিস্মবের আগে বার বার ব্যর্থ সংগ্রাম করেছে। সুয়েজ খাল জাতীয়করণের পর থেকে কোনো মতে

মিশরে একটা দাঙ্গা বাঁধিয়ে দিতে বৃটিশ ও ফরাসী সরকার কম চেষ্টা করেন নি। নাহাশ পাশার আমলে যে-ধরনের দাঙ্গা বার বার হয়েছে, অমনি একটা গোলমালে দু' দশজন য়ুরোপীয়ের প্রাণ গেলেই ইংরেজ তার দেশবাসীর ধন-প্রাণ বাঁচাবার অজুহাতে সামরিক হস্তক্ষেপের ব্যবস্থা করতে পারত। কিন্তু সমগ্র মিশরবাসী তাদের দেশের ইতিহাসে এক বিরাট নাটকীয় মুহূর্তে চমৎকার শৃঙ্খলার সঙ্গে তাদের নেতার নির্দেশ মেনে চলেছে। একজন শ্বেতকায়ের গায়ে আঁচর লাগে নি, কোনো বিশৃঙ্খলা কোথাও আত্মপ্রকাশ করে নি। নতুন মিশরের এ-পরিচয়ও য়ুরোপের কাছে একান্তই অজ্ঞাত ছিল।

যাঁরা কে. এম. পাণিকরের “দুই চীনে” পড়েছেন,* তাঁদের স্বতই এ-ক্ষেত্রে কোরিয়ার যুদ্ধে মার্কিন হস্তক্ষেপের পর চীনের স্থিতিচিহ্ন নির্ভীক মনোভাবের কথা মনে পড়বে। ভারতের এই প্রখ্যাত ঐতিহাসিক-রাষ্ট্রদূত বলেছেন, কোরিয়ার যুদ্ধ নিয়ে পশ্চিম যখন হিষ্টিরিয়া রোগীর মতো মাতামাতি করছে, চীনে তখন কোনো উত্তেজনার চিহ্নমাত্র নেই, সরকারী নেতারা শান্ত, ধীর ও সংযত, এবং জনগণ নতুন আত্মবিশ্বাসে নিশ্চিত স্বনির্ভর। আমেরিকার মতো বিরাট সামরিক শক্তির সঙ্গে সাক্ষাত-সময়ের বিপদ কাঁধে নিয়ে চীনের নেতারা যখন কোরিয়া যুদ্ধে অবতীর্ণ হবার সংকল্প করলেন, তখন তাঁদেরই একজন পাণিকরকে একদিন নৈশ ভোজনের পর বিন্দুমাত্র উত্তেজনা না দেখিয়ে বলে-ছিলেন, “আমরা আমেরিকার সঙ্গে যুদ্ধের সমস্ত সম্ভাব্য বিপদই হিসাব করেছি। ওরা আমাদের উপর অ্যাটম বোমাও বর্ষণ করতে পারে। তাতে কয়েকলক্ষ লোক মারা যাবে। কিন্তু চীন বেঁচে আছে তার কৃষি-ধন নিয়ে। তাতে অ্যাটম বোমা কতখানি ক্ষতি করবে? আমাদের অর্থনৈতিক অগ্রগতি অবশ্যই পেঁছিয়ে যাবে। তার জন্যে আমরা অপেক্ষা করব। আত্মবলি না দিয়ে কোনো জাতিই তার স্বাধীনতাকে স্দুর্ভিক্ষিত করতে পারে না।”

১৯৫৬ সালের হেমন্তে মিশরেও দেখা গিয়েছিল এমনি একটা অভূতপূর্ব আত্মবিশ্বাস। ইংরেজ-ফরাসী-ইজরেইল মিলিত আক্রমণের সম্মুখে দাঁড়াবার ক্ষমতা মিশরের ছিল না। তথাপি মিশরের কোথাও কোনোরকম উত্তেজনা বা হতাশার চিহ্নমাত্র লক্ষিত হয় নি। ইংরেজ বোমারু বিমান কাইরো ও অন্যান্য শহরে বোমা বর্ষণ করতে লাগল, তথাপি মিশরবাসীর মনে আতঙ্কের সঞ্চার করতে পারল না। বরং গ্রামের চাষী, কারখানার শ্রমিক, স্কুল-কলেজ-য়ুনিভার-সিটির ছেলে-মেয়েরা দলে দলে এগিয়ে এল জাতীয় রক্ষীবাহিনীতে যোগ দিতে; এক প্রান্ত থেকে অন্য প্রান্ত পর্যন্ত সমগ্র মিশরে এক নতুন প্রাণের প্রবাহ বয়ে গেল। মিশরের এই আত্মনির্ভর নতুন বলের সংবাদ সেদিন কাইরোতে অবস্থিত অনেক বিদেশীর চোখেই ধরা পড়েছিল, অনেক বিদেশী সংবাদদাতাই এর অল্প-বিস্তর পরিচয় বিভিন্ন সংবাদপত্রে প্রকাশ করেছিলেন।

চীন সম্বন্ধে পাণিকরের উল্লিখিত বিখ্যাত বইখানায় আর একটা বিষয় আছে যা মিশর সম্বন্ধেও প্রযোজ্য। পাণিকর বলেছেন, বিশ্লবোত্তর চীনের প্রকৃত চেহারা পশ্চিমী দৃষ্টাবাসের বড় বড় কূটনৈতিক চাই-এরা কিছুতেই বুঝতে চাইতেন না। তাঁরা চিরায়তরিত য়ুরোপীয় দৃষ্টিতেই চীনকে দেখতে

* In Two Chinas, by K. M. Panikar, London, 1956.

বন্দ্যপরিষ্কার ছিলেন। এমন কি বৃটেনের প্রাথমিক সরকারও এ-দোষ থেকে মুক্ত ছিলেন না। যুরোপীয় শক্তিগুলি কয়েক শত বছর এশিয়া-আফ্রিকার উপর প্রভুত্ব করেছে। তারা কেউ কেউ এশিয়া-আফ্রিকার নবজাগৃত জাতীয়তাবাদের প্রতি সহানুভূতিশীল। কিন্তু তাদের ইচ্ছা এশিয়া আফ্রিকা নতুন পথে চলবে তাদেরই নির্দেশে; তারাই করবে দুই মহাদেশের নবজাগরণের পৌরোহিত্য। যুরোপ এখনো এশিয়া আফ্রিকার কোনো দেশকে নিজের সমকক্ষ হিসাবে মানতে রাজী নয়! সে চীনই হোক, আর ভারতই হোক, আর মিশরই হোক। ছোট অংশীদার হতে চাও হতে পারো, কিন্তু আমাদের সমান হতে এখনো অনেক দেরি! সমান হতে চাওয়াটাই বাড়াবাড়ি! যুরোপের এই যে পিঠ-চাপড়ানো ভাব, এটা যে-দেশ বরদাস্ত করতে রাজী নয়, সে-ই পশ্চিমের বিরাগভাজন। মাও সে তুং পাণিকরকে বলেছিলেন, “যুরোপের সঙ্গে কয়েক শতাব্দীর সম্পর্কে এশিয়ার জীবনমান ভারসাম্য হারিয়েছে। তাকে এবার পুনরুদ্ধার করতে হবে।” শুধু এশিয়াই নয়, যুরোপও তার ভারসাম্য হারিয়েছে। এশিয়াকে নতুন দৃষ্টিতে সমকক্ষরূপে দেখতে না পাওয়া পর্যন্ত এ-ভারসাম্য ফিরে আসবে না।”

এশিয়ার নবজাগরণে তিনটি দেশ বিশেষ ভূমিকায় অবতীর্ণ। তিনটি দেশ বিরাটভাবে প্রভাবিত করেছে তিনটি বিশেষ অঞ্চলকে। তিনটি দেশই মানুষের প্রাচীনতম সভ্যতার মহিমায় উজ্জ্বল; তাদের গৌরবময় অতীত নতুন ভবিষ্যতের বলিষ্ঠ ইঙ্গিত বহন করেছে। তিনটি দেশ তিন পথে নতুন যাত্রা শুরু করেছে। কিন্তু নানা স্থানে পথের মিল, মতের মিল ও মনের মিল তাদের এক বিরাট ঐতিহাসিক মিত্রতায় একত্রিত করে তুলছে।

চীন নিয়েছে সাম্যবাদের পথ। ভারত পার্লামেন্টারী গণতন্ত্রের পথ। মিশর সামরিক বিপ্লবের রাস্তায় ধীরে ধীরে বিকাশমান গণতন্ত্রের পথ। চীন ষাট কোটি মানুষের দেশ। পূর্ব এশিয়ায় চীন আজ সব চেয়ে বড় শক্তি। যুরোপীয় সাম্যবাদের সঙ্গে জড়িত হয়েও এই সাম্যবাদের উপর অনেক অংশে নিজের প্রভাব চীন বিস্তার করেছে। স্তালিন চীনকে সমকক্ষের আসন দিতে স্বীকৃত হন নি। আজ একথা সবাই জানেন যে প্রথম চীন-সোবিয়েত চুক্তি-আলোচনার সময় পিকিং-এ মলোটভ পিঠ-চাপড়ানো মনোভাব দেখিয়ে চীন-নেতাদের বিরাগভাজন হয়েছিলেন। মাও সে-তুং মস্কো গিয়ে চার মাস কাটিয়ে এলেও স্তালিন পিকিং-এ যেতে রাজী হন নি। কিন্তু বর্তমান রাশিয়ান নেতারা সে-ভুল সংশোধন করেছেন। চীনের প্রভাবে রুশ-নীতি আজ অনেক-খানি পরিবর্তিত।

ভারত চীনের অকৃত্রিম সহৃদয় হলেও সাম্যবাদের পথ সে প্রত্যাহার করেছে। ব্যক্তির স্বাধীনতা ও গণতন্ত্রের উন্মুক্ত বাতাবরণ ভারতের অগ্রগতির অবিচ্ছেদ্য আঙ্গিক। সমস্ত দক্ষিণ-পূর্ব এশিয়ায় ভারত তার গণতান্ত্রিক সমাজবাদের প্রভাব বিস্তার করেছে। যেহেতু সে নিজের পথে নিজের বৃদ্ধি, বিবেচনা, দৃষ্টি, আদর্শ ও শক্তিতে বিকাশবাদী, তাই তার বৈদেশিক নীতিও অদলীয়, সবাকার মিত্রতা-প্রার্থী। শীতল-যুদ্ধে দু'ভাগ-করা পৃথিবীতে ভারত মোটা-মুটি শান্তি, সম্ভাব, সহযোগিতা ও সহানুভূতির একটা মানবিক আবহাওয়া

রক্ষা করতে সচেষ্ট। দেশীয় বা বৈদেশিক উভয় ক্ষেত্রেই, সমস্ত চুটি-বিচ্যুতি সত্ত্বেও, এই হচ্ছে ভারতের আদর্শ।

মিশনের প্রভাব পড়েছে পশ্চিম এশিয়া ও আফ্রিকায়। এশিয়া আফ্রিকার সংযোগ স্থল মিশর। আরব সে, তাই আরবভূমিতে তার প্রভাব সবচেয়ে বেশি। কিন্তু ভূগোল তাকে পশ্চিম এশিয়া থেকে বিচ্ছিন্ন করেছে। আফ্রিকায় আজ যে-নতুন জাগরণের প্রথম প্রবাহ সর্বত্র সুস্পষ্ট, তার অনেকখানি প্রেরণা মিশর থেকে। উত্তর আফ্রিকার আরব দেশগুলির উপর মিশরের প্রভাব স্বভাবতই গভীর। কিন্তু নিগ্রো আফ্রিকায়ও এ-প্রভাব স্ফীণ নয়। মিশর তার ভৌগোলিক অবস্থিতির জন্যই সমানভাবে তাকিয়ে আছে এশিয়া, আফ্রিকা ও যুরোপের দিকে। যুরোপ ছাড়া তার জীবনশক্তি অচল। যুরোপ-এশিয়ার বাণিজ্যপথ মিশরের বৃক-চেরা সুরেজ্জখাল। তেমনি, আফ্রিকায় মিশর সবচেয়ে অগ্রসর দেশ। এশিয়ার ইসলাম-মানসে তার আসন সুপ্রতিষ্ঠিত।

সাম্রাজ্যবাদ বিরোধিতা, যুরোপের শাসক মনোভাব থেকে এশিয়ার পূর্ণ মনুজিকামনা চীন, ভারত ও মিশরকে আজ একত্রিত করেছে। মিশর ভারতের মতো অদলীয় বৈদেশিক নীতিতে বিশ্বাসী। কোনো প্রলোভনেই সে নিজের বহু কষ্টার্জিত স্বাধীনতাকে কোনোমতে খর্ব করতে প্রস্তুত নয়। পশ্চিমের সঙ্গে মিশরের আজ যে-সংঘর্ষ চলেছে তা হচ্ছে আত্ম-প্রতিষ্ঠার লড়াই। মিশর নিজেকে মর্যাদায় যুরোপের সমকক্ষ-আসনে প্রতিষ্ঠিত করতে দৃঢ়-প্রতিজ্ঞ। তাব্দেদার হতে সে চায় না। তার বিরাট অতীত ঐতিহ্য ইচ্ছা সে আজ খুঁজে পেয়েছে। নিজে জেগেছে, তাই সমস্ত আরবভূমিকে সে জাগিয়ে তুলতে চায়।

যথেষ্ট মৈত্রী সত্ত্বেও ভারত ও মিশরের মত, পথ ও দৃষ্টিভঙ্গীতে পার্থক্য বিস্তর। একটা বড়ো পার্থক্য যে-কোনো মিশরী নেতার সঙ্গে আলোচনা করলেই বোঝা যায়। নাসেরের ঘনিষ্ঠ সহকর্মীদের মধ্যে একজন বর্তমান লেখককে এ-পার্থক্য ব্যাখ্যায় দিয়েছিলেন। তিনি বলেছিলেন, “ভারতবর্ষকে আমরা শ্রদ্ধা করি। প্রশংসা করি। তোমাদের নেতৃত্ব অনেক ক্ষেত্রেই আমরা মেনে নি। কিন্তু কয়েকটা বিষয়ে তোমাদের আমরা বুঝতে পারি না।

“প্রথমই ধরোঃ পশ্চিমের প্রতি তোমাদের একটা গভীর নৈতিক বিশ্বাস। এতদিনকার পরাধীনতা সত্ত্বেও তোমরা পশ্চিমের ‘নৈতিক মাহাত্ম্য’ বড় বেশি বিশ্বাস করো। কিন্তু তোমাদের চেয়ে আমরা পশ্চিমকে অনেক বেশি চিনি। আমরা যুরোপের অনেক কাছে। সত্তর বছরেরও বেশি ইংরেজ আমাদের বৃকের উপর চেপে থেকেছে। ছোট্ট আমাদের দেশ, তার সামান্য অংশ মানুষের বাসযোগ্য; বাকী সবটাই মরুভূমি। কিন্তু এই সামান্য নিয়েই নীল নদের কৃপায় মিশর ছিল সুজলা, সুফলা। পশ্চিম আমাদের শৃঙ্খল ব্যবহারিক সম্পদই শূন্যে নেয় নি, আমাদের মানস-সম্পদও নিশ্চিহ্ন করেছে। তোমাদের বিরাট দেশে তোমরা হয়তো ততটা নিঃস্ব হওনি। কিন্তু, আমরা জানি, পশ্চিম তার স্বীয় প্রাধান্য ও স্বার্থ ছাড়া দূনিয়ার কিছুই দেখতে পারে না। আমরা পশ্চিমের নৈতিক মাহাত্ম্যের কোনো পরিচয়ই পাই নি; পাব বলে বিশ্বাসও করি না। তাই তোমরা যখন বার বার আমাদের পরামর্শ দাও পশ্চিমের সঙ্গে সম্ভাব রেখে চলো, তখন আমরা অবাক হই, আর ভাবি,

আমাদের মতো তোমরাও একদিন পশ্চিম সম্বন্ধে সম্পূর্ণ হতাশ হবে, আর সেদিন বন্ধবে আমাদের বর্তমান অবস্থা।”

যা মিশরের অভিযোগ, তা তোমাদের গৌরব। পূর্ব ও পশ্চিমের মধ্যে মিলিতার, সহযোগিতার সংলাপ বাঁচিয়ে রাখতে হবে। ভারত যদি তা করতে পারে তবে সে বড় কাজ। তাতে হয়তো ভারতের স্বকীয় ব্যক্তিত্বের বিকাশ কিছুটা পিছিয়ে যাবে; কিন্তু স্বকীয় ব্যক্তিত্ব কী এবং কোন পথে তাকে বিকশিত করতে চাই, তাই কি আমরা ঠিকমত জানি?

স্বাধীন ভারতে ও স্বাধীন মিশরে অন্য যে-প্রভেদ তার অনেকখানি ভারতের এই পশ্চিম-প্রিয় দৃষ্টিজাত। উল্লিখিত মিশরী নেতার ভাষায়, “তোমরা পশ্চিমী, অর্থাৎ ব্রিটিশ, পার্লামেন্টারী গণতন্ত্র বেছে নিয়েছ। যদি সার্থক কবতে পাবো, তোমরা সমগ্র প্রাচ্যের নমস্যা। কিন্তু আমাদের গভীর সন্দেহ ব্রিটিশ গণতন্ত্রের বৃক্ষ প্রাচ্যের মাটিতে শিকব বিস্তার করতে আদৌ সক্ষম কি না। প্রত্যেক দেশের শাসনব্যবস্থা তার নিজের পুরাতন ইতিহাস-কৃষ্টি, সমাজ ব্যবস্থা, বাস্তু অবস্থা ও আদর্শের সম্মিলিত সৃষ্টি। পশ্চিম যে-গণতান্ত্রিক শাসনে অভ্যস্ত, তাব প্রধান কথা ব্যক্তির স্বাধীনতা—যদিও বর্তমানে ‘কল্যাণ রাষ্ট্র’ তাকে অনেকখানি ব্যাহত করেছে। আমাদের সমাজ ব্যবস্থাতে, পারিবারিক কাঠামোয়, ব্যক্তির চেয়ে সমষ্টির স্থান বেশি। আর, এটা যে খাবাপ তাই বা স্বীকার করি কী কবে? মিশরই বলো, ভারতই বলো, আর চীনই বলো, পরিবাব ও সমাজই শত শত বছর আমাদের সমাজকে বাঁচিয়ে বেখেছে পতন করেছে, তাকে আবার দিখেছে সংগ্রামের শক্তি। এ-সমাজকে নতুন কবে সাজাতে হবে, অনেক আবর্জনা সাফ করতে হবে; শিল্পী-মুদ্রী অর্থনীতি ও বর্তমান যুগের প্রগতিশীল ভাবনাব চাপে এ-সমাজ অনেক ভেঙেছে, এখনো ভাঙছে। কিন্তু পশ্চিমী গণতন্ত্র সে যে এখনই ধারণ করতে পাবে, সার্থক করতে পাবে, সে-বিশ্বাস আমাদের নেই।

“সাম্রাজ্যবাদের সঙ্গে সঙ্গে ইংরেজ আমাদের দেশেও ব্যালট বাক্স নিয়ে এসেছিল। আমাদের মাটিতেও পড়েছিল ‘গণতন্ত্র’ বৃক্ষ। কিন্তু তার সঙ্গে দেশের মানুষের কোনো প্রাণের টানই ছিল না। প্রাণবস অভাবে সে-বৃক্ষ কোনোদিন বাড়তে পাবে নি। এবং তাব বিষফল আমাদের সমাজদেহকে কলঙ্কিত কবেছে। ব্রিটেনের প্রসাদপুষ্ট বাক্সপ্রসাদকে কেন্দ্র কবে এমন একদল তীব্রদার ‘জাতীয় নেতা’ গজিয়ে উঠলেন যাদের প্রভাব থেকে মিশরকে বাঁচানো ততটাই দরকার যতটা হচ্ছে সাম্রাজ্যবাদ নিশ্চয় কবা।

“তাই, আমরা সতর্ক পদক্ষেপে গণতন্ত্রের পথে পা দি়য়েছি। জনগণ যতখানি গণতন্ত্রের জন্য তৈরী, ততখানিই বর্তমানে দেওয়া যেতে পারে। তার বেশি দিলে বদহজম হবে, আবার এমন একটা শূন্যতার সৃষ্টি হবে যার সুযোগ নেবে সতর্ক-প্রসাব্যাকুল সাম্রাজ্যবাদীরা।”

এই ব্যবস্থায় আমাদের ভারতীয় মন ঠিক সায় দিতে চায় না। এর মানে হচ্ছে বিপ্লবী নেতৃত্ব রাষ্ট্র চালনায় একটা উদার অভিভাবকত্ব গ্রহণ করেছেন, যার একটা নাম হচ্ছে ডিক্টেটরিসিপ। ডিক্টেটরিসিপে ভারতীয় মন স্বতই শিউরে ওঠে।

মিশরী নেতাদের এ-সন্দেহের উত্তর রয়েছে। তারা বলেন, “তুমি যাকে

উদার অভিজ্ঞাবকত্ব বলছে, প্রাচ্যের মানুষ সমস্ত ঐতিহ্যে তার স্বাক্ষর বহন করে চলেছে। তা ছাড়া, রাষ্ট্রের কর্তৃত্বই মানেই অভিজ্ঞাবকত্ব। পাঁচ বছরের জন্য যাকে আমরা শাসন চালানার ভার দি, তার অভিজ্ঞাবকত্ব তো মেনেই নি। তবে, হ্যাঁ, তোমরা বলবে, এ-অভিজ্ঞাবকত্ব দূর করবার অধিকার জনগণের হাতে থাকা চাই, কেননা সত্যিকারের ক্ষমতার অধিকারী জনগণ। সেটা আমরাও স্বীকার করি। তবে আমরা মনে করি যে-দায়িত্ব আমরা নিয়োছি,—অর্থাৎ মিশরকে স্বাধীন ও সমৃদ্ধিশালী করা, মিশরে মোটামুটি সমাজবাদী সমাজ স্থাপন করা—যে-দায়িত্ব অকুণ্ঠ সম্মতিতে জনগণ আমাদের হাতে তুলে দিয়েছে, তা পালন করতে হলে অগ্রগতির রাশ শক্ত করে আমাদের হাতে রাখতে হবে। বর্তমান যুগে অনগ্রসর দেশগুলির অগ্রগতি চলেছে ভয়ানক বেগে; তাতে প্রত্যেক রাষ্ট্রের হাতেই রয়েছে ব্যাপক নিয়ন্ত্রণ ক্ষমতা। তোমরাও সমাজবাদী পথ বেছে নিয়েছ, পঞ্চ-বার্ষিকী প্ল্যান চালাচ্ছ, রাষ্ট্র ব্যাপক ক্ষেত্রে তোমাদের জীবন নিয়ন্ত্রণ করছে। আমরাও তাই করতে চাইছি।

“সমাজে দু’শ্রেণীর লোক। একদলের আছে, অন্যদলের নেই। একদলের শিক্ষা আছে, অর্থ আছে, কর্তৃত্ব আছে। অন্যদল—যারা সমাজের বৃহত্তম অংশ—অশিক্ষিত, দুর্বল, দরিদ্র। রাষ্ট্র যদি বৃহত্তম সংখ্যার কল্যাণ করতে চায় তবে তাকে দেখতে হবে এমন অবস্থার সৃষ্টি না হয় যাতে যাদের আছে, তাদেরই বৃত্ত ও প্রতিপত্তি বাড়়ে, যাদের নেই, তারা থেকে যায় যে-তিমিরে সে-তিমিরেই।

“ধরো, আমরা রাজনৈতিক দল সৃষ্টি করতে অনুমতি দিই নি কোনো পুরাতন নেতাকে। আমরা মনে করি, রাজনৈতিক দলাদলি মানেই সমাজে ক্ষমতাসালীদের হাতে দুর্বল অশিক্ষিত মানুষকে সমর্পণ করা। আমরা শ্রেণী-সংগ্রামে বিশ্বাস করি না। সমস্ত জাতিতে চাই একত্রিত করতে। তাই বিপ্লবী সংস্থার উদ্যোগে আমরা এমন একটা জাতীয় দলের মাত্র গোড়াপত্তন করেছি যাতে প্রত্যেক মিশরী যোগ দিতে পারবে। অন্তত পাঁচ বছর আমরা পুরানো ধাঁচের রাজনৈতিক দল সৃষ্টি বন্ধ রাখব। তাতে হয়তো দলাদলি, বিশেষ করে স্বার্থান্বেষী নেতাদের ঘিরে উপদলের সংক্রামক ব্যাধি—অনেক-খানি কমে যাবে। এর পরে যে-সব দল গঠিত হবে তার চেহারা হয়তো হবে অন্যরকম।

“আমরা শুরু করেছি কেন্দ্রীয়তা থেকে বিকেন্দ্রীয়তার পথে। ধীরে ধীরে ক্ষমতা হস্তান্তর হচ্ছে বিপ্লবী সংস্থা থেকে জনগণের হাতে। আমরা ডিক্টে-টরসিপ চাই না চিরন্তন করতে। কোনো মিশরবাসীই তা বরদাস্ত করবে না। আমাদের কর্মপন্থা ও আদর্শের তা পরিপন্থী। কিন্তু, ধীরে, সতর্ক—আমরা পা ফেলতে চাই। পার্টি গঠনের অধিকারের চেয়ে অনেক বড় বেঁচে থাকবার অধিকার। আগে মিশরকে স্বরাজ্য সুরক্ষিত করতে হবে। সাম্রাজ্যবাদ এখনো আমাদের উপর লোলুপ দৃষ্টি হানছে। মধ্যপ্রাচ্য এখনো সাম্রাজ্যবাদের লীলাভূমি। মিশরের জীবনমান উন্নত করতে হবে। নতুন মিশর নির্মাণের দায়িত্ব প্রত্যেক মিশরীর নিজের দায়িত্ব। এই ডাবগত ও আর্থিক বিপ্লবের উপর আমরা বেশি জোর দি। কেননা, এ-ছাড়া শব্দ রাজনৈতিক অধিকার অলীক, দুর্বল ও অস্বাভাবিক।”

ভারত, চীন, মিশর। এই তিনটি বিরাট শক্তির উপর নতুন এশিয়া-

আফ্রিকা দাঁড়িয়ে। পথ, মৃত আলাদা হলেও মনের মিল অনেক; আদর্শের মিলও কম নয়। সহযোগিতার ক্ষেত্র ক্রমাগতই প্রশস্ত হতে প্রশস্ততর হয়ে চলেছে।

এই তিন দেশের পারস্পরিক জানাশোনা, আদান-প্রদান নিঃসন্দেহে অত্যন্ত প্রয়োজনীয়। সংলাপ ও পরিচয়ের পথ উত্তরোত্তর প্রশস্ত হয়ে চলেছে। যদিও সরকারী স্তরেই এখনো তা বহুলাংশে সীমাবদ্ধ, তথাপি বেসরকারী ক্ষেত্রেও তার বিস্তার প্রসারমুখী।

আরবীচিন্দ্রে ভারতের স্থান স্নেহসিক্ত। ভারতের প্রতি সাধারণ আরবের চিন্তে যে-প্রীতি ও শ্রদ্ধা আজ দেখতে পাওয়া যায়, অন্য কোনো দেশই তার অধিকারী নয়। বৃটেন ও ফ্রান্সকে আরব ঘৃণার চোখে দেখে, আমেরিকাকে আতঙ্কের। রাশিয়ার প্রতি শ্রদ্ধা আছে, কিন্তু ভয়ও কম নেই। আরব মানস সাম্যবাদকে ভয় করে, অনেকখানি ঘৃণাও করে। এক আরব দেশ অন্য আরব দেশকে ঈর্ষা বা ক্রোধের চোখে দেখে। কিন্তু আডেন থেকে ইরাক পর্যন্ত যে-কোনো আরব দেশেই ভারতের প্রতি অকৃত্রিম স্নেহ, শ্রদ্ধা ও প্রীতি বর্তমান। মৃদুস্রোতের শাসকশ্রেণী কোনো কোনো দেশে ভারত বিবেচনা করে। কিন্তু 'আমি ভারতবাসী', এই পরিচয় নিয়ে উন্নতিশিরে গর্বিত হৃদয়ে আজ সমস্ত আরব-ভূমিতে বিচরণ করা সম্ভব।

আমরা দেখেছি ইতিহাসের যুগে যুগে বিদেশী এসে আরবভূমিতে হামলা করেছে। তারা সাম্রাজ্য গড়েছে, সাম্রাজ্য ভেঙেছে; ব্যবসার নামে আরব সম্পদ লুণ্ঠ করেছে। কিন্তু ভারত ও চীনের সঙ্গে আরবভূমির বহু শতাব্দীব্যাপী সংলাপে হিংসা, ধ্বংস, লুণ্ঠন বা শোষণের কলিমা লাগে নি। এই ঐতিহাসিক মহান সত্যের সঙ্গে, দুঃখের কথা, বর্তমান যুগের এশিয়াবাসীর পরিচয় পর্যন্ত নেই।

হাজার হাজার বছর আগে আরব বাণিক চীন ও ভারতের পণ্যসম্ভার যুরোপের হাতে পৌঁছে দিত। চীন বাণিজ্য পোত এসে ভিড় করত আরব বন্দবে, আরব জাহাজ যেত চীনে। চীন-ভারত-আরবের এই প্রাচীন আদান-প্রদান কোনোদিন ন্যায্য বাণিজ্যের রাজপথ ছেড়ে লুণ্ঠ-তরাজ বা সাম্রাজ্যলিপ্সুর অশ্রুকার পথে পা বাড়ায় নি। বাণিজ্য ছাড়াও, আদান-প্রদান হয়েছে সাংস্কৃতিক; ভারতের গণিত, দর্শন, স্থাপত্য আরবের হাত থেকে পেয়েছে গ্রীস, তার হাত থেকে যুরোপ।

আজও, ভারত আরবভূমিতে ভূমি বা প্রভাবলোভীর ভূমিকায় উপস্থিত হয় নি। এসেছে বণ্ঠ, মিত্র, সহযোগীর ভূমিকায়। এসেছে দিতে আর নিতে, মিলতে ও মেলাতে। এসেছে উন্নতিশিরের নৈতিক বলে বলীয়ান নিঃস্বার্থ সহকারীর বেশে। তাই ভারতের বিরুদ্ধে আরব মনে নাগিন বা অভিযোগ নেই।

ধর্মের প্রাচীর অবশ্য রয়েছে। প্রতিবেশী পার্শ্বাঞ্চল এই ধর্মের সুরোপ নিজে আরব মনকে ভারতের বিরুদ্ধে উত্তেজিত করার চেষ্টা করে এসেছে দশ বছর ধরে। পরলোকগত লিয়াকত আলি খান একটি ইসলামিক রাষ্ট্র-সম্বন্ধ গড়বার স্বপ্ন দেখেছিলেন : কোনো মধ্যপ্রাচ্য দেশই তাতে সাহায্য দেয় নি। পৃথিবীর বৃহত্তম মুসলমান রাষ্ট্র ইন্দোনেশিয়া ভারতের পরম সহৃদয়। পরবর্তীকালে সুরাবার্দীর উদ্দেশ্যে বাগদাদ চুক্তিতে কয়েকটি মুসলমান দেশের সরকারী

নেতারা কমবোশি ভারত বিম্বেষী হয়ে উঠেছেন। কিন্তু তার বাধ্যতামূলক প্রেরণা এসেছে শীতল-যুদ্ধ থেকে। বৃটেন ও আমেরিকার চাপে, পাকিস্তানের প্রতি প্রেমে নয়।

পাকিস্তানের প্রবল ভারত-বিরোধী প্রচার আরব-মানসে বিশেষ প্রভাব বিস্তার করতে পারে নি। ইরান কাশ্মীর নিয়ে পাকিস্তানকে সমর্থন জানিয়েছে, বাগদাদ চুক্তির চাপে কিছ্, ইরাকী পত্রিকায় ভারত প্রায়ই প্রশংসা অর্জন করে। ১৯৫৬ সালের ২৬শে জানুয়ারী, ভারতের প্রজাতন্ত্র দিবসে, বাগদাদের অন্যতম প্রধান সংবাদপত্র “অল্ পু হুরিয়া” বলেছিলেন, “ভারতের সাফল্য শুধু তার নিজের নয়, সমস্ত প্রাচ্যের।” ডামাস্কাসের “অল শুখরা” যোগ দিয়েছিলেন, “বিশ্বশান্তি ও বিশ্বপ্রগতি-কাশ্মীর দেশগুলির নেতা আজ ভারতবর্ষ।” ১৯৫৭ সালের গ্রীষ্মে নেহরু যখন ডামাস্কাস বেড়াতে যান, পাকিস্তানী দূতাবাস থেকে ভারত-নিষ্পদক অনেক কিছ্, প্রচারিত হয়েছিল, কিন্তু কোনো সিরিয়ানই তাতে দৃষ্টিপাত করে নি। ডামাস্কাস থেকে নেহরু যখন সৌদী আববে পৌঁছিলেন, তিনি যে-স্বাগত পেয়েছিলেন অন্য কোনো বিদেশী নেতাই কোনোদিন তা পায় নি। শহরে শহরে বড় বড় পোস্টারে তাঁকে বলা হয়েছিল “শান্তির দূত,” যে-সম্মান ইসলামের পবিত্রতম ভূমিতে অমুসলমানের প্রাপ্য নয় বলে পাকিস্তান থেকে উঠেছিল ব্যর্থ চিৎকার।

নেহরুর সৌদী-আববে উপস্থিতি পশ্চিমের রাজধানীগুলিতেও সেদিন কম আলোড়ন জাগায় নি। প্যারিসের “কমব্যুটি” পত্রিকা ভেবোছিলেন, “সুয়েজ সংকটে আরব ঐক্য বাচাই করা ও ভারত-পাকিস্তান বিবাদে ভারতের সপক্ষে সৌদী নৃপতির সহানুভূতি আকর্ষণ করা নেহরুর দুই প্রধান উদ্দেশ্য।” আসলে, সৌদী নৃপতির সঙ্গে পাকিস্তান বা কাশ্মীর নিয়ে নেহরুর কোনো আলোচনাই হয় নি। বৃটিশ সংবাদপত্রের মন্তব্যে যে-ভয়টা সবচেয়ে প্রকট হয়ে উঠেছিল তা হচ্ছে : নেহরু আরব-প্রধানদের সম্মিলিত বৈঠকে যোগদান করে নাসেরের সম্মান ও প্রতিপত্তি আরো বাড়িয়ে দেবেন। তাও নেহরু করেন নি; ফেরবার পথে তিনি নাসেরের সঙ্গে আলাপ-আলোচনা করবেছিলেন ঝুটে, কিন্তু কোনো আরব-প্রধান সম্মেলন ডেকে (যা তিনি ইচ্ছে হলে করতে পারতেন) মধ্যপ্রাচ্যে পশ্চিম-বিরোধিতা বাড়িয়ে দেবার উদ্দেশ্য তাঁর ছিল না। তিনি গিয়েছিলেন মিত্রতার বাস্তব। তাই সৌদী আববের লোকেরা এমন বিপুল প্রস্তুতি তাঁকে স্বাগত করেছিল।

পাকিস্তানের ভারত-বিরোধী প্রচারে মিথ্যাচারের মাত্রা সর্বদাই অধিক। আরব তা বহুদিন আগেই জেনে ফেলেছে। একটা নমুনা দিচ্ছি : মিশর আক্রমণের সময়ে পাকিস্তান বেতারে একদিন সংবাদ দেওয়া হল, “ভারতের আরব-প্রেম এতই কপট যে সে ইজরেইল থেকে তার রাষ্ট্রদূতকে পর্যন্ত ফিরিয়ে আনে নি।” পরের দিন কাইরো বেতার উত্তর দিলে, “ভারত তো কোনোদিন ইজরেইলে রাষ্ট্রদূতই পাঠায় নি, ফিরিয়ে নেবার প্রশ্ন ওঠে কী করে?”

ভারতবর্ষ স্বাধীনতা পাবার আগে থেকেই আরব-সৌহার্দ্যের প্রতি দৃষ্টি তার সজাগ ছিল। ১৯৪৬ সালে বড়লাটের নেতৃত্বে যখন কংগ্রেস অস্থায়ী কেন্দ্রীয় মন্ত্রিসভা গঠন করে এবং জওহরলাল নেহরু মন্ত্রীমণ্ডলীর উপ-সভাপতি নিযুক্ত হন, তখন তাঁর প্রথম বেতারভাষণে তিনি স্বাধীন ভারতের সঙ্গে আরব-

ভূমির মৈত্রী-বন্ধনের উল্লেখ করেছিলেন। ভারত থেকে প্রথম শূদ্ভেজা মিশন মোলানা আজাদের নেতৃত্বে আরব দেশেই গিয়েছিল। প্রথম আরব-সমস্যার সম্মুখীন হল ভারত প্যালেস্টাইন ব্যাপারে; যে গভীর সহানুভূতির সঙ্গে এ-সমস্যাকে সে নিরীক্ষণ করেছিল তার পরিচয়ও আমরা পেয়েছি।

এ-সময় থেকে ১৯৫৫ সাল পর্যন্ত ভারত প্রত্যেক আরব দেশের সঙ্গে মিত্রতার জন্য উৎসুক ছিল। আরব ঐক্য ছিল তার কাম্য, তাই সে সতর্কভাবে আরব দলাদলি এড়িয়ে চলত। নাহাস পাশার সঙ্গে নেহরুর খানিকটা বন্ধুত্ব ছিল, কিন্তু পণ্ডাশের পথে মিশরের রাজনীতি এতই অস্থির হয়ে পড়ে যে স্বাধীন ভারত প্রথম সাংস্কৃতিক বিনিময়ের চুক্তি স্বাক্ষর করে মিশরের সঙ্গে নয়, ইরাকের সঙ্গে। এই চুক্তি সই করা হল ১৯৫২ সালের নভেম্বরে। এর আগের বছর ভারত মিশরের রাজা ফারুককে সূদানে অধিকর্তা বলে স্বীকার করে নিলেও, পরিস্কার বুদ্ধিতে দিয়েছিল সূদানবাসীর রাজনৈতিক ভবিষ্যৎ নির্ধারণ করার স্বাধীনতা সে সম্পূর্ণ সম্মান করবে। মিশরের সঙ্গে অনুরূপ সাংস্কৃতিক চুক্তি হল ১৯৫৫ সালের ৬ই এপ্রিল, বান্দুং সম্মেলনের নয়াদিন আগে। বিপ্লবের অন্ত্যন এক বৎসর পর নাসের-নেহরু, প্রথম সাক্ষাৎকার হয় কাইরোতে। তখনই নেহরু বুঝতে পারেন মিশরে নতুন এক প্রাণধারা সজীব হয়ে উঠেছে। কিন্তু সামরিক বিপ্লবের পথ ভারতের বিশেষ প্রিয় না হওয়ায়, নাসেরের সঙ্গে মিত্রতার উদ্যোগে ভারত-সরকার ধীরগামী হলেন। তথাপি, মিশর-বুটেন সম্পর্কে মিশরের পবিবর্তিত ব্যক্তিত্বের সঙ্গে খাপ খাইয়ে নেবার জন্য ভারত সরকার আগাগোড়া বৃটিশ কর্তৃপক্ষকে বন্ধুত্ব-পূর্ণ পরামর্শ দিয়ে এসেছিলেন।

বান্দুং-এর পথে নাসেরের দিল্লী আগমন পূর্বে উল্লিখিত হয়েছে। তখন বাগদাদ চুক্তির গোড়াপত্তন হয়েছে, আর তার পথে শীতল-যুদ্ধ আরবভূমি অতিক্রম কবে ভারতের স্বারদেশে উপনীত। ইরাক ভিড়েছে পশ্চিমী শিবিরে, হাত মিলিয়েছে পাকিস্তানের সঙ্গে। আরব ঐক্য, যা ছিল ভারতের কাম্য, গুরুতর আহত হয়েছে, আরব নিরপেক্ষতা ব্যাহত। তাই মিশরের আরব-দক্ষিণপথের দেশগুলিকে নিয়ে অদলীয় গোষ্ঠী নির্মাণের চেষ্টা ভারত এবার সহানুভূতি ও সমর্থনের চোখে দেখতে লাগল। বান্দুং-এ শীতল-যুদ্ধের প্রভাব আমদানীর চেষ্টা প্রতিবোধ করতে নাসের দৃঢ়পদে দাঁড়ালেন নেহরুর পাশে : নতুন মিশরের সঙ্গে দক্ষিণপূর্ব এশিয়া ও চীনের নব-পরিচয় হল। ১৯৫৬ সালে ভারত-ভ্রমণে এলেন সৌদী আরবের নৃপতি : ভারতের অদলীয় দৃষ্টিব অকুণ্ঠ প্রশংসা করলেন, ভারত-আরব মৈত্রী দৃঢ়তর হল। ১৯৫৭ সালের প্রথম ভাগে এলেন সিরিয়ার রাষ্ট্রপতি। ছোট-বড় আরব নেতা, সাংবাদিকদের দল, সাংস্কৃতিক দল ক্রমেই ভারত দর্শনে আসতে লাগলেন। ভারত পাঠাল সাংস্কৃতিক দল ছাড়াও, বাণিজ্য-সম্মানী মিশন। সূদানের স্বাধীনতাকে সুপ্রতিষ্ঠিত করতে ভারতের মিত্রতাপূর্ণ সহযোগিতার ডাক পড়ল। বাগদাদ গোষ্ঠীর বাইরে আরব নেতাদের সঙ্গে ভারতের পরিচয় গভীর হল।

শূদ্ভেজ যুদ্ধ ভারতকে মধ্যপ্রাচ্যে নিয়ে এল এক বিশেষ গুরুত্বপূর্ণ ভূমিকায়। একথা নিঃসংশয়ে বলা যেতে পারে যে মধ্যপ্রাচ্যের এ দারুণ সংকটের

দিনে ভারত এক অজুতপূর্ব প্রভাব বিস্তার করতে পেরেছিল। সাময়িক শক্তি-বিহীন একটা জাতির পক্ষে এ-সাফল্য সত্যি আশ্চর্যজনক।

মিশরে ইংরেজ আক্রমণ ভারতকে বিশেষভাবে আঘাত করেছিল। ইংরাজী সংস্কৃতিতে প্রভাবিত ভারতীয় নেতৃপুত্র ইংরেজের বিচক্ষণতা ও নৈতিক বলে, যে-কোনো কারণেই হোক, অনেকখানি বিশ্বাসী। সেই ইংরেজই যখন সমস্ত বিচার-বিবেচনা জলাঞ্জলি দিয়ে বিংশ-শতাব্দীর মধ্যপথে উনিবিংশ শতাব্দীর ঔপনিবেশিক আ্যাডভেঞ্চার শুরুর করে দিল, তখন ভারতের নেতারা বিহবল হয়ে উঠলেন। বৃটেনই যদি এমন উন্মাদের মতো ব্যবহার করে, তাহলে আন্তর্জাতিক ক্ষেত্রে ন্যায় ও নীতিব আর স্থান রইল কোথায়? বৃহৎ-শক্তিগুলি যদি আরণ্যক নীতিতে অস্পষ্টভাবে কমজোর জাতিগুলির উপর হামলা করে, তাহলে নিরপেক্ষতা বা অদলীয় বৈদেশিক নীতি প্রয়োগের ক্ষেত্র কোথায়? ১৯৫৭ সালের নভেম্বরের প্রথম বিপন্ন দিনগুলিতে প্রত্যেক দুর্বল দেশেব ছিল এই একই প্রশ্ন। দিল্লীতে এ-প্রশ্ন সবচেয়ে বড় হয়ে দাঁড়িয়েছিল, কেননা ভারত অদলীয় দেশগুলির অগ্রণী, তার মত ও কাজের উপর বহু দেশের দৃষ্টি নিবদ্ধ।*

নভেম্বরের প্রথম সপ্তাহে দিল্লীতে যে কূটনৈতিক তৎপত্তা লক্ষিত হইয়াছিল ভারত স্বাধীন হবার পরে, তার আগে কখনো তেমন হয় নি। স্যার এ্যাণ্টনী ইডেন মিশর অভিযানের আগে কমন্ওয়েলথের কোনো দেশকেই, পরামর্শ জিজ্ঞাসা তো দূরের কথা, খবরও দেন নি। নেহরু, প্রথমেই এই দারুণ চ্যুতিব উল্লেখ করে বৃটেনেব নিকট প্রতিবাদ পাঠালেন। তিনি ঘোষণা কবলেন মিশর অভিযান হচ্ছে ছোট দেশের উপর বড় শক্তির “উল্লেখ আক্রমণ”। জাতিপুঞ্জ ভাবত-প্রতিনিধি কৃষ্ণ মেনন দৃঢ়ভাবে মিশরের পক্ষে দাঁড়ালেন। তাঁর ঐ দিন-গুলির বক্তৃতায় এমন একটা জ্বলন্ত বেদনা ছিল যা বহু প্রতিনিধিকে ব্যাকুল করেছে। কৃষ্ণ মেনন প্রথম হতে শেষ পর্যন্ত অবিচলিত দৃঢ়তার সঙ্গে দাবি করেছিলেন কোনোমতে বা কোনো অজুহাতে মিশরের সার্বভৌম অধিকারকে খর্ব করা যাবে না। নানা রকমের আভ্যন্তরিক বিরোধ সত্ত্বেও প্রায় ষ্টিশটি এশিয়া-আফ্রিকা দেশকে জাতিপুঞ্জ তিনি একত্রিত রাখতে পেরেছিলেন। অনেকটা তাঁরই অক্লান্ত চেষ্টায় মিশর এই অগ্নি-পরীক্ষা সমস্যানে উত্তীর্ণ হতে পেরেছিল।

সুয়েজ সংকটের প্রথমেই নেহরু বলেছিলেন, মিশর ঠিক যে-পথে সুয়েজ অধিকার করেছে সেটা “আমাদের পথ নয়”। তাহলেও, সুয়েজের উপর মিশরের জাতীয় অধিকার অনস্বীকার্য, এ-অধিকার পশ্চিমকে মেনে নিতেই হবে। সুয়েজ জাতীয়করণ মিশরের ন্যায়-সঙ্গত অধিকার, এ-অধিকারের চর্চা নিয়ে প্রশ্ন অবাস্তব ও অবাস্তর। পশ্চিম যদি বিনা শর্তে এ-অধিকার মেনে নেয় তবেই আলাপ-আলোচনার পথে এমন একটা সর্বজনগ্রাহ্য ব্যবস্থার সৃষ্টি হতে পারে যাতে পশ্চিমী স্বার্থ অক্ষুণ্ণ থাকবে। মিশরের সহযোগিতা ছাড়া সুয়েজ জলপথ অচল। ইতিহাসের যে-পর্বে পরদেশী প্রভুত্ব কার্যে রেখে এ-জলপথ চালু করা যেত, সে-দিন আর নেই। আজ স্বাধীন মিশরের সার্বভৌম অধিকারের সঙ্গে পশ্চিমী স্বার্থকে সামঞ্জস্য করে চলতে হবে। নয়তো সব-চেয়ে বেশি আহত হবে মিশর নয়, পশ্চিমী স্বার্থ।

লন্ডনে প্রথম ও দ্বিতীয় সূয়েজ বৈঠকে কৃষ্ণ মেনন এ-সাধারণ সত্যটাই খুলে ধরেছিলেন এবং তার জন্মোই বৃটিশ সংবাদপত্রে তিনি সেদিন সম্মুখের নিম্নিত হয়েছিলেন। একটি টেলিভিশন সাক্ষাৎকারে মেনন বলেছিলেন, “আমরা চাই উভয় পক্ষের মধ্যে বন্ধুত্বপূর্ণ আলোচনার পথে এ-সমস্যার সম্ভাব্যজনক মীমাংসা। এখানে অন্যতম প্রধান পক্ষ, মিশর, অনুপস্থিত। তাই আলোচনার সুযোগ নেই। এ-সম্মেলন ব্যর্থ হতে বাধ্য।” ডায়েস-প্রস্তাবিত প্ল্যানের বিরোধিতা করে মেনন লন্ডন-বৈঠককে ব্যর্থ করেছিলেন। তাঁর কার্যধারার উপর সম্পাদকীয় মন্তব্যে “ম্যানচেস্টার গার্ডিয়ান” বলেছিলেন (২৩শে আগস্ট তারিখে) “মেননের মতামতের ব্যর্থতা ঘাই হোক না কেন, উদ্দেশ্য ও প্রেরণা অভ্যন্তর সরল। তাঁর আসল বক্তব্য হচ্ছে রূপে এশিয়ার দেশগুলিকে সমকক্ষের মর্যাদা দিতে বাধ্য। তাদের এড়িয়ে কোনো সমাধান তৈরি করে তাদের উপর চাপানো চলবে না।.....ভারতের মতে, যদি মিশরের সঙ্গে বন্ধুত্বপূর্ণ সমাধান করতে হয়, তার রূপ হবে এমন-ধারা যাতে মিশর নিজের সূয়েজ খালের উপর কোনো প্রকারের আন্তর্জাতিক কর্তৃত্ব নেবে। কোনো সমাধানই জোর করে চাপানো চলবে না। লন্ডন বৈঠকের একটা ফল ইতিমধ্যেই দেখা দিয়েছে। এশিয়া পশ্চিমের প্রতি আবার সন্দেহান হয়ে উঠেছে। দেখতে পেয়েছে, নিজের স্বার্থ বিপন্ন হলেই পশ্চিম এশিয়া-প্রাণীর মনোবাস খুলে ফেলে, এশিয়াকে যে-কোনো প্রকারে আপন প্রয়োজনের দাস করতে চায়।... বাগদাদ চুক্তিতে আবদ্ধ দেশগুলির সম্মতি ডায়েস প্ল্যানকে এশিয়ার কাছে প্রিয় করে তুলবে না। বরং, ভারত আরো একটা প্রমাণ পাবে যে পাকিস্তান আমেরিকার তাবদার। তাতে তিক্ততা আরো বেড়ে যাবে। সবচেয়ে খুশী হবে রাশিয়া। একটি আঙ্গুল না তুলে সে এশিয়ার দেশগুলিকে নিকটতর করতে পেরেছে। এখন থেকে পৃথিবীর সর্বত্র পশ্চিমের নতুন সাম্রাজ্যবাদের ধ্বনি শোনা যাবে। কৃষ্ণ মেনন বলেছেন, বর্তমান সংকটের কারণ পারস্পরিক বিশ্বাসের অভাব। তাঁর এ-কথা খুবই সত্য। লন্ডন সম্মেলনে পশ্চিমের উপর প্রাচ্যের বিশ্বাসে নিদারুণ আঘাত করেছে।”

মেনন লন্ডন বৈঠকে যে-সমাধান পেশ করেছিলেন তাতে নাসেরের সম্মতি ছিল। সমাধানটি অতি সরল। পশ্চিম মিশরের জাতীয়-করণ বিনাশর্তে মেনে নেবে। নাসের মিশরের পক্ষ থেকে সূয়েজ জলপথে সবদেশের জাহাজকে অবাধগতির পরিষ্কার আশ্বাস দেবেন। সূয়েজ খালে স্বার্থ রয়েছে এ-রকম দেশগুলির একটি বৈঠকে ১৮৮৮ সালের কনভেনশন পুনর্লিখিত হবে; এই নতুন আন্তর্জাতিক চুক্তি জমা থাকবে রাষ্ট্রপুঞ্জের কাছে। এ-চুক্তিতে সূয়েজের উন্নয়ন-ব্যবস্থা পরিষ্কার করে লিপিবদ্ধ হবে, এ-বাবদ সাহায্য পাবে মিশর রাষ্ট্রপুঞ্জ থেকে। পুরাতন সূয়েজ কোম্পানীর অংশীদারদের ক্ষতিপূরণের ব্যবস্থা মিশর সরকার ও সংশ্লিষ্ট স্বার্থের মধ্যে আলোচনায় নির্ধারিত হবে; মতানৈক্যের মীমাংসা হবে সালিশীতে।

মেনন-প্রস্তাব গ্রহণ করলে বৃটেন ও ফ্রান্স অনেক অপমান ও আঘাত থেকে রেহাই পেতে পারত।

কিন্তু সেদিন বৃটেন ও ফ্রান্স সাম্রাজ্যলোভ মাথা নাড়া দিয়ে উঠেছিল, তাই ভারতের কণ্ঠস্বর কারুর কানে পৌঁছয় নি। কৃষ্ণ মেনন এবং নেহরু

বুটেনের অধিকাংশ সংবাদপত্রে তাঁর জাবার নিষ্পত্তি হয়েছিলেন। ১৯৫৭ সালের প্রথম থেকেই, করাচীতে বাগদাদ-চুক্তি কাউন্সিলে কাস্মীর নিয়ে আলোচনার পরে, ভারত-বুটেন সম্পর্কে গুরুতর ভাঙ্গন ধরেছিল। এবার সুয়েজ নিয়ে এ-ভাঙ্গন চরমে উঠল। ভারতে বৃটিশ হাই কমিশনার ম্যালকম ম্যাকডোনাল্ড তাঁর গভর্নমেন্টকে সতর্ক করে দিলেন ভারতের মনোভাব সম্পর্কে। বৃটিশ সংবাদপত্রে কমনওয়েলথ থেকে ভারত ও সিংহলকে সরিয়ে দেবার দাবি পর্যন্ত দেখা যেতে লাগল।

ডালেস সেই ব্রিয়োনী থেকে ভারতের উপর চটে ছিলেন। ভারতের মিশর-সমর্থন তাঁর ক্রোধের আগুনে যি ঢালল। লন্ডনের সাপ্তাহিক ‘অবজারভার’ ২৩শে সেপ্টেম্বর সংবাদ দিলেন, “ডালেস মনে কবেন ভারতের নৈতিক সমর্থন মিশরের বাড়াবাড়িকে চূড়ান্ত করেছে।”

নেহরু বুঝতে পারলেন মিশর নিয়ে দ্বিতীয় বান্দুং সম্মেলন আহ্বান করার না আছে সময়, না আছে অনুকূল আন্তর্জাতিক বাতাবরণ। তাই তিনি দিল্লীতে কলম্বো পঞ্চশক্তির জরুরী বৈঠক ডাকলেন। এই পাঁচটি দেশ ভারত, পাকিস্তান, বর্মার, সিংহল এবং ইন্দোনেশিয়া। ১৯৫৪ সালে কলম্বোতে মিলিত হয়ে পাঁচ দেশের প্রধানমন্ত্রীরা ইন্দোচীনে যুদ্ধবিপর্যিত আহ্বান কবেন এবং এখানেই ইন্দোনেশিয়ার প্রধানমন্ত্রী বান্দুং সম্মেলনের প্রস্তাব এনেছিলেন। সেই থেকে নাম হয়েছে কলম্বো পঞ্চশক্তি, কলম্বো পাওয়ার্স। সুপ্রসিদ্ধ তখন বাগদাদ চুক্তির নেশায় মেতে আছেন। তাই ভারতের এই উদ্যোগকে তিনি উপেক্ষা করলেন। দিল্লীতে নভেম্বরের প্রথমভাগেই মিলিত হলেন অন্য চারটি দেশের নেতারা; তাঁরা সমস্ত এশিয়ার পক্ষ থেকে মিশর আক্রমণের তীব্র নিন্দা কবে, দাবি করলেন বিনা বিলম্বে যুদ্ধক্ষান্তির। এই মিলিত আহ্বান সেদিন সব দেশের রাজধানীতে প্রতিধ্বনিত হয়েছিল, রাষ্ট্রপক্ষে অনেকখানি প্রভাব বিস্তার করেছিল।

মিশরে যুদ্ধ থামল। রাষ্ট্রপক্ষে পাঠাল শান্তিসেনা আক্রমণকাবীর প্রত্যাবর্তন পর্যবেক্ষণের জন্যে। এবারও ভারতের ডাক পড়ল। ভারত কর্মরায় ও ইন্দোচীনে শান্তি-সৈন্য পাঠিয়েছিল, এবার পাঠাল মিশরে। ইংরেজ আমলে বহু ভারতীয় সৈন্য মিশর ও মধ্যপ্রাচ্যে সাম্রাজ্যবাদী যুদ্ধে আত্মবলি দিয়েছে। সে-আত্মবলির গৌরব ভারত পব নি, পেয়েছে ইংরেজ। কিন্তু এবার ষে-কয়েক হাজার ভারতীয় সৈন্য মিশরে পদার্পণ করল তাবা গেল, ভারতের প্রকৃত প্রতিনিধি হয়ে, তাদের কাজ হল শান্তি স্থাপন, মিশরের স্বাধীনতাকে পুনরুদ্ধারে সাহায্য। তারা গৌরব দিল ভারতকে, ভারতের প্রচারিত আদর্শকে।

নেপোলিয়ন বলছিলেন, মিশর পৃথিবীর সবচেয়ে গুরুত্বপূর্ণ দেশ। যুরোপ যে-চোখ, যে-মন নিয়ে সেদিন প্রাচ্যের পথসন্ধান করছিল, সে-দৃষ্টিতে মিশরের মূল্য অতুলনীয়। আজ সে-দৃষ্টির দাম কমে কমে প্রায় নিন্মতম হয়েছে। এখন মানুুষের মন নিয়ে, বুদ্ধি নিয়ে নতুন লড়াই দৃষ্টি মাত্র দেশের মধ্যে; একে যদি সাম্রাজ্যবাদ বলা হয়, তবে এর চেহারা পুরানো যুরোপীয় সাম্রাজ্যবাদের থেকে সম্পূর্ণ আলাদা। এ-সংগ্রামে মিশর মধ্যপ্রাচ্যের রণসঙ্কুল ভূমিতে সবচেয়ে মূল্যবান দেশ। নীল উপত্যকায় এশিয়া এসে হাত মিলিয়েছে আফ্রিকার সঙ্গে। সমগ্র পশ্চিম এশিয়া জুড়ে আরবভূমিতে যে বিস্তীর্ণ অংশ তার ভবিষ্যতের জন্যেই শূন্য নয়, আফ্রিকা নিয়ে যে-লড়াই আজ সমাসন্ন তার জন্যেও মিশরের ভৌগোলিক অবস্থান, সাংস্কৃতিক ঐশ্বর্য, প্রাকৃতিক সম্পদ মূল্যে, ভাষ্যে, বিকাশ-সম্ভাবনায় অতুলনীয়।

প্রাচীন যুগে ভারত ও চীনের সঙ্গে পশ্চিমের পরিচয় করিয়েছে আরব বণিক ও আরব বুদ্ধিজীবী। পরে “ভাস্কা ডা গামা যুগে” আরবভূমি দখল করে যুরোপ এশিয়া-যাত্রার পথ সুদৃষ্টিত করেছে। বিংশ শতাব্দী মানুুষের ভাগ্য-নিয়ন্ত্রণে যুরোপের পরোতন প্রতাপ হ্রাস করেছে অনেক; বিদায় নেবার আগে হয়তো একেবারেই সমাপ্ত করে যাবে। তখনো কি এশিয়ার ভাগ্য নিয়ন্ত্রিত হবে বাইরের কোনো মহাশক্তির খণি-খেয়ালে? না কি বহু বছরের ক্লান্ত অধীনতার দীর্ঘ রজনী অতিক্রান্ত হয়ে এশিয়া পৌঁছেবে স্বাধিকারের সুন্দর প্রভাতে?

মেঘের সিংহাসনে প্রভাত আসুক, ক্ষতি নেই। স্বাধীনতার কোনো সহজ, ছোট, নিষ্কটক রাস্তা নেই। দীর্ঘ, বন্ধুর, কটকিত সে-পথ। স্বাধীনতার সৌধ নির্মাণে বহু মানুুষের আত্মবলি চাই, চাই বহু বংশব্যাপী অক্লান্ত প্রচেষ্টা, ইস্পাতের মতো সূক্ষ্ম সংকল্প।

পাঁচ বছর আগে মিশর এ-পথে যাত্রা করেছে। সে একা নয়। দুনিয়ার দুই-তৃতীয়াংশ তার সহযাত্রী। এই দুই-তৃতীয়াংশেই ধরণীর সবচেয়ে বেশী সম্পদ, যার পরিমাণ এখনো অজানা। এ-সম্পদকে, প্রকৃতির এই বিপুল বৈভবকে মানুুষের গঠনকাজে নিযুক্ত করতে পারলে পৃথিবীর কোনো প্রান্তই অনগ্রসর থাকবে না। এটাই এ-যুগের সবচেয়ে বড় কাজ, সবচেয়ে বড় চ্যালেঞ্জ।

নির্মাণ-উদ্মুখ দেশগুলি বন্ধুর পথ অতিক্রম করে এগিয়ে চলছে—সহ-যাত্রী হলেও একপথগামী তারা নয়। কেউ নিয়েছে সাম্যবাদের পথ, কেউ সমাজবাদ, কেউ গণতন্ত্র, কেউ ডিক্টেটরশিপের পথ। কিন্তু তাদের সবাই লক্ষ্য এক। প্রত্যেক দেশে রয়েছে বিপ্লবী সম্ভাবনা এই ত্রান্টিময় যুগে।

মিশরে নতুন নেতৃত্ব বলিষ্ঠ পদক্ষেপে তার স্বনির্বাচিত উন্নয়নপথে এগিয়ে চলছে। এ-পথে এগিয়ে যাবার অধিকারই আজ তার প্রধান দাবি। সে চায় না

অন্য কোনো বড় শক্তির দ্বারা তার গতিপথকে অস্থগার করুক। কোনো বিদেশী বীরের মোহিনী মায়ার সে ভুলতে চায় না; কোনো কিছুই বিনিময়েই খবর করতে চায় না নিজের বহুকষ্টে ফিরে পাওয়া স্বাধীনতা।

১৮৮২ সালের ১১ই জুলাই ছিল বুধবার। সবেমাত্র প্রভাতসূর্য পৃথিবীর সঙ্গে প্রথম সন্ডাষণ করেছে। সকাল তখন সাতটা। হঠাৎ আলেকজান্দ্রিয়া শহরের উপর এসে পড়তে লাগল মৃত্যুবরী ইংরেজের কামান-দাগা গোলা-বারদ। অ্যাডমিরাল সীম্যার ব্রিটিশ নৌবাহিনী থেকে মিশর আক্রমণ কবে ব্রিটিশ শাসনের সূচনা করলেন।

১৯৫৬ সালের ১০ই জুন। আর একটি বুধবার। এদিন শেষ ব্রিটিশ সৈন্য মিশর ত্যাগ করে চলে গেল। সকাল তখন ন-টা। প্রভাতসূর্যের সঙ্গে পৃথিবীর মিতালি হবে গেছে।

এই ৭৪ বছর ইংরেজ মিশরকে রেখেছে আপন প্রতাপে। এই ৭৪ বছর মিশর নিরবচ্ছিন্ন সংগ্রাম করেছে স্বাধীনতার জন্যে। ইংরেজ তীর শোষণে মিশরকে দরিদ্র থেকে দরিদ্রতর করেছে; সমাজদেহের শিরায় শিরায় ঢুকিয়েছে পরাধীনতার সর্বনাশা রোগ; আত্মবিস্মৃতি। ভারতের মতো এত বড় দেশের অধীনতা-পরিণতির কথা স্মরণ করে মিশরের অবস্থা আমরা সহজে অনুভব করতে পারি।

এই জীবন, পুরাতন, রোগজর্জর মিশরের উপর নতুন সৌধ নির্মাণ করতে চাইছেন নাসের ও তার সহকর্মীগণ। এ-কাজ সহজ নয়। পশ্চিমী দৃষ্টিতে নাসের উচ্চাভিলাষী স্বেচ্ছাচারী শাসক। শব্দ নাসের নন, মিশরও উচ্চাভিলাষী। নিরক্ষরের ছেলে ম্যাট্রিক পাশ করতে চাইলেই সে উচ্চাভিলাষী। ভারতের পঞ্চবার্ষিক পবিকল্পনাকে ইংরাজ বলে “উচ্চাভিলাষের সংকট”। মিশর চায় পূর্ণ স্বাধীনতা, নিজের জন্য ও সমস্ত আরব জাতির জন্য; মিশর চায় আরব মানসের নেতৃত্ব, বাহুবলে নয়, আদর্শবলে, নির্মাণবলে, সংস্কৃতিবলে। মিশর চায় স্বাধীন আফ্রিকা। তার “উচ্চাভিলাষ” আকাশ-ছোয়া বই কি।

মিশরের নতুন সংবিধানে (যা এ-বছরের ২৬শে জুলাই চালু হয়েছে) এই উচ্চাভিলাষ মূর্ত হয়ে উঠেছে। উদাস্ত ভাষায় এই সংবিধানের মূখ্যবন্ধকে (Preamble) মার্কিন স্বাধীনতা ঘোষণার সঙ্গে বা ১৯২০ সালের সোভিয়েত সংবিধানের সঙ্গে তুলনা করা যেতে পারে। সমগ্র পৃথিবীর দব্বারে নির্ভর্য গর্বিত কণ্ঠে এ-সংবিধান ঘোষণা করেছে:

“আমরা মিশরবাসী,

“বহিঃশত্রুর হাত থেকে অবিরাম সংগ্রামের ফলে পেয়েছি স্বরাজ। আভ্যন্তরীণ শোষণকদেরও করেছি পরাস্ত। ১৯৫২ সালের ২৩শে জুলাইর বিপ্লব আমাদের দিয়েছে ভাগ্য নিয়ন্ত্রণের অধিকার, সার্থক করেছে আমাদের বহু বঙ্গের স্বাধীনতা সংগ্রাম। অতীতের শিক্ষায় আমাদের চোখ খুলেছে। আমরা এখন দৃষ্টিশ্রুত গড়ব নতুন মিশর, উন্নয়ন, অভাবহীন, স্বাধীন। সেখানে সাম্রাজ্যবাদ নিশ্চিহ্ন, সামন্ততন্ত্র বিতাড়িত। সরকার জনতন্ত্রের শ্বাস-রোধক প্রতাপ থেকে মুক্ত। সে-মিশরে থাকবে শক্তিশালী সৈন্যবাহিনী; সামাজিক সমদর্শী, সুস্থ গণতন্ত্র।

“আমরা মিশরবাসী, আমরা বিশ্বাস করি :

“প্রত্যেক মানবের আছে স্বাধীন ও নির্ভর মৌলিক অধিকার, অক্ষুণ্ণ চিন্তা ও ধর্মের স্বাধীনতা। সমতা, ন্যায় বিচার ও ব্যক্তি-সম্মানই প্রতিষ্ঠিত করতে পারে শান্তি ও স্বরাজ; বৃহত্তর আরব জাতির আমরা একটি অবিচ্ছেদ্য অংশ মাত্র; তথাপি এ-জাতির স্ফুট গৌরব ও প্রতিষ্ঠা পুনরুদ্ধারের যে-সংগ্রাম আজ চলেছে তাতে আমাদের রয়েছে একটা বিশেষ দায়িত্ব। তিনটি মহাদেশের সংযোগস্থলে অবস্থিত মিশরের ঐতিহাসিক কর্তব্য মানবের সভ্যতার অগ্র-গতিতে হাত মেলানো। মানবিকতায় আমরা বিশ্বাসী; আমরা বিশ্বাস করি পৃথিবীর একাংশের অগ্রসর অন্য্যংশের অগ্রসর থেকে অবিচ্ছিন্ন। বিশ্বশান্তি অবিভাজ্য।

“আমরা মিশরবাসী,

“এ মহান প্রেরণায় উদ্বুদ্ধ হয়ে আমাদের নতুন সংবিধান ঘোষণা করছি। এ-সংবিধানকে ভিত্তি করে চলবে আমাদের জাতীয় সংগ্রাম।

“আমরা ঘোষণা করছি যে-সংবিধান, তার মূল নীতিগুণি আমরা পেয়েছি মিশরের জাতীয় সংগ্রামের প্রাণপ্রবাহ থেকে, অতীতের অভিজ্ঞতা থেকে, জন-গণের আদর্শ থেকে, যে-আদর্শের বেদীমূলে অর্পিত হয়েছে বহু শহীদের পবিত্র অমূল্য জীবন, যার সার্থকতার জন্যে যুগ যুগ আমরা লড়ে এসেছি, যে-সংগ্রাম এনেছে পরাজয়ের তিক্ততা, বিজয়ের গৌরব।”

মিশরের নতুন সংবিধান মার্কিন প্রথায় রাষ্ট্রপতির নেতৃত্বে রাষ্ট্র পরিচালনার ব্যবস্থা প্রবর্তন করেছে। অনেক দিক থেকে প্রগতিশীল দৃষ্টিধারা একত্রিত হয়েছে এই সংবিধানে। প্রথমেই বলা হয়েছে মিশর আরবজাতির একটি অবিচ্ছেদ্য অঙ্গ; জাতির হাতে সার্বভৌম ক্ষমতা; রাষ্ট্রের গঠন গণতান্ত্রিক প্রজাতন্ত্র। সমাজের ভিত্তি জাতীয় ঐক্য; মিশর প্রত্যেকটি পরিবার, তার ধর্ম, ন্যায়নীতি ও স্বদেশপ্রেম। জাতীয় অর্থনীতি গঠনের উদ্দেশ্য সামাজিক সমতার প্রতিষ্ঠা, সমগ্র জাতির জীবনমান উন্নত করা।

মূলধন ব্যক্তি-স্বার্থ বা গোষ্ঠীস্বার্থ সেবা না করে নিষ্পেক্ষ হবে জাতীয় স্বার্থসেবায়। জনকল্যাণের বিরুদ্ধে তার প্রয়োগ বেআইনী।

বেসরকারী অর্থনীতির জন্য নির্দিষ্ট কর্মক্ষেত্র থাকবে, তার অধিকার আইনের বেড়া দিয়ে সুরক্ষিত হবে; কোনো সম্পত্তি উপযুক্ত ক্ষতিপূরণ না দিয়ে জাতীয়কৃত হবে না। কৃষিভূমির মালিকানা আইন দ্বারা সীমাবদ্ধ করা হবে, যাতে জমিদারী প্রতাপের পুনর্জন্ম না হতে পারে। জমিদার ও রাস্তাদের সম্পর্ক আইন নির্ধারণ করবে।

রাষ্ট্র প্রত্যেকটি মানবকে উপযুক্ত জীবনমান, খাদ্য, গৃহ, স্বাস্থ্য, সংস্কৃতি ও সমাজগঠনমূলক উপাদান যোগাতে চেষ্টা করবে। পারিবারিক জীবন, মাতৃ ও শিশু-মঙ্গল রাষ্ট্র রক্ষা করবে সর্বদা। প্রত্যেক শ্রীলোককে পারিবারিক ও জাতীয় কাজকর্মের সমন্বয় অর্জন করতে সাহায্য করবে। মিশরবাসীকে শোষণ, অবহেলা ও অপমান থেকে রক্ষা করবে।

বৃদ্ধ, রুগ্ন ও অসমর্থ লোকেরা রাষ্ট্রের সাহায্য পাবে। বৃদ্ধের দ্বারা প্রাণ দেবে বা আহত হবে, তাদের পরিবার ক্ষতিপূরণ পাবে।

সুবিচার না করে এবং স্বনির্বাচিত আইনজীবী দ্বারা রক্ষিত না হয়ে কোনো ব্যক্তিই অপরাধের জন্য শাস্তি পাবে না। আসামীকে দৈহিক বা মানসিক আঘাত করা হবে না।

প্রাথমিক শিক্ষা সর্বজনীন ও বাধ্যতামূলক, পাওয়া যাবে বিনামূল্যে। সরকারী স্কুলে পড়তে বেতন লাগবে না।

প্রত্যেক মিশরবাসীর থাকবে কর্মের অধিকার; রাষ্ট্র এ-বিষয়ে সাধ্যমতো সহায়তা করবে।

ট্রেড ইউনিয়ন আন্দোলনের অধিকার স্বীকৃত, ভেতন রাজনৈতিক দল গঠনের, স্বাধীন মত পোষণ বা প্রচারের—যতক্ষণ না এতে জাতির কল্যাণ ব্যাহত হয়।

নাসের যাতে স্বেচ্ছাচারী শাসকে পরিণত না হতে পারেন, সেজন্যে সংবিধান রাষ্ট্রপতির বিরূপ ক্ষমতাকে নানাদিক থেকে পার্লামেন্ট ও জাতির কাছে নানা রকমে বৈধ রেখেছে।

তিনিই রাষ্ট্রপতি নির্বাচিত হতে পারবেন, যার পিতা ও পিতামহ, মাতা ও মাতামহী মিশরী, যিনি কোনো নাগরিক অধিকার থেকে বঞ্চিত হন নি, যার বয়স পঁয়ত্রিশের কম নয় এবং যিনি পূর্বতন রাজবংশের সঙ্গে কোনো আত্মীয়তা-সূত্রে আবদ্ধ নন। পার্লামেন্ট রাষ্ট্রপতির জন্য যাকে মনোনীত করবেন, জাতীয় গণভোটে অধিকসংখ্যায় তাকে নির্বাচিত হতে হবে। রাষ্ট্রপতি যে-শপথ গ্রহণ করবেন, তাতে জাতীয় স্বার্থ সেবার, স্বাধীনতা, সুরক্ষার ও মিশরের পবিত্র ভূমিকে নিষ্কণ্টক করার প্রতিজ্ঞা থাকবে। রাষ্ট্রপতির নির্দেশেই রাষ্ট্র পরিচালিত হবে, কিন্তু পার্লামেন্টের অনুমোদন ছাড়া তিনি বাজেট পাশ করাতে পারবেন না এবং পার্লামেন্ট-অনুমোদিত কোনো আইন পুনর্বিবেচনার জন্য শুধু একবারই তিনি ফেরত পাঠাতে পারবেন; স্বাভাবিকভাবে পাশ হলে এ-আইন তিনি চালু করতে বাধ্য। পার্লামেন্টের অনুমতি না নিয়ে তিনি বৃদ্ধ ঘোষণা করতে পারবেন না; কোনো আন্তর্জাতিক চুক্তি কার্যকরী হবে না, যতক্ষণ পার্লামেন্ট অনুমোদন না করছে। যদি তিনি রাষ্ট্রে “বিপজ্জনক অবস্থা” ঘোষণা করতে চান, তখনো তাকে পার্লামেন্টের অনুমতি নিতে হবে। কোনো কোনো বিশেষ গুরুত্বপূর্ণ বিষয়ে রাষ্ট্রপতি পার্লামেন্টের সঙ্গে পরামর্শ করে গণভোট নেবেন, জাতির ইচ্ছা সঠিক নির্ধারণের উদ্দেশ্যে।

রাষ্ট্রপতিকে রাজদ্রোহ অথবা দেশদ্রোহিতার জন্যে বিচার করতে হলে দুই-তৃতীয়াংশ ভোটে অনুদূরপ্রস্তাব পার্লামেন্ট গ্রহণ করবে; একটি বিশেষ আদালতে এ-বিচার অনুষ্ঠিত হবে। প্রস্তাব পাশ হবার সঙ্গে সঙ্গেই রাষ্ট্রপতি পদচ্যুত হবে। দোষী সাব্যস্ত হলে উচিত শাস্তি পাবেন।

মিশরে দ্বারা নাসেরের অনুগত ভক্ত, তারাও বর্তমান একনায়কত্বকে ক্ষণস্থায়ী প্রয়োজনের চেয়ে বেশি মনে করে না। তারা বলে, “অন্তত কয়েক বছরের জন্য আমরা পূর্ণ গণতন্ত্রের বুদ্ধিজীবী বিলাস পরিত্যাগ করতে বাধ্য। বড় বড় শক্তি আমাদের স্বাধীনতাকে পঙ্গু করে দেবার সুযোগ খুঁজছে। আমাদের তাড়াতাড়ি অনেক কিছু করতে হবে। ভূমি সংস্কার করে গ্রামে গ্রামে

নবজীবনের প্রাণধারা প্রবাহিত করতে হবে। শিল্প গড়তে হবে, নির্মাণ করতে হবে বড় বড় বাঁধ, কারখানা, জলাশয়। বহু শতাব্দীর জমে-ওঠা অনেক আবর্জনা দূর করতে হবে। গড়তে হবে মিশরকে শত্রুর হাত থেকে বাঁচাতে সক্ষম এমন স্থল-বিমান-নৌবাহিনী। এখন দলাদলি, রেবারেবির সময় নয়। এখন সময় এক নেতা, এক আদর্শ ও এক পতাকার নীচে সমস্ত জাতিকে সমবেত করার।

“তাই বলে আমরা স্বেচ্ছাচারতন্ত্রের প্রতিষ্ঠা চাইনে, বরদাস্তও করব না। আমরা গণতন্ত্র চাই, চাই প্রত্যেক মিশরীর রাজনৈতিক ও অর্থনৈতিক অধিকার। নাসের-বিস্ফলককে আমরা আদর্শ বলে মেনে নিয়েছি, কারণ তার অতীত সংগ্রামে, বর্তমান বিজয়ী কর্মধারায় ও ভবিষ্যৎ উচ্চাকাঙ্ক্ষায় আমাদের আশা, কামনা, স্বপ্ন মূর্ত হয়ে উঠেছে। এখন ভবিষ্যতে আমাদের অধিকার সুপ্রতিষ্ঠিত করার দায়িত্ব আমাদেরই। আমরা এবার জেগেছি। সহজে আমরা আর ঘুমিয়ে পড়ব না।”

পাঁচ বছর মাত্র বিস্ফলক মিশরের জন্ম হয়েছে। তার প্রথম দু-বছর ইংরেজের ক্ষমতা সূয়েজে সুপ্রতিষ্ঠিত ছিল। ১৯৫৪ সাল থেকে ইংরেজ সৈন্য তুলে নেওয়া শুরু হয়, শেষ হয় ১৯৫৬ সালের গ্রীষ্মে। আবার হেমন্তেই সেই বিরাট অভিযান! তাই, বস্তুতপক্ষে, মাত্র ১৯৫৭ সালের বসন্তকালে মিশরের পূর্ণ স্বাধীন জীবন শুরু হয়েছে।

এরই মধ্যে নাসের অনেকখানি এগিয়ে নিয়ে গেছেন মিশরকে। গণনির্বাচন দ্বারা পার্লামেন্ট গঠিত হয়েছে, যদিও পুরাতন যুগের মলিনহস্ত অনেক ব্যক্তিকেই নির্বাচনে দাঁড়াতে দেওয়া হয়নি, রাজনৈতিক দল হিসাবে নির্বাচন অনুষ্ঠিত হয় নি। যারা মনোনয়নপত্র দাখিল করেছেন তাঁদের মধ্যে থেকে অব্যাহত নামগুলি বিস্ফলক সরকারের একটি বিশেষ সংস্থা বাদ নিয়ে অন্য সবাইকে দাঁড়বার অনুমতি দিয়েছেন। ইতিহাসে সর্বপ্রথম কয়েকজন স্ত্রীলোক পার্লামেন্টের সভা নির্বাচিত হয়েছেন। সম্প্রতি নাসের নিজের নেতৃত্বে একটি রাজনৈতিক দল সৃষ্টি করেছেন, আঠারো বছরের প্রত্যেক মিশরবাসীই যার সভ্য হতে পারবে। পাঁচ বছরের মধ্যে অন্য রাজনৈতিক দলও আত্মপ্রকাশের অনুমতি পাবে।

প্রায় একশো বছর মিশরের প্রধান পণ্য তুলা ব্রিটিশ বাণিকদের খেলালখুদিশর উপর নির্ভরশীল থেকেছে। মিশর দখলের পর থেকে ব্রিটিশ শাসকরা এই তুলো নিয়ে যা-কাণ্ড করেছেন ভারতবাসীর পক্ষে, ঢাকাই মসলিনের স্মৃতি নিয়ে তা বন্ধ করতে পারা কঠিন নয়। নাসের সাম্যবাদী দেশগুলির সঙ্গে বাণিজ্যপথ খলে এই অব্যাহত পশ্চিম-নির্ভরতা থেকে মিশরী তুলাকে মুক্তি দিয়েছেন। আজ সে ব্রিটিশ ও মার্কিন বাজারের পানে তুচ্ছ দৃষ্টিতে তাকিয়ে থাকবে না। মিশরী চাষীর অন্নও নির্ভরশীল থাকবে না পরদেশী বাণিজ্যের দাক্ষিণ্যে। মিশরের সঙ্গে বাণিজ্য করছে আজ চীন, রাশিয়া ও সমগ্র পূর্ব-মধ্যপ্রাচ্য; এ-বাণিজ্যের জোরেই সূয়েজোত্তর মাসগুলিতে মার্কিন আর্থিক ও বাণিজ্যিক বয়কট মিশরকে কাবু করতে পারে নি।

শিল্পায়নে, কৃষি-উন্নতিতেও মিশর পশ্চিম-মুখাপেক্ষী নয়। প্রাচ্যের অন্যান্য দেশের মতো মিশরেও জন্মলছে নির্মাণ-যন্ত্রের বিরাট অগ্নিশিখা। মিশরকে সাহায্য করতে এগিয়ে এসেছে জাপান, ইতালী, পশ্চিম জার্মানী,

গ্রীক, রাশিয়া ও পূর্ব-মরোপ অর্থ দিয়ে, যন্ত্র দিয়ে, কুশলী কারিগর দিয়ে। ব্রিটিশ অর্থনৈতিক প্রভুত্ব আজ মৃত। আমেরিকা হারিয়েছে ইতিহাস নির্মাণের আর একটা বিরাট সুযোগ। কিন্তু মিশর চলছে এগিয়ে।

সুয়েজ জলপথ পরদেশী প্রভাব মুক্ত করে মিশর স্বরাজকেই শব্দ নিরূপণ ও সুপ্রতিষ্ঠিত করে নি, একটা বড় আয়ের পথ আরম্ভ করেছে। যে-সময়ে নির্মাণরত অন্যান্য দেশ বিদেশী মদ্রার অভাবে পাণ্ডিত, সে-সময়ে মিশর কোনো ভয় পাচ্ছে না, কারণ সে জানে প্রত্যেক দেশের জাহাজই অতিক্রম করবে সুয়েজ, জমা দেবে মাস্ক-হয় ডলারে, নয় স্টার্লিং-এ। মিশর অন্য বিদেশী মদ্রাও গ্রহণ করেছে, কেননা তাকে কারবার করতে হচ্ছে বহু দেশের সঙ্গে বিচিত্র মদ্রায়। পশ্চিম অশ্রু দিতে স্বীকার না করে তার সৈন্যবাহিনীকে পঙ্গু করে রেখেছিল। আজ সে অশ্রুও পাচ্ছে, রাশিয়া ও পূর্ব-মরোপ থেকে, যদিও ইজরেইল বা তুর্কীর সঙ্গে তুলনায় তার যুদ্ধক্ষমতা এখনো অপ্রচুর।

প্রকৃতি মিশরকে পৃথিবীর একটি অতি মূল্যবান সংযোগস্থল তৈরী করেছে। কিন্তু ৭৪ বৎসর ইংরেজ মিশরকে সমস্ত পৃথিবী থেকে বিচ্ছিন্ন করে রেখেছিল। মরোপ থেকে, তুর্কী থেকে, এশিয়া ও আফ্রিকা থেকে, এমন কি আরবভূমি থেকেও। প্রথম মহাযুদ্ধের সময় ও পরে সমগ্র আরব-ভূমিতে যে-আলোড়ন এসেছিল, ইংরেজ মিশরকে সমস্ত ও সু কৌশলে তার প্রভাব থেকে বাঁচিয়ে রেখেছিল। দ্বিতীয় মহাযুদ্ধেও মিশর ছিল ইংল্যান্ডের একান্ত নিঃশঙ্ক সমরায়ত্ত, চার্চিল এখানে মার্কিন হস্তক্ষেপ বরদাস্ত করেন নি। যুদ্ধের পরেও মিশর লড়েছে শব্দ, ইংল্যান্ডের সঙ্গে; ইংল্যান্ডই তার চেতনাকে সমাচ্ছন্ন করে রেখেছে।

আজ, বিপ্লবের পাঁচ বছর পর, মিশর আবার দুনিয়ার বিশাল উন্মুক্ত প্রাঙ্গণে নিজের আসন প্রতিষ্ঠিত করেছে। এশিয়া ও আফ্রিকার কোটি কোটি মানুষ তার অগ্রগমন সাগ্রহে ও সানন্দে দেখছে, তাদের শ্রুভেচ্ছা তাব পরম পাথেয়। অদলীয় দুনিয়াব সে এক বলিষ্ঠতম স্তম্ভ। সমস্ত আরব-মানসে তার নেতৃত্ব প্রতিষ্ঠিত। কোটি কোটি আফ্রিকান মানুষ তাব দিকে তাকিয়ে। একদা-পরাক্রান্ত পশ্চিমী শক্তি তার আদর্শজাত বলকে ভয়ের চোখে দেখে। কাইরো বেতারে প্রচার, মিশরী বুদ্ধিজীবীদের রচিত পুস্তক ও প্রবন্ধ, মিশরের সংবাদপত্র ও সাপ্তাহিক-মাসিক পত্রিকা ভর পাইয়ে দিচ্ছে সাম্রাজ্যবাদকে ও তার আরবী অনুচরদের। উত্তর আফ্রিকার সংগ্রামরত আরবগণ মিশরের আদর্শে অনুপ্রাণিত, মিশরের সাহায্যে পুষ্ট। সৌদী আরবে, ইরাকে, জর্ডান ও লেবাননে প্রভূত স্বাধীনতা ও গণতন্ত্রকামী আরব মিশরের ভক্ত। পশ্চিমী প্রভাপের আরম্ভাধীন সমগ্র আরবভূমির পলাতক স্বাধীনতা-সংগ্রামীদের স্থান কাইরোতে। কাইরো আজ পৃথিবীর প্রধানতম বিপ্লবী-নিবাস। এ-বিপ্লব সাম্যবাদী নয়।

সম্প্রতি কাইরোতে একখানা পুস্তক প্রকাশিত হয়েছে ১৮৮২ থেকে ১৯৫৬ পর্যন্ত মিশরী জাতীয় আন্দোলনের প্রসার ব্যয় আলোচ্য।* গ্রন্থকার ডাঃ আশাকী এই বইয়ের শেষতম পরিচ্ছেদের নাম দিয়েছেন “আগামী কাল”। তাতে

* The Development of the National Movement in Egypt by Shuhdi Atiya ash-Shaffi, Cairo, 1957.

মিশরে এগিয়ে চলার পথনির্দেশ আছে। আশাকরী বলছেন, মিশর যে-পথে চলবে, তার লক্ষ্য হবে : স্বরাজ সংরক্ষণ, অর্থনৈতিক প্রসারের পথে সমস্ত বাধা দূরীকরণ; অর্থনৈতিক ক্ষেত্রে রাষ্ট্রের ক্রমবিকাশ; জাতীয় জীবনমান উন্নয়নের জন্যে পরিকল্পনা তৈয়ার; বিদেশী সাহায্য গ্রহণের সুচিন্তিত নীতি প্রণয়ন; সমবায় আন্দোলনের বিকাশ; কর, মনোফা ও মজুরী বিষয়ে রাষ্ট্রের নীতি প্রবর্তন; এবং সমস্ত জাতিকে নিয়ে একটি ঐক্যবদ্ধ শক্তি নির্মাণ। অনেকাংশে এই কর্মপন্থা ভারতের বর্তমান কর্মপন্থার অনুরূপ।

প্রত্যেক নির্মাণনিষ্ঠ দেশকেই কঠিনতম সময়ের মধ্য দিয়ে পাড়ি দিতে হয়। প্রকৃতি তার অবদানের উচিত মূল্য কেড়ে নেয়। আজ পৃথিবী একটা বিরাট অসম অবস্থার মধ্যে দাঁড়িয়ে। কয়েকটি দেশে বিজ্ঞান অভাবিত ঐশ্বর্য এনেছে, মানুষের দিগ্বিজয় আজ পৃথিবী ছাড়িয়ে নভোমণ্ডল আক্রমণ করেছে। অথচ এই পৃথিবীরই পাঁচভাগের তিনভাগে মানুষের স্বাধীনতা বিপন্ন, তার মুখে অন্ন নেই, দেহ রোগজর্জর। তার শিল্প নেই, চাষের মাঠ আকাশের করুণাবারির প্রতি নিঃসহায় নির্ভরশীল।

শান্তি যদি অবিভেজ্য হয় তবে প্রগতিও। তিনভাগকে বাদ নিয়ে পাঁচ ভাগের দুভাগ পৃথিবী অগ্রসর হতে পারবে না নতুন প্রভাতের দিকে। পেছিয়ে-পড়া পৃথিবী বার বার ব্যাহত করবে এগিয়ে-যাওয়া পৃথিবীর অগ্রগতি। এ-কথা মনে করেই মার্কিন রাষ্ট্রপতি উড্রো উইলসন একদিন তাঁর দেশকে বলে-ছিলেন, “আমেরিকার জন্ম হয়েছে মানুষকে একত্রিত করতে।...মানুষকে একত্র করা যায় প্রেমে, সহানুভূতিতে, ন্যারে। আমেরিকাকে এ-কথা বদ্বতে হবে, কেননা সে-ই হচ্ছে পৃথিবীর একমাত্র দেশ যার বার বার নবজন্ম হয়েছে।”

আজ নতুন জন্মে দীক্ষিত অনগ্রসর দেশগুলির প্রতি কোথায় সেই প্রেম, সহানুভূতি, ন্যার ?

তাদের নিজের পথ নিজেই বানাতে হবে। স্তালিন আজ অপদম্ব। কিন্তু এ-পদস্তকের শেষে তাঁর একটি বক্তৃতার উদ্ধৃতি সমস্ত নতুন-এগিয়ে-চলা মানুষের প্রাণের কথা, প্রাণের বাধা বহন করছে। তখন ১৯৩১ সাল, রাশিয়ার দ্বিতীয় পঞ্চবার্ষিক পরিকল্পনার ঘোর দুর্দিনে। সমস্ত দেশের প্রতি-কথা শক্তি নিষক্ত করা হয়েছে এই পরিকল্পনাকে সাধক করে রাশিয়াকে শিল্পশক্তিতে পরিণত করতে। কৃষকের ঘরে খাদ্য নেই, রুশবাসীর দেহে বস্ত্র নেই। সর্বত্র অসন্তোষের বাহ্য জ্বলছে। স্তালিনের শিষ্য ও সহকর্মীরাও চঞ্চল হয়ে উঠেছেন। সবাই বলছেন, এত কষ্ট করে এগিয়ে লাভ কী? জাতটাকে এতটু রেহাই দাও, একটু আরাম দাও।

এ-সময়ে স্তালিন রুশজাতিকে লক্ষ্য কবে বলেছিলেন, “তোমাদের রুশ কবি নিকোলাই নেক্রাসভের কবিতা মনে পড়ে?—“রাশিয়া, তুমি দরিদ্র, তোমার ঐশ্বর্য প্রচুর; তুমি নিঃসহায়, তোমার বলের শেষ নেই!”... রাশিয়ার শত্রুও এ-কথাই মনে করে রেখেছে। তারা বার বার রাশিয়াকে পরাজিত করেছে। বলেছে, “তোমার অনেক আছে, তাই তোমাকে লুট করে আমরা ধনী। তুমি দরিদ্র, নিঃসহায়, তাই তোমাকে আমরা অনায়াসে পরাস্ত করতে পারি।” পুঁজিবাদী দুনিয়ার এই নিয়ম। তুমি অনগ্রসর, দুর্বল, তাই তুমি অপরাধী, তোমার সর্বকিছু অন্যায়, তাই তোমার উচিত পরাস্ত হওয়া, দাসত্ব নেওয়া।

তুমি শক্তিশালী, তাই তুমি যা বলছ, সব ঠিক, তোমাকে আমরা মেনে চলব। তাই, রুশ ভাইগণ, তোমাদের দুর্বল আর পশ্চাৎপদ থাকলে চলবে না। তোমরা কি চাও তোমাদের মাতৃভূমি তার স্বাধীনতা হারাক? যদি না চাও তবে তার এই অনগ্রসর অবস্থা দ্রুত শেষ করো; কাঙ্ক্ষপ না করে তার অর্থ-নীতিকে বলিষ্ঠ করে তোলা। অন্য কোনো পথ নেই।.. এঁগিয়ে-ঘাওয়া দেশ-গুলিব আমরা পঞ্চাশ থেকে একশো বছর পেছনে পড়ে আছি। এ-দ্রুত আমাদের দশ বছরে অতিক্রম করতে হবে। হয় আমরা করব, নয় ওদের হাতে আমরা মরব।”

রাশিয়ার পথ মিশরের পথ নয়, ভারতের পথ নয়। কিন্তু এই পঞ্চাশ বছরের দ্রুত দশ বছরে অতিক্রম করতেই হবে। শ্রম, দিনযাপনের, শ্রম, প্রাণধারণের প্লানিমুক্ত হয়ে পৃথিবীর অগ্রগামী দেশগুলির সঙ্গে চলতে হবে সমান পদক্ষেপে। বর্তমান যুগের এই কঠিনতম চ্যালেঞ্জ। এখানে জয়-পবাজয়ের উপরেই এশিয়া-আফ্রিকার ভবিষ্যৎ নির্ভরশীল।

নীল নদ ধীরে বয়ে চলেছে আফ্রিকার ক্রোড়দেশ থেকে পশ্চিম এশিয়ার প্রান্ত পর্যন্ত। বহু সভ্যতার উত্থান পতন সে দেখেছে, বহু নগরীর বৈভব ও বিলয়। কত যুগের কত মানুষের আশা-আকাংক্ষা, লোভ-লালসা, হিংসা-শ্বেষ, জিঘাংসা প্রেম-মৈত্রীর প্রবাহ তার চোখের সামনে বয়ে গেছে। দেখেছে সে আলেকজান্দারের বিজয়ী চেহারা, শনেছে ক্রিয়োপাট্যাব বৃকফাটা দীর্ঘ-শ্বাস। আজ আর এক কর্মমুখর যুগের সে সাক্ষী। আবার ভিড় করেছে তার তীরে তীরে নতুন মানুষের নতুন আশা, নতুন স্বপ্ন। আক্রমণকারী অত্যাচারী প্রত্যাঘাতন কতবারই না সে দেখেছে, আজ আবার দেখেছে নতুন করে।

রোজ প্রভাতে মিশরবাসী দেখতে পায়, নীল নদের অপর পাশে সূর্য উঠেছে নতুন মহিমায়। তার উদার জয়ভেরী সূর্যের স্বননে আহ্বান করছে মিশরকে। লক্ষ লক্ষ মিশরবাসী প্রভাত সূর্যের পানে তাকিয়ে বলে, “হে আল্লাহ্, আর যেন অত্যাচারী না আসে আমাদের ধনমান লুট করতে।”

এ-প্রার্থনা শোনে, আব ধীরে ধীরে বহে নীল। তবে তার মধুর প্রবাহ নতুন প্রাণ দেয় মিশরকে, নতুন বল। নীলের বকেও আজ স্বপ্ন লীন হয়ে আছে। পুরাতন ইতিহাসকে সে নতুন করে দেখতে চায়। দেখতে চায় আবার সেই পুরাতন নীল উপত্যকা, সভ্যতার অন্যতম শ্রেষ্ঠ কেন্দ্র। আবার সেই মহান, বলিষ্ঠ মিশর, নবজাগৃত আফ্রিকা। স্বপ্নের আবেগেই বোমকবি নীল মাঝে মাঝে উদ্বেলিত হয়ে ওঠে, আবার নিথর সময়-প্রবাহের মতো বয়ে চলে ধীরে।

‘ধীরে বহে নীল’ রচনার পরেও আরবভূমিতে ঘটনাবলী নানা তরঙ্গে উৎকীর্ণ হতে চলেছে। বড় বড় ঘটনার মধ্যে: মিশর-সিরিয়া-এমেনের মিলিত যুঁনিয়ন; জর্ডন-ইরাকের পালটা আমেল; সৌদী আরবে রাজা সৌদের ক্ষমতা হ্রাস; লেবাননে গোলযোগ; মিশর-সুদান সীমান্ত কলহ এবং উত্তর আফ্রিকার জটিল সমস্যা। এই অধ্যায়ে সংযুক্ত রচনা থেকে এ-সব ঘটনাবলীর অনেকখানি জানতে পারবেন।

১৯৫৭ সালের ৮ই মার্চ, একটি বৃষ্টি-ভেজা দিনে আক্রমণকারী ইজরেইলী-সৈন্য মিশরভূমি ভাগ করে জাতিপঞ্জ ও স্বাধীন মিশরের গৌরব সুপ্রতিষ্ঠিত করেছিল। আরব বাতাবরণে ঘটনার জটিল পরিক্রমা সারা পৃথিবীর দৃষ্টি নিয়ত আকর্ষণ করেছে। সব চেয়ে বড় ঘটনা ঘটেছে ফেব্রুয়ারীতে। আরব ইতিহাসের দ্রুতলিখিত ঘটনাকীর্ণ পাতায় ১৯৫৮ সালের ১লা ফেব্রুয়ারীর গৌরব-স্থান নিশ্চিত।

সেদিন একটি রোদ-ঝলমল হাসি-আনন্দে ভরপুর শনিবার। কাইরোর রাষ্ট্রপতি ভবনের প্রশস্ত প্রাঙ্গণে মিলিত হয়েছে অগণিত মিশরী জনতা। সুসজ্জিত ব্যালকনিতে এসে দাঁড়ালেন মিশরের রাষ্ট্রপতি নাসের, তাঁর হাতে হাত মিলিয়ে সিরিয়ার রাষ্ট্রপতি সুক্কী অল-কোয়াটিল। মাথ কয়েক মূহূর্ত আগে তাঁরা স্বাক্ষর করেছেন সেই ঐতিহাসিক চুক্তি যার ফলে আঁচরে সিরিয়া-মিশর নিয়ে তৈরী হবে আধুনিক যুগের সর্বপ্রথম ঐক্যবন্ধ বৃহত্তর একটি আরব রাষ্ট্র। যে-ঘোষণায় দুই রাষ্ট্রপতি একটু আগেই তাঁদের নাম সই করেছেন, উল্লসিত জনতার কাছে তা পাঠ করলেন সিরিয়ার প্রধানমন্ত্রী সাবরি আসালি। সমবেত জনতার আনন্দ-খুঁনিতে আসালির কণ্ঠস্বর ডুবে গেল। কোয়াটিল দু হাতে অনুনয়ের ভঙ্গি করে জনতাকে শান্ত হতে অনুরোধ জানালেন। ইঠাৎ তাঁর হাতের ধাক্কায় মাইক্রোফোনের তার খারাপ হয়ে গেল; ক্ষণিক নিস্তব্ধতা নেমে এল জনতার মধ্যে। এই সংযোগ নিয়ে একদল মিশরী মহিলা আরব-বিবাহে আমাদের দেশে উল্লেখ্য মতো যে এক প্রকার মঙ্গলধর্মান প্রচলিত আছে, তাই দিয়ে বসলেন। উপস্থিত মহিলারা সবাই সম্মুখে ‘উলু’ দিতে লাগলেন। সিরিয়া-মিশরের ‘বিবাহ’ অনুষ্ঠিত হল।

ঠিক বারো দিন পরে জর্ডনের রাজা হুসেনের জরুরী তলব পেয়ে রাজধানী আমান শহরে এসে হাজির হলেন ইরাকপতি ফয়জল। আমাদের সাতটি পাহাড়ের একটির ওপর আবদুল্লা যে-রাজপ্রাসাদ তৈরি করেছিলেন তার প্রহরী-সতর্ক কক্ষে দুই খুদ্রতাত ভাই-এর দুদিনব্যাপী গোপন আলোচনা চলল। সৌদী আরবের রাজা সৌদ এই আলোচনায় যোগদান করতে, এমনকি একজন প্রতিনিধি পাঠাতেও অস্বীকার করেছেন। পশ্চিমপন্থী লেবাননের সংবাদপত্রে প্রত্যহ সিরিয়া-মিশর ঐক্যের প্রশস্তি প্রকাশিত হচ্ছে। এমেনের ইমাম নবজাত “মিলিত আরব প্রজাতন্ত্র”-এ যোগ দেবার আয়োজন প্রায় সমাপ্ত করে এনেছেন। হুসেন ও ফয়জল বৃহস্পতিবার সারারাত আলোচনার পর ভোরের দিকে সিদ্ধান্তে পৌঁছলেন ইরাক ও জর্ডন নিয়ে একটি পাণ্ডা আমেল (ফেডারেশন) প্রতিষ্ঠিত হবে। রাজপ্রাসাদ থেকে পরের দিন প্রভাতে এই

সিদ্ধান্ত বিধোষিত হল। কিন্তু না জর্ডানে, না ইরাকে কোনো জনতার উল্লাস, কোনো সর্বজনীন আনন্দ। পশ্চিমী রাজধানীতে চলল জম্পনা, নাসের ফয়জলকে জানালেন অভিনন্দন। কিন্তু জর্ডানের আরব স্তম্ভ নিদ্রোহের দৃষ্টি বিনিময় করে চুপ করে রইল; ইরাকের আরব এই রাজকীয় আমেল উপেক্ষা করে মিশর-সিরিয়ার জনসমর্থিত একোয়ই গুণগান করতে লাগল।

॥ আরব একোয় প্রেরণা ॥

আরব চিরদিনই নিজেকে একটি ঐক্যবন্ধ জাতি বলে জেনে এসেছে। তেরশো বছর আগে যৌবনের উদ্দাম প্রেরণা নিয়ে আরব ঝাঁপিয়ে পড়েছিল পশ্চিম-এশিয়ার মরুবক্ষে। শূন্য একতা, উদাম ও সমতার বলে তখনকার প্রতিষ্ঠিত ব্যবস্থাকে ভেঙ্গে নিজের আসন সে বিছিয়ে নিতে পেরেছিল। পারস্যের বিখ্যাত সেনাপতি রুস্তম একদিন বিপক্ষ শিবির থেকে একজন আরব প্রতিনিধিকে কথাবার্তার জন্যে আহ্বান করেছিলেন। তাঁর নারী-সুদামা-মণি-মুস্তা-ঝলমল রাজকীয় শিবিরে যে-লোকটি এসে হাজির হল, পরিধানের পোশাক তার জীর্ণ, মলিন; দেহে তার মেহনতী মানুষ্যের রুক্ষতা। রুস্তমের সিংহাসনের পাশে রক্ষিত আসনে বসবার জন্যে সে যখন এগিয়ে গেল, প্রহরী এসে তার গতিরোধ করল। অপমানে রক্তিম হয়ে আরব প্রতিনিধি রুস্তমকে বলল, “আমরা আরব, আমাদের মধ্যে কোনো উচ্চনীচ ভেদ নেই, কোনো শ্রেণী বিভাগ নেই। আমরা সবাই সমান—ধনী, দরিদ্র, সবল, দুর্বল। আমি ভেবেছিলাম আপনাদের মধ্যেও বুঝি তাই। এখন দেখাচ্ছি, তা নয়। আপনাদের মধ্যে বড়রা ছোটদের ওপর প্রভুত্ব করেন। বদ্বতে পারাচ্ছি, আপনাদের প্রতিষ্ঠিত ব্যবস্থার শেষ ঘনিয়ে এসেছে।”

এই ঐক্য, সাম্য ও বীর্ষের জোরেই দ্বয়োদশ শতাব্দী পর্যন্ত আরব গৌরব অটুট ছিল। রুরোপের প্রায় অর্ধেক সে জয় করেছিল, তার প্রভাব এসে পৌঁছেছিল ভারত মহাসাগরে; এমনকি চীনের স্ফারদেশে। শিল্পে, বিজ্ঞানে, সাহিত্যে ও দর্শনে পল্লবিত, তরবারির বলের উপর প্রতিষ্ঠিত, ধর্মের উত্তাপে সঞ্জীবিত এক বিরাট আরব সভ্যতা ও সাম্রাজ্য গড়ে উঠেছিল পৃথিবীর অনেক-খানি ভূভাগ জুড়ে। সে-সাম্রাজ্যের পতন শুরু হল, সে-সভ্যতা শূন্যে উঠল বৌদ্ধ আরব ভুলল তার সমতা, তার ঐক্য ও বীর্ষের মূল শক্তি। প্রথম সে হারল মোঙ্গলদের কাছে, তারপর পদানত হল তুর্কীর তরবারির অম্বাতে। প্রায় পাঁচশ বছর আরবভূমি ছিল তুর্কীর অধোমান সাম্রাজ্যের উপেক্ষিত বিরাটতম অংশ। মোঙ্গল ও তুর্কী অত্যাচারে তার সভ্যতা চূর্ণ হল, তার স্বাধীনতা হল অপরূপ। এ পাঁচ-ছয় শত বছরের ইতিহাস প্রত্যেক আরবের কাছে গভীর অন্ধকারে সীমাহীন নিষ্ফল যাত্রার মতই ব্যর্থতায় দরিদ্র।

কিন্তু ঐক্য অধোমান সাম্রাজ্যে আরবের জাতিগত ঐক্য ছিল অক্ষয়। উত্তর আফ্রিকা থেকে আডেন পর্যন্ত বিস্তীর্ণ আরব প্রান্তরে সেই সুদীর্ঘ অন্ধকারে টিকে ছিল একটি পরাম্পর আরব জাতি। প্রথম মহাযুদ্ধে বৃটেনের পক্ষে, তুর্কীর বিরুদ্ধে, আরব যুদ্ধ ঘোষণা করেছিল একটি সমগ্র জাতি

হিসাবে। বৃটেন প্রতিজ্ঞাবদ্ধ হয়েছিল যুদ্ধান্তে একটি সার্বভৌম আরব রাষ্ট্র গঠনে। সে-প্রতিজ্ঞায় সায় দিয়েছিল ফ্রান্স ও রাশিয়া। সেই যে বর্তমান যুগের আরব-মহাজাগরণের সূচনা, তার প্রেরণা ছিল সমগ্র আরব জাতির মর্ন্তির স্বপ্ন; সুদীর্ঘ তুর্কী অন্ধকারের আলোকময় অবসান।

যুদ্ধের পরে দেখা গেল অবসান এল অন্ধকারের নয়, স্বপ্নের। দুর্বল আরবদের সঙ্গে চরম বিশ্বাসঘাতকতা করল য়ুরোপীয় সাম্রাজ্যবাদ। যুদ্ধ-কালীন প্রতিজ্ঞা ঢাকা পড়ল তন্ত মরুর বালুগর্ভে; যুদ্ধান্তের আরবভূমিতে জাঁকিয়ে বসল বৃটিশ ও ফরাসী সাম্রাজ্যবাদ। মিশরকে ইংরেজ অনেক আগে থেকেই আরবভূমি থেকে বিচ্ছিন্ন করে রেখে দিয়েছিল। এবার বৃটেন ও ফ্রান্স আরব প্রাঙ্গণে সৃষ্টি করল কয়েকটি আলাদা “দেশ”। আরবভূমি বিভক্ত হল পশ্চিমী কুটনীতির শাণিত ছারির আঘাতে। জন্ম নিল ইরাক, সিরিয়া, লেবানন, সৌদী আরব, ট্রান্সজর্ডন। বিভিন্ন দেশে বিভিন্ন রাজা, বিভিন্ন রাজত্ব। এক আরব জাতি বিভক্ত হল আটটি আরব “জাতিতে”। গড়ে উঠল নানা ধরনের কৃত্রিম বেড়া : শিক্ষার, রাজনীতির, বাণিজ্যের। এর উপর, আরব জাতীয়তাবাদকে অধিকতর পঙ্গু করার উদ্দেশ্যে, ইংরেজ প্যালেস্টাইনে ইহুদিদের জাতীয় নিবাস তৈরির অঙ্গীকার করল।

ক্রমে ক্রমে প্রত্যেকটি আরব দেশের রাজশক্তির চারিদিকে গাঁজিয়ে উঠল এমন একটা ক্ষমতা ও বিস্ত-পুষ্ট শ্রেণী, আরব বিভেদেই যাদের প্রতিপত্তি নিরাপদ। য়ুরোপীয় শিক্ষা, সমাজ, রাজনীতি ও অর্থনীতি বহুধারায় প্রবেশ করতে লাগল বিভিন্ন আরব দেশে। বহু শতাব্দীর আরব-মানসকে য়ুরোপ ভেঙ্গে দিতে লাগল বহু ভাগে।

কিন্তু এই প্রচেষ্টা সার্থক হল না। তার প্রধানতম কারণ যুদ্ধান্তের ব্যবস্থায় অসন্তুষ্ট, অতৃপ্ত আরব-মানস। রাজনৈতিক বিভেদ উপেক্ষা করে আরব সাহিত্য ও আরব চিন্তাধারা ঐক্যের পথেই পা বাড়াল। যারা যুদ্ধান্তের যুগে উন্মেষিত আরব জাতীয়তাবাদের নেতৃ-ভূমিকায় অবতীর্ণ হলেন, তাঁরা সবাই আরব ঐক্যকে জাগ্রত জাতির প্রধান লক্ষ্য বলে নির্বাচিত করলেন। এমনকি, ইংরেজও মুহর্তের জন্যে ভুলতে পারল না যে, মূলত আরব জাতি এক। আন্তর্জাতিক দুর্দিনে মধ্যপ্রাচ্যের বহুমুদ্রা এলাকা সংরক্ষিত করবার জন্যে যখনই ইংরাজের দরকার হল সংগঠিত, সবল আরব সহায়তার, তখনই সে আরব ঐক্যের প্রতি সাক্ষাৎ সহানুভূতি দেখাতে লাগল। ইংরাজ জানত, ঐক্যবদ্ধ আরব যেমন সবল, বিভক্ত আরব তেমন দুর্বল। তাই দ্বিতীয় মহা-যুদ্ধের সময় ইংরাজই উদ্যোগী হয়ে প্রতিষ্ঠা করল আবব লীগ, আরব ঐক্যের প্রথম সোপান।

॥ দ্বিতীয় মহাযুদ্ধের পর ॥

দ্বিতীয় মহাযুদ্ধ যখন শেষ হল তখন আরব প্রাঙ্গণে য়ুরোপীয় সাম্রাজ্যবাদ নিম্নেতজ, ক্ষীণবল। একদিকে যেমন আরব স্বাধীনতা সংগ্রাম সতেজ হয়ে উঠল, অন্যদিকে তেমনি প্রতিষ্ঠিত হল ইহুদী রাষ্ট্র ইজরেইল। লেভান্ট

থেকে অপসৃত হল ফরাসী দাপট। সিরিয়া ও লেবানন, প্রাচীন ঐক্য হারালেও, পূর্ণ স্বরাজ্য পেল। জনসংগ্রাম ঘনিষে উঠল ইরাকে, জর্ডনে, মিশরে। প্যালেস্টাইন সমস্যা আমেরিকাকে নিয়ে এল আরবভূমিতে, তার প্রথম ভূমিকাই রূপ নিল আরব-বিরোধিতার। ইংরেজ যুদ্ধল আরব অঞ্চল থেকে এবার বাস তুলতে হবে। কিন্তু নানা উপায়ে চেষ্টিত হল বাস কায়েম করতে।

প্রথম ও প্রধান জাল ফেলা হয় বিংশ শতাব্দীর ঠিক মধ্যভাগে। বটেন প্রস্তাব করল মধ্যপ্রাচ্যে স্বরাজ্যকামী দেশগুলি একত্রিত হয়ে, তারই অভ্য-ভাবকষে, প্রতিষ্ঠা করুক একটা সমবেত সামরিক সংস্থা, যা পশ্চিমের বড় বড় স্বার্থগুলি সংরক্ষিত করবে, বদলে বটেন আরব দেশগুলিতে নিজের প্রাধান্য অনেকখানি আলগা করে নেবে। এই যে মধ্যপ্রাচ্য যৌথ প্রতিরক্ষাব প্রস্তাবনা, যা মিশর প্রত্যাখ্যান করল এবং ইরাক গ্রহণ করতে সাহস পেল না, তার জনক ছিলেন স্যাব এ্যান্টনী ইডেন, আর গড-ফাদার হলেন পরলোকগত আরনেস্ট বেভিন। পরবর্তী কালে জন ফস্টার ডালেস এই প্রস্তাবের যে সংশোধিত সংস্করণ ইডেন সাহেবকে উপহার দিলেন তার উপর ভিত্তি করে গড়ে উঠল বাগদাদ চুক্তি। একাধিক আবব দেশকে পথে আনতে না পেবে বাগদাদ চুক্তি একক ইরাককে হাত মিলাতে বাধ্য করল তুর্কী, ইরান ও পার্শ্ব-স্তানের সঙ্গে। রাষ্ট্রী পরাল ইংরেজ; আমেরিকা বন্দুক ধরে পাহারা দিতে লাগল যাতে এই অভিনব মৈত্রী নিরাপদ থাকে। দরজা খোলা রইল অন্য সব আরব দেশের জন্যে: স্মারপথে লেখা রইল “স্বাগতম”। কিন্তু ১৯৫৬ সালে জর্ডনের এক প্রধান মন্ত্রী, হুসেনের অনুমতি নিয়ে বাগদাদ চুক্তির স্বাবপথে প্রবেশের উদ্যোগ করতেই রাজসিংহাসন টলমল হয়ে উঠল, প্রমাদ গনে হুসেন তাড়াতাড়ি মিশরমুখী হলেন।

১৯৫২ সাল থেকে আরব মানসে যে একেবারে নতুন একটা আলোড়ন দেখা গেল, তার উৎস মিশরের জাতীয়তাবাদী বিপ্লব। ১৯৫৪ সালে, দীর্ঘ ৭৫ বছর পর মিশর সর্বপ্রথম ইংরেজ সৈন্যমুক্ত হতে পারল। নাসেব চাইলেন তাঁর বলিষ্ঠ জাতীয়তাবাদ সমগ্র আরবভূমিতে পরিব্যাপ্ত করতে। একদিকে আরব জনতা যেমন নাসেরের প্রেরণায় জেগে উঠল অন্যদিকে ইংবেজ প্রসাদ-পুষ্ট শাসকশ্রেণী তেমনি হল শঙ্কিত। ১৯৫৫ সালে ইরাক যোগ দিল বাগদাদ চুক্তিতে। ১৯৫৬ সালে ইংরেজ জর্ডন হারিয়ে ক্ষেপে গেল। তারপব ঐ বছরেরই গ্রীষ্মে সূয়েজ সংকট, হেমন্তে বটেন-ফ্রান্স-ইজরেইলের মিলিত মিশর আক্রমণ। সঙ্গে সঙ্গে মধ্যপ্রাচ্যের রণাঙ্গনে সোবিয়ত শক্তির নাটকীয় আবির্ভাব।

বাগদাদ চুক্তি ও সূয়েজ সংকটের অন্তর্বর্তী দেড় বছরে মিশর, সিরিয়া, সৌদী আরব, জর্ডন ও এমেন প্রতিরক্ষা বিষয়ে অনেকখানি ঐক্য প্রতিষ্ঠা করতে সক্ষম হয়েছিল। মিশরের নেতৃত্বে এই পাঁচটি দেশের যৌথ সামরিক কমান্ডে স্থাপিত হয়েছিল। কিন্তু মিশর যখন আক্রান্ত হল তখন দেখা গেল একমাত্র সিরিয়া ছাড়া সত্যিকারের গুরুত্বপূর্ণ সাহায্য নিয়ে কেউ এগিয়ে এল না। একমাত্র সিরিয়া মিশরের পালে দাঁড়াল সময়-প্রস্তুতি নিয়ে। পাইপ লাইন কেটে পশ্চিমী তেল-স্বার্থকে পঙ্গু করে অনেক ক্ষতি স্বীকার করে

সিরিয়া মিশরকে যে-সাহায্য করেছিল তার নজির ইতিহাসে খুব বেশি নেই।

সুয়েজ সঙ্কট মধ্যপ্রাচ্যের চেহারা ভয়ানকভাবে বদলে দিল। এই অতি মূল্যবান অঞ্চলে রুশোপ ও তেল-মালিকদের স্বার্থ সংরক্ষিত করতে প্রত্যক্ষ সংগ্রামে অবতীর্ণ হল আমেরিকা; অপর পক্ষে মিশর ও সিরিয়ার স্বাধীনতা অক্ষুণ্ণ রাখবার প্রতিশ্রুতি নিয়ে নেমে এল সোভিয়েত রাশিয়া। বৃটেন হল আমেরিকার ছোট অংশীদার। ফরাসী মর্যাদার কিছুই বাকি রইল না। মিশর-সিরিয়া-অনুগামী প্রজা-বিদ্রোহের ভয়ে হুসেন মার্কিন শক্তির শরণাপন্ন হলেন, জর্ডন চলে গেল পশ্চিম শিবিরে। তৈল-স্বার্থের চাপে রাজা সৌদও মার্কিনপন্থী হয়ে উঠলেন। ১৯৫৭ সালের শরণ-হেমন্তে দানা পাকিয়ে উঠল আর এক সঙ্কট, এবার সিরিয়াকে কেন্দ্র করে। অর্থনৈতিক ও রাজ-নৈতিক চাপ দিয়ে সিরিয়ার নাসেরপন্থী সরকারকে পদচ্যুত করতে অক্ষম হয়ে মার্কিন কূটনীতি তুর্কীর শরণাপন্ন হল। এবারও সিরিয়াকে আসন্ন তুর্কী আক্রমণের সম্ভাবনা থেকে বাঁচাল সোভিয়েত সরকার। এরই মধ্যে অক্টোবরের ১৩ই, সকলের অগোচরে, সিরিয়ার আহুদানে, একদল সুশিক্ষিত মিশরী সৈন্য লাটাকিয়া বন্দরে এসে অবতরণ করল, সিরিয়ার প্রতিরক্ষা-ক্ষমতা বাড়তে।

একদিকে নতুন পশ্চিমী নীতি যেমনি আরব পরিবারে নতুন বিরোধেব ডালা সাজিয়ে তুলল, অন্যদিকে এই ঘোর সংকটের মধ্যেও সিরিয়া ও মিশর গভীর ঐক্যের ভিত্তি গড়ে নিল।

II সিরিয়ার প্রথম পদক্ষেপ II

আটশ বছর আগে সালাদিন নামে একজন বিজয়ী আরব মিশর ও সিরিয়ার সুলতান হয়েছিলেন। রুশোপ থেকে ক্রুজেডের নামে দলে দলে নেমে-আসা হুন্সল্যান্ডীদের সৈন্য তিন পরাজিত করেছিলেন। আর সেইদিন থেকেই মিশর ও সিরিয়ার জনসাধারণ রাষ্ট্রীয় একতার স্বপ্ন দেখে এসেছে। উনিবিংশ শতাব্দীর মাঝামাঝি মিশরাধিপতি মহম্মদ আলি বাহুবলে আরম্ভ এক আরব সাম্রাজ্যের স্বপ্নে বিভোর হয়ে উঠেছিলেন: সুদান, আরাবিয়া এবং সিরিয়া অধিকার করে তাঁর সৈন্য তুর্কী সাম্রাজ্যের রাজধানীর কাছাকাছি এসে দাঁড়িয়ে-ছিল। কিন্তু ইংরাজ প্রধান মন্ত্রী পামারস্টোনের বিরোধিতায় মহম্মদ আলির আরব-সাম্রাজ্য-স্বপ্ন বোঁটে থাকতে পারে নি। অচিরেই সিরিয়া তাঁর হাত-ছাড়া হয়ে গেল। সৈন্য তরবারি যে-যোগাযোগ ও সমন্বয় স্থাপন করতে পাবে নি, আজ স্বতঃস্ফূর্ত মৈত্রীর বন্ধন তাকে সম্ভব করতে পেরেছে।

প্রথম পদক্ষেপ এসেছে সিরিয়া থেকে। সিরিয়ার বর্তমান রাষ্ট্রপতি সূত্রী কোয়ার্টল আজীবন সিরিয়া-মিশরের রাজনৈতিক ঐক্যে বিশ্বাসী। আজ থেকে দু বছর আগে সিরিয়ায় একটা বিরাট রাজনৈতিক পরিবর্তন হয়। দ্বিতীয় যুদ্ধোত্তর প্রথম দশ বছরের রাজনৈতিক অস্থিরতা ও ষড়যন্ত্রের অবসান ঘটিয়ে কয়েকটি প্রধান প্রধান রাজনৈতিক দল “জাতীয় ঐক্য সরকার” গঠন করেন। তাঁরা রাষ্ট্রপতি নির্বাচন করে কাইরো থেকে ফিরিয়ে আনে ৬৫ বৎসর বয়স্ক আজীবন আরব স্বরাজ-সংগ্রামী কোয়ার্টলিকে। প্রধান মন্ত্রী

আসালির জাতীয়তাবাদী দল হাত মেলালেন সমাজবাদী “বাহ” (Baath) দলের সঙ্গে। সাম্যবাদীরা জানালেন পূর্ণ সমর্থন। এই “জাতীয় ঐক্য সরকার” সুপ্রতিষ্ঠিত হবার করেক মাসের মধ্যেই সিরিয়ার পার্লামেন্টের কাছে তাঁরা এক অভিনব প্রস্তাব করেন। তাতে বলা হয়, আরব জাতির মুক্তি ও মর্যাদার জন্যে আরব ঐক্য অপরিহার্য। আরব জাতীয়তাবাদের অগ্রদূত মিশর ও সিরিয়া এই ঐক্য প্রতিষ্ঠায় এগিয়ে এসে একটি সমন্বিত রাষ্ট্রে মিলিত হোক। পার্লামেন্ট সর্বসম্মতিতে প্রস্তাব অনুমোদন করেন। মন্ত্রিসভায় কয়েকজন সদস্য নিয়ে মিশরের সঙ্গে এ-বিষয়ে আলাপ-আলোচনা করার জন্যে একটা কমিটি তৈরী হয়।

প্রশ্ন হতে পারে, সিরিয়া কেন এ-বিষয়ে অগ্রগামী হল? তার কারণ রয়েছে সিরিয়ার ইতিহাসে। সিরিয়ার মাটিতেই আরব জাতীয়তাবাদের জন্ম। সিরিয়ার মাটিতেই আরব বিপ্লোহের সূচনা। সিরিয়াতে প্রথম আরব প্রজাতন্ত্রের প্রতিষ্ঠা। প্রগতিশীল জাতীয়তাবাদে সিরিয়া আরব জাতির অগ্রগণ্য। বর্তমান আরবভূমিতে পশ্চিমী কূটনীতির প্রধান অস্ত্র আরবে আরবে বিভেদ। এ-অস্ত্রকে প্রতিরোধ করতে পারে একমাত্র আরব ঐক্য। সবচেয়ে জাগ্রত দুটি আরব দেশকে একত্রিত করতে পারলে আরব জাতীয়তাবাদের দেহে যে নতুন প্রাণের জোয়ার আসবে সে-কথা সিরিয়ার নেতারা ই আগে বুঝবেন, এবং বাস্তবে পরিণত করতে এগিয়ে আসবেন, সিরিয়ার ইতিহাস এই ইঙ্গিতই বহন করে আসছে।

নাসেরের “বিস্তার দর্শন” যারা পড়েছেন তাঁরা জানেন আরব ঐক্যের স্বপ্ন কীভাবে তাঁর অন্তরকে যৌবন থেকে উদ্বেলিত করেছে। কিন্তু পাছে কেউ ভাবে যে, তিনি সাম্রাজ্য অভিলাষী, সেই ভয়ে তিনি নিজের এ-বিষয়ে প্রথম পদক্ষেপ করতে চান নি। সিরিয়া যখন ঐক্য-প্রস্তাব নিয়ে দাঁড়াল তখন নাসের সমস্ত অন্তর দিয়ে তাকে স্বাগত করলেন। সুয়েজ সংকটের কষ্ট পাথরে ঐ ঐক্যের প্রকৃত মূল্য যাচাই হয়ে গেল।

তারপর এল এক ঐতিহাসিক দিন : ১৯৫৭ সালের ১৮ই নভেম্বর। সিরিয়া-তুর্কী সংকট তখন আরব আকাশকে ঘনঘোর করে রেখেছে। বিপদের উপর বিপদ সিরিয়া ও মিশরকে অনেক কাছাকাছি এনেছে। সেপ্টেম্বরে দু দেশের মধ্যে অর্থনৈতিক ও বাণিজ্যিক একতার চুক্তি হয়ে গেছে। সিরিয়ার সীমান্ত ঘিরে তুর্কী বাহিনী। এদিকে সোবিয়েত ও পূর্ব ব্লকরোপ থেকে পাওয়া অস্ত্রশস্ত্র নিয়ে মিশরী সৈন্য সিরিয়ায় অবরোধ হয়েছে তার স্বরাজ রক্ষা করার উদ্দেশ্যে। এই বাতাবরণে ১৮ই নভেম্বর, দামাস্কাসে বসেছে সিরিয়া-মিশর পার্লামেন্টের একটি যৌথ অধিবেশন, আরব ইতিহাসে এই প্রথম। মিশরী পার্লামেন্টের চম্পিয়নজন সদস্য এসেছেন এ-অধিবেশনে যোগ দিতে। সিরিয়ার পার্লামেন্টকে আজ নানা রংএ সাজানো হয়েছে। রাস্তায় রাস্তায় উল্লাসিত জনতার ভিড়। রাস্তায় চলছে নানা দলের নাচ, গান, হুজুড়। রাজধানীর অন্যত্র, মিশর-সিরিয়ার যৌথবাহিনী কুচকাওয়াজ করেছে রুল-নির্মিত অস্ত্র নিয়ে। দামাস্কাসের আকাশে সোবিয়েত জেট হুংকার ছেড়ে ছুটোছুটি করেছে।

এর মধ্যে শব্দ হয়েছে দু-দেশের পার্লামেন্টের যৌথ অধিবেশন। উপস্থিত

রাষ্ট্রপতি ফোয়ার্টল, প্রধানমন্ত্রী সার্বারি আসালি ও অন্যান্য নেতারা। আনন্দ-ধ্বনি ও বহুতার পর এই অধিবেশনে স্বল্প-কথার যে-প্রস্তাব গৃহীত হল তার মর্মার্থ হচ্ছে, সিরিয়া-মিশরের ঐক্যের পথ একেবারে পরিষ্কার; এখন দু-দেশের নেতারা এগিয়ে এসে এই আদর্শকে পরিপূর্ণ বাস্তবে রূপায়িত করুন।

তিন মাসের মধ্যেই সে-আদর্শ সত্যিকার বাস্তবে রূপায়িত হল।

॥ মিলিত আরব প্রজাতন্ত্র ॥

সিরিয়া-মিশর একত্রিত হয়ে যে “মিলিত আরব প্রজাতন্ত্রের” জন্ম হল তার দৈহিক চেহারাটা এবার দেখে নেওয়া যাক। পশ্চিম এশিয়া আমাদের মহাদেশের সঙ্গে আফ্রিকাকে একত্রিত করেছে। কিন্তু ইতিহাসে এই প্রথম একটি এশীয় দেশের রাষ্ট্রীয় মিলন হল একটি আফ্রিকান দেশের সঙ্গে। এই দুই মহাদেশের ভবিষ্যৎ ইতিহাসে এ-ঘটনার তাৎপর্য গভীর হতে বাধ্য।

আয়তনে মিলিত আরব প্রজাতন্ত্র সমস্ত আরব-ভূমির চার ভাগের এক ভাগ হলেও, জনসংখ্যায় আরবজাতির অর্ধেকের বেশি এর অধিবাসী। নতুন রাষ্ট্রের আয়তন পাঁচ লক্ষ বর্গ মাইল, জনসংখ্যা দু কোটি আশি লক্ষ, (অন্য আরব দেশগুলির মিলিত জনসংখ্যা এক কোটি নব্বই লক্ষ); জাতীয় উৎপাদনের পরিমাণ সাড়ে তিন হাজার মিলিয়ন ডলার (বাকী আরব দেশগুলির দু হাজার ছয় শ মিলিয়ন ডলার); বাণিজ্যের মূল্যায়ণ এক হাজার তিন শ মিলিয়ন ডলার (অন্য আরব দেশগুলির দু হাজার দুশো মিলিয়ন ডলার)। যুরোপীয় সভ্যতার প্রধান স্নায়ুতন্ত্র সুয়েজ খাল ও সিরিয়ার পাইপ-লাইন এই নতুন রাষ্ট্রের অন্তর্গত। সুয়েজ না হলে যুরোপীয় পণ্য প্রাচ্যে পৌঁছতে পারে না; সিরিয়ার পাইপ-লাইন ছাড়া আরব তেল ভূমধ্যসাগরে যেতে অক্ষম। মিশর ও সিরিয়া উভয়েই ভূমধ্যসাগরের তীরবর্তী; তাই নতুন মিলিত রাষ্ট্রকে একটি ভূমধ্যসাগর শক্তি বলে মনে করতে হবে। দুই দেশের মধ্যে স্থলপথে যোগাযোগ নেই, মাক্কানে রয়েছে ইহুদি রাষ্ট্র ইজরেইল, লেবানন, এবং জর্ডন। জর্ডন যদি মিলিত হয়, তাহলে জলপথে লোহিত সাগর দিয়ে বিকল্প যোগাযোগ স্থাপিত হতে পারে। বর্তমানে একমাত্র যোগাযোগ ভূমধ্যসাগর দিয়ে, তবে দূরত্ব সামান্য হওয়ায় বিমান ও নৌ সংযোগ ব্যয়বহুল নয়। এমন অবস্থা অনেক দূরে, সৌদী আরবের দক্ষিণ-পশ্চিম কোণে, আভেনের গা ঘেঁষে। এমেনের সঙ্গে যোগাযোগের একমাত্র পথ লোহিত সাগর।

আরব দৃষ্টিতে মূল্যায়ণ করতে গেলে প্রথমেই বলতে হয় যে, এই মিলিত প্রজাতন্ত্র গঠনের নেতৃত্ব কোনো বহিঃশক্তির কাছ থেকে আসে নি। আরব লীগের ডাবগত জনক ইংরেজ; বাগদাদ চুক্তির, ডালেস সাহেব নিজে। কিন্তু এই নতুন আরব ঐক্যের প্রেরণা একান্তই স্বদেশী। এর ফলে, শীতল-যুদ্ধের বর্তমান ঘনীভূত অবস্থাতেও আরব নিজের উদ্যোগে যে বড় কিছু করতে পারে তার প্রমাণ পাওয়া গেল। শীতল-যুদ্ধের বাইরে এই সহজাত একা

তাই পৃথিবীর সব রাষ্ট্রেরই প্রশংসা ও অভিনন্দন পেয়েছে। অবশ্য একমাত্র ফরাসী সরকারের ছাড়া।

ষে-দুটি দেশে আরব জাতীয়তাবাদ বলিষ্ঠ ও সবচেয়ে প্রগতিশীল তারা একত্রিত হওয়ায় গোটা জাতীয়তাবাদের শক্তিও বেড়ে গিয়েছে। এবং যেহেতু প্রাচ্যের সঙ্গে পশ্চিমের যোগাযোগের প্রধান দুটি পথ এই মিলিত রাষ্ট্রের অন্তর্গত, তাই যুরোপের কাছে এর মর্যাদাও অনেকখানি উঁচু হয়ে উঠেছে। তারপর, উত্তর আফ্রিকায়, বিশেষ করে আলজেরিয়ায়, আরব সংগ্রামকে ভাবগত ও বাবহারিক সাহায্যদানের ক্ষমতাও এবার এর বেড়ে যাবে। এজন্যই ফরাসী সরকার মিলিত প্রজাতন্ত্রকে ভয় ছাড়া অন্য কোনো দৃষ্টিতে দেখতে পারেন নি।

॥ শীতল-যুদ্ধের দৃষ্টিতে ॥

মধ্যপ্রাচ্য শীতল-যুদ্ধের সবচেয়ে গবম এলাকা। তাই এখানে যে-কোনো বড় রকমের ঘটনাই হোক না কেন, তাকে শীতল-যুদ্ধের দৃষ্টিতে খতিয়ে দেখা সমালোচকদের কর্তব্য।

এই মূল্যায়নের প্রথম রায় সোবিয়েতের স্বপক্ষে হতে বাধ্য। যে-কোনো দিক থেকে দেখলেই বোঝা যায়, মিলিত আরব প্রজাতন্ত্রের জন্ম পশ্চিমী কূটনীতির একটি বড় পরাজয়। বিশেষ করে গত দু-তিন বছর পশ্চিমী কূটনীতি মিশর ও সিরিয়াকে দুর্বল, বিচ্ছিন্ন ও পঙ্গু করতে চেষ্টা করে এসেছে; অন্তত সিরিয়ার বর্তমান সরকারের পতন ঘটাবার বিরূপ এক বার্থ বড়বুদ্ধের উদ্যোগে গত বছরের দ্বিতীয় অর্ধে পশ্চিমী কূটনীতি মহাবাস্তব হয়ে পড়েছিল। সিরিয়া-মিশরের মিলিত শক্তি ও মর্যাদা এই নীতির ব্যর্থতা প্রমাণ করেছে। মিলিত রাষ্ট্র জন্ম নিয়েছে আনকারায় বাগদাদ চুক্তি সংসদের বৈঠকের সময়। এই বৈঠকে গভীর মতানৈক্য দেখা গিয়েছে আমেরিকা ও ইরাকের মধ্যে। লন্ডনের 'টাইমস্' পত্রিকার সংবাদদাতা জানিয়েছেন, একটি গোপন বৈঠকে ডালেস ও নূরী এস্ সৈয়দের মধ্যে তুমুল বিতর্ক হয়েছিল। তার প্রধান কারণ আরব দেশের অভ্যন্তরীণ ব্যাপারে বর্তমান মার্কিন হস্তক্ষেপ, এবং ইজরেইলের প্রতি অপ্রশংসিত মার্কিন ঔদার্য। নূরী এমনও ভয় দেখিয়েছেন যে, ইজরেইল-ভাষণের সমাপ্তি না হলে ইরাক বাগদাদ চুক্তি ত্যাগ করতে বাধ্য হবে। বাগদাদ গোষ্ঠীর এই অমিলের দিনেই নাসের ও কোয়র্টলি মিলিত আরব প্রজাতন্ত্রের উদ্ভাধন করেন। সাধারণ আরব জনতার কাছে এর ভাবগত আবেদন অনেকখানি।

দু-বছরও হয়নি যুরোপের দুইটি প্রধান শক্তি নাসেরকে ধ্বংস করার উদ্দেশ্যে মিশর আক্রমণ করেছিলেন। নাসেরকে “ছেঁটে খাটো করার” আশা ডালেস-প্রণীত মার্কিন মধ্যপ্রাচ্য নীতির অন্যতম প্রধান লক্ষ্য ছিল। আজ সেই চাঁপা বছরের বৃক নেতা সমগ্র আরবজাতির অর্ধেকের বেশি মানুষের স্বৈচ্ছার ও স্বাধীনভাবে নির্বাচিত রাষ্ট্রপতি। সমস্ত আরবভূমিতে তাঁর সম্মান ও নেতৃত্ব আকাশ-ছোঁয়া। পশ্চিম আর বাই বৃক না বৃক শক্তির

মর্শাদা বোঝে। তাই পশ্চিমী সংবাদপত্রে নাসের নেতৃত্বের প্রশংসা দেখা দিয়েছে মিলিত প্রজাতন্ত্র ঘোষণার পর থেকে।

॥ সোবিয়তের লাভ ॥

শীতল-যুদ্ধের মাপকাঠিতে পশ্চিমী পরাজয় সোবিয়তের সাফল্য। মিলিত আরব যুক্তরাষ্ট্র সোবিয়তের আড়াই বছর বয়স্ক মধ্যপ্রাচ্য নীতির এক অপূর্ব সফলতা। কোনো কোনো সমালোচকের মতে সোবিয়ত নীতি এই আরব ঐক্যের সার্থকতা পাবার যে-সুযোগ খুঁজছে তা ব্যর্থ হবার সম্ভাবনাই বেশি। কিন্তু এ-বিচার অনেকটা ইচ্ছাসুখজাত বলে মনে হয়। আরব অঞ্চলে সিরিয়াই একমাত্র সত্যকারের বামপন্থী। একমাত্র সিরিয়াতে কম্যুনিষ্ট পার্টি (মিলিত রাষ্ট্র গঠনের আগে) বে-আইনী ঘোষিত হয় নি। আট হাজার কর্মী-সভ্য নিয়ে এই দল সিরিয়ার রাজনীতিতে বেশ খানিকটা প্রভাব বিস্তার করে। মিশরে কম্যুনিষ্ট পার্টি বে-আইনী; একমাত্র একটি রাজনৈতিক দল স্বীকৃত, যার নাম “জাতীয় ঐক্যের দল,” সভাপতি নাসের নিজের। নাসের আভ্যন্তরীণ নীতিতে কম্যুনিষ্ট বিরোধী। মিলিত প্রজাতন্ত্র পুরোপুরিভাবে প্রতিষ্ঠিত হবার পর সিরিয়ায় বর্তমান রাজনৈতিক দলগুলিকে ভেঙ্গে দেওয়া হয়েছে। কম্যুনিষ্টরা জাতীয় ফ্রন্টে একত্রিত হয়ে কাজ করবার সুযোগ পেয়েছে।

তাতে তাদের লাভ বই ক্ষতির সম্ভাবনা দেখা যাচ্ছে না। বর্তমান জগতে সাম্যবাদ নীতির যে-বৈশ্ববিক পরিবর্তন হয়েছে অনেকেই তা বিচারের বেলায় মনে রাখেন না। সাঁহংস বিপ্লবের পথ ত্যাগ করে সাম্যবাদ গণতন্ত্রের পথে পা বাড়িয়েছে। সেক্ষেত্রে সর্বজাতীয় কোনো ফ্রন্টে কাজ করবার সুযোগ পেলে সাম্যবাদীরা খুশীই হবেন। তাছাড়া, মিশরের প্রভাবে সিরিয়ায় ভূমি সংস্কার দাবি এবার অনেকখানি জোর পাবে, এবং তার সুযোগ নিয়ে কম্যুনিষ্ট ও সমাজবাদীরা আরো বেশি জনপ্রিয় হতে পারবেন। আরো মনে রাখতে হবে যে, কোনো আরব দেশকেই কম্যুনিষ্ট করা সোবিয়তের নীতি নয়; অন্তত অনেক বছর তা যে সম্ভব হবে না, সোবিয়ত সরকার ও নেতারা তা বিলক্ষণ জানেন। সোবিয়ত নীতি হচ্ছে আরব জাতীয়তাবাদকে বলিষ্ঠ কবে পশ্চিমী স্বার্থকে বলীন করা মধ্যপ্রাচ্য থেকে। আরব জাতীয়তাবাদের মিত্র হিসাবে আজ সোবিয়ত সুপ্রতিষ্ঠিত। এই মিত্রতা সে কোনোমতেই হারাতে চায় না। শীতল-যুদ্ধে কোনো আরব দেশকেই সে নিজের দলে টানতে চায় না। অন্য দলে যোগ না দিয়ে নিরপেক্ষ থাকলেই সে খুশী। এই নিরপেক্ষ সার্বভৌমতার সঙ্গে মিত্রতা পাতাতে সে অনেক দাম দিতে প্রস্তুত।

১৮ই নভেম্বর, যখন দামাস্কাসে মিশর-সিরিয়ার পার্লামেন্টের যুক্ত অধিবেশন চলছিল, মিশরের যুদ্ধমন্ত্রী ও প্রধান সেনাপতি জেনারেল আমের তখন ছিলেন মস্কায়। রুশ নেতাদের সঙ্গে তিনি নানা বিষয়ে আলাপ-আলোচনা করছিলেন, বিশেষ করে মিশরের নির্মাণ পরিকল্পনায় সোবিয়ত সাহায্য বিষয়ে। ২০শে নভেম্বর মস্কাতে ঘোষণা করা হল যে, সোবিয়ত মিশরকে

তিন মিলিয়ন ডলারের উন্নয়ন সাহায্যে রাজ্যী হয়ে চুক্তি স্বাক্ষর করেছে। সিরিয়া তার আগেই দুই মিলিয়ন ডলার সাহায্যের প্রতিশ্রুতি পেয়েছিল। অতএব ধরে নেওয়া যেতে পারে যে, মিশর-সিরিয়ার আসন্ন মিলন সম্বন্ধে সম্পূর্ণ অবহিত হয়েই সোবিয়েত নেতারা এই বিরাট অর্থ সাহায্যে রাজ্যী হয়েছেন। সিরিয়ার বন্দর প্রসার, তেল সংশোধন, কারখানা ইত্যাদি উদ্যোগ-প্রচেষ্টা সোবিয়েত সাহায্য নিয়ে শুরুর হয়ে গেছে। মিশর-সিরিয়ার সোবিয়েত আর্থিক সাহায্যের পরিমাণ পাঁচ মিলিয়ন ডলার। বারোটি দেশের জন্য আইসেনহাওয়ার ডক্ট্রিনের বরাদ্দ দুই মিলিয়ন ডলার।

এই তো গেল আর্থিক সাহায্যের কথা। সিরিয়া ও মিশরকে সোবিয়েত রাশিয়া বহুল পরিমাণ তত্ত্ব, বিমান ও যানবাহন দিয়েছে; মিশরকে দু'খানি যুদ্ধজাহাজও বিক্রি করেছে। নতুন অস্ত্র ও নতুন যুদ্ধপ্রণালীতে মিলিত আরব প্রজাতন্ত্রের সেনাবাহিনীকে শিক্ষিত করবার দায়িত্বও রুশ সরকারের। ভূমধ্যসাগরে এতদিন পর্যন্ত কোনো রুশ ঘাঁটি ছিল না। মিশর-সিরিয়া অবশ্য সে-অর্থে রুশ ঘাঁটি হবে না যে অর্থে ইরাক ইংরেজ ঘাঁটি, বা তুর্কী মার্কিন ঘাঁটি। কিন্তু তথাপি রুশ অর্থে, রুশ কারিগর দ্বারা প্রসারিত লাটকিয়া বন্দরে রুশ প্রভাব যে একেবারেই থাকবে না তাই বা হয় কী করে?

দেখা যাচ্ছে, আড়াই বছরে রুশ মধ্যপ্রাচ্য নীতি শিকড় গেড়ে বসল সেই দু'টি আরব দেশে যেখানে জাতীয়তাবাদ সবচেয়ে জাগ্রত, সবচেয়ে পশ্চিম-বিরোধী, সবচেয়ে উদার দৃষ্টিসম্পন্ন। এই দু'টি দেশের স্বাধীনতা বিপন্ন হবার দিনে সোবিয়েত রাশিয়া যুদ্ধ-প্রস্তুত মিহতায় তাদের পাশে এসে দাঁড়িয়েছিল। কোনো মিশরী বা কোনো সিরিয় আরব একথা সহজে বিস্মৃত হবে না। সোবিয়েত সমরাস্ত্র, সোবিয়েত অর্থ, সোবিয়েত কারিগর এবং সোবিয়েত সম্মান ঘনীভূত হল এমন আরব এলাকায় যার মধ্য দিয়ে বয়ে যাচ্ছে সুয়েজ খাল আর সিরিয়ার পাইপ-লাইন, পশ্চিম যুবোপের সভ্যতা যাব অভাবে অচল। “প্রাভদা” পত্রিকা যে কলকণ্ঠে মিলিত আরব প্রজাতন্ত্রকে অভিনন্দন জানিয়েছে তাতে বিস্মিত হবার কিছু নেই।

॥ জর্ডন-ইরাক প্রত্যুত্তর ॥

মিশর-সিরিয়ার মিলনে যে-ব্যক্তি সবচেয়ে ডর পেয়েছেন তিনি হচ্ছেন জর্ডনের রাজা হুসেন। ১৯৫৭ সালের এপ্রিল থেকে হুসেন মার্কিন ছত্র-ছায়ার আশ্রয় গ্রহণ করেছেন। তাঁর প্রজাদের তিন ভাগ নাসেরপন্থী। মার্কিন সাহায্যে তিনি কোনোমতে সিংহাসনে আসীন আছেন; কিন্তু চিরদিন যে দেশবাসীকে বিক্ষুব্ধ রেখে তিনি রাজত্ব করতে পারবেন না বোধমান হুসেন তা জানেন। জর্ডনের ইতিহাসে মাত্র একবার গণ-নির্বাচিত একটি সরকার ক্ষমতায় প্রতিষ্ঠিত হয়েছিল, বছর দুই আগে। এ-সরকারের প্রধানমন্ত্রী ছিলেন নাবুলাস। নাবুলাস জর্ডনকে মিশরী আঁতাতে নিয়ে এসেছিলেন। কিন্তু সিরিয়ার সঙ্গে শিক্ষা বিষয়ে ঐক্য স্থাপন করতে গিয়ে তিনি হুসেনের বিরাগভাজন হলেন। পুরোপুরি প্রস্তুত না হয়েই জর্ডনের একদল মিশর-

পশ্চীম নবীন সেনাপতি হুসেনকে রাজ্যচ্যুত করে প্রজাতন্ত্র স্থাপনের সংকল্প করেন। হুসেন মার্কিন শরণাপন্ন হলেন। আইসেনহাওয়ার ডক্ট্রিন তাঁর সিংহাসনকে রক্ষা করল। নাব্বলসি পালালেন সিরিয়ায়। এই নাব্বলসির প্রধান স্লোগান ছিল: “জর্ডনের ভাগ্য হচ্ছে (বৃহত্তর আরব সন্তান) বিলীন হয়ে যাওয়া।” (“The destiny of Jordan is to disappear.”)

হুসেন বিলীন হতে চান না। তাই সিরিয়া-মিশরের মিলনের উত্তরে তিনি জরুরী তলব পাঠালেন “তিন রাজ্যের শিবিরের” অন্য দুই রাজ্যের কাছে। ফয়জল ও হুসেন দুজনেই হাসেমী বংশীয়; রাজা সৌদ চিরদিন হাসেমী বিরোধী। মার্কিন চাপে পড়ে গত বছর তিনি ইরাক-জর্ডনের পাশে এসে দাঁড়িয়েছেন, কিন্তু বর্তমানে তিনি নিজের রাজত্ব নিয়ে সরে থাকতে পারলেই খুশী। ফয়জল ও হুসেন ১৪ই ফেব্রুয়ারী যে হাসেমী আমেল ঘোষণা করলেন তাতে সৌদের বরং অসন্তুষ্ট হবারই কারণ বেশি, কেননা হাসেমী বংশের বৃহত্তর প্রতিষ্ঠা তিনি স্নেহের দৃষ্টিতে দেখতে পারেন না। এই বংশকে খেঁদিয়ে সৌদের পিতা বর্তমান সৌদী আরব প্রতিষ্ঠা করেছিলেন।

হাসেমী আমেলের সবচেয়ে বড় দুর্বলতা তার পেছনে কোনো জনসমর্থন নেই। বরং, জর্ডনের অধিকাংশ মানুষ এই মিলনের ঘোরতর বিরোধী। দ্বিতীয় দুর্বলতা, জর্ডনের দারিদ্র্য। বর্তমানে মার্কিন ও সৌদী সাহায্যে জর্ডনের রাজস্বের বিরাট ঘাটতি মিটেছে। সৌদ যদি সাহায্য বন্ধ করে দেন এবং কোনো কারণে মার্কিন সাহায্য যদি না আসে, তবে ইরাককে একাই জর্ডনের সম্পূর্ণ ভার নিতে হবে। তৃতীয় দুর্বলতা, ইরাক বাগদাদ চুক্তির সদস্য, জর্ডন নয়। একদিকে মিশর-সিরিয়া, অন্যদিকে ইরাক-জর্ডনের মিলন ইজরেইলকে খুবই সঙ্কট করে তুলবে; সেক্ষেত্রে মার্কিন নীতি কোন পথ নেয় লক্ষ্য করবার বিষয়। ইজরেইলকে আশ্বস্ত রাখতে হলে হাসেমী আমেলকে হরত অসন্তুষ্ট করতে হবে। ইরাক যদি বাগদাদ চুক্তি ত্যাগ করে তাহলে পশ্চিমী আরব নীতি ভয়ানকভাবে লঙ্ঘিত হবে।

১৯৫৮ সালে আরব জীবনধারা অভাবিত পথে গতি বাড়িয়েছে। এ-গতির প্রগতি সমস্ত বিশ্ব গভীর মনোযোগের সঙ্গে অনুসরণ করবে।

II আলজেরিয়ার রণক্ষেত্র II

“বারো বছর ধরে ফ্রান্স পশ্চিমের গলায় জাঁতার পাথরের মতো ঝুলে রয়েছে। পুরানো সাম্রাজ্যের শতাব্দির ভাবাবেগ মরিয়া হয়ে আঁকড়ে থেকে ফ্রান্স তার উদ্ভিষ্ট ও ক্লান্ত মিত্রদের কাছে অন্তহীন সত্যাচ ও বিশেষ বিপদের কারণ হয়ে দাঁড়িয়েছে। ইন্দোচীনে দিয়েন-বিয়েন-ফু যুদ্ধের সময় ফরাসী পররাষ্ট্র মন্ত্রী নির্বোধ একগুঁয়েমি দেখিয়ে মার্কিন সরকারের কাছে আর্থিক অস্ত্র সাহায্য চেয়েছিলেন। তাতে পৃথিবী সর্বনাশের কিনারে এসে দাঁড়িয়েছিল। সুয়েজ সংকটে ফরাসী প্রধান মন্ত্রী মলে যে-ভূমিকায় অবতীর্ণ হয়ে ইডেন সাহেবের সাহসিকতার চূড়ান্ত সুযোগ নিয়েছিলেন, তা হল লেডী ম্যাকবেথের ভূমিকা। আবার এখন পার্শ্বিক হিংস্রতার সঙ্গে—যে হিংস্রতা

একমাত্র ক্রীষক থেকেই জন্মাতে পারে—ফ্রান্স মানুষের বিবেককে আঘাত করেছে।”

ফ্রান্স সম্পর্কে উপরি-উক্ত মন্তব্য করেছেন কোনো আরব বা রুশ পণ্ডিত নয়, লন্ডনের বিখ্যাত সাম্প্রতিক “নিউ স্টেটসম্যান”। এ-মন্তব্য আজ ফ্রান্সের প্রত্যেক মিত্র-দেশের প্রাণের কথা, যদিও অনেকেই এখনো এত স্পষ্ট করে বলতে চাইছেন না। বুটেন ও আমেরিকায় এমন লোক কমই আছেন, যারা ফরাসী সাম্রাজ্যবাদের ঊনবিংশ-শতক-সুদৃঢ় বিনাযুদ্ধে-সূচীপরিমাণ-ভূমি ছাড়বো-না-নীতিতে বিরত ও অসহিষ্ণু হয়ে না উঠেছেন। বিরাত আরব-ভূমিতে পশ্চিম গত কয়েক বছরে তার পুরানো প্রতিপত্তির অনেকখানি হারিয়েছে। যেটুকু আজও অবশিষ্ট আছে, তা একেবারেই যাবে, যদি উত্তর আফ্রিকায় আবার যুদ্ধের আগুন জ্বলে ওঠে। শব্দ, তাই নয়, বিরাত কৃষ্ণ মহাদেশ আফ্রিকা, যেখানে এখনো রুশ প্রভাব প্রবেশ করে নি, যা এখনো মোটামুটি পশ্চিমের পঞ্চসঙ্গী, তাও যাবে হাতছাড়া হয়ে। রুশনেতা ক্রুশ্চেভ পশ্চিমকে নতুন সমরে আহ্বান করেছেন : “ব্যাটল অব আইডিয়া”। এখানে পরাজিত হলে পশ্চিমের সূর্য একেবারে অস্ত যাবে।

স্বাধীনতা, সমতা ও ভ্রাতৃত্বের জন্মস্থান হলেও ফ্রান্স কোনোদিন স্বেচ্ছায় পরদেশ পরিত্যাগ করে নি। আজকের পৃথিবীতে আয়তনে ও জনসংখ্যায় বৃহত্তম সাম্রাজ্যের মালিক ফ্রান্স, এর সবটাই কৃষ্ণ মহাদেশ। এমন কি ইংরাজ-আশ্রয়ে লালিত জেনারেল দ্য গল মিত্রীয় মহাযুদ্ধের পর ক্ষমতা পেয়ে ইংরেজ ও মার্কিন পরামর্শ সম্পূর্ণ অগ্রাহ্য করে সিরিয়া ও লেবাননকে সাম্রাজ্য-শৃঙ্খলে ধরে রাখতে চেয়েছিলেন। সেদিন চার্চিল ভয়ানক হুমকি না দেখালে লেভান্ট অঞ্চল আর এক ইন্দোচীনে পরিণত হত। মিত্রীয় মহাযুদ্ধের পব অবশ্য প্রায় প্রত্যেক যুরোপীয় সাম্রাজ্যবাদী দেশই কিছ, না কিছ, ঔপনিবেশিক রক্তে নিজের হাত লাল করেছে। হল্যান্ড বিনাযুদ্ধে ইন্দোনেশিয়া ছাড়তে চার নি; ইংরেজ মালয় ও কেনিয়াতে দস্তুরমতো যুদ্ধ চালিয়েছে। কিন্তু ফ্রান্সের মতো শব্দই যুদ্ধ-নীতি আর কেউ অনুসরণ করে নি। যে-দেশ প্রায় বিনাযুদ্ধে হিটলারের বিজয়ী সেনার কাছে আত্মসমর্পণ করেছিল, তার ঔপনিবেশ-যুদ্ধের বহর দেখলে আশ্চর্য হতে হয়।

প্রথমে ন-বছর ধরে চলল ইন্দোচীনের যুদ্ধ, বর্তমান শতাব্দীর দীর্ঘতম। তার সঙ্গে সঙ্গেই শব্দ হল তিউনিসিয়া ও মরক্কোতে হিংসাত্মক সংঘর্ষ। এ দুটো মিটবার আগে, ১৯৫৪ সালের নভেম্বরে, লাগজ লড়াই আলজেরিয়ায়। অর্থাৎ গত বারো বছরের একটা দিনও ফ্রান্স এশিয়া কিংবা আফ্রিকায় বিনা-যুদ্ধে বেঁচে থাকে নি। যুদ্ধোত্তর যুগের এ একটা বিস্ময়কর, লজ্জাকর ব্যাপার।

II পুরাতন ইতিহাস II

বর্তমান ফরাসী শাসনতন্ত্রে কোনো ঔপনিবেশের অস্তিত্ব স্বীকৃত হয় নি। আফ্রিকার একতৃতীয়াংশ জুড়ে যে বিস্তীর্ণ ফরাসী সাম্রাজ্য, তা শব্দ,

ফ্রান্সের 'সাগর-পারের ব্যক্তি', তার একান্ত অবিভেজ্য অংশ। আরব এক-দিন য়ুরোপের বৃকে হামলা করেছিল; স্পেন ও পর্তুগাল অধিকার করে ফ্রান্সের কিছু জমিও দখল করেছিল। তাই পর্তুগাল যখন পোপের সনদ নিয়ে প্রাচ্য বিজয়ে অগ্রসর হল, তার অন্যতম প্রধান উদ্দেশ্য ছিল মুরজাতির ধ্বংস। এ-উদ্দেশ্য সে কোনদিন গোপন করে নি, মুরজাতিরা সেখানেই দেখেছে, পর্তুগীজ তাকে ধ্বংস করেছে। কিন্তু ফ্রান্স তো অমন বর্বর নয়! তাই তার সাম্রাজ্যে সে ঘোষণা করল আরবরা ফরাসী জাতির মধ্যে বিলীন, অর্থাৎ ফরাসী ও আরব মিলে এক জাতি, এক দেশ, এক কৃষ্টি, এক পতাকা। প্রতীকের প্রতি ফরাসী জাতির দুর্বলতা জাতিগত। মিথ্যে ও অন্তঃসার-শূন্য হয়ে গেলেও প্রতীককে সে ছাড়তে রাজী নয়। "সাগরপারের ফ্রান্স", ফ্রান্স ও ভারসীজ, এমনি প্রতীক। আলজেরিয়ায় ফ্রান্সের প্রভুত্ব নেই, আছে "উপস্থিতি", দি প্রেজেন্স অব ফ্রান্স।

এ-উপস্থিতিটা কেমন করে এল? ১৮৩০ সালে আলজেরিয়ার সুলতানের দরবারে ফরাসী রাজদূত অপমানজনক ব্যবহার করেছিলেন। রেগে গিয়ে সুলতান তাকে চপেটাঘাত করেন। এই অসম্মানের প্রত্যুত্তরে ফ্রান্স আলজেরিয়া অধিকার করে বসল। তখন লেভান্ট অঞ্চলে, মিশরে ও ভারতবর্ষে ও ভারত মহাসাগরে ইংরাজের কাছে ফ্রান্স পরাজয় মেনে নিয়েছে। উত্তর আফ্রিকার অতলান্তিক তীরবর্তী অঞ্চল ফ্রান্সের প্রতিবেশী এলাকাই বলা চলে। য়ুরোপে বিসমার্ক-চালিত জার্মান শক্তির সঙ্গে ফ্রান্স, বৃটেন ও রাশিয়ার বিরাট প্রতিদ্বন্দ্বিতা। বিসমার্ক ফরাসী দৃষ্টি য়ুরোপ থেকে আফ্রিকার দিকে পরিচালিত করতে তৎপর হলেন। বললেন, স্বাভাবিক নীতি অনুযায়ী ফ্রান্স উত্তর আফ্রিকায় আত্মপ্রসারের অধিকারী। ইংরেজ বাধা দেবার প্রয়োজন বোধ করল না। ফরাসী শক্তি ক্রমে উত্তর আফ্রিকায় কায়ম হল। প্রথমে আলজেরিয়া, তারপর তিউনিসিয়া ও মরক্কো। আলজেরিয়া থেকে সাহারা।

ফরাসী সাম্রাজ্য ক্রমে ক্রমে আফ্রিকার অর্ধেক গ্রাস করে বসল। উত্তর আফ্রিকা, পশ্চিম আফ্রিকা ও ফরাসী ইকোয়েটোরিয়েল আফ্রিকা মিলে যে প্রকাণ্ড স্থলভূমি আরতনে তা সমগ্র মহাদেশের তৃতীয়াংশের বেশি। তার উপরে আছে ভারত মহাসাগরে অবস্থিত আফ্রিকার গা-ঘেঁষা মাদাগাস্কার দ্বীপ।

ইংরেজ "এম্পায়ার" বলতে গর্ব অনুভব করে, ফরাসী লজ্জা পায়। তাই সে বলে, সাগর-পারের ফ্রান্স, পৃথিবীর অসভ্য অঞ্চলে সুসভ্য ফ্রান্সের "উপস্থিতি"।

এই 'উপস্থিতি' ঔপনিবেশিক জাতিগুলি কিন্তু একদিনের জন্যও মেনে নেয় নি। শ্রী কে এম পানিকর তাঁর "এশিয়া ও পশ্চিমী প্রভুত্ব" নামক বিখ্যাত পুস্তকে দেখিয়েছেন, কী ভাবে ১৭৪৭ সাল থেকে ১৮৪৭ এই একশো বছরে ফ্রান্স "ধর্ম, ধান্পা ও বলের" জোরে ("ধর্ম মিশনস, ফুড অ্যান্ড ফোর্স") দক্ষিণ-পূর্ব এশিয়ায় নিজের উপস্থিতি কায়ম করতে চেয়েছিল। উত্তর আফ্রিকাতেও অন্য পথ অনুসৃত হয় নি। তাই প্রথম থেকেই আলজেরিয়ার লোকেরা প্রাণপণ ফরাসী উপস্থিতির প্রতিরোধ করে এসেছে। ১৮৩০ সালে

আলজেরিয়াস' দখল করলেও সতেরো বছর লেগে গেল ফরাসী শক্তির সমস্ত নতুন দেশটায় প্রভুত্ব বিস্তার করতে। ১৮৫০ থেকে ১৮৭১—এই একুশ বছরে তিনবার ভ্রম্মানক বিদ্রোহের সম্মুখীন হতে হল ফরাসী শাসকদের। প্রত্যেক বিদ্রোহ দমন করার সঙ্গে সঙ্গে ফরাসী উপস্থিতি প্রসারিত হতে লাগল। তৃতীয় বিদ্রোহের পর ফ্রান্স থেকে আমদানী হতে লাগল হাজার হাজার শ্বেতাঙ্গ পরিবার, আলজেরিয়ায় বসবাসের জন্যে।

॥ কোলন, ভূমি, হতাশা ॥

বর্তমানে দশ লক্ষ ফরাসী আলজেরিয়ায় বাস করে। এদের বলা হয় কোলনস। এরা বলে, আলজেরিয়া এদের “মাতৃভূমি”। এরা কোনোমতেই আরবদের হাতে ক্ষমতা হস্তান্তর সহ্য করতে রাজী নয়। আর এদের এত ক্ষমতা যে, প্যারিসে অবস্থিত কোনো সরকারই এ-বিরোধিতা অগ্রাহ্য করার সাহস রাখেন না। ১৯৩৬ থেকে ১৯৫৭ পর্যন্ত প্রত্যেক রাজনৈতিক সংস্কারের উদ্যোগ এই কোলনদের হাতে পরাস্ত ও লাঞ্ছিত হয়েছে।

তার কারণ তিনটে। এক, ফরাসী রাজনৈতিক জীবনের চিরন্তন দুর্বলতা। দুই, এই দুর্বলতার সুযোগ নিয়ে সামরিক নেতাদের ক্রমাগত ক্ষমতা বৃদ্ধি। তিন, আলজেরিয়ায় বহুদিন ধরে কোলনদের একচেটিয়া প্রতিপত্তি। কোলন ও সামরিক নেতাদের মিতালি এতই বলীয়ান যে, কোনো ফরাসী সরকারই তার কাছে মাথা তুলে দাঁড়াতে পারেন না।

পারবেন কী করে? গণতন্ত্রের একটা মূল-শক্তি হল রাজনৈতিক জীবনের সুস্থিরতা। ফ্রান্সে এর অভাব চিরদিনের। মহামতি হেগেল বলেছিলেন, “ইতিহাস কেবল একটি শিক্ষা দিয়ে থাকে : তা হচ্ছে, ইতিহাস কিছুই শেখায় না।” অন্তত ফ্রান্সের ক্ষেত্রে তা প্রযোজ্য। ১৭৮৯ সালে হল ফরাসী বিপ্লব। তার পরের দশ বছরে ফ্রান্সে আরো চারবার বিপ্লব হয়েছে, দুবার হয়েছে “ক্যু দ’তা”, ফ্রান্স চারটে বড় যুদ্ধে জড়িয়ে পড়েছে, আর এগারোবার তার শাসনতন্ত্র বদলেছে। ১৭৮৯ থেকে আজ পর্যন্ত সে চারটে রিপাবলিক ঘোষণা করেছে। “তৃতীয় রিপাবলিক” বেঁচে ছিল ৬৫ বছর—ফরাসী রাজনৈতিক ইতিহাসে দীর্ঘতম স্থিতিশীলতা। তবু, এরই মধ্যে একশোবার ক্যাবিনেট পরিবর্তন! “চতুর্থ রিপাবলিক” স্থাপিত হল দ্বিতীয় মহাযুদ্ধের পর। এই বারো বছরে ফ্রান্সে চতুর্দশবার নতুন ক্যাবিনেট গঠিত হয়েছে—গড়ে কোনো গভর্নমেন্ট ছ-মাসের বেশি বেঁচে থাকতে পারে নি।

ফ্রান্স ইতিহাস সৃষ্টি করেছে। কিন্তু ইতিহাসের কাছ থেকে শিক্ষা নেয় নি। মহাপণ্ডিত সান্তায়ানা বলেছেন, “অতীতকে ভুলে যাবার বিপদ হল, অতীতের ভুলগুলি বার বার ফিরে আসে।” ফরাসী জাতির ইতিহাসে এর নজীর অনেক।

রাজনৈতিক জীবনের এই দুরারোগ্য দুর্বলতা ফরাসী জাতির দৃষ্টিকে বদলায় নি। সে আজও নিজেকে মনে করে একটা ‘বৃহৎ শক্তি’, বিগ পাওয়ার। আসলে যৌন নৈপোলিয়ন বোনাপার্ট বার্থ হয়ে রাশিয়া থেকে ফিরে আসেন,

তখন থেকে ফ্রান্স “বৃহৎ শক্তি”র আসল বল হারিয়েছে। • প্রথম মহাযুদ্ধে সে ছিল সবচেয়ে বড় বিজয়ী বীর, কিন্তু সবচেয়ে অস্তঃসারশূন্য ছিল তার সেই বিজয়। তার প্রমাণ পাওয়া গেল শ্বিতীয় মহাযুদ্ধে। তবু মিত্রশক্তিদের দক্ষিণে, তার বৃহৎ শক্তি নামটা বজায় রইল। যেখানে ফ্রান্সের সত্যিকারের মাহাত্ম্য, তার চিরন্তন বিজয়—সেই শিল্প, সাহিত্য, চিন্তাধারা—তা প্রসারিত করতে পারলে ফ্রান্স সর্বজনীন সম্মান পেত। কিন্তু সে বেছে নিল রাজ-নৈতিক, সামরিক ও সাম্রাজ্যিক পথ। বারো বছর বিরামহীন ঔপনিবেশিক যুদ্ধে তার প্রাণধারা মরুপথে হারিয়ে যেতে লাগল, আর রাজনৈতিক দল-গুলির বর্ধমান দৌর্বল্যের সঙ্গে সঙ্গে সামরিক নেতারা ক্রমাগতই শক্তিমান হয়ে উঠলেন। এখন অবস্থা এমন হয়ে দাঁড়িয়েছে যে, মিঃ মেন্ডেল-ফ্রান্স, যিনি তিউনিসিয়াকে হোম-রুল দিয়েছিলেন এবং ইন্দোচীনে শান্তি এনে-ছিলেন, “বিশ্বাসঘাতক” বলে স্বদেশে নিষিদ্ধ। আলজেরিয়ার আরবদের উপর ফরাসী সৈন্যরা যে বর্বরতম শারীরিক অত্যাচার করে আসছে, তার নিন্দা ফ্রান্সে অসহ্য। যে-সব সাহসী ও উদারপন্থী ফরাসী এ-অত্যাচারের নিন্দা করেছেন, তাঁদের উপর হয়েছে পদূলিসী জুলুম, পড়েছে সরকারী বিম্বেষ। সমালোচনাপন্থী পত্র-পত্রিকা একে একে বন্ধ করে দেওয়া হচ্ছে। ঔপনিবেশিক যুদ্ধ-বিরোধী দলগুলির সভাসমিতি ভেঙে দিচ্ছে ফ্যাসীবাদ স্বাক্ষর। ক্রমে ক্রমে ফ্রান্স মিলিটারী একনায়কত্বের দিকে এগিয়ে চলেছে।

আলজেরিয়া আয়তনে ফ্রান্সের চেয়েও বড়। সমুদ্রের কাছাকাছি উর্বর ভূমিতে ফরাসী-নির্মিত বড় বড় শহর, সেখানকার নাচের হল ও নাইট-ক্লাব প্যারিস বা মার্সেলকেও হার মানায়। সমুদ্রতীরের এই উর্বর জমি প্রায় সবটাই কোলনদের। ফ্রান্সে জমিদারীর বৃহত্তম আয়তন আইন স্বারা নির্দিষ্ট; কিন্তু আলজেরিয়ায় এমন কোনো স্বাধীনতার সীমা-সংকোচ নেই। আরবরা বাস করে পার্বত্য অঞ্চলে, ভূমি যেখানে নির্দয়, নিষ্ঠুর; জলের একান্ত অভাব। অথবা শহরের উপকণ্ঠে বসিত এলাকায়, সস্তায় শ্রমদানের জন্য। প্রত্যেক বছর এই পার্বত্য জমির অনেকখানি সমুদ্রের বৃকে চলে যায়, সে-জমি আরবদের। প্রত্যেকদিন আরবদের ঘরে পাঁচশত নতুন ক্ষুধার্ত শিশুর জন্ম হয়। রেলপথ, জাহাজ, শিল্প সব কিছুর মালিক ফরাসী; কৃষি-ঋণ—বা সরকার প্রত্যেক বছর দিয়ে থাকেন, তার শতকরা নব্বুই ভাগ যায় ফরাসীদের তহবিলে। চাষীদের অধিকাংশই বেকার, নয়তো অর্ধ-বেকার। খুব অল্প-সংখ্যক আরবের ভোটাধিকার আছে। তাই স্থানীয় বিধানসভাতেও কোলনরাই সর্বোর্ব। বেশিভাগ আলজেরিয়ান অশিক্ষিত, দরিদ্র, রোগজর্জর। কোলন-দের নানাপ্রকার “বিশেষ অধিকার” আইন স্বারা স্বীকৃত। তথাপি, আল-জেরি়া ফ্রান্সেরই আঙ্গিক অংশ। যদিও ফরাসী পার্লামেন্টে ১৬০ জন আলজেরিয়ান সভ্যের স্থান হওয়া উচিত ছিল। বর্তমানে দশজনও নেই।

১৯৫৪ সালের নভেম্বর মাসে পার্বত্য অঞ্চলে আলজেরিয়া বিদ্রোহের সূচনা হয়। প্রথম প্রথম ফরাসী সরকার ব্যাপারটাকে উড়িয়ে দিতে চাইলেন। বললেন, মন্টিমেয় কয়েকজন বিদ্রোহী ডাকাত লুণ্ঠপাট শুরু করেছে, তাদের সারেন্সতা করতে মোটেই সময় লাগবে না। প্রথম দেড় বছর ফরাসী সরকার বলে চললেন যে, বিদ্রোহীদের সমর্থকরা তিন হাজারের বেশি নয়; পরে দেখা গেল, প্রথম সাত মাসেই ফরাসী সৈন্য সাড়ে তিন হাজার আলজেরিয়ান নিহত করেছে, প্রায় তিন হাজার হয়েছে আহত, দশ হাজারেরও বেশি প্রেরিত হয়েছে বন্দী-শিবিরে! আজ পর্যন্ত চল্লিশ হাজার আলজেরিয়ান স্বাধীনতা যুদ্ধে প্রাণ দিয়েছে, প্রায় ষাট হাজার বন্দীশিবিরে অকথা অত্যাচার সহ্য করে বেঁচে আছে। তথাপি জাতীয়তাবাদী সেনার সংখ্যা বেড়েই চলেছে। কিছুদিন আগে লন্ডনের “টাইমস” পত্রিকার প্যারিস সংবাদদাতা আম্দাজ্জ করেছিলেন যে, আলজেরিয়ান জাতীয়তাবাদী সেনাবাহিনীতে কমপক্ষে ষাট হাজার যুদ্ধমান সৈন্য আছে, আর রিজার্ভ হিসাবে গোটা যুদ্ধোপযুক্ত জাতিটাকেই ধরা যেতে পারে।

প্রথম দিকে জাতীয়তাবাদীদের দুটো প্রধান দল ছিল। একটা চরমপন্থী — “আলজেরিয়ান জাতীয় মুক্তিফ্রন্ট” (এফ এল এন), অন্যটা নরমপন্থী “আলজেরিয়ান জাতীয় আন্দোলন”। মাঝখানে যারা ছিল, তারা ফরাসী প্রসাদপুষ্ট, হয় বড় জমিদার নয় উপজাতিদের নায়ক। যুদ্ধমান জাতীয়তাবাদীরা ফ্রন্টের হিংস্রতার সঙ্গে এদের অনেককে হত্যা করেছে, ফরাসী বাহিনীর সঙ্গে সহযোগিতার অপরাধে অনেক গ্রাম জ্বালিয়ে দিয়েছে। জাতীয় মুক্তি ফ্রন্টের হেড আপিস কাইরোতে—সেখান থেকেই এর নেতারা সবচেয়ে বেশি সাহায্য পেয়ে এসেছেন, ভাষগত, আর্থিক ও আশ্রিত। মিশর সাহায্য দিচ্ছে সবচেয়ে বেশি, কিন্তু অল্পবিস্তর দিয়েছে সব আরব দেশ। ফরাসী অত্যাচার ও আপোসবিরোধী মনোভাব একে একে নরমপন্থী নেতাদের ও ফ্রন্টে যোগ দিতে বাধ্য করেছে। বর্তমানে এমন ছোট-বড় আলজেরিয়ান নেতা নেই বললেই হয়, যারা ফ্রন্টের সমর্থক নন। দুইটি দলের একটা যৌথ আপিস আছে তিউনিস শহরে, যেখান থেকে আলজেরিয়ার সংগ্রাম পরিচালিত হয়, আহতদের আরোগ্যের ব্যবস্থা করা হয়, সৈন্যদের রসদ পাঠানো হয় এবং প্রচারকার্য চালাানো হয় তিউনিসিয়ায় ও মরক্কোতে।

মুক্তি ফ্রন্টকে ফরাসী সরকার “কম্যুনিস্ট” বদনাম দিয়েছেন। আসলে আলজেরিয়ার স্বাধীনতা ছাড়া ফ্রন্টের প্রোগ্রামে অন্য কিছুই প্রায় নেই। ফ্রন্টের দাবি হল : প্রথম, ফ্রান্স সাহারা সমেত আলজেরিয়ার স্বাধীনতা মানবে; দ্বিতীয়ত, ফ্রন্টের সঙ্গে একত্র হয়ে যুদ্ধবিবর্তিত আনবে; তৃতীয়ত, ফ্রন্টকে একটা সাময়িক জাতীয় সরকার গঠন করবার অধিকার দেবে; চতুর্থত, এই সরকার আন্তর্জাতিক পর্যবেক্ষণে সারা আলজেরিয়ায় নির্বাচনের ব্যবস্থা করবে এবং পশ্চমত, নির্বাচিত সরকারের সঙ্গে আলাপ-আলোচনার পথে ফ্রান্স ও স্বাধীন আলজেরিয়ার নতুন সম্পর্ক নির্ধারিত হবে। ভূমি বা সমাজ সংস্কারমূলক কোনো দাবিই ফ্রন্টের প্রোগ্রামে নেই। আলজেরিয়ায় যে দশ

লক্ষ কোলন আছে, তাদের আরবদের সঙ্গে সমান নাগরিক অধিকার থাকবে— অর্থাৎ বর্তমান আলালের ঘরের দুলাল হয়ে বাস করা চলবে না। ফরাসী অর্থনৈতিক ও বাণিজ্য স্বার্থ চুক্তি স্বারা সুরক্ষিত হবে।

ফরাসী সরকার কোনোমতেই আলজেরিয়ার স্বাধীনতা মানবেন না। তাহলে ফ্রান্সের অস্তিত্বই হয়ে পড়বে বিপন্ন, পঙ্গু। ফ্রান্সের কারখানাগুলি কাঁচা মাল পায় আফ্রিকা থেকে; উৎপন্ন দ্রব্য অনেক লাভে বিক্রি করে আফ্রিকায়। তিউনিসিয়া ও মরক্কো স্বাধীন রাষ্ট্র হিসাবে ফরাসী দখলে আসে; তাদের ক্ষতস্থ ব্যক্তিও ফ্রান্স কোনোদিন অস্বীকার করে নি। কিন্তু আজ যদি আলজেরিয়াকে স্বরাজ দেওয়া হয়, কাল একই দাবি উঠবে দাকার, সেনেগাল, মাদাগাস্কার থেকে। একই দাবি উঠবে ইকোয়েটোরিয়েল আফ্রিকার জবলন্ত মরুভূমি হতে। তারপর সাহারা তো আর সেই পুরাতন সর্বহারা নেই। তার বালুর নীচে অতল ঐশ্বর্যের সম্ভান মিলেছে। যদি ফ্রান্স এই নতুন-পাওয়া তেল স্বাধিকারে না রাখতে পারে, তবে তো তা চলে যাবে মার্কিন কব্জায়! সুতরাং স্বাধীনতা! নৈব নৈব চ।

তবে হ্যাঁ, ফ্রান্স কিছুটা কৃতৃষ্ণ ছেড়ে দিতে রাজী হয়েছে। আলজেরিয়ার যুদ্ধ সর্বপ্রথম ফরাসীকে উত্তর আফ্রিকার প্রকৃত অবস্থা জানবার সুযোগ দেয়। লড়াই বাধবার কয়েক মাসের মধ্যে ফরাসী পার্লামেন্ট একটি মিশন পাঠান আলজেরিয়ার বাস্তব অবস্থার সম্বন্ধে। এ-মিশনের রিপোর্টে ফরাসীরা সর্বপ্রথম জানতে পারে আলজেরিয়ানদের ভরৎকর দারিদ্র্য, ভূমি ও জলের একান্ত অভাব, নিদারুণ অশিক্ষা, ব্যাপকতম অস্বাস্থ্য, পর্বতপ্রমাণ হতাশা। “আলজেরিয়া ফ্রান্সেরই অঙ্গ” কথাটার মিথ্যা একেবারে ধরা পড়ে যায়। মিশনের যিনি নেতা ছিলেন, তিনি পরিষ্কার ভাষায় ফরাসী পার্লামেন্টকে বললেন, আলজেরিয়াকে ফ্রান্সের অঙ্গীভূত করবার দূরাশা আমাদের ত্যাগ করতে হবে। বরং অন্যভাবে সম্পর্কিত করার চেষ্টা চলতে পারে।

আগেই বলেছি, প্যারিসের দুর্বল ও ক্রম-পরিবর্তনশীল সরকারগুলি কোনোদিনই কোলন ও আর্মির বিরুদ্ধে আলজেরিয়ার রাজনৈতিক সংস্কার সাধন করতে পারেন নি। ১৯৩৬ সালে ফরাসী সরকার—প্রধানমন্ত্রী ছিলেন বিখ্যাত সমাজতান্ত্রিক নেতা লিও ব্লুঁ—সংস্কারমূলক আইন প্রণয়ন করেছিলেন; কিন্তু আলজিয়ার্স শহরে সুপ্রতিষ্ঠিত ফরাসী শাসকরা তাকে এক পাশে সরিয়ে রেখে দিলেন। তারপর ১৯৪৭ সালে আবার নতুন ফ্রান্স-সংস্কারের আইন তৈরী হল; আলজেরিয়ান সরকার তাকে এমনভাবে চালু করলেন যে, শব্দ কোলনরাই উপকৃত হল। তারপর অনেক বছর কেটে গেল। মোশেদজ-ফাঁস প্রধানমন্ত্রী হয়ে ইম্পেটীনে শান্তি আনলেন, তিউনিসিয়াকে হোম-রুল দিলেন (তাঁর আগেই মরক্কোর স্বাধীনতা স্বীকৃত হয়েছিল), কিন্তু আলজেরিয়ার কথা মনে আনতেই তাঁর চাকরি গেল। স্বাভাবিক এক প্রস্তুত রাজনৈতিক অনিশ্চয়তার পরে ১৯৫৫ সালে ফরাসী দেশে সমাজতান্ত্রিক দল পুনরায় সরকারী ক্ষমতা পেল—যুদ্ধের পরে এই প্রথম। প্রধানমন্ত্রী হলেন ভূতপূর্ব স্কুলমাস্টার মলে; পররাষ্ট্র মন্ত্রী বুদ্ধিজীবী বলে সুখ্যাতি ক্রিস্টিয়ান পিনো; যুদ্ধমন্ত্রী খাস আমলের সাম্রাজ্যবাদী বুদ্ধিজীবী-মানরী।

মলে যখন প্রধানমন্ত্রী হলেন তখন ফ্রান্সের সবচেয়ে বড় সমস্যা আল-

জেরিয়ার। এ-সমস্যা সমাধানের পথে পা বাড়িয়ে মলে বিশ্বদৃষ্টি আকর্ষণ করলেন। তিনি প্রবীণ উদারপন্থী সেনাপতি জেনারেল কারট্রুকে (Cartroux) আলজেরিয়ার শাসক নিষ্ফল করে নতুন নীতির উদ্ঘাটন করলেন। এবং স্বয়ং গিয়ে উপস্থিত হলেন আলজিয়ার্স শহরে আরব প্রতিনিধিদের সঙ্গে আলোচনার মহান উদ্দেশ্যে।

কিন্তু হার, কোলনদের তিনি জানতেন না। আলজিয়ার্সে উপস্থিত হয়ে মলে দেখতে পেলেন বিরাট শ্বেতাঙ্গ জনতা কৃষ্ণ পতাকা হাতে করে, নানা ধরনের গালির স্লেগান তুলে তাঁকে ‘অভ্যর্থনা’ করতে এসেছে। মলে দমে গেলেন। মাটিতে পা দেবার সঙ্গে সঙ্গেই পচা ডিম ও কাদার বৃষ্টি বর্ষণ হল তাঁর সর্বাঙ্গে। এবার মলে মূর্ছা গেলেন। সম্বৎ ফিরে পেয়ে আদেশ করলেন, জাহাজের ঘরে আমাকে নিয়ে চল। সেখান থেকেই কারট্রুর নিয়োগ তিনি নাকচ করলেন। জাহাজের কেবিনে শ্বেতাঙ্গ উচ্চ-ব্যক্তিত্ব তাঁর দর্শন পেলেন। কোনো আরবকে তিনি দেখা দিলেন না। মলের আলজেরিয়া-দর্শন সমাপ্ত হল।

প্যারিসে ফিরে মলে মরিয়া হয়ে উঠলেন। তাঁর একমাত্র নীতি হল ‘বন্ধুং দেই’। যুরোপ থেকে দলে দলে ফরাসী সৈন্য আলজেরিয়াতে আসতে লাগল। মার্কিন সরকার থেকে পাওয়া অস্ত্র-শস্ত্র আলজেরিয়ার বন্ধু নিষ্ফল হল। এ-বন্ধুর চাপে ফ্রান্সের অর্থনীতির ভিত্তি কেঁপে উঠল। তবু ফিরবার উপায় নেই। ‘পাপের দ্বারা পাপ সহায় মাগিছে’। বন্ধুর সঙ্গে এল অত্যাচার। মলে দেখতে পেলেন আলজেরিয়ার জাতীয়তাবাদীরা প্রাণশক্তি পাচ্ছে মিশর থেকে। তাই মিশর আক্রমণে তিনি প্রধান ভূমিকা গ্রহণ করলেন। যখন এই অপ-প্রচেষ্টা পুরোপুরি লালিত্ব হল, মলে ভূতপূর্ব প্রধানমন্ত্রীদের ভারী দলকে আরো একটু ভারী করলেন।

বর্তমানে আলজেরিয়ার সাড়ে চার লক্ষ ফরাসী সৈন্য বন্ধুশাসিত। এদের অস্ত্রের একটা মোটা অংশ মার্কিন। প্রত্যেক দিন এ-বন্ধু ফ্রান্সের দেড় কোটি টাকা খরচ হয়। এ-অর্থ তার নেই। মার্কিন অর্থ-সাহায্যের প্রায় সবটাই সে ঢালছে আলজেরিয়ার রণক্ষেত্রে। এইতো সেদিন আমেরিকা ফ্রান্সকে আরো সাড়ে পঁয়ষট্টি কোটি ডলার ঋণ দিল, জেনেশুনেই দিল যে টাকাটা পুরো আলজেরিয়ার বন্ধু ব্যয়িত হবে। আলজেরিয়া হয়ে দাঁড়িয়েছে ফ্রান্সের পয়েন্ট অব নো রিটার্ন।

॥ সাক্ষ্যেত সিদ্ধি স্ফুট ॥

তিউনিশিয়া পশ্চিমপন্থী ও ফরাসী মিতালির গ্রাহক হলেও তার প্রধান দরদ প্রতীবেশী আলজেরিয়ার জন্য। প্রেসিডেন্ট বরগাইবা বলেছেন, “ফ্রান্স আমাদের মিত্র, কিন্তু আলজেরিয়া আমাদের ভাই। জলের চেয়ে রক্ত ঘন হো বটেই।” বরগাইবা একমাত্র জনপ্রিয় আরব নেতা, যিনি শ্বেচ্ছায় পশ্চিমী শক্তিগুলির মিত্রতা কামনা করেন কিন্তু তাঁর ক্ষমতাও একেবারে নিরাপদ নয়। নিও-দস্তুর পার্টির সংগ্রামকালে তাঁর প্রধান সহকর্মী ছিলেন সালহ বেন

য়দুসুফ। তিনি নাসেরপন্থী : তিউনিসিয়া থেকে নির্বাসিত হয়ে বর্তমানে কাইরোয় অবস্থান করছেন। স্বদেশে তাঁর প্রতিপত্তি রয়েছে বেশ খানিকটা : কাইরো থেকে বরগুইবার বিরুদ্ধে, তাঁর পশ্চিমমুখী নীতির বিরুদ্ধে, তিনি সজোরে প্রচার চালাচ্ছেন। কাইরো সরকার তাঁর প্রতি সহানুভূতিশীল। শব্দ তাই নয়, বরগুইবার তরুণ সমর্থকরা ক্রমেই তাঁদের নেতার পশ্চিমপন্থী মনোভাবের বিরুদ্ধে দাঁড়াচ্ছে। এই তরুণদের পত্রিকা L' Action কিছুদিন আগে মন্তব্য করেছিল, “১৯৫৮ সালে দুনিয়ায় সম্মান পেতে হলে পশ্চিমের মিত্র হয়ে থাকা যায় না। সম্মান ও খোসামুদ পেতে হলে, হতে হয় নেহরু বা টিটো বা নাসের। ১৯৫২ সাল থেকে নাসের যে-পথে চলে এসেছেন, বরগুইবা যেদিন সে-পথে পা দেবেন, সেদিন তিউনিসিয়া আর আক্রান্ত হবে না। গালি কুড়োবে না। সেদিন সবাই তাকে সম্মিহ করবে।”

বরগুইবা ও মরক্কোর সুলতান, সীদি মহম্মদ বেন যদুসুফ, দুজনেই জানেন, আলজেরিয়ার যুদ্ধ না মিটলে, আলজেরিয়া স্বাধীনতা না পেল, তাদের পশ্চিম-মুখী নীতি নিরাপদ নয়। আলজেরিয়ার আরবরা ১৯৫৪ থেকেই তিউনিসিয়ার সাহায্য পেয়ে আসছে। যুদ্ধে আহতদের চিকিৎসা হচ্ছে তিউনিসিয়ায়, সীমান্তের পার্বত্য-অঞ্চলে হেরে গিয়ে আশ্রয় নিচ্ছে তিউনিসিয়ায়। কখনো বা তিউনিসিয়ান ভূমি থেকেই ফরাসীদের ওপর আক্রমণ চালিয়েছে। ফরাসী সামরিক নেতারা বার বার প্যারিসের সরকারকে বলেছেন, তিউনিসিয়াকে সায়েস্তা করো, নয়তো যুদ্ধে বিজয় হবে না। এ নিয়ে ফ্রান্স ও তিউনিসিয়ার মধ্যে মনোমালিন্য লেগেই আছে। ফরাসী সরকার তিউনিসিয়া বা মরক্কোর সাহায্যে আলজিরিয়ার শান্তির ঘোর বিরোধী। ১৯৫৬ সালের হেমন্তে সুলতান আলজিরিয়ান লিবারেশন ফ্রন্টের পাঁচজন নেতাকে বাবাত শহরে আলোচনার জন্যে নিমন্ত্রণ করেছিলেন। এঁরা যখন আলজিয়াস ও বাবাতের পথে, তখন হঠাৎ সামরিক কর্তৃপক্ষ, প্যারিস সরকারের অজ্ঞাতে এঁদের গ্রেপ্তার করেন। খবরটা যখন প্যারিসে পৌঁছিল, প্রধানমন্ত্রী মলে পার্লামেন্টে ভাষণ দিচ্ছেন। টেলিগ্রাম পেয়েই তিনি আঁতকে উঠলেন, মত দিয়ে বেবিষে গেল, ‘কী সর্বনাশ’। কয়েক ঘণ্টা পরে এক বিবৃতিতে সামরিক নেতাদের কাজ তিনি পূর্ণ সমর্থন করলেন।

এমনি ঘটনা আবার ঘটল বর্তমান বছরের ১০ই ফেব্রুয়ারী। সাকিয়েত সিদি যদুসুফ আলজেরিয়ার সীমান্তে একখানি তিউনিসিয় গ্রাম। প্রত্যেক সোমবার সেখানে হাট বসে, স্কুলের সংলগ্ন মাঠে; আরব শ্রী-পুরুষ-শিশু হাটে ভিড় জমায়। এমনি এক হাটবার ছিল ১০ই ফেব্রুয়ারী। হঠাৎ সাকিয়েতের আকাশ কালো করে দেখা দিল ত্রিশখানা বিমান; তার সত্তেরোখানা মার্কিন কাবখানায় তৈরী। হাটে মাঠে রাস্তায় চলল গোলাবর্ষণ। মাটির কাছাকাছি নেমে এসে মেশিনগান চালান ফরাসী বিমানবাহী সৈন্য। স্কুল ধ্বংস হল, হাট ছত্রভঙ্গ হল, মৃত্যু এসে ঘিরে ফেলল সাকিয়েত গ্রাম। আশিজন মারা পড়ল, তার মধ্যে অনেক শ্রীলোক ও শিশু। স্কুলে একদল ছেলে আর্ট ক্লাস করছিল। তাদের প্রায় সবাই নিশ্চই হল। “ম্যাপ্লেস্টার গার্ডিয়ান” পত্রিকার সংবাদদাতা জেমস্ মরিস দশ দিন পরে সাকিয়েত দর্শন করে যে অসম্পর্কীয় বিবরণ দিলেন, তাতে বললেন, “এখানকার চোর গাছে

ফুল ফুটেছে। একটা পরিভ্রমণ বাড়িতে নিঃসঙ্গ কুকুরের আতর্জনাদ। এখানে যে আসবে তাকেই ফরাসী আক্রমণের ভয়াবহ পরিণাম দেখতে হবে। সাকিয়েতের মাঝখানটা একেবারে ধ্বংস হয়ে গেছে। ধ্বংস হয়েছে হাটবারে, দিবা-লোকে। যারা মরেছে তাদের মধ্যে বিশটি শিশু। ধ্বংসাবশেষের মধ্যে এই মর্মবিদারক ঘটনার স্মৃতিচিহ্ন। এখানে দেখা যায়। এখানে একপাটি জুতো। এখানে ফুলছাপ, কাপড়ের টুকরো। স্কুলের ছেলেরা ছবি আঁকা শিখছিল, তাদের রং, তুলি, কাগজ, রঙিন খেলনা ইত্যদ্যত বিক্ষিপ্ত। টুকরো হয়ে যাওয়া একটা রেডক্রস গাড়িতে এখনও জেনিভার নম্বর-প্লেট দেখতে পাওয়া যায়। তিউনিসিয়া গাইডরা ধ্বংসস্থল ঘেঁটে দম্ভডোনো কার্তুজ বার করে। বাঁকা হাসির সঙ্গে বিদেশীর পকেটে সেগুলো ফেলে দিয়ে বলে, ‘এই নাও মার্কিন বোমা’।” (‘ম্যাগেস্তার গার্ডিয়ান’, সাপ্তাহিক সংখ্যা, ২৭শে ফেব্রুয়ারী।)

সাকিয়েত আক্রমণের জন্যে ফরাসী সরকার একটুও তৈরী ছিলেন না। ব্যাপারটা ঘটায় আলজিরিয়ার সামরিক নেতারা, প্যারিসকে না জানিয়ে। ২৯শে জানুয়ারী ফরাসী ক্যাবিনেটে তিউনিসিয়ার আশ্রয় নেওয়া আলজিরিয়ান ঘাঁটিগুলোর বিরুদ্ধে ‘ব্যবস্থা’ করার সিদ্ধান্ত গ্রহণ করেছিলেন। কিন্তু সে-‘ব্যবস্থা’ কি এই? সাকিয়েত আক্রমণের পর ছ-ঘণ্টা ধরে ক্যাবিনেটের বৈঠক হল; পার্লামেন্টে আবহাওয়াও ভয়ানক গরম। প্রধানমন্ত্রী ফেলিক্স গাইলার্ড নার্সিস ব্রেকডাউন নিয়ে নিজের হোটেল দু-দিনের জন্যে দরজা বন্ধ করলেন—এমন কি ক্যাবিনেট মন্ত্রীবাও তাঁর দর্শন পেলেন না। প্রতিরক্ষামন্ত্রী শাবান-দেলমা আক্রমণ সমর্থন করলেন, সামরিক কর্তারা প্রথমত বেসামরিক হতাহতের কথা অস্বীকার করে বসলেন।

কিন্তু সাকিয়েতে তখন পৃথিবীর নজর পড়েছে। ক্রুদ্ধ হয়েছেন ডালেস পাছে তার বহু বন্ধু গড়া উত্তর আফ্রিকার মিশ্রতা ধ্বংসাত হয়ে যায়। রেগে-ছেন হ্যারল্ড ম্যাকমিলন, পাছে আফ্রিকাও পশ্চিম-কিরোধী হয়ে ওঠে। মাত্র কয়েক মাস আগে তাঁরা ফরাসী সরকারের প্রতিবাদ অগ্রাহ্য করে তিউনিসিয়াকে অস্ত্র পাঠিয়েছেন, পাছে অস্ত্রের জন্য বরগাইবাকে শেষটা রাশিয়ার কাছে হাত পাততে হয়। তারপর অবশ্য ফরাসী সরকারকে খুশী করবার জন্যে ডালেস সাড়ে পঁয়ষট্টি কোটি ডলার ধার দিয়েছেন। কিন্তু তার মানে কি এমনি করে নিজের বন্ধুকে ছুরি মারা? যতই কাইরো ও মস্কো বেতাবে বার বার ঘোষণা হতে লাগল পশ্চিমা সাকিয়েত আক্রমণকারী বিমানের সতেরোটি মার্কিন ততই ডালেস প্রমাদ গনতে লাগলেন। পশ্চিমী শিবিরের এই চরম দুর্বলতার স্বযোগ নিয়ে বরগাইবা দাবি করলেন, তিউনিসিয়া থেকে সব ফরাসী সৈন্য হটে যাক, তার স্বাধীনতা পূর্ণ হোক।

সাকিয়েতের অসুচিৎকার পৃথিবীর সর্বত্র মানুষের হৃদয়ে আঘাত করল। ১৮ই ফেব্রুয়ারী প্রিন্স হরু লোকসভায় সাকিয়েতের তুলনা করলেন জালিয়ান-ওয়ালাবাগের সঙ্গে। বললেন, “এটা সে জাতীয় বাঁধনসভা, যা একটা সমগ্র জাতির অন্তরকে আঘাত করে।” চেতাবনী দিলেন, “যদি এই ধরনের নীতিই অনুসৃত হয় তাহলে আফ্রিকায় মহা সর্বনাশ হবে।” জাতিপুঞ্জ এশিয়া-আফ্রিকা দলু ১৭পর হলেন। স্থানীয় পরিষদে আলোচনা উঠল। কখন

ফ্রান্স মার্কিন-ব্রিটিশ মধ্যস্থতা মানতে রাজী হল। কিন্তু মধ্যস্থতা শব্দে হতেই দেখা গেল আসল সমস্যা তো আলজিরিয়া! তার সমাধান না হলে ডিউনিসিয়ার সঙ্গে ফ্রান্সের কিংবা পশ্চিমের—সম্পর্ক মিথতায় স্থিতিশীল হতে পারে না। ফ্রান্স আলজিরিয়ার মাথা নত করতে চায় না। অথচ ইতিহাসের দাবি হচ্ছে এই। ইতিহাসের দাবি বড় কঠিন, বড় অমোঘ। যারা একদিন ইতিহাস সৃষ্টি করেছিল এশিয়া-আফ্রিকার দুর্বল ও পশ্চাৎপদ জাতি-গুলিকে একে একে জয় করে, আজ ইতিহাসের দাবিতেই তাদের শোধ-বোধ করতে হবে। “বিদ্রোহী নবীন বীর স্ববিরের-শাসন-নাশন, বার বার দেখা দিবে।” আলজিরিয়ার রণক্ষেত্রে তার আর একটি সিংহাসন, আর এক সম্ভাষণ রচিত হচ্ছে।*

॥ প্রসারিত নাসের-ভূমিকা ॥

“ধীরে বহে নীল” রচনা আবশ্বেক দিন থেকে পুস্তকাকারে প্রকাশ পর্যন্ত প্রায় এক বছর অতিক্রান্ত হয়েছে। এই ঘটনাবলি বৎসরকালে আরবসমাজের সবচেয়ে তাৎপর্যপূর্ণ ঘটনা নাসের-ভূমিকার চমকপ্রদ বিস্তৃতি। নাসের-ভূমিকা কেবল একটি জননেতার সর্বিস্তৃত আবেদন নয়; যে ঐতিহাসিক প্রেক্ষণা একে উজ্জ্বল করেছে তা হচ্ছে আরবের স্বাধীনতা, বিদেশী প্রতাপ থেকে, স্বদেশী অত্যাচার ও স্বৈরাচার থেকে। এ বিরাট প্রেরণাকে এগিয়ে নিয়ে যেতে পেরেছেন বলেই, একে বাস্তবে পরিণত করেছেন বলেই, নাসের আজ পৃথিবীর অন্যতম শ্রেষ্ঠ জননেতা। এর থেকে বিচ্ছিন্ন হয়ে তাঁর কোনো গৌরব নেই, মহানতা নেই।

সুয়েজ-লাজ্জনার পর পশ্চিমী শক্তিগুলির প্রধান প্রচেষ্টা ছিল নাসেরকে আরব-মানস থেকে বিচ্ছিন্ন করা, যুদ্ধের দাপট যা জয় করতে পারে নি অর্থ-নৈতিক চাপে তা করায়ত্ত করা। কিন্তু এক বছরে এই হীন প্রচেষ্টা ব্যর্থ হয়েছে, পরন্তু নাসেরবাদ নতুন সাফল্য অর্জন করেছে সৌদী আরবে ও লেবাননে। আটটি স্বাধীন আফ্রিকান বাস্তবের যে-সম্মেলন অনুষ্ঠিত হল ঘানা রাজ্যের রাজধানী আক্রা শহরে এপ্রিলের মধ্যভাগে, সেখানেও নাসেরের প্রভাব সবচেয়ে বেশি। উত্তর আফ্রিকার আরব-মানসে নাসেরবাদের প্রভাব বৃদ্ধি পেয়ে যে-অবস্থার সৃষ্টি হয়েছে তার একমাত্র পরিণতি হবে আলজেরিয়ার পূর্ণ স্বাধীনতায়, যতই রক্তাক্ত হোক না কেন এ-স্বাধীনতার পথ। নাসেরের বিরুদ্ধে পশ্চিম-প্রণীত পাল্টা ইরাক-জর্ডন আরব জোট ক্রমেই হীনবল হয়ে আসছে, এবং এমন একটা দিন আসবে অদূর ভবিষ্যতে যখন “তিন-রাজার শিবির” আর থাকবে না। আরব অঞ্চলে সর্বপ্রাচীন পশ্চিম-পন্থী দেশ হচ্ছে লেবানন। দীর্ঘকাল ধরে লেবাননকে বলা হয়ে আসছে আরবভূমিতে পশ্চিমের “খোজা জানলা”। বহুদিন লোকগণনা হয় নি, কিন্তু ধরে নেওয়া হয়েছে যে লেবাননে মুসলমান থেকে খ্রিস্টানের সংখ্যা বেশি।

* ইংগ-মার্কিন খালিসী দলের প্রস্তাবে মেনে নিতে গিয়ে ফরাসীদেশের ২৪শতম মন্ত্রীতার পদন হয়েছে। এ-পদত্যাগ সংবাদ করার সময় ফ্রান্স ক্যান্টনেটহীন।

এবং সৈ-জনেই লেবানন মধ্যত পশ্চিমমুখী। সৈ-লেবাননেও এখন যে বিরাট আগুন জ্বলছে তার প্রশমন হবে তখনই যখন লেবাননের জনসাধারণ পশ্চিমী প্রতাপ থেকে নিজেদের মুক্ত করতে পারবে।

‘খীরে বহে নীলের’ মূল প্রবন্ধগুলির পাঠক সৌদী আরব ও লেবাননের সাম্প্রতিক ঘটনাবিন্যাসে নিশ্চয় বিস্মিত হন নি। ঘটনাপ্রবাহের বর্তমান অভিব্যক্তির ইঙ্গিত মূল প্রবন্ধে তিনি প্রচুর পেয়েছেন। বন্ধুর পথে আরব এগিয়ে চলেছে নতুন প্রভাবের মূর্ধে। তার ক্রেশবহুল যাত্রার যৌদিন শান্ত পরিণতি আসবে, সভ্যতার অন্যতম আদি জন্মস্থানে আবার নতুন করে মানব-গৌরব প্রতিষ্ঠিত হবে।

সৌদী আরবের কথাই ধরা যাক। সুয়েজোত্তর পরিস্থিতিতে রাজা সৌদ ভিড়লেন পশ্চিম-শিবিরে। নিহান্ত বেপরোয়া হয়েই তাঁকে এ-কাজ করতে হয়েছিল। সৌদী আরবের মানবও যে জেগে উঠেছে, তারা রাজার কঠোব স্বেরাচার আর বরদাস্ত করতে রাজী নয়, একথা অবশ্য সৌদ মানতে চান নি। কিন্তু রাজপরিবারেই যে তাঁর বিরুদ্ধে দল পাকিয়ে উঠেছে—যাব পবিচয় আমরা আগেই দিয়েছি—সে-সংবাদ তাঁর জানা ছিল। বসন বিলাসের দাবি মেটাতে তিনি আরামকোর তহবিল থেকে অনেক টাকা আগাম নিয়ে বসে-ছিলেন; সুয়েজ সংকটের সময় সিরিয়ার পাইপলাইন নষ্ট করে দেওয়ায় এবং সৌদের নিজেরই মিশর-পন্থী নীতির ফলে তেল-শিল্পের সমূহ ক্ষতি হয়ে-ছিল। আরামকোর অর্থ ছাড়া সৌদী আরবের গাঁত নেই, তাই সৌদের উপর মার্কিন তেলপতিদের প্রভাব ভয়ানক। তা ছাড়া, এক আরবদেশের বাজ-সিংহাসন টললে তার কম্পন অন্য সিংহাসনগুলিকেও গভীর ভাবে নাড়া দিতে বাধ্য। জর্ডনের সিংহাসন টলে উঠতেই রাজা সৌদও ভয়ানক আতঙ্কিত হলেন। আপনি বাঁচলে বাপের নাম। সৌদের প্রধান দঃশিচ্তা হল নিজের রাজত্ব বাঁচিয়ে রাখা। তিনি বিচার করলেন, এর একমাত্র উপায় মার্কিন ছত্র-চ্ছায়ার ইরাক ও জর্ডনের সঙ্গে মিলিত হওয়া।

কিন্তু বিচারে সৌদের একটা বড় রকমের ভুল হল। তিনি যাদের একে-বারে উপেক্ষা করলেন সেই তার প্রজারাই তাঁর এই নতুন নীতির বিবুদ্ধে আওয়াজ তুলল। যা কয়েক বছর আগে কেউ ভাবতে পারে নি তাই সম্ভব হল—সৌদী আরবের “পশ্চাৎপদ উপজাতি”গুলি ছোট-বড় জনসভায় তাদের নৃপতির নিন্দা করে প্রস্তাব গ্রহণ করে, করল। রেডিওয়ে এই সৌদিনও সৌদী আরবে নিষিদ্ধ ছিল। এখন দেখা গেল মার্কিন তেলশিল্পে গঠিত নতুন পরস-ওয়াল শ্রেণী নিয়মিত কাইরো রেডিওয়ে মহা-উৎসাহে শুনতে লেগেছে। এদিকে নিয়মিত অপচয়ের ফলে সৌদী আরবের রাজস্ব প্রায় নিঃশেষ। রাজ-পরিবারেই গভীর অসন্তোষ দেখা দিল। কয়েকটি বড় বড় সমাজসেবী পবি-কম্পনার কাজ বন্ধ হয়ে গেল। সৌদ মার্কিন সাহায্য চাইলেন। কিন্তু বৃদ্ধলেন, মার্কিন সাহায্যই তাঁকে বাঁচাতে পারবে না।

এই বেপরোয়া পরিস্থিতিতে এবার তিনি যা করে বসলেন তা আরও মারাত্মক। মিলিত আরব প্রজাতন্ত্র বিঘোষিত হবার অবাবাহিত পরে নাসের গেছেন ডামাস্কাসে। সিরিয়ার জমতা বিপুল উৎসাহে তাদের নতুন নেতাকে বন্দনা করছে। সৌদ এই সময়ে এক ভয়ংকর বড়বস্ত্রের জাল ফেললেন।

বহুদিন সৌদী আরবের রাজশ্বেশ্বর একটা মোটা অংশ অন্যান্য আরবদেশে সৌদের ইচ্ছামত অবস্থা সৃষ্টির প্রয়াসে অকাতরে ব্যয়িত হয়ে এসেছে। কিন্তু এবার সৌদের চালে ভয়ানক ভুল হল। তিনি নিজে এ-ষড়যন্ত্রের সঙ্গে প্রত্যক্ষ ভাবে কতখানি জড়িত ছিলেন তা জানা যায় নি; কিন্তু তাঁর সম্মতি যে ছিল সে-বিষয়ে সন্দেহের অবকাশ কম। সৌদের সিরীয় শ্বশুর ষড়যন্ত্রের কর্ণধার হলেন। উদ্দেশ্য, ডামাস্কাসে উপস্থিতির সময় নাসেরকে হত্যা করা হবে, এবং তা হলেই মিশর-সিরিয়ার ম্যনিয়ন বানচাল হয়ে যাবে। এ-উদ্দেশ্য নিয়ে সৌদের শ্বশুর যার কাছে হাজির হলেন তিনি জেনারেল বিজরী—নাসেরের অন্যতম প্রধান মন্ত্রিণী, এবং সিরিয়ার মিলিটারী গোয়েন্দা বিভাগের প্রধান। সৌদের শ্বশুর বিজরীকে বিচার করলেন পদ্রাতন সিরীয় মাপকাঠিতে। ভাবলেন, এই প্রতিপত্তিশালী নবীন সামরিক নেতার নিশ্চয় আছে ব্যক্তিগত রাজনৈতিক উচ্চাশা; সুযোগ পেলে নাসেরকে হত্যা করে সিরিয়ার ক্ষমতা হস্তাগত করতে নিশ্চয় তিনি লোভী হয়ে উঠবেন।

জেনারেল বিজরীর নিকট যে-প্রস্তাব নিয়ে হাজির হলেন সৌদের শ্বশুর মশাই তার প্রধান শর্তগুলি এই নাসের ডামাস্কাস থেকে বিদায় নেবার সময় তাঁর উড়োজাহাজকে আক্রমণ করে তাঁকে হত্যা করতে হবে। সেজন্য বিজরী দু'কোটি পাউন্ড অর্থ পাবেন—এবং তার উপর, পাবেন বিশ লক্ষ পাউন্ড অগ্রিম। নাসের হত্যার পর তাঁকে সিরিয়ার প্রেসিডেন্ট করা হবে। বিজরীকে বলা হল, এই প্লানে মার্কিন ও ব্রিটিশ সম্মতি রয়েছে।

বিজরী প্রথম সাক্ষাতকারের পরেই ষড়যন্ত্রের কথা নাসেরকে গোপনে জানিয়ে দিলেন। এবার নাসের অপর এক চতুর কূটনৈতিক চাল খেললেন। বিজরীকে বলা হল, তিনি যেন ষড়যন্ত্রে তাঁর সম্মতি আছে এমন ভাব দেখান। অগ্রিম বিশ লক্ষ পাউন্ড অর্থও যেন গ্রহণ করেন। যতটা সম্ভব ষড়যন্ত্রের দলিলপত্র সংগ্রহ করেন। তারপর যথাসময়ে ব্যাপারটা ফাঁস করে দিলে আরব জনমত সৌদের কার্যকলাপ সম্বন্ধে এতই বীতরাগ হবে যে হয় সৌদকে তাঁর মূল-নীতির সম্পূর্ণ পরিবর্তন করতে হবে, নয়তো ত্যাগ করতে হবে রাজত্ব।

নাসের যখন ডামাস্কাসে, তখন এই সৌদী ষড়যন্ত্রের সংবাদ বিজরী নিজেই ঘোষণা করলেন। বিশ লক্ষ পাউন্ডের বে-চেক তাঁকে দেওয়া হয়েছিল তাব ফটোকপি এবং আরো অনেক দলিলপত্র এক সাংবাদিক বৈঠকে উপস্থিত করা হল। নাসের জানালেন, টাকাটা সিরিয়ার নতুন সমাজ নির্মাণে সৌদী আরবের দক্ষিণা হিসাবে নিয়োজিত হবে। মার্কিন সরকার ষড়যন্ত্র বিষয়ে ন্যূনতম জ্ঞানও অস্বীকার করলেন, কিন্তু সৌদী আরব সরকার ব্যাপারটাকে অস্বীকার করতে পারলেন না। রিয়াদ থেকে এক ঘোষণাপত্রে সৌদ জানালেন তিনি এ-বিষয়ে ব্যাপক তদন্তের আদেশ দিয়েছেন।

এই ভুল চালের ফল হল সৌদী আরবের রাজপরিবারে বিদ্রোহ। সৌদের ভাই ও পুত্রদের অধিকাংশ দাবি করলেন তিনি তাঁর নীতির আমল পরিবর্তন করুন—সৌদী আরবকে বর্তমান যুগের সঙ্গে পা ফেলে চলতে দিন। সৌদ বেশিদিন প্রতিরোধ করতে পারলেন না। রাজশ্বেশ্বর মারিদ্দা, জনমনের বর্ধমান অসন্তোষ এবং রাজপরিবারে বিদ্রোহের সম্ভাবনা তাঁকে নতুনের দাবি মেনে নিতে বাধ্য করল। তিনি প্রাত্যহিক জলকে প্রধান মন্ত্রী হতে অনুরোধ

করলেন। ফয়জলের পরিচয় এই গ্রন্থে ইতিপূর্বেই দেওয়া হয়েছে। দীর্ঘ-দিন আমেরিকার অবস্থান করে ফয়জল তখন সবেমাত্র রিয়াদে প্রত্যাবর্তন করেছেন; পথে, কাইরোতে কয়েকদিন থেকে, নাসেরের সঙ্গে আরব পরিস্থিতি বিষয়ে তাঁর আলোচনা হয়েছে। ফয়জলের সঙ্গে সৌদের পার্থক্য উল্লেখযোগ্য—যদিও তাঁরা সহোদর। ফয়জল সুশিক্ষিত, বুদ্ধিমান। সৌদ অল্প-শিক্ষিত। ফয়জল আরব জাগরণে বিশ্বাসী, রাজতন্ত্রে তাঁর আস্থা নেই। তিনি নাসের-নেতৃত্বের প্রশংসক। ফয়জল একপন্থীক; সৌদের অনেকগলি পন্থী। ফয়জলের প্রধান দর্বলতা তাঁর ভ্রম স্বাস্থ্য।

তিনিটি শর্তে ফয়জল সৌদী আরবের প্রধান মন্ত্রী গ্রহণ করলেন। কোনো বিষয়ে সৌদ হস্তক্ষেপ করতে পারবেন না, যদিও সবকিছু তাঁরই নামে করা হবে। পূর্ণ আর্থিক ক্ষমতা ছেড়ে দিতে হবে ফয়জলের হাতে। একটা নির্দিষ্ট অর্থের বেশি সৌদ নিজের জন্য ব্যয় করতে পারবেন না।

এই তিন শর্ত মেনে নিয়ে সৌদ নামেমাত্র রাজা রইলেন। ফয়জল তাঁর প্রথম নীতি-ঘোষণার নতুন শাসন ব্যবস্থার দৃষ্টিভঙ্গীর কিছুটা পরিচয় দিলেন মে মাসে। যে-পররাষ্ট্রনীতির আভাস তিনি দিলেন তাব সঙ্গে মিশর-সিরিয়ার বৈদেশিক নীতির তফাত নেই। এ-নীতির ভিত্তি অদলীয় নিরপেক্ষতা। ফয়জল জানালেন, সৌদী আরব কোনো আরব গোষ্ঠীতে যোগ দেবে না, মিলিত আরব প্রজাতন্ত্র এবং জর্ডন-ইরাক আমেল উভয়ের সঙ্গেই সম্ভাব্য বেথে চলবে। সে মার্কিন বন্ধুত্ব স্বাগত করবে যদি এ-বন্ধুত্বের খাতিরে তাকে অন্য কোনো আরবদেশের বিরুদ্ধাচার না করতে হয়, এবং মার্কিন নীতি যদি ইজরেইলকে শক্তিশালী করে না তোলে। ইরাকের সঙ্গে সে স্বাভাবিক সম্পর্ক পুনঃস্থাপন করতে রাজী, যদি ইংরেজ বারেইমী, ওমান ও এডেন অঞ্চলে জাতীয়তাবাদী আরব-দাবী স্বীকার করে নেয়। অর্থাৎ ইউনাইটেড আরব রিপাবলিকে যোগ না দিয়েও ফয়জল সৌদী আরবকে পশ্চিমী তাবোদারী থেকে উদ্ধার করাই প্রথম কর্তব্য বিবেচনা করলেন। সৌদের আমলে সৌদী আরব থেকে অনেক মিশরী উপদেষ্টা, শিক্ষক ও টেকনিশিয়ান বিতাড়িত হচ্ছিলেন। ফয়জল এই বিতারণ বন্ধ করলেন এবং তাড়িত অনেককে ফিরিয়ে আনলেন। নাসেরের সঙ্গে তাঁর বন্ধুত্ব প্রতিষ্ঠিত হল।

ফয়জলের কঠিনতম সমস্যা আভ্যন্তরীণ। সৌদী আরবের সামাজিক, রাজনৈতিক ও আর্থিক অবস্থাকে এ-যুগের উপযুক্ত করে তোলাই তাঁর প্রধান কাজ। এখন সৌদী আরবে পার্লামেন্ট নেই, নির্বাচন বাজেট নেই, মন্ত্রী-সভার কোনো জবাবদিহি নেই। প্রকাশ্য দিবালোকে অপরাধীর মাথা বা অঙ্গ কেটে ফেলা হয়; শত শত জনতার চোখের সামনে অপরাধী নারীকেও পাথর ছুঁড়ে হত্যা করা হয়। ফয়জলকে এ-সব ব্যবস্থার পরিবর্তন করে সৌদী আরবকে একটি আধুনিক রাষ্ট্রে পরিণত করতে হবে। এ-পথে চলতে গিয়ে রাজতন্ত্র বজায় থাকবে কিনা সে-প্রশ্নের জবাব দেওয়া এখন কঠিন। দীর্ঘ-কাল যে থাকবে না, এ-অন্যমন কালোপযোগী। রাজতন্ত্রের অস্তিত্ব নির্ভর করবে কতখানি উন্নত দৃষ্টি নিয়ে সে জনতার অগ্রগতির সঙ্গে পা ফেলে চলতে পারে, জনমানসের চাহিদা মেটাতে পারে, তার উপর।

নাসের তখন সিরিয়ার গিরেছিলেন তখন লেবাননের প্রায় তিন লাখ নাগরিক

সীমান্ত অতিক্রম করে তাঁকে অভিবাদন জানাতে হাজির হয়েছিল। এদের মধ্যে ছিলেন বিভিন্ন রাজনৈতিক দলের নেতা, লেবানন পার্লামেন্টের সদস্যগণ, কলেজ-পড়া তরুণতরুণী, কারখানার কাজ-করা শ্রমিক, লাগল-ধরা চাষী, এমন-কি কয়েকজন বয়সে-ভেঙ্গে-পড়া বৃদ্ধা, যারা এসেছিলেন জননীর আশীর্বাদ নিয়ে।

এ অপূর্ব জনসম্ভাষণ লেবাননে নাসের-নীতির জনপ্রিয়তা নিঃসন্দেহে প্রকাশ করেছিল। লেবাননের শাসকগোষ্ঠী তখনই প্রমাদ গন্যেছিলেন। তাঁরা বৃথাতে পেরেছিলেন যে লেবাননে ঝড় আসন্ন। এ-ঝড়কে যে সম্প্রদায়িক ভারসাম্য এতদিন আটকে রেখেছিল তার পরিচয় পাঠক আগেই পেয়েছেন। ক্রিষ্টিয়ান সম্প্রদায়ের মধ্যে একশ্রেণীর লোকেরা বাহুবলে রাজনৈতিক সমস্যা একটা মিটমাট করার জন্যে অস্থির হয়ে উঠেছিল। শুধু অপেক্ষা করছিল একটা সুযোগের যে-সুযোগ শীঘ্রই দেখা দিল।

লেবাননের প্রেসিডেন্ট সংবিধান অনুযায়ী স্বতীয়বার নির্বাচনে দাঁড়াতে পারেন না। প্রেসিডেন্ট শামুন আমেরিকার দরদী বৃদ্ধ। যে-গোষ্ঠী বর্তমানে লেবাননের শাসনভার পরিচালনা করেন তার নেতা শামুন। তিনি ঘোষণা করলেন যে আসন্ন নির্বাচনে স্বতীয়বার প্রেসিডেন্ট পদের জন্যে প্রার্থী হবেন এবং তার রাস্তা পরিষ্কার করা হবে সংবিধানকে সংশোধন করে। এই বে-আইনী প্রস্তাবে বিরোধী জনমত অস্থির ও অসংঘত হয়ে উঠল। মে-মাসের প্রথমে বিরোধী দলগুলি শান্তিপূর্ণ হরতালের আয়োজন করল। কিন্তু হরতাল শব্দ হবার সঙ্গে সঙ্গেই শামুন-পক্ষীয় লোকেরা হরতালকারীদের সহিংস আক্রমণ করতে থাকে। ফলে যে-আগুন জ্বলে উঠল, তাতে লেবাননের দেহমন এখনও পুড়েছে। লেবাননের বড় বড় শহরে এবং রাজধানী বেরুটে বহুবার রীতিমত যুদ্ধ হয়ে গেছে; কিন্তু এখনও যুদ্ধের আগুন নেভে নি। লেবাননের সরকার অভিযোগ করেছেন যে প্রতিবেশী মিলিত আরব রাষ্ট্র থেকে দারুণ হস্তক্ষেপ করা হয়েছে লেবাননের আভ্যন্তরীণ সমস্যায়। এ-অভিযোগ উঠেছে স্বস্তি পরিষদে এবং আরব লীগে। লিবিয়ার রাজধানী ত্রিপোলীতে মিলিত হয়ে আরব লীগ এ-অভিযোগের মথার্থ নিরূপণ করতে অক্ষম হয়ে-ছেন। স্বস্তি পরিষদ তিনটি দেশের প্রতিনিধি নিয়ে তৈরী একটি পর্যবেক্ষক কমিশন পাঠিয়েছেন লেবাননে, আর এ-কমিশনকে সাহায্য করার জন্যে কিছু সামরিক বল। কমিশনের তিন সদস্যের অন্যতম ভারত। বিরোধীদলগুলি প্রথমত এ-কমিশনকে গ্রহণ করতে অস্বীকার করেছিলেন। কিন্তু যখন জানা গেল যে কমিশনে ভারতের প্রতিনিধি থাকবেন তখন বিরোধী ফ্রন্ট কমিশনের সঙ্গে আলোচনা করতে স্বীকৃত হলেন। এ-কমিশনের কাজ মিশর-সিরিয়া থেকে হস্তক্ষেপের বাস্তবতা যাচাই করা। পর্যবেক্ষণ এবং রিপোর্ট পাঠানো ছাড়া এর আর কোনো দায়িত্ব নেই।

লেবাননের বর্তমান পরিস্থিতি স্বভাবতই আমেরিকা এবং বৃটেনকে শঙ্কিত করেছে। লেবানন যদি নাসের-পন্থী হয়ে উঠে, তাহলে একদিকে যেমন মিলিত আরব প্রজাতন্ত্র আরও শক্তিশালী হবে, অন্যদিকে জর্ডন-ইরাক আমেন হবে ততই দুর্বল এবং আরব অঞ্চলে পশ্চিমী প্রতাপ আরও অনেক-খানি কমে যাবে। আগেই বলা হয়েছে যে লেবানন ও সিরিয়ার পৃথক অস্তিত্ব

সর্বাদিক থেকে অস্বাভাবিক। লেবাননের আর্থিক জীবন সিরিয়ার উপরে একান্ত নির্ভরশীল। লেবাননের পণ্যপ্রবাহ সিরিয়ার রপ্তানী বন্ধ হলে লেবাননের আর্থিক জীবন পঙ্গু হতে বাধ্য। বর্তমান সংকটের অন্যতম ফল হয়েছে এই আর্থিক সমস্যা। সিরিয়ার সীমান্ত বন্ধ করে দেওয়া হয়েছে এবং সেই সঙ্গে লেবাননের আর্থিক স্বাস্থ্যও ভেঙে পড়েছে।

আতঙ্কিত হলেও আমেরিকা লেবাননের সংকটে সামরিক হস্তক্ষেপ এখনও করে নি। লেবাননের অনুরোধে সে অস্ত্র পাঠিয়েছে এবং সৈন্য পাঠাবার হুমকিও দিয়েছে বার বার। আমেরিকার ষষ্ঠ নৌবাহিনী ভূমধ্যসাগরে লেবাননের কাছাকাছি উপস্থিত। ডায়েস বলেছেন, দরকার হলেই এ-নৌবাহিনী লেবাননে সৈন্য পৌছাতে পারবে। কিন্তু সৈন্য পাঠাবার দায়িত্ব মার্কিন সরকার এখনও গ্রহণ করেন নি। আইসেনহাওয়ার ডকট্রিনে লেবাননের বর্তমান অবস্থায় সৈন্য পাঠাবার ব্যবস্থা নেই। যদি কোনো আরবদেশ আন্তর্জাতিক সাম্রাধিপ্য দ্বারা আক্রান্ত হয় তাহলেই আইসেনহাওয়ার ডকট্রিন অনুযায়ী আমেরিকা সৈন্য ও অস্ত্র দিয়ে সে আরবদেশকে সাহায্য করতে পারে, অবশ্য যদি তার গভর্নমেন্ট সাহায্য চায়। কিন্তু যদি কোনো আরবদেশ অন্য এক আরব দেশ দ্বারা আক্রান্ত বা শঙ্কিত হয়, সে-ক্ষেত্রে আইসেনহাওয়ার ডকট্রিন প্রযোজ্য নয়। তাছাড়া মার্কিন নীতি বর্তমানে নাসেরের সঙ্গে একটা নতুন বোঝাপড়ার স্থানী। লেবাননে প্রত্যক্ষ সামরিক হস্তক্ষেপ এ-বোঝাপড়ার সম্ভাবনাকে একেবারে বিনাশ করবে। অপরপক্ষে, সোবিয়েত গভর্নমেন্ট পরিস্কার জানিয়ে দিয়েছেন যে লেবাননে মার্কিন সামরিক হস্তক্ষেপ তাঁরা সহ্য করবেন না। অর্থাৎ আমেরিকা যদি লেবাননের গভর্নমেন্টকে সৈন্যস্বারা সাহায্য করেন, তাহলে সোবিয়েত সরকার হয়তো বিরোধীফ্রন্টকে অনুদান সাহায্য দেবেন। একদিকে রুশ হুমকি, অন্যদিকে নাসেরের সঙ্গে বন্ধুত্বের আগ্রহ আমেরিকার লেবানন নীতিকে স্বেচ্ছাস্থ ও দুর্বল করেছে। বর্তমান পরিস্থিতিতে মনে হয় যে সৈন্য নিয়ে মার্কিন হস্তক্ষেপের সম্ভাবনা নাও দেখা দিতে পারে। বর্তমান পরিস্থিতি যে বহুদিন চলতে পারে না এ-কথা বলাই বাহুল্য। ইতিমধ্যেই শামুন তাঁর দ্বিতীয়বার প্রেসিডেন্ট হওয়ার ইচ্ছা ত্যাগ করেছেন। বিরোধীফ্রন্টের বর্তমান দাবি শামুনের পদত্যাগ। সংঘর্ষের অন্তরালে আপোষের নানারকম চেষ্টা চলছে। শামুনদলের রাজত্বের অবসান যে আসন্ন তাতে আর সন্দেহ নেই। বর্তমান লেখকের বিশ্বাস যে আগামী এক বছরের মধ্যে লেবাননে এমন এক গভর্নমেন্ট প্রতিষ্ঠিত হবে যার দৃষ্টিভঙ্গি হবে নাসেরবাদী এবং যার প্রচেষ্টা হবে লেবাননকে আরব প্রজাতন্ত্রে মিলিত করা। দূরদৃষ্টি দিয়ে বিচার করলে মনে হয় এ-মিলনের খুব বেশী দেরি নেই।

“আরব ঐক্যের পথে” প্রবন্ধে মিলিত আরব যুক্তরাষ্ট্র গঠনের অদূর পরিণাম যে-রকম অনুমান করা হয়েছিল গত কয়েকমাসের ঘটনাবলী সে-পথেই চলে এসেছে। বলা হয়েছিল যে শক্তিশালী এক বৃহত্তর আরব রাষ্ট্রের জন্ম আরব জাতীয়তাবাদকে পশ্চিমের চোখে শ্রদ্ধা করে তুলবে। মে মাসে নাসের সোবিয়েত রাষ্ট্রশ্রদ্ধা ভ্রমণ করে এসেছেন। সেখানে সোবিয়েত সরকার ও জনগণ তাঁকে বিপুলভাবে সম্বর্ধনা করেছিলেন। এই ভ্রমণের ফলে নাসেরের

সঙ্গে সোষিত সরকারের যে নতুন সমঝোতা হয়েছে তাতে মিলিত আরব বক্তৃ-
রাষ্ট্র এবং তার অন্তর্গত এমন ষেখ্রেট পরিমাণ রুশ সাহায্য পাবে বিভিন্ন
উন্নয়ন পরিকল্পনা বাস্তবে রূপান্তরিত করতে।

নাসের মস্কো যাওয়ার পূর্বেই মার্কিন পররাষ্ট্র দপ্তর আরব প্রজাতন্ত্রের
সঙ্গে নতুন করে বন্ধুত্বপূর্ণ সম্পর্ক প্রতিষ্ঠার সুযোগ খুঁজতে শুরুর করে-
ছিলেন। বর্তমানে মার্কিন সরকারী মহলে এই বিশ্বাস হয়েছে যে সিরিয়া
মিশর অঞ্চলে রুশ প্রভাব সীমায়িত করতে হলে নাসেরকে মার্কিন সাহায্য
দিতে হবে। মার্কিন উৎসাহে ভূতপূর্ব সুয়েজ খাল কোম্পানীর অংশীদার-
দের ক্ষতিপূরণ দেবার জটিল সমস্যারও সম্ভাব্যজনক মীমাংসা হয়েছে। আশা
করা যায় যে এ-বছর উত্তীর্ণ হবার আগেই বৃটেনের সঙ্গে আরব প্রজাতন্ত্রের
কূটনৈতিক সম্পর্ক পুনঃস্থাপিত হবে। ফরাসী সরকারের সঙ্গে কূটনৈতিক
সম্পর্ক পুনঃস্থাপনের অন্তরায় আলজেরিয়া। যদি দ্য গল উত্তর আফ্রিকা
সমস্যার সমাধানে কৃতকার্য হন তাহলে নাসেরের সঙ্গে মিত্রতায় আগ্রহ প্রকাশ
করাই তাঁর পক্ষে স্বাভাবিক।

সুতরাং দেখা যাচ্ছে যে মিশরী বিপ্লবের ষষ্ঠ বছরে নাসের আরব জাতির
শ্রেষ্ঠ নেতার ভূমিকায় বিশ্ব-স্বীকৃতি অর্জন করেছেন। মহম্মদ আলির পরে
আরব অঞ্চলে বিরাট, গৌরবজ্বল ভূমিকায় এই প্রথম আরেকজন নেতার
আবির্ভাব। ইতিহাসের পুনরাবৃত্তি কখনোই পুরোপুরি হয় না। মহম্মদ
আলি ছিলেন বিদেশী—নাসের আরবের ঘরের মানুষ। মহম্মদ আলি
সাম্রাজ্যলিপ্সু বিজয়ী—নাসের আরব স্বাধীনতার অগ্রগামী পুরোহিত।
মহম্মদ আলি বাহুবলে সাম্রাজ্য জয় করতে চেয়েছিলেন—নাসের আদর্শবলে
আরব হৃদয়-সাম্রাজ্য জয়ের অভিলাষী। মহম্মদ আলীর সময়ে পশ্চিমী
সাম্রাজ্যবাদ ছিল গৌরবের শিখরে—আজ তা অস্তগামী। বৃটেন ছিল সে-সময়
এমন সাম্রাজ্যের মালিক যার উপর সূর্য কখনও অস্ত যেত না। আজ বৃটিশ
সাম্রাজ্যের শেষ ঘনায়িত।

আরবের একালের ইতিহাসে যে-কোনজন নেতার আবির্ভাব হয়েছে নাসের
নিঃসন্দেহে তাঁদের সবার বড়। তাই আরব সমাজে তাঁর স্থান ইতিহাসে
নজীরহীন। লক্ষ লক্ষ আরব তাঁকে অভিষেক করে বলেছে, “নাসের, আমা-
দের প্রাণ তোমার জন্যে—Take Our Lives.” বর্তমান বছরের ফেব্রুয়ারীতে
নতুন রাষ্ট্রের প্রেসিডেন্ট নির্বাচনের প্রাক্কালে যে-ভাষায় মিশর-সিরিয়ার
পশ্চিমাঞ্চল নাসের-বন্দনা করেছিল, তার নমুনা এ-রকম :

“We, the Arab people of Syria and Egypt, shall today pro-
claim by our free will that we elect Gamal Abdul Nasser as
President of the United Arab Republic. We shall give our votes
to the leader who represents the Arab peoples of Syria and
Egypt, the strong and sincere man who has led our bitter struggle
with courage, patience, wisdom, competence and faith.

“We shall give our votes to the man who has emerged from
the masses and who talks our own language and is animated by
our own sentiments, the man who tied his destiny with ours, who
has lived for us and who has been not only a leader, but a friend

and a brother. He has gone with the people through thick and thin.

"We give our votes to the man who has loved us, who has driven imperialists out of the fatherland and who has restored to us our usurped rights and who has made us enjoy prestige and dignity.

"We shall give our votes to the man who has had profound faith in the Arab peoples and who has had at heart the interests of the entire Arab nation, strongly defending their right to liberty, independence and a life of dignity and prosperity.

"We shall give our votes to the man who has invariably held that to raise the standard of life of the people is the bounden duty of the rulers and the ruled.

"We give our votes to the man who has planned, and is carrying out, Egypt's industrialisation and who has surmounted every obstacle, inspired with the firm belief that the will of the people carries everything before it.

"We give our votes to the brave and patriotic leader who saw the light in a modest house and who was brought up in a modest popular environment."

Al Gomhouria মিশরের সরকারী মূখপত্র বলে পরিচিত। তাব এই প্রশস্তি বিশেষভাবে প্রাণধানযোগ্য। নাসেরকে মিশর-সিবিয়ার আরবগণ রাষ্ট্রপতি নির্বাচন করবে, কেননা, তিনি (১) মিশরের স্বরাজ পূর্ণ করেছেন ও পূর্ণ-স্বরাজের পথ দেখিয়েছেন, (২) তিনি সমস্ত আরবজাতির প্রকৃত স্বার্থের ও ঐক্যের সেবক, (৩) তিনি সাধারণ ঘরের মানুষ, সাধারণের জন্যে দরদী, তিনি ধনী নন, সামন্ত-স্বার্থকে বড় করে দেখেন না, তিনি সাধারণ আরবের জীবনমান উন্নততর করতে প্রতিজ্ঞাবদ্ধ, এবং তিনি মিশরকে শিল্প-সমৃদ্ধ করে তুলতে বদ্ধপরিকর।

এ-প্রশস্তিতে যে-সুদূর বঙ্কিত হয়েছে তা হল, নাসের অত্যন্ত আপনাব লোক, সাধারণ ঘরে তাঁর জন্ম, সাধারণ মানুষের জন্যে তাঁর প্রাণ কাদে, তিনি শত্রু জনগণের পূর্ণ স্বরাজ ও আরব-ঐক্যের পথই দেখাবেন না, উন্নত জীবনে, শ্রেয়তর সমাজ ও সভ্যতার পথেও তাদের নিয়ে যাবেন।

নাসের বলেছেন, "Fate has so willed that we should be on the crossroads of the world."

সমস্ত পৃথিবীর প্রভাব পড়েছে আরবমানসে। পড়েছে জেগে-এঠা এশিয়ার প্রভাব, বাল্গুং মহাসম্মেলনে যা মূর্ত। পড়েছে মার্কিন গণতন্ত্রের প্রভাব। রুশ সাম্যবাদের প্রভাব। নাসের পুরাতনকে তাড়িয়ে নতুনকে কতখানি গড়তে পারেন এবার তাই হবে তাঁর পরীক্ষা। আরব-ইতিহাসে তাঁর মূখ্য ভূমিকা তিনি অর্জন করেছেন; এশিয়া আফ্রিকার জাগরণের ইতিহাসে তার গৌরবময় স্থান সুনিশ্চিত। কিন্তু যে-ভূমিকার তিনি আজ অবতীর্ণ তার পরিপূর্ণতা নির্ভর করবে আরব-সমাজের সুশৃঙ্খল বিবর্তনে।

অনেক আশায় দীপ তিনি জ্বালিয়েছেন অনেক বৃকে, অনেক বাহুতে এনেছেন নতুন শক্তি। এবার এই দীপমালায় আলো, এই শক্তি-সচেতন উদ্যত

বাহুর মিছিল তাঁকে সঙ্গে-সঙ্গে রাখতে হবে। আরব চাইবে অধিকার, আরো অধিকার—তার স্বাধীনতার আকাশ প্রসারিত করতে হবে। সে চাইবে শিক্ষা, ভূমি, উন্নততর কৃষি, নতুন গ্রাম, নতুন শহর। সে চাইবে কাজ, শিক্ষা, সংস্কৃতি। চাইবে ভোট, গণতন্ত্র, সমাজবাদ। আরব স্থ্রীলোক চাইবে সমান সামাজিক ও রাজনৈতিক অধিকার। পদে-পদে জাগ্রত জনচেতনার সঙ্গে প্রতিষ্ঠিত মূল্যবোধের, স্বার্থের সংঘাত দেখা দেবে। আরব জনতা পৃথিবীর সঙ্গে সমান তালে চলতে চাইবে। তাদের সঙ্গে আগে আগে চলতে পারবেন কিনা গামাল আব্দু অল্ নাসের, তার ওপর নির্ভর করবে তার বর্তমান গৌরবদীপ্ত ভূমিকার পরিণতি। তার ঐতিহাসিক দৃষ্টি তাঁকে সর্বদা সতর্ক করেছে। নেপোলিয়ন? কেমাল আতাতুর্ক? সবাই সতর্ক করছেন হরুণ নাসেরকে।

উড়েছে তোমার ধ্বজা মেঘরশ্মিচ্যুত তপনের
জ্বলদর্চিরেখা,
চেয়ে আছি উর্ধ্বমুখে, পিঁজতে জানি না
কী তাহাতে লেখা।



